

DIVI BRUNONIS

CARTHUSIANORUM INSTITUTORIS

OPERUM TOMUS SEU PARS II

CONTINENS

EXPOSITIONES IN OMNES EPISTOLAS PAULI

RECENSITUS ET EMENDATUS

Studio ac labore P. Theodori PETREI, Campensis, Coloniensis Carthusiæ alumni; idque de voluntate reverendissimi Patris generalis, totius ordinis ministri.

*Ego autem sicut oliva fructifera in domo Dei.
(Psal. li, vers. 10.)*

VENERABILI IN CHRISTO PATRI

BOMINO

HECTORI HÆNIO, VITENSI,

Carthusiæ Trevirensis Priori, ac provinciæ Rheni Visitatori prudentissimo.

Alphonsus, Aragoniæ rex, ut vir erat litteris et eorum cultoribus apprime deditus, cum aliquando de pretiosarum rerum jactura sermo haberetur, admodum reverende in Christo Pater, persancte affirmavit malle se gemmas, uniones ac margaritas, quas quidem possidebat in omnem terrarum orbem diffamatis-simas, quam libros qualescumque amittere: nimurum judicabat libros esse scientiarum scrinia, animorum pascua, divisorum oracula; nec damnosius hominem ab ulla re quam hisce conchis et cœnaliibus sapientiae abesse posse. Quod si ille nec immensis opibus æstimavit quoscumque libros, nullum quippe rebatur adeo insulsum reperiri quin micam aliquam sanæ doctrinæ saperet; quanto pretio pendant oportet Carthusiani clientes sanctissimi patriarchæ sui volumina, quibus religiosæ perfectionis medulla et incognita illa filii sæculi dulcitudo concluditur? Hæc profecto spiritualis penaria sunt, ad omnium alumnorum vestrorum necessitatem sic instructa, et sacræ Carthusianorum familie propria, alieno ut commeatu nihil egeat, iis vero deficientibus, mox exterorum ordinum implorare abundantiam cogeretur. Hæc domestica viridaria, quæ saluberrimas ægris sanisque animis herbas ac radices suppeditant. Hæc vestigia angelicæ doctrinæ, quam ut hæredes sui sequerentur, beatissimus Bruno tribus post se monumentis consignatam reliquit.

Ulterioribus supersedeo; jam enim conspicaris, venerabilis in Christo Pater, quem in scopum hujusmodi a me commemorari cepta sint, videlicet ut satis tibi factum judices semestri industria mea, qui curas et facultates eo contuli, quo hæreditaria illa suppellex operum divi patriarchæ vestræ a pulvere ac squa-lore errorum tandem detergeretur, et vestigia, quæ dixi, cœlestis doctrinæ, usu et temporis diuturnitate proponendum deleta, reformarem. Atque hæc omnia zelo excitatus R. P. V., quæ a præsenti interitu vindicavit in Lotharingia Carthusiam Rutilanam; Trevirensem vero ea vigilantia hucusque tuetur, citius ut Argum fallas, quam in illam vitii facies, excubante Hectore Hænio, irrepatur.

Quæ cum ita sint, sicut dubitare nolim quin clarissimis utilissimisque passim facinoribus ipsius omnes
PATROL. CLIII.

boni nimiopere afficiantur, ita et secundum hunc tomum prefati D. Brunonis, quem ad universi S. ordinis vestri emolumentum recudi, et R. P. V. singulatim nuncupare visum est, gratum optatumque ipsi obveniaturum confido. Valeat.

Colonia Agripp., prid. Kalend. Octob. 1611.

Venerabilis in Christo . v.

observantiss.

BERNARDUS GUALTERI, civis et bibliopolis
Coloniensis.

DIVI BRUNONIS

EXPOSITIO IN EPISTOLAS PAULI.

S. HIERONYMI

I PRÆFATIO IN EPISTOLAS PAULI.

Primum quæritur quare post Evangelia, quæ supplementum legis sunt, et in quibus nobis exempla et præcepta vivendi plenissime digesta sunt, voluerit Apostolus has Epistolas ad singulas Ecclesias destinare. Hac autem causa factum videtur, ut scilicet initia nascentis Ecclesiæ, novis causis existentibus, præveniret, et ut præsentia atque orientia ressecaret vitia; et post futuras excluderet quæstiones, exemplo prophetarum, qui post editam legem Moysi, in qua omnia Dei mandata legebantur, nihilominus tamen doctrina sua rediviva semper populi compressere peccata; et propter exemplum vivendi, libros ad nostram etiam memoriam transmiserunt. Deinde quæritur cur non amplius quam decem Epistolas ad Ecclesias scripserit. Decem sunt enim, et ea quæ dicitur ad Hebreos; nam reliquæ quatuor ad discipulos specialiter sunt porrectæ. Ut ostenderet Novum non discrepare a Veteri Testamento, et se contra legem non facere Moysi, ad numerum primorum Decalogi mandatorum suas Epistolas destinavit; et quot ille præceptis a Pharaone instituit liberatos, totidem hic Epistolis a diaboli et idolatriæ servitute edocet acquisitos. Nam et duas tabulas lapideas, duorum testamentorum figuram babuisse viri eruditissimi tradiderunt. Epistolam sane quæ ad Hebreos scribitur, quidam Pauli non esse affirmant, eo quod non sit ejus nomine titulata, et propter sermonis stylique distantiam: sed aut Barnabæ, juxta Tertullianum; aut Lucæ, juxta quosdam; vel certe Clementis, discipuli apostolorum, et episcopi Romanæ Ecclesiæ post apostolos ordinati. Quibus respondendum est: Si propterea Pauli non erit quia ejus non habet nomen, ergo nec alicuius erit, quia nullius nomine titulatur; quod si inconveniens absurdumque est, ipsius magis esse concedenda est, quæ tanto doctrinæ sue fulget eloquio. Sed quoniam apud Hebraeorum Ecclesiæ

A quasi destructor legis falsa suspicione habebatur, voluit tacito nomine de figuris legis et veritate Christi reddere rationem, ne odium nominis in fronte prætitulati, utilitatem excluderet lectionis. Non est sane mirum si eloquentior videatur in proprio, id est Hebreo, quam in peregrino, id est in Græco, quo cæteræ Epistolæ sunt scriptæ, sermone. Movet etiam quosdam quare Romanorum Epistola in prînu sit posita, cum eam nou primo scriptam ratio manifestet. Nam hanc se proficiscentem Hierosolymam scripsisse testatur, cum Corinthios et alios jam ante, ut ministerium quod secum portaturus erat, colligerent, litteris adhortatus sit. Sed inde intelligi quidam volunt ita omnes Epistolas ordinatas, ut prima poneretur, quamvis posterior fuerit B destinata, ut per singulas Epistolas gradibus ad perfectiora veniretur. Romanorum namque plerique tam rudes erant, ut non intelligerent Dei se gratia et non suis meritis esse salvatos, et ob hoc duo inter se populi conflictarent. Idcirco illos indigere asserit corrigi, vitia gentilitatis priora commemorans. Corinthiis autem jam dicit scientiæ gratiam esse concessam, et non tam omnes increpat, quam cur peccantes non increpaverunt reprehendit; sicut ait: *Auditur inter vos fornicatio. Et iterum: Congregatis vobis cum meo spiritu, tradere hujusmodi Satanæ.* In secunda vero Corinthii laudantur, et ut magis ac magis proficiant commonentur. Galatae vero jam nullius criminis arguuntur, nisi hoc tantum, quod callidissimis pseudoapostolis crediderunt. Ephesii sane nulla reprehensione, sed multa laude sunt digni, quia fidem apostolicam servaverunt. Philippenses etiam multo magis collaudantur, qui nec audire quidem falsos apostolos voluerunt. Thessalonicenses nihilominus in duabus Epistolis omni laude prosequitur, eo quod non solum fidem inconcussam servaverint veritatis, sed etiam in per-

secutione civium suerint constantes inventi. *Colosenses* autem tales erant, ut, cum ab Apostolo visi corporaliter non fuissent, hac laude digni haberentur. *Etsi corpore, inquit, absens sum, sed spiritu vobis sum, gaudens, et videns ordinem vestrum* (*Colos. ii, 5*). De *Hebreis* vero quid dicendum est, quorum *Thessalonicenses*, qui plurimum laudati sunt, imitatores facti esse dicuntur. Sicut ipse ait:

A Et vos fratres imitatores facti estis Ecclesiarum Dei quae sunt in Iudea: eadem enim passi estis et vos a contribulibus vestris, quae et illi a Iudeis? (I Thes. ii, 4.) Apud ipsos quoque Hebreos eadem commemorat, dicens: Nam et vincitis compassi estis, et rapinam bonorum vestrorum cum gaudio suscepistis, cognoscentes vos habere meliorem et manentem substantiam (Hebr. x, 34).

PROLOGUS SPECIALIS IN EPISTOLAM AD ROMANOS.

Romani sunt qui ex Iudeis et gentibus crediderunt. Hi superba contentione volebant se alterutrum supponere. Nam Iudei dicebant: Nos sumus populus Dei, quos ab initio dilexit et fovit, nos circumcisi ex genere Abraham, sancta descendimus ex stirpe, et notus retro apud Iudeam tantum Deus. Nos de Aegypto signis Dei et virtutibus liberati, mare sicco pertransivimus pede, cum inimicos nostros gravissimi fluctus involverent. Nobis pluit manna Dominus in deserto, et quasi filii suis celeste panarium ministerravit. Nos die noctisque in columna nubis ignisque praecessit, ut nobis in invio iter ostenderet. Atque, ut cetera ejus circa nos immensa beneficia taceamus, nos soli digni fuimus Dei legem accipere, et vocem Dei loquentis audire, ejusque cognoscere voluntatem. In qua lege nobis promissus est Christus, ad quos etiam ipse se venisse testatus est, dicens: *Non veni nisi ad oves quae perierant domus Israel* (*Matth. xv, 24*); cum vos canes potius quam homines appellaverit. Aequumne ergo est ut idola hodie deserentes, quibus ab initio deservistis, nobis comparemini; et non potius in proselytorum locum ex legis auctoritate et consuetudine deputemini? Et hoc ipsum non merebamini, nisi quia larga semper Dei clementia voluit vos ad nostram imitationem admittere. Gentes etiam econtrario respondebant: Quanto enim majora ergo vos Dei beneficia narraveritis, tanto majoris vos criminis reos esse monstrabitis. Semper enim his omnibus exististis ingratii. Nam ipsis pedibus quibus aridum mare transistis, ludebatis ante idola quae fecistis; et ipso ore quo paulo ante ob necem adversariorum Domino cantaveratis, simulacra vobis fieri **3** posscistis. Illis oculis quibus venerando Deum in nube vel igne conspicere solebatis, simulacra inueniebamini. Manna quoque vobis fastidio fuit, et

B semper in deserto contra Dominum murmurastis: ad Aegyptum, unde vos manu valida ejecerat, redire cupientes. Quid plura? Ita patres vestri crebra provocazione Dominum irritaverunt, ut omnes in eremo morerentur, nec plus ex senioribus eorum quam duo homines terram reprobationis intrarent. Sed quid antiqua replicamus, cum, etiamsi illa minime fecissetis, de hoc solo nemo vos dignos venia judicaret quod Dominum Christum, prophetarum semper vobis vocibus reprobissimum, non solum suspicere noluistis, sed etiam morte pessima permisistis? Quem ut nos cognovimus, statim credidimus, cum nobis de eo antea non fuerit praedicatum. Unde probatur quod, si idolis servivimus, non obstinationis mentis, sed ignorantiae deputandum. Qui enim cognitum illico sequimur, olim utique sequeremur, si antea cognovissemus. Sic autem vos de generis nobilitate jactatis, quasi non morum imitatio magis quam carnalis nativitas filios vos faciat esse sanctorum. Denique Esau et Ismael cum de stirpe sint Abrahæ, minime tamen in filiis reputantur. His taliter altercantibus, Apostolus se medium interponens, ita partium dirimit quæstiones, ut neutrum eorum sua justitia salutem meruisse confirmet, ambo vero populos et scienter et graviter delinquisse: Iudeos quidem quod per prævaricationem legis Deum inhonoraverint; gentes vero quod, cum cognitum de creatura Creatorem ut Deum debuerint venerati, gloriam ejus in manu facta mutaverint simulacra: utrosque etiam, similiter veniam consecutos, æquales esse veracissima ratione demonstrat, presertim eum in eadem lege praedictum et Iudeos et gentes ad Christi fidem vocandos esse ostendat: quomobrem vicissim eos humilians, ad pacem et concordiam cohortatur.

ARGUMENTUM.

Romani sunt partis Italie. Hi præventi sunt a falsis apostolis, et sub nomine Domini nostri Jesu Christi in legem et prophetas erant inducti. Hos revocat Apostolus ad veram et evangelicam fidem, scribens eis a Corinthon, per Phœben, ministram Ecclesiæ Cenchrensis.

PROLOGUS B. BRUNONIS.

Paulus nondum Romam venerat, sed per quosdam discipulos ibi prædicantes, fidem suscepserant aliquot Romani, partim gentiles, partim Iudei, inter quos

erat inconveniens alteratio. Certabant enim Iudei se debere præferri gentilibus, et gentiles econtrario digniores Iudeis debere se fieri asserabant. Causa

Judeorum hæc erat, quia re promissio hujus salvationis facta erat patribus eorum, ut Abraham, David et cæteris; quia etiam et Deus illis dederat legem et prophetas, quæ omnia præsignabant salvationem per Christum futuram, gentium autem in nullo horum meminerat; ideoque eos digne præferendos esse gentibus in hac salvatione. Econtrario gentiles opponebant, ideo Judæos debere judicari indigniores, quia si Deus tantam eorum diligentiam habuerat, ut quæ præmissa sunt illis tribueret, ipsi in omnibus abusi fuerant bonis Dei: prævaricando legem quam dederat: contempnendo prophetas quos miserat: ad ultimum Salvatorem sibi missum damnantes crucis patibulo; quare potius in his deprimi quam exaltari deberent; sed ipsi gentiles merito præferri deberent, qui, ut primum audierunt verbum Dei, fidem suscepunt, et si ante non crediderant, quia nec legem nec prophetas habuerant, excusabiles sese asserebant. Quam seditionem quia discipuli, quorum prædicatione conversi fuerant, sedare non sufficiunt, miserunt ad Paulum, ut per magistrum [id] efficerent, ad quod auctoritas eorum insufficiens erat. Hac autem Paulus accepta occasione, scribit ad illos hanc epistolam, in qua materiam habes Romanos,

A seu gentiles, ad fidem conversos; de quibus in hunc modum agit: comprimendo primum gentiles, ne efferendo se, seu de sapientia, seu de libertate arbitrii, sieque detrahendo gratiæ Christi, arbitrentur se digniores in fide quibuslibet qui fidem suscepint, cum per gratiam Dei solam tides et salvatio tribuitur. Si enim de libero arbitrio se efferrunt, in eo utique plurimum rei sunt, cum habuerint naturalem scientiam, qua cognoscere possent creatorem suum sine omni docente, negligentes Creatorem, creaturem adoraverunt, et cætera multa, ad deprimentam elationem gentilium ponit. In depressione autem Judeorum, quia eos magis obstinatos sensit, quasi qui plures causas obtenderent, diutius immoratur, probans non esse superbiendum eis si legem et prophetas habuerunt, cum, in quibus placare Dominum debuissent, prævaricando semper offenderint Deum. Hæc et alia multa ad compescendos Judæos adducit, et eo fine sic agit ut utrosque, Judæos et gentiles, subjiciat gratiæ Dei, credentes nihil provenire Judæis ex genere, lege vel prophetis; neque gentilibus ex ignorantia quam obtendunt, seu ex libero arbitrio.

EPISTOLA AD ROMANOS.

CAPUT PRIMUM.

Paulus servus Jesu Christi, vocatus apostolus, segregatus in Evangelium Dei, quod ante promiserat per prophetas suos in Scripturis sanctis de Filio suo, qui factus est ei ex semine David secundum carnem, qui prædestinatus est Filius Dei in virtute, secundum Spiritum sanctificationis ex resurrectione mortuorum Jesu Christi Domini nostri, per quem accepimus gratiam et apostolatum, ad obediendum fidei in omnibus gentibus pronomine ejus: in quibus estis et vos vocati Jesu Christi; omnibus qui sunt Romæ dilectis Dei vocatis sanctis. Gratia vobis et pax a Deo Patre, et Domino nostro Jesu Christo. Primum quidem gratias agò Deo meo per Jesum Christum pro omnibus vobis: quia fides vestra annuntiatur in universo mundo. Testis enim mihi est Deus, cui servio in spiritu meo in Evangelio Filii ejus, quod sine intermissione memoriam vestri facio semper in orationibus meis: obsecrans, si quomodo tandem aliquando prosperum iter habeam in voluntate Dei veniendi ad vos. Desidero enim videre vos, ut aliiquid impertiar vobis gratiæ spiritualis, ad confirmandos vos: id est simul consolari in vobis, per eam que invicem est fidem vestram atque meam. Nolo autem vos ignorare, fratres, quia sæpe proposui venire ad vos, et prohibitus sum usque adhuc, ut aliquem fructum habeam et in vobis, sicut et in cæteris gentibus. Græcis ac Barbaris, sapientibus ac insipientibus debitor sum, ita quod in me promptum est et vobis, qui Romæ estis, evange-

lizare. Non enim erubesco Evangelium. Virtus enim Dei est in salutem omni credenti, Judæo primum, et Græco. Justitia enim Dei in eo revelatur ex fide in fidem, sicut scriptum est: Justus autem ex fide vivit. Revelatur enim ira Dei de celo super omnem impietatem et injustitiam hominum eorum qui veritatem Dei in injustitia detinent: quia quod notum est Dei, manifestum est in illis. Deus enim illis revelavit. Invisibilia enim ipsius a creatura mundi per ea quæ facta sunt intellecta conspicuntur, sempiterna quoque ejus virtus et divinitas, ita ut sint inexcusabiles. Quia cum cognovissent Deum, non sicut Deum glorificaverunt, aut gratias egerunt: sed evanuerunt in cogitationibus suis, et obscuratum est insipientis cor eorum. Dicentes enim se esse sapientes, stulti facti sunt. Et mutaverunt gloriam incorruptibilis Dei, in similitudinem imaginis corruptibilis hominis, et volucrum, et quadrupedum, et serpentum. Propter quod tradidit illos Deus in desideria cordis eorum in immunditiam, ut contumeliis afficiant corpora sua in semetipsis: quia commutaverunt veritatem Dei in mendacium, et coluerunt, et servierunt creature potius quam Creatori, qui est benedictus in sæcula. Amen. Propterea tradidit illos Deus in passiones ignominiae. Nam seminæ eorum immutaverunt naturalem usum, in eum usum qui est contra naturam. Similiter autem et masculi, reliquo naturali usu seminæ, exarserunt in desideriis suis in invicem: masculi in masculos torpidiudinem operantes, et mercedem, quam oportuit,

erroris sui in semetipsis recipientes. Et sicut non probaverunt Deum habere in notitia, tradidit illos Deus in reprobum sensum, ut faciant ea quæ non conveniunt : repletos omni iniquitate, malitia, fornicatione, avaritia, nequitia : plenos invidia, homicidio, contentione, dolo, malignitate ; susurrones, detractores, Deo odibiles, contumeliosos, superbos, elatos, inventores malorum, parentibus non obedientes, insipientes, incompositos, sine affectione, absque fædere, sine misericordia. Qui cum justitiam Dei cognovissent, non intellexerunt : quoniam qui talia agunt, digni sunt morte : non solum qui ea faciunt, sed etiam qui consentiunt facientibus. »

EXPOSITIO.

Sicut mos est in Epistolis, salutem præmituit, dicens.: Paulus qui prius Saulus a Saule et genus, et nomen, et sævitiam traxerat. Hoc autem nomen Paulus, Hebræa lingua sonat quietus. Unde sicut ex auctoritate, quia hoc nomen apud omnes notum et honorabile erat, sic etiam ex auctoritate sua valet ad intentionem. Hic enim Paulus ut quietos et tranquillos inter se redderet Romanos intendit; vel si Paulus Latine dicatur, quasi modicus, iterum bene ad rem. Hic enim laborat ut Romanos, modicos et humiles per epistolam redditos, subjiciat gratiae Dei. Paulus, inquam, servus Christi Jesu. Quia omnibus modis ad humilitatem suadendam hic intendit, ideo nomini dignitatis, nomen præposuit humilitatis. Dicens : Paulus servus Christi Jesu regis et sacerdos, qui solus regere valet, atque vespertino suo sacrificio salvare. Servus etiam Jesu, id est Salvatoris, præter quem nemo salvare sufficit : sic et vos exemplo meo nihil de vobis confidatis, sed penitus subiectamini servituti Jesu Christi. Paulus, inquam, servus Christi Jesu, vocatus per gratiam Dei, non merito legis vel generis, sed per solam gratiam, ad hoc ut sit apostolus, cuius auctoritati vos obedire bonum est. Vel Paulus apostolus, non in occulto, sed vocatus ab omnibus, quia jam omnes cognoverunt me a Deo consecratum apostolum, unde magis mihi obedendum est. Quæ utraque sententia valet ad utrumque populum, Judæum seu gentilem comprimendum. Diversis modis vocationes Dei sunt. Hic autem Paulus vocatus est, et per afflictionem corporis exterius; et per voem Christi dicentes : Saule, quid me persequeris? (Act. ix, 4.) et interiori inspiratione. Paulus hic segregatus, non determinat a quo, sed in quid, scilicet in Evangelium. Segregatus, inquam, vel ab aliis apostolis; quia illi constituti sunt predicatores Judeorum, ego autem gehtum. Cum enim Paulus ad fidem conversus, instructus esset per aliquot dies a discipulis qui erant Damasci (Act. ix, 27), continuo de Christo in Synagoga docere cœpit, quare præpositus Damasci voluit eum comprehendere, sed a fratribus & per murum demissus est in sporta, et sic evasit manus ejus, et inde abiit in Arabiam, predicans ibi gentibus tribus annis, post quos rediit in Iherusalem, ibique invenit Petrum et Jacobum, qui

A satis prius mirati fuerant, audientes Paulum prædicantem gentibus, quem nunquam viderant, dederuntque Paulo et Barnabæ dextras societatis (*Galat.* ii, 9), probantes doctrinam eorum, seque idem prædicare dicentes : Non quod Paulum consecrarent apostolum, quem ipse Deus consecraverat, sed concordantes doctrinam ejus, ut hi qui per eos converterentur, unius et ejusdem fidei se esse crederent. Vel segregatus a lege; quia cum ego pharisæus, id est custos, et de præcipuis in lege essem, et genere et scientia, videns eam non valere ad salvationem, separavi me ab ea. Quia si ego qui tantus eram in lege, legem deserui, quanto magis vos ab ea recedere debetis, qui longe me inferiores estis? Hæc ultima sententia spectat ad Judeos tantum, prior vero ad utrosque. Hucusque commendavit propriam personam, tum per humilitatem, tum per auctoritatem. Hic incipit commendare prædicationem suam, dicens : Segregatus, inquam, seu a lege, seu ab apostolis aliis, veniens in *Evangelium* prædicandum. *Evangelium* bonum nuntium dicitur, *Evangelium* dico *Dei*. Nova lex Dei specialiter esse dicitur, qui non per ministrum, sed eam per propriam personam docuit. Vetus autem lex per angelum data est Moysi, et per Moysen data est Judæis; quare non ita proprie dicitur esse Dei, quod *Evangelium*, ante quam daretur, promiserat Deus, ut ille qui datus erat. Promittere enim convenit ei, qui rem promissam datus est. Unde Deus quidem promisit; prophetæ vero velut ministri, nec dare potentes, prædixerunt. In hoc autem quod ait Deum hoc promisisse ab æterno, notat magnam diligentiam Dei suis in hoc Evangelio, quod ante promiserat per prophetas, id est per eos qui futura præviderunt. Et quia fuerunt quidam pythonico spiritu futura prædientes, quidam etiam divinitus inspirati prophetantes, ut Balaam, nec tamen officium hoc a Deo habentes, determinat prophetas suos, qui et scientiam futurorum, et ministerium prophetandi a Deo acceperunt. Et ut hæc prophætia perpetuo maneret, promissa est in *Scripturis sanctis*, id est vel per *Spiritum sanctum* editis, vel sanctis cantibus eos qui, sicut *Scripturæ* docent, operantur. Hic ingreditur commendationem Christi, a quo præmissa commendatione, ejus se accepisse apostolatum dicit : *Scripturis*, dico, habitis de *Filio*. Omnis enim *Scriptura*, etsi de Patre seu de *Spiritu sancto* agat, præcipue de *Filio* videtur agere, quia quæcumque in *Scripturis* prædicta fuere, per *Filiū* consummata sunt. De *Filio*, dico, non adoptivo, sed *suo*, id est consubstantiali ipsi et coæterno. Qui *Filius factus est*, id est facturam quamdam accepit.

Diceret aliquis : Quid hoc est miraculi, ut *Filius* cum Patre sempiternus factus sit in tempore? Contra hoc ait : Factus est dico, non secundum Deitatem, sed secundum carnem, quam in se Deitati personaliter univit in tempore. Carnem dico, assumptam ex semine, id est ex carne *David*; secundum genus matris Christi, in qua facturam carnis accepit. Et, scilicet, Deo, id est ad manifestationem Dei Nisi enim Chri-

stus carnem assumeret, rara vel nulla de Deo notitia hominibus esset. Christus similiter de Salomone seu Roboam natus esse dici posset; sed quia ad Abraham et David factae sunt repromissiones de Christo, ideo de altero eorum, vel utroque natus esse dicitur ubique. Hic autem causa est quare sileat Abraham, et præponat David. Per Abraham enim justi, quia iustus fuit; per David peccatores plerumque, quia graviter deliquit, accipiuntur. Sed hic ad peccatores sermo erat, utique se peccatores confiterentur, Paulus intendebat; et idcirco David in memoriam peccatorum hic posuit. Qui Christus in tempore quidem factus est; sed **7** ab æterno prædestinatus, id est præordinatus et dispositus est *Filius Dei* esse, assumendo carnem. Christus dico secundum quod *Filius Dei* est permanens in virtute, id est in eadem divinitatis potentia semper cum Patre. Nec secundum Deitatem prædestinatus, sed secundum solam humanitatem. Prædestinare enim de re quæ non est dicitur; *Filius autem Dei* in principio semper fuit. Sed quia in Christo duæ naturæ considerantur, altera divina, altera humana, propter utriusque substantiæ indivisam copulam dicitur plerumque de divina quod proprium est humanæ: ut hic, ubi dicitur prædestinatus *Filius*, quod in natura Deitatis esse nequit; ea similitudine qua, considerantes in homine corpus et animam, plerumque propter affinitatem dicunt de anima quod proprium est corpori, et econverso: quod genus dicendi in Christo expressius convenit, cum ibi homo Deus, et Deus homo dicatur. In homine vero corpus animam, et animam corpus dicere non licet.

Cum autem referimus, sic qui Christus, neutram naturam excludimus. Sed cum per partes exequimur, quod divinæ convenit divinæ, quod humanæ attribuamus humanæ. Christus, inquam, prædestinatus est fieri homo: non ex concupiscentia carnis, sed secundum spiritum, id est de Spiritu sancto conceptus est. Spiritum dico *sanctificationis*: qui cum sanctificavit in utero matris, immunem factum a peccatis. Quia Christus *Filius Dei* sit in virtute, appareat ex resurrectione mortuorum, per hoc quod resurgens a mortuis, mortuos fecit resurgere secum, quod utique inauditum facere non posset, nisi Deus esset. Mortuorum dico non omnium, sed eorum tantum qui fuerunt *Domini nostri Iesu Christi*. Non enim infideles secum resurgere fecit. Unde dicuntur illi potissimum consurrexisse Christo, qui cum Abraham in Ebron sepulti sunt. *Per quem Iesum Christum accepimus gratiam*, id est remissionem, Paulus, ut melius humilitatem suadeat, nomen humilitatis præponit nomini dignitatis. Accepimus etiam apostolatum in omnibus gentibus. Spiritus enim sanctus Apostolum gentium me constituit, ubi ait: *Separate mihi Barnabam et Paulum ad opus, ad quod assumpsit [assumpsi] eos* (*Act. XIII, 2*). Accepimus, inquam, in gentibus apostolatum, ad obediendum fideli, id est ad hoc ut prædicaremus fidem, et post acceptam fidem, obediendum esse his quæ admonet

A fides, non superbiendo derogare gratiæ Dei; hoc autem debere fieri, pro nomine ejus, id est ad gloriam nominis Dei. *In quibus*, id est inter quas gentes, *estis* vos Romani, et gentiles, et Judæi vocati, id est per vocationem gratiæ Dei. Non ex merito vestro ad fidem electi estis, inquam, *Iesu Christi*, id est ad hoc ut sitis *Iesu Christi*; quia si modo Judæi vellet objicere se non debere subjici Paulo, cuna gentium tantum apostolus sit, errarent. Postquam enim inter gentes habitant, de apostolatu ejus sunt, cuius et gentes, ut si modo quilibet alienigenæ veniant in episcopium aliquod, etiam si natione alii sunt, propter habitationem tamen computabantur de ipso episcopio. Sic illi Judæi, quia ad gentes contulerant se, in gentibus deputabantur. Paulus, inquam, talis et talis, apostolus Dei, scribit omnibus qui sunt *Roma*. Ut autem infideles excludat, subdit: omnibus dico *dilectis Dei*, id est quos Deus diligit, et ut sui fuerint præclegit. His dico ex dilectione et gratia Dei *vocatis sanctis*, id est ad hoc ut sint sancti, sit *vobis gratia*, id est remissio peccatorum vestrorum; et *pax*, id est tranquillitas animi, et perseverantia in bonis, a Deo qui potest, *Patre nostro*, et ideo voluntatem habet; et a *Domino Iesu Christo*, qui similiter et vult et potest. Paulus multiplici et aspera increpatione correcturus Romanos, ut benigne sustineant aspera quæ dicturus est eis, eosque sibi reddat benivolos, prædictit se, gratias agentem Deo pro bonis quæ jam acceperunt, et de his quæ adhuc necessaria sunt illis omni sollicitudine orare Deum. Quasi diceret: Ego de instructione vestri multa dicturus sum vobis, sed primum **8** ante omnia dicam quod amplius mihi gratum est, et de quo magis sum sollicitus: hoc scilicet, *gratias ago Deo*. Gratias agere Deo, est totum Deo attribuere, et nihil homini. Unde ait: *Gratias ago Deo*, id est bona quæ jam in vobis video, gratiæ Dei ascribo, et non vobis: *Deo meo*, qui quodam spirituali [speciali] modo meus est. *Per Iesum Christum*, quem solum medium habeo inter me et Deum. Vos autem per me transitis ad Christum, et per Christum ad Deum. Et ideo gratias dico per Christum. Vobis autem gratiæ agendæ sunt per me Christo, et sic Deo. Fortassis putarent alteri, vel Judei soli, vel gentiles, quod pro alteris tantum gratias ageret, id est bona eorum soli gratiæ Dei ascriberet; ne per hoc alter in alterum se esserat, ait: *pro vobis* Romanis, seu sitis Judæi, seu gentiles, omnibus ago gratias, et bona fidei vestrae ipsi soli ascribo. Determinat unde gratias agat, dicens: Inde gratias Deo refero, quia *fides Dei in vobis est*. Et vestra fides vobis solis non proficit, sed annuntiatur in universo mundo. Auditio enim quod Romæ sit recepta fides Christi, quæ est caput orbis, suscipiunt eam cæteri, imitando caput suum. Vere bona vestrae fidei jam habitum, gratiæ Dei bona ascribo, quia in orationibus meis memoriam vestri facio; id est pro bonis quæ habituri estis Deum orans ipsi totum ascribo. Si enim bona post fidem venientia, Dei gratiæ ascribuntur, maxi-

me pro fide agendæ sunt gratiae Deo, quæ hominem de solis peccatis trahit ad justitiam. Et quod memoriam vestri facio, mihi testis est Deus; quem si ad testificandum quod falsum est advocarem, falsitas reum judicarem.

Fortassis diceret aliquis : Quia Deum non curas, ideo leviter eum falsæ rei testem advcas. Contra hoc ait : *Cui Deo ego servio*; servus autem ad testimonium falsitatis, Dominum non vocaret. Servio utique Deo *in spiritu meo*, id est ex voluntate, non ex coactione; vel in spiritu, id est non in carnalibus, sed in spiritualibus servio Deo. Determinat in qua re serviat, scilicet *in Evangelio*, id est in annuntiatione Filii ejus. Hoc autem servitium magis tunc temporis gratum erat Deo, prædicare gloriam Christi, Filii Dei. Inde mihi testis est Deus quod *in orationibus meis facio memoriam vestri*, id est facio Deum memoriam vestri, sine intermissione, quia nunquam orans intermitto vos. Posset quidem orare semel in mense, et sic parvum esset eos tunc non intermissos fuisse. Ideo ait : In orationibus *semper*, id est omni die continuatis, memoriam vestri habeo, non solum orans, sed etiam *obsecrans*, in quibusdam sacramentis et conjurationibus Dcum obnixe postulans, si exaudiens habeam iter veniendi ad vos. Habeam dico. *Quonodo*, id est sub quacunque difficultate hoc fieret, seu latronem, seu tempestatem non curarem. Habeam hoc tandem. In hoc ostendit se diu desiderasse, nec potuisse se efficere. Habeam iter aliquando, id est in quoconque tempore, seu hieme, seu æstate hoc fieret, non curarem. Item dico pro spiritu in hoc, ut quod volo efficerem, et quia multæ res effectum habent, quæ Deo displicant, addit : *In voluntatem Dei*. Nisi enim Deus hoc vellet, effectum hujus rei potius nullum quam cuperem. Ideo volui venire ad vos, quia *desidero videre vos* : ad hoc *ut impetrar vobis aliiquid gratiae*. Vos quidem gratiam fiduci jam habetis, sed cum, ad custodiæ hujus, aliae gratiae opportunitæ essent, ut gratia unitatis, non tam determinat quam gratiam; quia ministraret eis omnem illam quam videret necessariam. Impetrar dico aliiquid gratiae, non sæcularis, ut esset si conciliaret illos cum quibuslibet principibus mundi, sed gratiae *spiritualis*, id est quæ gratia nutrit spiritum in vitam æternam. Ne forte gratiam fidei, quam a discipulis Pauli acceperant, inutilem opinarentur, quia dixit se daturum illis gratiam, ait : Non dico ut impetrar vobis gratiam ad initiandum vos in fide (*uidem enim sanam accepistis*), sed *ad confirmandas vos*, id est ad confirmandam fidem vestram in his quæ fidei comitari debent, scilicet ut unitatem habeatis. Nec alter alterum dignorem, seu indigniorum gratia Dei judicetis. Hoc quod dico desidero 9 confirmare vos, id est desidero *consolari in vobis simul*. Ubi ait simul consolari, ostendit se de errore eorum doluisse; ubi ait *simul*, innuit quod per doctrinam suam consolandi sunt; et propter utrumque æquanimiter debere eos tolerare quamlibet asperam increpationem Pauli, cum et per hoc conso-

landi sint, et Paulus de errore eorum doluerit, ut que errorem ab eis auferat sollicitus sit. Consolari, inquam, desidero in vobis per fidem restram atque meam : factam eam, id est tales quæ est invicem, id est quæ eamdem vicissitudinem habent, ut sicut fides mea totum ascribit gratiae Dei, sic vestra faciat. Vel aliter : Consolari cupit per fidem meam factam vestram, ut omne bonum ereditatis esse per gratiam Dei; fidem vestram dico, factam eam, id est tales quæ est invicem, id est modo suo subservientem, ut sicut ego (quod magistri est) præcipiendo doceo, sic vos (quod discipulorum est) obediendo discatis. Ego utique desideravi venire ad vos, sed non potui, *quia prohibitus sum*. Prohibitiones hæ quandoque liebant Paulo per Spiritum sanctum, pierumque per pericula latronum, seu tempestatum in mari. Quare autem venire prohibitus sum, *nolo vos ignorare, fratres* mei in fide.

Si enim causam hujus prohibitionis diligenter inquiratis, vobis proderit ad correctionem, dum pro peccato contentionis vestrae me esse prohibitum intellegitis. Hoc inquam *nolo vos ignorare* quia sæpe proposui venire ad vos, et *prohibitus sum venire usque adhuc*. Ubi ait *adhuc*, ostendit se multoties prohibitum esse, quasi diceret : Sicut sæpe proposui, sic sæpe prohibitus fui. Venire, inquam, proposui ad vos, ideo *ut habeam in vobis*, quod et habeo in aliis, *aliquem fructum*, id est, vel ut vos me docente correcti, fructificetis in melius; vel ut ego fructum mercedis recipiam, quia laboravi in vobis. Habeam, dico, in vobis, *sicut habeo in cæteris gentibus*, id est, ut sicut alias gentes docui omnia referre gratiae Dei, sic et vos edociti a me idem faciatis, nec a doctrina vestri et aliarum gentium cessare queo; ego enim *debitor sum*, id est ex debito prædicto, sic enim mihi est injunctum a Spiritu sancto, *Græcis et barbaris*. Præter Græcos omnes gentes vocat barbaros; sed Græci semper sapientiam præ cæteris sectati sunt, et etiam in Græcia Paulus primum Ecclesiæ de gentibus constituit; et in illis seu Græcis, seu barbaris, *debitor sum sapientibus et insipientibus*; quia apud Græcos sunt sapientes et insipientes; et sic apud barbaros. Et sicut aliis gentibus debedo, sic debitor sum *evangelizare vobis*, Judæis et gentilibus conversis, *qui Romæ estis*. Quod scilicet evangelizare *promptum est*, id est paratum est, secundum hoc quod *in me est*, id est in quantum ad me pertinet. Videte ne vos imparatos auditores inventiam. Vere promptum est in me, ego enim *non erubesco Evangelium*. Tribus modis erubescit quis Evangelium : vel cum miserias Christi, crucem, mortem, etc., stulte vèrecundatur prædicare; vel cum corrupte vivens, justitiam timet prædicare, ne reprehendatur aliter docere, et aliter vivere; vel [cum] ad confirmationem prædicationis suæ virtus miraculorum deficit.

Sed Paulus nullo horum modo erubescet. Propterea non erubesco Evangelium : nam in Evangelio præsto est mihi *virtus Dei*, qua et peccata dimitto,

et miracula operor. Quod Evangelium dico, valens omni credenti in habendam salutem per fidem qua credidit: *omni credenti* dico, scilicet *Judæo primum*, tempore credenti; in Judæa enim coepit Ecclesia Christi. Credenti etiam *Græco*, id est gentibus, quia Græci secundum scientiam caput erant gentium, ideo per Græcos quoscumque gentiles significat. Vel ita Evangelium salus est credenti Judæo, et Græco primum, id est maxime, quia sufficientem salutem dabit utrique. Vere per Evangelium habetur fides, et per fidem salus æterna. Nam in eo Evangelio *revelatur* et cognitione et habitudine; *ex fide*, id est per fidem ex Evangelio acceptam, *justitia*, id est exsecutio honorum operum, per **10** quam justitiam habetur salus æterna. Quia si per Evangelium fides, per fidem autem justitia, per justitiam vero salus æterna, igitur per Evangelium salus; addit quiddam amplius, quod ad rem valet, sic: *Revelatur ex fide* eundo in fidem. Non sic ait ut diversas fides intelligat, sed ut doceat multos gradus esse in fide. Romani sanam quidem fidem habebant de Christo, sed in hoc errabant, quia non omnia gratiæ Dei attribuebant: in quo gradu fidei Paulus eos locare intendit. Ex fide habetur justitia, et inde salus. *Sicut scriptum est* in Habacuc propheta: *Justus autem ex fide vivit* (*Habac. 11, 4*). Per prophetam confirmat Evangelium; ait enim propheta: Ex fide quæ per Evangelium habetur, fit homo justus, bene operando, et per justitiam vivit in æterna salute. Illicusque blanditus est Romanis, dicendo se sollicitum de salute eorum, ut æquo animo suscipiant correctiones Apostoli. Hic autem primo aggreditur gentiles, quos facilius posse corrigi intelligit, ut postea diutius in confutatione Judæorum immoretur; attamen autem sic dicens ingreditur: Vere ex fide justitia; et ex justitia salus. Nam per contrarium *ex impietate*, id est ex non fide, seu ex idololatria sequitur *injustitia*, id est mala opera; et ex *injustitia* sequitur *ira Dei*, id est damnatio æterna, saluti contraria, quod æquipollenter sic ait: Vere ex fide revelatur justitia; et sic salus. Nam *super omnem impietatem*: super dicit, ad oppositionem impietatis; et cum dicit impietatem, magis est quam si diceret omnes impios. Si enim impios diceret, omnes quidem impios, sed non pro singulis impietatis opprimendos diceret. Sed cum dicit omnem impietatem, et omnes impios pro singulis impietatis puniendos esse insinuat. Super omnem utique impietatem; ex qua infidelitate procedit *injustitia*, id est perversa cogitatio vel operatio; et super omnem *injustitiam* *revelatur*, id est cognoscitur esse *ira Dei* venturi de celo in die judicii. Tunc enim revelabitur his qui usque ad diem illum non crediderint Christum esse judicem omnium. Vel *ira Dei* *revelatur de cœlo*, quia ipsum elementum in ornatu et factura sua ostendit metuendum esse iram ejus, qui talem creaturam formavit. Revelatur, inquam, *ira super injustitiam hominum*; *orum hominum* dico, qui veritatem, id est veram

A cognitionem de Deo, quam naturaliter habent, vel habere possunt, eam *detinent*, id est retrahunt, ne quod natura exigere, ascendat ad aliquid magis de Deo agnoscendum. Detinent utique eam in *injustitia*, id est per mala quæ operantur. Vere impii veritatem Dei sic detinent; *quia quod notum est Dei*, id est quod cognosci potest de Deo, illud *manifestum est*, si non in actu rei, tamen in *illis*, id est in rationibus eorum, et in potentia intellectus sui. Vere quod notum est Dei, manifestum est in illis omniaibus potentialiter. Nam *Deus manifestari* in actu *illis*, id est quibusdam illorum, hoc quod notum est Dei.

Quod si quibusdam revelatum est in actu, constat quia manifestum est in potentia. Plato enim et

B quidam philosophi naturaliter cognoverunt esse unum Creatorem omnium, non tamen sine adjutrice gratia Dei. Probat quod Deus quibusdam actu revelavit hoc, et modum revelationis subdit, dicens: Vere Deus quibusdam revelavit. Nam *invisibilia ipsius* divinae essentiae *conspiciuntur*, a *creatura mundi*, nec obscure sed lucide intellecta, per illa quæ ea sunt; per invisibilia Patrem significat, quia a nullo ducit principium, sicut Filius et Spiritus sanctus a Patre. Ideo autem pluralem numerum posuit, quia infirmitas humani intellectus non sufficit considerare in Deo, nisi per interpositiones temporum, quæ in eo naturalia et simul sunt et uno ictu (si fieri potest) consideranda. *Sempiterna quoque virtus ejus*, id est ejus divinae essentiae, id est Filius, qui virtus et sapientia Patris dicitur, semper cum Patre æternus, et *divinitas*, id est bonitas. Unde et bonos homines, divinos vocamus. *Bonitas*, id est dilectio ejus divinae essentiae, scilicet Spiritus sanctus, qui nihil aliud est quam bonitas et dilectio Patris et Filii. Hæc, inquam, virtus et **11** divinitas conspiciuntur intellecta, per ea quæ facta sunt. Homo enim invisibilia intelligere nequit, nisi per ea quæ videt. Sed cum aspicit aliquem regem magni imperii, per eum quodammodo intelligit, eum regem longe majorem qui istum creavit. Cum vero videt virtutem seu sapientiam in aliquo, cogitat multo magis virtutem esse et sapientiam in eo qui dedit illi. Sic de bonitate seu dilectione Dei, per bonitatem creaturæ potest cognosci. Hanc autem D virtutem et divinitatem in Deo naturaliter pensare suffecisset, etsi illa nomina, id est Filius et Spiritus sanctus ignorarent. Idem enim est virtus et divinitas seu dilectio Dei, quod Filius et Spiritus sanctus virtus et divinitas Dei per ea quæ sancta sunt intelliguntur. Ita ut homines sint inexcusabiles ex hoc, quia, cum cognovissent Deum, si non actu, tamen per potentiam ejus intellectus naturalis, non glorificaverunt Deum, colendo et honorando eum sicut Deum, aut *gratias egerunt*, id est bona cogitationis suæ, non gratiæ Dei, sed sibi attribuerunt. Deo quidem non egerunt gratias, sed in cogitationibus suis se efferentes evanuerunt, a similitudine fumi, qui quanto plus ascendit, tanto amplius nihil sit, et quia superbiendo evanuerunt, ideo cor, id est

D virtutem et divinitatem in Deo naturaliter pensare suffecisset, etsi illa nomina, id est Filius et Spiritus sanctus ignorarent. Idem enim est virtus et divinitas seu dilectio Dei, quod Filius et Spiritus sanctus virtus et divinitas Dei per ea quæ sancta sunt intelliguntur. Ita ut homines sint inexcusabiles ex hoc, quia, cum cognovissent Deum, si non actu, tamen per potentiam ejus intellectus naturalis, non glorificaverunt Deum, colendo et honorando eum sicut Deum, aut *gratias egerunt*, id est bona cogitationis suæ, non gratiæ Dei, sed sibi attribuerunt. Deo quidem non egerunt gratias, sed in cogitationibus suis se efferentes evanuerunt, a similitudine fumi, qui quanto plus ascendit, tanto amplius nihil sit, et quia superbiendo evanuerunt, ideo cor, id est

intelligentia eorum prius subtilis *obscurata est* propter superbiam, adeo ut fieret *insipiens*. Evanuerunt utique. Nam dixerunt sapientes esse se, id est a seipsis, sine dono Dei, sapientiam suam esse. Et vere cor eorum obscuratum est: nam hoc *dicentes*, et ita esse credentes *facti sunt stulti*, et sic de superbia in ignorantiam, de ignorantia in stultitiam lapsi præcipitati sunt: adeo quod *mutaverunt gloriam incorruptibilis*, id est invariabilis *Dei*, præter quem omnis creatura variabilis, et ideo corruptibilis est; gloriam utique ejus *Dei mutaverunt* non in verum hominem, sed in *imaginem corruptibilis hominis*. Et ut expressum facerent sibi simulacrum, mutaverunt hoc in similitudinem imaginis, id est in similem imaginem, colentes creaturam loco Creatoris. Prius in similitudinem hominis; dehinc in similitudinem *volucrum*; postea in similitudinem *quadrupedum*; et post hoc in similitudinem *serpentium* mutaverunt cultum et religionem Creatoris gentiles. Sicut dictum est: Quia in intellectu superbierunt, ideo intellectu privati sunt. Quia iterum Creatorem respuerunt, in cultura creaturæ puniti sunt. Iterum quia, ut natura docebat, Deum glorificare noluerunt, sed, ad quod natura repugnat, creaturas coluerunt, ideo ad peccata quæ contra naturam sunt, devoluti sunt, sicut sequitur: *Propter quod, id est quia quod contra naturam fuit, creaturas coluerunt. Ideo subtrahendo gratiam, tradidit illos Deus in desideria cordis eorum, ut animo cuperent. Dehinc in immunditiam, id est in opus desideratæ immunditiae: ad hoc, inquam, sic tradidit illos, ut corpora sua afficiant, id est contaminent contumelias, id est his pollutionibus, quæ si violenter inferrentur eis, pro magna contumelia haberent; afficiant dico in semetipsis, id est vel alter in alterum, vel in semetipsis.* Hoc intellexerunt debere fieri non a Deo, qui prius de intellectu se efferebant.

Quod dixit superiorius *mutaverunt gloriam*, id repetit, ut eaumeret modos mutationis, dicens: *Qui gentiles commutaverunt veritatem, id est cultum quem naturalis veritas asserebat exhibendum esse Deo, in mendacium, id est in creaturas quas mendaciter fingebant esse deos, et postquam finxerunt, coluerunt, id est adoraverunt eos.* Dehinc etiam servierunt offerendo, et immolando *creatüræ*. His tribus modis mutaverunt gloriam Dei: Prius mendaciter putaverunt idolum esse Deum; dehinc adorando; tertio hostias immolando. Servierunt utique creaturæ, judicantes hoc potius esse quam servire Creatori, qui Creator in aversione eorum nihil perdit: *est enim benedictus in omnia sæcula, quidquid adorent illi: amen*, id est profectio ita est. Quod iterum superiorius ait: *Tradidit illos Deus in desideria, hic repetit idem, ut poenam peccati comparet ipsi peccato. Quia sicut, quod natura exigit, Creatori cultum* **12** *denegantes, ad non naturalem cultum creaturarum se contulerunt, sic ipsi in non naturalia peccata devoluti sunt.*

Enumerat etiam ipsum peccatum quomodo in plurimque sexum sit diffusum, dicens: *Propterea,*

A quia servierunt creaturæ et non Creatori, *tradidi^t illos Deus* privatos gratia sua in *passiones ignominiae*, id est in ignominiosa peccata [facta], quæ licet caro male concupiseret, tamen ipsa natura violentiam patiebatur, dum in se non naturaliter operaretur. Enumerat passiones ignominiae, dicens: Traditi sunt utique in ignominias. *Nam feminæ horum gentilium immutaverunt naturalem usum viri in eum usum qui est contra naturam*, ut una abuteretur altera, quia naturalem cultum Creatori negaverant. Similiter autem, ut feminæ, masculi, relicto naturali usu feminæ, exarserunt in desideriis suis in invicem; ut alter alterum igne libidinis incensi concupierint, et sicut animus eorum desideraverat, opere compleientes turpitudinem, masculi in masculos. Et sic recipientes mercedem erroris sui, id est poenam illius peccati. Quia, cum cognovissent Deum, non sicut Deum glorificaverunt, recipientes hanc non in damno possessionis, vel filioruin, sed in *semetipsis*, quia ipsi iidem hac poena puniti sunt. Quam utique mercedem oportuit, id est conveniens fuit eos recipere; ut quia, quod natura monebat ne facerent, spreverunt Creatorem et adoraverunt creaturam, recte comparatum est ut, pro hoc non naturali peccato, in non naturale peccatum et poenam peccati præcipitarentur. Et sicut, quia in non naturali cultu creaturæ peccaverunt, per non naturalia peccata puniti sunt; sic quia non probaverunt Deum habere in notitia, id est quia non habuerunt Deum in cognitione sua, quem merito cognoscendum ipsa natura probabat, id est quia in cognitione Dei sibi naturaliter concessa, abutendo ea per superbiam peccaverunt: ideo opportune cognitione priori amissa, *tradidit illos Deus in reprobum sensum*, quia recto sensu utili noluerunt. Tradidit, inquam, ad hoc, ut faciant ea quæ non convenient, id est quæ ipsa natura satis aperte intelligeret non convenientia esse. Primum quia concessa cognitione abusi sunt, putantes hoc bonum naturalis intellectus a se et non a Deo esse, privati sunt concesso intellectu, et Creatorem derelinquento contra naturam creaturas coluerunt, quare iterum per naturalia puniti sunt. Sed quia adhuc non penituerunt post non naturalia, in alia mala præcipitati sunt, sicut sequitur:

D Illos tradidit Dominus in reprobum sensum; illos dico *repletos omni iniquitate*, quia et omnia iniquitates habuerunt, et singulas ad plenum. Cum dixit omni iniquitate, comprehendit omnia quæ sequuntur; sed ut magis illos deterreat, singula genera iniquitatis enumerat, dicens: *Vere omni iniquitate, quia repletos malitia*. Malitiose enim agebant in proximos, auferendo bona eorum, vel verberibus eos afficiendo. Repletos etiam *fornicatione*, Fornicationem vocat quidquid sit præter legitimam uxorem, quæ sicut causa generandæ prolis, sic causa vitandæ fornicationis dicitur. Repletos etiam *avaritia*, illicite retinendo sua, vel concupiscendo aliena; et repletos *nequitia*. Vel a nequo, nequis, vel a nomine, quod est nequam, dicitur nequitia;

quia nequeunt se continere ab illicitis. Qui autem se continere nequit, non est dicendus aliquis. Plenos etiam *invidia*; quia, licet non sibi cupiant bona aliorum, tamen eos non habere vellent hæc bona. Plenos etiam *homicidiis*, quæ non solum manibus, sed tractatione et consensu flunt. Plenos *contentione*; quia inter se clamoribus et opprobriis litigant. Plenos *dolo*; quia aliud agunt et aliud cogitant. Plenos *malignitate*; quia contraria benignitati semper in amaritudine animi sunt. Qui etiam sunt susurrones, mala de proximo ad proximum transferentes occulte; detractores etiam bona quæ sunt auferentes, mala quæ non sunt imponentes. Ne hæc duo faciliter viderentur; quia pro verbis tantum non se crederent damnari, **13** aggravat hæc duo, dicens : *Susurrones et detractores, cibiles Deo*. Eos etiam dico *contumeliosos*, id est contumelias turpitudinis inferentes sibi vicissim; *superbos*, id est se superponentes aliis, vel superponere cupientes; *elatos*, qui nec parcs sibi, nec se maiores pati possunt; ut Cæsar, qui noluit pati majorem Pompeium, nec Pompeius patrem sibi Cæsarem, *inventores* etiam *malorum seu malarum consuetudinum seu tormentorum*; *non etiam obedientes carnalibus parentibus*, quod natura admonet etiam in pullis avium; *insipientes*, id est indiscreti ad bonum et ad malum; *incompositos et vestimentis*, et per immodificationem membrorum: per haec enim quæ extra videmus, sic de interioribus pensamus; *sine affectione*, id est sine applicatione animi ad aliquod dignum; *absque fædere*, id est sine colligatione animi: quia enim fædera valent ad nutrimentum fidei, ut semper multiplicarentur, prohibita sunt conjugia in eadem cognatione, quæ jam satis viuculo propinquitatis fœderata est; qui etiam sunt *sine misericordia*: quia si quos viderint miseros, non habent ad eos viscera misericordiæ. In his omnibus gentiles pro præmissis peccatis puniti sunt. Sed quia needum per hæc pœnituerunt, præcipitati sunt in aliud malum, ut excætati promitterent sibi impunitatem peccatorum. Unde sic ait: Qui gentiles excætati sunt *non intellexerunt: quoniam illi qui talia agunt, ut prædicta sunt, digni sunt morte æterna*. Hoc modo non intellexerunt, cum prius naturaliter *cognovissent justitiam Dei*: qua cognitione privati dicti sunt, quia inde superbierunt. *Digni utique sunt morte: non solum qui faciunt ea prædicta, sed etiam qui consentiunt facientibus*. Consentire, secundum Ambrosium, est si quæ possit reprehendere laceat, aut hæc audiens adulteratur. Si ergo facientes prædicta mala, et consentientes eis, damnatione digni sunt, nemo gentilium mortem hanc evadet.

CAPUT II.

Propter quod inexcusabilis es, o homo omnis qui judicas. In quo enim alterum judicas, te ipsum condemnas. Eadem enim agis quæ judicas. Scimus enim quoniam judicium Dei est secundum veritatem in eos qui talia agunt. Existimas autem hoc, o homo, qui judicas eos qui talia agunt, et

A facis ea, quia tu effugies judicium Dei? An divitias bonitatis ejus, et patientie, et longanimitatis contemnis? Ignoras quoniam benignitas Dei ad penitentiam te adducit? Secundum autem duritiam tuam et impenitens cor, thesaurizas tibi iram in die iræ, et revelationis justi judicii Drei; qui redet unicuique secundum opera ejus. His quidem qui secundum patientiam boni operis gloriam et honorem et incorruptionem querunt, vitam æternam. His autem qui sunt ex contentione, et qui non acquiescent veritati, credunt autem iniquitati, ira et indignatio. Tribulatio et angustia in omnem animam hominis operantis malum, Judæi primum et Græci; gloria autem et honor et pax omni operanti bonum, Judæo primum et Græco. Non enim est acceptio personarum apud Deum. Quicunque enim sine lege peccaverunt, sine lege peribunt, et quicunque in lege peccaverunt, per legem judicabuntur. Non enim auditores legis justificabuntur. Cum enim gentes quæ legem non habent, naturaliter ea quæ legis sunt faciunt, ejusmodi legem non habentes, ipsi sibi sunt lex: qui ostendunt opus legis scriptum in cordibus suis, testimonium reddente illis conscientia ipsorum, et inter se invicem cogitationum accusantium, aut etiam defendantium, in die cum judicabit Deus occulta hominum, secundum Evangelium meum, per Jesum Christum. Si autem tu Judæus cognominaris, et requiescis in lege, et gloriaris in Deo, et nosti voluntatem ejus, et probas utiliora, instructus per legem; confidis te ipsum esse ducem **14** cæcorum, lumen eorum qui in tenebris sunt, eruditorem insipientium, magistrum infantium; habentem formam scientie et veritatis in lege. Qui ergo alium doceas, te ipsum non doceas; qui prædictas non furandum, furaris; qui dicas non mœcharis; qui abominaris idola, sacrilegium facis; qui in lege gloriaris, per prævaricationem legis Deum inhonoras. Nomen enim Dei per vos blasphematur inter gentes, sicut scriptum est. Circumcisio quidem prodest, si legem observes; si autem prævaricator legis sis, circumcisio tua præputium facta est. Si igitur præputium justitias legis custodiat, nonne præputium illis in circumcisionem reputabitur? et judicabit id quod ex natura est præputium, legem consummatis, te, qui per litteram et circumcisionem prævaricator es legis. Non enim qui in manifesto, Judæus est; neque quæ in manifesto in carne est circumcision; sed qui in abscondito, Judæus est, et circumcision cordis in spiritu, non littera, cuius laus non ex hominibus, sed ex Deo est. »

EXPOSITIO.

Hucusque gentiles secundum priorem statum satis de honestavit, ostendo quod de ignorantia excusari non possunt: cum naturaliter cognitionem de Deo habuerint, qua propter peccatum privati sunt. Illoc autem de solis gentilibus dictum transfundit hic in

utrosque, id est in Judæos et gentiles, dicens utrumque populum inexcusabilem. Quia si Iulæus dicat se fuisse peculiarem populum Dei de genere Abrahæ natum, legem et prophetas habuisse, cumque sic Deo dilectus sit, non esse credendum quod Deus hunc permittat perire adeo dilectum, licet erraverit, improprietate gentili quod salvatione indignus sit, cuius nec aliquando Deus memor fuerit; si vero econverso dicat gentilis Judæum salute indignum, quia cum Deum per legem cognoverit, sicut Deum glorificare noluit, seque ideo præferendum putet Judæo, quia, ut primum deo audit, statim credidit, neque reum esse eorum quæ per ignorantiam peccavit: contra utrumque agit Apostolus dicens gentilem de ignorantia inexcusabilem, quia naturalem habuit cognitionem: Judæum vero frustra in lege vel genere gloriari, cum semper deterior fuerit, unde meliorari debuerit, prævaricando legem, inde degenerando ab Abraham, et similia. Quasi diceret: *Propter quod*, id est quia qui faciunt et qui consentiunt, digni sunt morte: ideo tu, homo unanimiter vivens et intelligens, omnis Judæus et gentilis, *inexcusabilis es*, tu, dico, qui *judicas*, id est damnas alium. Si enim tu, Judæe, dicis te præferendum gentili, quia dilectus Deo fueris, quem dicis nec aliquando memorem fuisse gentilis; vel si tu, gentilis, præferas te excusatum per ignorantiam Judæo, qui Deum per legem sibi cognitum inbonoravit. uterque *inexcusabilis es*: et gentilis, quia naturalem cognitionem habuit; et Judæus, quem lex et naturalis intellectus deo docuit. Vere uterque *inexcusabilis es*, quia *in eo condemnas te ipsum*, in quo tu *judicas alterum*, sive Judæus gentilem, sive gentilis Judæum. Si enim lex data dominat Judæum, quia non custodivit eam: lex naturalis similiter non custodita damnat gentilem. Vere *te ipsum condemnas*. Nam tu agis eadem quæ *judicas*, id est damnas in alio. Si enim tu, Judæus, pro prædictis gentilem putas damnandum, tibi vero eadem sceleris agenti, pro lege et genere putas esse parcendum, frustra opinaris. E contrario, si tu, gentilis, damnas Judæum, quia legem habuit et non custodivit eam, in eo damnas *te ipsum prævaricatorem naturalis legis*. Vere *in quo judicas alterum, danas te ipsum*. Nam nos, qui auctoritatis magnæ sumus, hoc, *quoniam contra eos qui agunt talia sicut prædicta sunt, est judicium Dei*, non secundum ignorantiam quam tu, gentilis, frustra prætendis: nec secundum genus Abrahæ, in quo tu, Judæe, gloriaris, sed secundum puram veritatem, id est secundum actus singulorum, Judæi et gentilis, **15** nos *scimus*; tu autem existimas, id est falso opinaris hoc, o homo, seu Judæus, seu gentilis, qui *judicas eos qui talia agunt quæ prædicta sunt, et ea tu ipse facis*. Hoc, inquam, *existimas, quia tu effugies judicium Dei*, id est unde alium damnandum *judicas*, ex eodem te impunitum evadere credis. Primum quia putant fieri *judicium Dei* secundum dignitatem vel indignitatem personarum, et non secun-

A dum opera, cadunt in hoc malum, quod imponitatem sibi pollicentur; et iterum per malum impunitatis sibi promissæ, ruunt in aliud, in hoc, scilicet quod abutuntur bonitate et patientia Dei, quod ibi supra ait, quia tu effugies judicium Dei, idem supra significaverat, ubi ait. *Non intellexerunt quoniam qui talia agunt, digni sunt morte* (Rom. 1, 32); in utroque agens de impunitate, quam sibi promittunt. Sed ibi tantum de gentilibus, hic vero de utrisque intelligit, et ante putando te effugere *judicium Dei*, contemnis divitias ejus bonitatis; dictum a similitudine potentiæ: qui si porrigeret cibum alicui, ille vero cui porrigeretur indignans eo uti projiceret eum, videatur sic spernere non cibum, sed datorem cibi, Sic ille qui abutitur bonitate Dei, non utens ea ad correctionem, ad quam Deus dat, hic reus est non tantum præteriorum, sed etiam contemptæ majestatis. *Divitias bonitatis* ideo dicit, quia Deus et temporalia abunde dat malis, quibus nec digni essent, ut, considerantes benignitatem Dei, revertantur ad eum. Dat etiam magistros qui doceant, et intelligentiam qua ad Deum reverti bonum esse sciunt, et multa alia. An divitias bonitatis *eius contemnis*, et divitias patientiæ *eius*, quia non in uno sed in mille peccatis te patitur; et divitias longanimitatis, quia per multa tempora correctionem tui sustinet, contemnis, inquam, *ignorans quoniam benignitas Dei* per bonitatem, patientiam et longanimitatem, quantum in se est, *adducit te ad paenitentiam?* Benignitas Dei, quantum in se est, vocat te ad paenitentiam; sed secundum duritiam tuam, id est secundum actus tuos obstinatos in malo, et secundum cor tuum *impudentem*; quia nec a malo opere recedis, nec te male operari intelligis. Sunt enim quidam in malis operibus obstinati, qui tamen se male agere credunt. Tu, inquam, secundum cor *impudentis, thesaurizas tibi iram*, id est congregas tibi propriam damnationem futuram *in die iræ*, id est communis damnationis impiorum. Die enim *revelationis justi judicii Dei*; quia in die illo Christus esse judex omnium creditur ab impiis, qui semper hoc negaverunt. Tunc enim videbit eum omnis cardo: qui *Deus reddet tunc unicuique*, et Judæo et gentili, secundum opera ejus, non parcens gentili pro ignorantia, nec salvans Judæum pro lege, vel genere Abrahæ. Quod dixit in toto, per partes exsequitur, dicens: *Unicuique reddet secundum opera*. His quidem qui sunt boni operis, id est qui bene operati sunt secundum patientiam, id est non abutentes patientia Dei, sed corrigentes se cum sustinerentur a Deo. Vel secundum patientiam, quia æquanimiter toleraverunt quæcunque adversa pro Deo. His utique reddet *gloriam*, id est claritatem corporis et illuminationem animæ. Et reddet *honorum*, quia in præsencia Christi inter honorabiles; quia cum angelis Dei reddet etiam *incorruptionem*, id est permanentem statum in gloria et honore, quæ per horam habere possent et perdere. His cum haec determinatione dico *quærentibus vitam æternam*, id est si bene operentur amore vitae æternæ; non quæ-

rentes inde temporalia lutra vel gloriam mundi ; his qui sunt boni operis, sic reddet ; *his autem qui sunt ex contentione*, id est qui se contentiose alternatim præferunt, hoc vitium maxime reposcit; quia in hoc laborabant, et ab hoc eos deterrere nititur. His, inquam, qui contendunt et qui non acquiescunt veritati, quando bonum suadetur eis; ut Romani qui nolebant acquiescere discipulis Pauli, sed credebant iniquitati, præferentes se alter alteri; his utique erit *ira*, id est æterna damnatio, et talis ira quæ sit *indignatio*. Impii enim in ignem positi graviter indignabuntur sibi ipsis, quod male egerint, et interim dum illud iudicium morabitur, in omnem animam hominis operantis **16 malum**. *Judæi* dico **primum**, id est maxime operantis malum; quia et naturalis, et datæ legis reus est, et *Græci*, id est gentilis, qui de naturali lege solum arguitur, in animam operantis malum. *Judæi* indifferenter et *Græci* erit *tribulatio*, id est damnatio et angustia. Hoc est illud quod dixit indignatio, quia determinat de malo quod fieret, et post judicium et ante. De bono vero non ante, sed post judicium dicit, quid illi futuri sit interim dum veniatur ad judicium. Operanti malum erit *tribulatio*. Onni vero operanti bonum : *Judæo* secundum tempus **primum** bene operanti; in *Judæa* enim principium habuit Ecclesia Christi; et *Græco*, id est gentili, posterius tempore operanti bonum, erit gloria, id est illa claritas et honor, quia inter honorabiles erit; et *pax*, id est in gloria et honore diuturna tranquillitas. Vere *Judæo* et gentili indifferenter dabitur gloria, si solummodo bene operati sint.

Nam *apud Deum non est acceptio personarum*, ut *Judæum* male agerem salvet, quia habuit legem; gentilem bene meritum reprobet, quia non fuit de carne Abrahæ, cuius fidem melius est imitari, quam ab eo lineam generis trahere; cum multi de Abrahami carne, in gentes transierint, multi vero de gentibus, fidem Abrahæ imitando, se dignos promissionibus Abrahæ fecerint, et in *Judeos* reputati sint ut proselyti. Probat Deum non accipere personam *Judæi* seu gentilis; quia utrumque *judicabit*, et modum judicii futuri in utrumque exponit, dicens : *Vere apud Deum non est acceptio personarum*; quia *judicat omnes*, et eos qui sine lege, et eos qui in lege sunt. *Quicunque enim peccaverunt sine lege*, id est non habentes legem scriptam, ipsi peribunt *sine lege*, id est damnabuntur non de prævaricatione scriptæ legis, sed tantum naturalis. Hoc de gentilibus dictum est, et *quicunque peccaverunt in lege*, id est habentes legem scriptam, ut *Judæi*, ipsi *judicabuntur per legem*, id est de prævaricatione datæ legis adjuncta peccatis eorum damnabuntur. Opponeret *Judeus*, licet transgressus in lege fuerit, set tamen non damnari, sed parendum sili a Deo. Contra hoc Paulus : Vere habentes legem de peccato *judicabuntur*, quoniam *apud Deum non sunt justi*; et si *apud homines reverentur auditores legis*, id est qui solummodo legem audierunt, nec eam operati sunt ut *Ju. xvi.* sed factores legis; sive eam au-

dierint, sive eam solummodo operati sint; illi *justificabuntur*, seu fuerint gentiles, seu *Judæi*: solummodo opus legis compleverunt. Hic versus qui sequitur, solummodo de gentilibus agit : probans eos salvare per legem naturalem, facientes eadem quæ sunt scriptæ legis, et damnari si non fecerint. De utroque agit hic versus, et de salute gentilium propter opus legis, et de damnatione eorumdem, si non operati sint legem, ac si opponeretur Paulo : Dicis quod quicunque factores legis fuerint, salvabuntur, sed gentiles salvare non debent, quia etiamsi opus legis faciunt, indifferenter hoc faciunt, non ducti ratione [nomine], sed casu [causa], ut illi qui de nullis per Scripturas instructi sint.

Contra hoc Paulus : Vere gentiles si fuerint factores legis, justificabuntur, et econtrario si malum operati sint, ira et indignatione damnabuntur; ex merito debent salvare pro bono, et puniri pro malo. *Quia ipsi sibi sunt lex*, id est naturalem legem in seipsis habent : ipsi, dico, non habentes legem ejusmodi, id est scriptam sicut *Judæi*, et vere *ipsi sibi sunt lex* : cum hoc sit *quod gentes quæ legem scriptam non habent*, id est gentiles, faciunt ea quæ sunt legis scriptæ, id est, quæ scripta lex præcipit, *naturaliter*, id est naturalem legem sequentes. Nec indifferenter ea quæ legis sunt faciunt, quia qui ostendunt per operationem *scriptum esse in cordibus suis opus legis*, deserendo mala, adhærendo bonis; hoc enim est opus legis, declinare a malo et facere bonum. Quod si per legem naturalem non creditis gentiles salvare, nihil hoc salutem eorum impedit; quia in die cum *judicabil Deus*, apparebit opus legis scriptum fuisse in cordibus eorum. Tunc in illo die conscientia ipsorum, quæ tunc omnibus palam flet (ibienim singulorum **17** opera omnibus palam erunt), reddente illis testimonium de bonis seu malis quæ fecerunt. Multos enim testes tunc habebunt, cum conscientia eorum nemini occultabitur, et sicut de operibus, sic conscientia eorum reddente illis testimonium cogitationum, quia sicut opera, sic justificabuntur etiam cogitata. Cogitationum dico accusantium eos, si malæ sint; aut etiam defendantium eos, si bona sint : et hoc inter se, quia quæ mala fuerint, accusabunt bona et invicem; quia econtrario bona impugnabunt mala. Hæc pugna flet in illis, quorum bona vel mala incerta sunt; sed in quibus bona sine admistione malorum certa sunt, ut in sanctis, et in quibus mala sine refrigerio honorum certa sunt, ut in valde malis, in his non erit accusationis hujus vel defensionis collectatio : sed certa salus, valde bonis; indubitate damnatio, valde malis: hoc autem testimonium operum et cogitationum reddet illis sua conscientia in die illo cum *judicabit Deus occulta omnium hominum*, id est incerta eorum vel bona vel mala. *Judicabit* utique *per Jesum Christum*, qui constitutus est *judex omnium secundum Evangelium meum*, id est secundum quod ego annuntio, quia Deus per Christum *judicabit omnia*. Probavit gentilem posse salvare naturaliter, facientem onus scriptæ legis. Nunc

autem probare incipit nihil prodesse Judæo, quod Judæus dictus est qui legem et circumcisionem habuit, nisi opus legis et circumcisionis impleverit, dicens: *Gentilis legem naturalem habuit, tu autem, Judæe, et naturalem et scriptam legem habuisti.*

Considerandum est quod de Judæo et gentibus secundum priorem statum agat Apostolus: *Tu, inquam, cognominaris Judæus, id est hoc dignitatis cognomen habes, quod Judæus diceris. Ante Judam Machabæum illi solum de tribu Juda Judei vocabantur, Israel autem omnes dicebantur, sed a Juda Machabæo, propter probitatem ejus dicti sunt omnes Judæi.* Concedo, ait Paulus, te cognominari Ju-
dæum, *quia tu requiescis in lege.* Aliæ enim gentes erroneæ sunt, non habentes documenta vita; sed tu quietem habes in scientia legis, *et gloriaris in Deo,* quia in Israel tantum dicitur notus Deus (*Psal. lxxv, 1.*) Aliæ gentes quasi sine Deo sunt, unde te ja-
ctando gloriaris. *Nosti et voluntatem ejus,* scilicet Dei, quid fieri scilicet velit, quid non. *Et tu, instru-
ctus per legem, probus utiliora,* id est de usilibus
legis utiliora discernere nosti. *Confidis etiam te ipsum*
e se ducem cæcorum gentilium; quia si qui de gen-
tilibus in Judaismum transire voluerint, doces eos
observare Sabbathum et cætera legis, cum adhuc ne-
scientes quid haec significant cæci sint. *Confidis etiam te esse lumen eorum qui in tenebris sunt;*
cum enim illi observaverint Sabbathum, adhuc igno-
rantes mysterium Sabbati, illuminas eos docendo
quid hæc significant, et ad quid valeant, et sic de
tenebris ignorantiae educis. *Confidis etiam te esse eruditorem insipientium Judæorum;* quia si qui in
lege insipientes sint, doces eos esse sapientes. *Con-
fidis etiam te esse magistrum infantium;* quia si
quid simplices nec fari de lege neverint, doces eos
disputare de lege; te etiam *habentem formam scien-
tiae,* quia si quis velit considerare de lege quanta
sit, sciat eam tantam esse, quanta scientia tua in
ea est; *habentem etiam formam veritatis in lege,*
quia et scientia legis, et quæcumque docet vera
esse nosti. Possumus enim habere scientiam Ovidii,
nec tamen vera esse sciimus, quæ ibi narrata intelli-
gimus. Ergo, quoniam quidem dux es cæcorum, et
de doctrina legis illuminans eos: *Tu qui alium
dores, quare non doces te ipsum?* Sic cum debes
per legem proficere, rejiciendo opus legis, amplius
reus esse convinceris. Tu etiam *qui prædicas non
furandum,* quare *furaris?* Furabantur inter se Judæi
res suas plerumque; quod autem deterius est, furan-
tibus sanum intellectum de lege. Tu etiam, *qui di-
cias non esse mœchandum,* quare *mœcharis?* Mœcha-
bantur ad litteram, mœhabantur etiam adulteri-
num intellectum ponentes in lege, postquam sanum
sensem legis furati fuerat. Tu etiam, *qui abominaris
idola,* id est qui gentiles, colentes idola, **18** nec
homines vocandos esse judicas, quare *sacrilegium
facis,* id est: tu ipse quare colis idola? Plerumque
enim Judæi ad culturam idolorum lapsi sunt; facie-
bant sacrilegium, denegantes Christo cultum suum.

A *Sacrilegium enim est creaturam quod naturaliter*
Creatori debet negare, cultum scilicet Deo. Tu
etiam *qui gloriaris in lege,* id est qui jactas te solum
legem habuisse, quare *inhonoras Deum per præva-
riationem legis?* Prævaricari in lege est non facere
quæ facienda præcipit, et facere quæ fieri interdit.
Judæi autem deserendo legem, faciendo contraria
legi, Deum inhonorabant, quantum ad opinionem
hominum, nihil tamen gloriae ejus detrahentes. Ve-
re Deum, in quantum vobis es^t, inho*ra*bit**, *quia
nomen Dei blasphematur per vos inter gentes.* Cum
enim gentes videant vos contraria legi facere, justi-
tiam Dei profanare, cibis gentilium communicare,
et similia, dicunt et putant Deum sic vos instituisse,
nec satis provide tales cultui suo delegisse. Hoc Eze-
B chiel dixit, licet aliis verbis, de Judæis inter gentes
dispersis, transeuntibus ad idolatriam. Unde Paulus
sic ait: *Hoc quod dico Deum blasphemari per
vos, inter gentes dico, sicut scriptum est;* Scriptura
enim in hac re testimonium perhibet. Et quia præva-
ricatus es in lege, ideo *circumcisio tua præputium
facta est,* id est non plus valet te esse circumcisum,
quam gentilem præputiatum. Sicut superius asse-
ruit nihil prodesse quod Judæus vocaretur, quod-
que legem haberet; ita probat hic nihil valere cir-
cumcisionem illi, qui circumcisionis mysterium non
impleverit. Illa enim abscissio carnis significat car-
nalem generationem, quæ in peccatis est, debere ab-
scindi, et spiritualem generationem exinde esse te-
nendum.

C Diceret Judæus: *Si circumcisio sit præputium,*
pro nibili data est, cum non prospicit. Contra hoc
Paulus: *Circumcisio quidem prodest;* si observes le-
gem circumcisionis, id est si, quomodo circumcisionis
signat, omnia virtus a te circumcidas, prodest qui-
dem, observata lege; sed, si sis prævaricator legis
circumcisionis, non abscindendo virtus cordis, cir-
cumcisio tua sic facta est præputium, id est non est
utilior tibi quam præputium gentili. Circumcisio
dicitur ipsa munditia carnis. Præputium, id est
caro quæ amputatur, dicitur ipsa immunditia;
quia caro ipsa reclinatorium sit libidinis. Et quia
circumeisio lege circumcisionis non observata fit
præputium, igitur præputium, si justitas legis cir-
cumcisionis custodiat, siet circumcisionis. Sed ne ali-
quis audeat contradicere, ponit sub interrogatione,
dicens: *Si præputium, id est gentilis (quem tu ipsam
immunditiam judicas, te autem circumcisionem,* id est ipsam munditiam), si, inquam, præputium
custodiat *justitas legis circumcisionis,* quod vita
cordis abscindat, etiam carne non amputata, *nonne
præputium illius custodientis legem circumcisionis
reputabitur in circumcisionem,* id est: nonne sic prod-
erit illi quemadmodum circumcisione lex custodit
circumcisionis; et nonne præputium quod est con-
summans, id est implens, *legem circumcisionis,* et
hoc ex natura, id est per naturalem legem, *judicabit,*
id est damnabit, *te comparatione sui?* te, dico, *qui
es prævaricator legis servatus per litteram;* quia lit-

teralem custodiam eligis, et spiritualem rejicis, prævaricator etiam es per *circumcisionem* in carne habitam, et in corde non observatam. Vere circumcisio fit præputium. Nam *qui in manifesto*, id est solo nomine Judæus est, hic non est credendus esse Judæus; neque circumcisione quæ est in manifesto, et ita *quod in carne tantum*, et non in corde, hæc non est dicenda circumcisione. Probat iterum quod præputium (sicut dictum est) sicut circumcisione, dicens: *Judæus in manifesto, non est Judæus, sed ille qui in abscondito*, id est in operum exhibitione *Judæus est*, etsi non vocetur hoc nomine; et *circumcisio cordis facta in spiritu*, id est spiritualiter impleta, non in littera, id est non litteraliter, ut carnalis; hæc utique spiritualis est et vera circumcisione: *Laus cuius, id est 19 quæ laudabilis circumcisione non est ex hominibus, sed est ex Deo*. Deus enim solus justitiam cordis dare potest; homines vero amputare carnem, et nihil aliud possunt.

CAPUT III.

« Quid ergo amplius Judæo est? aut quæ utilitas circumcisionis? Multum per omnem modum. Primum quidem, quia credita sunt illis eloquia Dei. Quid enim si quidam illorum fidem Dei evanescerent? Nunquid incredulitas illorum fidem Dei evanesceret? Absit! Est autem Deus verax, omnis autem homo mendax, sicut scriptum est: « Ut justificeris in sermonibus tuis, et vincas cum judicaris (*Psal. L, 6*). » Si autem iniquitas nostra justitiam Dei commendat, quid dicemus? Nunquid iniquus est Deus qui infert iram? Secundum hominem dico. Absit! Alioquin quomodo judicabit Deus hunc mundum? Si enim veritas Dei in meo mendacio abundavit in gloriam ipsius, quid adhuc et ego tanquam peccator judicor? Et non sicut blasphemamur et sicut aiunt quidam nos dicere, faciamus mala ut veniant bona, quorum damnatio justa est. Quid ergo? Præcellimus eos? Nequaquam. Causati enim sumus Judæos et Græcos omnes sub peccato esse, sicut scriptum est: *quia non est justus quisquam, non est intelligens, non est requirens Deum* (*Psal. XIII, 2*). Omnes declinaverunt, simul inutiles facti sunt: non est qui faciat bonum, non est usque ad unum (*Ibid., 3*). Sepulcrum patens est guttura eorum, linguis suis dolose agebant, venenum aspidum sub labiis eorum (*Ibid.*). Quorum os maledictione et amaritudine plenum est, veloces pedes eorum ad effundendum sanguinem (*Ibid.*). Contritio et infelicitas in viis eorum, et viam pacis non cognoverunt; non est timor Dei ante oculos eorum (*Ibid.*). Scimus autem quoniam quæcumque lex loquitur, his qui in lege sunt loquitur, ut omne os obstruant, et subditus fiat omnis mundus Deo; quia ex operibus legis non justificabitur omnis caro coram illo. Per legem enim cognitio peccati. Nunc autem justitia Dei sine lege manifestata est, testificata a lege et prophetis. Justitia autem Dei per fidem Jesu Christi, in omnes et super omnes qui credunt in eum. Non enim est distinctio. Omnes enim peccaverunt,

A et agent gloria Dei, justificati gratis per gratiam ipsius, per redemptionem quæ est in Christo Iesu; quem proposuit Deus propitiatorem per fidem in sanguine ipsius, ad ostensionem justitiae suæ, propter remissionem præcedentium delictorum in sustentatione Dei, ad ostensionem justitiae ejus in hoc tempore, ut sit ipse justus et justificans eum qui ex fide est Jesu Christi. Ubi est ergo gloriatio tua? Exclusa est. Per quam legem? Factorum? Non, sed per legem fidei. Arbitramur enim justificari hominem per fidem sine operibus legis. An *Judæorum Deus tantum?* Nonne et gentium? Imo et gentium. Quoniam quidem unus est Deus, qui justificat circumcisionem ex fide, et præputium per fidem. Legem ergo destruimus per fidem? Absit! Sed legem statuimus. »

EXPOSITIO.

Quia probavit superius præputium fieri circumcisionem, et econverso circumcisionem fieri præputium, opponeret per hoc Judæus, nihilo plus sub Veteris Testamenti statu collatum esse sibi, quam gentili. Ad hoc refellendum ait Paulus inserendo objectionem Judæi: *Quia dixi præputium reputari in circumcisionem, et econverso, ergo propter hoc dicturus est mihi: Quid amplius collatum esse Judæo in veteri statu, quam gentili? aut quæ utilitas fuit circumcisionis Judæo, cum gentili idem valeat: præputium? Pro nihilo videretur facta circumcisione, lex superflue data, si absque his potuit bonum legis et circumcisionis haberi, sicut ostenditur in gentili. Habuit utique Judæus in veteri statu multo amplius collatum sibi (etiam si non observavit), quam gentilis; quod enim circumcisionis est et edoctus de cæteris in lege, præparations bona fuerunt et quædam instructiones, ad intelligendum fidem Christi. Sed gentilis nullam penitus 20 instructionem, præter naturalem intellectum habuit. Non tamen amplius dico Judæo quod in fide Christi dignior habendus sit gentili, sed utique magis præparatus est ad fidem. Quare si non consensit fidei, magis damnatus quam gentilis; si vero consensit, non tamen gentilem dignitate fidei excessit. Quæris quid amplius collatum sit Judæo? Multum utique, et per omnem modum, D et secundum animam, et secundum corpus, et in unoquoque, et in corpore et in anima, multa bona facta sunt Judæo, quorum nihil gentilis habuit. In corpore, quia liberavit eos ab inimicis, et dedit eis terram recompensationis, etc. In anima, quia instruxit eos per legem, et habuerunt cognitionem Dei, etc. Et multa similia contulit eis, et in corpore et in anima. De quibus ait Paulus: *Multa quidem reponere possem ad comprobandum amplius esse collatum Judæo quam gentili; sed primum, id est quia hoc præcipuum, est ad probandum quod intendo ponam istud, ideo amplius collatum esse Judæo, quia credita, id est proposita sunt illis ad instructionem eorum eloquia Dei, præcepta quæ Deus dedit in lege et prophetis. Contra hoc Judæus iterum: Per data**

eloquia amplius non fuit Judæo quam gentili, quia non creditit eloquiis Dei.

Vere ait Paulus: amplius per credita eloquia fuit Judæo; *quia si quidam illorum Judæorum non crediderunt* eloquiis Dei, et ideo reprobati sunt, quid impedit ad hoc ut non sit amplius collatum Judæo quam gentili? Nihil utique impedit; quia, quantum in Deo fuit, præparavit eos ad fidem, licet increduli permanissent. Vere si quidam illorum non crediderunt, nihil impedit; quia Deus, quod promiserat, propter incredulitatem eorum, implere non dimisit. *Nunquid enim incredulitas eorum quorundam evanesceretur fidem*, id est impletionem promissorum Dei? Nihil utique eorum quæ promisit Deus inexplum dimisit, et ideo nihil amplius impedit habuisse Judæum, licet quidam in incredulitate damnati sint. Quero an propter incredulos evanesceretur sit fides Dei? Sed *absit* hoc, ut fides Dei aliquo modo possit vel credatur! quia, licet quidam illorum non crediderint, tamen *Deus est verax*, id est impletor omnium quæ promisit. Deus utique verax est, sed *omnis homo* quicunque sit, seu Judæus seu gentilis, *mendax est*, id est peccator. Deus enim ad salvandum veniens, omnem hominem sub peccato reperit, et secundum merita salute indignum. Unde palam est fides et salvationem Dei Judæis et gentilibus æque provenire ex gratia. Mendacium dicitur omne peccatum; quia omnis creatura, quæ naturaliter obsequi debet Creatori suo, cum transgreditur mandatum Dei, mendasam facit naturam suam, deservens puritatem in qua creata est. Quia Deus sit verax, assero etiam per Scripturæ testimonium. Hoc enim dico *sicut scriptum est* de veritate Dei in psalmo: Deus procul dubio verax est. Ait enim David: *Justificeris in sermonibus tuis* (Psal. l, 6), id est: justificando me, verus appareas in promissionibus tuis. Illud ut ad continuationem psalmi legitur, in quo agebat David multorum criminum reus, ut de proditione militis, de morte proximi, de illicita concupiscentia et adulterio agebat, ut horum omnium consequeretur veniam, de qua certus erat per repromissionem sibi de Christo factam, quæ ad eos solum facta est qui per Christum salvandi erant; unde confidit se emaculandum ab hoc crimine, alioquin enim indignus esset futura salvatione.

Præterea notandum est quod cum David, nullum pretendens meritum, ex sola gratia confidat se salvandum, seque in peccatis confiteatur, quo neminem sanctior vixit in lege, neminem ex merito posse salvari, sed per solam gratiam. Justificeris utique in sermonibus tuis, et vincas impios, cum judicaris ab illis non esse Filius Dei, cum vincas eos de hoc justificando homines sicut promisisti. **21** Vel vincas cum judicaris, id est participaris alicui, ut mihi. Aiunt enim me non salvandum propter peccatum, licet mihi repromissus sis. Hic quiddam ingreditur Paulus, quod ab incepto alienum videtur; imponebatur enim ipsi et aliis apostolis, quod docearent bonum esse peccare, quia quanto plura essent

A peccata hominum, tanto gloriosior appareret Deus, dimittens omnia, quotquot essent, accipientes inde occasionem; quia ubi abundavit delictum, superabundavit ibi gratia, et similia. Quod hic destruere ingreditur Paulus, et satis bene ad rem. Hic enim probabit omnem salutem esse ex gratia Dei, et nihil ex merito hominis, dicens: Quia omnis homo mendax reus inventus est; Deus autem omnem reum justificans ex gratia in promissis verax est. Per hoc appareat quod *iniquitas nostra commendat* justitiam Dei, id est commendabilem facit Deum, per solam gratiam justificantem homines a peccatis; et hoc utique verum est, quia quanto gratia ejus copiosior est in remissionem peccatorum, tanto procul dubio commendabilior est Deus. Sed licet quæcunque peccata sint dimittat, non tamen inde causam peccandi dat. Iniquitas nostra commendat Deum, sed si hoc est, quod ex iniquitate nostra commendabilior sit Deus, *quid ab hac dicemus?* Mirabile quid videtur inde consequi. Ideo quid dicemus, quia *nunquid Deus iniquus est, quia infert iram*, id est ultionem, propter peccatum, quod commendabiliorem facit Deum? *Æquitati* videtur hoc esse contrarium. Hoc quod dico non satis esse æquum, quia punit peccatum quod commendat eum, quod totum *dico secundum hominem*, id est secundum carnaliter intelligentem. Sed ex me hoc dico: *absit* hoc ut Deus iniquus sit, quia peccatum punit! Et hoc probat ab impossibili, dicens: Vere Deus non est iniquus, inferens iram; quia *aliоquin*, id est, si *Deus iniquus esset, quomodo judicabit hunc mundum?* Non est credendum ut ille qui constitutus est judex totius mundi, iniquus sit, et hoc impossibile. Vere si iniquus est Deus, mundum non judicabit, quia nec me solum. Me autem ideo non judicabit de peccato, quia sic gloriam ejus augeo. Si enim in meo mendacio, id est propter meum peccatum: *abundavit veritas Dei*, id est abundantius ostenditur Deus ex veritate promissionis suæ dimisisse peccata. Abundavit dico *in gloria ipsius Dei*: quia quanto plura dimisit, tanto gloriosior de misericordia cognoscitur. Si utque peccatum meum causa est gloria ejus, *quid adhuc*, id est quare etiam in hoc mundo et *ego* (ut alios omittam) *judicor*, id est contemnor *tanquam peccator?* Deberem de poc-

Dat hoc argui, in quo augeo gloriam Dei? Cur etiam non facimus mala, ut bona misericordia Dei per hoc veniant in augmentum, *sicut nos blasphemamus* a quibusdam credere? *Sicut etiam nos aiunt* illi quidem non solum credere, sed etiam *dicere*, et prædicare hoc aliis, *faciamus mala*, id est certatum peccemus, *ut reniant bona*, id est ut Deus habeat quod multipliciter remittat. *Damnatio* quorum ita nos blasphemantium *justa est*, id est juste damnandi sunt pro hac blasphemia. Quia si pro peccato blasphemiarum judico hos debere damnari, constat quod non predico quod peccare bonum sit. Illi autem qui sic sentiabant de misericordia, in misericordia esse gloriam Dei prædicabant. Quia superius probatum est omnem hominem esse mendaceum, et Judæum

et gentilem, igitur, o Judæe, dic mihi, *quid*, id est quæ causa est quare præcellere debeamus eos, scilicet gentiles in salvationem? *Nequaquam* utique *præcellimus eos*. Vere non præcellimus. *Causati enim sumus*, id est convenientibus causis et rationibus comprobavimus *Judæos et gentiles omnes* (neminem excipio) esse non solum in peccato, sed ita *sub peccato* depresso, quod nemo per se posset resurgere, sine gratia adjutrice. Probat de Judæis quod omnes sub peccato sint, dicens: In eo quod dico omnes **22** *Judæos sub peccato esse*, Scriptura mihi testimonium perhibet. Hoc enim assero *sicut scriptum est* in psalmo: *quia non est justus quisquam*. Illud quia in ordine psalmi legitur, non est utique quisquam justus, id est deserens malum et faciens bonum. Et hoc ideo, quia *non est quisquam intelligens*. Ideo autem non intelligunt, quia *non est quisquam requiriens Deum*. Quia si Deum requirent, utique intellexerent, et intelligentes sectarentur justitiam. Nemo in Judæis justus est, sed omnes declinaverunt male operando in seipsis. Quod nec sufficiens fuit illis, sed etiam *facti sunt inutiles*, id est depravationi aliorum intendentis; qui adeo declinaverunt, quod *non est inter eos qui faciat bonum*.

Nec dico ut, pluribus a bono exclusis, aliqui in bono remaneant; sed non est inter eos faciens bonum, eundo usque ad unum (*Psalm. xiii*): quia nec unus faciens bonum inter eos relinquitur. Vel non est faciens bonum, donec veniatur ad unum, id est ad Christum per fidem. Qui enim fide ad Christum venerit, hic utique bonum facit. Non est in eis qui bonum faciat, sed *guttur eorum est patens sepulcrum*; quod receptis cadaveribus fetet, et adhuc ad recipienda cadavera patet. Sic illi et de prioribus peccatis fetent, et adhuc ad patranda scelera inhiant; et (quod aperte facere non possunt) agebant *linguis suis dolose* (*Psalm. xiii, cxxxix*), aliud cogitando, et aliud simulando, et *sub labiis eorum* (*Deut. xxxii*), id est in corde quod est sub labiis, est *venenum aspidum insanabile*: quia nemo, quandiu consenserit illis, poterit sanari. *Os quorum Judæorum plenum est maledictione*. Maledicebant enim Christo, dicentes eum filium fabri, et similia. Plenum est etiam os eorum *amaritudine* (*Psalm. ix*). Amara verba dicebant, inclamantes: *Crucifige, crucifige eum* (*Marc. x, et Luc. xxiii*). Et pedes, id est affectiones eorum Judæorum, sunt *relores ad effundendum sanguinem*. Prius enim voluntate effuderunt sanguinem Christi, quam actu. Et quia adeo iniqui sunt, ideo *in viis*, id est operibus, *eorum est contritio*, id est misera per orbem eorum dispersio, facta per Romanos. Est etiam in operibus eorum *infelicitas*, id est animarum damnatio, quæ sola infelicitas dicenda est. Et hoc totum fuit eis ideo, quia cognoscere noluerunt *tiam pacis*, id est Christum, per quem itur ad veram pacem. Et sicut non cognoverunt eum dilectione, sic nec etiam timore. *Non est enim timor Dei ante oculos eorum*: quia etiamsi in natura timorem Dei haberent, et Deum timendum esse bene reminisce-

Arentur, tamen timorem Dei tunc non habuerunt ante sed post oculos, quia contempserunt. Diceret fortassis Judæus hæc dicta esse de gentili. Contra quod Paulus: Tu, Judæus, fortassis arbitris hæc non esse dicta de te; sed ego et quicunque sancti scimus, auctoritatibz quorum non est obnitudem, scimus utique *quoniam quæcumque loquitur lex*, id est psalmus iste, procul dubio *loquitur his qui sunt in lege*, id est Judæis; hoc nos scire dicimus, ut per hoc dictum *obstruatur omne os*. Judæo enim convicto non est qui repugnet, cum gentilem sub peccato non dubium sit ulli. Et sic convictis omnibus *subditus fiat omnis mundus*, tam in Judæis quam in gentilibz, *Deo*; id est consteantur omnes per solam gratiam Dei se salvari. Et justum est ut omnis mundus subditus sit Deo, et nemo legi; *quoniam non justificabitur aliquis ex operibus legis coram Deo*, etsi in oculis hominum justus videatur. Sed omnipotens qui est in lege permanet ibi caro, id est carnalis. Vere nemo justificabitur ex operibus legis. *Nam per legem habetur cognitio peccati*, et non justificatio a peccatis. Quia si aliqui, ut Moyses et David, sub lege justificati sunt, non hoc habuerunt ex lege, sed per fidem Christi, quem Redemptorem credebant et expectabant. Sic omnes justi sub veteri lege non per legem, sed per Christum justificati sunt, quem credentes exspectabant venturum.

Nota: in prima conditione hominis, homo superbiendo **23** cecidit; quem Deus diu exspectavit, ut, si posset, per naturalem intellectum resurgeret. Ad quod postquam homo se inefficacem comperit, dixit quia, si legem haberet, per quam mala a bonis, et e converso bona a malis discerneret, sic tandem resurgere posset. Deus autem, ut hominem ubique per se impotentem ostenderet, dedit legem qua bona a malis discernere posset; nec tamen sic liberari potuit. Deus utique sic futurum de homine hene cognoverat, sed pro voto hominis et naturalem intellectum dimisit, et postea legem indulxit, ut, per hæc concessa non liberatus, crederet se nihil esse per se, et sic ad gratiam Dei confugeret, quam Deus post naturalem intellectum, post legem, quæ ad justificationem non sufficiebant, convenienter indulxit, postquam jam nec putari poterat aliud genus salvacionis. Et quia per legem sola cognitio peccati, igitur nunc tandem hoc ostendo, *manifesta justitia est Dei sine lege*, id est apertum est Deum justificare credentes, per solam gratiam sine omni lege. Illud autem illativum est: quæ justitia Dei *testificata* est per gratiam fieri, a lege Moysi et a ceteris prophetis. Probato quod justitia Dei *fiat sine lege*, subjungit per quæ fiat: per fidem scilicet, et per effusionem sanguinis Christi, dicens: *Justitia Dei non fit per legem, sed fit per fidem Jesu Christi in omnes illos qui credunt*. Quicunque enim in Christum credit, justificabitur a peccatis, et etiam *super omnes*; quia justificatus nunquam tantum mereri potest, quin gratia Dei meritum ejus retribuendo superet. Vere omnes justificantur per fidem. *Nam non est distinctio*, ut hic justificetur per meritum,

hic per gratiam, propterea non est distinctio, quia omnes, tam Judæi quam gentiles, peccaverunt, ut supra ostensum est; et ideo omnes egent gloria Dei. id est justificari per Deum: in qua re glorusus appetet Deus.

Egebant utique gloria Dei, quia justificati sunt gratis sine merito eorum; per gratiam ipsius, id est per effusionem sancti Spiritus, cuius gratia data est per præcedentem redemptions, quæ est in Christo Jesu, id est per datum præmium sanguinis Christi: quem Jesum Deus Pater proposuit, id est in propatulo hominem factum mundo exposuit propitiatorem. In Christo enim Deus propitiatus est mundo per fidem, id est his qui sanam fidem de Christo habent. Propitiatorem etiam in sanguine ipsius Christi; quia nec fides sine effusione sanguinis, nec sanguis sine fide ad salutem proficeret. Deus utique sic proposuit Christum ad ostensionem justitiae, id est, ut ostenderet se justum et veracem, propter remissionem delictorum præcedentium, id est, ut remitteret delicta Abrahæ et justorum, præcedentia in sustentatione Dei. Deus enim delicta eorum cum fierent patienter sustinuit, donec in tempore gratiæ purgaret illos ab eis. Proposuit etiam Deus Christum propitiatorem ad ostensionem justitiae, id est, justificationis ejus, scilicet, ut in hoc tempore gratiæ omnibus satis ostensum esset; cum neque naturalis intellectus, neque lex data a vinculo peccati liberaret, quod solus Deus justificare posset. Hoc, inquam, ostenderetur ut sit Deus ipse justus, id est, verax in completione promissorum; et ut sit justificans omnem eum a peccatis qui est ex fide Jesu Christi. Quandoquidem (ut supra probatum est) omnis justitia per fidem est, et in omnes. Non enim distinguitur Judæus a gentili, cum omnes æque peccaverint; ergo, o Judæe, ubi est tua gloriatio? Non tibi relinquitur unde jam glorieris in lege, cum per legem nulla sit justificatio, sed omnis per fidem. Propterea exclusa, id est ablata est tua gloriatio, qua per legem te præferebas gentili. Sed per quam legem exclusa est glorificatio tuæ legis? An per similem legem factorum ablata est? Lex vetus erat lex factorum; quia similiter necesse erat in ea operari immolando, cæteros ritus carnales observando, velut in agro aut 24 vinea. Quia si Deus huic legi factorum aliam similem legem superinduceret, videretur incongruum et indifferens, ut per facta facta repelleret. Ideo ait non per legem factorum exclusa est gloria tua; sed per legem fidci, id est per fidem justificantem, cuius fidei lex est Evangelium. Vere per fidem excluditur gloriatio tua: nam fides sola justificat, sine omni opere legis. Et huic loco inserit auctoritatem, dicens: Ego et justi mecum arbitramur justificari hominem per solam fidem sine operibus legis, id est licet nulla præcesserint opera legis, sola tamen fides sufficit ad hominis justificationem.

Diceret Judæus: Concedo per fidem justificari, sed solos Judæos. Contra hoc Paulus: Non est credendum quod Deus Judæos solos per fidem justificet.

PATROL. CLIII.

A An enim Deus creator est tantum Judæorum? Nonne sicut Judæorum ita et gentium creator est? Non solum Judæorum, in quo etiam gentium Deus est. Quia si æque gentiles creavit ut Judæos, constat Deum utrosque velle æqualiter salvare. Vere qui Deus est Judæorum, est Deus gentium; quoniam quidem unus est Deus omnium. Quia si unus tantum est Deus, constat eumdem esse Deum gentium quem et Judæorum. Quandoquidem unus gentium et Judæorum est Creator, constat quod hic unus idem est, qui justificavit circumcisioem, id est Judæos ex fide, et non per legem, et qui justificavit præputium, id est gentiles similiter per fidem. Hi qui insidiantur litteræ, dicunt quiddam expressius notari, per hoc quod ait ex fide, quam ubi ait per fidem. Vult enim designare dicens ex fide, quod nec etiam aliquod initium justificationis habuerint Judæi nisi ex fide. De gentibus vero quia nulla erat dubietas, non sic expressit. Sed Augustinus dicit æquipollere ex fide et per fidem, cum alibi dicat Apostolus Judæos per fidem, gentiles ex fide justificari. Et quia dicimus per fidem solam justificari sine operibus legis, ergo, id est an propter hoc destruimus legem per fidem inducatam? Absit hoc ut fides legem destruat! Nos utique non destruimus, sed potius statuimus, id est stabilem et valentem comprobamus suis legem. Nisi enim fides sequeretur quæ justificaret, pro certo lex vetus irrita esset; quia neque res, neque figura fieret. Sed modo valens esse probatur, per hoc quod figuravit gratiam, quæ sic justificaret per fidem. Vult etiam comprobare per exemplum Abrahæ quod lex justificare non possit, et ad hoc fides sola sufficiat, qui priusquam legem circumcisiois habebat, per fidem solam justificatus est, dicens.

CAPUT IV.

Quid ergo dicemus invenisse Abraham patrem nostrum secundum carnem? Si enim Abraham ex operibus legis justificatus est, habet gloriam, sed non apud Deum. Quid enim Scriptura dicit? Credidit Abraham Deo, et reputatum est illi ad justitiam (Gen. xv, 6; Galat. iii, 6; Jac. ii, 23). Ei autem qui operatur merces non imputatur secundum gratiam, sed secundum debitum. Ei vero qui non operatur, credenti autem in eum qui justificat impium, reputatur fides ejus ad justitiam secundum propositum gratiæ Dei; sicut et David dicit beatitudinem hominis, cui Deus accepto fert justitiam sine operibus: Beati quorum remissæ sunt iniquitates et quorum tecta sunt peccata. Beatus vir cui non imputavit Dominus peccatum (Psal. xxxi, 1). Beatitudo ergo hæc in circumcisione tantum manet, an etiam in præputio? Dicimus enim quia reputata est Abrahæ fides ad justitiam. Quomodo ergo reputata est, in circumcisione, an in præputio? Non in circumcisione, sed in præputio. Et signum accepit circumcisionis signaculum justitiae fidei quæ est in præputio, ut sit pater omnium creditum per præputium, ut reputetur et illis ad justitiam. Et si [alias, ut]

pater circumcisionis, non his tantum qui sunt ex circumcisione, sed et his qui sectantur vestigia fidei, quae est in praeputio patris nostri Abrahæ. Non enim per legem promissio Abrahæ, aut semi ejus, ut haeres esset mundi, sed per justitiam fidei. Si enim qui ex lege **25** haeredes sunt, ex inuita est fides, abolita est promissio. Lex enim iram operatur. Ubi enim non est lex, nec prævaricatio. Ideo ex fide ut secundum gratiam firma sit promissio omni semini: non ei qui ex lege est soluti, sed et ei qui ex fide est Abrahæ, qui pater est omnium nostrum: sicut scriptum est: « Quia partem multarum gentium posui te (Gen. xvii, 5), ante Deum cui credidisti: qui vivificat mortuos, et vocat ea quæ non sunt, tanquam ea quæ sunt: Qui contra spem in spem credidit, ut fieret pater multarum gentium secundum quod dictum est ei: Sic erit semen tuum, sicut stellæ coeli, et tanquam arena maris (Gen. xiii, 15). » Et non infirmatus est in fide, nec consideravit corpus suum emortuum: cum jam sere centum esset annorum, et emortuara vulvam Saræ. In reprobatione etiam Dei non hæsitavit diffidentia, sed confortatus ex fide dans gloriam Deo, plenissime sciens quia quemque promisit Deus, potens est et facere, ideo et reputatum est illi ad justitiam. Non est autem scriptum tantum propter ipsum, quia reputatum est illi ad justitiam, sed et propter nos, quibus reputabitur credentibus in eum. Qui suscitavit Jesum Christum Dominum nostrum a mortuis. Qui traditus est propter delicta nostra, et resurrexit propter justificationem nostram. »

EXPOSITIO.

Quoniam quidem ex operibus legis nulla justificatio, sed per fidem tantum, ergo quid dicemus? Abraham patrem nostrum sic gentium ut Judæorum secundum fidem invenisse secundum carnem, id est secundum carnalis legis observantiam? Vel ita: Quid dicemus invenisse ex carnis circumcisione Abraham patrem nostrum, id est Judæorum, secundum carnem, id est secundum propaginem carnis; qui omnium credentium pater est secundum institutionem fidei? Nullam utique justificationem ex operibus legis invenit Abraham: quod ita probat, per quoddam inconveniens. Vere Abraham non est justificatus per legem. Nam si justificatus esse creditur ex operibus legis, habet quidem gloriam apud homines, sed non apud Deum gloriosus est, quia nec in conspectu ejus justificatus est, quod impossibile est ut quilibet justificatus apud Deum sit ingloriosus. Vel ita: si Abraham justificatus est ex lege, habet inde referendam gloriam meritis suis, sed non apud Deum, id est non esse hoc referendum gratiae Dei: sed derogare gratiae Dei, et derogantem justificari qui in justus est, simul esse non possunt. Probavit per legem non posse justificari, per præmissum inconveniens probat per fidem justificari, per sequentem auctoritatem, dicens: Impossibile est ex operibus legis justificari, sed fides justificat, ~~tego~~ Scriptura.

A Quid enim Scriptura dicit? Hoc scilicet, Abraham credidit Deo, et illud credere reputatum est ei ad justitiam, id est per fidem qua Deo credidit, meruit justificari. Reputatum est, ideo dicit, quia multo tis et diversis temporibus reprobavit hoc illi Deus, et nulla vice Abraham hæsitavit, sed semper credidit. Quia dixit de Abraham, eum scilicet justificatum per fidem, et non per opera legis, adaptat omnibus dicens: Non soli Abrahæ hoc fit, nihil scilicet justificationis invenire ex operibus legis, sed etiam omni ei qui operatur, id est qui legem operum, id est veterem, et non gratiam sequitur: illi non computatur merces secundum gratiam, id est iste querit remunerari non per gratiam Dei, sed secundum debitum, id est secundum quod meritis operum

B suorum debetur. Ei vero qui non operatur, id est qui legem operum non sequitur, sed credenti in eum qui justificat impium, id est qui ex impiis, si credidit, facit justum, fides, inquam, ejus credentis reputatur illi ad justitiam: quia justificatur sine omni merito: per solam fidem, sicut supra ostensum est in Abraham. Vel aliter: Licet dixerim per fidem solam sine lege justificari, tamen ei qui operatur, id est qui tempus habet operandi, non est vacandum otio, sed bene operando credendum est venienti gratiae. Non enim talibus qui etatem operandi habent imputatur merces; sed fit retributio, non gratia tantum, sed secundum debitum, id est sic debent mereri, **26** ut per meritum adjuvent gratiam. Ei vero qui non operatur, id est qui non habet tempus operandi ut pueri statim morientes, sed credenti in eum qui per fidem justificat impium, illi reputatur fides ejus ad justitiam, id est sola fides sufficit ad justificationem ejus, cui tenera ætas opera negavit.

C Sicut superius probavit per exemplum Abrahæ, omnem credentem justificari per fidem, ita hic probare incipit per auctoritatem David, omnem justificationem esse ex gratia. Sicut enim fides per gratiam, ita justitia ex sola gratia Dei habetur. Unde sic ait: « Fides reputatur omni credenti ad justitiam: » quæ justitia est secundum propositum gratiae Dei, id est omnis justificatio fit per gratiam Dei: quæ gratia proposita et præparata est omni credenti. Justitia utique fit per gratiam Dei, sicut non ego solus, sed et David dicit: hoc, scilicet ejus hominis esse beatitudinem, id est vitæ hujus munditiæ, et in futuro vitam æternam; cui Deus accepto, id est acceptabili Deo: vel cui Deus accepto, id est gratis sine merito fert justitiam, id est quem Deus ex gratia justificat, sine operibus justificationem promerentibus. Hoc utique ait David ita dicens (Psalm. xxii, 1): Beati sunt illi quorum iniquitates remisesse sunt. Non determinat per quem, sed sequens versus innuit a Domino has remitti. Illi utique sunt beati: iniquitates quorum, id est in quibus naturalis somes peccati remissus et debilitatus est, quod jam in actum transire non potest, si velint uti libero arbitrio confortato. Sed quia remissum esse somitem peccata non sufficeret ad salutem, nisi preterita peccata di-

mitterentur, addit. *Et beati sunt illi, peccata quorum actualia tecta sunt in baptismo.* Tecta ideo: quia Deus jam non videt ad puniendum. *Beatus etiam vir ille cui Dominus non imputavit peccatum originale.* Hic non multum videtur agere de gratia. Scendum tamen est quod totus psalmus versatur circa commendationem gratiae Dei, et probat neminem posse justificari nisi per gratiam. Quoniam quidem ita legitur in David: *Ergo per auctoritatem hanc constat quod beatitudo, id est justificatio (sic ut dictum est) fit per gratiam.* Sed cum sic fiat, videamus an haec beatitudo maneat in circumcisione, id est in Iudeis tantum: *an sicut in Iudeis, sic etiam in præputio, id est in gentilibus.* Vult iterum probare per Abraham qui, priusquam circumcidetur, per fidem justificatus fuit, sic gentiles per gratiam justificari, ut Iudeos, dicens: *Ideo quæro an in circumcisione solum, an in præputio maneat haec justificatio: quia nos dicimus quod fides Abraham reputata est ei ad justitiam, id est quod Abraham per fidem justificatus sit: et cum per fidem justificatus sit, ergo dicendum restat quomodo, id est in quo statu reputata est ei fides ad justitiam, an in circumcisione, an priusquam circumcidetur, dum adhuc esset in præputio, id est in gentilitate?* Quæro in quo statu, sed palam est quia in circumcisionis tempore non est justificatus per fidem, sed dum adhuc maneret in præputio. Quia si Abraham incircumcisus adhuc per fidem justificatus est, quare similiter gentiles incircumcisi non justificantur si fidem habeant? Opponeret iterum Iudeus: *Si circumcisione nihil ad justificationem Abraham profuit, quare postquam justificatus est se circumcidit?* Opportune, inquam, ut veritatem rei quam habebat occultam in anima, figuraret in carne: intendens magis docens circumcisionem cordis quam carnis, quod æquipollenter ait. Et licet Abraham in præputio justificatus sit, tamen postea accepit in carne signum circumcisionis et justificationis habitæ, non ut per circumcisionem justificaretur, sed ut sic ostenderetur justus. Signum dico non apertum omnibus, sed signaculum, quod quiddam occultum contineret: a similitudine ceræ cui imprimitur sigillum, quæ in se continet quod extra non appareat. Sic circumcisione carnis signum quidem erat interioris justitiae, quod vix aliqui Iudei sane attendebant. Signaculum dico justitiae fidei, id est justificationis habitæ **27** per fidem, quæ fides et quæ justitia est in præputio, id est consideratur in Abraham tempore præputii, et convenienter in eo statu Abraham justificatus est, ut ita sit pater, id est institutor secundum formam fidei, non solum Iudeorum, sed et omnium creditum; sit, inquam, pater fidei omnium per præputium, id est per fidem in tempore præputii habitam. Et quemadmodum illi, sic illis omnibus creditibus reputetur credere suum ad justitiam. Et sicut Abraham pater est fidei, ita sit pater, id est institutor, circumcisionis, id est justificationis, quæ ex fide consequitur. Sit pater dico non his tantum qui sunt ex circumcisione

A sione carnis, id est Iudeis, sed etiam omnibus his qui sectantur vestigia fidei Abraham, exemplo illius bene operando per fidem, quæ fides est habita in tempore præputii, patris nostri Abraham. Vere Abraham pater erit omnium creditum, non per legem sed per fidem. Nam hujus rei promissio, scilicet, ut esset haeres mundi, quod idem est quod esse patrem omnium gentium: haec, inquam, promissio non est facta per legem, id est merito legis, sed merito fidei: quod si non est promissum per legem, nec impleri debet per legem; quod sic ait: Promisit quidem Deus Abraham aut semini ejus, id est Christo, ut esset haeres mundi; ubi dictum est: Dabo gentes haereditatem tuam (*Gen. xvii.*), etc. Hoc, inquam, non promisit per legem, sed per justitiam fidei, id est quæ justitia ex fide sequitur, quam fidem et justitiam fidei oportet habere omnes, qui se volunt annumerari in haereditatem Christi: Abraham autem fidem in se habuit, et justitiam quam oportet imitari filios ejus. Vere per legem non fit promissio: quia si ii tantum qui sunt ex lege, id est Iudei, sunt haeredes promissionis Abraham, ergo fides Christi est exinanita, id est inania est, et frustra receperitis eam, o Iudei, si lex sufficiebat vobis, ut haeredes essetis: quod maximum inconveniens judicatis vosipsi, ut fides Christi frustra sit. Nec hoc solum est, sed etiam si Iudei solum haeredes sunt, sic abolita, id est deleta, est promissio et falsa: quod dictum est: In semine tuo benedicentur omnes gentes (*Gen. xvii.*), cum in solis Iudeis haec benedictio fiat. Vere qui ex lege sunt tantum, non merentur haereditatem. Nam lex operatur et meretur solummodo iram: quia si qui sub lego bene operati sunt, per fidem hoc fuit, et non per legem. Vere lex operatur iram; nam prævaricationem, et vere prævaricationem: nam si ubi non est lex, non est prævaricatio, et ubique est prævaricatio, ibi lex est. Propter supradicta qui ex lege sunt, haeredes non erunt: sed ideo qui ex fide sunt, haeredes erunt, ut promissio facta et implenda secundum gratiam firma sit omni semini, id est, omni imitanti Abraham per fidem: non ei solum qui ex lege est, id est Iudeo, sed etiam omni et qui est ex fide Abraham, id est, qui per fidem sequitur Abraham: qui Abraham est pater omnium nostrorum, tam gentilium quam Iudeorum, secundum formam fidei et justitiae. Pater utique omnium est, sicut scriptum est in Genesi. Illud quia ad ordinem litterarum de qua sumptum est, respicit: hoc, inquam, scriptum est: Ego disposui te, Abraham, futurum patrem secundum institutionem fidei multarum gentium: te dico per justitiam factum ante Deum, id est, in beneplacito Dei cui credidisti.

Hinc sequuntur verba Pauli: Qui Deus mortuos peccato vivere facit, justificatos per fidem: nec tantum vivificat, sed etiam per gratiam vocat ea quæ non sunt, id est gentiles, qui propter non habitam legem nihil esse videntur: tanquam ea quæ sunt, id est, quemadmodum vocat Iudeos qui se solos esse per legem gloriantur. Probavit superius per Abra-

ham omnem justificationem esse ex fide : ut autem in plenitudine fidei perfecte imitemur Abraham, determinat qualitatem fidei Abrahæ : ut sicut quæcunque secundum visum hominum impossibilia credit sibi per Deum impleri, sic et nos de potentia Dei non hæsitemus, opposentes ei legem naturæ. Unde sic ait : Abrahæ **28** dictum est : *Posuit te patrem multarum gentium : qui Abraham eredit, contra spem in spem, posset dicere contra opinionem.* Spes Domini certa exspectatio rei futuræ dicitur ; sed congrue dixit contra spem, quia secundum legem naturæ visa annositate sua et sterilitate uxoris, certissime sperabat non jam se habiturum semen : sed contra spem, quam sibi lex naturæ porrigebat, credit in spem, quam, fracto jure naturæ, omnipotentia Dei suggerebat. Credit utique hoc ut fieret pater multarum gentium : de quo secundum hominem satis ambigere posset, cum videret se unius tantum illi procreatorem. Credit, inquam, illud totum quod dictum est et, id est credit se patrem futurum multorum, non solum secundum propaginem carnis, sed secundum imitata formam fidei. Hoc, inquam, dictum est ei : *Sie erit cremen tuum, Abraham, sicut stellæ cœli, et sicut arena maris (Gen. xv, 5).* Per stellas cœli, spirituales filios Abrahæ, luce virtutum conspicuos, significat. Per arenam maris, infructuosos carnales filios. Sic promissum est Abrahæ, et accepta hac promissione quandiu differebatur, propterea non est infirmatus in fide : ut minus crederet firmæ promissioni sibi factæ; utque firmus in fide promissæ rei perduraret, non consideravit corpus suum emortuum, id est non pensavit naturalem defectum generandi posse immutare voluntatem Dei, cum esset sere centum annorum, et tempus generandi jam in eo præterisset. Et non consideravit vulvam Saræ emortuam, id est genitalia uxoris defecisse, et vitio sterilitatis et annorum antiquitate. Non est infirmatus in fide primæ promissionis : in reprobatione etiam Dei, quia Deus multoties idem ipsi reprobavit. In reprobatione utique illa, qua Deus, priusquam finiretur annus, se daturum filium promitterebat, in hac utique non hæsitavit diffidentia. Hæsitavit quidem admirando et revolvendo secum mysterium rei, sed non hæsitavit per diffidentiam, ut diffideret non implementum sibi totum quod Deus promiserat, sed conformatus est fide. Cum enim posset objicere rem toties premissam, diu sustinendo : Dubium me mora facit, fortior in eruditate rei promissæ surrexit : *dans inde gloriam Deo : nihil meritis suis de bono hujus promissionis ascribens : sed in omnibus glorificans Deum, sciens hoc plenissime, sine omni hæsitatione : quia quæcumque promisit Deus, potest est etiam facere, juxta omnem modum quem promisit.* Et ideo quia sciens promissis Dei plenissime fidem adhibuit, non solum completum est ei promissum, quia sic credit, sed etiam reputatum est illi ad justitiam, id est merito tanta fideliter meruit justificari. Quia modo satis modum fidei Abrahæ express-

A serat, quæ de eo dixit adaptat suæ intentioni, dicens : Quia sic credidit Abraham, ideo justificatus est. Hoc tamen de Abraham non hic scriptum tantummodo propter ipsum Abraham, de tanta fide laudandum. Hoc, scilicet, quia reputatum est illi ad justitiam : sed etiam scriptum propter nos, in fide Abrahæ conformandos, quibus credentibus credere nostrum (sicut in illo videmus) nobis ad justitiam reputabitur. Credentibus dico in eum qui suscitavit Christum Jesum Dominum nostrum a mortuis, id est sicut Abraham, quod contra naturam erat, a Deo se accepturum credit; sic neque nos hæsitemus credere et confiteri, licet contra jus naturæ sit Christum surrexisse a mortuis. Qui enim auctor est naturæ, sicut placuit potuit eam invertere. Hæc duo quæ sequuntur : traditus est ad mortem, et resurrexit propter justificationem, ad probationem præmissorum necessaria non erant, sed ad instructiōnem Romanorum vidit ea opportuna, et ideo subjunxit : Qui traditus est : non determiniat ad quid, sed satis patet quia ad mortem. Et hoc propter aelicta nostra, id est, ut nos mundaret a delictis nostris, qui etiam resurrexit propter justificationem nostram, id est, ut nos mundatos a delictis nostris, per positionem virtutum justos efficeret. **29** Non ideo, ait, mortuus est propter delicta nostra, resurrexit propter justificationem, quin mors ejus causa sit nostræ justitiae, et resurrectio causa remissionis peccatorum. Sed ideo ait resurrexit, propter justificationem, ut ostenderet resurrectionem ejus sic esse causam nostræ justificationis, ut esset signum rei futuræ in nobis : duplicit scilicet resurrectionis. Prima est, qua in baptismo a morte peccati resurgimus, ad vivendum in justitia. Hæc autem resurrectio animæ, quæ prius mortua in peccatis, nunc autem confortato libero arbitrio potest obniti omni malæ suggestioni, Deumque cognoscit. Secunda resurrectio est futura secundum corpus : quando, impossibilitate et immortalitate resumpta, conregnabimus Christo, si prima resurrectio integre fuerit custodita, quæ resurrectio Christi et Pentecostes, quæ de eadem resurrectione pendet, ideo variis temporibus celebrantur, quia adhuc ventura præsignant, nec solum de præteritis agunt, ut festum Nativitatis.

D

CAPUT V.

- Justificati igitur ex fide, pacem habeamus ad Deum per Dominum nostrum Iesum Christum :
- per quem habemus accessum per fidem in gloriam istam in qua stamus, et gloriamur in spe gloriarum filiorum Dei. Non solum autem, sed etiam gloriamur in tribulationibus : scientes quod tribulatio patientiam operatur, patientia autem probatatem, probatio vero spem. Spes autem non confundit : quia charitas Dei diffusa est in cordibus nostris, per Spiritum sanctum qui datus est nobis. Ut quid enim Christus, cum adhuc infirmi essemus, secundum tempus pro impiis mortuus est? Vix enim pro justo quis moritur. Nam pre

beno forsitan quis audeat mori? Commendat autem charitatem suam Deus in nobis, quoniam, si cum adhuc peccatores essemus secundum temporum Christus pro nobis mortuus est, multo igitur magis nunc justificati in sanguine ipsius, salvi erimus ab ira per ipsum. Si enim cum inimici essemus, reconciliati sumus Deo per mortem Filii ejus, multo magis reconciliati salvi erimus in vita ipsius. Non solum autem, sed et gloriamur in Deo per Dominum nostrum Iesum Christum, per quem nunc reconciliationem accepimus. Propterea sicut per unum hominem peccatum in hunc mundum intravit, et per peccatum mors; et ita in omnes homines mors pertransiit, in quo omnes peccaverunt. Usque ad legem enim peccatum erat in mundo. Peccatum autem non imputabatur, cum lex non esset: sed regnavit mors ab Adam usque ad Moysen, etiam in eos qui non peccaverunt in similitudinem prævaricationis Adæ, qui est forma futuri. Sed non sicut delictum, ita et donum. Si enim illius delicto multi mortui sunt, multo magis gratia Dei et donum in gratia unius hominis Iesu Christi in plures [homines] abundavit: et non sicut per unum peccatum [delictum]: ita et donum. Nam judicium ex uno in condemnationem, gratia autem ex multis delictis in justificationem. Si enim in unius delicto mors regnavit per unum, multo magis abundantiam gratiae et donationis et justitiae accipientes, in vita regnabunt per unum Iesum Christum. Igitur sicut per unius delictum in omnes homines in condemnationem, sic et per unius justitiam in omnes homines in justificationem vitæ. Sicut enim per inobedientiam unius hominis, peccatores constituti sunt multi, ita et per unius [hominis] obedientiam justi constituentur multi. Lex autem subintravit, ut abundaret delictum; ubi autem abundavit delictum, superabundavit et gratia, ut sicut regnavit peccatum in mortem, ita et gratia regnet per justitiam in vitam æternam, per Jesum Christum Dominum nostrum.

EXPOSITIO.

Quandoquidem sufficienter ex superioribus probatum est omnem justificationem esse ex fide; igitur *justificati ex fide, habeamus pacem*, id est concordiam inter nos: ut neque Judæus gentili, nec gentilis Judæo in hac nova gratia se præferat. Ut autem magis eos et a discordia deterreat, et ad concordiam inducat, ait. *Habeamus pacem ad Deum*. Si enim inter nos discordes fuerimus, ad Deum utique pacem non habemus. Habeamus dico pacem per Dominum **30** nostrum Iesum Christum, cui in omnibus obediens debemus: qui tradi voluit ad mortem propter delicta nostra, etc. *Per quem Christum non solum delicta dimissa sunt, vita et justitia data, sed etiam habemus gratiam istam*, id est tam excellentem, ut depellere morbos facereque miracula. Sed ne Judæi opinarentur per meritum legis aliquem gradum habere in hanc gratiam, ait

A Paulus: *Per quem, Christum, etiam accessum, id est primum gradum veniendi ad hanc gratiam, habemus: quam gratiam consequimur per fidem, siue justificationem, quia et fides justificat; et fides gratiam hanc dat in qua gratia nos stamus, id est perseveramus*. Adæ quidem multa gratia collata est, sed in ea non stetit. Et stando in hac gratia gloriamur in spe gloriae filiorum, id est ex eo quia certissime speramus nos habituros gloriam quam habent filii Dei; non solum autem, spe hujus gloriae, sed etiam gloriamur in tribulationibus. Hæc est maxima virtus, in hoc gaudere quod naturale est formidare: ideo in tribulationibus gloriamur, quia scientes sumus quod tribulatio patientiam operatur, id est quia usus et consuetudo tribulationum nutrit patientiam. *Patientia autem operatur probationem*, id est purgationem; quia sicut aurum purgatur per ignem, sic quod in istis purgandum est igne tribulationis excoquitur: unde eos qui in tribulatione vitam finiunt, sanctos sine aliqua hæsitatione confidimus, quia quidquid prius peccaverunt, ignis tribulationis totum excoxit. Eos vero qui in pace vitam finiunt, quantumcunque laudabiliter vixerint (nemo enim sine sorde est) sine certa miraculorum ostensione, in catalogo sanctorum non annumeramus. *Probatio vero operatur spem*; certissime enim sperare potest, qui sufficienter purgatus est. *Spes autem sic post purgationem habita non confundit*, id est, non facit erubescere eos qui sperant, quos faceret confusibiles si inexpleta esset. Vere spes non confundit, sed implebitur, quod certum habemus per Spiritum sanctum qui datus est nobis. Spiritus enim sanctus, jam nos ex parte deificans, certitudinem dat: quia nos plenarie deificabimur in futuro, illuminati secundum animam majori cognitione Dei, et secundum corpus incorruptibiles futuri. Quia Spiritus sanctus datus sit nobis apparent ex eo, quia *charitas Dei diffusa est in cordibus nostris*, id est quia dilectio Dei amplificata est in cordibus nostris, quia parati sumus pro eo et pati et mori. Vel aliter: vere non confundit, sed impletur: quod patet ex eo, quia *charitas Dei diffusa est*, id est, quia Deus abunde diligit nos, et quia *charitas Dei adeo seruat erga nos*. Hoc sentimus D in cordibus nostris illuminatis per *Spiritum sanctum qui datus est nobis*. Probat quod spes (sicut dictum est) impleatur, diversis de causis: tum quia si non impleretur, frustra Deus homo esset factus, mortem gustasset, nisi spem consummando quod cœperat pie perficeret. Tum etiam ideo, si cum impii escemus et damnationis meritum esset in nobis tantum, quid facere voluit ut pro nobis, impiis, difficultatem mortis subiret, non est ambigendum quin nos, jam justificatos et jam meritum salvationis prætententes, salvos faciat: quod facile est ei, quia non oportet eum amplius mori. Unde sic ait: *Vere spes non confundit, sed impletur, quia nisi sicut speramus consummaretur: Ut quid Christus mortuus est justus pro impiis?* Vel vice

impiorum, quia impil mori deberent pro peccato A sto, vel causa impiorum redimendorum. Diceret aliquis quia mortuus est, ideo non potest. Mortuus dico secundum tempus; die enim ter- tia surrexit. Iterum adversarius: impii quidem fueratis, sed jam tempore mortis ejus justificati: impis dico ita cum adhuc tempore mortis suae infirmi essemus, id est, in impietate perduraremus. Frustra justus mortuus est pro impiis, si justificatos salvare deserit. Non est credendum quod inexplesum dimittat, pro quo tantam difficultatem subiit. Diceret aliquis: Fuitne adeo magnum 31 mori pro impiis? Ita inquam. *Via enim quis, id est aliquis, vel morte dignus, vel cito moriturus, moritur pro justo, id est, vel vice vel causa justi.* Unde magnum quid esse constat Christum, qui re- spectu justitiae suæ non moriturus erat, mori pro impiis? Ideo dico vix aliquem mori pro justo: nam forsitan alius audeat mori pro bono. Quia si du- bletas est utrum quis moriatur pro bono, magnum fuit mori Christum pium pro impio. Vix aliquis au- deat mori pro justo; sed Christus pro nobis mor- tuus est, et per hoc commendabilem facit Deus quam charitatem in nobis; quantam si cum adhuc essemus peccatores, mortuus est Christus, quod tam difficile et indebitum fuit, justus pro nobis peccatoribus; ig- tur, id est propterea, multo magis credendum est quod nos justificati nunc, qui prius peccatores era- mus, in sanguino ipsius, id est per effusionem sa- guinis ejus, salvi erimus, liberati ab ira per ipsum, quem amplius non oportet a statu suo mutari, uti quando pro peccatoribus mortem subiit. Et quia possemus justificari, nec tamen pacem perditam re- recuperare cum Deo, ait: Vere justificati salvi erimus, dum jam justificationis meritum prætendimus, quia cum inimici essemus, et meritum damnationis habe- remus, sumus reconciliati Deo per rem tam gravem, ut mortem Filii ejus. Etsi prius inimici, modo morte Filii ejus sumus reconciliati, multo magis creden- dum est quod nos reconciliati, et jam quodammodo salutem promeriti, salvi erimus. Et satis leviter sal- vabit nos; quia in vita ipsius. Non enim jam oportet eum mori, sicut prius. Considerandum est quomodo singula singulis opponat. Peccatores justificati, inimici reconciliati, per mortem in vita, non solum sa- lutem futuam expectamus, sed etiam spe et gau- dio illius gloriamur in Deum, etiam dum hic sumus; gloriamur, inquit, per Dominum nostrum Jesum Chri- stum, per quem nunc paulo ante accepimus inimici reconciliacionem ad Deum.

Opponeret aliquis: Christus quidem satis justus fuit, sed non videtur justitia ejus sufficiens ad sal- vationem omnium. Quod Apostolus probat, dicens: Cum per anius inobedientiam omnis homo lapsus sit, dignum et æque comparatum videatur, ut per unius obedientiam lapsus humani generis reparetur, per Jesum solum. Propterea reconciliari potuimus ad salvationem, sicut per unum hominem intravit, non immissum a Deo, sed quadam violentia peccatum in-

A mundum hunc, id est, adeo miserum per peccatum factum, et consequenter per peccatum unius homini- nis intravit mors, et corporalis et spiritualis in eun- dem hominem: et ita ab eo pertransiit mors in omnes homines. Et merito ab eo in omnes, quia hic fuit in quo peccaverunt omnes. In lumbis enim Adæ tota illa massa humani generis peccato prævarica- tionis corrupta est. Quidam pretendunt hunc ver- sum, usque ad illud longe inferius: igitur sicut per unius, etc. Sed sicut exposuimus, satis abbreviari potest. Vere omnes peccaverunt in Adam, etsi ante legem fere ab omnibus hoc ignoraretur. Peccatum enim erat in mundo ab Adam usque ad legem. Sed licet ita esset, tamen hoc peccatum non imputabatur, id est, nemo reus pro originali judicabatur ante Moysen, cum lex non esset, quæ, postquam venit, peccatum hoc patefecit, vel dicamus in toto. Peccatum hoc quidem erat in mundo ante legem, sed ideo nesciebatur, quia nullum peccatum imputabatur, cum lex non esset. Et licet peccatum originale ante legem non imputaretur, tamen per hoc satis digno- sci potest quia mors corporalis, quæ pena fuit pro originali, illa regnavit præmittendo ante se omnes miseras suas, sitiim, famem, febres, et cætera. Re- gnavit, inquam, ab Adam usque ad Moysen, non so- lum in eos qui originali peccato sua peccata adjun- xerunt, sed etiam in eos qui non peccaverunt. In similitudinem prævaricationis Adæ, id est, qui ex parte sua non similiter prevaricati sunt, 32 at Adam. Hi sunt parvuli qui non habuere tempus pec- candi, sed solummodo de originali sunt puniti. Qui Adam est forma futuri Adæ, id est Christi. Adam forma Christi fuit, quia, sicut ille pater est omnium secundum carnem, sic Christus pater fidelium secundum fidem. Et sicut ex latere Adæ dormientis for- mata est Eva, sic ex latere Christi soporati somno mortis in cruce fabricata est Ecclesia. Et ideo Adam forma Christi, quia Deus decrevit per unum Chri- stum emendare, quod per unum Adam peccatum est. Vel sic legamus secundum Ambrosium: Vere omnes peccaverunt in Adam; nam originale pecca- tum erat in mundo usque ad legem. Sed licet in mundo esset, tamen non imputabatur illud pecca- tum; quia lex non esset quæ peccatum hoc insinua- ret; sed licet nesciretur hoc peccatum, tamen pro pena hujus peccati regnavit mors ab Adam usque ad Moysen, non solum in eos qui de actualibus re- bus peccaverunt, sed etiam in eos qui peccaverunt in similitudinem prævaricationis Adæ, id est qui pro sola similitudine: quia fuerunt filii prævaricatoris Adæ damnati sunt. Ostendit superius Christum unum sufficietem esse ad salvationem omnium, quia solus Adam sufficiens fuit ad perditionem om- niuum. Et sicut personam Christi personæ Adæ conculit, sic causam Christi, id est obedientiam, opponit cause Adæ, quæ est inobedientia: et effec- tum causæ Christi, id est justificationem in præ- senti; et vitam æternam in futuro, opponit effectui illius, id est morti temporali, et æternæ damnationi,

Probat etiam gratiam Christi longe amplius abundare A peccatorum, quibus naturali ratione (licet multa-
peccato Adæ. Cum enim ab Adam originale tantum
contraximus, gratia Christi non solum originale,
sed cum eo quæcunque actualia dimisit in baptismos.
Littera sic jungitur : Adam vetus forma fuit futuri
Adæ; sed licet una persona uni esset opposita, ta-
men causæ sunt dissimiles. *Non enim sicut fuit de-*
lictum Adæ, ita est etiam donum Dei quæ est gratia.
Vere non sic fuit donum Christi, ut delictum Adæ:
nam donum Christi multo magis abundavit super
delictum Adæ, quia delictum unum fuit quod voca-
mus originale; Christus autem et originale et quæ-
cunque actualia dimisit. Et probat : Vere solus Chri-
stus sufficiens fuit ad justificationem omnium. Nam
si delicto, id est per delictum, unius Adæ, et per
unum (quod in sequentibus plenius determinabit),
id est per inobedientiam : si per hoc, inquit, unum
delictum (quod originale vocamus) multi peccato
mortui sunt, contrahentes illud originale a primo
patre (multi non ideo dicit, quin omnes hoc peccato
pressi sint, sed non omnes in eo perdurantes detenti
sunt, deponentes illud originale per acceptam fidem
Christi) : si, inquit, per unum delictum unius, multi
mortui sunt, multo magis secundum dignitatem per-
sonæ Christi et causæ, abundavit gratia Dei, id est
remissio peccatorum. Abundavit etiam donum, id
est corroboratio per Spiritum sanctum. Postquam
enim remissa sunt peccata, necessaria sunt arma
Spiritus sancti, quibus resistamus diabolo male
suadenti. Gratia, inquit, et donum abundavit in
gratia, id est per gratiam unius hominis. Congue-
ait per gratiam : quia quemadmodum contractio
originalis fuit per necessitatem, sic salvatio facta est
per gratiam, id est per voluntatem. Nemo enim nisi
ex voluntate salvatur. Sicut, inquit, delictum unius
diffusum est in multos, sic æque comparatum est,
quod gratia unius hominis abundavit in plures. Non
dicit in plures gratiam abundasse, quam delictum,
sed in plures, id est in multos. Non enim omnes
salvati sunt, quia noluerunt. Unius hominis dico,
qui nihil minus potuit quam voluit : nam Jesu Chri-
sti, id est salvatoris et regis. Sicut causas Christi et
Adæ diversificavit, sic effectus causarum opponendo
distinguit dicens : Sicut donum Christi tale non
fuit, quale delictum Adæ; sic etiam non sicut fit per
unum peccatum Adæ, ita fit per donum Christi, id
est effectus peccati Adæ et gratiae Christi diversi
sunt : quia peccatum 33 simplex, donum vero
*multiplex. Et hoc probat dicens : Vere effectus pec-
cati Adæ, et effectus gratiae Dei non sunt similes.*
Nam iudicium, id est justa sententia Dei fit in
condemnationem, id est condemnat filios Adæ ex uno
delicto, id est solummodo propter originale; sed
gratia Christi fit in justificationem, id est justificat
filios suos ex multis delictis, id est sic de actualibus
ut de originali.

Notandum est quod illud primum peccatum de-
bilitavit quidem naturam nostram, et proniorem fe-
cit in easum, sed tamen non fuit causa actualium.

B A peccatorum, quibus naturali ratione (licet multa-
parte debilitata) possemus resistere. Videndum-
etiam quod, licet in peccato Adæ multa consideren-
tur, ut superbia, gula, tamen unum solum dicitur :
quia inobedientia probat, quod gratia justificaverit
ex multis delictis, dicens : Vere per gratiam Christi
justificantur homines ex multis delictis. Nam ac-
cepta justitia (quod majus est) regnabunt cum
Christo in vita æterna, quod æquipollenter ait. Ho-
mines accipientes abundantiam gratiæ ejus, id est,
abundantem remissionem, quia non solum originali-
s, sed etiam omnium actualium; et *accipientes*
abundantiam donationis, id est, dona Spiritus sancti
ad confortationem in bono abundantem; et acci-
pientes abundantiam *justitiae*, id est, justæ opera-
tionis : quia postquam dimissa sunt peccata et
Spiritus sanctus corroborat, sic demum licet bens
operari : hæc, inquam, accipientes *conregnabunt*
Deo positi in vita æterna, quæ omnia, et gratiam, et
donationem, et regnum, accipient per unum Iesum
Christum. Et vere per hunc unum : *quia si in de-*
licto unius Adæ quod causa fuit perditionis, regna-
vit mors, et temporalis et æterna per unum deli-
ctum, id est, per inobedientiam, multo magis se-
cundum dignitatem personæ, causæ et effectus, hi-
qui sunt accipientes abundantiam gratiæ, donati-
onis et justitiae, regnabunt in vita per unum Iesum
Christum. Quoniam quidem et similitude est ibi,
quia Adam unus, Christus unus ; et majoritas sc-
cundum dignitatem, quæ dicta est : igitur a simili,
et a majori inferre possum, quod sicut per delictum
unius Adæ (delictum dicto transiens in omnes ho-
mines) ventum est in condemnationem, sic et per
justitiam unius Christi transeunte in omnes homines
secundum potentiam (Christus enim sufficiens pre-
mium pro omnibus dedit), per unius, inquit, justi-
tiam ventum est in justificationem vite. Ostendit
satis superius quod Christus potens esset, et restau-
rare sufficeret quidquid lapsum fuerat per Adam, se-
cundum determinaverat quid in hac reparatione ageret,
seu per potentiam, seu per meritum, quod hic deter-
minat, dicens : Quia quemadmodum Adam male me-
rendo per inobedientiam omnes præcipitavit, sic Chri-
stus bene merendo per obedientiam omnes redemit.
C D littera sic jungitur : Vere per delictum unius omnes
condemnantur. Nam per inobedientiam et sicut per in-
obedientiam unius hominis constituti sunt multi pec-
catores, quia non omnes remanserunt in peccato, ita
et per obedientiam unius Christi hoc promerentem,
constituentur multi justi. Multi ideo, quia non omnes
justificari voluerunt. Cum modo dicat Christum justi-
ficare homines a peccatis, dicit quod etiam transgres-
sores legis a prævaricatione acceptæ legis justificat.
Et hoc ideo adducit ut camprobet Judæos magis ob-
noxios esse gratiae Dei, quam etiam gentiles, qui-
bus se præferabant in hac nova gratia : quia gen-
tiles de naturali solum rei erant, Judæi vero et de
naturalis et scriptæ legis prævaricatione rei erant.
Littera sic jungitur : Obedientia Christi multos ju-

stificavit : lex autem delictum abundare fecit : lex, A
anquit, subintravit, quia peccatum prius intraverat.
Intravit lex ad hoc ut abundaret delictum, non quia
lex mala esset, sed quia sub illa erant quos reos fa-
ceret, 34 jubendo, non adjuvando. Lex tribus mo-
dis habebatur in tempore suo. Quibusdam enim
erat solummodo in signum, ut Abraham : qui cir-
cumcisus est, non ut per hoc justificaretur, sed in
signum justificationis jam acceptae per fidem. Aliis
lex erat paedagogus : ut quemadmodum puerum ne
insolecat vagando paedagogi coercet custodia ; sic
lex minando poenam coercedit quosdam ab actu
peccati. Aliis autem erat lex causa prævaricationis.
In his autem duobus quibus lex in signum justitiae
vel paedagogus erat nihil operabatur : quia qui
justi erant ut Abraham, per fidem hoc erant non
per legem ; qui vero se timore coercedunt a malo,
non hoc per legem, sed per donum Spiritus sancti,
id est per spiritum timoris faciebant. Aliis vero lex
causa erat delicti, quia prævaricationis. Per legem
delictum abundavit, sed per gratiam evacuatum est.
Ubicunque enim abundavit delictum, vel sub lege
vel extra legem, ibi gratia abundavit super delictum :
quia non solum remisit peccata, sed et juste ope-
rari concessit. Quia iterum aliqui errabant ex eo
quod dictum est gratiam superabundasse ubi fuit
delictum, dicentes se impune opportune etiam pec-
care, quia gratia Dei omnia dimitteret, et quanto
plura, tanto gloriosior esset, determinat quidem
Paulus gratiam Dei, quotquot peccata sint, in ba-
ptismo omnia dimittere, sed postquam justificati
sunt, si iterum peccant, non sicut prius ex gratia
sed merito poenitentiae dimittentur peccata. Unde
sic ait : *Gratia utique Dei abundavit hac lege : Ut sicut peccatum ante justificationem regnabat ducendo in mortem, ita et gratia, postquam remisit peccata, regnet per acceptam justitiam bene conservatam, eundo in vitam aeternam : non jam amplius respi- ciendo ad iniquitatem. Regnet dico, per Dominum nostrum Jesum Christum.* qui, postquam justificavit
per gratiam, dat vitam aeternam.

CAPUT VI.

Quid ergo dicemus ? Manebimus in peccato, ut
gratia abundet ? Absit ! Qui enim mortui sumus pec-
cato, quomodo adhuc vivemus in illo ? An ignorat-
is, fratres, quia quicunque baptizati sumus in
Christo Jesu, in morte ipsius baptizati sumus. Con-
septuli enim sumuscum illo per baptismum in mor-
tem, ut quomodo Christus surrexit a mortuis per
gloriam Patris, ita et nos in novitate vitae ambu-
lemus. Si enim complantati facti sumus similitu-
dini mortis ejus, simul et resurrectionis erimus.
Hoc scientes, quia vetus homo noster simul cruci-
fixus est, ut destruatur corpus peccati, et ultra
non serviamus peccato. Qui enim mortuus est,
justificatus est a peccato. Si autem mortui sumus
cum Christo, credimus quia simul etiam vivemus
cum Christo : scientes quod Christus resurgens ex
mortuis, jam non moritur, mors illi ultra non do-
minabitur. Quod enim mortuus est peccato, mor-

tus est semel ; quod autem vivit, vivit Deo. Ita et
vos existimate vos mortuos quidem esse peccato,
viventes autem Deo in Christo Jesu. Non ergo re-
gnet peccatum in vestro mortali corpore, ut obe-
diatis concupiscentiis ejus. Sed neque exhibeatis
membra vestra arma iniquitatis peccato : sed exhibe-
tete vos Deo, tanquam ex mortuis viventes, et
membra vestra arma justitiae Deo. Peccatum enim
vobis non dominabitur. Non enim sub lege estis,
sed sub gratia. Quid ergo ? Peccabimus, quoniam
non sumus sub lege, sed sub gratia ? Absit ! An ne-
scitis quoniam cui exhibetis vos servos ad obe-
diendum, servi estis ejus cui obedistis, sive pec-
cati ad mortem, sive obditionis ad justitiam ?
Gratias autem Deo, quod fuistis servi peccati, obe-
distis autem ex corde in eam formam doctrinæ,
in qua traditi estis. Liberati autem a peccato, servi
facti estis justitiae. Humanum dico, propter insfir-
mitatem carnis vestræ. Sicut enim 35 exhibui-
stis membra vestra servire immunditiae et iniqui-
tati ad iniquitatem, ita nunc exhibete mem-
bra vestra servire justitiae in sanctificationem. Cum
enim servi essetis peccati, liberi fuistis justitiae.
Quem ergo fructum habuistis tunc in illis, in qui-
bus nunc erubescitis ? Nam finis illorum mors est.
Nunc vero liberati a peccato, servi autem facti
Deo, habetis fructum vestrum in sanctificationem,
finem vero vitam aeternam. Stipendia enim pec-
cati, mors. Gratia autem Dei, vita aeterna, in Christo
Iesu Domino nostro.

EXPOSITIO.

Quandoquidem gratia regnare debet per justitiam
conservatam semper, donec veniat in vitam aeternam, ergo quid dicemus ? Permanebimus iterum in
peccato justificati jam per gratiam, ut abundet gratia, iterum remittendo gratis quæ iterum delinquimus ?
Absit hoc, ut tam perversa intentione revertamur
in peccatum ! Illic incipit loqui de duplice resurrec-
tione. Prima qua secundum animam justificamur
in baptismate, quod baptismus consecravit nobis
Christus in morte sua, fundendo aquam remissionis
de latere suo ; insinuans nos debere commori sibi
in baptismate : ut quemadmodum ille semel mortuus
ad actus veteris hominis non est reversus, sic et
nos semel justificati in baptismate, omnem vetustatem
peccati ibidem interficiens, resurrectionem
animæ (ibi enim justificata resurget) custodiamus :
ambulando in novitate vite, quia, si resurrectionem
animæ in justitia conservaverimus, futuram resur-
rectionem corporum cum Christo, in incorruptione
profecto habebimus. Revertamur ad litteram, ubi
probat non debere reverti ad peccatum, dicens :
Vere semel justificatis non est ulterius permanen-
dum in peccato. Nam nos qui in baptismate mortui
sumus peccato, id est ad hoc ne ultra operemur
peccatum : mortui dico secundum depositam vetu-
statem peccati, quomodo, id est qua ratione nos
qui sic commortui sumus Christo, adhuc vivemus,
id est perseverabimus in illo peccato ? Et vere non

amplius vivere debetis in peccato illo, quia *an ignoratis* vos *quicunque baptizati sumus in Christo Iesu*, id est per institutionem Christi, vel per Christum consecrante nobis baptismus. Nos utique *baptizati*, id est abluti a peccatis *sumus in mortem ipsius*, id est in similitudinem mortis ejus, ut sicut ille semel mortuus est et semper vivit, ita et nos semel in baptismus peccatis moriamur, et in justificatione semper vivamus. Sicut probavit quod semel justificati iterum peccare non debemus, sic etiam probat quod a peccato nos bene continere possumus, dicens: *Vere justificati potestatem habemus, si voluntus, non peccandi. Nam nos conseptuli sumus, non solum mortui cum Christo, in mortem per baptismum*, quod quemadmodum Christus in sepulcro positus potestatem non habuit secundum carnem manum vel pedem extendere ad actus veteris hominis, sic et nobis, si volumus, in baptismus potestatem dedit jam amplius non revertendi ad vetustatem peccati. Ad hoc utique conseptuli sumus, *et quomodo Christus surrexit a mortuis*, non amplius resumpturus actum mortalitatis (surrexit dico, *per gloriam Patris*, id est per Verbum sibi unitum, vel propter magnificandam gloriam Patris), *ita nos possili in novitate vitae*, id est in resurrectione animæ per baptismum justificate, *ambulemus* proficiendo in accepta novitate. Vere in novitate vitæ possumus ambulare. Nam nos sumus similes resurrectionis ejus, quia, quemadmodum Christus resurgens nōvus homo fuit, ita et nos per baptismum vetustate peccati deposita, in novitate bonorum operum novi homines sumus. Et vere similes resurrectionis erimus, *si complantati sumus*; nec per nos hoc potest fieri, sed per gratiam Dei *facti complantati similitudi-
ni mortis ejus*, id est si commortui fuerimus Christo, ea **36** similitudine, ut sicut ille semel depositis miseriis veteris hominis, ad illas ultra non rediit, sic et nos, in baptismus semel deposita vetustate peccati, ad illud ultra non regrediamur. Si enim sic *complantati sumus similitudini mortis ejus, simili etiam merito unitate mortis erimus complantati similitudini resurrectionis ejus*, in novitate operum proficientes. Complantati ab illa similitudine dictum est, *qua ramus bone arboris, trunco malæ arboris inseritur, fructusque novos ibidem facit*; sic et novitas justificationis inserta trunco nostræ vetustatis, exstincto sapore veteri, fructus faciat insertæ novitatis. Similes utique mortis Christi debemus fieri: *Scientes hoc quia vetus homo noster simul cum Christo affixus est cruci: ad hoc, ut destruatur in nobis corpus peccati; ita destruatur corpus nostrum in eo quod peccabat, ut ultra non serviamus peccato*, sed imperium habeamus super peccatum. Dominus Jesus aliud genus mortis si vellet eligere posset, sed non sine mysterio cruci affligi magis voluit, significans nobis, ut quemadmodum manus et pedes, sensus scilicet humanaos affixos habuit, sic et nos non solum opera, sed etiam sensus affixos habeamus, ne cogitemus vel operemur mala. Et bene debemus et

A possumus non servire peccato. *Nam ille qui mortuus est in baptismo, a peccato liberatus est. Nec hoc solum, sed etiam justificatus a peccato.*

B Postquam de prima resurrectione, quæ est animæ, sufficienter edocuit, quomodo esset observanda, subjungit de secunda, dicens: *Nos eam habituros merito primæ bene custodite. Utque magis capiamur amore ejus, ponit commendationem ipsius, aperiens quam digna sit et quam utilis, dicens: Non solum mortui peccato justificamur, quæ justificatio est prima resurrectio, sed etiam si mortui sumus peccato, hoc est cum Christo, ut, quemadmodum Christus semel mortuus, nunquam ad depositam vetustatem rediit, sic et nos semel per baptismum in peccato mortui, non revertamur ad peccatum, credimus utique et nos etiam vivemus in secunda resurrectione simul, id est facti impassibiles et immortales; neque hoc alibi nisi cum Christo, id est in oculis ejus vivemus positi incorruptibles. Si mortui sumus cum Christo, profecto credimus quod vivemus cum Christo, scientes hoc quod Christus C surgens a mortuis jam non moritur, id est jam non ulterius mortem gustabit; quia semel mortuus ad justificationem omnium sufficiens fuit. Nec solum non moritur, sed etiam mors non illi ultra dominabitur. Dominia mortis sunt: Fames, esuries, febres et quæcunque miseriae. Caput etiam et completio omnium misericarum, mors. Sed nec mors, nec miseriae quæ sunt prænuntiae mortis, dominabuntur amplius Christo semel mortuo. Vere Christus jam non moritur. Nam hoc quod mortuus est peccato, id est ad destructionem peccati, mortuus est semel, id est semel mori sufficit.*

D D Et ideo semel commori illi in baptismus sufficiat nobis, perseverando in accepta justificatione. Probat etiam quod mors ultra non dominabitur Christo. Nam hoc quod vivit vivit Deo, id est vita Dei; quia si quemadmodum Deus vivit æternaliter et sine corruptione, profecto nullum dominium in eo mortis erit. Quod dixit in toto debere commori Christo, ut ei convivamus, adaptat modo Romanis, quorum hic intendebat instructioni, dicens: *Quandoquidem necessere est commori Christo, si volumus vivere cum eo; ita, id est hac ratione edocti vos, Romani, existimare vos quidem esse mortuos peccato, id est credite vos mortuos esse in baptismo, ne ultra manum porrigatis ad actum peccati; quod si ita mortui estis, existimare etiam vos viventes Deo, id est in accepta justificatione animæ viventes et hoc merito in corruptione corporum victuros: et hoc totum in Christo Iesu, id est per Christum Jesum, qui et in præsenti justificat, et in justificatione permanentibus vitam æternam præparat. Quod dixerat superius, nos mortuos esse peccato, et vivendum esse **37** Deo, videns hominem nullo modo posse in hac vita se cohibere a venialibus, determinat in quibus peccatis mori debeamus et possimus: sciens somitem peccati naturaliter inesse uniuersum. Sed jam confortato libero arbitrio, possumus coereere somitem*

peccati, ne prorumpat in actum. Et hoc determinans, ait : Quando quidem viventes estis Deo, ergo peccatum, id est, naturalis fomes peccati, non regnet in vobis. Regnare peccati est, consentiendo, agendo, et in opere peccati consuescendo. Peccatum utique non regnet in corpore vestro, id est, quod jam vestrum est, et per confortationem liberi arbitrii subjectum dominio rationis. Corpore dico licet justificato, tamen adhuc mortali, et (nisi ratione regatur) prono in opus peccati. Quare videndum est ne consentientes mortalitati vestrae non vivatis Deo. Non itaque regnet peccatum us*obediens concupiscentis ejus*, scilicet peccati, id est ut quod male suadet infirmitas carnis vestrae, opere perficiatis nec solum non obediatis opere, sed neque exhibeatis ita ut parata et opportuna per consensum faciatis membra vestra peccato. Quia sicut nec operari, sic nec malo consentire debetis. Membra vestra dico tunc facta *arma iniquitatis*, si fuerint exhibita peccato. Si enim peccato consenseritis, tunc iniquitas armatur membris vestris, ut per haec arma perficiat quod male cupit. Nolite vos exhibere delicto, sed exhibete vos Deo, id est, præparate vos bene operando idoneos Deo. Et justum est, vos dico factos viventes in justitia tanquam ex mortuis; mortui enim eratis in peccato. Nec solum actu exhibete vos Deo, sed etiam membra vestra in consensu et exhortatione honorum præparate Deo. Membra vestra dico facta tunc *arma justitiae*. His enim armis perficiet justitia, quod bene suadet et cupit. Debetis utique et potestis exhibere vos Deo. Nam peccatum, etsi naturaliter sit in vobis, non tamen dominabitur in vobis, si confortato libero arbitrio, velitis uti, sed potius vos dominabimini ipsi peccato, ne habeat actum. Vere peccatum non dominabitur in vobis : non jam enim estis sub lege, quæ reos faciebat jubendo, non adjuvando; sed estis sub gratia, quæ dimittit peccata et adjuvat operari bona.

Quia iterum errare ex eo quosdam sentit, quod dixerat per gratiam omnia dimitti, et hac fiducia se peccare, quia gratia parata erat, et sufficiens relaxare omnia, contra sic male operantes dicit hac intentione non esse peccandum, quia gratia omnia quidem dimittit, sed si aliquis peccando se subduxerit gratiae, factus servus peccati, quomodo scit si ad gratiam reverti poterit, cum jam sub jugo peccati ligatus sit? Quandoquidem sub gratia sumus quæ sufficienter purgat omnia : ergo quid dicemus? Au ideo licite peccabimus, quoniam non sumus sub lege, quæ jubendo gravat et non adjuvat, sed sumus sub gratia, quæ et peccata remittit, et bene operari adjuvat? Absit! Hoc, inquit, abesse debet, ut peccamus fiducia gratiae; quia an nescitis quod servi ejus estis cui exhibuistis vos ad obediendum? Servi dico facti cui obedistis, id est, in ea hora qua cito obedistis. Ejus servi dico; sive peccati cui obedistis, ducentis ad mortem, id est ad damnationem; sive servi estis obdictionis, id est justitiae ducentis vos ad maiorem justitiam; quia obediendo peccato, servi pec-

A catu efficiemini, nec hujus servitutis vincula rumperem potestis libertate perdita. Ideo bonum est ut servi facti justitiae, a gratia non declinetis, quia servi facti peccati non potestis vestro jure reverti ad gratiam. Ideo in justitia perdurate, nec propter hoc solum, sed etiam ideo quia cum olim jugo peccati deposito, facti estis servi justitiae, si iterum ad vomitum veteris servitutis relabimini, rei estis instabilitatis et justæ perditionis; quod sic ait : Non solum pro eo quod præmissum est perdurare debetis in justitia, sed etiam pro eo quod sequitur : Unde gratias ago Deo meo, qui vos gratis sine merito vestro a jugo peccati liberavit.

B 38 Inde utique gratias ago; quia vos atiquando fuistis servi peccati, sed jam obedistis, nec coacti, sed ex corde, id est propria voluntate eundo in formam doctrinæ, id est, in doctrinam quæ vos fecit Deo conformes. Imago enim Dei deformata et excæcata fuerat in vobis; sed per instructionem meam imaginem Dei in vobis reformavi. Formam dico illam, id est, tam excellentem sicut reformationem imaginis Dei; in quam formam traditi estis per misericordiam Dei et doctrinam nostram. Per vos enī insufficietes eratis reformari. Olim fuistis servi peccati, sed nunc liberati a peccato, facti estis servi justitiae; et ideo nolite ulterius redigi in servitutem peccati. Et vobis factis jam servis justitiae dico humanum, id est, præcipio vobis quiddam satis leve, ad quod humanitas vestra satis potest sufficere. Et hoc, quia spirituale est arduum, non præcipio vobis : facio propter infirmitatem carnis vestrae, id est, quia scio vos adhuc carnalitate premi, nec satis firmos in spiritualibus, humanum utique dico. Nam hoc humanum est, sicut exhibuistis membra vestra servire immunditiæ, id est luxuriæ, gulæ, libidini, servire etiam iniquitati, id est, omni contrario æquitati ad consummandam iniquitatem, saltem ita nunc ñdeles facti exhibete membra vestra servire justitiae eundo in sanctificationem, id est in plenitudinem justitiae. Hoc utique satis humanum est, ut quantum servistis diabolo, tantum servatiis Deo, cui multo magis estis obnoxii. Vere quia servi facti estis Dei, servire debetis justitiae. Nam cum prius essetis servi peccati, liberi tunc fuistis justitiae, id est, expertes ab omni justitia, fideliter servientes peccato. Sed nunc facti servi justitiae, longe fidelius servire debetis Deo. Quandoquidem amore peccati fecistis vos expertes totius justitiae : ergo quem fructum, id est, quid utilitas habuistis tunc ante conversionem de illis in quibus nunc post conversionem erubescitis? Ideo sic interrogando invehitur in eos, ut a servitute peccati magis deterreat. De temporali fructu peccati ideo solum requiro : nam de fine eorum satis constat finis illorum est mors, id est, in fine vitæ absorbet istos æterna damnatio. Servi facti peccati nullum fructum habuistis, sed nunc per gratiam liberati a peccato, servi autem facti Deo, habetis fructum vestrum, id est, fide suscepta dignum : fructum dico tendentem in sanctificationem.

id est, in plenitudinem justitiae. Impii mortem habent, sed vos habetis *finem vitam aeternam*. Vere mors est finis illorum: nam mors est stipendium peccati, id est, peccatum ministrat hanc stipem, id est mortem. Stipendium dicitur, hoc quod tribunus, vel praetor, pensata mercede militis, ministrat ei in exercitu. Mors habetur ex peccato, sed vita aeterna habetur per *gratiam Dei*. Licet enim aliquid meritum sit ibi, prima tamen justificatio fuit ex sola gratia. Et directio vitae quae sequitur, et eadem gratia longe amplius quam meruerit remunerat; gratia dat vitam aeternam; et hoc in Christo Iesu, id est per Jesum Christum Dominum nostrum.

CAPUT VII.

An ignoratis, fratres (scientibus enim legem loquor) quia lex in homine dominatur, quanto tempore vivit? Nam quae sub viro est mulier, vivente viro alligata est legi, si autem mortuus fuerit vir ejus, soluta est a lege viri. Igitur vivente viro [marito] vocabitur adultera, si fuerit cum alio viro; si autem mortuus fuerit vir ejus, liberata est a lege viri, ut non sit adultera, si cum alio fuerit viro. Itaque, fratres mei, et vos mortificati estis legi per corpus Christi: ut sitis vos alterius qui ex mortuis resurrexit, ut fructificetis Deo. Cum enim essemus in carne, passiones peccatorum quae per legem erant operabantur in membris nostris ut fructiflarent morti.

C **39** Nunc autem soluti sumus a lege mortis, in qua detinebamur, ita ut serviamus in novitate spiritus, et non in vetustate litteræ. Quid ergo dicemus? Lex peccatum est? Absit! Sed peccatum non cognovi, nisi per legem. Nam concupiscentiam ne sciebam, nisi lex diceret: Non concupisces (Exod. xx, 17; Deut. v, 19). Occasione autem accepta, peccatum per mandatum operatum est in me omnem concupiscentiam. Sine lege enim peccatum mortuum erat. Ego autem vivebam sine lege aliquando. Sed cum venisset mandatum, peccatum revixit. Ego autem mortuus sum, et inventum est mihi mandatum quod erat ad vitam, hoc esse ad mortem. Nam peccatum occasione accepta per mandatum seduxit me, et per illud occidit. Itaque lex quidem sancta, et mandatum sanctum, et justum, et bonum (I Tim. 1, 8). Quod ergo bonum est, mihi factum est mors? Absit! Sed peccatum, ut appareat peccatum, per bonum operatum est mihi mortem; ut fiat supra modum peccans peccatum per mandatum. Scimus enim quia lex spiritualis est. Ego autem carnalis sum, venundatus sub peccato. Quod enim operor non intelligo. Non enim quod volo [bonum] hoc ago, sed quod odi [malum] illud facio. Si autem quod nolo illud facio, consentio legi quoniam bona est. Nunc autem jam non ego operor illud, sed quod habitat in me peccatum. Scio enim quia non habitat in me, hoc est in carne mea bonum. Nam velle adjacet mihi, perficere autem bonum non invenio. Non enim quod volo bonum, hoc facio; sed quod nolo

A malum hoc ago. Si autem quod nolo illud facio, jam non ego operor illud, sed quod habitat in me peccatum. Invenio igitur legem volenti mihi facere bonum, quoniam mihi malum adjacet. Condelector enim legi Dei secundum interiorum hominem. Video autem aliam legem in membris meis, repellentem legi mentis meæ, et captivantem me [captivum me ducentem] in lege peccati quæ est in membris meis. Infelix ego homo, quis me liberabit de corpore mortis hujus? Gratia Dei, per Jesum Christum Dominum nostrum. Igitur ego ipsis mente servio legi Dei, carne autem legi peccati.

EXPOSITIO.

B Quia superius satis probaverat debere eos subjici gratias, et serviendum esse Deo, ne modo in legalibus putarent se debere servire Deo (peccatum enim esse credebant, si etiam in tempore gratiae legalia præterminerent) probat Paulus non ulterius serviendum esse in legalibus, quæ si deserunt, non est peccatum; si faciunt, rei sunt. Non enim tenenda est umbra, postquam venit veritas, et cum carnalem legem expellat, spirituali legi alligat eos. Littera sic jungitur: Per Christum Jesum est vita aeterna tantum. Nam per legem non; quia *an ignoratis fratres*, ut magis excitet ad intellectum hujus rei, et fratres vocat, et interrogat. Nec ignorare debetis (scientibus enim legem loquor) quia, si bene consultis, idem inventis. An ignoratis dico quia *lex quæcunque positas, dominatur in homine*, non semper, sed *quanto tempore vivit lex in eo homine*, vel homo sub ea lege? Velut si in qualibet urbe præceptio aliqua posneretur, usque ad determinatos annos, qui intra hos annos præceptum positum non attenderet, reus esset transgressionis positæ legis. Qui vero finitis determinatis annis ficeret contra positam legem, reus inde non esset, quia tempus ejusdem legis jam præterisset. Sic de lege Judæorum, qui tempore Moysi usque ad tempus Christi eam non observaret reus esset. Sed postquam venit gratia, jam tempus ejus legis præteriit, et sic reus non est qui eam deserit. Vere lex posita dominatur, quandiu homo vivit sub lege, vel lex in homine. Nam lex conjugalis ista est: *Mulier quæ est sub viro*, maritali modo foederata, illa alligata est legi viri, vivente viro; sed si mortuus fuerit vir ejus, soluta est mulier a lege viri. Quandoquidem mulier vivente viro alligata est ei, Igitur si vivente viro suo, habuerit rem cum alio viro, vocabitur adultera. Sed si vir ejus mortuus fuerit, liberata est a lege viri, ita ut si fuerit juncta cum alio viro, jam non judicetur adultera. Et ita, id est simili ratione fratres **40** mei vos estis mortificati veteri legi, quæ data fuit solummodo usque ad adventum Christi. Mortificati dico per corpus Christi, id est per Christum advenientem, qui corpus, id est veritas ipsius legis fuit, et cuius corporis lex umbra fuit. Nec mortificati ut vidui remaneatis, sed ut amodo sitis alterius, ejus scilicet qui resurrexit ex mortuis, per quod satis commendabilis est vobis.

Resurrexit ad hoc *ut per eum fructificaremus Deo*, id est per gratiam ad honorem Dei. Et modo tandem fructum facere licet sub gratia, quia cum essemus in carne, id est detenti in carnalitate, tunc *passiones peccatorum*, id est mala desideria, quae licet sensualis homo affectaret, rationalis tamen passiones esse judicabat, quae passiones erant notæ per legem et augmentatae per delictum prævaricationis, operabantur in membris nostris, ut fructificarent morti, id est ut facerent fructum damnationis. Sed nunc postquam venit gratia, sumus soluti a lege veteri, quæ erat nobis lex mortis, in qua morte peccati detinebamur, nec adjutorio legis surgere poteramus. Soluti, inquit, sumus a lege carnali : ita, id est propter hoc, ut amodo serviamus in novitate spiritus, id est spiritualiter renovantes nos quotidie bene agendo : juxta illud : « Renovamini spiritu mentis vestræ (*Ephes. iv. 23*), » et non amplius serviamus in vetustate litteræ, adhærentes litterali intellectui, ut vetustas consuevit.

Quia dixerat superius Judæos mortificatos esse veteri legi, nec esse revertendum ad eam, quia passiones peccatorum erant per legem, et per eam fructificabant morti, appellaverat etiam eam legem mortis, ne male opinarentur Judæi Paulum hoc intelligere, ut lex esset causa peccati efficiens, et ad peccandum compellens, probat legem, quantum in ea est, esse bonam. Quia vero Judæi amplius sub lege peccarent, hoc corrupta natura faciebat, non lex. Littera sic jungitur : Quandoquidem per legem fructificabamus morti, ergo quid dicemus ? Dicemus quod lex est peccatum, id est causa peccati efficiens, et compellens ad peccandum ? Absit hoc ut legem dicamus esse peccatum, quod si diceremus, et legem esse injustam probaremus, et Deum datorem legis de injustitia argueremus, qui legem dedisset compellentem ad peccatum. Per legem utique non est peccatum, sed bonum : cognitio enim peccati. Non enim cognovi peccatum nisi per legem. Ante legem utique fuit cognitio peccati, cum pincerna et pistor Pharaonis causa peccati in carcerem missi sunt. Sed per legem dicit cogitum esse peccatum, quia originale fere ab omnibus ante legem ignorabatur, et actualia multa nesciebantur esse peccatum ut concupiscentia de qua subdit ; poena etiam infernalis, quæ sequitur de peccatis, non ita sciebatur, nec meritum futurum non peccantibus. Putabant enim omnes in inferno permansuros, licet sub dissimilitudine poenarum. Sed per legem cognitum est originale, cognita sunt etiam multa actualia, prius incognita. Nec etiam ea quæ cognita erant, tanta esse credebantur. Cognita est etiam futura damnatio pro peccatis, et ideo ait : Per legem cognovi peccatum, et originale, et actualia quanta erant, penamque pro iis futuram. Vere per legem cognovi peccatum. Nam hoc, scilicet concupiscentiam, quam esse peccatum nesciebam, nisi lex ita diceret : Non concupisces. Lex quidem bona est, quia dat cognitionem peccati ; sed tamen per legem nihil bonum, sed om-

A ne malum habui, licet non culpa legis, quod aquipollenter ait : Licet lex bona sit, tamen peccatum, id est corrupta natura, vel diabolus instimulans, operatum est in me concupiscentiam omnem, id est voluntate, actu, consuetudine peccandi. Hoc, inquit, operatum est peccatum accepta occasione per mandatum, id est per legem mandatum hominibus. Accepta, ait, occasione, id est opportunitate ex lege ; tum quia fragilitas humana magis tendebat in vitiis, tum quia diabolus ferventius, accepta lege, insultabat homini, videns legem datum fore quemdam gradum homini redeundi 41 ad salvationem, quem prius quieto jure possidens inquietare negligebat.

Notandum etiam quod peccatum corruptam vocat naturam. Sunt enim in unoquoque et sensualis homo et spiritualis. Sensualis dicitur pars illa animæ, cum corpore quæ sensitivat corpus, et ita premitur mole carnis, ut per singulos sensus congaudeat voluptati, diligens suavia gustu, canora auditu, delectabilia visu, jucunda tactu, bene fragrantia odoratu. Illa vero pars animæ quæ non ita premitur carne, et hic dicitur rationalitas, contradicit sensualitati, et naturaliter appetit quod bonum est. Vere peccatum operatum est in me malum, per mandatum. Nam dum eram sine lege, mortuum erat peccatum, id est corrupta natura secundum quod minus impugnabatur a diabolo, minus cupiebat peccatum, quia non erat prohibitum. Peccatum tunc mortuum erat, ego autem ritebam, id est vivere mihi videbar cum esse aliquando sine lege ; quia et minus cognoscebam, nec ita concupiscebam peccatum, nec diabolus adeo inardescet. Ante legem mortuum erat peccatum ; sed cum venisset mandatum, quod mortuum erat revixit peccatum, id est corrupta natura vires resumpsit, magis stimulante diabolo, et ut est vitium humanæ fragilitatis magis concupiscendo interdicta. Revixit ideo ; quia in principio vixerat, et cognitum fuerat originale, cum adhuc recens erat. Veniente mandato revixit peccatum ; ego autem sum mortuus, non solum de prioribus, sed etiam de prævaricatione datæ legis reus factus. Et quandoquidem per legem revixit peccatum, et ego mortuus sum, igitur mandatum quod erat mihi datum ad vitam secundum intentionem datoris, hoc mandatum, non jam ad vitam, sed inversum inventum est mihi esse ad mortem. Non quia me compelleret ad peccatum, sed quia causa fuit sine qua nec reus essem prævaricationis, et causa pro qua diabolus magis insurgeret contra quod lex non adjuvabat, sed præcipiendo impediebat. Congruē dicit inventum est ad mortem ; non enim positum erat mandatum ad mortem. Probat mandatum esse sibi ad mortem, non tamen culpa legis, sed vitio corruptæ naturæ compellentis, dicens : Vere mandatum inventum est mihi ad mortem, nam peccatum, id est corrupta sensualitas seu diabolus accepta occasione, seu quia suasio delectationis ad peccandum vehementior est, cum adest prohibitio, seu quia diabolus ardentius incumbebat. Sic utique

accepta opportunitate per mandatum, seduxit me, ut consentirem peccato; et per illud seducere occidit me, præcipitando in actum peccati. Et quandoquidem mandatum erat ad vitam, ex culpa peccati inversum est ad mortem. *Igitur lex sancta est, id est præcepta legis sancta sunt, et mandatum, id est opus præceptorum, ut jejunare, dare elemosynam, hoc, inquit, mandatum sanctum, id est sanctum et firmatum in bono est.* Est etiam iustum requitatem servans ad proximum. Est etiam bonum, id est utile implenti illud. Modo sufficienter probavit legem esse bonam in se.

Sed diceret Judæus: Non curio an lex bona sit, cum sit mihi causa damnationis. Quo contra Paulus probat per legem neminem damnari, sed potius enaturiri in bono. Corrupta vero natura hæc, causa est compellens ad peccatum. Unde sic ait: Quando quidem mandatum sanctum est, ergo illud quod in se bonum est credi debet quod mihi factum est mors, id est causa compellens me ad mortem? Absit hoc, ut illud quod bonum est sit causa quæ malum efficiat! Mandatum utique quod bonum est, non est mihi factum mors; sed peccatum, id est corrupta natura: vel diabolus instimulans peccatum: ita dico ut appareat, id est, ut cognoscatur esse peccatum: illud operatum est mihi mortem per bonum, id est accepta occasione a lege quæ bona est, coagit me magis peccare, prævaricari etiam quod prius non erat. Operatum est, dicit, ita per bonum ut peccatum fiat; peccans nunc in lege supra priorem modum, id est priusquam lex daretur per mandatum, id est per 42 prævaricationem mandati magis peccans. Vere lex non est operata mortem, sed peccatum. Nam nos scimus ab auctoritate vim habente. Scimus utique quia lex est spiritualis, id est, vel data per Spiritum sanctum, vel nutriendas spiritum hominis, quorum alterum si sit, constat quia non est causa mortis. Lex utique est spiritualis, sed ego sum carnalis, id est adhærens carnalitatem; venundatus, quem primus parens pro gusto pomi venundedit: nec ita ut sim solum in peccato, sed etiam sub peccato; quia et si volo, et diu labore, per me tamen surgere nequeo.

Hic incipit ostendere quod lex et rationalis homo in voluntate boni consentiant; sed tamen ab illo tertio, id est a corrupta natura superantur. Et hoc de rationalitate quod bona sit et bonum velit convenienter probat. Sicut enim si lex mala esset, dator legis inde vituperaretur, sic etiam si naturalis ratio adversaretur bono, juste qui rationem dederat de malo rationis calumniaretur. Vere sub peccato sum. Nam quod ego operor, sive dimittendo bonum quod utique est operari malum, sive faciendo malum, quod, inquam, operor ego sensualis, intelligo ego rationalis non esse operandum. Vere operor dimittendo bonum, quod intelligo non esse operandum. Non enim ago hoc bonum quod ego rationalis volo; et vere operor faciendo malum quod intelligo non esse operandum. Nam ego carnalis facio illud quod ego rationalis odi. Et nunc quia lex spiritualis et bona est, rationalitas vero mea bonum vult cum

A lege, inde apparet quod lex et ratio simul sentiant, licet carnalitas prævaleat. Ago, inquit, illud quod odi, id est illud quod nolo. Si autem rationalis nolo illud quod carnalis facio, ecce jam consentio legi, id est, idem volens testis sum legi de hoc quod bona est. Quandoquidem ego rationalis nolo illud quod carnalis facio (illud nunc illativum est), Ergo ego rationalis jam non operor illud quod me nolentem operatur caro, sed peccatum, id est, fomes peccati, quod peccatum habitat, id est, assidue remoratur in me carnali. Et vere peccatum habitat in me, quia bonum non habitat in me. Quod sic ait: Scio quidem quia bonum non habitat in me, hoc quod dico in me est, id est in carne mea, id est in me carnali. Et hoc probat: Vere bonum non habitat in carne mea, nam neque per voluntatem, neque per actum. Per voluntatem quidem non habitat. Nam velle bonum adjacet mihi carnali, id est quodammodo approximat carni: nemo enim tam impius quin aliquando saltem bonum velit. Quod si adjacet, ergo non habitat in me, velle bonum adjacet. Sed perficere bonum illud nullo modo invenio in carne mea. Vere perficere bonum non est in me carnali. Nam ego carnalis non facio hoc bonum quod volo rationalis. Sed ago carnalis hoc malum, quod nolo rationalis. Vel aliter: Vere perficere bonum ex toto non invenio in me. Nam etiam hoc bonum non facio quod bonum esse cognosco, et ideo facere volo. Non enim omnia bona mihi nota sunt. De eo quod dixit superiorius ad aliud probandum: non quod volo hoc ago, iterum hoc per aliud probato, infert dicens: Quandoquidem ego rationalis nolo malum quod ago carnalis, ergo ego rationalis non operor illud malum, sed peccatum, id est corruptio naturæ: quod peccatum habitat in me carnali, operatur illud malum. Repetit locum upde inferat, si quod nolo illud facio. Quandoquidem ego rationalis nolo malum, lex autem (sicut probatum est) malum similiter non vult, *Igitur* ego rationalis invenio legem esse bonam, id est utilem mihi rationali volenti facere bonum. Lex bonum docens, et ratio bonum volens, consentiendo in bono se invicem inveniunt. Volenti facere bonum et non facienti, benedico, quoniam malum carnalitatis adjuget mihi rationali: et propterea bonum quod volo perficere nequeo.

Nota quoniam Paulus figurative sub persona sua de omnibus loquitur, assumens sibi personam, nuncante 43 legem nunc in lege. Vere bonum invenio in me. Nam ego condelector legi Dei: quia et illa bonum vult et ego cum ea. Condelector dico secundum interiorum hominem, quia interior homo rationalis vult quidem bonum: etsi nequeat operari. Cum modo dixerit quod lex et rationalitas bonum velint, ostendit utrumque superari a tertio, id est a carnalitate, quod tertium ostendit superandum esse per gratiam, et hoc satis idonee facit. Cum enim leges ostendat deprimenti per carnalitatem, nec eos qui sub lege fuerant quidquam boni fecisse, nisi per gratiam, per hoc plane Judæos insinuat debere subjici penitus gratiae Dei, et non amplius legi. Per hoc

*Habemus quod naturaliter, sed hanc velle, non
cubuisse tamen carnalitati dicit, gentiles, ne se de
libero arbitrio efferant, deprimit, et sic omnes gra
tiae Dei subjicit. Licit secundum interiorem conde
lector legi Dei; tamen video aliam legem in membris
meis, id est in carnalitate mea. Legem ideo dicit,
quia quemadmodum ratio dictat agere quod bonum
est, sic sensualitas quod malum est: legem mem
brorum dico repugnantem legi mentis meae, id est
bonis quae ratio suadet. Nec solum repugnantem,
sed etiam captivum ducentem me in legem peccati:
ut operer ea quae corrupta sensualitas dicit; quae
lex peccati est in membris meis, id est in singulis
sensibus diffusa. Et quandoquidem lex membrorum
captivum me dicit in peccatum, ergo rationalis
sum infelix: quia sum homo, id est quia carnalitate
deprimor; et me infelicem quis liberabit de corpore
mortis hujus? id est de morte peccatorum, quae sunt
in corpore meo: vel de corpore mortis, id est de
tota hac massa peccatorum quae ducunt ad mortem.
Lex non potest liberare me Iudæum; non ratio na
turalis me gentilem; cum haec ir. utroque deficiant,
scio liberationem meam, gratiam Dei datam per Je
sus Christum Dominum nostrum. Illa profecto libe
rabit me, et ideo vos Judæi gratiae efficaci, non
legi impotenti, vos iterum gentiles gratiae Dei non
rationi debilitate, subjicimini. Considerandum est
quod duplex velle bonum sit in homine. Alterum
secundum naturalem rationem, quae corruptione
peccati depressa, bonum quod vult operari non suf
ficit. Alterum velle secundum inspirationem Spiritus
sancti per quem fomes peccati deprimitur, ut bo
num operari possimus. Velle autem naturalis ratio
nis hoc erat, de quo superius dicebat: *Non quod
volo bonum hoc ago.**

Dixerat superius interiorem hominem et legem
condelectari in bono sola voluntate, non actu, quia
contra haec duo invalescebat fomes peccati, legem
et rationem expugnans: sed postquam Deus ostendit
utrumque bonum legis et rationis in homine de
ficere, dedit ad ultimum gratiam suam, quae libe
rum arbitrium confortavit; ut jam si velit homo
bonum possit operari, et bene coercere somitem pec
cati. Quia autem hominem redemptum per gratiam,
Deus non penitus a somite peccati divisit, cau
sa hæc fuit, quia reliquit meritum homini. Si enim
homo sola necessitate quia non posset, non pecca
ret, non esset meritum quo salvari deberet. Ut au
tem locus esset merendi, somitem peccati reluctan
tem dimisit, debilitatum tamen et (si velit homo)
subditum rationi. Quia iterum hominem a peccato
redemptum, non in tanta dignitate restituit, in
quanta fuerat Adam cum cecidit, factum est ne ite
rum homo de subita et tanta felicitate superbiendo,
irreparabiliter caderet. Quare ad memoriam peccati,
et ad custodiam humilitatis opportune relicita est
poena peccati; ut etiam per hoc ostendatur vis sancti
Spiritus, adjutorio cuius rationalis homo subigit
sibi carnalem: cui subjectus fuit, quandiu sine gra

A tix finit. Littera sic jungitur: Quandoquidem gratia
Dei datus per Jesus Christum mea liberavit, igitur
ego ipse qui ante gratiam subjectus eram carnalitati,
jam quod bonum volebam potens operari, non as
tum volo, sed etiam servio mente, id est potestatem
habeo secundum quod ratio admonet bene **44**, ope
rando servire legi Dei. Nec ita tamen ut fomes peccati
penitus in me destructus sit, sed potestatem habeo
servire carni, id est secundum carnalitatem legi
peccati. In hoc etiam maximum notat miraculum,
quod fomes peccati, contra quem nihil prius pote
rat ratio, nunc subjaceat rationi, si velit homo.

CAPUT VIII.

B Nihil ergo nunc damnationis est his qui sunt
in Christo Jesu, qui non secundum carnem am
bulant. Lex enim spiritus vitae in Christo Jesu li
beravit me a lege peccati et mortis. Nam quod im
possibile erat legi, in quo infirmabatur per carnem.
Deus Filium suum mittens in similitudinem carnis
peccati, et de peccato damnavit peccatum in car
ne, ut justificatio legis impleretur in nobis, qui
non secundum carnem ambulamus, sed secundum
spiritum. Qui enim secundum carnem sunt, quae
carnis sunt sapiunt: qui vero secundum spiri
tum sunt, quae sunt spiritus sentiunt. Nam pru
dentia carnis mors est: prudentia autem spiritus,
vita et pax. Quoniam sapientia carnis inimica est
Deo. Legi enim Dei non est subjecta, nec enim
potest. Qui autem in carne sunt, Deo placere non
possunt. Vos autem in carne non estis, sed in
spiritu, si tamen spiritus Dei habitat in vobis. Si
autem quis spiritum Christi non habet, hic non
est ejus. Si autem Christus in vobis est, corpus
quidem mortuum est propter peccatum, spiritus
vero vivit propter justificationem. Quia si Spiritus
ejus qui suscitavit Jesum a mortuis habitat in vo
bis, qui suscitavit Jesum Christum a mortuis, vi
vificabit, et mortalia corpora vestra, propter in
habitantem Spiritum ejus in vobis. Ergo fratres
debitores sumus, non carni ut secundum carnem
vivamus. Si enim secundum carnem vixeritis,
moriemini. Si autem spiritu facta carnis mortifi
caveritis, vivetis. Quicunque enim Spiritu Dei
aguntur, hi filii sunt Dei. Non enim accepistis
spiritum servitutis iterum in timore, sed acce
pitis spiritum adoptionis filiorum Dei, in quo clা
manus: Abba (pater). Ipse enim Spiritus testimo
nium reddit spiritui nostro, quod sumus filii Dei.
Si autem filii, et heredes: heredes quidem Dei,
coheredes autem Christi: si tamen compatimur,
ut et glorificemur. Existimo enim quod non sunt
condigne passiones hujus temporis ad futuram
gloriam, quae revelabitur in nobis. Nam expec
tatio creaturae revelationem filiorum Dei expectat.
Vanitati enim omnis creatura subjecta est, non
volens, sed propter eum qui subjecit eam in spe:
quia et ipsa creatura liberabitur a servitute cor
ruptionis in libertatem glorie filiorum Dei. Scimus
enim quod omnis creatura ingemiscit et parturit

usque adhuc. Non solum autem illa, sed et nos ipsi primitias spiritus habentes; et ipsi intra nos gemimus, adoptionem filiorum Dei exspectantes, redemptionem corporis nostri. Spe enim salvi faci sumus. Spes autem quæ videtur, non est spes. Nam quod videt quis, quid sperat? Si autem quod non videmus, speramus: per patientiam exspectamus. Similiter autem et spiritus adjuvat infirmitatem nostram. Nam quid oremus sicut oportet, nescimus; sed ipse Spiritus postulat pro nobis gemitibus inenarrabilibus. Qui autem scrutatur corda, scit quid desideret Spiritus, quia secundum Deum postulat pro sanctis. Scimus autem quoniam diligentibus Deum omnia cooperantur in bonum, his qui secundum propositum vocati sunt sancti. Nam quos praescivit et prædestinavit conformes fieri imaginis Filii sui, ut sit ipse primogenitus in multis fratribus. Quos autem prædestinavit, hos et vocavit; et quos vocavit, hos et justificavit: quos autem justificavit, illos et magnificavit. Quid ergo dicemus ad hæc? Si Deus pro nobis, quis contra nos? Qui etiam proprio Filio suo non pepercit, sed pro nobis omnibus tradidit illum. Quomodo non etiam cum illo omnia nobis donavit? Quis accusabit adversus electos Dei? Deus qui justificat. Quis est qui condemnet? Christus Jesus qui mortuus est, imo qui 45 et resurrexit, qui est ad dexteram Dei, qui etiam interpellat pro nobis. Quis ergo nos separabit a charitate Christi? Tribulatio? An angustia? An persecutio? An famæ? An nuditas? An periculum? An gladius? Sicut scriptum est: « Quia propter te mortificamur tota die, estimati sumus sicut oves occisionis (Psal. XLIII, 23). » Sed in his omnibus superamus propter eum qui dilexit nos. Certus sum enim quia neque mors, neque vita, neque angeli, neque principatus, neque virtutes, neque instantia, neque futura, neque fortitudo, neque altitudo, neque profundum, neque creatura alia [aliqua] poterit nos separare a charitate Dei, quæ est in Christo Jesu Domino nostro.

EXPOSITIO.

Quandoquidem mente servire possum lege Dei, Ergo nunc in tempore gratiae nihil damnationis relictum est his qui sunt in Christo Jesu, id est qui in fide Christi renati sunt. Non quod modo boni sint, modo male agendo non sint, sed quia ita sunt in Christo Jesu, quod non ambulant secundum carnem, id est non delectantur in malis, sectando carnalitatem. Ambulare congrue removet. Impossibile enim est non invicem facere quæ carnis sunt. Propterea non dixit, qui sunt secundum carnem, sed qui ambulant, id est qui de malo non penitent, sed consuescendo delectantur in eo. Vere nihil damnationis est his qui sunt in Christo Jesu. Nam tunc spiritus, id est vel quam Spiritus sanctas dicit, vel ipsa rationalitas, spiritus dico datoris vite, id est qui dat hic vivere in virtutibus unde etiam provenit vita æterna: Vita dico habitus in Christo

A Jesu, id est per Christum Jesum, liberavit me a lege peccati, id est a somite peccati, et a lege mortis. id est ab actu somitis peccati, nam quæ somes male suadet, operatur. ~~Vnde liberatus sum a lege peccati;~~ ~~nam~~ per Filium Dei. Deus enim misit Filium suum: non quod Filius abesset alicubi, sed quia ipse natura invisibilis per unitam sibi carnem factus est visibilis, missus dicitur secundum cognitionem nostram. Misit utique Deus Filium suum, non in carnem peccati, sed in similitudinem carnis peccati, id est in carneum similem carni peccatrici. Christus enim omnem carnis materiam præter peccatum sustinuit; et per missum Filium damnavit peccatum, id est somitem peccati, quod erat in carne nostra. De peccato, id est per Filium qui fuit hostia pro peccatis omnium oblata. Unde et Christus dictus est peccatum. Hostia enim pro peccato oblata, peccatum dicebatur, vel pro peccato. Vel ita: Damnavit peccatum, id est Satanam de peccato: quod diabolus fecit in carne Christi. Diabolus enim jus habebat in omnem hominem propter originale peccatum: de quo quia Christus reus non fuit (non enim in concupiscentia carnis natus est), in eum diabolus indebitum jus usurpavit; ideo jus quod concessum ipsi erat in omnes, perdidit, et sic quia incouessa captavit, juste concessa perdidit. Damnavit utique peccatum: ad hoc. ut impletetur in nobis justificatio legis, id est quam lex presignabat, et implere non poterat in nobis de termino: qui non ambulamus secundum carnem, id est secundo desideria carnis; sed ambulamus secundum spiritum, id est secundum quod dictat Spiritus sanctus vel ratio. Damnavit, dico, peccatum, quod scilicet damnare peccatum impossibile erat legi, Lex enim impotens erat liberare ab originali, in quo, id est in implenda justificatione, lex infirmabatur per carnem, id est quia carnalitatem sectabatur. Vere justificatio non impletur, iis qui ambulant secundum carnem; nam si qui sectantur carnalitatem, sapiunt, id est saporem bonum capiunt, in his quæ carnis sunt. Amodo in sequentibus longe commendabit legem spiritualem per oppositum, deprimendo carnalem.

Quid inde diceret aliquis si sapiunt ea quæ carnis sunt? Malum utique multum est hoc. Nam prudentia carnis est mors, id est vacare iis quæ caro suadet, mors animæ est. His qui sequuntur spiritum implebitur justificatio legis. Nam qui sunt secundum Spiritum, sentiunt, id est sapiunt et sectantur ea quæ sunt Spiritus. 46 Et quid inde diceret aliquis? Multum equidem. Nam prudentia est spiritus vita, id est vivere hic in virtutibus, et est pax, id est tranquillitas animi, et quietes a temptationibus. Non enim omnes qui vivunt in virtutibus, pacem hanc habent, sed admodum pauci; ideo prudentia carnis est mors, quoniam sapientia carnis est inimica Deo, quandiu inimicatur Deo, vivere nequit. Sed qui bonum carnalitatis sue Deo preponit, regnum Dei (quantum in se est) diuinuit, subjiciens se regno carnis. Vere sapientia carnis est inimica Deo.

Nam non est subjecta legi Dei, sed imperio carnis. Non est subjecta, quia nec esse potest subjecta, quandiu carnalitati adhaeret. Quid enim enumerare quæ singula dicens, prudentia carnis est mors et inimicia Deo? ut paucis comprehendam: quicunque sunt in carne, id est in carnalitate, quandiu ibi detinentur, Deo placere non possunt. Quia modo dixerat, qui in carne sunt Deo placere nequeunt, ne per hoc deterret Romanos, qui prius justificatione accepta, ad aliqua peccata relapsi fuerant, demulceret eos blandiendo, tamen quæ facienda sint eis aperte insinuans. Qui in carne sunt Deo placere non possunt. Sed vos, o Romani, non jam estis in carne, nec vos in carne esse intelligo, sed estis in spiritu. Hac conditione tamen vos esse in spiritu pronuntio, si Spiritus Dei quem in baptismo accepistis habitat, id est perseverat in vobis. Si quis autem (non dico de vobis, sed quicunque ille sit) qui non habet Spiritum Christi, hic non est ejus, scilicet Dei, id est non habet partem cum Deo. Hic plane ostendit Apostolus Spiritum sic a Filio, ut a Patre procedere, ubi ait Spiritum Dei, et Spiritum Christi, et quod idem sit Spiritus Dei, et Spiritus Christi. Si autem Christus, id est Spiritus Christi, est in vobis, corpus quidem vestrum mortuum est, id est mortalitatem adhuc subiacet propter peccatum, id est vel propter peccatum, vel propter custodiam, ne iterum cedatis per elationem; corpus quidem adhuc est mortuum: sed spiritus vester jam vivit propter justificationem, id est per opera justitiae quæ exercet justificatus a peccatis, ubi ait: Si Christus est in vobis, innuit Christum et Spiritum sanctum idem esse in substantia Deitatis. Nec solum per spiritum habitantem in vobis, vitam spiritus habebitis, sed etiam si Spiritus ejus qui suscitavit Jesum a mortuis, pro hac causa quia Spiritus sanctus in eo habitavit. Si, inquit, idem Spiritus habitat in vobis, vivificabit etiam mortalia corpora vestra, facta immortalia propter eamdem causam, scilicet propter inhabitantem Spiritum ejus in vobis. Et quia sic de vobis facere possit, et facturus sit praesignavit, in eo quod jam suscitavit Jesum Christum a mortuis.

Quia si queritur quare Christus ante omnes incorruptibilis suscitatus sit? respondeatur ideo quia de Spiritu sancto conceptus sit; quia peccatum non fecit, et quia per eum incorruptionem omnes habituri sunt, dignum fuit ut omnes in hoc, et tempore præveniret, et plus omnibus acciperet. Quandoquidem Deus et jam animam vivificavit, et corpus vivificabit, ergo fratres jam non sumus debitores carni, id est jam nihil debemus carnalitati, sed spiritui; quia per spiritum vivimus, et adhuc vivificabimur. Debemus quidem carni quæ necessaria sunt ei, ut victum et tegumentum; sed non ita vivamus sequentes carnalitatem. Si enim secundum carnem vixeritis, non vivificabimini, sed moriemini. Si autem facta carnis mortua feceritis, per spiritum vivetis, et hic secundum animam, et in futuro secundum corporis incorruptionem. Et mortificare debetis; nam Spiritu

Dei agimini, et vere vivetis, quia filii Dei eritis. Quod sic ait: Vere si mortificaveritis carnem, per spiritum vivetis. Nam quicunque aguntur Spiritu Dei (quod est mortificare facta carnis), hi sunt filii Dei, et hæc est vita æterna.

Postquam satis commendavit legem spiritus, ostendit quanta utilitas sit nobis per Spiritum sanctum, quod jam partim supra ostendit. Vere filii estis. Non enim jam estis servi, quod sic ait: Vos quidem accepistis spiritum, sed non spiritum servitutis: ut amplius servi sitis, et serviatis iterum in timore. Dum enim sub lege eratis, 47 timore poenarum quas lex minabatur serviebatis: qui autem timore poenæ servit, poenam evadit, gloriam non meretur. Spiritum servitutis

B utique non accepistis, sed accepistis spiritum adoptionis filiorum, id est per quem adoptamini in filios Dei. In quo spiritu docente, nos clamamus: Abba (pater). Abba Hebreum est, significans id quod pater, vel pater Græcum. Ideo hebream vocem posuit, et vocem gentium, seu græcam, seu latinam, ut ostendat utrumque populum, Judæum et gentilem in novitate spiritus debere servire Deo, non jam in vetustate litteræ. Vere in spiritu clamamus: Abba (pater). Nam Spiritus sanctus reddit testimonium spiritui nostro, id est docet rationem nostram hoc quod sumus filii Dei. Nisi enim Spiritus hoc insinuaret, nesciremus nos esse filios Dei. Si autem sumus filii, erimus etiam hæredes. Ecce quot utilitates sunt nobis per Spiritum. Prius adoptamur in filios. Dehinc clamamus. Hæredes etiam constitui-mur, nec vilis hæreditatis, sed hæredes Dei, quia Deus distribuet nobis hæreditatem suam, id est totius boni sufficientiam. Si querimus quomodo sumus hæredes Dei, cum usus habeat hæredem esse morte decessoris? respondeatur quia Deus, quodammodo nobis morietur in futura beatitudine, secundum hoc quod nunc videmus cum per speculum et in ænigmate, tunc autem facie ad faciem sumus visuri. Hæredes erimus Dei, cohæredes autem Christi, quia eamdem hæreditatem quam Christus, id est incorruptionem secundum carnem modo nostro accipiemus. Hæredes dicit Dei, velut ejus eujus est hæritas, eamque distribuit. Cohæredes Christi, velut ejus qui nobiscum partem capiet hæreditatis.

D Cohæredes erimus Christi, hac tamen conditione dico: si compatimur Christo non intentione laudis vel lucri temporalis, sed ut glorificemur, desiderio tantum æternæ gloriæ. Compati utique debemus, ut glorificemur. Nam ego existimo (et verum est) quod omnes passiones hujus temporis, id est quæ temporales sunt, et hujus, id est tam brevis temporis, non sunt condignæ ad promerendam futuram gloriæ, quæ revelabitur in nobis, quia nec nos ipsi qui eam habituri sumus, quam digna et magna sit intelligimus. Vere gloria hæc revelabitur in nobis. Nam expectatio creaturæ, id est totius Ecclesiæ exspectat revelationem filiorum Dei, ut et ipsi inter filios Dei revealentur. Quia si omnis Ecclesia hoc

exspectat, credendum est futurum esse quod exspectat. Exspectatio exspectat, frequentiam notat. Creaturam vocat Ecclesiam, nam haec specialiter creatura Dei est, quam etiam justificando novam creaturam fecit: et quia causa ejus bona omnia creata sunt, ideo creature, id est Ecclesia exspectat hanc revelationem, quia *subjecta est vanitati*, id est miseriis carnis, quae vanæ sunt. Si enim modo comedit, post modicum iterum esuriet; si bibit, iterum sitiet, et sic in ceteris. Et quia haec omnia videt vana, ideo exspectat hoc ubi nulla sit varietas.

Subjecta quidem est vanitati, sed *non volens*, quia nollet pati haec vana, et licet nou volens, *tamen propter eum sustinet qui subjecit eam his miseriis*, ne iterum superbiendo periret. Subjecit dico *in spe* positam, ut spem haberet evadendi hanc vanitatem; in spe dico hac, *quia*, id est quod ut Christus, sic etiam ipsa creature liberabitur a servitute corruptionis, id est variabilitatis, transferenda a servitute in libertatem, a corruptione in gloriam filiorum Dei. Bene dico *non volens subjecta est*: nam nos scimus quod omnis creature, id est Ecclesia, ingemiscit animo et parturit, id est maximo conatu laborat operando quemadmodum parturiens fructum de labore exspectans. Parturit dico usque adhuc, quia a primo justo semper in labore fuit Ecclesia usque ad hoc tempus. Creature utique ingemiscit, non solum autem illa creature, sed etiam nosipsci, qui tantæ dignitatis sumus quod etiam dii esse reputamur: nos dico *habentes primitias spiritus*, quia in primitiva Ecclesia prius omnibus et abundantius Spiritum sanctum accepimus, abundantius etiam prophetis qui præcesserunt: non enim semper per Spiritum sanctum loquebantur, quia aliquando recedebat Spiritus sanctus ab eis, et quæ falsa erant prædicabant: **¶** ut Nathan quandoque et quidam alii: sed apostoli nunquam privati sunt semel accepto Spiritu sancto. Nosipsci habentes primitias spiritus, qui adeo digni sumus, etiam ipsi iudicem a Deo fragiles sumus, quod gemimus quemadmodum creature. Et ne putarentur gemere compassionem subditorum, et non pro se, determinat: *Gemimus dico intra nos*, id est pressi tentationibus quæ nos conturbant interior. Prius ipsi, nota est dignitatis: alterum ipsi, fragilitatis. Per hoc Apostolus multum consolator Ecclesiam, et invitat ad patientiam, quod dicit apostolos eadem fragilitate premi qua premuntur subditi. Subdit etiam magnam consolationem quam habent, dicens: *Gemimus dico, exspectantes adoptionem filiorum Dei*, id est ut adoptemur in filios Dei.

Duplex adoptatio est: prima qua Deus peccata dimittit et justificat; secunda qua in æterna beatitudine sanctos cohæredes faciens Christi, eos remunerat. De hac autem secunda innuit se Paulus intelligere, cum ait: *Adoptionem dico, id est redēptionem corporis nostri*, id est in qua adoptione

PATROL. CLIII.

A corpus nostrum modo fragile, nulla corrumpetur mutabilitate. Per hoc quod dicit *exspectantes*, innuit se de futura adoptione loqui, non de jam habita. Rem enim jam habitam non exspectamus. Credendum est etiam Christum assumpsisse ideo corpus cum anima, ut utrumque liberaret a corruptione. Vere exspectamus, quia spem habemus. Spes autem ista magnum habet meritum, nam salvos nos facit. Quod sic ait, *spe*, id est merito spei, quia rem invisibilem et etiam incogitabilem constanter speramus, hoc merito *salvi sumus*, et in hac spe facti sumus ab alio, non a nobis. Non enim fragilitas nostra nisi Spiritu sancto confortata speraret, quia nesciret, et sic nec meritum salutis haberet; spe salvi facti sumus, tantum meritum habet vera spes; sed illa *spes*, id est res sperata quæ videtur, *jam non est spes*, nec spei meritum habet. Spes enim est de re quæ non videtur: ut si speramus aliquem nobis daturum pecuniam, illud quod speramus, nondum videmus, scilicet nos habere pecuniam, etsi pecuniam ipsam videamus. Rei autem quæ jam habetur non est spes, sed jam usus habetur. Vere rei quæ videtur non est spes, *nam quod videt quis, illud quomodo vel quare sperat?* Non est amplius sperandum, sed eo utendum. Rei quæ videtur non est dicenda spes, sed si illud quod non videmus speramus, meritum hujus spei habemus. Nam *exspectamus* rem speratam *per patientiam*, id est in exspectando patienter omnia toleramus, desiderio rei quam speramus. Et haec spes, quæ tanti est meriti, per Spiritum sanctum habetur. Nec hoc solum dat nobis Spiritus sanctus, sed etiam *similiter*, id est sicut spem, et per spem patientiam: sic idem *spiritus adjuvat nostram infirmitatem*. Sicut enim infirmi sine Spiritu sancto essemus in spe, sic etiam infirmaremur in oratione, nisi doceret nos Spiritus. Vere Spiritus adjuvat nos infirmos. *Nam nos scimus quid oremus*, sicut scire oportet et orare, scimus quidem quomodo non oportet. Nos utique nescimus, *sed ipse Spiritus postulat*, id est postulare nos facit et insinuat. Postulat dico *pro nobis*, id est vel vice nostri, vel causa nostra utilitatis: *gemitis inenarrabilibus*. Gemitus ideo inenarrabiles dicit, quia ipsi contemplatores nescirent explicare, nec possent, quot et quantis desideris æstuant. Ex eo quod dictum est, Spiritus postulat, quidam in errores lapsi sunt, dicentes Spiritum minorem Patre et Filio, quia qui postulat minor intelligitur eo a quo postulat; curialitatem Pauli, vertentes in haeresim. Sicut enim qui modo docuerint aliquem quo genere loquendi, et quibus verbis loqueretur cum principe, ille per illum instructum diceretur loqui eidem principi: sic Spiritus sanctus, quid et quomodo postulemus nos instruit, et per nos instructos dicitur postulare, non aliter.

Quod supra dixit: nescimus orare *sicut oportet*, hoc in ipso apertum est, qui contra salutem spiritum **¶** Satanæ oravit auferri a se datum sibi ob custo

3

diam humilitatis; ne quia raptus erat ad tertium cœlum, et audierat quæ non licebat homini loqui, superbiret: sed per impellentem fragilitatem, pusillanimitatem carnis reminisceretur. Spiritus sanctus sperare nos facit, orare nos docet, et exaudiri nos facit. Quod sic ait: *Spiritus postulat*: ille autem qui scrutatur corda, id est Deus, scit, id est complet et approbat quod desiderat, id est desiderare nos facit *Spiritus* sanctus. Scit ideo quia *Spiritus postulat secundum Deum*, id est docet nos *Spiritus postulare* quod Deo bonum est concedere. *Postulat* dico pro sanctis, id est vel vice vel causa sanctorum. Scrutatur ab ea similitudine dictum est, quia quemadmodum ille, qui multo scrutinio rem investigat, melius rem ipsam cognoscit; sic Deus non quod scrutando labore, sed quasi scrutator et longe melius occulta cordium novit. Non solum *Spiritus* spem dat, orare insinuat, exaudiri facit, sed et quæcunque prospera vel adversa contingent sanctis, omnia facit ille esse ad bonum. Littera sic jungitur: Orare sicut oportet per nos nescimus, hoc autem per *Spiritu* sanctum scimus, quoniam idem *Spiritus cooperatur omnia*, seu prospera seu adversa; in bonum, id est ad utilitatem sanctorum. Vel *omnia cooperantur* a *Spiritu* sancto in bonum, ut passive dicamus; vel in activo sensu *omnia cooperantur* in bonum, et iterum per *Spiritu* sanctum. Sententia non mutatur, cooperantur dico diligentibus Deum, nec qui modo diligunt, modo peccando odiant, sed his, id est hujusmodi diligentibus qui a Deo vocati sunt; ad hoc ut sint sancti: et quia non omnes vocati electi, adjungit:

Vecati dico secundum propositum præscientia Dei, quæ nullo modo potest immutari. Vere secundum propositum vocati sunt, et omnia cooperantur illis in bonum. Nam Deus præscivit eos ab æterno sibi idoneos et electione dignos. Et quia præscivit ab æterno, prædestinavit etiam eos, id est præparavit in tempore congruo. Hæc præparatio fuit oblatio gratiae, et interna aspiratio. Præscivit, inquit, et prædestinavit fieri conformes, id est imitatores imaginis, id est puritatis filii ejus: quia in hoc mundo per puritatem solam licet Filium Dei, quem in futuro per majorem puritatem et invariabilitatem imitabuntur sancti. Hoc autem de divina essentia Filii dicimus, quia si per hoc Filium a Patre videmur diversificare, quia dicimus imaginem Filii, respondemus quod in substantia quidem per omnia idem sunt, sed in personis est varietas. Et in eo quod Pater sine principio, non ab alio: Filius autem a Patre principium habet, licet semper fuerit cum Patre, et sic ab alio. Si autem secundum humanitatem de Christo hic agimus, congrue sequentia consentiunt, quæ secundum carnem de Christo solummodo agunt, et dicemus: Simus conformes imaginis filii ejus, ut quomodo in novitate spiritus ambulavit, sic et nos ambulemus. Ita tamen conformes secundum utramque sententiam: ut ipse Filius sit primogenitus in multis fratribus, ut quemadmodum primogenitus Filius Dominus est paternæ hæredi-

tatis, et quod inde habent alii filii ab eo habent; sic et Christus Dominus est in hac hæreditate, et qui cunque aliquid inde habent, ab eo et per eum totum habent. Dicitur etiam primogenitus mortuorum, quia primus resurrexit a mortuis, etiam sicut cum eo incorruptibles resurrexisse credantur quidam sancti. Si qui autem per Christum suscitati sunt, non surrexerunt a mortuis, quia iterum morituri.

Nec solum præscivit, sed quos prædestinavit, hos etiam vocavit: quia, postquam inspiravit eos, vocatores adhibuit interius præparatis, quorum vocatio frustra esset, nisi spiritus operaretur interius. Et quos vocavit, hos etiam justificavit, remittendo peccata, infundendo gratiam. Quos autem justificabit, illos etiam magnificabit in futuro, quando conregnabunt secum. Vel magnificavit secundum certitudinem futuræ rei dicit, et secundum quosdam, 50 qui jam cum Deo regnant, quantum ad animas. Quandoquidem Deus electos suos præscivit, præparavit, justifieavit, et ad ultimum magnificabit, ergo quid dicemus ad hæc? Estne aliquid quod contraire possit huic divinæ dispositioni? Contra hoc utique nihil potest dici, quia Deus est pro nobis, et si Deus pro nobis, quis potest esse contra nos? Quis potest evertere, ne perficiatur quod Deus de nobis præordinavit. Vere Deus est pro nobis. Nam ipse est qui non pepercit etiam Filio suo, sed tradidit, id est disposuit illum tradendum ad mortem pro omnibus electis suis. Et cum rem tam difficultem fecerit, sicut est

Filium præ omnibus filiis charum tradere morti pro nobis, quomodo, id est qua ratione non etiam donabit nobis omnia quæ restant, cum illo Filio quem longe chariorem omni re habuit, quem nobis in articulo mortis dedit? Non est credendum, ut qui Filium dedit, quæ minora sunt Filio nobis negaturus sit. Et quandoquidem Deus nos adeo dilexit, ut Filium traderet pro nobis, quis jam accusabit adversus nos electos Dei? Accusare est adversus electum, quomodo subvertatur disponere, quemadmodum Satan videns Job in terrenis abundare, quia in his putavit Job mente detinueri, pertractabat quod res ejus demoliendo justitiam ejus per impatientiam de damno rerum venientem destrueret: sed quia electus erat Job, Satan non potuit. A principio enim ex quo

Dixit: Ponam sedem meam ad aquilonem (Isa. xiv, 13), semper laboravit destruere regnum Christi, in quo adhuc male perseverat. Diabolus vult accusare, sed non potest, Deus autem potest, sed non vult: Deus enim est qui justificat. Quis est etiam qui condemnat electos Dei? Satan quidem condemnare vult, sed non potest; Christus quidem posset, sed non vult: quod ex eo palam est, quod Christus Jesus est, qui mortuus est pro nobis. Nec hoc solum, immo qui etiam resurrexit, ut et nos resurgere faciat; qui etiam est ad dexteram Dei, ubi et nos secum collocabit: qui etiam interpellat pro nobis, ubi est in dextera Patris, qui hæc omnia pro nobis fecit et facit: credendum est quod nos condemnat? Interpellare dicitur Christus, non quod voce clamet, sed

assumpta humanitas, quæ in oculis Dei est, semper Deum pulsat, et memorem facit, ut perficiat illud pro quo Filium carnem assumere voluit: quemadmodum legatus, per solam repræsentationem personæ legationis suæ, memorem faceret ad quem missus esset in eo, quod se illi repræsentaret.

Quandoquidem Deus præscivit, justificavit, etc., ergo quis nos separare poterit a charitate Christi, ut sic pervertat consilium Dei? Separabit nos tribulatio, id est qualibet afflictio carnis? An angustia? id est anxietas animi. An persecutio de loco ad locum? An famæ? quia sæpe esurit, ut etiam tæderet eum vivere. An nuditas? An periculum? id est comminatio mortis? An gladius? An ipsa occisio? Nihil utique horum nos separabit, sicut scriptum est in libro Psalmorum: illud quia jungitur in posterum: Propter te mortificamur tota die, æstimati sumus ut oves occasionis (Psal. XLIII, 24): non quæ reservantur ad fetus, sed quæ sunt occasionis, id est quæ steriles sunt occiduntur; et si propter te occidimur, constat quod a te non separabimur. Sed quæ cura si mortificamur? In his enim omnibus, tribulatione, angustia, et cæteris superamus, propter eum ferventes amore ejus, qui dilexit nos. Vere superabimus, quia neque mors, id est comminatio mortis; neque vita, id est promissio vitæ, vel gloriæ mundi; neque angelii, qui legatione Dei funguntur; neque principatus, id est neque ordo ille qui etiam super angelos principatum habet; neque virtutes, id est neque ordo ille cuius officium est operari miracula. Vel ista, si volumus, de malis angelis intelligimus, inter quos etiam sunt discretiones officiorum. De singulis enim ordinibus aliqui lapsi sunt, ut dicamus: Neque angelii mali, quorum officium est explere legationes; neque principatus, qui in genere malorum subditis angelis principantur; **51** neque virtutes, mali enim spiritus misericordia faciunt. Neque instantia, id est praesentia seu prospera sint seu adversa; neque futura hujus mundi bona vel mala. Neque fortitudo, id est violentia cuiuslibet fortissimi. Neque altitudo, id est promissio honoris. Vel altitudo ut illa quando diabolus purpuratum se et diademate renitentem ostendit. Neque profundum, id est etsi aperto inferno minaretur mihi in ipsum præcipitum. Neque creatura alia, id est si novam et non visam creaturam facerent. Nihil horum omnium poterit nos separare a charitate Dei, quæ est in Christo Jesu Domino nostro.

CAPUT IX.

Veritatem dico in Christo Jesu, non mentior. Testimonium mihi perhibente conscientia mea in Spiritu sancto: quoniam tristitia mihi est magna, et continuus dolor cordi meo. Optabam cuim ego ipse anathema esse a Christo pro fratribus meis, qui sunt cognati mei secundum carnem, qui sunt Israelitæ, quorum adoptio est filiorum, et gloria, et testamentum, et legislatio, et obsequium, et processio: quorum patres, ex quibus est Christus secundum carnem: qui est super omnia Deus benedictus in sæcula (II Cor. XI, 31). Amen. Non

A autem quod exciderit [excidit] verbum Dei. Non enim omnes qui ex Israel [circumcisione] sunt, hi sunt Israelitæ, neque qui semen sunt Abraham, omnes filii sunt Abraham; sed in Isaac vobatur tibi semen (Gen. XXI, 12), id est, non qui filii carnis hi filii Dei, sed qui filii sunt promissionis (Gal. IV, 28), æstimantur in semine. Promissionem verbum hoc est: Secundum hoc tempus veniam, et erit Saræ filius (Gen. XVIII, 10). Non solum autem illa, sed et Rebecca ex uno concubitu habens, Isaac patris nostri (Gen. XXV, 24). Cum enim nondum nati fuissent, aut aliquid boni egissent, aut mali (ut secundum electionem propria situm Dei maueret), non ex operibus, sed ex vocante dictum est ei: Quia major serviet minori (Gen. XXV, 23), sicut scriptum est: Jacob dixi; Esau autem odio habui (Malach. I, 2). Quid ergo dicemus? Nunquid iniqüitas apud Deum? Absit! Moysi enim dicit: Miserebor cui misereor [cui misertus sum], et misericordiam præstabo cui miserebor (Exod. XXXIII, 19). Igitur non voluntis neque currentis, sed miserentis est Dei. Dicit enim Scriptura Pharaoni: Quia in hoc ipsum excitavi [servavi] te, ut ostendam in te virtutem meam, et ut annuntient nomen meum in universa terra (Exod. IX, 16). Ergo cui vult miseretur, et quem vult indurat. Dicis itaque mihi: Quid adhuc queritur? Voluntati enim ejus quis resistit? O homo, tu quis es qui respondeas Deo? Nunquid dicit figuramentum ei qui se fixit: Quid me fecisti sic? (Sap. XV, 7; Isa. XLV, 9; Jer. XVIII, 6.) An non habet potestatem figulus lutti, ex eadem massa factore aliud quidem vas in honorem, aliud vero in contumeliam? Quia [quid] si Deus volens ostendere iram, et notam facere potentiam suam, sustinuit in multa patientia vasa iræ apta in interitum, ut ostenderet divitias gloriæ suæ in vasa misericordiæ, quæ præparavit in gloriam. Quos et vocavit non solum ex Judæis, sed etiam ex gentibus, sicut in Osee dicit: Vocabo non plebem meam, plebem meam; et non dilectam, dilectam; et non misericordiam consecutam, misericordiam consequutam (Ose. II, 23; I Petr. II, 10). Et erit, in loco ubi dictum est eis non plebs mea vos, ibi vocabuntur filii Dei vivi. Isaías autem clamat pro Israel: Si fuerit numerus filiorum Israel tanquam arena maris, reliquiæ salvæ flent (Isa. X, 22). Verbum enim consummans, et abbrevians in æquitate: quia verbum abbreviatum faciet Dominus super terram. Et sicut prædictum Isaías: Nisi Dominus Sathan reliquisset nobis semen, sicut Sodoma facti essemus, et sicut Gomorrah similes fuissemus (Isa. I, 9). Quid ergo dicemus? Quia gentes quæ non sectabantur justitiam apprehenderunt justitiam, justitiam autem quæ ex fide est. Israel vero sectando legem justitiae [justitiam], in legem justitiae non pervenit. Quare? Quia non ex fide, sed quasi ex operibus. Offenderunt enim in lapidem offensionis, sicut scriptum est: Ecce pono in

¶ Sion lapidem offensionis et petram scandali; et omnis qui credit in eum, non confundetur (*Isa. xxviii, 26; I Petr. ii, 7.*)

EXPOSITIO.

52 Jam amplius non separabor a charitate Christi, sed olim separatus fui; et inde multum doleo, et de hoc quod doleo, veritatem dico positus in Christo, in cuius corpore mentiri non licet. Nec in uno verus, ut in alio mentiar. Sed non in aliqua parte mentior; nec solum Christo, sed etiam conscientia mea mihi perhibente testimonium quod non mentior: conscientia dico, fundata in Spiritu sancto, cum quo non perhiberet falsum. De hoc, inquit, dico veritatem: quoniam tristitia magna est mihi secundum afflictionem corporis, et continuus dolor cordi meo interius: dolor, inquit, est mihi, et merito. Ego enim ipse, qui modo separari nequeo, optabam esse non solum separatus; sed etiam anathema, id est separatio alicorū a Christo pro fratribus meis; quia hos qui modo fratres sunt in Christo separare volebam a Deo: qui etiam sunt cognati mei secundum carnem; quia, licet omnibus in dilectione obnoxii simus, domesticis tamen generis nostri hanc debemus impensius: qui etiam sunt veri Israelitae videntes Deum, quorum etiam adoptio filiorum, id est qui adoptati sunt in filios Dei. Quorum etiam gloria miraculorum; quorum etiam est testamentum; Evangelium re promissum; quibus etiam est latus legis, id est spiritualis intelligentia quam fert lex; quibus etiam est ad obsequium, id est cultus Dei; quibus etiam facta sunt missa salutationis; quibus etiam patres fuerat illi ex quibus Christus natus est secundum carnem: qui secundum Deitatem Deus est ab initio, manens super omnia, Deus dico benedictus aeternaliter in saecula. Amen. Ideo Paulus plures et maiores aliis apostolis sustinuit persecutones; quia persecutus fuerat Ecclesiam Christi: quod idem perhibet dicens: «Quia plus omnibus laboravi (*I Cor. xv, 10.*)» quæ tamen augmentatio persecutionis fuit ipsi ad custodiā justitiae, et incrementum gloriae. Probavit sufficenter superius quod electos Dei nulla res posset a Deo separare. In sequentibus autem probare vult hanc electionem filiorum non secundum propaginem carnis, sed ex vocatione Dei fieri. Littera sic jungitur: Ego olim optabam esse separatio filiorum Dei a Christo; sed tamen non excidit verbum Dei, id est licet multum saevirem in servos Dei, aliqui subverterentur; tamen propterea non excidit verbum, id est non inexpleta perii promissio Dei, qua se promiserat redempturum Israel; quia licet multi secundum carnem de Israel a salvatione alienati sint; omnes tamen veri Israelitae electi sunt, et sic impleta est promissio. Vere etsi aliqui separati sunt a Deo, propterea non excidit verbum Dei; quoniam non omnes hi qui sunt ex Israel secundum carnem, vocandi sunt Israelitae. Tempore enim Jeroboam multi Judæi

A transierunt ad culturam idolorum, et reputati sunt inter gentes, multoties etiam fecerunt. Multi etiam de gentibus in ritus Judæorum transierunt, et inter Judæos reputati sunt. Non omnes qui ex Israel sunt secundum carnem, dicendi sunt Israelitæ. Neque omnes vocandi sunt filii, id est haeredes Abraham, ideo quia secundum carnem sunt semen Abraham; Ismael enim de semine carnis Abraham fuit, nec tamen haeres.

B Unde scriptum est: «Ejice ancillam et filium ejus, non enim haeres erit (*Gen. xxi, 12.*)» etc.; sic etiam nec filios Abraham dicimus degenerantes a fide ejus. Consuetudo enim patrum est, eum vocare filium suum, qui imitatur patrem. Eum vero qui contrarius est factis patris, dicit pater non esse filium suum, licet vere sciat de carne sua generatum. Non omnes qui secundum carnem sunt de semine Abraham sunt; sed qui in similitudine Isaac per re promissionem Dei nati sunt, hi vocantur filii Abraham. Sic enim testatur Scriptura, dicens: *In Isaac, id est in similitudine Isaac erit tibi semen.* Nec hoc secundum carnem, sed *vocabitur*, id est per vocationem et re promissionem Dei, erunt tibi filii, non tantum secundum lineam carnis, quantum per imitationem fidei. Isaac enim natus non lege carnis, quia de vetulo patre, et matre sterili, cuius genitalia jam macta senio fuerant, significavit non vocandos filios Abraham propter lineam carnis, sed exemplo Isaac, secundum promissionem **53** Dei. Exponit Apostolus quid sit hoc. In Isaac vocabitur tibi semen dicens: Id quod dico *semen vocabitur tibi in Isaac*, sic est intelligendum. Non qui *filiī carnis* Abraham sunt, hi propterea sunt *filiī Dei*: sed hi qui sunt *filiī promissionis*, id est per re promissionem electi, hi *estimantur in semine Abraham*, imitatores fidei ejus, quemadmodum Isaac per re promissionem natus est. Et vere per re promissionem. Nam hoc est verbum promissionis, factum de Isaac, quod verbum locutus est angelus ad Abraham determinans conceptionem filii diu ante promissi, dicens: «Ego enim secundum hoc tempus, id est post revolutum annum hac eadem die, et postquam advenero, erit Sarra filius (*Gen. xviii, 10.*)». Secundum Ambrosium (1), premissa littera longe supra aliter jungitur, ita: Ego optabam esse separatio bonorum a Christo, quod faciebam pro fratribus meis, id est amore fratrum meorum Judæorum et zelo legis, quam quia Christianos putabam invertere, dolebam: nec mirum si pro fratribus meis, quia sunt cognati mei secundum carnem, et qui esse debuissent veri Israelitae, et quorum est adoptio filiorum Dei, id est qui debebant ad pati in filios Dei, nisi hoc malitia eorum averteret; et quibus erat gloria eloquiorum Dei creditorum, et quibus debebatur testamentum, id est Evangelium, et quorum erat legislatio et obsequium, id est cultus Dei. Et promissa debebantur eis. Patres quorum fuerunt illi, ex quibus secundum carnem natus est Christus.

(1) Commentaria in omnes Pauli Epistolas non putantur esse Ambrosii: de quo consule Possevini Apparatum.

Sed licet hæc promissa illis, iniquitate sua impediente non adepti sint, non tamen ideo dico quod propterea exciderit verbum, id est impletio promissionis Dei : quoniam si non omnes qui secundum carnem Judæi, tamen quicunque veri Israelitez fuerunt, promissionem Dei acceperunt. Sequens littera non mutatur. Non solum autem hanc Sara promissionem habuit, sed etiam Rebecca. Convenienter de Rebecca inducit, in cuius filiis apertum est, ex electione tantum Dei, bonum aliquem fieri. Si enim ex genere non est causa quare Jacob magis eligatur quam Esau, in quorum electione vel reprobatione nulla parentum, nulla filiorum merita præcesserunt, et ideo per Rebeccam apertius probat, secundum promissionem filios Abrabæ fieri, quam per Saram, qua solum electum habuit : accepit utique reprobationem Rebecca, *habens filios ex uno eodemque concubitu Isaac patris nostri*. Ut sciatur merita parentum non profuisse Jacob, nec nocuisse Esau, determinat eos esse generatos de eodem concubitu : ne si (ut quidam physici volunt) diversis temporibus generati essent, putarentur parentes esse grati Deo, cum genuerunt Jacob; ingrat, quando genuerunt Esau. Sicut parentum, sic etiam merita filiorum excludit, dicens : Rebecca utique habuit promissionem. Num *dictum est ei: Major serviet minori*. Sed antequam dicat promissionem, convenienter merita filiorum cum meritis parentum excludit, ut constet omnem electionem esse primum et principalius ex gratia Dei, dicens : Rebecca habuit filios, qui cum nondum nati essent, per hoc excludit merita filiorum. Sed tamen quia in ventre matris luctati esse dicuntur, ne ideo putarentur ibi potuisse mereri, hoc determinans ait : Aut *cum nondum egisset aliquid boni vel mali*, pro quo hie deberet eligi, hic reprobari. Ideo priusquam agerent bonum vel malum, *dictum est ut propositum*, id est prædestinatio Dei qua hunc eligebat, alterum reprobabat, maneret, id est permanere comprobaretur, secundum electionem Dei, quæ electio non erat facta *ex operibus*, id est quia bene egisset Jacob, sed solummodo extocante, id est ex gratia et beneplacito vocantis Dei.

Hoc utique dictum est quia, id est *quia major serviet minori*. Non ideo dicitur servire, quod Esau aliquando servierit Jacob, sed plerumque dominatus sit ei, ut qui fortior erat in terra. Et ideo sic intelligendum est : *Major serviet*, id est utilis erit *minoris*. Quanto enim Esau magis persecutus erat Jacob, tanto magis meritum **54** patientie accrescebat patienti : et ita dictum est in Genesi : *Major serviet minori* (Gen. xxv, 23). Hoc autem dictum est Rebeccæ, antequam pueri nascerentur, quod dictum est sicut scriptum est per Malachiam de eisdem longe post eorum decessum. Hoc utique scriptum est : *Ego dilexi Jacob* (*Malac. 1, 2*), et pro hoc præcipue elegi eum. *Esau autem quia odio habui*, reprobavi. Odium enim Dei nihil aliud est, quam ex æquitate gratiam subtrahere. Convenienter sicut de præcedenti testimonium posuit, ut præcessisse merita eorum ex-

A cluderet; ita et de sequenti testimonium posuit, ut ostendat sequens meritum Jacob insufficiens fuisse, et penitus per se indignum fuisse gratia Dei; et ideo constare quod per misericordiam electus sit, ut etiam ostenderet quod Esau justè negata sit gratia, quia non esset cooperatus gratiæ. Quæritur cur Jacob electus sit, et Esau reprobatus : cum in neutro meritum boni vel mali præcesserit, quæ causa fuerit electionis unius, et reprobationis alterius? Ad hoc respondet, Jacob electum esse per misericordiam; Esau reprobatum secundum justitiam. Deus enim, cum primum creavit hominem, multiplici eum insignivit gratia : quam quia peccando a se repulit, indignum se fecit gratia Dei, et exinde Deus nihil homini debuit, sicque non est relictum homini unde justè posset conqueri, si destituitur gratia Dei.

B Quia si iterum queritur, cum uterque ex justitia propter originale posset reprobari, nihilque meriti in ambobus repertum sit, pro quo huic sic data sit gratia, huic negata; quare magis Jacob electus sit quam Esau? Ad hoc respondet quia Deus Jacob idoneum et cooperaturum gratiæ prescivit; Esau vero non idoneum, quia non cooperaturum : ideo unius misericorditer tribuit, quod ab altero juste propter originale alienavit, quod satis aperte in Iuda consideratur, quem licet Deus pro certo peritum cognosceret, permisit tamen illi gratiam miraculorum, ut alii apostolis, cum jam sur esset, et loculos haberet. Non tamen ideo quin sciret illum irrevocabilem

C a malo, sed ut comprobaret nobis per hunc, justè se quibusdam omnem negare gratiam, ut pueris statim sine baptismo morientibus : quibus ideo omnem gratiam denegat, quia si tempus haberent operandi, et gratia eis concessa esset, abuterentur ea, et sic pro gratia longe gravius punirentur; cui si cooperarentur, salvarentur. Ut autem hoc Deus notum faceret, dedit quibusdam gratiam, de quibus non habebat quin abuterentur ea, sed ut etiam palam oculis haberemus, justè quibusdam omnem se denegare gratiam. Herum aliud : Cumi Deus omnia creavit, quedam necessaria, ut ortum solis et hujusmodi; quedam voluntaria ut hominem et angelum constituit. Deus autem sic unum per misericordiam eligit, sicuti alterum per justitiam reprobatur : ut tamen voluntariam facultatem in eis non destruat : quia etsi multos in hoc sæculo sanctos multiplici munivit gratia, non tamen coagit eos ut ex necessitate bonum agerent, nec ad malum si vellent declinare possent, sed adjuvit per gratiam, quia vidit eos gratiæ cooperaturos. Econtrario non ita Judæ subtraxit gratiam, ut, gratia subtracta, impelleret eum, vellet nolle, operari iniquitatem, sed ut appareret quid per se posset iniquitas. Si enim gratia data vel negata compellens esset ac necessaria, jam non esset relictum homini meritum salvationis vel damnationis. Quandoquidem Jacob nullo merito præcedente eligitur, Esau similiter sine merito reprobatur, ergo quid dicimus? Nunquid iniquitas est apud Deum? qui Jacob eligens sine merito, Esau reprobat

D

similiter sine merito? Absit hoc ut propterea Deus dicitur esse iniquus! Vere in electione Jacob et reprobatione Esau non est iniquus Deus, quia hunc eligendo misericors est, hunc reprobando justus est. De justitia sequitur inferius, ubi de Pharaone subdit, probat de misericordia dicens: Vere quia elegit Jacob non est iniquus, est enim misericors.

55 *Moysi enim dixit Deus (Exod. xxxiii, 19): Ejus cuius misereor in præsencia, miserebor in justificatione. Et cuius miserebor in justificatione, illi præstabo misericordiam in salvatione.* Hic satis ostendit omnia esse ex misericordia, quia præsencia, justificatio, salvatio, omnia fluunt a fonte misericordiae. Quandoquidem omnia (sicut ostensum est) fluunt per misericordiam Dei. *Igitur velle bonum non est volentis, ut ascribatur ei. Neque currere est currentis, id est operari non est operantis, sed miserentis est Dei.* Neque velle neque facere bonum potest homo, nisi misericordia Dei per Spiritum sanctum operetur in eo. Vere miserentis Dei est velle et perficere, quia non miserentis est neque velle neque perficere (hoc est reprobare) quod aperte in Pharaone ostenditur. *Dicit enim Scriptura Pharaoni in Genesi. Convenienter de Pharaone inducit, cui Deus hanc gratiam proposuit: ut si vellet per doctrinam Moysi bene agere posset (Exod. ix, 16).* Certum quidem Deus habebat Pharaoum nunquam penitum, sed ut in eo cui gratiam doctrinæ concessit, eaque abusus est plane, nobis ostenderet gratiam juste negatam Esau priusquam mereretur, et omnibus quibus ita negatur: quia si Deus daret gratiam, abuterentur ea, et inde gravius punirentur: ideo etiam Deus Pharaoni doctores adhibuit, ut mala quæ prius in illo latebant, modo aperta fierent; dum Deo in tot et tantis resisteret, et prophetis et miraculis non acquiesceret. *Hoc, inquam, Scriptura dicit Pharaoni: quia in hoc ipsum; hoc quod in Genesi continuatur: in hoc ipsum in quo tu eras, id est, tu eras in malo, sed occultus, et in hoc malo excitavi te, subtrahendo gratiam ut appareres malus sicut eras.* Ideo utique *ut ostendam in te virtutem meam, id est signa miraculorum, quæ non ostenderem si acquiesceres.* Ideo etiam ostendam, *ut nomen meum annuntietur in universa terra, propter miracula facta in Ægypto.* Ubiunque enim audiebantur signa Ægypti, dicebatur: *Magnus est Deus Hebræorum.* Quandoquidem Deus ex voluntate elegit Jacob, et ex voluntate reprobavit Esau. Ergo palam est quod Deus misereatur cuius vult: quia videt eum cooperaturum gratiam, et inducat quem vult: quia videt eum non idoneum gratiam. Indurare Dèi, est gratiam non accommodare. Quia dixi Deum misereri huic, et indurare hunc ex voluntate, itaque dicis, et objicis mihi: *Quid adhuc queritur a nobis ut bene agamus: qui reprobati bene agere non possumus?* Vel ita. *Quid adhuc queritur, id est conqueritur Deus de nobis, si offendimus cum indurati non offendere non possumus?* Non est unde queratur. Vel quid a nobis requirat: quia quis potest resistere voluntati ejus? Ubi nos indurat, videtur non

A velle nos bene agere, cujus voluntatem impossibile est mutari. Paulus hæc omnia ideo dicit, quia videbat Romanos in sapientia mundi nimium gloriari, et ad hujusmodi quæstiones supra modum insistere: ideo ut magis reprimat eos, sic totum attribuit gratiam Dei, ut nihil videatur relinquere libertati arbitrii. Quod tamen satis commode intelligitur, quia nec ipsum initium bonum volendi ex nobis solum esse potest, si non inspirat gratia Dei. Unde sic ait: Tu dicas mihi quid adhuc queritur a nobis, sed o tu, homo adhærens humanitati: tu quis es qui respondeas Deo, id est qui si Deus mysterium hujus rei tibi enarraverit, intelligas illud? Vel tu quis es qui respondeas, id est qui litiges et disputes cum Deo de mysterio hujus rei? Non habes super hoc respondere Deo, sicut nec opus figuli habet de factura sui contradicere figulo, et est apta similitudo; quia quemadmodum figulus de luto, sic Deus hominem lutum, et omnem pollutione infectum inventit. Non habes utique, quod respondeas Deo.

B *Nunquid enim figmentum dicit ei qui se finxit: Quid me sic fecisti breve vel longum, informe vel formatum? An non habet figulus potestatem lutu, cuius est lutu materia? Sic Deus vos omnes in luto sordidos originali reperit. An non utique potest ex eadem massa, quæ tota in se immunda est, facere aliud 56 quidem vas in honorem, quo bibatur: aliud vero in contumeliam, in quo sordida familie reponantur?* Et sicut figulus potestatem habet in luto hoc vas facere, sicut placet honorabile. Hoc aliud, sicut materia vasis erat immunda, immunditiae destinare: sic Deus omnem massam hominis corruptam propter originale inveniens, si partem hujus massæ munditiae destinat, misericordia est: quod vero aliam partem in immunditia sordescere deserit, æquitatis est: et contra æquitatem reclamare injustum est, sicut ostensum est. Si illud quod peccato suo sordidatum est, Deus sequendo justitiam in immunditia deserat, non habet homo super hoc quod contradicat Deo. Quid etiam dicetur de hoc, si Deus quibus non debet ex misericordia dat gratiam, et illi accepta gratia abutuntur, nonne qui hujusmodi sunt merito reprobantur? Quod æquipollenter ait. *Si, inquam, Deus volens ostendere iram, id est damnationem impiorum apertam facere hominibus, sibi quidem notum erat nunquam eos gratiam datæ cooperatuos: volens etiam notam facere potentiam suam, id est quanta potentia patientiae ficeret suos persecutiones impiorum tolerare, per quod nec in impiis reprobatis Deus operatur sine misericordia, cum patientiae meritum accrescat suis per indurationem malorum.* *Volens utique Deus ostendere iram in impiis, potentiam in electis, sustinuit in patientia multa, et secundum tempus, et secundum numerum impietatum.* *Sustinuit dico vasa iræ, id est eos in quibus juste infundenda est ira, id est damnatio.* *Vasa dico apta in interitum, id est in perditionem propter solum originale, si nunquam daretur gratia qua abutentur. Sustinuit ideo, ut ostenderet diritas gloriae*

*sua, id est divitem gloriam suam in vasa misericordiae, id est in eos in quos infundenda erat misericordia; quæ vasa preparavit, id est prædestinavit Deus ad habendam futuram gloriam. Nec solum prædestinavit: sed quos, id est vasa misericordiae etiam missis prædicatoribus vocavit. Illud quos ad sententiam respicit, non ad litteram. Vocavit deo nos, scilicet et quos nos? id est non solum ex Judæis, sed etiam ex gentibus: quia quemadmodum Judæos vocavit, sic et gentes. Probat quod vocatio gentium ex Deo sit dicens: Verc Deus vocavit gentes, sicut dicit non Osee, sed Dominus in Osee. Hoc utique dicit: *Vocabo plebem meam non plebem meam, id est gentilitatem, quæ modo non plebs mea dicitur. Vocabo per gratiam, et faciam plebem meam (Ose. n, 23), et non dilectam gentilitatem.* Vocabo per gratiam, et faciam dilectam, justificando a peccatis: et eamdem gentilitatem non consecutam misericordiam: faciam consecutam misericordiam in salvatione. In signum autem salvandæ gentilitatis hic Osee prædicaturus salutem gentium, jesus est a Deo ducente uxorem fornicationis, etc. Vocabo utique gentilitatem, et hoc erit, in loco ubi dictum est, *Non plebs mea vos, id est in toto mundo ubi Judæi solum plebs Dei vocabuntur, gentiles vero non ibidem vocabuntur a modo gentes, sed vocabuntur filii Dei vivi, qui vitam æternam quam habet datus est eis quos ex electione vocavit.* Vel ita: *in loco, id est in Judæa, ubi dictum est, Non plebs mea vos: ibi vocabuntur filii Dei;* quia et de Judæis electi sunt apostoli, per quos gentes conversæ sunt; et in Judæa originem primam habuit Ecclesia.*

Postquam vocationem gentium auctoritate Osee confirmavit, probat per Isaiam salvationem Judæorum, et convenienter hoc probat. Gentiles enim improperebant Judæis, quod semel culpa sua repulsi et reprobati, ulterius indigni essent salvatione Dei. Osee sic dicit de gentibus: *Isaias autem clamat et affirmat hoc pro Israel (Isa. x, 22), id est pro honorando Judaico populo, cui multoties mala sua impropereavit. Hoc utique clamat. Si, id est licet, fuerit numerus filiorum Israel innumerabilis, tanquam arena maris, tamen reliquæ Israel, id est, vires et abjecti, qui nihil in carnalitate legis confident, hujusmodi reliquæ salvæ fient.* Vel reliquæ, id est quos Deus sibi reliquit, et idoneos salvationi reservavit, hi salvabuntur. Determinat modum salvationis, ne per legem putarent 57 se salvati. Vere salvæ fient reliquæ: nam per verbum, id est per doctrinam fideli, quod verbum erat consummans, id est perfecte justificans, quod lex facere non potuit. Erit etiam abbrevians et præcepta legis, quæ omnia ad dilectionem Dei et proximi reducet, et sacrificia; quæ omnia ad unum sacrificium corporis Christi rediget. Et ne quia legem abbreviare, iniquum judicaretur, hoc verbum, ideo addit, in æquitate: quia etsi abbreviat legem, æquum tamen erit et justum. Quod palam est ex eo quod Dominus faciet hoc verbum abbreviatum, sicut dictum est

A secundum sacrificia et præcepta. Nec super Judæos solum, sed etiam super terram, id est super gentes. Vel ita: *Salvæ fient reliquæ.* Nam per verbum illud de quo dictum est: «In principio erat verbum (Joan. i, 1),» etc. Quod verbum, id est Christus, erit consummans et abbrevians legem in æquitate, sicut dictum est: *Quia Dominus faciet hoc verbum breviatum,* id est secundum assumptam carnem mortalitatis et passibilitatis ab angelis minoratum. Juxta illud. (Psal. viii): «Minorasti eum paulominus ab angelis.» Et hoc verbum faciet super terram, id est quod in natura deitatis erat invisibile, per assumptam carnem hominibus in terra exhibebit visibile. Vere per verbum breviatum salvæ fient reliquæ. Nam nisi Dominus reliquisset nobis hoc semen, perdemur; et hoc dico non solum ex me, sed etiam sicut prædicti Isaias vaticinans de eodem: *Nisi Dominus Sabaoth (Isa. i, 9), id est exercituum tam cœlestium quam terrenorum reliquisset nobis semen, id est Christum: quem ante tempora sic constituit, et in tempore dedit; vel semen, id est verbum prædicationis, per quod fructifileant credentes; vel nisi Dominus ascendens reliquisset nobis semen, id est apostolos, qui in nobis verbum fidei seminarent, nos utique facti essemus sicut Sodoma et sicut Gomorrah,* id est penitus periclitaremur, et merito, quia similes fuissimus spernendo præcepta Dei.

Quod superius dixit de vocatione gentium per Osee (cap. ii, 23), ne Judæi negarent hoc dictum esse de gentibus, sed de se, qui multoties a Deo recedendo non plebs Dei facti sunt: exponit Paulus, quomodo de gentibus hæc verba tantum agant. Quandoquidem superius dictum est, non plebem meam vocabo plebem meam, ergo quid dicimus? Et quomodo hanc auctoritatem accipiemus? Hoc utique in verbis Osee exponemus, quod gentes quæ non sectabantur justitiam, id est quæ neo legem habebant, nec bono rationis suæ utebantur, apprehenderunt non ex merito, sed ex gratia ingerente ejus justitiam: nee carnalem justificationem, sed justitiam quæ est ex fide. Partem iterum auctoritatis quam Isaias pro Israel protulit: hanc scilicet quod non numerositas filiorum Israel salvaretur, exequitur Apostolus ponendo causam quare reprobatur, dicens: Gentes apprehenderunt justitiam: sed Israel, id est Judaicus populus sectando legem carnalis justitiae, non pervenit in legem spiritualis justitiae. Sed quare non pervenit? Ideo quia non ex fide creditit se justificari, sed præsumpsit quasi ex operibus posset justificari. Et quia non ex fide crediderunt se posse justificari, ideo offendunt, id est offenditionem sibi fecerunt in lapidem, id est in Christum, qui lapis fuit, qui et inimicos contereret, et in quo fundamenta justorum consistent. Lapidem deo offenditionis, id est qui lapis per humilitatem quam habuit aplus fuit in quo offenderent superbi, sicut scriptum est in Isaiæ: *Ecce pono in Sion, id est in Judaico populo, lapidem offenditionis, id est Christum, et petram scandali (Isa. viii, 14; 1 Petr. ii, 7).*

Inter lapidem et petram nulla distantia est, sed offenditionem vocat peccata facta in Christum. Scandalum vocat damnationem ex culpa peccatorum provenientem. Liceret dicam quod Christus lapis offenditionis fuerit Judaeis, tamen non omnes offenderunt in eo : sed *omnis* de Sion qui credit in eum lapidem, non erubescet se credidisse.

58 CAPUT X.

¶ Fratres, voluntas quidem cordis mei et obsecratio ad Deum fit pro illis in salutem. Testimonium enim perhibeo illis, quod emulationem quidem Dei habent, sed non secundum scientiam. Ignorantes enim justitiam Dei, et suam querentes statuere, justitiae Dei non sunt subjecti. Finis enim legis Christus ad justitiam omni credenti. Moyses enim scripsit [dixit] : quoniam justitiam quæ ex lege est qui fecerit homo, vivet in ea (Levit. xvii, 5). Quæ autem ex fide est justitia, sic dicit. Ne dixeris in corde tuo quis ascendet in cœlum (Deut. xxix, 11) : id est Christum deducere ; aut quis descendet in abyssum, hoc est Christum a mortuis revocare ? Sed quid dicit Scriptura ? Prope est verbum in ore tuo et in corde tuo (Deut. xxx, 14). Hoc est verbum fidei quod prædicamus, quia si confitearis in ore tuo Dominum Jesum, et in corde tuo credideris quod Deus illum excitavit [suscitavit] a mortuis, salvus eris. Corde enim [autem] creditur ad justitiam, ore autem confessio fit ad salutem. Dicit enim Scriptura : Omnis qui credit in illum, non confundetur. Non enim est distinctio Judæi et Græci. Nam idem Dominus omnium, dives in omnia qui invocant illum. Omnis enim quicunque invocaverit nomen Domini, salvus erit (Joel. ii, 32). Quomodo ergo invocabunt, in quem non crediderunt ? Aut quomodo credent ei, quem non audierunt ? Quomodo autem audient sine prædicante ? Quomodo vero prædicabunt, nisi mittantur ? Sicut scriptum est : Quam speciosi pedes evangelizantium pacem, evangelizantium bona ! (Isa. lii, 7; Naum. i, 15.) Sed non omnes obedirent Evangelio. Isaias enim dicit : Domine, quis credidit auditui nostro ? (Isa. liii, 1.) Ergo fides ex auditu : auditus autem per verbum Christi [Dei]. Sed dico : Nunquid non audierunt ? Et quidem in omnem terram exivit sonus eorum, et in fines orbis terræ verba eorum (Psal. xviii, 5). Sed dico : Nunquid Israel non cognovit ? Primus Moyses dicit (Deut. xxxii, 1) : Ego ad emulationem vos addueam in non gentem, in gentem insipientem, in iram vos mittam. Isaias autem audet, et dicit : Inventus sum a non querentibus me, palam apparui his qui me non interrogabant (Isa. lxv, 1). Ad Israel autem dicit : Tota die expandi manus meas ad populum non credentem, sed contradicentem mihi (Ibid. v, 2).

EXPOSITIO.

Ne quia modo dixerat : Israel non pervenit in legem justitiae, sed offenderunt in Christum, putare-

A tur Apostolus Judeos ideo dicere reprobatos, nec ulterius posse salvari. Dicit se orare pro illis, pro quibus utique non oraret, si apud Deum reprobatos cognosceret. Unde sic ait : Licet Judæi offenderint in Christum, tamen fratres, voluntas cordis mei fit pro illis, id est bonam voluntatem habeo ad illos, quos si pœnenteant confido salvandos. Nec solum voluntas, sed etiam obsecratio fit ad Deum pro illis, ad habendam illis salutem. Ideo utique obsecro Deum pro illis, quia testimonium illis perhibeo, quod pro certo habent emulationem, id est dilectionem Dei ; vel emulationem, id est indignationem adversus sanctos, zelo Dei et sua legis. Existimantes enim sic tuendam esse legem suam, perseguuntur sanctos. Habent utique emulationem Dei, sed non secundum scientiam. Non enim scienter sic diligunt legem, vel sic indignantur pro lege. Inde ait beatus Petrus : « Scio, fratres, quia per ignorantiam fecistis (Act. iii, 17), » etc. Vereno non secundum scientiam, nam ipsi ignorantes justitiam Dei, id est omnem justificationem ex solo Deo esse, et querentes statuere, id est confirmare suam justitiam quod per carnalia opera legis justificantur : quæ utique justitia non Dei, sed eorum esset. Hoc utique querentes non sunt subjecti justitiae Dei, id est Deo justificanti : sed potius derogando Deo, justitiam quæ Dei est ascribebant sibi. Vere justitiae Dei non sunt subjecti. Nam Christo noluerunt subjici; qui Christus est ad justitiam omni credenti, id est qui omnem credentem justificat. Christus dico, qui est finis legis, et secundum impletionem ejus, et secundum hoc quod veniente 59 Christo finita est lex illa, et jam per Christum locum habet gratia. Vere Christus est ad justitiam, nam lex nou est ad justitiam. Moyses enim sic scripsit, quoniam, id est quod homo qui fecerit justitiam, quæ est ex lege, id est carnales observantias quas præcipit lex, ipse vivet in ea (Levit. xviii, 5) lege, id est hoc solum habebit ex impletione carnis legis, quod non morietur iudicio legis. Qui enim legem facit, poenam solummodo evadit, sed per eam non justificatur. De justitia legis sic ait. Sed de justitia quæ est ex fide, sic dicit idem Moyses : Ne dixeris in corde tuo, id est, nec corde credas nec ore loquaris hoc : Quis ascendit in cœlum ? (Deut. xxx, 12) id est ne dubites etiam quosdam ascensisse in cœlum, et adhuc quoscunque justos ascensuros esse. Id enim dicere, Quis ascendit in cœlum, est deducere Christum de cœlo, id est negare quod Christus in cœlum ascenderit. Aut ne dixeris in corde tuo quis descendit in abyssum, id est in infernum ? quia hoc dicere est revocare Christum ex mortuis, quod nec Christus mortuus ad infernum descenderit, nec inde Abraham sanctosque suos abstraxerit, quod utrumque contra fidem est. Hoc ne credideris, sed hoc quod sequitur crede. Quid enim dicit Scriptura per eundem Moysen ? Prope est verbum in ore tuo, id est, paratum est verbum doctrina. Vel verbum Dei Christus in ore tuo, ut confitearis, et rationabiliter tuearis illud. Et hoc idem verbum, prope est etiam

in corde tuo (*Deut. xxx, 14*), ut credas illud. Et hoc A quod prope esse dico, est verbum fidei, id est, doctrina habilis ad credendum. Vel Christus in quem convenienter credi oportet, quod verbum nos. *predicamus*. Hoc, scilicet, inde prædicamus, quia, id est, quod si confitearis Dominum Iesum in ore tuo, et credideris in corde tuo, quod Deus excitavit illum a mortuis, et quæcunque impossibilia de eo credas, nec legem naturæ potuisse ipsi obsistere: si hoc, inquit, confitearis, et credas, non solum vives vita presenti, ut per legem, sed etiam saluus eris aeternaliter. Vere si corde credideris, salveberis. Nam corde creditur ad habendam justitiam, id est justificationem a peccatis. Qui autem justificatus est, de salvatione secu us est. Et vere si confitearis ore, salvaberis. Nam confessio fit ore ad consequendam aeternam salutem. Ideo salutem (quia maius videtur) posuit ad confessionem oris. Hoc enim confiteri, scilicet Deum, magnum et præcipuum erat in tempore Apostoli aeviente persecutione: quo tempore multi sane credentes non audebant palam loqui) nec confiteri. Probat quod credulitas cordis justificet, ab auctoritate Scripturæ: nec tamen determinat cuius sit hec scriptura: sed in psalmis multoties æque valens invenitur.

Vere corde creditur ad justitiam. Nam Scriptura dicit: *Omnis*, sive *Judeus*, sive *gentilis*, qui credit in illum quem Deus excitavit a mortuis, non confundetur, id est non erubescet quasi male crediderit. Bene dico *omnis*. Nam non est distinctio apud Deum: *Iudei* et *Graeci*, id est Deus in salvatione sua indifferenter accipit *Judeum* ut gentilem, et gentilem ut *Judeum*. Vere apud Deum nulla est distinctio *Iudei* et *gentilis*: nam idem est *Dominus omnium*. Qui enim creavit *unum*, creavit et alterum. Unde apparet quod æquam voluntatem habeat ad utrumque, et sicut voluntatem, sic etiam habet potentiam. Nam ipse est dives: et abundantanter retribuens in omnes qui invocant illum. Probat quod confessio fit ad salutem. Respondet tamen littera ad proximum. Vere Deus est dives in omnes qui invocant illum. Nam omnis quicunque sit ille, sive *Judeus*, sive *gentilis*, qui invocaverit nomen Domini, saluus erit. Quandoquidem oportet eos invocare ut salventur. ergo oportet eos primum credere, ut postea invocent. Quomodo enim invocabunt illum in quem non crediderunt? quasi diceret: Quia credent invocabunt. Aut quomodo credent ei quem non audierunt? id est, quia audient credent. Quomodo autem audient sine prædicante? id est quia prædicabitur illis audient. Quomodo vero prædicabunt nisi mittantur? id est quia Deus mittet illos, **60** prædicabunt. Ex omnibus his interrogationibus intendit totum venire ex gratia Dei, a principio vocationis usque ad salvationem eorum. Cum enim dicit prædicatores a Deo missos quos audierunt: et post auditum credunt: et deinde invocant, et sic ad ultimum salvantur: totum innuit referendum esse gratiae Dei. Vere prædicatores mittuntur a Deo, sicut scriptum est in Isaia:

Quam speciosi sunt pedes, id est adventus evangelizantium, id est bene annuntiantum pacem inter Deum et hominem, et evangelizantium bona (*Isa. v*), id est humilitatem, castitatem, et his similia. Quia supra dixerat eo quod audierunt crediderent: ne putaremus quod solum audire sufficeret ad habendam fidem non operante Spiritu sancto interiori, ait: Licet dixerim quia audient credent: tamen non omnes qui audiunt obediunt Evangelio. Nec solus hoc dieo: sed *Isaias* mecum sentiens dicit hoc: *Domine, quis credidit auditui nostro?* id est vel his quæ audierunt a nobis, vel his quæ nos audivimus a te et nuntiavimus illis? Per hoc quod ait *Quis credidit?*, innuit multis audisse. et si non omnes, aliquos tamen credidisse. Et quandoquidem aliqui crediderunt: ergo fides habetur ex auditu, id est credunt aliqui, quia audiunt. Non tamen ex omni auditu habetur sana fides: sed ex auditu qui fit per verbum, id est secundum doctrinam Christi, fides est salubris. Licet pauci crederent auditui nostro: tamen dico, *Nunquid non audierunt?* quasi diceret: De hoc quod non crediderunt inexcusabiles sunt: quia verbum fidei audierunt. Evidem in omnem terram exiit sonus, id est fama, eorum prædicatorum. Nec solum fama: sed etiam verba eorum, id est eadem quæ ipsi prædicabant, auditæ sunt in fines terræ: et ita dico terræ quod orbis, id est orbiculatæ terræ. In omni enim parte terræ auditæ sunt verba apostolorum. Audierant utique, sicut probatum est. Nec solum eos audisse dico: sed dico quod etiam cognoverunt, quod interrogative ponit ut magis eos excitet, dicens: *Nunquid Israel, id est Judaicus populus, non cognovit?* Duo sunt genera cognitionis. Unum quo sicuti rem bonam esse cognoscimus, bonum hujus rei diligimus et approbamus: et haec est bona cognitione. Alterum quo rem, sicuti dicitur, ita esse videmus, nec contradicere possumus: et tamen rem illam non diligimus, sed (quod solum possunus) iniquum velle ad illam habemus. Haec est mala cognitione quam *Judei* in Christum habuerunt. Probat auctoritate Moysi *Judeos* cognovisse Christum, dicens: Vere Israel cognovit. Nam *Moyses primus* tempore secundum scripta: nemo enim ante eum scripsit prophetiam. Per hoc autem quod ait *primus*, innuit ejusdem rei multos testes esse, licet non reponat eos. Vel *primus*, id est præcipuus secundum dignitatem. *Moyses*, inquit, *primus dicit* hoc: *Ego adducam vos, o Judei, ad emulationem*, id est ad invidiam et indignationem animi, in non gentem, id est contra gentilitatem quæ prius gens mea non dicebatur: quos vos ipsi canes vocabatis. Vel in non gentem, id est contra gentilitatem quam faciam non gentem, id est non sicut genita est dimittam eam, sed faciam novam creaturam: regeneratam aqua et Spiritu sancto. Nec solum adducam vos ut videatis: sed etiam mittam vos in iram, ut persequamini eos. *Mittam* dico in iram, id est contra gentilitatem insipientem, id est quæ prius erat insipientis, quia, licet multi philosophi

gentium scientiam haberent de mundanis, tamen A insipientes erant cum veritatem divini cultus ignorantia.

Per hoc autem quod Iudei vident prophetiam Moysi completam esse, in eo quia invidenter gentibus factis Christianis, idolatriam deserentibus, et novam legem aequalibus, cognoscunt advenisse tempus illud de quo hoc prædicebat Moyses, sed amaritudo eorum non vult acquiescere veræ cognitioni. Moyses hoc dicit de Iudeis. *Isaias autem audet, et dicit* hoc de salvatione gentium et reprobatione Iudeorum. Audet utique. Hie enim Isaias quia manifestius **61** cæteris salvationem gentium prophetavit, multa pertulit a Iudeis, et ad ultimum interfactus est ab eis. Ideo sic ait: *Audet, id est non reformidans, sed cum audacia dicit hoc: Inventus sum a non quærentibus me (Isa. Lxv, 1).* Ubi ait se inventum et non quæsatum, quæ repugnare videntur, ostendit ex sola misericordia Dei gentes invenisse salutem. *Inventus sum, inquam, a gentibus non quærentibus me, naturali ratione, quam eis ad intelligendum me dederam, et apparui his palam, id est in manifesto omnium positus.* His dico qui non interrogabant me, id est cognitionem mei ab aliquo intelligenti. Si enim me sua ratione quærerent, nec cognoscere sufficerent, opportunum esset ut interrogarent ab intelligenti, quod ipsi minus intellegent. Sic ait Isaias de gentibus. *Ad Israel autem, id est ad Judaicum populum, dicit hoc. Tota die, id est toto tempore per prædicatores; vel tota illa die qua pendit in cruce, expandi manus meas, id est affectiones et opera mea, ad populum Judaicum, non credentem. Nec solum non credentem, sed etiam contradicentem mihi.* Expansio manuum Christi in cruce significavit dilectionem, qua semper amplexari voluit Iudeos, qua etiam in cruce, si poeniterent, paratus erat omnia dipingere. Ecce iterum in Isai ostendit Iudeos cognovisse, cum videant hoc quod dixit impletum esse. Ostendit etiam salvationem gentium et reprobationem Iudeorum.

CAPUT XI.

Dico ergo: Nunquid repulit Deus populum suum? Absit! Nam et ego Israelita sum ex semine Abraham, de tribu Benjamin. Non repulit Deus plebem suam, quam præscivit. An nescitis quid dicit Scriptura in Elia: quemadmodum interpellat Deum adversum [pro] Israel? « Domine, prophetas tuos occiderunt, altaria tua suffoderunt, et ego relictus sum solus, et querunt animam meam (III Reg. xix, 10). » Sed quid dicit illi dinum responsum? « Reliqui mihi septem milia virorum, qui non curvaverunt genua ante Baal (III Reg. xix, 18). » Sic ergo in hoc tempore reliquæ secundum electionem gratiæ Dei salvæ sicut [factæ sunt]. Si autem gratia jam non ex operibus. Alioquin gratia jam non est gratia. Quid ergo? Quod quærebat Israel, hoc non est consecutus; electio autem consecuta est; cæteri vero excusat sunt, sicut scriptum est: « Dedit illis

Deus spiritum compunctionis, oculos ut non videant, et aures ut non audiant, usque in hodiernum diem (Isa. vi, 9; Matth. xiii, 14; Joan. xii, 40; Act. xxvii, 26). » Et David dicit: « Fiat mensa eorum coram ipsis in laqueum, et in captionem, et in scandalum, et in retributionem illis. Obscurantur oculi eorum ne videant, et dorsum eorum semper incurva (Psalm. lxviii, 23). » Dico ergo: Nunquid sic offenderunt, ut caderent? Absit! Sed illorum delicto salus est gentibus, ut illos emulcentur. Quia si delictum illorum divitiae sunt mundi, et diminutio eorum divitiae gentium: quanto magis plenitudo eorum? Vobis enim dico gentibus. Quandiu quidem ego sum gentium Apostolus, ministerium meum honorificabo: si quomodo ad emulandum provocem carnem meam, et salvos faciam aliquos ex illis. Si enim amissio eorum reconciliatio est mundi, quæ assumptio nisi vita ex mortuis? Quia si delibatio sancta est, et massa; et si radix sancta, et rami. Quod si aliqui ex ramis fracti sunt, tu autem cum oleaster es, insertus es in illis, et socius radicis et pinguedinis olive factus es, noli gloriari adversus ramos. Quod si gloriaris, non tu radicem portas, sed radix te. Dicis ergo: Fracti sunt rami, ut ego inserar. Bene. Propter incredulitatem fratrum sunt. Tu autem fide stas. Noli altum sapere, sed time. Si enim Deus naturalibus ramis non percipit, ne forte nec tibi parcat. Vide ergo bonitatem et severitatem Dei. In eos quidem qui cederunt severitatem, in te autem bonitatem Dei, si permanseris in bonitate. Alioquin et tu excideris. Sed et illi si non permanerint in incredulitate, inserentur. Potens est enim Deus iterum inserere illos. **62** Nam si tu ex naturali excisus es oleastro, et contra naturam insertus es in bonam olivam, quanto magis hi qui secundum naturam inserentur suæ olivæ? Nolo enim vos ignorare, fratres, mysterium hoc, ut non sitis vobisipsis sapientes, quia cæcitas ex parte contigit in Israel, donec plenitudo gentium intraret: et sic omnis Israel salvus fieret, sicut scriptum est: « Veniet ex Sion, qui eripiat et avertat impietatem ab Jacob (Isa. LIX, 20). » Et hoc illis a me testamentum, cum abstulero peccata eorum. Secundum Evangelium quidem inimici propter vos, secundum electionem autem charissimi propter patres. Sine poenitentia enim sunt dona, et vocatio Dei. Sicut enim aliquando et vos non credidistis Deo, nunc autem misericordiam consecuti estis, propter incredulitatem illorum; ita et isti nunc non crediderunt in vestram misericordiam, ut et ipsi misericordiam consequantur. Conclusit enim Deus omnia in incredulitate, ut omnium misereatur. O altitudo divitiarum sapientie et scientie Dei, quam incomprehensibilia sunt judicia ejus, et investigabiles viæ ejus. Quis enim cognovit sensum Domini, aut quis consiliarius ejus fuit? (Sap. ix, 15; Isai. XL, 13; Cor. II, 16.) Aut quis

• prior dedit illi, et retribuetur ei ? Quoniam ex ipso,
• et per ipsum, et in ipso sunt omnia, ipsi honor
• et gloria in sacerdotaliis sacerdotum. Amen. »

EXPOSITIO.

Quia dico populum Iudeorum non credentem, sed contradicentem; ergo dico, id est nunquid propter eius dicere existimor quod Deus repulit populum suum Iudaicum quem prius elegerat ? Absit hoc ut Deus aliquando repellat populum suum ! Vere non repulit. Nam ego Israelita sum, et multi alii qui non sumus repulsi. Nec ita Israelita, ut aliunde natus in Judaismum transierim, sed sum ex semine Abraham. Nec iterum de Ismaele, vel de filiis Ceture, sed de tribu Benjamin. Haec tribus aliis praeflata fuit; quia qui de hac tribu fuerunt, non tam saepe ut alii ad idolatriam delapsi sunt. Et quia ego de semine Abraham non sum repulsus, apparel per hoc quod Deus non repulit plebem suam. Illam utique voco plebem Dei quam praecepit, id est praedestinavit ad salvationem. Non utique modo repulit, quemadmodum olim existimante Elia omnes praeter se recessisse a cultu Dei; multi tamen, quos ipse ignorabat, reservati sunt a Deo. Sic modo multos Deus electos habet, quos ignoramus. Pro certo Deus non repulit plebem suam; quia an nescitis quid Scriptura dicit in Elia, id est ubi loquitur de Elia : quemadmodum ille Elias interpellat Deum adversus [pro] Israel, id est ad damnationem Iudeorum, dicens hoc in tertio libro Regum : Domine, Achab et Jezabel occiderunt prophetas tuos; suffoderunt etiam altaria tua (III Reg. xix, 20). Fideles enim de Israel quia non audebant ad adorandum convenire in Hierusalem, latenter ideo in speluncis et silvis construxerant aras, ibique immolabant; quas aras etiam a sapientiis evertentes terant idolatrie Israelite, quosque immolantes inveniebant, occidebant. Alios (inquit) prophetas occiderunt; et ego solus relictus sum in cultu Dei, et adhuc querunt animam meam, ut me cum aliis interficiant. Sic ait Elias : Sed quid dicit illi divinum responsum ? Hoc utique : Ego reliqui, id est reservavi mihi septem millia virorum, qui non curvaverunt genua ante Baal, id est qui non adoraverunt idola. Non ideo dicit septem millia ut hic numerus determinatus esset in illis, quod neque plus neque minus ibi esset; sed quia per septem universitas designatur: ideo etiam certus numerus in incerta re ponitur, ut ostendatur hic numerus electorum Deo esse cognitus, etsi ab hominibus ignoretur. Quod de Elia praemisit, adaptat modo dictis suis ita : Quandoquidem in tempore Eliam multi fideles reservati fuerant, quos tamen ipse ignorabat; ergo, id est propterea per simile credendum est quod sic, id est per misericordiam Dei sicuti tunc. Vel sic : Quia quemadmodum tunc ignorabatur, sic et modo electos Dei discernere non sufficimus. **63** Sic, inquit, nunc ut olim etiam hoc in tempore gratiae, qua causa magis credendum est Deum misericorditer sibi reservasse electos magis quam olim, cum non erat tempus gratiae. Hoc, in-

A quam, in tempore gratiae salve factae sunt reliquiae, id est illi quos Deus sibi reliquit idoneasque salvationi praecepit. Reliquiae salve factae sunt, et hoo secundum electionem Dei, ab aeterno praevisam : quae electio non fuit propter merita, sed fuit gratiae : quia et per gratiam elegit, et per gratiam salvavit. Si autem haec electio est per gratiam, jam constat quod non est ex operibus, pro merentibus illam : alioquin si propter opera eligerentur, jam illud quod vocatur gratia, non esset pura gratia, sed meritum. Hoc autem convenienter de gratia inducit, ut nec illi quos Deus sibi reliquit putent se electos ex merito: sicut malos quia male meruerunt reprobatos; et haec dicens bene servit intentioni.

Suumdam auctoritatum supra positarum hic breviter colligit, ut aperiat quod per illas auctoritates intendebat, dicens : Quia superius dixi, secundum Isaiam Iudeos non credentes, sed contradicentes. Dux iterum secundum eundem reliquias Iudeorum esse salvatas. Ergo quid ex his dictis quae sibi obviare videntur colligemus ? Hoc utique dicemus quia quod quererat Israel, id est Judaicus populus statuere, scilicet justitiam suam, et in ea salvari, hoc non est consecutus. Israel in toto non est consecutus, sed electio consecuta est, id est hi quos Deus elegit de Israel consecuti sunt salvationem. Ceteri vero qui non sunt electi, non solum non consecuti sunt, sed etiam sunt excæcati. Et hoc dico sicut scriptum est in Isaia; licet aliis verbis, eodem tamen sensu. Dedit illis Iudeis Deus spiritum compunctionis, scilicet spiritum malignum qui pungeret eos, et cogaret male agere. Vel spiritum, id est voluntatem compunctionis: qua pungerentur invidendo, et irascendo fidelibus. Dedit etiam illis oculos, id est naturalem rationem: sed ita ut non videant, id est ut bono ratione priventur. Dedit etiam aures, id est eandem rationem quasi quod per se non possent intelligere: debuerant audire et addiscere. Non audiant dico, usque in hodiernum diem. Hic dies hodiernus fuit prophetæ: hodiernus etiam usque ad finem mundi: sicut illud in balneis : « Hodie cum pretio, cras sine pretio. » Dicit etiam David de excæcatione Iudeorum hoc : Fiat mensa eorum, id est Scriptura qua debuerant animadvertere bonum, fiat illis in laqueum, id est illaqueentur in illa quotidie deterius intelligendo: fiat etiam illis in captionem, quia capti sunt a Romanis: et fiat illis in scandalum. Misericordiam eorum dispersorum per mundum vocat scandalum: fiat etiam illis in retributionem (Psal. LXVIII, 23). Cum captionem et scandalum retributionem posset vocare, aeternum tamen interitum, quia permanens erit, retributionem intelligit. Vel ita mensa eorum, id est hoc quod se sellitos et acidos intulerunt Deo, qui de conversione eorum refici volebat, fiat illis in laqueum, id est illaqueentur ideo obsidione Romanorum. Cetera non mutantur. Et oculi, id est ratio eorum, obsecrantur ne videant, et intelligent bonum. Et dorsum eorum, id est eandem rationem qua se ad cognitionem Dei erigere debuerunt, illud incurva in-

terrenis, semper magis et magis præcipitando in poe-
nis. Quia dixi Judæos excæcatos. Ergo nunquid pro-
pterea dico quod sic offendunt, ut caderent inutili-
tor et irrecuperabiliter, quod solummodo in eis casus
sit? Hic intendit reprimere gentiles, ne se præferant
Judæis, licet eos dixit excæcatos: quia casus eorum
est recuperabilis, et salvationi gentium plurimum
utile, dicens: *Absit hoc ut licet offendent irrecu-
perabiliter, ideo cadant, et inutiliter!* Vere non in-
utiliter, sed delicto, id est per delictum eorum, scilicet
Judæorum est facta *salus gentium*. Nisi enim Judæi
responderent verbum Dei, apostoli non transirent ad
gentes. Salus utique facta est gentibus, ut gentes
œmulentur, id est imitentur illos Judæos, qui fideles
fuerunt, et quorum lex firmamentum est Novi Testa-
menti. Vel ita. Per delictum Judæorum est facta sa-
lus gentibus, ita ut Judæi œmulentur **64** illos, id
imitentur gentes in fide Christi. Et secundum hoc
probatur, quod casus Judæorum sit recuperabilis. *Quia*
*si delictum eorum, pro quo Judæi repulsi sunt, di-
vinitas sunt mundi, id est causa fuit quare gentilitas di-
taretur gratia Dei; quanto magis plenitudo eorum,*
id est Judæi plenarie salvati, erunt *divinitas gentium?*
Per hoc casus Judæorum recuperabilis probatur. Si
enim Deus malum Judæorum utile fecit gentibus,
multo magis credendum est quod bonum eorum
longe utilius faciet gentibus. *Delictum eorum sunt*
divinitas mundi, et diminutio illorum, id est apostoli
qui de Judæis electi secundum se partem Judæorum
liminuerunt. Haec, inquam, *diminutio sunt divinitas*
gentium: apostoli enim ditaverunt gentes verbo Dei.
Non ideo dicit *plenitudo*, quod omnes salvandi sint:
sicut nec universa gentilitas electa est, sed quia
multi salvabuntur. Vere plenitudo Judæorum salva-
bitur. Nam etiam in tempore excæcationis eorum
salvabuntur aliqui ex illis.

Et hoc dico vobis gentibus: quia sèmper quandiu
quidem ego sum apostolus gentium, ad quas solum-
modo missus sum, honorificabo tamen meum mini-
sterium: quia cum officium meum hoc solum exigat
prædicare gentibus, honorificum faciam illud supra
hoc quod debeo: laborando in Judæis. Honorificabo
dico st̄ quo modo (quidquid enim paterer non cura-
rem) provocem carnem meam, id est Judæos secun-
dum carnem mihi propinquos ad œmulandum, id est
ad imitandum me in fide, et ut sic provocando *sal-
tos faciam*, id est Deus per me salvet aliquos ex illis.
Causam reddit quare debeat laborare in eis: et idem
videtur superius posuisse, sed ibi cum determinatione
temporis, ubi ait: *Plenitudo quam in finem mundi con-
stat fore.* Hic autem ad aliud ponit, et sine deter-
minatione temporis, dicens: Ideo laborabo *salvos fa-
cere aliquos ex illis*. Nam si amissio eorum est re-
conciliatio mundi, id est si excæatio eorum causa
sunt ut gentilitas reconciliaretur Deo: quæ, id est
qualis dicenda est *assumptio* Judæorum in quocon-
que tempore nisi vita ex mortuis? Quia si Deus per
malum eorum reconciliavit sibi mundum multo ma-
gis credendum est quod per assumptionem eorum fa-

A ciet Deus vivere multos in peccato mortuos: qui exem-
pli illorum provocati vivent in fide Christi. Proba
quod genus eorum non impedit assumptionem eo-
rum, sed sola incredulitas, dicens: Bene dico, *as-
sumptio*. Nam bene possunt assumptionem mereri.
Si enim delibatio sancta est, id est si apostoli, et alii
qui de genere eorum electi sunt, sancti sunt, con-
stat quod *etiam massa*, id est illa plenitudo Judæo-
rum salva esse potest. Si enim Apostolus nihil obsuit
genus nec alii obesse debet. Delibationem dicit ab ea
similitudine: quemadmodum parum quid gustatur
de cibo, per quod tota *massa* bene an male condita
sit probatur: sic apostoli *delibatio* dicebantur totius
massæ Judæorum, in quibus planum erat Judæis ge-
nus nihil obesse. Probat iterum idem per aliud. Ideo
B etiam constat eos bene posse assumi. Nam *radix*
eorum, id est Abraham, Isaac et Jacob, *quod si radix*
eorum sancta est, rami etiam sancti esse possunt.
Dices iterum mihi quod *rami illi fracti sunt*: quod
si aliqui ex ramis per incredulitatem a radice *fracti*
sunt, tu autem insertus es in illis, id est loco ille-
rum *cum esses oleaster*, id est sterilis, et a sancta
radice alienus: *factus es etiam sòcius radicis*, id est
prophetarum, in quibus radicata est fides. *Et fa-
ctus es socius pinguedinis*, id est apostolorum: qui
pinguedinem fidei, et abundantiam sancti Spiritus
habuerunt. *Radicis et pinguedinis dico olivæ*, id est
Judaici populi, quia prophetæ et apostoli Judæis
nati sunt. Et si tu alienus a radice *insertus es, noli*
gloriarí adversus stantes ramos, neque te præferre
illis, quasi tu propter meritum sis eligendus, illi pro-
pter genus abiciendi. *Quia si tu importune gloriari,*
dicitur tibi: Frater, tu non portas radicem, sed radix
portat te: quia in te nullum exemplum boni; in radice
vero (ut in Abraham) exemplum totius fidei. Quia
modo abstulisti gloriarí adversus stantes ramos: ergo,
id est propterea *dices* mihi: quia adversus fractos
65 gloriaberis ita. Naturales rami per incredulita-
tem *fracti sunt, ut ego inserar loco eorum.* Hoc *bene*
est, et sic concedo, ait Paulus, sed illi non propter
genus, sed propter *incredulitatem fracti sunt*. Tu autem
stas loco illorum pro sola fide. Et ideo *noli al-
lum sapere*, id est superbire contra fractos, sed time
ne similiter frangaris: timendum utique est, quia,
D si Deus non pepert naturalibus ramis, id est Judæis,
ne forte nec parcat tibi, cui minus debere videtur
non naturali, quia tu non natu: alis per gratiam in-
sertus es; ille naturalis propter culpam repulsus est.
Ergo vide bonitatem et severitatem Dei. In eos quidem
cui cederunt, id est in Judæos, vide severitatem. In
te autem qui per misericordiam insertus es, vide bo-
nitatem Dei. Bonitatem ea lege dico, si tu perman-
seris in ea bonitate, cooperando accepta gratia.
Alioquin si non permaneris, sicut Judæus excisus
est, ita tu etiam excideris: et illi Judæi si non per-
manserint, in incredulitate iterum inserentur. Et
bene dico inserentur: *Nam Deus potens est iterum*
inserere illos, sicut olim eosdem inseruit. Et vere
Deus potens est, nam actum hujus potentiae aliquos

licet paucos inserendo hoc tempore paulatim exerceat : quod æquipollenter ait. Deus utique potest eos inserere : nam si tu gentilis excusus es ex oleastro, id est ex infructifera radice, oleastro dico naturali tibi per longam consuetudinem ; et si insertus es per gratiam in bonam olivam, et hoc contra naturam, id est contra consuetudinem, quæ diuturnitate temporis in naturam transierat : quanto magis hi Judæi inserentur suæ olivæ, quæ eorum est secundum naturam ? Si tu non naturalis insertus es propter fidem, non est causa quare naturales rami non debeant inseri propter eamdem causam.

Probavit superius quod Deus potentiam haberet inserendi illos per actum suæ potentiae, quia revera inserentur, dicens : Vere Judæi iterum inserentur. Nam et nunc tempore excæcationis eorum secundum partem inseruntur, et ad ultimum omnis Israel salvus fiet. Quia nunc aliqui inseruntur concipimus ubi ait : « Cæcitas ex parte contigit in Israel. » Si enim in parte non in toto, quare non dicimus nunc etiam partem eorum reinseri ? Et, o fratres, nolo vos ignorare hoc contigisse, scilicet cæcitatem in Israel, ut intrarent gentes : quod utique mysterium est, quia si ordo rei consideratur, causa tamen excæcationis Judæorum, et illuminationis gentium non intelligitur. Quam cæcitatem et illuminationem, ideo nolo vos ignorare esse mysterium, ut non sitis vobismet ipsi sapientes, id est ut non imputare possitis hoc sapientiae vestræ, quæ sacramentum hujus rei intellegere non sufficit. Si enim hæc causa non sub mysterio occultaretur, sed vobis aperta fieret, præsumendo imputaretis hoc sapientiae vestræ, quæ quia in cognitione hujus mysterii deficit, imbecillitatem suam intelligit, et miratur altitudinem divini consilii. Hoc, inquam, nolo vos ignorare quia, id est quod cæcitas contigit in Israel. Et hoc ex parte : non enim omnes excæcati sunt. Contigisse dicit, quantum ad ignorantiam hominum, quæ causas hujus mysterii nescit : cum tameu nihil contingat, nihil fortuitum in providentia Dei sit : qui sicut omnia, sic et causas omnium novit. Cæcitas utique contigit in Israel, donec intraret plenitudo gentium. Illud donec, et temporale est et causale. Quasi diceret : Ideo Judæi excæcati sunt, ut intraret, et tandem, donec intraret plenitudo gentium. Nec sic plenitudo ut singuli de gentibus salvarentur, sed eo respectu quo vix aliqui de gentibus prius salvabantur. Dicitur in tempore gratiæ fuisse plenaria salvatio gentium. Et sic, postquam introisset plenitudo gentium, salvus fieret omnis Israel : non tamen omnes Hebrei, sed quicunque essent Israël videntes Deum. Sententia tamen quorundam est omnes Judæos in fine mundi salvandos. Probat quod Judæi nunc partim salvantur, et in fine plenarie per auctoritatem Isaiae, dicens : Quia dico Israel salvum fieri, hoc non ex me, sed sicut scriptum est, assero. Hoc utique scriptum est (Isa. lxi, 20) : Veniet ex Sion, id est ex **66** Judaico populo, qui eripiat quadam violencia, et multo labore, ut modo sit in tempore excæ-

cationis, qui etiam quadam facilitate avertat quod erit in fine mundi, quando Judæi ultra properabunt ad salvationem. Eripiāt dico et avertat impietatem a Jacob, id est a Judaico populo. Impietatem non dicit hic consuetam idolatriam, sed denegare cultum Filio Dei, quod Judæi faciebant, hoc vocat impietatem. Ritus enim eorum, postquam tempus gratiæ venit, vere idolatria fuit.

Determinavit per quem salus fieret Judæis. Determinat etiam tempus, quando hoc futurum sit, dicens : Et hoc testamentum, id est hæc testata promissio, complebitur illis a me : tunc cum abstuleris peccata eorum, eosque justificavero : quod nunc paulatim sit, et in ultimis diebus plenarie. Nunc quidem eripiuntur ab impietate, et flunt dilecti. Alii vero qui nolunt eripi, sunt inimici : et hoc secundum Evangelium, id est propterea quia Evangelio invident et detrahunt, per quod gentes convertuntur. Inimici utique sunt. Et hoc propter vos, id est ad utilitatem vestram. Nisi enim Judæi verbum Dei respuerint, apostoli utique non transirent ad gentes. Alii sunt inimici. Alii autem, id est prædestinati sunt charissimi secundum electionem, id est non propter meritum, sed quia Deus elegit eos per gratiam. Charissimi etiam propter patres, non tamen propter meritum patrum, sed ut impletantur promissiones factæ patribus eorum. Vere secundum electionem, et propter patres. Nam vocatio Dei, id est electio eorum, et dona, id est impletiones promissionum sunt sine pœnitentia, id est sine immutacione, quia quemadmodum promisit et elegit, sic complebit; vel ita : Vere charissimi secundum electionem. Nam dona Dei; id est remissio peccatorum, et vocatio Dei, id est instructio fidelium, quos, postquam in baptismo justificavit, per doctores instruit : hæc utique dona et vocatio Dei sunt sine aliquo merito. Nam sine pœnitentia corporalis afflictionis, quæ meritum pœnitentia præcelleret apud Deum, si dona et vocatio ejus fierent secundum meritum, Judæi utique eliguntur. Nam sicut vos Gentiles et quidam Judæi ante legem vos aliquando non credidistis Deo : nunc autem in tempore gratiæ consecuti estis misericordiam, id est ex misericordia salvationem, et hoc propter incredulitatem Judæorum. Quia enim verbum Dei non receperunt, hoc ad gentes transmisit apostolus. Sicut, inquit, vos olim non credentes, modo consecuti estis misericordiam ; ita et isti Judæi, nunc non crediderunt, euntes in vestram misericordiam, id est nolentes salvari, sicut vos per misericordiam Dei, ideo non crediderunt : ut quædammodum vos, sic etiam ipsi consequantur misericordiam. Vobis incredulis misertus est Deus, ut hoc solummodo imputaretur gratiæ suæ, sic et Judæis disposuit in incredulitate dimersis misereri, ut uterque Judæus et gentilis æque totum referret gratiæ Dei, suamque imbecillitatem cognoscens, non superbiret. Deus enim videns diabolum et hominem utrumque cecidisse per superbiam, multum exinde studuit præcavere homini a superbia, quare utrumque Judæum et

gentilem labefactari permisit in incredulitatem, ut quanto magis infirmitatem suam cognoscerent, tanto amplius misericordiae Dei sese subjicerent. Vere incredulitas Iudeorum causa est ut misericordiam consequantur.

Nam Deus conclusit omnia, nunc gentiles, nunc Iudeos in incredulitate, ut omnibus factis incredulis, opportune misereatur omnium. Si enim alii vel utriusque in fide persistissent, profecto quod misericordiae Dei erat, merito fidei suae ascriberent. Et causas horum quare nunc isti concludantur, nunc illi, noli investigare, sed admirare consilium Dei mecum, dicens : *O altitudo judiciorum Dei, quibus nunc Judæi repelluntur, nunc gentiles inseruntur.* Hæc utique judicia sic alta sunt, quemadmodum sapientia et scientia Dei. Quod ita ait : *O altitudo, id est profunditas divitiarum sapientiæ, id est divitiis sapientiæ et scientiæ Dei.* **67** Sapientia et scientia Dei dives dicitur secundum multam copiam. Alta dicitur, secundum inscrutabilem profunditatem. Sapientia Dei dicitur qua se quantus est cognoscit. Scientia qua quæcunque sunt creaturarum novit. O altitudo sapientiæ et scientiæ Dei, quam incomprehensibilia sunt judicia ejus, id est nemo sufficit comprehendere profunditatem judiciorum, quæ pertractat apud se.

Diceret aliquis : Quandiu apud Deum pertractantur judicia, verum est quod non intelliguntur; sed in actum deducta, satis comprehenduntur. Contra hoc Paulus : judicia Dei, dum apud Deum pertractantur, sicut comprehendi nequeunt; ita etiam via ejus, id est operationes ipsorum judiciorum sunt investigabiles. Probat per Isaïam, quod præmisit dicens : Vere sapientia et scientia Dei sunt investigabiles. *Nam quis cognovit sensum Domini?* Nemo utique quod Deus scusit, cognoscere potuit. Et vere judicia et opera judiciorum sunt investigabilia. Nam quis fuit consiliarius ejus (*Isa. xl.*, 13), cuius consilio ordinaret sua? Vel quem in consilio dispositio-
nis suæ admitteret? Nemo utique. Et sicut nemini aperuit sensum suum, ita quæque bona ex misericordia tribuit. Quis enim dedit illi? potuit quidem aliquis post acceptam gratiam in aliquo mereri. Sed quis dedit illi prior antequam Deus daret gratiam; et ei sic danti non gratis dabitur a Deo, sed retribuetur quia promeruit? Hæc sunt Isaïæ; quæ autem sequuntur verba sunt Pauli. Vere nemo prior dedit illi, quoniam ex ipso, et per ipsum, et in ipso sunt omnia. Per diversas præpositiones, ex ipso, per ipsum, in ipso, notat distinctionem personarum Trinitatis. Per idem pronomen ter repositum, notat identitatem substantiæ, dicens : *Ex ipso, id est ex Patre quod principium non est ab alio; et per ipsum, id est per Filium, qui a Patre principium habet, et per quem Pater fecit omnia; et in ipso, id est in Spiritu sancto, qui a Patre procedit et Filio, qui bonitas Dei dicitur, per quam bonitatem subsistunt creata.* *Ex ipso, inquam, et per ipsum, et in ipso sunt omnia:* ipsi itaque de omnibus debetur gloria et gratiarum actio, pro omnibus bonis quæ dat misericorditer. Et hæc gloria sit in

A *sæcula, id est æternaliter; Amen, id est videte ut ita fiat.* Poterat hic finisse Epistolam, sufficienter enim utrumque populum, ne inter se vicissim superbirent represserat, multasque rationes inde præmiserat. Sed quia eis jam non intra se contentiose superbientibus necessaria erat alternata dilectio. Admonet ideo eos jam a contentione sedatos subservire sibi invicem, unumque supportare alterum, ut per hujusmodi subservire, coalescat in eis et convalescat vinculum dilectionis.

CAPUT XII.

« Obsecro itaque vos, fratres, per misericordiam Dei, ut exhibeatis corpora vestra hostiam videntem, sanctam, Deo placentem, rationabile obsequium vestrum. Et nolite confirmari huic sæculo, sed reformamini in novitate sensus vestri, ut probetis quæ sit voluntas Dei bona, et beneplacens et perfecta. Dico enim per gratiam quæ data est mihi, omnibus qui sunt inter vos, non plus sapere quam oportet sapere, sed sapere ad sobrietatem, et unicuique sicut Deus divisit mensuram fidei. Sicut enim in uno corpore multa membra habemus, omnia autem membra non eumdem actum habent; ita multi unum corpus sumus in Christo, singuli autem alterius membra. Habentes autem donationes secundum gratiam, quæ data est nobis, differentes : sive prophetiam, secundum rationem fidei; sive ministerium in ministrando; sive qui docet in doctrina, qui exhortatur, in exhortando, qui trahit, in simplicitate, qui præest, in sollicitudine, qui miseretur, in hilaritate. Dilectio, sine similitatione. « Odientes malum, adhaerentes bono (*Amos v. 15.*) » Charitatem fraternalis invicem diligentes, honore invicem prævenientes (*1 Petr. ii. 17.*) » Sollicitudine non pigri, spiritu ferventes, Dominino servientes; spe gaudentes, in tribulatione patientes, orationi instantes; necessitatibus sanctorum **68** communicantes; hospitalitatem sectantes (*Hebr. xiii. 2.*) » Benedicite persecutibus vos; benedicte, et nolite maledicere. Gaudete cum gaudientibus, flete cum flentibus; id ipsum invicem sentientes; non alta sapientes, sed humilibus consentientes. Nolite esse prudentes apud vosmetipsos. Nulli malum pro malo redentes; Providentes bona non tantum coram Deo, sed etiam coram omnibus hominibus (*Il Cor. viii. 21.*) » Si fieri potest quod ex vobis est, cum omnibus hominibus pacem habentes (*Hebr. xii. 14.*) » Non vosmetipsos defendentes charissimi, sed date locum iræ. Scriptum est enim : « Mihi vindictam et ego retribuam, dicit Dominus (*Deut. xxxii. 35; Hebr. x. 30.*) » Sed si esurierit inimicus tuus, ciba illum; si sitit, potum, da illi (*Prov. xxv. 21.*) » Hoc enim faciens, carbones ignis congeres super caput ejus. » Noli vinci a malo, sed vince in bono malum. »

EXPOSITIO.

Littera sic jungitur : Quandoquidem ex Deo, et per Deum, et in Deo sunt omnia. Itaque, fratres, ob-

secro, id est per omnia sacra moneo vos. Obsecro utique per misericordiam Dei, id est per apostolatum mibi, non quia meruerim, sed per misericordiam traditum. Vel obsecro per misericordiam Dei, ex qua omnia bona esse superius probavi, ut exhibeatis, id est præparata faciatis, non solum animas, sed etiam corpora vestra. Exhibeatis dico hostiam, id est mortificatam secundum depositionem sordium, et viventem secundum positionem virtutum. Nec ad tempus viventem, sed sanctam, id est in vita virtutum sanctam et perdurantem, et in hac vita et sanctitate non lucrum vel laudem mundi quærerem, sed Deo per omnia placentem.

Et ne quia modo dixerat, exhibete corpora vestra hostiam, putaret aliquis affligendum esse corpus sine aliqua temperantia, ideo addit Apostolus: Ita dico hostiam, ut obsequium vestrum sit rationabile, id est ut cum discretione jejunetis, vigilatis, etc.

Modo diceret aliquis: Paratus sum exhibere me Dœo, quandiu non conturbat me mundus, sed durum est resistere mundo cogenti me. Contra hoc Paulus: Vos utique tales exhibete, et nolite conformari, id est conformati fieri huic sæculo, ut in aliquo obtemperetis mundo, blandienti seu deterrenti vos. Nolite conformari sæculo, sed reformamini per baptismum, qui prius deformati estis per culpam Ade, vel reformamini, id est quotidie innovamini, qui novam formam justificati acceperitis. Reformamini dico, prosciendo assidue in nobilitate sensus vestri, id est semper magis ac magis bene operando innovamini, ut sic probetis, id est probabiliter cognoscatis, quæ sit voluntas Dei, voluntas dico bona, id est utilis facientibus eam, et beneplacens, his qui actu experiuntur eam, nec ita in uno bene placens, ut in alio displiceat, sed in omnibus perfecta. Corpora vestra hostiam exhibere Deo illud admoneo, sine aliqua distinctione obedientie. Hoc autem quod sequitur dico per gratiam, id est præcipio auctoritate nostri apostolatus. Considerandum est quare prædicta solum moneat; quæ autem sequuntur omni auctoritate interdicunt: ea enim quæ offensionem generant, licet prælatum subditis vi obedientiae interdicere, sed postquam legem non violent, non ita cogendi sunt ad meliora, solummodo bene faciant, sed ex dilectione monendi. Si enim distinctione obedientiae ad perfectiora cogerentur, magis in hoc damnaret eos prælatus, quam adjuvaret, cum si præceptum non facerent, damnarentur propter inobedientiam; et ideo potius admonitione trahendi sunt ad meliora, quam coactione, quare sic ait: Per gratiam apostolatus quæ data est mihi, dico et præcipio omnibus, et ita omnibus quod singulis, qui sunt inter vos: hoc scilicet dico, non plus laboretis sapere quam oportet sapere, id est quam fides sana exigit; nec vobis penitus interdico sapere, sed volo vos sapere ad sobrietatem. Nec iterum vos omnes ad eundem terminum volo de sapientia laborare, ut non satis sit vobis, nisi omnes

A æquo modo sapiatis, et ideo unicuique sufficiat sapere, sicut Deus divisim dedit singulis mensuram fidei, id est dona sua mensurata, secundum modum et opportunitatem fidei vestræ. Ideo Romanos a nimietate sapientie reprimit, quia ipsi supra modum investigabant causas mysteriorum Dei. Hoc autem quod Deus nemini totum sapere dedit, sed per partes singulis divisit, multum valet ad hoc, ut sibi subserviant, et ut alter alteri vicissim sese contemperent. Cum enim unus ignorat, quod alter sapit, et econverso: in diversitate acceptarum gratiarum subservit alter alteri, de quo congruam similitudinem supposuit: quia quemadmodum diversa membra in uno corpore diversos sensus [actus] habentia: pes manui subservit, dum portat manum ad tangentem quod cupit; manus pedi, dum pedem vestit. Sic et nos diversa membra sumus, unum corpus Ecclesiæ efficientia. Sicut enim ab eadem anima diversa membra in eodem corpore sensificantur: ita nos in corpore Ecclesiæ per eundem spiritum omnes vivificamur. Littera sic jungitur: Deus utique dona sua divisim dedit. Nam sicut in uno corpore habemus quidem multa membra, sed non omnia membra habent eundem actum: ita nos multi unum corpus sumus in capite Christo: sed singuli sumus membra: ita quod alter alterius, id est, ut hic oculus subserviat illi pedi, et sic in ceteris, quæ contemporantia subservitionis plurimum est idonea ad custodiam humilitatis et unionis. Singuli sumus alter alterius membra: igitur, id est propterea quia voluit nos Deus ita vicissim subservire, sumus habentes donationes differentes: ut hic prophetiam, hic doctrinam, etc. Si enim singuli omnes donationes haberent, non esset unde alter alteri subserviret, vel necessarius esset, et sic alter in alterum superbiret, non relicto unde unus alteri se contemperaret. Habentes dico differentes donationes: et hoc secundum gratiam, id est per Spiritum sanctum, quæ gratia data est nobis per gratiam non recompensata per meritum. Donationes dico, ut sive habeamus prophetiam, id est certam de futuris cognitionem, vel quorumlibet secretorum revelationem, habentes dico prophetiam et hoc secundum rationem fidei. Non determinat cuius fidei, vel nostræ vel auditorum, et ad utrumque referri potest ita. Secundum rationem fidei nostræ, quia Deus secundum quod videt conveniens esse, et modum fidei nostræ, vel revelat secreta, vel prænuntiat futura: vel secundum rationem fidei auditorum, quia quemadmodum Deus videt fidem et capacitem audientium, tantum dat prædicatoribus, ut revolvent eis vel annuntient. Nos utique habentes prophetiam secundum rationem fidei: vel nostræ, vel auditorum simus alter alterius membra. Sive habemus ministerium administrandi fratribus temporalia, debemus alter alterius esse membra in ministrandis, sicut nobis creditum est. Sive ille qui docet, docere dicit, quod et scientiam docendi et gratiam sermonis habeat, qui, inquam, docet, sit membrum alterius in doctrina. Ille vero cui exhortatur, sit

membrum alterius in exhortando. Docere est sapientia & minus scientem, sed exhortari potest et animare ad bonum, minus sciens longe se prudentiorem, ut quilibet rusticus posset quidem exhortari ad bellum fortis militem, cuius tamen belli peritiam rusticus ignoraret. Qui autem tribuit, tribuat in simplicitate, id est non spe recipiendi, non amore terrenae laudis, sed pro sola dilectione proximi. Ille vero qui praesest, praesit in sollicitudine, id est omni vigilantia curam subditorum gerat. Qui habet quod eroget, simpliciter tribuat. Qui vero non habet quod tribuat, misericordia tamen animo: et ille qui miseretur, faciat hoc in hilaritate, id est non coactus praecepto legis, sed servens spiritu dilectionis.

Et quia ut hoc modo sibi invicem subserviendo, alter alteri se contemperarent, vidi necessariam esse dilectionem: subiungit de illa dicens, ut his modis alter alterius membrum fiat, sit in vobis dilectio: et hoc sine simulatione, ut et foris se ostendat, et intus ardeat dilectio. Nec ita diligatis, ut malo proximi adhaeratis, sed odientes malum **70** ejus, hono vero proximi sitis adhaerentes, id est cooperantes. Nec sufficiat in volulis suis habere dilectionem: sed etiam diligentes charitatem fraternitatis, id est bona dilectionis esse in fratribus vestris: charitatem dico invicem habitam, quod alter in alterum operetur charitatem: vel ita. Sicut vos proximos diligere volo: ita volo vos esse diligentes charitatem fraternitatis, recompensatam invicem: quod si proximi aliqua opera charitatis recompensant vobis, libenter suscipe. Erant enim quidam qui bene faciebant proximis: sed ne remunerationem hujus meriti perderent, nolebant recipere aliquid invicem a proximis: et ut dilectio vestra incrementum semper habeat, sitis honore prævenientes invicem, id est alter alterum, ut qui citius potest assurgat alii: amplectatur proximum omni genere dilectionis: utque bonum fraternitatis accrescat in vobis, estote non pigri sollicitudine, ut omni vigilantia sollicitus sit alter alterius levare necessitatem. Hanc sollicitudinem superius præcepit prælatis, quam hic fratribus ex quadam paritate commendat. Quia si non habent quod sollicite tribuant, sint tamen serventes spiritu, id est charitas ardeat in animo eorum, licet non habeant possibilitatem operandi. Et ne contemplatores malum putarent a culmine contemplationis condescendere necessitatibus proximi, ait Paulus: In his omnibus sciatis nos esse servientes Domino. Deus enim genus servitutis multum diligit. Cumque sic diligentes in cura proximi studieritis, ne expectetis presentem mercedem, sed estote gaudentes spe futuræ remunerationis.

Ostendo quomodo se debeant exhibere bonis, determinat quomodo se habeant contra malos, dicens: Ne autem spe futura frustremini: estote patientes in tribulatione, id est patienter sustinete quæcumque pro Christo vos pati oportuerit. Ut autem in patientia perseveretis, estote instantes orationi: quia si in omnibus oratio commoda est, multo magis ad pre-

ferendum passiones, quæ adeo carni repugnant, est necessaria. Si vero non adeo ingruant vobis tribulationes, estote saltem communicantes necessitatibus sanctorum, ut indigentias horum qui patiuntur, vos et vestra communia faciatis. Nec solum communicantes, sed etiam sectantes hospitalitatem, ut sanctos quos impii persequuntur, vos intimidi hospitio recipientes, curam eorum habeatis. Patimini quidem tribulantibus vos, nec hoc solum, sed etiam benedicite persequentibus vos: nec semel, sed assidue benedicate: nec ut respectu patientiae vestre benedicatis, et consideratione crudelitatis eorum maledicatis, sed nunquam velitis maledicere. Ut autem dilectio integra sit, debetis congaudere gaudentibus, et hoc de spiritualibus bonis haud dubium est, et de temporalibus quantum ratio admittit. Debetis etiam flere cum flentibus, si poenitentia ductus affligitur: si etiam nimis vehementi dolore carnis angustiatur, in quo tamen dolore modus est habendus. Ut autem vere ligatis cum lugentibus, estote sentientes id ipsum, ut non tantum vultu, sed corde interius affligamini, et hoc invicem hic illi, ille isti, ut autem id ipsum sentiatis: estote non alta sapientes, id est non superbientes, sed consentientes humilibus, id est idem sentite cum ahjectis, et ut noveritis consentire humilibus; nolite esse prudentes, id est provisores eorum quæ expediunt solummodo apud vosmetipos: sed etiam providete aliis, vos dico non redentes alicui malum pro malo. Prudentes, inquit, estote, non tantum providentes quæ bona sunt coram Deo, sed etiam coram hominibus omnibus, tam fidelibus quam infidelibus. Non enim sufficit testimonium conscientiae nostræ solum, nisi et extraneorum testimonia convenient. Quare quæ laudis sunt, et apud Deum et apud homines, ea utique gerenda sunt. Ut autem bona vestra omnibus placeant, sitis habentes pacem cum omnibus hominibus, si fieri potest, ut et ipsi velint habere pacem vobiscum, quod si nolunt, fiat pax illa: quod, id est quantum ex **71** vobis est. Vel ita habetē pacem cum omnibus si fieri potest, ut caro vestra diligat afflentes se, quod tamen ex vobis est, quia si vultis ex ratione potestis omnes diligere. Quam pacem ut integrum servetis: non sitis defendentes vosmetipos, si mala inferunt vobis, vos dico si hoc feceritis, tunc charissimi. Ne, inquam, defendatis vos, sed æquanimiter sustinendo, date locum iræ persequentium, ut liceat sævire quomodo volunt; vel ita: Patiendo malos date locum iræ Dei, Deus enim sic proposuit ulcisci de impiis, ut ad libitum eorum exerceant iniquitatem suam, ut nulla miseria damnationi eorum deesse queat. Debetis dare locum iræ: vel hoc, vel illo modo. Num scriptum est in Salomone dicente Domino: Mihi reservate vindictam, et ego retribuam impiis (Deut. xxxii, 35). Sic autem faciendum est, quia haec dicit Dominus. Nec solum non defendatis vos ab impiis, sed etiam diligite illos et benefacite illis. Quod sic ait (Prov. xxv, 21): Si inimicus tuus esurierit, ciba illum. Si sitit, da illi potum. Nam

hoc faciens, congeres super caput, id est super mentem ejus carbones ignis, id est vel servorem dilectionis : quia admirando patientiam tuam, diligat et imitetur bonum tuum. Vel carbones ignis, id est ignitam poenitentiam : quia videns constantiam tuam, ardenter poenitebit ut tibi assimilari mereatur ; utque super mentem inimici hujusmodi carbonesingeras, noli per impatientiam tuam vinciri a malo illius, sed vince malum inimici superando illud in bono indeficientis patientiae.

CAPUT XII.

Omnis anima potestatibus sublimioribus subdita sit. Non est enim potestas nisi a Deo (Sap. vi, 4). Quæ autem sunt, a Deo ordinatae sunt. Itaque qui resistit potestati, Dei ordinationi resistit. Qui autem resistunt, ipsi sibi damnationem acquirunt. Nam principes non sunt timori boni operis, sed mali. Vis autem non timere potestatem ? Bonum fac, et habebis laudem ex illa. Dei enim minister est tibi in bonum. Si autem malum [male] feceris, time. Non enim sine causa gladium portat. Dei enim minister est, vindicta in iram ei qui male agit. Ideoque necessitate subditi estote, non solum propter iram, sed etiam propter conscientiam. Ideo enim et tributa præstatis. Ministri enim Dei sunt, in hoc ipsum servientes. Reddite ergo omnibus debita. Cui tributum tributum, cui vectigal vectigal, cui timorem timorem, cui honorem honorem (Matth. xxii, 21.) Nemini quidquam debeatis, nisi ut invicem diligatis. Qui enim diligit proximum, legem implevit. Nam non adulterabis. Non occides. Non furaberis. Non falsum testimonium dices. Non concupisces (Deut. v, 18), et si quod est aliud mandatum in hoc verbo instauratur : Diliges proximum tuum sicut teipsum (Levit. xix, 18). Dilectio proximi malum non operatur (Matth. xxii, 39). Plenitudo ergo legis et dilectio. Et hoc scientes tempus, quia hora est jam nos de somno surgere. Nunc enim propior est nostra salus, quam cum credidimus. Nox præcessit, dies autem appropinquavit. Abjiciamus ergo opera tenebrarum, et induamur arma lucis, sic ut indie honeste ambulemus. Non in comensationibus et ebrietatis, non in cubilibus et impudicitiis, non in contentione et æmulatione (Luc. xxi, 34); sed indumini [induite] Dominum Jesum Christum. Et carnis curam ne feceritis in desideriis (Gal. v, 16; I Petr. ii, 14).

EXPOSITIO.

Postquam docuit quomodo vicissim inter se agentem est subditis, docet illos quiddam majus debere prælati : etiam infidelibus, salva tamen integritate fidei. Erant enim qui crederent se fidelibus dominis nihil jam debere, quia fratres eorum erant in fide. Infidelibus autem dominis penitus omnem servitatem negabant; absurdum judicautes ut qui fidelis esset infidelis subjeceretur. Littera sic jungitur : Hæc quæ prædicta sunt, vicissim sibi debent subditi. Sed

A quiddam majus, scilicet, subjectionem debent principibus : et ideo *omnis anima subdita sit potestatibus sublimioribus*, id est secundum voluntatem Dei sublimatis. Ideo per animam, quæ pars est hominis, totum hominem assignavit, ut ostendat non solum corpore, sed et etiam voluntate serviendum esse principibus. **72** Vere omnis homo debet subdi potestatibus. Nam *non est aliqua potestas, bona seu mala, nisi a Deo, nec sic a Deo, ut hoc nolens permittat* : quia *quæcunque sunt, a Deo ordinata sunt*, id est ordinabiliter disposita, non fortuito casu ruentia. Quandoquidem et potestas et omnia a Deo sunt ordinata, itaque qui resistit potestati, resistit ordinationi Dei, id est Deo potestatem hanc ordinanti. Nec sic resistere leve putetis, quia qui sic resistunt, per hujusmodi resistere acquirunt ipsi sibi damnationem, id est haec sola causa sufficit ad damnationem eorum. Non est utique resistendum principi. *Nam principes non sunt timori boni operis*, id est qui bene operatur non est quare timeat principem : quia etiamsi pro bono opere infestus est ei, eumque persequitur, auget virtutem ejus et meritum. Quare bene operanti non est timori, sed est timori mali operis, id est qui male operatur, ille utique timore potest principem. Nunc ex præmissis consilium colligens ait : Princeps non est timendus bonis : quod si tu similiter vis non timere potestatem, fac bonum, et bonum faciens habebis laudem ex illa quæcunque sit, bona vel mala : quia si bona est, de bono laudabit te, si vero mala, persecetur te bene operantem, et ex virtute patientiae laudaberis. Vere laudem habebis ex ea. *Nam hic idem princeps minister Dei est tibi in bonum*, id est ad utilitatem si bene feceris ; sed si male feceris, time eum. Timendus utique est male facienti, nam hic judex non sine causa portat gladium. Vere non sine causa ; nam hic minister Dei est : *vindex ei*, id est ad damnum ejus qui malum agit : *vindex dic in iram*, id est in vindictam Dei faciendam : vel vindicta in iram, id est in signum futuræ ultionis, quam animadvertis per temporalem ultionem quam vident. Quandoquidem hic princeps minister Dei est, ideo estote subditi animo, huic necessitati, id est principi, cui velitis nolitis subjicemini, ut illud cupias quocunque necesse est. Subditi, inquam, estote, non solum propter iram principis vitandam, sed etiam propter conscientiam vestram in puritate conservandam, quia nisi animo subjiceremini principi, polluta esset conscientia vestra, obvians divinæ ordinationi. Debetis utique subditi esse principi ; nam ideo, id est in signum hujus subjectionis, præstatis vos tributa, et cætera debita. Vos dico in hoc ipsum quod tributa præstatis, potestatibus servientes Deo : nam ipsi principes ministri sunt Dei, id est ministrant Deo per accepta tributa, quæ dant eis vires et potestatem operandi quod Deus disponit. Vel ita, vos præstatis tributa et bene facitis. Nam hi principes sunt ministri Dei servientes, id est quos Deus constituit servire sibi in hoc ipsum, in tributis quæ a vobis accipiunt. Cum enim Deus

PATROL. CLIII.

primum regem constituit Saulem, dixit eum non ultra terius de labore suo victorum, sed de laboribus subditorum. Et quia vel vos in hoc ipsum quod tributa solvitis, Deo servitis, vel principes in hoc ipsum Deo serviunt, ergo omnibus principibus reddite debita.

Cui principi debetis tributum, reddite tributum. Cui debetis vectigal, reddite vectigal. Tributum dicitur, ut obsonia illa quae domi solvebantur, vectigal, quod semper ad domos dominorum vehebatur, ut est hodie census. Cui debetis honorem solum, impendite honorem. Cui timorem, exhibete timorem et omnem reverentiam. Ut breviter omnia colligam, universaliter præcipio: nemini quidquam debeatis, neque tributum, neque vectigal, neque aliud, nisi ut diligatis invicem, quia volo vos semper debitores esse dilectionis: ita quod nunquam a dilectione cessatis, ideo vos volo semper diligere invicem: quia qui diligit proximum, legem implevit (Exod. xx, 14). Et vere legem implevit: nam non adulterabis: non occides: non furaberis: non falsum testimonium dices: non concupisces (Deut. v, 18): etsi quod est aliud mandatum in lege, instauratur, id est impletur hoc verbo: Diliges proximum tuum sicut te ipsum (Lev. xix, 18). Vere in dilectione proximi impletur omne mandatum legis. Nam dilectio proximi, malum non operatur (Matth. xxii, 39). Qui enim diligit proximum, 73 non adulterabit cum uxore cuius. Non occidet eum. Non furabitur res ejus, etc. Et quandoquidem dilectio proximi malum non operatur; ergo dilectio est plenitudo legis: qui enim malum non operatur, legem implevit (Galat. v, 14; Jacob. ii, 8). Scimus utique quia dilectio malum non operatur: nec hoc solum scimus de ea, sed hoc etiam scientes sumus de dilectione, quod facit nos de somno surgere bonumque operari. Vis tamen continuationis et summa sententiae pendet ad illud quod sequitur: Abjiciamus ergo opera tenebrarum. Sed præmittit quasdam rationes, unde opportunius inferat dicens: Dilectionem non operari malum scimus: etiam hoc de dilectione scientes, quia, id est quod hora est, quasi diceret, tempus est; sed ideo per horam significavit illud tempus, ut ostendat breve esse et cito transiens, et nisi in eo poenitentius irrecuperabile. Scimus utique quia hora est jam, id est amodo ex quo per fidem justificati sumus surgere nos de somno, id est de calamitate corporis, quae ad bene operandum pigros nos facit. Surgere dicit quasi bonis operibus omni studio invigilare. Sunt enim quidam qui postquam justificati sunt, cum fervore deberent in labore bonæ operationis, torpent et negligunt, quasi securi ex justificatione, et quia continent se a criminalibus. Vere de somno surgere debemus: nam credidimus, id est fidem accepimus, quae fides propinquos nos fecit saluationi; sed nunc per meritum eorum quae post acceptam fidem operati sumus, propior est nostra salus quam olim esset cum solum credidimus, id est cum gratia sola esset in nobis, et adhuc nullum meritum. Vel ita: Nunc est proprior secundum tempus

A nostra salus, id est dics nostræ salvationis, quam esse olim cum primum credidimus. Quotidie enim magis ac magis futuro judicio propinquamus, in quo remunerabimur. Vere nunc prope est nostra salus: nam nox, id est ignorantia in infidelitate habita præcessit, et ideo cavendum est ne in hanc noctem recidamus. Nox, inquit, præcessit, sed dies salvationis nostræ per premissos radios, ut per fidem, spem, dilectionem, et cætera, appropinquavit, id est prope esse intelligitur. Virtutes enim quæ habentur in præsenti, radii sunt futuræ jucunditatis. Et quando quidem nox esse desit, et dies appropinquavit, ergo abjiciamus opera tenebrarum, id est quæ operati sumus dum in ignorantia essemus. Vel opera tenebrarum, id est digna tenebris, et digua non visideri, sed semper occultari. Abjiciamus, inquit, hæc opera, et induamus nos opera lucis, id est vera cognitionis, vel opera digna luce et manifestatione, quæ opera sunt arna quibus et fidem nostram tuemur et insurgentia vitia superamus, ut indui armis lucis, honeste ambulemus, id est de bono in melius proficiamus, sicut qui positi sunt in die, id est in cognitione veritatis. Positos enim in die deceperat opera noctis abjicere, et arma lucis assumere. Nos dico sic ambulemus in die non remanentes in cessationibus, id est in publicorum conviviorum conventiculis, et non mauentes in ebrietatis ut nimis potationi incumbamus. Non etiam in cubilibus, ad quæ cubilia de nimietate saturitatis et potationis itur, ibique superflua quies habetur. Et non manentes in impudicitiis, id est in delectatione libidinis; qui enim ebrius ad cubile descendit, consequenter urgetur facibus libidinis. Et non manentes in contentione; intemperantia enim potus et libidinis frequenter jurgia concitat. Et ne sitis in æmulatione, id est in invidia: quidam qui non audet contendere, quod potest, invidet proximo. In his itaque non remaneatis: sed induimini Dominum Jesum Christum, id est vestite nuditatem vestram fidei Christi et virtutibus, quæ super hanc fidem ædificantur. Homo enim propter peccatum de paradiso nudus ejectus est (Gen. v, 16); sed nuditas ista velari debet ornamento fidei cæterarumque virtutum. Et vos indui Domum Jesum Christum, ne feceritis, id est non facietis curam carnis. Nec curam quam 74 necessitas postulat prohibeo; sed ne feceritis curam carnis in desideriis, ut desideria carnis sectemini.

CAPUT XIV.

¶ Infirmum autem in fide assumite, non in disceptationibus cogitationum. Alius enim credit se manducare omnia. Qui autem infirmus est, olus manducet. Is qui manducat, non manducantem non spernat, et qui non manducat, manducantem non judicet. Deus enim illum assumpsit. Tu quis es, qui judicas (Jac. iv, 12) alienum servum? Dominus suo stat aut cadit. Stabit autem. Potens est enim Deus statuere illum. Nam aliud judicat diem inter diem, alias autem judicat omnem diem.

• Unusquisque in suo sensu abundet. Qui sapit diem, Domino sapit : et qui manducat, Domino manducat. Gratias enim agit Deo. Et qui non manducat, Domino non manducat, et gratias agit Deo. Nemo enim nostrum sibi vivit, et nemo sibi moritur. Sive enim vivimus, Domino vivimus : sive morimur, Domino morimur. Sive ergo vivimus, sive morimur, Domini sumus. In hoc enim Christus mortuus est et resurrexit : ut et vivorum et mortuorum dominetur. Tu autem quid judices fratrem tuum? (Jac. iv) aut tu quare spernis fratrem tuum? Omnes enim stabimus ante tribunal Christi [Dei]. Scriptum est enim : Vivo ego, dicit Dominus : quoniam mihi flectetur omne genu, et omnis lingua confitebetur Deo (Isai. xlvi, 23; Phil. ii, 10). Itaque unusquisque nostrum pro se rationem reddet Deo. Non ergo amplius invicem judicemus : sed hoc judicate magis, ne ponatis offendiculum fratri vel scandalum. Scio et confido in Domino Jesu, quia nihil commune per ipsum, nisi ei qui existimat quid commune sit esse, illi commune est. Si enim propter cibum frater tuus contristatur, jam non secundum charitatem ambulas. Noli cibo tuo illum perdere, pro quo Christus mortuus est. Non ergo blasphemetur bonum nostrum. Non est enim regnum Dei esca et potus : sed justitia et pax, et gaudium, in Spiritu sancto. Qui enim in hoc servit Christo, placet Deo, et probatus est hominibus. Itaque quae pacis sunt sectemur : et quae adiunctionis sunt, in invicem custodiamus. Noli propter escam destruere opus Dei. Omnia quidem sunt munda, sed malum est homini qui per offendiculum manducat. Bonum est non manducare carnem, et non bibere vinum, neque in quo frater tuus offenditur, aut scandalizatur, aut infirmatur. Tu fidem quam habes penes temet ipsum, habe coram Deo. Beatus qui non judicat semetipsum in eo quod probat. Qui autem discerit, si manducaverit, damnatus est, quia non ex fide. Omne autem quod non est ex fide, peccatum est.

EXPOSITIO.

Quia Romani gravi inter se discordia disceptabant, dicentes : Hi qui de Judaismo conversi erant, quosdam cibos esse immundos, nec eis uti debere. calumniabantur etiam Judaei gentilibus, quia comedenter idolothyti, dicentes eos adhuc inhærere ritibus gentilitatis; et contrario gentiles scientes omnes cibos mundos, utebantur illis, accusantes Judaeos quod non haberent integrum fidem; quia in hunc modum confligebant. Apostolus, volens eos revocare ad pacem, instruit eos non facere scandalum fratribus inter se nec de conscientiis alter alterum judicare. Scandalum faciebat ille, qui propter incitandam iram proximi comedebat quod proximum offendebat : vel eum sub incredulitate comedere faciebat quod immundum putabat. Judicare de conscientiis erat cum Judaeus, credens quaedam immunda, damnaret gentilem, dicens cum ideo uti idolothyti, quia

Ailbuc idolis adhæreret. Littera sic jungitur : Curam carnis ne feceritis, sed hoc facite : *Infirmum in fide*, id est eum qui non habet firmam fidem, credendo quasdam creaturas Dei immundas (et hic erat Judaeus), illum nolite scandalizare vos qui firmi estis in fide, sed *assumite* eum. Assumere est condescendere infirmitati ejus : abstinere a quibus abstinet, et sic alliciendo eum paulatim de integritate fidei doceat, donec ad perfectionem veniat. Hic scandalum removit. **75** Assumite infirmum non remanentes in *disceptionibus cogitationum* ejus, scilicet infirmi, id est ne disceptetis judicantes aliquem de conscientia cordis, quae soli Deo cognita est et non vobis. Vere infirmus debet assumi. *Nam aliis* est perfectus qui assumere et docere eum potest. Alius autem est infirmus qui assumptione indiget. Quod sic ait. Alius *se credit posse manducare omnia*, sciens omnia esse munda, et hic est fide firmus. Alius autem est infirmus, putans se non posse omnia manducare. Hic autem qui *infirmus est*, nolens uti carnis gentilium, *manducet*, id est permittatur manducare *olus*, id est si velit abstinere : utique bonum est, nec inquietetur.

Hic incipit compescere Romanos, ne judicent de conscientiis. Qui non vult manducare, permittatur abstinere. *Is* autem qui *manducat*, sciens omnes cibos esse mundos, *non spernat non manducantem*, id est gentilis comedens non contemnat Judaeum abstinentem, arguens eum de imperfectione fidei. *Et ille qui non manducat*, id est Judaeus, *non judicet*, id est non damnet *manducantem* gentilem. Non debet alter alterum spernere seu judicare : *nam Deus assumpsit illum*, id est utrumque et manducantem, et noui manducantem. *Assumpsit* dico per fidem quam jam habent ut servos. Et quandoquidem a Deo assumpti sunt facti servi ejus, *tu quis es qui judices servum alienum?* Nec leges mundi hoc patiuntur, ut servus ab alio quam a domino suo judicetur. Non utique judicare debes alienum servum : quia servus ille *stat* bene operando reservatus domino, id est iudicio domini sui, *aut peccando cadit* a domino suo iudicandus. Si etiam plane noveris eum cecidisse, ne tamen judices eum : quia cras potest penitendo esse melior te, et de omnibus bona semper suspicio tenenda est. Quia, si etiam cecidit, stabit autem fortassis cras, id est fortis apparebit in bono. Vere quod stabit suspicandum est de eo : *nam Deus*, cui servus est, *potens est iterum statuere eum*. Quia Domini solum est iudicare servum, tu non debes iudicare eum, praeterea ideo ne damnes eum. Nam quod facit, ex iudicio et sana intentione animi facit. Quod sic ait : *Alius seu Judaeus s u gentilis judicat diem inter diem*, id est uno die abstinentum, alio non. *Alius autem judicat omne n diem in abstinentia observandum*, et quicunque j dicat abstinentum sane sentit, et inde laudandus est non dammandus. Qui iudicat abstinentum, sive hic, sive ille, sane sentit : et volo ut *unusquisque abundet in suo sensu*, id est in eo quod sapienter sentit et operatur, ut si modo bene

abstinet, postmodum inclusus abstineat, et cætera bona sectetur. Notandum est quod si abstinere eos malum esset, nollet eos Apostolus abundare in hoc sensu : ideo utique opto, ut in hoc sensu abundant ; *qui qui sapit diem*, id est qui in abstinentia observat diem, *sapit hoc Domino*, id est ad honorem Domini : *et qui manducat, manducat similiter Domino*. *Nam manducans agit gratias Deo* : et pro sano intellectu habito de creaturis Dei, et quia sustentatur his beneficiis. Et ille qui non manducat, non manducat Domino, id est jejunat ad honorem Dei, et *gratias iterum agit Domino* pro abstinentia sibi collata : et per hoc satis ostenditur utrumque sane intelligere, neutrumque pro hoc debere damnari. Vel illud superius aliter legitur : Ne judices alienum servum ; nam *alius*, id est homo, *judicat diem inter diem*, id est de præsenti solum. *Alius*, id est Deus, judicat omnem diem, sic de futuro ut de præsenti. Et cum homo sane judicet de præsenti, volo ut unusquisque hominum *abundet in suo sensu bono* : cætera non mutantur. Uterque manducans et abstiens gratias agit Deo, et juste. *Nam nemo nostrum ruit sibi*, id est nemo debet querere gloriam suam, dum vivit, et *nemo justorum moritur similiter sibi*. Vere nec vivimus nec morimur nobis, nam Domino : *sive enim vivimus, Domino morimur*, id est ad honorem Domini vivimus ; *sive morimur, Domino morimur*. Et quia vivimus et morimur Domino, ergo *sumus 76-Domini, sive vivimus, sive morimur*. Quare tu, quicunque, ne judices alienum servum. Vere Domini sumus : *nam in hoc mortuus est Christus et resurrexit*, ut per meritum mortis et potentiam resurrectionis dominetur mortuorum et vivorum. Et cum Deus omnium dominetur, tu autem abstiens *quid*, id est quare *judicas fratrem tuum manducantem, aut tu manducans quare spernis fratrem tuum* jejunantem ?

Nolite vos alterutrum judicare : *nam omnes stabimus ante tribunal Dei*, judicandi a Deo. Stabimus dicit a similitudine exspectantium sententiam judicii. Tribunal dicit quasi Deus sessurus sit, ad modum cuiuslibet potentis pro tribunali. Vere omnes stabimus : *num ita scriptum est* : hæc dicit Dominus per Isaiam : *Ego vivo* (*Isa. XLV, 23*). Ecce sacramentum, ut quod sequitur certissime credatur. Cum tamen Isaias dicebat Vivo, intelligebat de Christo, qui gustaret aliquando mortem, quem resurgentem Pater constitueret omnium judicem : quod infideles falsum putaverunt, cum viderent eum mortuum. Et in voce Christi sic ait : Ego vere vivo : quod palam erit ex eo, quoniam mihi fleo : et *etur omne genu*, id est omnis creatura mihi in judicio subjicietur ; et tunc *omnis lingua*, id est omnis conscientia confitebitur Domino. Et quandoquidem ita Scriptura ait omnes, scilicet, a Deo judicandos, itaque constat quod *unusquisque nostrum reddit rationem Deo pro se*, et non pro proximo. Et quandoquidem pro nobis reddituri sumus rationem, ergo non amplius judicemus nos invicem, id est subditus subditum. Per hoc, invicem, innuit se non

A prohibere judicium prælatorum in subditos, de quibus judicare debent, sed solos subditos compescit ne se alterutrum præsumant judicare. Postquam satis ostendit non debere se invicem judicare de conscientiis, prohibet eos a scandalis fratrum, dicens : *Ne judicetis invicem, sed hoc magis judicate, ne ponatis offendiculum fratri, vel scandalum*. *Offendiculum* vocat, ut si facheret fratrem peccare comedentem in incredulitate, vel si eo animo comedederet, ut frater hoc abominans rixaretur et sperneret comedentem. *Scandalum* vocat contristationem fratris habitam ex eo quod videt eum comedere quod immundum putat. Objiceret Paulo ille qui omnibus utendum esse intelligit : Tu fortasse cum Judæo infirmaris, qui dicas me offendere cum utor creaturis Dei. Absit hoc, ait Paulus, ut ego accusem te, quin sane credas. Scio enim et hoc *confido in Domino Iesu*, id est per Jesum tibi testor, *quod nihil est commune*, id est immundum : et hoc *per ipsum*, id est per Christum qui nos solvit a lege, sub qua multa judicabantur immunda ; sed quia evacuata hac lege libertas reddita est, jam commune dicendum est. Scio utique nihil esse commune nisi ei qui existimat aliquid commune esse : illi pro certo commune est, non propter ipsam creaturam, sed propter fidei sue infirmitatem. Ne ponas scandalum fratri. *Nam si frater tuus contristatur propter cibum quem sumis, jam non ambulas secundum charitatem*, quia non geris curam proximi. Ut ab offendiculo fratris caveas, *noli cibo tuo* (qui vile quid est) *perdere illum* : ut vel facias eum comedere tecum in infideliitate, vel rixeris cum illo. Noli, inquam, pro tam villi re negligere eum, *pro quo Christus mortuus est*, id est quem Christus adeo dilexit, ut pro eo mori voluerit. Quandoquidem cibus vile quid est, perdere autem proximum grave est, ergo ne cibo nostro perdatur proximus.

Bonum nostrum, id est sanus intellectus quem de creaturis habemus, hoc utique bonum non blasphemetur, id est non fiat blasphemabile, ut per hoc bonum fratrem simplicem offendamus. Determinat in quibus non sit offendendus proximus : in his scilicet quæ salvationem impediunt, et in quibus non sit sequendus ; in his scilicet quæ salutem animæ auferunt dicens : *Cibo non debes proximum perdere* ; nam *esta 77 et potus non est regnum Dei*, id est uti hæc esca et hoc potu, non dat regnum Dei : nec tollit, si abstineas ab his. Hæc non dant regnum Dei. *Sed justitia*, id est æquitas servata ad proximum ut in nullo cum offendamus ; et *pax*, id est concordia ex servata æquitate veniens. Et *gaudium*, quod alter in dilectione congaudere alteri ; quod gaudium in pace nutritum est in *Spiritu sancto*, id est, secundum quod dictat Spiritus sanctus. Hæc, inquam, sunt regnum Dei : nam in his servitur Christo. *Qui autem in his*, id est pace, justitia, et gaudio, *seruit Christo, hic placet Deo*, et probatus est hominibus, id est hæc servitus probabilis judicatur ab omnibus ; nec est sicut tua comestio, in qua offenditur proximus. Ideo prius

ait, servit Christo, debinc placet Deo; quia Christus A (10). » Quæcunque scripta sunt, ad 78 nō legem pacis et justitiæ dedit hominibus, qui nisi per Christum placere non possunt Deo. Quandoquidem servitus pacis placet Deo et ab hominibus approbatur, itaque sectemur ea quæ pacis sunt, non litigemus cum proximo, sed etiam sectemur ea quæ sunt ædificationis: et hoc invicem, ut tu ædifices illum in tuo bono, et ille te in suo. Quod hic ait ædificationis, idem est quod ait superius, infirmum assumite. Sectemur ea quæ sunt ædificationis, non ea quæ sunt destructionis, quod sic ait: *Noli propter escam tuam qua proximus offenditur destruere in eo opus Dei*, id est fidem quam jam operatus est in eo Deus. Si enim nimia distinctione cogas eum, hoc tantillum boni quod habet deseret. Quare magis est nutrienda infirmitas ejus, quam nimia asperitate cogenda: quod Petrus idonee satis observabat, cum Judæos quos ad fidem Christi converterat, adhuc circumcidit et in quibusdam legalibus permittebat: de quibus si intemperanter cogeret eos, citius quod ab eo acceperant dimitterent, quam ita repentine ad perfectionem ascenderent. Sciebat enim eos paulatim posse et debere ad perfectionem adduci, sicut factum est. Noli propter escam destruere fidem proximi, nos quod esca immunda sit: *omnia quidem munda sunt; sed tamen malum est homini, qui manducat per offendiculum*, intendens offendere proximum. Nec solum ut caveas ab offensione proximi debes abstinere ab his, sed etiam ab omni carne et ab omni potu in quo frater offenditur. Quod ita ait: *Bonum est tibi non manducare carnem, nec bibere viuum, neque aliquid in quo frater tuus offenditur se peccando, vel offenditur a te et scandalizatur contristando, aut infirmatur in fide aliquantulum hæsiendo*. Ne offendas proximum, debes abstinere ab his. *Tu quidem habes fidem sanam penes temetipsum; habe illam coram Deo*, id est sufficit tibi ut Deus intelligat fidem tuam: non oportet ut coram abstinenti qui offenditur facias opus ejus fidei; ideo penes temetipsum fidem hanc habeas, non coram abstinenti. Nam *beatus* est ille qui non *judicat*, id est qui non *damnat* *semetipsum*, in eo quod probat, id est quod probabiliter verum esse credit. Sed si tu uteris cibis quibus licet uti, ad offensionem proximi, in eo quod probas judicas te reum offensionis factæ in fratrem. Ille qui in eo quod probat se non *damnat*, *beatus* est; sed ille qui *discernit* cibos a cibis, dicens hos mundos, illos immundos, hic, si in hac dubitate *manducaverit*, *damnatus est*; non quia cibus immundus sit, sed quia non comedit ex fide ut crederet esse munda. Vere, quia non ex fide, *damnatus est*: nam *omne quod non est ex fide, peccatum est*.

CAPUT XV.

« Debemus autem nos firmiores imbecillitates infirmorum sustinere, et non nobis placere. Unusquisque vestrum proximo suo placeat in bonum, ad ædificationem. Etenim Christus non sibi plauxit, sed sicut scriptum est: « Improperia improverantium tibi ceciderunt super me (Psal. LXVIII,

stram doctrinam scripta sunt ut per patientiam et consolationem Scripturarum, spem habeamus. Deus autem patientiae et solatii det vobis id ipsum sapere in alterutrum secundum Jesum Christum, ut unanimes uno ore honorificetis Deum, et Patrem Domini nostri Jesu Christi. Propter quod suscipite invicem, sicut et Christus suscepit vos in honorem Dei. Dico enim Christum Jesum ministrum fuisse circumcisionis, propter veritatem Dei, ad confirmandas promissiones patrum: gentes autem super misericordia honorare Deum, sicut scriptum est: « Propterea confitebor tibi in gentibus, Domine, et nomini tuo cantabo (II Reg. 22, 50). » Et iterum dicit: « Lætamini, gentes, cum plebe ejus (Psal. xvii, 5). » Et iterum: « Laudate, omnes gentes Dominum, et magnificete eum, omnes populi (Psal. cxvi, 1.) Et rursus Isaías ait: Erit radix Jesse, et qui exsurget regere gentes, in eum gentes sperabunt (Isai. xi, 10). » Deus autem spei repleat vos omni gaudio et pace in credendo, ut abundetis in spe et virtute Spiritus sancti. Cetus sum autem, fratres mei, et ego ipse de vobis, quoniam et ipsi pleni estis dilectione, repleti omnì scientia, ita ut possitis alterutrum monere. Audacius autem scripsi vobis, fratres, ex parte, tanquam in memoriam vos reducens, propter gratiam quæ data est mihi a Deo, ut sim minister Christi Jesu in gentibus, sanctificans Evangelium Dei, ut fiat oblatio gentium accepta et sanctificata in Spiritu sancto. Habeo igitur gloriam in Christo Jesu ad Deum. Non enim audeo aliquid loqui eorum, quæ per me non efficit Christus in obedientiam gentium, verbo et factis, in virtute signorum et prodigiiorum, in virtute Spiritus sancti: ita ut ab Jerusalem per circuitum usque ad Illyricum repleverim Evangelium Christi. Sic autem hoc prædicavi Evangelium, non ubi nominatus est Christus, ne super alienum fundamentum ædificarem, sed sicut scriptum est: « Quoniam quibus non est annuntiatum de eo, videbunt (Isai. lii, 13); » et qui non audierunt, de eo [al., non habet de eo] intelligent. Propter quod et impediabar plurimum venire ad vos, et prohibitus sum usque adhuc. Nunc vero ulterius locum non habens in his regionibus, cupiditatem autem habens veniendi ad vos, ex multis jam præcedentibus annis. Sed cum in Hispaniam proficiisci cœpero, spero quod præteriens videam vos: et a vobis deducar illuc, si vobis primum ex parte fructus fuero. Nunc igitur proficiscar in Jerusalem ministrare sanctis. Probaverunt enim Macedonia et Achaia collationem [al., collectionem] aliquam facere in pauperes sanctorum qui sunt in Jerusalem. Placuit enim eis, et debitores sunt eorum. Nam si spiritualium eorum participes facti sunt gentiles, dehent et in carnalibus ministrare eis. Hoc igitur cum consummavero, et assignavero eis fructum hunc, per vos proficiscar in Hispaniam. Seio [al., sciens] autem quoniam

veniens ad vos, in abundantia benedictionis Christi veniam. Obsecro ergo vos, fratres, per Dominum nostrum Iesum Christum, et per charitatem Spiritus sancti, ut adjuvetis me in orationibus vestris ad Deum, ut liberer ab infidelibus qui sunt in Iudea, et obsequii mei oblatione accepta fiat in Jerusalem [al., Hierosolymis] sanctis, ut veniam ad vos in gudio per voluntatem Dei, et refrigeret vobiscum. Deus autem pacis sit cum omnibus vobis. Amen.

EXPOSITIO.

Ad hoc diceret ille qui sanæ fidei esset: Si ego, quod utique tu fateris, sanæ fidei sum, omnia munda eredens, hic autem infirmatur in fide, justior causa videtur, ut infirmus firmum sequeretur, quam ego firmus sequerer infirmitatem illius. Non sic est, ait Paulus. Sed, licet tu sanæ fidei sis, hic autem infirmæ, tamen nos firmiores debemus sustinere, et quadam participatione imbecillitates infirmorum ad melius enutrire, et non debemus nobis placere in omnibus. Nobis non utique placeamus, sed unusquisque placeat proximo suo; et hoc in bono; quia ad ædificationem proximi, qui secundum charitatem ædificandus est. Nobis non utique placeamus: etenim Christus (quem per omnia sequi debemus) non placuit sibi, id est non consensit infirmæ carni, sed sicut **79** scriptum est in psalmo (lxviii, 10) ait Christus ad Patrem: Improperia improperantium tibi quadam mole ceciderunt super me, et in morte depresso me. Quasi diceret: Quia ejeci de templo vendentes et ementes, in quo tibi improperabant, ideo adjudicaverunt me morti. Quid inde, diceret aliquis, si ita scriptum est? Multum utique, quia quæcunque scripta sunt de Christo, ad nostram doctrinam scripta sunt, ut per doctrinam habeamus patientiam, et in patientia habeamus consolationem Scripturarum, quæ plurimum utilis est patientibus, et ut per patientiam et hanc consolationem habeamus spem futuræ retributionis. Et quia merita vestra et doctrinam meam insufficiente video ad hæc obtinenda, opto ut Deus, dator patientie et solatii, dñe vobis sapere id ipsum, ut omnes veram cognitionem habeatis, et hoc in alterutrum, ut quod sane sentit iste, sentiat et ille e converso. Sapere dico secundum, id est per Iesum Christum: ut vos unanimes uno ore et una voluntate, et eadem confessione honorificetis Deum et Patrem Domini nostri Iesu Christi. Non quod Deus et Pater diversos significant, sed in eodem diversas causas assignat: dicens eum honorificandum tum quia Deus est, tum quia Pater est Domini Iesu Christi, per quem omne bonum provenit nobis.

Propter quod, id est ut idipsum sapiatis, et eodem animo unaque confessione Deum honorificetis; suscipite vos invicem, ut alter alterum omni benignitate suscipiat: ad instruendum supportantes vos in alterutrum. Suscipe dico, sicut et Christus in magna altitudine suscepit vos. Suscepit utique in honorem. Honor maximus fuit remittere peccata. quæcum honorem augmentabis, reddendo incorruptio-

nem. Honorem dico Dei, id est a solo Deo datum. Deus enim per gratiam dat, et dabit hunc honorem, ad quem honorandum deficitur merita nostra. Probat quod ait: Suscepit vos Romanes: nam Iudeos et gentiles, et primum de Iudeis ait: Vere Christus suscepit vos, o Iudei. Nam ego dico (qui credi oportet) Christum Iesum ministrum fuisse circummissionis, id est Iudeorum. Christus enim minister fuit, et quasi apostolus Iudeorum, quibus in propria persona prædicavit. Hoc autem fuit non ex morto Iudeorum, sed propter veritatem Dei, id est propter promissa Dei. Ideo propter promissa ad confirmandas, id est ut per ipsum actum confirmarentur promissiones patrum, id est factæ patribus eorum. Vel ita: Christus minister fuit propter veritatem Dei, id est propter completionem promissorum Dei: et ad confirmandas per veritatem facti promissiones patrum, id est quas fecerant patres, id est prophetæ, patres Iudeorum. Deus enim et per seipsum promiserat, ut Abrahæ et frequentius per prophetas. Probavit Deum suscepisse Iudeos, ad quod probandum nullam induxit auctoritatem, quia quasi omnibus patens erat. Probat idem de gentibus per auctoritates, quia dubietas quibusdam inde erat, dicens: De Iudeis hoc dico. Dico etiam quod gentes debent honorare Deum, super, id est de misericordia sibi facta. Et hoc dico sicut scriptum est in psalmo (Psal. xvii, 50). Illud propterea in ordine psalmi vim habet; vox Filii ad Patrem: O Domine Pater, ego confitebor tibi in gentibus, id est gentes faciam confiteri nomini tuo. Nec solum confitebor, sed etiam cantabo et exultabo nomini tuo. Et iterum dicit Scriptura per Isaiam: O vos gentes lætamini cum plebe ejus (Isa. xi, 10), id est cum Iudeis, qui dicebantur peculiaris populus Dei, quas gentes frustra Isaías invitaret ad lætitiam, nisi consideraret earum susceptionem. Et iterum, David de gentibus. Omnes gentes, id est singuli de gentibus laudent Dominum (Psal. cxvi, 4): nec solem laudate, sed etiam magnum ostendite eum operibus bonis, omnes populi, qui in singulis gentibus estis. Et rursus de eodem ait Isaías: Jesse, pater David, erit radix ejus originis, de qua nascetur Christus qui exsurget regere gentes: et in eo rege sperabunt gentes (Isa. xi, 10). Exsurrexit Christus, quia solus immunis a peccato inter omnes. Surrexit altius **80** tertia die resumpta incorruptione, cum Deus Pater dedit omne iudicium huic filio regi. Moneo ut vos suscipiatis invicem, sed quia nec viribus vestris, nec doctrina mea, hoc perficere potestis, precor ut Deus spes in quem spero, et vos sperare debetis, repleat vos omni gaudio, id est perfectione dilectionis: quod gaudium ut digni sitis habere, repleat vos pace, id est omni concordia. Pace dico reformata in credendo, id est in una eademque integritate fidei, ut eadem fides faciat pacem in vobis. Pax vero nutriat gaudium: repleat dico fide, pace, et gaudio, ut abundetis in spe, id est ut quanto melius agatis, firmius et abundantis speatis: et ne spes vestra pertulatur, abundatis

D

Digitized by Google

in virtute Spiritus sancti, id est Spiritus sanctus copiosas vires ministret vobis perseverandi in bono.

Paulus incipit hic convenire quosdam Romanos, laudans eos de integritate fidei, de plenitudine dilectionis et omnis scientiae. Sed tamen aliquantulum tangit eos; quia non correxerant imperfectionem errantium fratrum, cum bene possent, quia sapientes; cum deberent, quia eos diligenter; cum etiam necesse hoc esset, quia Paulus, intentus aliis, non sufficienter vacare posset correctioni Romanorum; quasi diceret: *Conscientia vestra certa est de integritate fidei eorum: similiter etiam ego ipse certus sum, fratres mei, de vobis, quoniam ipsi pleni estis fide et dilectione.* Nec litigatis cum fratribus vestris: *replete omni scientia; ita ut possitis monere alterurum,* id est instruere infirmam fidem aliorum. Et licet pleni sitis dilectione et scientia, tamen audacia, id est cum aliquantula audacia scripsi vobis fratres ex parte, id est secundum eam partem, qua aliquantulum imperfecte agendo, litigia fratrum non compescuitis. Scripsi quidem non vos docens, quos sapientes scio, sed *tangam reducens vos in memoriā eorum quae credo vos scire, sed non satis eorum reminiscimini.* Dicerent illi: Quia perfectos nos fateris, quare nos redarguis? Audacter ait Paulus *propter gratiam, id est propter dignitatem apostolatus, quae data est mihi a Deo, et hoc magisterium meum cogit me ut vos sic admoneam.* Data est mihi gratia ideo, *ut sim minister Iesu Christi in gentibus, id est per ministerium meum gentes subjiciam Christo, sanctificans Evangelium Dei: quod sanctifico idem operor quod praedico. Sanctificans ideo, ut fiat accepta Deo oblatio gentium,* id est ego offerens gentes acceptus sim Deo, vel ut gentes oblate acceptae sint Deo. Oblatio dico accepta, et *sanctificata in Spiritu sancto, quia per impositionem manus domini spiritum sanctum, quod pseudodoctores facere nequeunt.* Et quia sanctifico Evangelium, igitur *habeo gloriam, id est glorior multum in apostolatu meo.* Gloriam dico referendam non ad me, sed *ad Deum, et hoc in Christo Iesu, id est per Christam, qui me consecravit apostolum: ideo habeo gloriam, quia non audeo loqui aliquid eorum quae Christus non efficit per me ministrum, ut faciunt pseudo, qui dicant se fecisse quae nunquam fecerunt.* Ea non loquor quae per me non efficit Deus, sed loquor ea quae per me Christus efficit, in *obedientiam gentium, id est ut vel ego obediam ipsi in gentibus, vel gentes per me obdiant ei.* Efficit dico per me verbo, Christus enim loquitur in me. Efficit etiam factis, id est in operibus meis, quia quod bene loquor operor. Efficit dico in *virtute signorum et prodigiis, ad quae facienda dat mihi virtutem.* Signa vocat, ut depulsiones morborum, prodigia, suscitare mortuos. Prodigiorum dico factorum in *virtute Spiritus sancti.* Vel efficit Christus per me in virtute Spiritus sancti, quem per manus meas distribuit. Sic, inquam, efficit, ut ego repleverim, id est plenarie prædicaverim *Evangelium Christi, incipiendo ab Hierusalem usque ad Illyricum mare: nec recta via, sed per circuitum, id est singula loca circumveundo.*

§1 *Sic autem prædicavi Evangelium, non in Judæa ubi Christus nominatus est, ne ædificarem super alienum fundamentum, id est super fidem quam alii apostoli prædicaverant.*

Nec tamen haec causa fuit quare ibi non prædicatorum, sed quia Deus ad gentes eum direxit. Ne ædificarem dico sic; sed *sicut scriptum est in Isaia: Gentes quibus non est annuntiatum de eo, videbunt (Isai. LII, 15) Deum, et qui nec etiam audierunt, intelligent.* Propter quod quia rudibus et quasi lapides prædicabam, plurimum impeditiebar venire ad vos, o Romani, quare necesse esset ut vos qui sanieratis, infirmos ædificaretis. Olim impeditiebar; sed *nunc ultius non habens locum in his regionibus,* quia omnes conversi sunt: *habens autem cupiditatem veniendi ad vos, ex multis jam præcedentibus annis, in quo notare potestis quantam diligentiam habeam ad vos. Cum ego profici scero in Hispaniam, spero quod videam vos, præteriens per vos, non enim causa est quare remorer vobiscum qui fideles estis.* Videam vos dico, et deducar illuc a vobis, si tamen fructus prius fuero vobis ex parte, id est aliquando remorando vobiscum; quia hic ultius locum non habeo et ad vos transire cupio. Igitur quod prius faciendum est operabor, scilicet ibo Hierusalem ministrare sanctis. Quando Petrus et qui cum eo erant Paulo et Barnabæ dextras dedere societas (*Galat. II, 9*), injunxerunt eis, ut in Ecclesiis gentium collectiones facerent, unde ministrarent sanctis in Hierusalem, quibus infideles omnia abstulerant. *Vadam ministrare sanctis, quid Macedonia et Achaia, id est Ecclesiæ eorum probum judicaverunt facere aliquam collectionem in pauperes sanctorum deferendam, id est, in pauperes sanctos, qui sunt Jerusalem.* Probaverunt quidem hoc non a nobis coacti, sed, quia ita placuit eis; et si non placeret, debitores tamen sunt eorum et ex debito facere oporteret. Vere debitores sunt eorum. *Nam, si gentiles facti sunt participes spiritualium bonorum eorum sanctorum, quia sancti illi spiritualia gentibus ministraverunt, debent etiam gentes ministrare sanctis in carnalibus.* Quandoquidem hoc mihi prius faciendum restat, igitur cum hoc consummavero, cum assignavero, id est, sub sigillo eis reddidero fructum hunc, proficisci in Hispaniam transiens per vos. Scio autem quoniam veniens longo desiderio actus, veniam ad vos in abundantia benedictionis Christi, id est, benedictionem Christi faciam abundare in vobis, impertiens illud gratiae Dei quod deest. Et quia nunc iturus sum Jerusalem, igitur, obsecro vos fratres, per Dominum nostrum Jesum Christum, ut adjuretis me in orationibus fusis pro me ad Deum, ut hoc adjutorio liberer ab infidelibus qui sunt in Judæa, et ut ita oblatio obsequii mei, id est in qua obsequor, fiat accepta sanctis in Jersosolyma, sine diminutione illis præsentata; ut hoc prospere completo, veniam ad vos in gaudio per vos.

tuntatem Dei, id est, sicut Deus disposuerit; et refri-
gere vobiscum perficiens in vobis quod imperfectum
invenero. Sed quia ad hoc neque per vos, neque per
me sufficitis: Deus pacis fit faciens pacem cum om-
nibus vobis. Amen.

CAPUT XVI.

¶ Commendo autem vobis Phœben sororem no-
 stram, quæ est in ministerio Ecclesiae quæ est in
 Cenchris: ut eam suscipiat in Domino digne san-
 ctis [al., satis], et assistatis ei in quounque nego-
 tio vestri indignuerit. Etenim ipsa quoque astitit
 multis, et mihi ipsi. Salutate Priscam et Aquilam,
 adjutores meos in Christo Jesu (qui pro anima
 mea suas cervices supposuerunt: quibus non so-
 lum ego gratias ago, sed et cunctæ Ecclesiae gen-
 tium) et domesticam Ecclesiam eorum. Salutate
 Epænetum dilectum mihi, qui est primitivus Ec-
 clesiæ Asiae in Christo Jesu. Salutate Mariam, quæ
 multum laboravit in vobis. Salutate **82** Androni-
 cum et Juniam, cognatos et concaptivos meos, qui
 sunt nobiles in apostolis, qui et ante me fuerunt in
 Christo Jesu. Salutate Ampliatum dilectissimum
 mihi in Domino. Salutate Urbanum adjutorem no-
 strum in Christo Jesu, et Stachyn dilectum meum.
 Salutate Appellen probum in Christo. Salutate eos
 qui sunt ex Aristoboli domo. Salutate Herodia-
 num cognatum meum. Salutate eos qui sunt ex
 Narcissi domo, qui sunt in Domino. Salutate Try-
 phænam et Tryphosam, quæ laborant in Domino.
 Salutate Persidem charissimam, quæ multam la-
 boravit in Domino. Salutate Rufum electum in
 Domino, et matrem ejus, et meam. Salutate Asy-
 crytum et Philegontem, Herman, Patrobam, Her-
 men, et qui cum eis sunt, fratres. Salutate Philo-
 logum et Julianam, et Nereum et sororem ejus, et
 Olympiadem, et omnes qui cum eis sunt sanctos.
 Salutate invicem in osculo sancto. Salutant vos
 omnes Ecclesiæ Christi. Rogo autem vos, fratres,
 ut observetis eos qui dissensiones et offendicula
 præter doctrinam quam vos didicistis faciunt, et
 declinate ab illis. Hujusmodi enim Christo Do-
 mino nostro non serviunt, sed suo ventri, et pre-
 dulces sermones et benedictiones seducunt corda
 innocentium. Vesta enim obedientia in omni loco
 divulgata est. Gaudeo igitur in vobis; sed volo vos
 sapientes esse in bono, et simplices in malo. Deus
 autem pacis conterat Satanam [al., Satan] sub
 pedibus vestris velociter. Gratia Domini nostri
 Jesu Christi vobiscum. Salutat vos Timotheus ad-
 jutor [al., habet frater] meus, et Lucas [al., Lu-
 cius] et Jason, et Sosipater cognati mei. Saluto
 vos ego Tertius, qui scripsi Epistolam hanc, in Do-
 mino. Salutat vos Gaius, hospes meus, et uni-
 versa Ecclesia. Salutat vos Erastus arcarius ci-
 vitatis, et Quartus, frater. Gratia Domini nostri
 Jesu Christi cum omnibus vobis, Amen. Ei au-
 tem qui potens est vos confirmare, juxta Evange-
 lium meum, et prædicationem Jesu Christi secun-
 dum revelationem mysterii temporibus æternis

A taciti, (quod nunc patefactum est per scripturas
 prophetarum secundum præceptum æterni Dei, ad
 obediendum fidei) in cunctis gentibus cogniti,
 soli sapienti Deo per Jesum Christum, cui honor
 et gloria in sæcula sæculorum. Amen.

EXPOSITIO.

Finita Epistola, inserit salutationes suas, dicens:
 Cum his quæ superius commendavi etiam
 vobis Phœben sororem nostram, quæ est in ministe-
 rio Ecclesiae, id est quæ ministrat necessaria cuidam
 Ecclesie, quam constituit Cenchris. Hoc inquam de
 ea commendando, ut suscipiat eam in Domino digne
 sanctis, id est vel quomodo vos sanctos decet eam sus-
 cipere; vel quomodo ea sancta suscipienda est: et
 ei susceptæ assistatis in quounque negotio indignerit
 vestri. Per hanc Phœben euntem Romam, dicitur
 Apostolus misisse suam Epistolam, quam ideo com-
 mendat, ut Romani, audita auctoritate ejus, acquie-
 scant ei in omnibus, quæ bene suadebit. Assisten-
 dum est ei: etenim ipsa astitit multis sanctis, et
 mihi ipsi ministrando. Salutate etiam Priscam et
 Aquilam, adjutores meos in Christo Jesu. Vel salutare
 in Christo, qui uterque supposuerunt suas cervices
 pro anima mea. Hi Paulo in multis periculis et car-
 ceribus subvenerunt. Quibus non ego solus gratias
 ago; sed etiam cunctæ Ecclesiae gentium, qui modo
 non haberent apostolum suum, nisi per adjutorium
 istorum. Salutate et domesticam Ecclesiam, id est
 familiam eorum. Salutate Epænetum dilectum mihi,
 qui est primitivus Asiae in Christo. Hic primus de
 Asia fidem accepit a Paulo. Salutate et Mariam, que
 multum laboravit in vobis, ab errore revocando vos.
 Haec Maria dicitur nuntiasse Apostolo dissensionem
 Romanorum: qua occasione scripsit eis hanc Epi-
 stolam. Et haec Romam redierat, et ideo dicit eam
 laborasse. Salutate Andronicum et Julianam, cognati
 meos, in genere Judæorum: et concaptivos
 meos; qui saepè tecum capti fuerunt, qui sunt
 nobiles in apostolis. Hi de septuaginta duobus
 suis creduntur: qui et ante me fuerunt in Chri-
 sto, qui prius Paulo ad fidem conversi sunt.
 Salutate Apellen probum in Christo. Salutate eos
 qui sunt ex domo Aristoboli, id est familiam
 quia fidelis est. Dominum nequaquam, quia **83**
 infidelitatis est reus. Salutate eos qui sunt ex domo
 Narcissi, nec omnes, sed eos qui sunt in fide in
 Domino. Aliqui enim ex ejus familia adhaerent
 domino suo in infidelitate. Salutate Rufum electum
 in Domino, et matrem ejus, ac meam. Ejus secundum
 carnem, meam secundum beneficium. Et, ut finem
 faciam, salutate vos invicem ex parte mea in osculo
 sancto, id est alter alteri dicat; aut ex parte Pauli,
 osculantur se in osculo pacis in loco ejus. Sicut ego,
 sic omnes Ecclesiæ Christi salutant vos. Ideo Paulus
 ex nomine probatas salutavit personas, ne, cum
 modo suadet Romanis a pseudo deelinare, forte
 possent de aliquo horum dubitare quos salutavit.
 Vos autem fratres salutatos rogo ut observetis, id est
 ut callide custodiatis vos ab eis qui faciunt dissen-

siones, et etiam offendicula, præcipitando in peccatum. Docentes quod *preter doctrinam* est, quem vos a me didicistis; et, ut vos observetis, declinando penitus, separamini ab illis, quia qui ejusmodi sunt non serviant Christo Domino nostro, sed suo ventri. Querunt enim quæ sunt, non quæ Jesu Christi. Et hi tales seducunt corda innocentium, id est simplicium per dulces sermones, id est seductios, et per simulatas benedictiones. Debetis declinare ab his: nam *obedientia vestra et bonum ejus divulgata et in omnem locum, et properea gaudeo in vobis.* Sed tamen volo vos sapientes et astutos esse in bono, et in malo simplices, ut malitia pueri sitis. Licit lixerim vos sapientes, tamen quia sapientia vestra parum ex se sola potest, precor ut Deus pacis conterat Satanam, et membra ejus sub pedibus vestris prostrata, et hoc velociter. His dictis salutat eos Paulus, dicens: *Gratia Domini nostri Jesu Christi sit vobiscum.* Salutat vos Timotheus adjutor meus, et Lucas, et Jason, et Sosipater, vel pater Sosii, qui sunt cognati mei. Saluto vos ego Tertius, qui scripsi Epistolam in Domino. Hic Tertius erat notarius Apostoli, qui salutationibus aliorum suam inseruit. Ad salutationes suas revertitur Paulus, et ait: *Salutat vos Gaius hospes meus, et universa Ecclesia,*

A id est familia ejus. *Salutat vos Erastus, arcarius, id est thesaurarius civitatis, et Quartus frater.* Omnes isti sic dicentes: *Gratia Domini Jesu Christi cum omnibus vobis.* De omnibus autem bonis vestris sit Deo honor et gloria. *Ei dico qui potens est confirmare vos, iuxta Evangelium meum,* id est sicut ego prædicto vobis, et juxta prædicationem Jesu Christi, cuius prædicatio eadem est cum meo Evangelio. Evangelii dico et prædicationis habitus secundum revelationem mysterii. Mysterium vocat salvationem hominum: quæ occulta fuit semper ante adventum Christi, sed per eum revelata. *Mysterii dico taciti temporibus aeternis ante Christum: quod mysterium nunc in tempore gratiae patefactum est per scripturas prophetarum,* nunc tandem intellectas per Christum. **B** Patefactum dico secundum præceptum aeterni Dei, cui ab aeterno hoc in patulo erat: Patefactum ideo ad obediendum fidei in cunctis gentibus, id est ut cunctæ gentes obdiant fidei. Quia si querere velis quare olim tacitum nunc revelatum, frustra hoc inquiris: quia mysterii dico cogniti soli sapienti Deo: qui solus semper causam ejus sapuit. Patefactum dico per Jesum Christum. Cui Christo, scilicet qui potens est, sit honor et gloria in sæculorum. Amen.

PROLOGUS IN PRIMAM EPISTOLAM AD CORINTHIOS.

Epistola prima ad Corinthios multas causas C neverca. Quod facinus licet fornicationem appellaverit Apostolus, tamen ita condemnavit, ut in ultiō facti auctorem talis operis diabolo judicaverit deputandum: imposita judiciorum et litium tertia quæstione. Quarto loco matrimoniorum jura tractantur his. Quinto loco virginitatis consilium, velut e vicino conjungitur. Sexto loco de escarum licentia disputatur. Septimo atque octavo loco de attundendo viris, et mulieribus velando capite, :c: sacramentorum communione præcipitur. Nonno loco simulatio quæ diversitate donorum spiritualium noscebatur, sub exemplo membrorum et corporis castigatur. Decimo resurrectionis spes multis et argumentis et rationibus approbatur. Ultimo de colligendis ad necessitatem sanctorum nomine charitatis cura vel ædificatio cultui imponitur. Interseruntur his pauca quæ aut (ut quibusdam videtur) pendent ex superioribus, aut habent, licet proprias, tamen parvulas actiones.

ARGUMENTUM.

Corinthii sunt Achaei: et hi similiter ab Apostolo audierunt verbum veritatis, et subversi sunt multifacie a falsis apostolis. Quidam a philosophiæ verbosa eloquentia; alii secta legis Judaicæ inducti sunt. Hoc revocat Apostolus ad veram fidem et Evangelicam sapientiam: scribens eis ab Epheso per Timotheum, discipulum suum.

ARGUMENTUM B. BRUNONIS IN EAMDEM.

Paulus prædicaverat Corinthiis, et eos ad fidem converterat: apud quos per annum et dimidium (sicut credimus) commoratus est: videns quod diu et in multis consulendum esset Corinthiis, quia

nimiris adhærebant carnalitati. Quandiu autem Paulus præsens fuit, adhæserunt cum simplicitate præceptis ejus: quibus ipse quasi simplicibus simpliciter prædicaverat, sciens carnalitati eorum potius obesse.

mysteria fidei, si eis revelarentur quam prodesse: et ideo bonum judicavit simplicitatem eorum magis in simplicibus fovendam esse, quam in altitudine mysteriorum Dei (de quibus potius hæsitarent quam crederent) corrumpendam. Sed Paulo a Corinthiis reverso, introierunt in eos pseudodoctores, qui bonam simplicitatem prioris doctrinæ inverterent: quorum doctrina quia in mundanis rationibus versabatur, quæ penitus spirituali doctrinæ contradiceret, cœpit magis allicere, et ad persuadendum sibi adducere Corinthios, quia magis mundo adbærebant quam Deo, et destruere in eis, calliditate humanae rationis, quod Paulus ædificaverat, sequendo simplicitatem fidei. Corinthii autem declinantes ab instructione Pauli, præcipitati sunt in multos errores, ut aestimarent merita baptizantium prodesse baptatis quanto majora essent, et nocere si minora fuissent. Et hoc modo homini tribuebant, quod solius Dei erat, scilicet dimittere peccata. Qua de re flebat, ut qui a digniore baptizatus erat, judicaret minus

A se dignum eum qui a minus digno baptizatus esset: in hoc utique derogando Deo errabant, etiam in eo, quia corpus Domini paululum discernebant ab aliis cibis. Iterum in eo quia viri velato capite, mulieres discoerto orarent. Erat etiam aliis error, quia futuram resurrectionem non (sicut Paulus prædicaverat) **35** credebant. Accusabantur etiam inde, quia audiebatur inter eos fornicatio, quam nec paterentur gentiles. Quidam enim eorum novercam suam duxerat in uxorem: quem nec corrigendo emendaverant, nec participationem Ecclesiæ huic tam facinoroso interdixerant; sed per illicitam patientiam huic incestui consentire videbantur. Quibus erroribus cognitis, Paulus per Sosthenem missum sibi cum Epistola a fratribus, qui erant Cloes, qui locus in archiepiscopatu Corinthiorum claudebatur, scripsit ad eos hanc Epistolam, in qua agit de Corinthiis errantibus: errores eorum enumerando, eosdemque congruis rationibus improbando, ea utique intentione ut ab his vitiis eos retrahat.

EPISTOLA AD CORINTHIOS PRIMA.

CAPUT PRIMUM.

¶ Paulus vocatus apostolus Christi Jesu per voluntatem Dei, et Sosthenes frater Ecclesiæ Dei, quæ est Corinthi, sanctificatis in Christo Jesu vocatis sanctis, cum omnibus qui invocant nomen Domini nostri Jesu Christi, in omni loco ipsorum et nostro. Gratia vobis et pax a Deo Patre nostro, et Domino Jesu Christo. Gratias ago Deo meo semper pro vobis in gratia Dei, quæ data est vobis in Christo Jesu: quod in omnibus divites facti estis in illo, in omni verbo, et in omni scientia. sicut testimonium Christi confirmatum est in vobis; ita ut nihil vobis desit inulla gratia, exspectantibus revelationem Domini nostri Jesu Christi, qui confirmabit vos usque in finem sine crimen, in die adventus Domini nostri Jesu Christi. ¶ Fidelis Deus, per quem vocati estis (*I Thess. v. 24*) in societatem Filii ejus Jesu Christi Domini nostri. Obsecro autem vos fratres, per nomen Domini nostri Jesu Christi, ut id ipsum dicatis omnes, et non sint in vobis schismata: sicut autem perfecti in eodem sensu, et in eadem scientia. Significatum est enim mihi de vobis, fratres mei, ab his qui sunt Cloes, quia contentiones sunt inter vos. Hoc autem dico quod unusquisque vestrum dicit: Ego quem sum Pauli; ego autem Apollo (*Act. xviii. 25*); ego vero Cepha; ego autem Christi. Divisus est Christus? Nunquid Paulus crucifixus est pro vobis? Aut in nomine Pauli baptizati estis? Gratias ago Deo meo quod neminem vestrum baptizavi, nisi Crispum et Caium, ne quis dicat quod in nomine meo baptizati estis. Baptizavi autem et Stephanum domum: ceterum nescio si quem alium vestrum baptizaverim. Non enim mi-

¶ sit me Christus baptizare, sed evangelizare: non in sapientia verbi, ut non evacuetur crux Christi. Verbum enim crucis pereuntibus quidem stultitia est, his autem qui salvi flunt, id est nobis, virtus Dei est. Scriptum est enim: « Perdam sapientiam sapientium, et prudentiam prudentium reprobababo (*Isai. xxix. 14*). » Ubi sapiens? ubi scriba? ubi inquisitor hujus sæculi? Nonne stultam fecit Deus sapientiam hujus mundi? Nam quia in Dei sapientia non cognovit mundus per sapientiam Deum: placuit Deo per stultitiam predicationis salvos facere credentes. Quoniam et Judæi signa petunt, et Græci sapientiam querunt. Nos autem prædicamus Christum crucifixum: Judæis quidem scandalum, gentibus autem stultitiam: ipsis autem vocatis Judæis atque Græcis Christum Dei virtutem et Dei sapientiam; quia quod stultum est Dei sapientius est hominibus, et quod infirmum est Dei fortius est hominibus. Videte enim vocationem vestram, fratres, quia non multi sapientes secundum carnem, non multi potentes, non multi nobiles, sed quæ stulta sunt mundi elegit Deus, ut confundat sapientes; et infirma mundi elegit Deus, ut confundat fortia: et ignobilia mundi, et contemptibilia elegit Deus, et ea quæ non sunt; ut ea quæ sunt destrueret: ut non glorietur omnis caro in conspectu ejus. Ex ipso autem vos estis in Christo Jesu, qui factus est nobis sapientia a Deo, et justitia, et sanctificatio, et redemptio, ut quemadmodum **36** scriptum est, « Qui gloriantur, in Domino glorietur (*II Cor. x. 17; Jer. ix. 22*). »

EXPOSITIO.

Paulus, etc. Quia auctoritate opus erat ad pre-

mendam Corinthiorum superbiam, nomen auctori-
tatis ponit dicens : *Paulus*, quod utique nomen ubi-
que notum est. Paulus dico, *vocatus* a Deo, id est
apostolus divina vocatione constitutus. Vel vocatus
ab omnibus; quia jam omnes noscunt cum esse apo-
stolum. *Apostolus* dico, id est legatus *Christi Jesu*,
id est non se præsumptuose ingerens ut pseudo,
sed legatus Christi Jesu; nec a Christo missus per
exercendæ iræ opportunatatem, ut Saul : sed per
rotundatatem, id est per beneplacitum *Dei*. Paulus
utique et cum eo *Sosthenes frater*; non quia Sosthe-
nes in hac Epistola quidquam scripserit, sed ut
Paulus per hoc ostendat omnes errores se cognoscere,
quia qui de eisdem erat, et inter eos conver-
tabatur, ei nuntiaverat ; ideo etiam ut ostendat

B Sosthenem errores eorum nuntiasse sibi, non malo
animo contra eos habito, sed desiderio correctionis
eorum. Paulus, inquam, et Sosthenes frater, scri-
bunt *Ecclesiæ Dei*, quæ esti *Corinthi*. *Ecclesiæ* dico
sanctificatis, id est a peccatis in baptismo justifica-
tis. Et hoc totum in *Christo Jesu*, non per meritum
baptizantium. Quia ecclesia collectivum nomen est,
satis congrue jungitur plurali, ut dicamus Ecclesiæ
sanctificatis; nec solum per Christum sanctificatis,
sed per gratiam ejusdem *vocatis sanctis*, id est ad
hoc, ut sanctificantur ut totum, et sanctificatio ad
vocationem, ipsaque sanctificatio ex Deo esse co-
gnoscatur, et omne meritum baptizati et baptizatoris
excludatur. Paulus scribit *Ecclesiæ Corinthiorum*
cum omnibus, id est et omnibus Ecclesiis, in eisdem
erroribus detentis. *Omnibus*, dico, qui invocant no-
men *Domini nostri Jesu Christi*, quem in eo quem
invocant, constinentur solum esse justificantem. Nec
omnibus Ecclesiis dico per mundum, sed his quæ
sunt in omni loco ipsorum Corinthiorum, id est omni
Ecclesiæ metropoli Corinthiorum suppositæ, et in
eundem errorem lapsæ, quæ Ecclesiæ et si locus
ipsorum Corinthiorum sunt, quia eis præferuntur
nostro etiam loco, quia sic eas Corinthiis suppono :
ut tamen providentiam meam illis semper adhibe-
bam, quemadmodum Corinthiis. Hoc ideo Paulus
ait, ne Corinthii dicerent : De nobis tantum habes
judicare, nos vero de subditis. Cujus moris adhuc
tenetur regula, quia sumimus pontifex, et si Eccle-
sias Ecclesiis subjucerit, de omnium tamen errore
discutit, sed ex jure mediantibus metropolitanis.
Paulus et Sosthenes scribunt hoc Corinthiis : *Gratia*
sit vobis et pax. Cum inter Corinthios quidam es-
sent, qui gratiam sibi datam in baptismo custodi-
sent integrum, bene agendo : quibus utique remis-
sio non erat optanda, quam jam acceperant, et ac-
ceptam firme tenerant. Cum vero inter eosdem alii
essent, qui gratiam acceptam errando annibilave-
rant, et his iterata remissio esset necessaria, pro hac
diversitate perfectorum et imperfectorum, diverso
modo optanda est hæc gratia, ut dicamus vobis,
qui iterum peccatis, sit secunda gratia, id est iterato
remittantur peccata ; vobis autem qui acceptam ju-
stificationem non irritam fecistis peccando, sit gra-

A tia, id est acceptæ justificationis perseverans custo-
dia. Sic de pace : Peccatoribus sit pax animi resti-
tuta ; non peccantibus tranquillitas animi perseveret.
Gratia, inquam, et pax sit vobis a *Deo Patre nostro*,
et *Domino Jesu Christo*, a quo solo credite esse
omnem justificationem : excluso omni merito bapti-
zatoris. Quia de Corinthiis quidam erant perseve-
rantes in doctrina Pauli, non communicantes errori
aliorum, primum separatim loquitur istis, ut audit
quod bonum suum tanta auctoritatis sit apud Apo-
stolum, magis animentur ad bonum : ideo et ut per
hoc magis incumbant correctioni errantium fratrum
et ut errantes absque reclamatione obedient istis,
cum audierint perfectionem eorum tanti esse apud
Apostolum.

B Unde sic ait : *Gratias ago Deo meo*, id est quem
meum facio, non detrahendo ei, quemadmodum
pseudo, qui dicunt merita baptizantis nocere vel pro-
desse baptizatis. *Gratias utique ago Deo meo pro*
37 *vobis semper*, id est in omni oratione mea. Ago,
inquam gratias in *gratia*, id est in consideratione
gratiae Dei, perseverantis in vobis : quæ gratia data
est vobis in *Christo Jesu*, id est per Christum Jesum,
qui homini reconciliato Deo ministrat hanc gratiam.
De hoc utique gratias ago ; quia, id est quod faeti
estis divites in omnibus, quia et singulas gratias, et
omnes copiose habetis. *Facti dico in illo*, id est per
Christum, cuius sola misericordia dat gratiam. *In*
omnibus dico, scilicet in *omni verbo*, id est in omni
doctrina spiritualium, mediocrium, et simplicium;
divites etiam in *omni scientia litterali*, morali, et
allegorica : ita divites in omnibus, *sicut testimonium*
Christi, id est doctrina de Christo attestata vobis
per Scripturas, sicut, inquam hoc, testimonium *con-*
firmatum est, id est firmiter perseverat in vobis. Ad
quem modum enim firmam tenuistis fidem Christi,
ad eum modum ditavit vos Deus suis gratiis : cuius
rei confirmatione vestra causa et similitudo fuit. Ita
utique testimonium Christi confirmatum in vobis,
ut nihil desit vobis in *ulla gratia*, id est ut omnem
gratiam tam firmiter teneatis, quanta firmitate vobis
tradita est. Vobis dico *exspectantibus revelationem*
Domini nostri Jesu Christi, id est propter securita-
tem quam ex conservata justificatione habetis, se-
cure præstolamini diem vestræ dissolutionis in qua
revelabitur vobis. Dum enim vivimus, anima nostra
circumsepta carne nequit intueri divinam essen-
tiæ, quam plenius intuebitur, dum a mole carnis
liberabitur. Quam revelationem qui bene agit, secure
exspectat ; qui vero male, potius fugere banc vide-
tur quam exspectare. Vos utique Christum exspecta-
tis, qui quemadmodum vos confirmavit in præterito-
sic etiam *confirmabit* continue usque in finem, id est
usque in diem dissolutionis vestræ. Nec ita dico *con-*
firmabit, ut a venialibus vos cohibere possitis, sed
confirmabit sine crimine, id est immunes factos a
capitalibus. *In finem dico*, scilicet usque in die ad-
ventus *Domini nostri Jesu Christi*, qui unicuique
justo advenit, in dissolutione suscipiens animam.

*e*ius transferendam. Ideo sic determinavit *sine cri-*
mine, ne si forte viderent eos in venialibus cadere,
insultarent et dicerent: Ecce nunc appareat justitia
eorum quos Paulus tanti faciebat. Vere de cætero
confirmabit; nam hoc promisit, dicens: « Ecce ego
vobiscum sum omnibus diebus usque ad consumma-
tionem sæculi (*Math. xxvii*, 20). » Deus utique, qui
promisit, fidelis est et mentiri non potest: unde con-
fido, quia confirmabit; cōfido etiam ideo, quia per
quem Deum vocati estis. Qui si vos dum in peccato
essetis, per misericordiam vocavit, credendum est
utique quod jam justificatos et jam promerentes con-
firmet de cætero. Per quem utique vocati estis in
habendam societatem Filii ejus, id est ut pro modo
vestro in justitia cum Filio ejus permaneatis. Nec
adoptivi filii dico, sed Jesu Christi nostri proprii et
consubstantialis.

Postquam perfectos in bono suo corroboravit,
convertit sermonem ad eos qui peccaverant in præ-
dictis, dicens: Vos perfectos de confirmatione vestri
laudo; sed vos qui erratis obsecro, id est omni distinc-
tione conjuro per nomen Domini nostri Jesu Christi,
quos tamen fratres appello, licet erraveritis. Ideo fratres eos vocal, ne si, non fratres eos appellaret,
*pr*æ nimietate peccati desperarent. Obsecro,
inquam, vos ut omnes dicatis id ipsum, id est ut omnes
confiteamini solum Deum posse peccata dimittere;
et hoc dicendo non sint in vobis schismata, id est
aliquæ scissuræ infidelitatis. Schismata non sint;
sed satis perfecti in eodem sensu, id est in eadem
voluntate, et in eadem scientia, ut idem et velitis et
sciatis: sunt enim qui idem volunt, nec tamen idem
sciunt. Sunt alii quorum diversa est voluntas, et
tamen est eadem scientia. Propterea sic vos obsecro,
quia significatum est mihi per litteras de vobis fratres
mei, quod per eam prædicta repetit. Significatum est utique ab his qui sunt Cloes, quia, id est
quod contentiones sunt inter vos, id est quod alter
contendat in alterum. Cloes nomen est loci in ar-
chiepiscopatu Corinthiorum, unde hæc contentio
mandata fuerat ipsi per Sosthenem. Quod nomen
hic ideo ponit, ne errorem suum dissimulare velint
Corinthii. Scientes quod Paulus ab eisdem qui inter
eos conversantur, hoc agnoverit. Nec solum quod
33 *contentatis novi, sed etiam verba ipsius con-*
tentionis. Hoc autem dico, quod dicit unusquisque
vestrum præferens se de baptizatore suo alter in al-
terum. Hoc utique dicit: Ego quidem longe majori
justitiae discretus ab illo, qui inferiorem habuit, ba-
pitzatorem. Ego quidem sum Pauli. Ego autem
Apollo, qui erat archiepiscopus Corinthiorum. Ego
vero Cephae, id est Petri. Non ideo hæc nomina ponit
quod de his gloriarentur, cum nec Petrum vidissent;
sed ideo, quia si nomina illorum pseudo, de quibus
gloriabantur, reponeret, dicerent Paulus quia invidet
istis, nollet nos gloriari de nominibus eorum, sed
bonum judicaret, si de nomine suo sociorumque
gloriaremur. Ad hoc removendum posuit Paulus
nomen suum et Petri ostendens quod suo nomine

A nollet eos gloriari. Quod si non de nomine Pauli,
multo minus gloriandum est de pseudodoctoribus. Infideles hoc dicunt: Ego Pauli, ego Cephæ. Sed
fidelis dicit: Ego sum Christi cuius gratia sola justi-
ficat. Et quia hic dicit se esse Pauli, hic alterius,
ergo Christus divisus est, et jam non unus sed multi
Christi sunt. Quisque enim baptizatorem suum facit
Christum, dum dimittere peccata, quod Christi so-
lum est, attribuit illi. Vel ita: Christus divisus est,
quia divisim dat munera gratiæ suæ, dum minus
per istum, magis per illum justificat. Vel quia sic
male dicendo erratis, propterea Christus divisus
separatus est a vobis. Vos Christum dividitis, fa-
ciendo quisque suum Christum. Vel creditis Chri-
stum divisim dare gratiam, sed nunquid Paulus,
quem aliqui in vobis Christum suum faciunt, vel
propter cujus meritum creditis Christum melius
dare uni quam alii? Sed nunquid Paulus crucifixus
est pro vobis? Hoc utique negare non potestis, quo-
niam per Christum redempti sitis, quem Paulus
non attigit. Aut nunquid in nomine Pauli baptizati
estis?

C Si utique verba baptismi solerter attenderitis, qui-
bus Deo soli confitemini, intelligerelis omnem justi-
ficationem esse ex Deo; et quandoquidem hoc bo-
num baptismi vobis errantibus fit in malum, ideo
quia hoc bonus non feci, gratias ago Deo meo quod
neminem vestrum baptizavi nisi Christum et Gaium;
propterea nolo aliquos baptizasse, ne dicat aliquis
quod in nomine meo baptizati estis. Cum Crispio et
Gaio baptizavi et domum, id est familiam Stephanæ.
De his recordor; sed nescio si forte aliquem alium ba-
pitzaverim. Ideo tam paucos baptizavi, quia Christus
non misit me baptizare. In hoc multum humiliat mi-
nisterium baptizandi, ubi dicit se non esse missum
ad hoc, quod etiam facere possunt quilibet infideles,
si necessitas poposcerit. In quo tamen Corinthii vi-
cissim se præferabant alter alteri. Dicit hic sacra-
mentum Ecclesiæ ideo tempore necessitatis conces-
sum esse, etiam infidieli; quia est illud, sine quo
nemo potest salvari. Sed alia sacramenta promissa
sunt ideo solis ministris, quia si ad salutem prosint,
non sunt tamen ea sine quibus homo nequeat sal-
vari; quia sola fides baptismatis (si integre servata
est) ad salutem sufficit. Hic de baptismo finem facit,
et de prædicatione sua sermonem incipit, dicens:
Christus non misit me baptizare, sed evangelizare.
Prædicare quidem misit me, non in sapientia verbi,
id est non in verbosa sapientia mundi; et hoc ideo,
ut non evacuetur crux Christi. Si enim rationes hu-
manae sapientiae sequerer, quæ penitus destruunt
immortalem mori posse, mortuum iterum vivere,
jam penitus comprobaretur Christum non gustasse
mortem crucis, et sic destrueretur pretium totius
salutis: quare non in verbosa sapientia mundi mis-
sus sum, secundum quas rationes facile evacuari
potest crux Christi. Vere si sequerer sapientiam
mundi, evacuaretur crux Christi. Nam verbum, id
est prædicatio crucis pereuntibus, id est sapientibus

mundi, qui ideo pereuntes dicuntur, quia sapientia eorum cito peribit et destruetur. Vel quia propter hanc sapientiam peribunt et damnabuntur. Verbum utique crucis sapientibus *quidem* hujus mundi *stultitia est*; quia humana ratio neminem cogit ut Christus, qui immortalis erat in natura, mori potuerit, qui mortuus iterum vixerit. *Pereuntibus* quidem est stultitia; *sed his qui salvi sunt*, id est, nobis, qui a verbosa sapientia declinamus, nobis utique verbum **39** crucis est *virtus Dei*. Considerantes enim per tantam debilitatem (uti per mortem) superari antiquum hostem, cuius fortitudo in omne genus hominum prævaluerat, miramur in hoc magis virtutem Dei, ubi per debilitatem destruxit fortitudinem. Quia si per apertam fortitudinem minorem extingueret potentiam, vere non in sapientia verbi misisset me Deus: sic enim scriptum est in Abdia: *Ego perdam* (ait Dominus) *sapientiam sapientium* (*Abdi.* 1, 8; *Isai.* xxix, 14); sive quia destruam illam, sive quia damnabo illos, propterea adhæserunt humanæ sapientiae. Nec solum sapientiam perdam, sed etiam *prudentiam*, id est providentiam qua callide sciunt præmunire sententias suas, ne aliqua impugnatione frangantur. Quidam enim habent sapientiam artis, qui tamen nesciunt se satis præmunire contra cavillationes objicientis. Illam utique prudentiam *reprobabo*; quia neminem de hujus mundi prudentibus in ministerio meæ prædicationis assumam; vel jungitur ibi ubi ait: *pereuntibus*. Vere pereuntes: nam scriptum est: «*Perdam sapientiam sapientium.*» et vere hujusmodi prudentes reprobantur. Haec sunt verba Apostoli. Nam *ubi est sapiens*, id est logicus ille qui in argumentatione sua confidit: et *ubi est scriba*, id est ethicus qui de moribus agit; et *ubi conqueritor hujus seculi*, id est physicus, qui naturas omnium rerum conquirit? Si logicus ille dicat, si peperit, cum viro concubuit, mentitur; quia Maria sipe coitu virili de Spiritu sancto concepit. Si ethicus de moribus, de cultura idolorum doceat, repellitur; quia novi mores, novus cultus inductus est. Si iterum physicus dicat repugnare naturæ, ut virgo pariat, mortuus vivat, mendacii reus est. Quandoquidem et sapiens, et scriba, et physicus repelluntur, nonne per hoc palam est, quod *Deus fecit*, id est comprobavit esse *stultam sapientiam hujus mundi*; ideo Deus sapientiam hujus mundi repellit: nam sic placuit *Deo*; et cum audias hoc placere Deo, causam hujus ne quæseris. Placuit utique Deo per *stultitiam prædicationis*, id est et per stultam rem prædicatam et per stultos prædicatores *salvos facere credentes* in se: ideo per stultitiam placuit ei salvare credentes, *quia mundus*, id est homines mundi *non cognoverunt Deum* per carnalem *sapientiam*.

Quod si aliqui philosophi intellexerunt esse unum Deum, qui omnia creasset, non tamen hoc cognoverunt in sapientia Dei, id est ut intelligenter consilium Dei, quo ordine disponebat salvare perditum hominem per incarnationem Verbi, et cetera. Vel

A ita, quod mundus non cognovit Deum per suam sapientiam. Hoc fuit in sapientia Dei, id est ita placuit sapientia Dei, ut mundanae non admiseret suam. Vere per stultitiam salvavit credentes: nam et res prædicata stulta fuit, et prædicatores stulti. Vere per rem stultam prædicatam; nam quoniam *Judæi* qui ianu per signa Deum ut in *Ægypto* cognoverant, petunt adhuc *signa*, ad comprobandum esse verum de Christo quod prædicatur; et *Græci*, id est gentiles qui Deum ignorant, querunt *sapientiam*, id est volunt sibi per mundanas rationes approbari quod de Christo dicitur: *Nos autem*, ut satisfaciamus *Judæis*, *prædicamus Christum virtutem Dei*, quia *Judæi* virtutem miraculorum requirunt: *Græcis* vero querentibus sapientiam prædicamus *Christum esse sapientiam Dei*, quod utrumque electis quidem *Judæis* et *Græcis* virtus est et sapientia, sed *reprobatis scandalum est et stultitia*. Et ideo diximus per stultam rem salvos fieri credentes. Nunc litteram exponamus. Vere per stultitiam Deus salvat credentes; quoniam *Judæi* quidem petunt *signa*, qui per miracula Deum cognoscere consueverunt. Et *Græci* mundanam querunt sapientiam, quia aliud non intelligunt. Nos autem stulti prædicamus rem stultam, scilicet Christum crucifixum: *Judæis quidem scandalum*, quia impropperatur eis quod regem suum cruciferunt; *Gentibus autem stultitiam*, quia intelligere nesciunt qua ratione quem Deum dicimus, eundem mortuum fuisse dicamus. *Judæis* quidem et *Græcis* reprobatis scandalum est et stultitia; sed *ipsis Judæis atque Græcis vocatis*, id est a Deo electis, prædicamus *Christum virtutem Dei*, quod Deus majus miraculum **40** operari non potuit quam per mortem destruere mortem. Prædicamus etiam Christum sapientiam Dei; quia major sapientia nequit inveniri quam per humilitatem superbiam et per debilitatem destruere fortitudinem. Vere Christus est sapientia Dei. Nam illud Dei quod est stultum secundum estimationem hominum, *sapientius est hominibus*. Vel quia homines tantam sapientiam capere, vel tam sapienter operari nequeunt. Et vere Christus est virtus Dei. Nam illud Dei, quod est infirmum secundum carnales, hoc est fortius hominibus. Vel quia intelligere virtutem hanc nesciunt. Vel quia tanta fortitudine nihil facere queunt. Vel aliter superior littera jungitur ita: ideo mundus non cognovit Deum per sapientiam; quoniam *Judæi* petunt *signa*, et *Græci* sapientiam; nos vero prædicamus Christum crucifixum; *Judæis* quidem non signum sed scandalum; *Græcis* autem vel gentibus non sapientiam sed stultitiam. Et quia in cruce Christi nec virtutem nec sapientiam mundus intelligit: ideo Deum non cognovit. Et est ibi finis sententie. Sed licet reprobis *Judæis* atque *Græcis* Christi crux scandalum sit et stultitia,

tamen ipsis Judæis vocatis atque Græcis Christus est A Dei virtus et Dei sapientia. Sequens littera non mutatur; probavit ex parte quod per stultitiam: nam per stultam rem prædicatam salvarentur credentes; probat nunc aliam partem scilicet, quod per stultos prædicatores salvaverit Deus credentes, dicens: Vere per stultitiam salvavit Deus credentes.

Videte enim vocationem, id est vocatores vestros per quos ad fidem vocati estis. Hoc, inquam, videte de eis; quia non multi sapientes, et cetera. Sed quæ stulta sunt elegit Deus in ministerio vocationis vestrae. Vel ita jungitur ad proximum. Vere illud Dei quod stultum et infirmum est, sapientius et fortius est hominibus. Nam modo videte vocatores vestros, invenietis eos stultos et infirmos. Et secundum hanc continuationem illud procedens, id est quod stultum et infirmum est Dei, sapientius et fortius est hominibus, respicit ad comprobandum prædicatores stultos suis; sicut in praecedenti voluit ad hoc ostendendum, quod res prædicata fuerit stulta. In sequenti etiam notatur effectus hujus stultitiae et insipientiae. Videte, inquam, vocationem vestram, id est per quos vocati estis fratres; quia in eis non sunt multi sapientes secundum carnem, id est carnalem sapientiam; non sunt multi potentes secundum carnem; non multi nobiles, secundum carnis generositatem. Dicunt sancti ideo Paulum dixisse, non multi, quia ipse fuit sæcularium litterarum perfectus, terrenarum opum dives, Romana parentela conspicuus. Vocatores utique vestri, nec sapientes nec nobiles, sed Deus elegit ea quæ stulta sunt mundi, id est quæ mundus stulta reputat, ut per hæc Deus stulta confundat, id est erubescere faciat sapientes mundi, videntes se non posse resistere argumentis suis stultis præparatoribus Dei. Elegit etiam Deus infirma mundi: eos scilicet qui nullius potentiae erant in mundo, ut per hæc infirma confundat fortia, id est potentes mundi erubescere faciat. Et ignobilia mundi, id est eos qui de genere suo non possent gloriari; et contemptibilia, id est eos, in quibus nec aliqua personarum reverentia; hæc elegit Deus, et (ut singula enumere) et ea quæ non sunt, id est quæ nulla esse mundo videbantur, hæc elegit Deus, ut per ea quæ non sunt destrueret ea quæ sunt, id est quæ bona mundi esse videntur. Et hoc totum sic ideo fecit Deus, ut omnis caro non gloriatur, id est ut omni carni conveniat non gloriari in conspectu ejus, scilicet quia si prædicatores abjectionem sui considerarent: vel gentes eos conversæ intelligerent, nihil sibi, sed totum referendum esse gratias Dei. Vel ita: Ut ejus non sic obliquetur, non gloriatur omnis caro in conspectu ejus Dei, id est considerans virtutem Dei et infirmitatem suam; nec præparator sibi nec subditi ascribant aliquid magistris, 91 sed totum gratiae Dei. Sed licet prædicatores stulti essent et infirmi, vos tamen nihil minus propter hoc habuistis: estis enim in Christo Jesu filie facti. Et cum tanta infirmitas præparatorum appareat, vos tamen nihil minus habetis; constat

B per hoc totum esse ex ipso Deo, et nihil ex merito doctorum.

Hic optime consideratur effectus stultitiae et infirmitatis. Vos, inquam, estis in Christo Jesu, qui Christus factus est nobis sapientia a Deo, quia Deus per Christum instruens nos, efficit nos sapientes ministeriorum Dei; et ut sapientes efficeret, factus est nobis justitia, faciens nos vivere in justitia virtutum. Ut autem in justitia viveremus, factus est nobis sanctificatio. Sanctificavit enim nos remittendo peccata; et ut sanctificaret, factus est redemptio, id est dedit premium sanguinis sui, quo nos redimeret, ut redemptos sanctificaret; sanctificatos in justitia virtutum confirmaret, et in justitia manentibus sapientiam daret. Hæc omnia factus est nobis, ut quicunque gloriantur, glorietur non in se, vel in doctoribus, sed in Deo: ad quem modum scriptum est in Jeremias sic: In hoc gloriaretur qui gloriatur scire et nos me, quia ego sum Dominus (Jer. ix, 24).

CAPUT II.

Et ego cum venissem ad vos, fratres, veni non in sublimitate sermonis aut sapientiae, annuntians vobis testimonium Christi. Non enim judicavi me scire aliquid inter vos, nisi Iesum Christum, et hunc crucifixum. Et ego in infirmitate et timore et tremore multo fui apud vos: et sermo meus et prædicatio mea non in persuasilibus humanæ sapientiae verbis, sed in ostensione spiritus et virtutis: ut fides vestra non sit in sapientia hominum, sed in virtute Dei. Sapientiam autem loquimur inter perfectos. Sapientiam vero non hujus sæculi, neque principum hujus sæculi, qui destruuntur, sed loquimur Dei sapientiam in mysterio, quæ abscondita est, quam prædestinavit Deus ante sæcula in gloriam nostram, quam nemo principum hujus sæculi cognovit; si enim cognovissent, nunquam Dominum gloriae crucifixissent. Sed sicut scriptum est: Quod oculus non vidit, nec auris audivit, nec in cor hominis ascendit, quæ præparavit Deus his qui diligunt illum (Isai. LXIV, 4). Nobis autem revelavit Deus per Spiritum suum. Spiritus enim omnia scrutatur, etiam profunda Dei. Quis enim scit hominum, quæ sunt hominis, nisi spiritus hominis, qui in ipso est? Ita et quæ Dei sunt nemo cognovit, nisi Spiritus Dei. Nos autem non spiritum hujus mundi accepimus, sed Spiritum qui ex Deo est, ut sciamus quæ a Deo donata sunt nobis, quæ et loquimur, non in doctis humanæ sapientiae verbis, sed in doctrina Spiritus, spiritualibus spiritualia comparantes. Animalis autem homo non percipit ea quæ sunt Spiritus Dei: stultitia enim est illi, et non potest intelligere, quia spiritualiter examinatur. Spiritualis autem judicat omnia et ipse a nemine judicatur, sicut scriptum est: Quis enim cognovit sensum Domini, aut quis instruat eum? (Isai. XL, 43;

¶ Sap. ix, 13; Rom. xi, 34.) » Nos autem sensum Christi habemus. »

EXPOSITIO.

Dixi quod vocatores vestri stulti et contemptibilis fuerant: et quemadmodum illi, sic ego ipse cum venissem ad vos, o fratres, non veni per sublimitatem sermonis, id est, laborans artificiose loqui: et uti gloriose verbis, cum utique propter insipientiam non dimisi; aut non veni per sublimitatem sapientiae, ut per mundanam sapientiam vobis praedicarem. Sunt enim quidam qui sublinas quidem sermones habent, nec tamen tantam sapientiam artis. Iterum quidam sciunt precepta artis, non tamen satis habentes artificii locutionis. Ego, inquam, per sublimitatem sermonis aut sapientiae non veni *annuntians vobis Christum*: et hoc per testimonium, quia quod de Christo dicebam, sic testificatum in prophetis ostendebam. Vere non in sublimitate sermonis aut sapientiae praedicavi: **92** non enim judicavi me scire aliquid inter vos, cum utique multa scirem, nisi Christum Jesum, et hunc secundum stultitiam gentium et infirmitatem Judeorum crucifixum. Non enim pretuli me aliis praedicatoribus pro sapientia mundi quam habueram; sed eamdem stultitiam, id est crucem Christi praedicavi, quemadmodum illi: per sublimitatem sermonis et sapientiae non veni, nec etiam per reverentiam personae; sed ego *apud vos in infirmitate*, id est in multa tribulatione, et propter hanc infirmitatem *fui in timore Dei et tremore corporis*. Et licet haec omnia paterer, tamen sermo meus quem habebam in privatis, et *praedatio mea in publico habita non fuit in persuasilibus verbis humanae sapientiae*, id est non tantum studi apposite loqui ad persuadendum; sed fuit *praedatio mea in ostensione spiritus*, id est ut Spiritus sanctus comprobaretur loqui per me. *Et in ostensione virtutis*, id est miraculorum Dei: et ideo in spiritu et virtute Dei solum, *ut fides vestra, quam vobis ministravi, non sit in sapientia hominum, sed constet in virtute Dei*. Et licet nihil me judicaverim scire apud vos, tamen nos sapientiam loquimur, sed *inter perfectos*, vobis autem quia imperfecti eratis, loqui non posui. Sed licet non loqueremur eam vobis, tamen habemus sapientiam, nec carnalem sed spiritualem, quae longe dignior est carnali cui adhaerens. Quod sic ait: *Sapientiam quidem habemus, sed non eam quae sit hujus saeculi, id est carnalium. Neque etiam eam quae sit principum hujus saeculi, id est vel philosophorum, vel malignorum spirituum, qui principiantur hominibus mundi, qui principes destruantur, et secundum doctrinam et secundum hoc quod propter falsam doctrinam damnantur. Sapientiam hujus saeculi non loquimur, sed loquimur sapientiam Dei, existentem in mysterio. Sapientiam Dei hic vocat illud consilium, quo Deus per incarnationem Filii humanum genus salvare dispositus. Sapientiam hanc loquimur latenter mysterio; nec ita, ut quicunque possint eam animadvertere, ut mysterium baptissimi et quedam alia, sed quae abscondita est, et ne-*

A mini nisi paucis per Spiritum sanctum revelata. Quam sapientiam Deus prædestinavit ante saecula, id est Deus ab æterno sic futuram præordinavit, in gloriam nostram, id est omnium fidelium, ut omnes per hanc habeamus æternam gloriam. Vel ita in gloriam nostram, id est prædicatorum, qui ministramus hanc sapientiam. Conveniens quidem fuit, ut nos qui ministramus aliis, copiosius aliis de hac sapientia intelligeremus; quia sapientiam nemo principum hujus saeculi, id est philosophorum vel demonum cognovit. Vere principes non cognoverunt: nam si cognovissent, nunquam crucifixissent, diaboli qui hoc posuerunt in cor Judæ, ut tradiceret eum, vel in corda Judæorum, ut crucifigerent Jesus. Nunquam utique crucifixissent, quem per hanc B crucifixionem scirent esse Dominum gloriae. Si cognovissent, non crucifixissent. Sed non cognoverunt, sicut scriptum est in Isaia. Hoc, inquam, scriptum est, *quod oculus non vidit (Isai. LXIV, 4)*. Illud quod de littera Pauli est, et non Isaiae sic dicentis: *Oculas, id est sensualis homo, non per se vidit; et auris, id est idem sensualis quod per se intelligere non potuit, ab alio docente non audivit; nec etiam in cor, id est in ipsam rationem hominis, id est humaniter sapientis, ascendit*; quia si homo intelligeret, tunc utique quod non intelligens vide credit, ascenderet in eo, et magnum esse crederet. Haec, inquam, nec vidit nec audivit quae, id est *quanta et quam digna Deus prepararit his qui diligunt eum*. Vel illud quod nomen esse legatur sic. Scriptum est hic, quia illud quod *oculus non vidit*, et cetera: est illa quae *præparavit Deus diligenteribus se*. Et est satis bona relatio.

Diceret aliquis: Si in cor hominis hoc non ascendet, quomodo ergo tu nosti? Ad hoc Paulus: Nemo quidem hujus saeculi cognovit; sed nobis qui jam mundum eximus, revelavit hoc Deus per Spiritum suum. Spiritus enim Dei docuit, in quo humana sapientia penitus deficit. Credendum est utique quod per Spiritum **93** suum revelaverit nobis Deus: Nam *Spiritus Dei scrutatur omnia*, non quod ipse ignotum quid habeat, quare eum scrutari oporteat, sed quia aperit nobis omnia quae maximo scrutinio sunt investiganda. Aperit etiam nobis *profunda Dei*, id est altiora et occultiora essentiae Dei, ut illud quomodo Trinitas in unitate, unitas in Trinitate maneat; probat quod dixit a minori et a simili ita: Vere *Spiritus Dei* tantum scrutari potest ea quae sunt Dei. Nam *spiritus hominis* tantum norit ea quae in ipso homine sunt; et si solus spiritus hominis novit ea quae sunt ejus hominis, per simile et a majori constat, quod *Spiritus Dei* solus scrutetur ea quae sunt Dei. Quod sic ait: *Spiritus, inquam, scrutatur profunda Dei*. Nam quis hominum scit ea quae sunt hominis alterius, nisi spiritus ejusdem hominis qui est in ipso? Nemo utique. Et quandoquidem nemo cognoscit quae sunt hominis, nisi spiritus ejusdem; ita simili ratione, et ea quae Dei sunt, nemo cognovit nisi *Spiritus Dei*, qui nobis revelavit sapientiam Dei. Dixerat qui-

dem Deum revelasse sibi per Spiritum; sed nondum dixerat eos accepisse Spiritum illum, de quo subjugit: Nobis non tantum revelavit per Spiritum suum Deus, sed etiam nos accepimus spiritum non hujus mundi, sed Spiritum qui est ex Deo, ut per eum Spiritum sciamus mysteria Dei, quae per gratiam donata sunt nobis a Deo, quae etiam loquimur et manifestamus, non in doctis verbis humanæ sapientiae bærendo; sed loquimur haec in doctrina Spiritus, id est secundum quod dictat Spiritus sanctus, et docet nos. Nec quibuscumque loquimur haec mysteria, sed tantum spiritualibus, nos dico comparantes, id est æquo examine trutinantes spiritualia spiritualibus; quia si spirituale auditorem habemus, spiritualia ipsi damus; si carnalem, reticemus. Spiritualis spiritualia percipit; sed homo animalis qui sensualitate sola viget, ut aliud animal, non ratione, hic, inquam, non percipit ea quæ sunt Spiritus Dei. Propterea non percipit, quia stultitia est illi, id est quia quod spiritus docet stultum reputat adhaerens carnalitati; et quia stultitia est illi, ideo non potest intelligere quæ sunt Spiritus Dei. Animalis utique non potest intelligere, quia examinatur, id est comprobatur animaletas ejus, et de impietate sua convincitur spiritualiter, id est per spiritualia illa quæ ipsi conceduntur. Deus enim quibusdam dat quasdam gratias, sciens eos pro certo gratiæ non cooperaturos; sed hoc facit ut manifesta sit impiorum justa damnatio. Vel ita ut impersonale sit, examinatur. Animalis ideo homo non percipit ea quæ sunt spiritus; quia examinatur, id est fit examinatio et approbata cogitatio eorum spiritualiter vivendo. Hi autem qui carnaliter vivunt, intelligere nequeunt. Animalis non percipit; sed spiritualis judicat omnia, id est discernit eligendo bona, reprobando mala. Et ipse spiritualis judicatur a nemine animali. Carnalis enim nequit animadvertere causam, quare spiritualis hoc eligit, alterum rejiciat. Vere spiritualis non judicatur a carnali. Nam spiritualis habet sensum Christi, quem carnis cognoscere nequit. Quod ita ait: *Quis animalis cognovit sensum, id est sapientiam Domini*, ut noverit dispositiones ejus. Aut quis instruat eum quid faciendum ipsi sit, quid non faciendum? Animalis utique sensum Domini non cognovit, sed nos per spiritum quem accepimus, habemus sensum Christi; et ideo a nemine carnali possumus judicari.

CAPUT III.

¶ Et ego fratres, non potui vobis loqui quasi spiritualibus, sed quasi carnalibus. Tanquam parvulus in Christo, lac vobis potum dedi, non escam. ¶ Nondum enim poteratis, sed nec nunc quidem potestis. Adhuc enim carnales estis. Cum enim sit inter vos zelus et contentio, nonne carnales estis, et secundum hominem ambulatis? Cum enim quis dicat, Ego quidem sum Pauli; alius autem ego Apollo, nonne homines estis? Quid igitur est Apollo? Quid vero Paulus? Ministri ejus cui credidistis. Et unicuique sicut Dominus **¶** dedit. Ego plantavi, Apollo rigavit: sed Deus incremen-

A tuin dedit. Itaque neque qui plantat est aliquid, neque qui rigat; sed qui incrementum dat, Deus. ¶ Qui autem plantat et qui rigat, unum sunt. Unusquisque autem propriam mercedem accipiet, secundum suum laborem. Dei enim sumus adjutores; Dei agricultura estis; Dei ædificatio estis. ¶ Secundum gratiam Dei quæ data est mihi, ut sapiens architectus fundamentum posui; alius autem superædificat. Unusquisque autem videat quomodo superædificet. Fundamentum enim aliud nemo potest ponere, præter id quod positum est, quod est Christus Jesus. Si quis autem superædificat supra fundamentum hoc, aurum, argentum, lapides pretiosos, ligna, fenum, stipulam, uniuscujusque opus manifestum erit. Dies enim Domini declarabit, quia in igne revelabitur: et uniuscujusque epus quale sit, ignis probabit. Si cuius opus manserit quod superædificavit, mercedem accipiet. Si cuius opus arserit, detrimentum patietur: ipse autem salvus erit, sic tamen quasi per ignem. Nescitis quia templum Dei estis, et Spiritus Dei habitat in vobis? Si quis autem tempulum Dei violaverit, disperdet illum Deus. ¶ Tempulum enim Dei sanctum est, quod estis vos (*II Cor. vi, 16*). ¶ Nemo vos seducat. Si quis videtur inter vos sapiens esse in hoc sæculo, stultus fiat ut sit sapiens. Sapientia enim hujus mundi stultitia est apud Deum. Scriptum est enim: « Comprehendam sapientes in astutia eorum (*Job. v, 13*). » Et iterum: « Dominus novit cogitationes sapientium, quoniam vanæ sunt (*Psalm. xciii, 11*). » Nemo itaque glorietur in hominibus. Omnia enim vestra sunt, sive Paulus, sive Apollo, sive Cephas, sive mundus, sive vita, sive mors, sive præsentia, sive futura. Omnia enim vestra sunt: vos autem Christi; Christus autem Dei. ¶

EXPOSITIO.

Licet fratres spirituales sinus, sicut ostensem est, et spiritualia doceamus, tamen ego, fratres, non potui vobis loqui quasi spiritualibus, sed quasi carnalibus locutus sum: et quia carnales eratis, dedi vobis tanquam parvulis in Christo, id est teneris in fide Christi lac potum. Per lac significat dulcedinem doctrinæ; per potum, facilitatem. Dedi vobis lac, non escam, id est illam doctrinam in simplicitate vestra ruminare, quæ potius erat facilitate nutrienda, quam difficultate premenda. Ideo spiritualia non dedi, quia nondum capere poteratis, sed necdum quidem potestis, licet de novis doctoribus modo gloriemini. Vere nondum potestis. Nam adhuc carnales estis. Et vere carnales. Nam cum modo sit inter vos zelus, id est invidia animi, et contentio in verbis, nonne carnales estis? et nonne ambulatis secundum hominem, id est secundum carnalem doctrinam eorum hominum quos sequimini? Vere carnales estis et secundum hominem ambulatis; quia cum aliquis vestrum dicat: Ego quidem sum Pauli; alius autem dicat: Ego sum Apollo: nonne homines estis, id est nonne secundum hominem sapitis? Quia dicitis ego Pauli,

ego Apollo : *Dicitur* dicte mihi quid est Apollo, quid vero Paulus, et quid eos conferre vobis creditis? Hoc vere de eis sentire potestis, quia ministri sunt ejus, cui vos credidistis. Et nihil aliud sunt, nisi quod ex præcepto Dei ministrant vobis quæ Dei sunt, licet diverso modo. Quia sicut Dominus dedit, ita cūque nostrum, ad eum modum ego plantavi, id est evangeli zavi, et ad fidem vos traxi; Apollo vero rigavit, id est baptizavit, vos jam per me credentes; sed Deus solus dedit incrementum bonorum per Spiritum suum. Sequitur metaphoram plantatæ arboris, quam alius rigat, alius plantat, et [cui] Deus solus incrementum dat. Et quia solius Dei est incrementum dare, itaque neque ille qui plantat est aliquid, quantum ad donum fidei, neque ille qui rigat, aliquid est in remittendis peccatis, sed Deus totum est qui solus dat incrementum fidei, et sequentis justitiae.

Diceret adversarius : Licet ministri sint Dei, tamen diversi sunt in meritis, et merita credo aliquid conferre mihi. Contra hoc Paulus : Licet alter dignior, alter minus, tamen 95 qui plantat et qui rigat unum et indifferentes sunt in administrando, solummodo donum Dei dispensant, quod nec augeri potest, nec minui, bonis malisve meritis eorum. Licet qui plantat et qui rigat indifferentes sint, in eo quod ministri sunt Christi, in eo tamen differunt, quod unusquisque accipiet propriam mercedem, mensurata sibi secundum suum laborem, id est pro modo quo in opere Dei laboravit. Plus enim ei debetur, qui plus meretur. Et hoc bene ad intentionem. Ubi enim ostendit se magis aliis in fide Corinthiorum promereri, et de se gloriandum non esse subditis, dicit : Longe minus in his qui minus merentur gloriandum, et nihil penitus esse ostendit. Revertamur ad litteram. Vere secundum proprium laborem accipiet mercedem : nos enim in vobis Deum plus aliis adjuvimus, et ideo plus aliis remunerabimur, quod ita ait : *Nos sumus adjutores Dei*, id est operarii; et ut servi ministrando præceptis Domini adjuvimus Deum in vobis, ministrando fidem ejus sicut ipse nobis disposuit. Vere Deum adjuvimus in vobis. Nam vos estis agricultura Dei, id est cultus agri, a quibus jam eradicata sunt spinæ peccatorum. Estis, inquam, agricultura per ablationem malorum, et estis ædificatio Dei, per positionem virtutum, quia super fidem vestram Deus jam alias virtutes ædificavit. Et quod estis agricultura et ædificatio Dei, hoc est per me. *Ego enim posui fundatum*, id est fidem super quam fundantur aliae virtutes. Posui utique *ut architectus*, id est princeps tecti, quia et si aliqui coadjutores in vobis habui, ego tamen princeps ibi fui. Architec-tus dico sapiens, id est cum discretione singulis, quod capacitati eorū sufficere poterat, impertiens. Hoc autem feci secundum gratiam Dei : fundare enim vos in fide non possem, nisi operaretur mecum gratia Dei, ad quam habendam non præmisi meritum, sed quæ ex misericordia data est mihi. Ego quod ad me pertinuit, sanum fundamentum

A posui; sed alius cujus est ædificare super hoc fundatum, videat quid superædificet. Alius enim est qui ædificat super hoc fundatum; quasi diceret Quod meum fuit fundatum, posui; quod vestrum est, videte ut bene superædificetis. Ille superædificare dicitur, qui vel virtutes ædificat, vel si peccat, non ita tamen ut fundatum destruat : quod destruitur per criminalia, nisi per aptam poenitentiam deleantur. Destruitur etiam per venialia; quæ non solum ex necessitate habemus, cum etiam justus septies cadat in die (Prov. xxiv, 16). Sed per ea venialia, quæ ex voluntate, et imponentes in eis consentiendo admittimus. Ego quidem provide posui fundatum. Videat autem unusquisque vestrum quomodo ædificet super hoc fundatum : arbitrio enim vestro jam per acceptam gratiam confortato relinquitur hoc opus.

Notandum est quod superædificare dicuntur his solum, quorum culpis non destruitur fundatum. Qui enim destruit, potius dicenda est eversio peccati, quam superædificatio. Videndum utique est vobis de superædificatione, ne varietur. Nam de fundamento securos vos reddo, quia unum est. Nemo enim potest fundare aliud fundatum quod sit præter id quod positum est a me, quod fundatum, id est fides, est Christus Jesus. Fides enim tua de Christo (juxta Augustinum) Christus est in corde tuo. Si quid enim aliud præter fidem ponitur, eversio fundamenti, non fundatum est. Fundatum quidem unum est, et aliud esse nequit, sed superædificationes sunt diversæ; quia aliud aurum, aut argentum, aliud fenum vel stipulam superædificat. Quod ita ait : *Si quis autem superædificat supra hoc fundatum*, id est fidem, aurum, argentum, lapides pretiosos : per hæc tria, virtutes, sed discretæ intelliguntur. *Vel ligna, fenum, stipulam*, per hæc tria discreta mala, quæ tamen fundatum non destruant, accipiuntur. Hæc autem omnia per ignem (sicut proxime subjungit) probabuntur. Per aurum perfecta justitia, ut eorum nihil penitus purgandum sit, qui utique per ignem transituri sunt; non ut ibi aliqua acerbitate detineantur, sed sicut purissimum aurum igni adhibitum, 96 non solum nullum patitur detrimentum, sed per hoc majori nitore fit splendidius, sic perfecti, ignis utique læsionem non sentiunt, sed probabiliores agilitate virtutum ab hoc igne faciliter emergunt. Per argentum significantur justi, in quibus tamen aliqua levia purganda sunt; quia velut argentum in igne positum decoloratur : qui color arte artificis post ignem redditur; sic illi ignem quidem patientur, sed leviter, quia levia commiserunt. Per lapides pretiosos signantur justi, licet premantur aliquot venialibus; magis tamen adhæserunt justitiae, et ideo patientur quidem in igne magis his prædictis; quemadmodum lapides pretiosi plus detimenti per ignem sentiunt, quam argentum. Pluraliter ideo lapides dixit; quia in hoc gradu diversi erunt, et secundum diversitatem nre-

ritorum sentient. Per hæc tria, genus perfectorum: per tria quæ sequuntur, signantur imperfecti. Per ligna accipiuntur hi qui in mundo quidem remanent. Uxores, filios et possessiones habent; quos pensare oportet, quæ uxoris sunt, et filiorum, et ideo plurimum laborare. Nec orationibus Ecclesia propter hoc quomodo deberent, possunt interesse. Hi tamen, quia non sic diligunt mundum, ut eum Deo præponant, salvabuntur quidem, sed tamen diu per ignem punientur; quemadmodum lignum longa materia est ignis, et multo spatio comburitur. Per fenum signantur illi, qui aliquandiu quidem affliguntur per ignem, sed velut fenum, quod cito in igne deficit, cito evadent. Per stipulam vero quæ propter ariditatem citius feno comburitur, signantur hi, quorum poena compendiosa erit in transitu ignis.

Si quis autem ædificat hæc vel hæc, *opus uniuscujusque*, seu sit aurum, seu lignum, vel quocunque aliud, *manifestum erit*. Et hoc probat. *Nam dies Domini declarabit* hoc opus. Diem Domini vocat ab hora dissolutionis uniuscujusque usque ad judicium. Ex quo enim anima separatur a corpore, dies Domini est in eo, quia nihil jam operari potest præter voluntatem Dei; sed dum homo vivit dies hominis est, et non Dei; quia operatur homo quod sibi placet, bonum vel malum, ex libertate arbitrii. Vere dies Domini declarabit. *Nam in igne revelabitur*, id est palam fiet, opus ejus. Hunc ignem continuum dicit sicut diem. In morte enim hominis pàratus est diabolus cum igne et tortoribus suis. Et si quid purgandum est, purgat per adhibitum ignem. Si vero nihil purgationis est opus (ut in beato Martino) ipsa evasio ignis revelat bonitatem sui operis, ut in eo quem torquet non fuisse aliquid sordis. Sed quia nondum plane potest hoc videri, in igne purgatorio singulis singulorum opera revelabuntur. Vere *opus cujusque revelabitur in igne*. Nam ignis ille probabit, quale sit opus uniuscujusque, seu sit aurum, seu lignum, vel quocunque sit. Vere ignis probabit singulorum opus. Nam est et bonum opus et malum; bonum utique. Si enim *opus alicujus*, quod ædificavit super fundamentum manserit illæsum, hic utique accipiet mercedem superædificati boni. Malum opus probabit ignis. Nam si *opus alicujus arserit*, id est ardere posse inventum fuerit, ut lignum, fenum, stipula, hic utique patietur detrimentum et affligetur per violentiam ignis. Sed licet patiatur detrimentum, tamen ipse *salvus erit*. Sic tamen dico salvum, quasi per ignem transiturum. Prius enim quod dulce committere fuit, puniri oportet per amaritudinem ignis.

Determinavit modo discretiones operum, quæ non destruunt fundamentum, dicens omnes salvandos, qui illud non destruunt: nunc subjungit de operibus his, quæ destruunt fundamentum, et thesaurizant æternum interitum, dicens: *Si quis non destruit fundamentum, salvabitur*; si quis au-

A tem *violaverit templum Dei, disperdetur*. Sed ut compungat eos, præmitit interrogationem hanc, dicens: *An nescitis quia vos estis templum Dei*: Deus autem sanctificat vos ut sitis sibi templum. *Et ita dico templum, quod spiritus Dei* **97** omni assiduitate habitat in robis. Si quis autem violaverit se templum Dei, destruendo fundamentum fidei, vel in se per criminalia, vel in auditoribus docendo falsa, illum utique disperdet Deus in æternum interitum. Et merito qui violat, disperdetur. *Nam templum Dei sanctum est*, et violari non debet, *quod templum vos estis*. Et quia templum Dei estis: propterea videte ne aliquis pseudodoctorum seducat vos per falsam doctrinam, vel nemo nostrum seducat scipsum destruendo fundamentum fidei. **B** *Nemo, inquam, seducat se; sed si quis manens inter vos videtur sibi esse sapiens in hoc saeculo*, id est de saeculari scientia, *flat stultus*, id est credat ei consiteatur se esse stultum, ut sic mercatur esse vere sapiens: vere necesse est eum stultum fieri ut flat sapiens. Nam *sapiencia hujus mundi stultitia est apud Deum*. Et vere stultitia est apud Deum. Nam scriptum est in Job de mundana sapientia sic loquente Deo: *Sapientes mundi ego comprehendam*, id est concludam in ipsa astutia eorum (Job v, 15), id est in eo in quo se magis astutos intelligunt, nec resistere poterunt. Et iterum de mundi sapientia scribitur in psalmo: *Dominus novit cogitationes (Psal. xciii, 11)* sapientium. Nostra translatio habet *hominum*, id est humaniter sapientium. Hoc novit de illis *quoniam vanæ sunt*. Quandoquidem hominis sapientia probatur esse stultitia: *itaque nemo vestrum ulterius glorietur in hominibus*, id est in his doctoribus, de quibus propter humanam sapientiam gloriarni. Probat non esse gloriandum in his, tum quia servi eorum sunt, qui eis prædicant, etiam ipse idem. De re autem inferiori vel æquali gloriari non licet, sed solummodo de majori se; tum ideo, quia si de Paulo et Cepha non est gloriandum, multo minus de illis carnalibus, quos constat longe esse inferiores istis. Unde ait: Non est gloriandum vobis in hominibus: *nam omnia vestra sunt*, id est servituti vestræ deputata; sive etiam sit *Paulus*, sive *Apollo*, sive caput eorum *Cephas*, id est *Petrus*, sive *murus vester* est: servit enim vobis; etsi ministrat necessaria, et si aspera quælibet ad meritum justitiae vestræ inferat, sive *vita vestra* est. Nam ut de male actis poeniteamini, et post bene agendo promeareamini, præsens vita conceditur vobis, sive *mors vestra* est. Utile enim est amplecti mortem pro Christo, si se ingesserit; sive *præsentia*, sive *futura bona*, vel mala. Vestra sunt vere hæc prædicta: *nam omnia vestra sunt, vos autem solummodo Christi estis*, in quo solo gloriari debetis. *Christus autem est Dei*, non quod Christus ab eo differat in substantia, sed quia per mediantem Christum reducimur ad Deum. *Cephas, caput*; *Simon, obediens*; *Barjona, filius columbae* dicitur. Quia autem hoc nomen Cephas mutavit ei Deus, et vocavit Pe-

trum; inde consuetum est mutare nomina apostolorum.

CAPUT IV.

Sic nos existimet homo ut ministros Christi, et dispensatores ministeriorum [mysteriorum] Dei. Hic jam queritur inter dispensatores, ut filius quis inveniatur? Mihi autem pro minimo est ut a vobis judicer, aut ab humano die. Sed neque meipsum judico. Nihil enim mihi conscient sum, sed non in hoc justificatus sum. Qui autem judicat me, Dominus est. Itaque nolite ante tempus judicare, quoadusque veniat Dominus, qui et illuminabit abscondita tenebrarum, et manifestabit consilia cordium, et tunc laus erit unicuique a Deo. Haec autem, fratres, transfiguravi in me, et Apollo, propter vos : ut in nobis discatis, ne supra quam scriptum est, unus adversus alterum [alium] infletur pro alio. Quis enim te discernit? Quid autem habes quod non accepisti? Si autem accepisti, quid gloriaris quasi non acceperis? Jam saturati estis, jam divites facti estis. Sine nobis regnatis. Et utinam regnetis, ut et nos vobiscum regnemus. Puto enim quod Deus nos apostolos novissimos ostendit, tanquam morti destinatos; quia spectaculum facti sumus mundo, et angelis, et hominibus. Nos stulti propter Christum, vos autem prudentes in Christo; nos infirmi, vos 98 autem fortes; vos nobiles, nos autem ignobiles. Usque in hanc horam, et esurimus, et sitimus, et audi sumus, et colaphis cedimur, et instabiles sumus, et laboramus operantes manibus nostris. Maledicimur, et benedicimus; persecutionem patimur, et sustinemus; blasphemamur, et obsecramus: tanquam purgamenta hujus mundi facti sumus omnium peripsema usque adhuc. Non ut confundam vos haec scribo, sed ut filios meos charissimos moneo. Nam si decem millia paedagogorum habeatis in Christo, sed non multos patres. Nam in Christo Jesu per Evangelium ego vos genui. Rogo ergo vos, fratres, imitatores, mei estote sicut et ego Christi. Ideo misi ad vos Timotheum, qui est filius meus charissimus et fidelis in Domino; qui vos commonefaciat vias meas, quae sunt in Christo Jesu, sicut ubique in omni Ecclesia doceo. Tanquam non venturus sim ad vos, sic inflati sunt quidam. Veniam autem ad vos cito, si Dominus voluerit: et cognoscam non sermonem eorum qui inflati sunt, sed virtutem. Non enim in sermone est regnum Dei, sed in virtute. Quid vultis? In virga veniam ad vos, an in charitate et spiritu mausuetudinis?

EXPOSITIO.

Quia modo adeo se humiliaverat Paulus, dicens, et Apollo vestri sunt, ne propterea inflarentur Corinthii, dicit se esse magnæ dignitat's, quia ministros Christi, etc. Littera sic jungitur, licet præmisserim ego Paulus et Apollo vestri sumus: tamen sic nos existimet homo quicunque est inter Corinthios, ut ministros Christi, id est ut eos qui digni sunt

A ministrare Christum et fidem ejus subditis; existimet etiam nos ut dispensatores ministeriorum Dei. Dispensamus enim ecclesiastica officia, hunc presbyterum, alium diaconum consecrando. Vel dispensatores mysteriorum, id est secretorum Dei: scimus enim et loquimur fidelibus consilia Dei. Propterea dico, sic nos existimet homo; quia hic, id est in hac Ecclesia Corinthiorum jam, id est ante opportunum tempus judicii. In hoc enim mundo quia occulta sunt opera, judicare non licet. Vel hic, id est hac occasione qua dixi nos debere existimari ministros et dispensatores; propterea jam queritur inter dispensatores, quis eorum inveniatur ut fidelis, id est perfectus; et cuius justitia conferat discretum aliquid baptizatis suis. Ut fidelis dictum est: sicut ibi, « habitu inventus ut homo (Phil. 11, 7). » Sed quidquid alii dispensatores sentiant, ego tamen hoc respondeo: Quia mihi pro minimo est et parvipendo, ut a vobis judicer, id est ut vos me condemnatis; aut ut judicer ab humano die, id est ab homine, qui etiam propter subtilitatem ingenii dies dicatur. Vos me nescitis judicare, sed neque ego ipse judico, id est, reprobando meipsum in aliquo; ideo quia nihil conscient sum mihi, et sicut scientia mea non invenit quid judicet; multo minus vos qui occulta conscientiae scrutari non potestis. Sed licet conscientia mea nullius accuset me; tamen non in hoc justificatus sum, quia fortasse quædam æstimo bona, quæ de radice mala pullulant. Nec homo, nec ipsa conscientia mea judicare me potest; sed ille qui judicat, id est, qui judicandi me potestatem habet, Dominus est, et praeter eum nemo hoc potest. Et quando quidem Deus solus judicare potest, homo vero non, quia nec seipsum satis intelligit. Itaque nolite judicare me, vel alium ante tempus, id est, nunc cum adhuc occulta latent, quoadusque veniat Dominus ad judicium: qui utique veniet, et illuminabit, id est palam faciet, abscondita tenebrarum, id est peccatorum, quia inter peccata quædam latent absconsa. Qui etiam manifestabit consilia cordium, id est opera bona, quæ ex consilio et deliberatione recti cordis facta sunt, et tunc in adventu illo unicuique qui ex consilio cordis recte egit, erit laus a Domino.

Quod supra ait Corinthios dicere: Ego sum Pauli, ego sum Apollo, exponit hic quomodo figurative hoc dixerit, significando illos de quibus gloriantur per nomen suum, et per Apollo quod utique fecit in exemplum humilitatis. Unde sic ait: Quod supra posui vos dicere, ego sum Apollo, 99 ego Pauli, non ideo sic feci quod de nobis gloriarmini; sed, o fratres, ego transfiguravi, id est transtuli, haec in me, figurative loquens, dum nomina nostra illis pseudo attribuebam. Haec utique transfiguravi in me et in Apollo, et hoc propter vos insinuandos, ut vos discatis in nobis, ne unus infletur adversus alterum pro se facto alio, id est digniori quam alter sit per meritum sui baptizatoris. Vel pro alio, id est pro justiori doctore quem habuit.

Ne inflemini dico, agentes quod supra. Scriptum est superius, ut qui gloriatur, non in merito hominis, sed in Domino glorietur; non debes inflari adversus alterum: quis enim est qui te discernit ab alio, sciens merita singulorum? Stultus utique est, qui te discernere praesumit. Iterum non debes inflari; quia *quid habes* tu ab illo doctore de quo gloriaris *quod non accepisti* a me? Magis utique a me accepisti, quia fidem, quam ab illo. Iterum non debes inflari; quia si accepisti a me, *quid de alio gloriaris quasi non acceperis* a me quod ab illo? magis utique a me. Vel aliter: Noli inflari, quia quis est qui te discernit a massa perditorum in Adam, ut faciat te vas in honorem nisi Deus solus? Nemo utique, iterum ne infleris; quia quid habes tu boni ab aliquo, quod non accepisti a Deo? Deus totius boni est largitor. Iterum non debes inflari; quia si tu accepisti aliquid a Deo, quid gloriaris inde, ascribens hoc merito hominis, quasi non acceperis illud a Deo? Dico ne gloriemini, sed male dico; quia vos merito debetis gloriari: *jam enim estis saturati*, id est satis habetis bona in vobis; *jam etiam facti estis divites*, habentes quod dividatis singulis; *etiam regnatis*, id est vos ipsis bene regitis sine nobis. Haec omnia ironice, sed amodo serio. *Regnatis* dico (*et utinam in veritate regnatis*). Hoc enim cuparem, ut regimine nostro non indigeretis; ita regnetis *ut et nos regnemus vobiscum*, id est ut vos in regno illo dignitate vitae nos praecederetis. Mallem certe vos praire, et me sequi, quam converso; quia de me certior sum quam de vobis. Iterum ironice: Vos utique *regnatis*, nos minime; quia *puto quod vos equidem patatis*: hoc scilicet quod *Deus ostendit nos nevissimos*, id est deteriores et nullius dignitatis apostolos. Nos dico *tanquam destinatos morti*, id est quia adeo affligimur pro Christo, ut solummodo ad mortem nati videamur: propterea vobis in mundo forentibus, contemptui sumus. Ideo etiam quia *spectaculum facti sumus huic mundo*: convenient enim omnes ad oppressionem nostri, et mala nostra ludus est eorum. Huic mundo dico: nam *et angelis malis*, qui gaudent de afflictione nostri, et *hominiibus*. Et ideo nos reputamur stulti; sed hanc stultitiam bonum esset imitari; quia propter Christum *nos stulti, vos autem prudentes in Christo*: quod utique nec estis, nec esse debetis. *Nos infirmi et imbecilles mundo, vos autem fortes et de potentia mundi gloriantes. Vos nobiles, nos autem ignobiles*. Vel aliter, ut sine ironia legatur: Velle nos regnare vobiscum. Nam certus sum quod revera regnabimus: puto enim, et hoc utique confido quod Deus ostendit nos nevissimos apostolos, id est similes nevissimis, id est Enoch et Eliæ; quia tanta patimur modo in principio Ecclesiae, quanta illi passuri sunt ab Antichristo in fine. Unde idem Paulus ait: «*Nos sumus in quos fines saeculorum deveinerunt (I Cor. x, 41)*.» Quare etiam Nero dictus est Antichristus, quia quemadmodum iste Enoch et Eliam, sic ille Petrum et Paulum interfecit. Vere

A novissimi sumus: nam destinati morti; nam spectaculum mundo. Et cætera similiter exponantur, sed ironice. Nos stulti, vos prudentes; vos fortes, nos debiles; hic eadem ironia. Nec solum præmissa mala patimur, sed a principio prædicationis nostræ usque in hanc horam, et esurimus et sitimus; et nudi sumus, et colaphis cædimus, et instabiles sumus, de loco ad locum fugati; et laboramus operantes manibus nostris, unde victimum habeamus. Maledicimur ab impiis, et nos benedicimus illos. Patimur persecutionem, **100** et sustinemus alacriter. Blasphemamur, et obsecramus impios, ne blasphemem, vel Deum, ut ignoscat blasphemantibus. Et adeo saviunt in nos, quod facti sumus tanquam purgamenta hujus mundi. Videtur enim illis quod mundus de nobis polluatur, et per interitum nostrum purgetur. Facti sumus utique *peripsema*, id est purgatio omnium; quia jam omnes purgarentur si non essemus, sed de nobis polluuntur. Peripsema dicitur *purgamentum ponit*, vel *spuma ferri secundum Ambrosium*; tales facti sumus a principio mundi usque adhuc.

B Quia aspere locutus fuerat Corinthiis, incipit eis iterum blandiri, dicens: Licet ironice dixerim vos prudentes, fortes et nobiles, tamen *non scribo haec ut confundam vos*, et erubescere faciam; *sed moneo vos*, nunc blande, nunc aspere, ut meos charissimos filios. Vere filios, nam si *habeatis decem milia paedagogorum*, id est magistrorum (etiam fidelium in Christo), tamen non habetis multos patres, secundum fidem: vere non multos, nam me solum. *Ego enim genui vos in Christo Jesu, per Evangelium meum*. Et quando quidem ego pater, vos filii. Ergo rogo vos, fratres, estote mei imitatores, ut filii patris. Ideo enim quia filii estis, et ut imitatores sitis: *misi ad vos Timotheum, qui est filius meus charissimus et fidelis in Domino*, et huic acquiescite. Misi ideo ut sit *qui vos commonefaciat vias meas*, ut sicut ego, sic et vos, in omni justitia ambuletis: *que viæ sunt insistendæ, quia sunt in Christo Jesu*, et omnis Ecclesia sequitur eas. Quod ita ait: Sicut ego doceo ubique, nec passim in agris, sed in omni Ecclesia. Per hunc Timotheum dicitur Apostolus misisse hanc Epistolam Corinthiis: locutus est superius de baptizatoribus illis, et satis probavit non unum præferendum esse alteri. Causatus est etiam illos de mundana sapientia, quod nimia laudis esset apud illos, et de contemptu suo; nunc autem transiti ad illud, de fornicatore quodam, qui novercam suam duxerat uxorem: quem ipsi nec a communione Ecclesiæ sejunxerant, nec de peccato fratribus condoluerant, sed potius inflabantur inde dicentes: Quod si a bono baptizatus esset, nunquam in tantam peccati soveam rueret, quemadmodum apparabat, in quibus ne similiter peccarent, operabatur justitia baptizatoris. Littera sic jungitur: Ego sollicitus de vobis ut pater de filiis, mitto ad vos Timotheum; sed *quidam de vobis sunt inflati*; et fortas propter superbiam suam non eum audituri, ideo de superbia hic tangit eos, ut in omni humi-

litate inveniat eos obedisse Timotheo. Inflati utique estis : sic *tanguam ego non sim venturus ad vos*, nec advenatum meum reveremini, quem utique vereri vos oportet, nisi vos ipsis correxeritis. Fortasse creditis me non venturum, quia modo mitto Timotheum ; sed scitote quia *cito veniam ad vos* : quod tamen juris non est, et ideo determino, si Dominus voluerit, cuius voluntati contraire non licet. Veniam utique et tunc *cognoscam*, id est approbabo juxta illud : « Novit Dominus qui sunt ejus (II Tim. ii, 19). » Cognoscam utique non sermonem eorum, id est non curialitatem et artificium sermonis, cui adhaerent hi qui per hujusmodi sermonem inflatis sunt ; sed cognoscam et laudabo in vobis virtutem, id est humilitatem, patientiam, etc. Haec enim laudari debent, non sublimitas sermonis : ideo cognoscam virtutem et non sermonem ; quoniam non in sermone hujus mundi est, id est acquiritur regnum Dei, sed in virtute integræ fidei et boni operis. Et quod duo vobis proposui sermonem, quem reprobis ; virtutem, quam approbo : *Quid vultis*, id est quid horum eligitis ? veniam ad vos in virga, id est in asperitate correctionis ; an veniam ad vos in charitate, id est in lenitate ? Et adeo quod in spiritu mansuetudinis, id est quasi assuetus manui et gaudens deservire vobis ? Si in sermone invenero, veniam in virga ; si in virtute, veniam in spiritu charitatis. Videtur ubi ait, in virga an in charitate, per hoc innuere, quasi correctio non sit ex charitate, si aspera est ; quod utique falsum est : 101 sed dicit hoc secundum infirmitatem eorum, qui totum judicabant esse ex ira, quod voluntati carnis contraBAT.

CAPUT V.

« Omnia auditur inter vos fornicatio, et talis fornicatio, qualis nec inter gentes, ita ut uxorem patris sui aliquis habeat. Et vos inflati estis : et non magis luctum habuistis, ut tollatur de medio vestrum, qui hoc opus fecit. Ego quidem absens corpore (Coloss. ii, 5), praesens autem spiritu, jam judicavi ut praesens eum qui sic operatus est, in nomine Domini nostri Jesu Christi, congregatis vobis et meo spiritu, cum virtute Domini Jesu, tradere hujusmodi hominem Satanae in interitum carnis, ut spiritus salvus sit in die Domini nostri Jesu Christi. Non est bona gloriatio vestra. Ne scitis, quia modicum fermentum totam massam corruptit ? » (Galat. v, 9.) Expurgate vetus fermentum, ut sitis nova conspersio, sicut estis azygmi. Etenim pascha nostrum immolatus est Christus. Itaque epolemur, non in fermento veteri, neque in fermento malitia et nequitia, sed in azygmis sinceritatis et veritatis. Scripsi vobis in epistola : Ne commisceamini fornicariis ; non utique fornicariis hujus mundi, aut avaris, aut rapacibus, aut idolis servientibus : alioquin debueratis de hoc mundo exiisse. Nunc autem scripsi vobis non commisceri. Sed is qui [si quis] frater nominatur inter vos, est fornicator, aut avarus, aut

A idolis serviens, aut maledicus, aut ebriosus, aut rapax : cum hujusmodi nec cibum sumere. Quid enim mihi est [non habet est] de his qui foris sunt judicare ? Nonne de his qui intus sunt vos judicatis ? Nam eos qui foris sunt Deus judicabit. Austerfe malum ex vobis ipsis. »

EXPOSITIO.

Utile veniendum est ad vos in virga, quoniam auditur inter vos esse fornicatio. Auditur utique omnino, id est secundum infamiam omnium : de quo, quia omnes infamant vos (fama etiam hoc attulit ad me) non est exspectandus accusator. Nec quae patientia sit, sed tali fornicatio, qualis nec auditur inter gentes, id est inter gentiles primæ genituras adhuc adhaerentes. Auditur ita ut aliquis de B vobis habeat uxorem patris sui, id est novarem suam duxerit uxorem. Dicerent illi : Quid ad nos ? Multum ait Paulus ; quia enim frater peccavit, vos inde inflati estis superbientes, quasi melius in baptismum justificati ; quia non similiter corruistis. Nec solum inflati, sed etiam nec habuistis luctum condolendo casui fratris, magis, id est quod eligendum esset vobis non inflari. Nec hoc curae habuistis, ut tollatur de medio vestrum, id est ut a communione Ecclesiae separatis eum, qui hoc opus fecit : qui uxorem patris sibi illicite usurpavit vos praesentes non tulistis eum de medio vestrum, sed ego abrenis utique corpore, praesens autem spiritu, id est auctoritate apostolica (dicunt etiam sancti, quod Spiritus sanctus nota fecerat ei etiam absentium facta) ; praesens utique spiritu jam judicavi, id est condemnavi eum, ut si praesens fierem corpore : eum dico qui sic operatus est cum uxore patris judicavi utique : et hoc sciatis me fecisse in nomine Domini nostri Jesu Christi, ne dicatis quod repulsio ejus detrimentum sit Ecclesie Christi, qui potius in hoc honoratur, quam Ecclesia ejus minoretur, quae utique veneno hujus mali inficeretur, si non hic repellatur. Judicavi utique vobis congregatis tradere hunc Satanae. Vel illud, in nomine Domini, ad sequentem litteram respicit, sic : Hoc, inquam, de eo judicavi, ut vobis congregatis in nomine Domini Jesu Christi, et praesente meo Spiritu, id est auctoritate mea vobis cooperante

Quid inde diceret impius, si spiritus tuus nobiscum sit ? multum utique, ait Paulus. Nam Spiritu meo dico manente cum virtute Domini Jesu ; quia virtus Dei mihi, et per me vobis cooperabitur. Judicavi, inquam, oportere vos tradere eum qui hujusmodi est, Satanae. Tradere Satanae dicit excommunicare. Quemadmodum enim diabolus omne jus habet in hominem priusquam per fidem justificetur ; sic postquam pro culpa a 102 sacramentis Ecclesie, quibus armis contra Satanam muniti sumus, separatur, exinde sub jugo Satanae religatur ; quia nec per se resistere potest, nec fortasse vult, et ab auxilio Dei penitus destituitur. Tradere dico Satanae in interitum carnis, id est ad hoc, ut caro ejus, quae in peccato jucundata est, sensim intercat afflictione

morborum. Diabolus enim postquam videt hominem sine Deo, debilitatum, libere aggreditur eum, et per varios morbos vexat carnem ejus. Quod ideo Deus patitur, ut homo videns se, postquam a Deo recessit, per tot morbos angustiatum, confiteatur peccatum, et poenitendo revertatur ad Deum, *ut spiritus ejus salvus sit*. Vel ita: Tradere Satanæ in interitum; quia postquam non protegitur sacramentis Ecclesiæ, de malo quotidie precipitatur in pejus: qui interitus animæ est, carnis, id est per carnem cui consentit male suadenti. Nec ideo tradere ut perpetuo pereat, sed ut, dum mole peccatorum premitur, condolens de peccatis poeniteat, et sic spiritus ejus salvus sit in die, id est in illuminatione Domini nostri Jesu Christi. Tunc enim Christus illuminat eum, cum poenitendi desiderio fervescit. Quod utique videndum est Ecclesiæ prælati, ut ea intentione reos excommunicent qua Paulus, scilicet, ut spiritus eorum salventur. Quandoquidem luctum non habuistis, nec eum de medio vestrum tulistis, inde apparet quod gloriatio vestra non est bona. Malum est enim eum de justitia gloriari, qui et salutem proximi negligit, et se morbo ejus inficit. Vere non bene gloriamini, quia an nescitis vos quod modicum frumentum si fuerit acidum totam pastæ massam corrumpit factam acidam? Sic et iste (modicum quid secundum numerum Ecclesiæ) corrumpit totam Ecclesiam, factam ream ex cohabitatione hujus cui participavit. Quandoquidem fermentum hoc Ecclesiæ massam corrumpit, ergo auferendo hunc et omne malum de medio vestrum, expurgate fermentum, id est inflationem vestram. Et si quod aliud scilicet peccatum est expellendum. Fermentum dico vetus. Nisi enim vos purgaveritis, estis membra veteris hominis. Expurgate itaque, *ut sitis conspersio*. Farina per aquam conglutinata sine fermento dicitur conspersio. Humanitas autem nostra quæ per se sterilis est et arida, per farinam siccum accipitur, quæ rore Spiritus sancti in baptismō conglutinatur, ut ariditate depulsa, fructum faciat; quemadmodum farina per aquam copulatur, ut utilitatem habeat. Sitis, inquam, conspersio novæ, id est facti membra novi Adæ, scilicet Christi qui vos per Spiritum sanctum renovavit. Nunc estote nova conspersio sicut prius in baptismō fuitis azymi, id est sine fermento totius peccati. Bonum est enim sic vos modo per poenitentiam (quæ est alter baptismus) purgari, sicut prius per baptismum purgati fuitis. Azymus Graece, sine fermento dicitur Latine. Zymus est fermentum a sine, ut ibi acephali, id est sine capite. Vos utique expurgare debetis: etenim Christus immolatus est in ara crucis; quod Christus est nostrum pascha, id est noster transitus de morte ad vitam, de corruptione ad incorruptionem; per quem nunc tandem nos purgare possumus, qui prius sub jugo diaboli vinciti, non poteramus.

Hic mittit nos ad historiam ubi filii Israel, ut a plaga Ægypti liberarentur, sanguine immolati agni postes linire jubentur (*Exod. xi, 7*): post eujus

A agai immolationem de Ægyptiaca servitute liberati, transeunt ad terram reprobationis. Hoc enim festum immolationis agni paschæ dicitur apud eos; pascha apud Græcos, transitus apud nos. Ille utique agnus verum Agnum in quo macula non fuit, Christum significavit, per cuius sanguinem effusum linuntur mentes nostræ, et sic liberamur a plaga persecutis angelis; ad esum cuius agni quotidie convenit Ecclesia, per hoc transitura ad veritatem rei, qua nunc utitur sub specie panis et vini, quorum licet species maneat, credimus tamen revera transire in veram substantiam corporis et sanguinis Christi: per hæc transituri in æternitatem. Epulemur dico non manentes **103** in veteri fermento, sed neque in fermento malitiæ in nobismetipsis habitæ; nec in fermento nequitia, ut ne quid agamus contra proximum, sed manentes in azymis, id est in humilitate, sinceritate, id est puritatis conservatæ in nobis, et veritatis ne fraudemus proximum. Paulus jam ante de vitanda fornicatione scripserat Corinthiis; sed dicta ejus, male interpretantes, existimabant quod de gentibus vitandis, cum fornicarentur, præcipiteret. Nunc autem per hoc quod jam de hoc crimine scripserat illis, eos reprehendit, et quomodo scripturam quam misserat intelligere deberent, insinuat, dicens: Jure utique arguo vos de hoc, quod non tulistis fornicatorem illum de medio vestrum. Ego enim scripsi vobis in Epistola jam missa, quod non commisceamini fornicariis, non utique præcipiens hoc de fornicariis hujus mundi, id est de gentibus qui non Deum sed mundum sequuntur. Scripsi etiam vobis ne commisceamini aut avaris, aut rapacibus, aut servientibus idolis, id est his qui vel ad culturam idoli redeunt, vel qui idolis immolata sub veneratione idoli comedunt. Vere non de fornicariis gentilium hoc prohibui: alioquin enim, id est si aliter agens, de gentibus vitandis hoc præceptum darem; jam si obediens velletis, debueratis exisse de hoc mundo, id est melius esset vobis mori, negligendo quæcumque mundus habet, quam propter timorem aliter agentes communicetis fornicariis: olim scripsi, male intellexistis, sed nunc determino vobis quod scripsi non debere vos commisceri cum eusmodi. Quod sic intelligendum est: Si is qui frater est in fide, non minatur fornicator, aut avarus, aut serviens idolis cultu, vel comedendo idolothytum sub veneratione, aut maledicus, aut ebriosus, id est consuetus detractioni et ebrietati, aut rapax nominatur cum illo qui est eusmodi, ut omnem communionem excludam: quod levius videtur prohibeo scilicet nec cibum sumere. Notat beatus Augustinus in eo ubi ait: si nominatur et non dixit si est, hoc intellexisse Apostolum; quia si frater est criminis reus, et latet culpa ejus, non debet excommunicari. De incertis enim non est habendum judicium, sed de crimine quod manifestatum et comprobatum est; et ideo dicit nominatur. De hoc utique non judicandus est reus. Vere de fratribus debemus judicare: nam

quid niki, id est quid ad me pertinet et ad Ecclesiā de his qui foris sunt, id est, de gentilibus judicare? nihil utique. Et quod de his qui extra Ecclesiam sunt judicare non licet, nonne vos judicatis, id est judicare debetis, de his qui intus sunt, in Ecclesia. Vere de his qui intus sunt, judicatis tantum. Nam eos qui foris sunt, id est gentiles, Deus iudicabit, et ad vos nihil pertinet de illis. Quandoquidem de fidelibus judicandum est vobis: igitur auferre malum fornicatoris fratris ex vobis, quod nisi auferatis: jam ipsis, id est, jam culpa ejusdem criminis vos contaminatis.

CAPUT VI.

Audet aliquis vestrum habens negotium adversus alterum, judicari apud iniquos, et non apud sanctos? Au nescitis, quoniam sancti de hoc mundo judicabunt? Et si in vobis judicabitur mundus, indigni estis qui de minimis judicetis. Nescitis quoniam angelos judicabimus, quanto magis sacerdicia? Sacerdicia igitur judicia si habueritis, contemptibiles [contendibiles] qui sunt in Ecclesia, illos constituite ad judicandum. Ad verecundiam vestram dico. Sic non est inter vos sapiens quisquam, qui possit judicare inter fratrem suum? sed frater cum fratre judicio contendit: et hoc apud infideles? Jam quidem omnino delictum est in vobis, quod judicia habetis inter vos. Quare non magis injuriam accipitis? Quare non magis frandem patimini? Sed vos magis injuriam facitis et fraudatis, et hoc fratribus. An nescitis, quia iniquum regnum Dei non possidebunt? Nolite errare: neque fornicarii, neque idolis servientes, neque adulteri, neque molles, neque masculorum concubidores, neque sures, neque avari, neque 104 ebriosi, neque maledici, neque rapaces regnum Dei possidebunt. Et haec quidem [aliquando] fuistis: sed abulti estis, sed sanctificati estis, sed iustificati estis, in nomine Domini nostri Iesu Christi, et in spiritu Dei nostri. Omnia mihi licent, sed non omnia expedient. Omnia mihi licent, sed ego sub nullius redigar potestate. Esca ventri et venter escis: Deus autem et hunc et hanc destruet. Corpus autem non fornicationi, sed Domino, et Dominus corpori. Deus vero et Dominum suscitavit et nos suscitabit per virtutem suam. Nescitis quoniam corpora vestra membra sunt Christi? Tollens ergo membra Christi, faciam membra meretricis? Absit. An nescitis quoniam qui adhæret meretrici unum corpus efficitur? Erunt enim (inquit) duo in carne una (Gen. ii, 24: Ephes. v, 31; Matth. xix, 5). Qui autem adhæret Deo, unus spiritus est. Fugite fornicationem. Omne enim peccatum quodcumque fecerit homo, extra corpus est. Qui autem fornicatur, in corpus suum peccat. An nescitis quoniam membra vestra templum sunt (II Cor. vi, 16). Spiritus sancti, qui in vobis est, quem habetis a Deo, et non estis vestri? Empti enim estis pretio magno (I Petr. i, 18), glorificate et portate Deum in corpore vestro.

EXPOSITIO.

Hac occasione, quia de judiciis incepit transit, ut mala ex judiciis provenientia corrigit in Corinthiis. Si quis enim eorum auferret quidquam alteri, non ille patienter hoc tolerabat, sed impatiens fratem ad causam compellebat, nec coram ecclesiasticis judicibus, sed spretis illis, coram sacerdibus fraudem etiam faciebat fratri, dando munus judici ad oppressionem fratris. Littera sic jungitur: Judicare quidem vobis licet de fratribus, sed non eo modo quo intemperanter audetis apud iniquos. Vel ita: Auferre malum ex vobis, bonum est. Sed quare audet aliquis vestrum. Ubi ait, audet, notat esse peccatum hujusmodi ausum. Cur, inquam, audet aliquis vestrum habens negotium, id est querelam de sacerdibus rebus adversus alterum fratrem, judicare, id est inire judicium cum fratre, apud iniquos judices, id est sacerdotes, et non apud sanctos, id est fideles Ecclesiae judices?

Dicerent illi: Timemus inquietare sanctos ab orationibus suis. Non utique (ait Paulus), quia an nescitis vos, quod sancti in futuro judicio judicabunt de hoc mundo? Et si in vobis, id est in comparatione vestri judicabitur hic mundus in ultimo judicio, an estis indigni qui hic judicetis de minimis ad comparationem futurorum, scilicet de temporalibus Ecclesiae rebus? Et sicut homines, sic etiam dæmones in similitudine nostra judicabuntur; quia an nescitis vos, quia apostatas angelos judicabimus, comparatione vestri. Quod si angelos, quanto magis sacerdicia licet judicare? Homines judicabuntur mali in comparatione bonorum, quia cum ejusdem conditionis fuerint, nec idem cum bonis operati sint, haec sola comparatio sententia damnationis eorum est.

Dæmones dupli modo in similitudine justorum damnabuntur, tum quia firmiores naturæ quam homo creti sunt, nec in bono persistenterunt: tum quia semper invidenter justis, nec eos superare queunt. Pro hujus pugnæ victoria justi damnabunt malos angelos. Nunc iterum ironice reprehendit eos de hoc, quod insipientes constituebant judices: qua de reflexebat, ut causæ Ecclesiarum transferrentur ad sacerdotes. Quandoquidem (sicut probatum est) Ecclesia judicare debet inter fratres: igitur si habueritis sacerdicia, id est lites inter vos pro temporalibus rebus. Per illud notat melius esse, si non haberent hujusmodi judicia. Si, inquam, habueritis haec judicia, constituite illos ad judicandum, id est præflicite vobis illos in judices, qui sunt contemptibles, id est insipientiores, in Ecclesia. Et hoc ironice dicit, quia sic eos facere sciebat. Et hoc quod dico, contemptibles constituite ad judicandum, hoc dico ad verecundiam, non præcipiendo ut faciatis sed memorando quod facitis, ut verecundiam habeatis. Nam cum ita facitis an sic, id est, adeo insipientes facti estis; quod non est inter vos quisquam sapiens 105 qui possit judicare inter fratrem et fratrem? sed quia adeo omnes despiciuntis: ideo frater contendit cum fratre, judicio, id est, per causam. Nec

malum contentionis sufficit : sed etiam *hoc sit avud infideles* judices, penuria ecclesiasticorum judicium. Quo quidem ex judicio hoc malum evenit : quod contenditis vicissim, et jura Ecclesiae ad infideles refertis. Jam certe propterea *omnino*, id est, sicut omnibus patet, *delictum est in vobis*. De hoc quod judicia habetis inter vos. Melius enim esset non reclamare sua, quam ex reclamatione tot mala provenire Ecclesia. Et quia delictum est inter vos fieri judicia, *quare non magis accipitis*, id est, sine reclamatione toleratis, *injuriam ejus qui vestra tollit aperte?* Et *quare non magis patimini fraudem*, id est occultum damnum fratris circumventione factum, quam de reclamatione vestra sic vilescat Ecclesia? Bonum esset vos pati injuriam a fratre illatum, quia non solum non patimini, sed etiam *vos facitis ei injuriam*, re auferendo sua. *Et etiam fraudatis*, id est, occulte judicem prævenitis munere vestro ad oppositionem [oppressionem] fratris : et hoc totum facitis non extraneis, sed *fratribus*, quos supportare deberetis. Et hoc facientes fratribus inique agitis. Sed *an nescitis vos, quia inqui non possidebunt regnum Dei?* Propterea ne a regno Dei alienis sitis, nolite errare fraudando et injuriando fratribus. Vere inqui non possidebunt : *nam neque fornicarii, neque qui serviunt idolis, neque adulteri, neque molles* qui patiuntur, *neque concubitores masculorum* qui agunt, *neque fures, neque avari, neque ebriosi, neque maledici, neque rapaces, regnum Dei possidebunt.*

Ne modo Corinthii deterrentur his, et desperarent : quia fortasse ad hæc post baptismum redierant, consolatur eos Paulus blandiendo eis; unde ait : Nolite terrori præmissis : *vos quidem et hæc fecistis* quæ præmisi; sed abluti estis ab his in baptismo, sed etiam sanctificati estis, id est confirmati donis sancti Spiritus, sed estis justificati possessione virtutum in nomine Domini nostri, id est Patris : et in nomine Jesu Christi, et in Spiritu Dei nostri, qui ab utroque procedit, quæ nobis commemorata sunt in baptismo. Quia dixerat superius : *Quare non magis injuriam accipitis*, dicerent illi : Nonne licet, nobis repetere nostra? determinat Paulus : quia quædam sunt, quæ sic licent, ut melius prosint dimissa, et hæc sunt res temporales. Quædam sunt quæ sic licent, ut judicium eorum dimitti non beat, et hæc sunt criminalia, quæ animam occidunt. Littera sic jungitur : Licet dixerim accipere injuriam magis quam reclametis, scio tamen quod *mihi et unicuique vestrum licent hæc omnia*, id est repetere sua, causam inire cum fratre, etc.; sed quamvis liceant, tamen hæc *omnia non expediunt*, id est non expeditos ad bona nos faciunt, imo impeditos. Idem iterum nunc subdit aliam causam : *Omnia mihi licent, sed tamen ego propterea non redigar sub potestatem ullius judicis*, aut alicujus rei ut magis charam habeam illam, quam pacem fratris. Vel ita : Ego non redigar sub potestatem ullius judicis, ut præmio, vel aliquo obsequio præveniam eum ad oppressio-

A nem fratris. Nec solum hæc licita dimittenda sunt, sed etiam necessaria corporibus, pro quibus similius non debet frater inquietari, ut pro *esca*, quæ utique paratur ventri, et tener sustentatur esci. Sed licet adeo necessaria sit, tamen non est litigandum pro hac : quia Deus et hunc ventrem et has escas *destructet*. Pro his temporalibus, quia cito transeunt, nec damnant animam non repetita, ne curetis habere judicium, sed fornicationem illam non patimini indemnatam. Quod sic jungitur. Esca debetur ventri, sed corpus non debetur fornicationi; sed Domino servire debet per omnia : et Dominus debetur corpori ibi servantem : quia cum per se nudum sit, vestit eum Deus ornamento virtutum si servierit Domino. Vere Dominus bene faciet corpori : nam *Dominus suscitabit nos* in incorruptionem : sed hujus rei probationem præmittit dicens. Vere Deus suscitabit nos : *nam ipse suscitavit jam*

106 *Dominum Jesum*, in quo carnem nostram suscitavit : et hoc in nobis perficiet. Et si quereris quomodo suscit? scito quia per virtutem suam. Hoc dicit ad comprimentum Corinthios, qui de resurrectione dubitabant : quod in sequentibus declarabitur. Dixit causam quare corpus debeatur Deo : subdit causam quare non debeatur fornicationi, dicens : Corpus non est subdendum fornicationi : quia *an nescitis vos quoniam non solum anima, sed etiam corpora vestra membra Christi sunt?* Anima membrum est Christi, quia per rationem sicut oculos interiores in admirationem Dei. Corpus membrum

C est Christi : dum per manum ministrat pauperi, pedibus visitat infirmum, etc. Et quando quidem membra Christi sumus : ergo tollens membra Christi, faciam ea membra meretricis? Absit hoc. Possunt utique fieri membra meretricis : quia *an nescitis vos quod qui adhæret meretrici, efficitur unus corpus cum illa?* Duobus modis adhærens meretrici corpus ejus efficitur : uno per illam commissionem carnis, per quam in quamdam unitatem astringuntur; altero fit participatione peccati. Quod per conjunctionem carnis unum corpus efficiantur probat, quia de hoc magis ambigebatur, vere unum corpus efficiuntur : nam Moyses dicit in Genesi : « Erunt duo in carne una (Gen. ii, 24). » Hoc tamen de legitimo matrimonio dixit : sed eadem conjunctio et identitas carnis sit in copula adulterii, sicut in matrimonio. Qui adhæret meretrici sit unum corpus cum illa, sed qui adhæret Domino, unus spiritus est, id est unitur Domino in identitate spiritus. Et quia tantum malum fornicationis est, propterea fugile fornicationem.

D Notandum est quod ait : Fugite fornicationem; hoc enim peccatum non est exspectandum : sed antequam veniat, quibus adjumentis possumus ab eo fugiendum est : difficile enim est evadere ab ea postquam igneas sagittas fornicatio intorsit. et ideo dixit, fugite, et non exspectate : quia ubi aliquos accessus habet, non est hominis inde eam expellere. Subdit causam quare fugienda sit fornicatio, di-

cens : Ideo utique fugere debetis fornicationem. Nam omne aliud peccatum quodcunque fecerit homo, extra corpus est : sed ille qui fornicatur, peccat intra corpus suum. Sunt utique quedam peccata, quae penitus nullam delectationem afferunt carni : ut homicidium. Manus enim si occidit, non in eo delectationem sentit. Sunt tamen quedam alia in quibus delectatur caro, ut quando cibus bene respondet palato : vel quando videtur quod oculos pascit, auditur quod jucundum est auribus, et hujusmodi. Sed tamen haec omnia dicuntur esse extra corpus, ad comparationem fornicationis : quia qui fornicatur, peccat intra corpus suum : quia ipsa anima transit eo actu in ipsam carnalitatem : in hoc enim omnis sensualitas consentit et cooperatur, et in ipsam carnem transit. Vel aliter, secundum Ambrosium, ut fornicationem hic de adulterio solum intelligamus : *Fugite fornicationem*, id est adulterium : quia omne aliud peccatum est extra corpus, id est extra uxorem : sed qui fornicatur peccat in, id est contra, corpus suum, id est contra uxorem suam : quia pro peccato fornicationis uxor potest separari ab eo, et non propter aliud. Corpus viri dicitur uxor : quia cum maritus et uxor unus corpus efficiantur, vir quidem caput est, mulier autem portio viri in eodem corpore. Vel aliter secundum novitatem quorundam : et videbitur haec sententia continuari ad illud, quod prius dixerat, fornicatorem illum ejiciendum ab Ecclesia. Omne peccatum quodcunque fecerit aliquis homo, id est utens ratione, illud est extra corpus, id est extra Ecclesiam, quae capituli Christi corpus est : quia quae ratione utens facit, venialia sunt: et propter haec non separatur ab Ecclesia : sed ille qui fornicatur, peccat in corpus suum, id est contra Ecclesiam, cuius corporis membrum est : pro peccato enim fornicationis ab Ecclesia separatur. Iterum causa quare fugiant fornicationem, propterea fornicatio fugienda est : quia *an nescitis quod membra vestra templum sunt Spiritus sancti*, id est Spiritus sanctus membris vestris utitur, dum per manum nostram eleemosynam dat pauperi. Pedibus itur ad visitationem infirmi. Et quia membris vestris sic utitur Spiritus in administratione sua, nolite illum fornicando expellere a vobis. Iterum ideo, quia qui Spiritus in vobis est assidua mansione, nec ideo iterum repellatis eum, quia quem Spiritum habetis a Deo, ipse enim dator satis vobis commendabile facit donum suum. Et pro tot causis nolite membra vestra subdere fornicationi. An etiam ignoratis quod vos non estis vestri juris, sed Dei? Qui enim alterius est, imperio ejus mancipare se debet. Vere non estis vestri, *estis enim empti*, et ejus servi estis, qui vos emit. Nec empti leví *precio* sed *magnō*; quia sanguine Christi. Et ideo nolite fornicari, sed *glorificate Deum*. Glorificare Deum est munditia vitæ Dei gloriam nuntiare. Qui enim videt justitiam justi, glorificat Deum, causa cuius et adjutorio sic vivit. *Glorificate dico, et portate Deum*. Portare Deum est onus totius adversitatis, quæ causa Dei infertur, sustinere patient-

A ter : et exemplo patientiae Deum ad alios portare, qui, visa patientia bujus, gaudeant contumeliam pati pro nomine Christi (*Act. v. 41*). *Portate dico Deum non solum in anima, sed etiam in corpore vestro*, ut munditia corporis vestri digna sit portare jugum Christi.

CAPUT VII.

De quibus autem scripsistis mihi : Bonum est homini mulierem non tangere ; propter fornicationem autem unusquisque suam uxorem habeat, et unaquæque suum virum habeat. Uxori vir debitum reddat, similiter autem et uxor viro. Mulier sui corporis potestatem non habet, sed vir. Similiter autem et vir sui corporis potestatem non habet, sed mulier. Nolite fraudare invicem, nisi forte ex consueto ad tempus, ut vacetis orationi : et iterum revertimini in idipsum, ne tentet vos Satanus propter incontinentiam vestram. Hoc autem dico secundum indulgentiam, et non secundum imperium. Volo autem omnes vos homines esse, sicut meipsum. Sed unusquisque proprium donum habet ex [al., a] Deo : alius quidem sic, alius vero sic. Dico autem non nuptis et viduis; bonum est illis si sic permanerint, sicut et ego. Quod si se non continent, nubant. Melius est enim nubere, quam uri. His autem qui matrimonio juncti sunt, præcipio non ego, sed Dominus, uxorem a viro non discedere. Quod si discesserit, manere innuptam, aut viro suo reconciliari. Et vir uxorem non dimittat. Nam cæteris dico ego, non Dominus. Si quis frater uxorem habet infidelem, et haec consentit habitare cum illo, non dimittat illam. Et si quia mulier fidelis habet virum infidelem, et hic consentit habitare cum illa, non dimittat virum. Sanctificatus est enim vir infidelis per mulierem fidelem, et sanctificata est mulier infidelis per virum fidelem. Alioquin filii vestri immundi essent, nunc autem sancti [mundi] sunt. Quod si infidelis discedat, discedat. Non enim servituti subjectus est frater vel soror in ejusmodi. In pace autem vocavit vos Deus. Unde enim scis, mulier, si virum salvum facies? Aut unde scis, vir, si mulierem salvam facies? Nisi unicuique sicut divisit Dominus, unumquemque sicut vocavit Deus, ita ambulet, et sicut ubique in omnibus Ecclesiis doceo. Circumcisus aliquis vocatus est? non adducat præputium. In præputio aliquis vocatus est? non circumcidatur. Circumcisio nihil est, et præputium nihil est, sed observatio mandatorum Dei. Unusquisque in qua vocatione vocatus est, in ea permaneat. Servus vocatus es? hon sit tibi curæ: sed et si potes fieri liber, magis utere. Qui enim in Domino vocatus est servus, libertus est Domini : similiter qui liber vocatus est, servus est Christi. Prelio empti' estis; nolite fieri servi hominum. Unusquisque ergo in quo vocatus est frater, in hoc permaneat apud Deum. De virginibus autem præceptum Domini non habeo : consilium autem do, tanquam misericordiam **108** consecutus a Domino, ut sim fidelis.

• Existimo ergo hoc bonum esse propter instantem necessitatem, quoniam bonum est homini sic esse. • Alligatus es uxori? noli querere solutionem. Solutus es ab uxore? noli querere uxorem. Si autem acceperis uxorem, non peccasti; et si nupserit virgo non peccavit; tribulationem tamen carnis habebunt hujusmodi. Ego autem vobis parco. Hoc itaque dico, fratres: Tempus breve est: reliquum est, ut et qui habent uxores, tanquam non habentes sint; et qui flent, tanquam non flentes; et qui gaudent, tanquam non gaudentes; et qui emunt, tanquam non possidentes; et qui utuntur hoc mundo, tanquam non utantur: præterit enim figura hujus mundi. Volo autem vos sine sollicitudine esse. Qui sine uxore est, sollicitus est quæ Domini sunt, quomodo placeat Deo. Qui autem cum uxore est, sollicitus est quæ sunt mundi, quomodo placat uxori, et divisus est. Et mulier innupta et virgo cogitat quæ Domini sunt, ut sit sancta corpore et spiritu. Quæ autem nupta est, cogitat quæ sunt mundi, quomodo placeat viro. Porro hoc ad utilitatem vestram dico, non ut laqueum vobis injiciam, sed ad id quod honestum est, et quod facultatem præbeat sine impedimento Dominum obsecrandi [Domino observandi]. Si quis autem turpe se videri existimat super virginem sua quod sit superadulta, et ita oportet fieri; quod vult, faciat: non peccat, si nubat. Nam qui statuit in corde suo firmus, non habens necessitatem, potestatem autem habens suæ voluntatis, et hoc judicavit in corde suo servare virginem suam, bene facit. Igitur et qui matrimonio jungit virginem suam, bene facit: et qui non jungit, melius facit. • Mulier alligata est legi, quanto tempore vir ejus vivit; quod si dormierit vir ejus, liberata est (*Rom. vii. 2*): cui vult nubat, tantum in Domino. Beatorius autem erit, si sic permanerit secundum meum consilium: puto autem, quod et ego Spiritum Dei habeam.

EXPPOSITIO.

Hic de fornicatore illo finis est; sed hac occasione, quia de fornicatione loqui coepérat, convenienter respondet Corinthis, qui per litteras eum interrogaverant, scilicet et conjugia celebrare. An necessitas Christianæ religionis coget eos, debere in continencia perdurare? Erant enim apud eos quidam supermodum religiosi, qui dicenter ne nimis in opere conjugii manentem posse salvari. Sed Apostolus sciens infirmitatem fidei eorum, patiebatur hoc in illis. Non quod crederet eos salvandos, sed ut sic enutraret Ecclesiam paulatim ducendo in perfectionem. Litera sic jungitur. Fornicatio est fugienda: nec tamen sic ut conjugium destruamus, sed ut propter fornicationem vitandam unusquisque habeat suam. Et hoc dico respondens ad ea de quibus scriptis istis mihi, interrogantes an liceret nubere, an necesse esset continere. Et de hoc respondeo vobis: Quod bonum est utique homini mulierem non tangere illo modo coeundi, sed tamen propter vitandam fornicationem unusquisque habeat suam uxorem, et unaquaque mulier habeat suum virum, hoc concedo. Ubi ait suam uxorem, excludit eos quibus non licitum est legitimate ducere uxorem, ut eos qui altari ministrant. Ubi ait mulier habeat virum, excludit eas, quæ non legitimate copulantur, nec habent viros, juxta illud in Evangelio: Hic quem nunc habes, non est tuus vir (*Joan. iv. 18*). • Licit unum bonum conjugii hic solummodo reponat, scilicet vitationem fornicationis, ista tamen sunt, scilicet intentio sobolis, fides tori, id est ne fornicentur, et figura veri conjugii Christi et Ecclesiae. Quando enim Deus primum feminam junxit viro, de costa viri formatam, figuravit Ecclesiam jungendam Christo de latere ejus in cruce formatam. Nec ita vir et uxor convenient (sicut quidam pseudo prædicant) sine commissione, velut frater et soror cohabitent; sed vir reddat debitum uxori: similiter autem et uxor reddat debitum viro. Sciens hoc quia mulier non habet potestatem sui corporis, ut si velit contineat, sed vir. Similiter et vir non habet potestatem sui corporis, sed mulier, id est neuter potestatem habet continendi 109 sine consensu alterius. Et propterea nolite fraudare invicem, id est non subtrahat se alter alteri in operi conjugii: nisi forte hoc fiat ex consensu utriusque: et hoc non continue, sed ad tempus, et pro hac causa ut purius vacetis orationi. Quod si legitime nuptos oportet continere, ut digne mereantur orare, multo magis illos qui fornicantur. Et eos qui non solum orant, sed quorum manus etiam Dominica sacra tractant, et populo dispensant. Et, tempore orationis præterito, revertimini in ipsum opus conjugii, ne vos a legitimo cessantes tentet Satanás, stimulans vos ad illicita. Et hoc dico propter incontinentiam vestram. Scio enim fragilitatem vestram, quæ magis per indulgentiam nutrienda est, quam per asperitatem deterrenda. Licit propter vitandam fornicationem concederim vobis ducere uxorem, hoc tamen dico secundum indulgentiam, ne videar vos intemperate cogere. Non hoc dico secundum imperium, ut hujus rei præceptum faciam. Si hoc enim præceptum esset, jam omnes ex necessitate uxores ducerent. Et licet ita vobis indulgem, tamen ego volo omnes homines esse sicut meipsum: ut quemadmodum ego, sic omnes continerent. Ex hoc verbo intelligitur, Paulus (et hoc testatur Ambrosius) virgo fuisse: sed quidam attestantur uxorem eum prius habuisse. Hic etiam objiciunt, quia, ait, volo continere omnes, quod conjugium destruere vellet, sed nihil est: quia si omnes exemplo Pauli continerent, ipsi idem aliquos ex scipsis conjugia iniire cogerent, ne bonum Dei institutum periret. Dicit etiam bene Augustinus (lib. *De bono conjugii*, cap. 10), quia si omnes essent sicut Paulus, cito civitas Dei et numerus fratrum implerebatur.

D Ne iterum, quia dixerat: Volo vos esse sicut me, putarent se non salvari, nisi per continentiam assimilarentur ei, contra hoc ait Paulus: Licit dicam quod vellem vos imitari me per continentiam, tionem unusquisque habeat suam uxorem, et unaquaque mulier habeat suum virum, hoc concedo. Ubi ait suam uxorem, excludit eos quibus non licitum est legitimate ducere uxorem, ut eos qui altari ministrant. Ubi ait mulier habeat virum, excludit eas, quæ non legitimate copulantur, nec habent viros, juxta illud in Evangelio: Hic quem nunc habes, non est tuus vir (*Joan. iv. 18*). • Licit unum bonum conjugii hic solummodo reponat, scilicet vitationem fornicationis, ista tamen sunt, scilicet intentio sobolis, fides tori, id est ne fornicentur, et figura veri conjugii Christi et Ecclesiae. Quando enim Deus primum feminam junxit viro, de costa viri formatam, figuravit Ecclesiam jungendam Christo de latere ejus in cruce formatam. Nec ita vir et uxor convenient (sicut quidam pseudo prædicant) sine commissione, velut frater et soror cohabitent; sed vir reddat debitum uxori: similiter autem et uxor reddat debitum viro. Sciens hoc quia mulier non habet potestatem sui corporis, ut si velit contineat, sed vir. Similiter et vir non habet potestatem sui corporis, sed mulier, id est neuter potestatem habet continendi 109 sine consensu alterius. Et propterea nolite fraudare invicem, id est non subtrahat se alter alteri in operi conjugii: nisi forte hoc fiat ex consensu utriusque: et hoc non continue, sed ad tempus, et pro hac causa ut purius vacetis orationi. Quod si legitime nuptos oportet continere, ut digne mereantur orare, multo magis illos qui fornicantur. Et eos qui non solum orant, sed quorum manus etiam Dominica sacra tractant, et populo dispensant. Et, tempore orationis præterito, revertimini in ipsum opus conjugii, ne vos a legitimo cessantes tentet Satanás, stimulans vos ad illicita. Et hoc dico propter incontinentiam vestram. Scio enim fragilitatem vestram, quæ magis per indulgentiam nutrienda est, quam per asperitatem deterrenda. Licit propter vitandam fornicationem concederim vobis ducere uxorem, hoc tamen dico secundum indulgentiam, ne videar vos intemperate cogere. Non hoc dico secundum imperium, ut hujus rei præceptum faciam. Si hoc enim præceptum esset, jam omnes ex necessitate uxores ducerent. Et licet ita vobis indulgem, tamen ego volo omnes homines esse sicut meipsum: ut quemadmodum ego, sic omnes continerent. Ex hoc verbo intelligitur, Paulus (et hoc testatur Ambrosius) virgo fuisse: sed quidam attestantur uxorem eum prius habuisse. Hic etiam objiciunt, quia, ait, volo continere omnes, quod conjugium destruere vellet, sed nihil est: quia si omnes exemplo Pauli continerent, ipsi idem aliquos ex scipsis conjugia iniire cogerent, ne bonum Dei institutum periret. Dicit etiam bene Augustinus (lib. *De bono conjugii*, cap. 10), quia si omnes essent sicut Paulus, cito civitas Dei et numerus fratrum implerebatur.

Ne iterum, quia dixerat: Volo vos esse sicut me, putarent se non salvari, nisi per continentiam assimilarentur ei, contra hoc ait Paulus: Licit dicam quod vellem vos imitari me per continentiam,

tamen *ansquidque vestrum habet proprium donum*, sufficiens sibi ad salutem : quod ego fortassis non habeo. Et hoc donum habet ex Deo. Alius quidem sic, quia largus in eleemosyna. Alius vero sic, quasi fortis in patientia, magnus in oratione. Sic dico de conjugatis. Hoc autem dico non nuptis, id est virginibus in utroque sexu, et viduis in utroque sexu, quia bonum est illis si sic continendo permaneant : sicut plures, et ego continco. Quod si non se continent, id est continere nolunt, vel non possunt : secundum indulgentiam dico nubant : ideo nubere hujusmodi concedo : quia melius est nubere (non dico quam fornicari), sed (quod minus est) quam viri, id est desideriis libidinis agitari et vinci. Non nuptis et viduis alterum secundum indulgentiam alterum secundum consilium dico : sed his qui matrimonio juncti sunt : non solum dico sed præcipio, non ego, sed Dominus, id est non mea auctoritate, sed Domini præcipientis in Evangelio, uxorem non discedere a viro. Hoc præceptum quia satis notum erat, imperfectum posuit, prætermitiens hoc nisi causa fornicationis. Quod si uxor a viro discesserit, propter fornicationem aut per consensum continentiae, præcipio illam manere innuptam, aut reconciliari viro suo. Et vir similiter non dimittat uxorem, nisi propter causam præmissam fornicationis. Hic iterum præceptum imperfectum posuit, quia præmisserat. Et est ita intelligendum : Vir pon dimittat uxorem nisi propter fornicationem; quam si propter hoc dimiserit, maneat innuptus, vel uxori reconcilietur. In libro B. Ambrosii hoc tamen invenitur : ideo non totum de viro præceptum esse quod de muliere : quia uxor membrum viri est, et penitus viro subjecta : quare si a viro discedit, non licet adhærere alteri. Sed vir, quia sub se uxorem habet, et ubique dominatur ei : ideo licere viro si justa causa ab uxore discesserit, ducere alteram quod non licet uxori. His non ego præcipio : nam cæteris tantum ego dico non Dominus, id est ex auctoritate mea. Non quod Dominus non consentiat, sed quia auctoritatem ejus de hac re in Scriptura non inventio. Cæteris dico, id est fidelis et infidelis, et econverso lege conjugii junctis. Hoc utique dico quod si quis frater fidelis habet infidelem uxorem, **110** et haec infidelis consentit habitare cum illo fidelis, non dimittat illam, nec quia fidelis est aspernetur eam infidelem, et econverso. Si qua mulier fidelis habet virum infidelem, et hic infidelis consentit habitare cum illa fidelis, non dimittat virum. Vere fidelis mulier non debet dimittere virum infidelem. Nam plerunque vir infidelis sanctificatus, id est fidelis factus est, per mulierem fidem, cohabitatem ei, et saepius commonentem eum ad fidem. Vel aliter : Fidelis mulier non dimittat virum infidelem, nam vir infidelis in ipso opere conjugii sanctificatus, id est mundus, est, et hoc per mulierem fidem, id est per virtutem, fidei quam habet mulier. Et iterum : Vir fidelis non dimittat uxorem infidelem. Nam plerunque mulier infidelis sanctificata est accepta fide

A per virum fidem, inde docentem eam. Vcl aliter : Mulier infidelis in ipso coitu sanctificata et munda est, prævalente fide viri sui. Non debent utique vicissim se dimittere propter præmissa, sed simul manere : quia alioquin, id est, si alter alterum dimiserit, filii vestri essent immundi, id est non legitimi, sed spuri. Si enim connubium solvit, legitimum fuisse non creditur ; et ideo filii non legitimi si se dimittunt, filii sunt immundi : sed nunc, id est, si cohabitant : filii sunt sancti, id est, judicantur legitimi. Vel aliter : Ideo non separemini, alioquin, id est, si aliter fiat, filii vestri essent immundi, id est in infidelitate permanerent. Si enim alter parentum, cum infidelis eset, ad fidem transiret, filii utique illi parenti adhærerent, qui in priori secta remaneret : in qua filii nati essent, et in qua consuevissent. Et ideo amore filiorum bonum est parentes simul manere. Filii utique vestri essent immundi per infidelitatem. Sed nunc si simul manserint parentes, sunt sancti, id est per fidem purificati. Præcipio ne fidelis, sive vir, sive mulier, separetur ab infideli. Quod si infidelis, vel vir, vel uxor, discedit, et non consentit habitare cum fidi, discedat : non sequatur eum qui fidelis est. Ideo dico permittatur infidelis discedere, remanente fidi : Nam frater, aut soror fidelis, non est subjectus servituti in rebus ejusmodi, quæ fidem ejus destruant. Debent utique alter alteri subservire lege conjugii, sed non contra fidem. Dico si discedit discedat : sed tamen mallem vos in pace cohabitare. Nam deus vocavit nos ad fidem in pace, id est, ut conjugii copulam non rumperemus. Si enim nollet nos remanere in conjugio, prius utique amovendi eramus a conjugio, et deinde vocandi ad fidem.

C Notandum, quædam esse in quibus Deus vocat hominem : in illis, scilicet opus quorum non contradicit fidei : ut Petrum in punctione, cui post vocationem ad piscandum reverti licuit. Alia sunt a quibus vocat, ad quæ post fidem reverti non licet, ut Matthæum a teloneo vocatum, nec ad opus telonei postea reversum. Inde apparet, quia fides Christi nèmini statum priorem aufert, solummodo fidem non destruat. In pace propterea vobis cohabitandum est, quia unde scis, tu, mulier fidelis, si salvum facies virum infidelem? Aut unde scis, tu, vir fidelis, si salvum facies mulierem infidelem? nisi sic ambulet quisque vestrum, sicut Deus divisim proposuit unicuique vestrum. Viro scilicet, ut regat uxorem, uxori ut subserviat viro : et unde adhuc hoc scitis nisi ambulet quisque vestrum ita sicut Deus vocavit unumquemque, ut si in conjugio vocatus fuit, maneat in conjugio? Si simul habitaveritis tunc sciri poterit, an fidelis infidelem lucrabitur : sed si separamini, quomodo hoc scietur? Et hoc dico vobis in conjugio simul manere, sicut in omnibus Ecclesiis doceo. Hoc ideo dicit, quia imponebant ei quidam quod Corinthiis (quia nimis carnales erant) conjugia indulgebat, quæ ab aliis Ecclesiis penitus interdictebat. Sicut modo dixit non esse

mutandum statum conjugii propter fidem, sic per A simile alias status, in quibus vocati sunt, concedit; salva tamen integritate fidei. Et illud: Sicut in omnibus Ecclesiis doceo, sequenti littera **111** conjungit, ita: Qui vocatus est in conjugio, permaneat in eo. Et sicut ego in omnibus Ecclesiis doceo: Si aliquis circumcisus vocatus est, id est, in ritibus Judæorum qui fidem non violant, ille non cogatur adducere præputium, id est morem gentilitatis, ut cogatur uti cibis, quos non consueverunt, qui nec nocent, nec adjuvant comesi, vel non comesi. Iterum si aliquis *vocatus est in præputio*, id est in gentilitate, non circumcidatur, id est non cogatur sequi ritus Judæi. Neuter utique cogendus est, quia nec circumcisio aliquid est, nec præputium aliquid est, id est nec abstinere nec comedere hos cibos prodest, vel nocet ad beatitudinem, sed solummodo *observatio mandatorum Dei* ad habendum beatitudinem sufficit. Et sicut de circumcisio et preputio hoc universaliter dico, quod unusquisque veniens ad fidem, permaneat in eo statu in quo vocatus est; et sciat hunc statum vocationem Dei, quia (sicut supra dixi) si Deus hunc statum negligenter, nunquam vocasset eum ad fidem, quandiu in eo fuisse, et ideo si tu *vocatus es servus, non sit tibi cura manere in servitute; sed et si potes liber fieri aliquo modo, magis utere ipsa servitute, quia quanto plus nunc deprimeris, tanto plus in futuro exaltaberis*. Ideo dico magis utere servitute; quia ille qui *vocatus est servus manens in Domino, hic est libertus*, id est servus Domini; et similiter servus est Christi ille, qui liber vocatus est. Servus et libertus hic idem significant, sed honestius vocabulum servo dedit, ut magis alliceret eum sibi. Quod quia uterque servi estis Christi, propterea nolite fieri servi hominum; ita quod in vobis pereat servitus Christi; et est præmissa causa: *empti enim estis pretio sanguinis Christi*. Et licet dicam, nolite fieri servi hominum; tamen *unusquisque frater, id est fidelis vocatus est in servitute vel in libertate, in hoc maneat*, et ita quod *apud Deum*. Propter vitandam fornicationem, concessit superius unumquemque voluntatem habere suam. Dedit etiam præceptum Domini de conjugatis, ne a se invicem discederent. Dedit præceptum suum de his quorum alter esset fidelis, ne ab infideli discederet.

Sed quia præceptum permanendi in virginitate non dederat, querere posseunt Corinthii, quare hoc præterisset. Ad hoc respondet Paulus. Littera sic jungitur: De conjugatis præceptum Domini; de his autem quorum alter fidelis est, meum præceptum dedi. Sed de virginibus præceptum ideo non determino; quia inde præceptum Domini non habeo. Non enim invenio in scriptis, Dominum præcepisse ut omnes perseverent in virginitate: et quia præceptum Domini super hoc non habeo, propterea *do consilium* illud supradictum: Bonum est virginibus, si sic permaneant ut ego, etc.; nunc autem consilium istud approbat, dicens: Hoc utique consilium

B meum tenendum est. Hoc enim dico; tanquam misericordiam consecutus a Domino. Misericordiam vocat hic et remissionem peccatorum, et maxime apostolatum suum, quod utrumque per gratiam accepit a Domino. Ita misericordiam consecutus sum, ut sim fidelis in commissso apostolatu: fideliter enim dispenso mysteria fidei credita mihi a Deo, in quo quia fidelis sum, non est ambigendum, quin uile sit consilium meum. Et quia fidelis sum, ergo secundum fidem existimo hoc prædictum consilium esse bonum, scilicet permanere in virginitate, si possunt, ut ego. Bonum utique, est propter vitandam necessitatem instantem, id est, quæ quotidie instat conjugatis in nutriendi filiis, et in se alterutrum substantandis, etc. Majus bonum est virginitatis beatitudo permanens, quæ merito virginitatis acquiritur, quam vitare penurias mundi, sed infirmis auditoribus temporale bonum virginitatis prætendit. Quia enim carnales, erant, sciebat eos magis utilitate carnis posse ad bonum induci, quam utilitate spiritus; quia spirituales non erant. Hoc ideo existimo bonum esse, quoniam ita est in reuertestate. Quod sicut: *Bonum est homini utriusque sexus esse permanere, scilicet in virginitate vel continentia*.

112 Quia adeo bonum continentiae prætulerat, ne ideo putarent conjugati debere solvi matrimonia, et continere, contra hoc Paulus opponens ait: Licet dixerim bonum esse sectari castitatem, tamen si *alligatus es uxori, noli querere solutionem, bona enim est castitas conjugalis*. Opposita sententia. Sed quia meliore est continentia vidualis, si *solutus es ab uxore, noli iterum querere uxorem, sed continere*. Iterum ne innupti dicent: Verum quidem est quod conjugati non debent dissolvi, sed nos qui in lege conjugii non tenemur, peccatum facimus si nupserimus? contra hoc Paulus: Licet bonum sit homini esse in castitate, tamen si tu vir acceperis uxorem, non peccasti; et si virgo nupserit, non peccavit. Sed licet virginibus sine peccato nubere licet, tamen si nupserint, *habebunt tribulationem carnis huiusmodi*, id est, quæ sequitur modum conjugii, scilicet gemitus ventris, nutrimenta filiorum, et similia. Conjugatae habebunt quidem tribulationem carnis, sed ego vobis virginitatem custodi volentibus parco, dum ad ea vos provoco, quæ tribulationes carnis et memoratas sollicitudines excludunt. Postquam concessit, ut quæ nolunt continere uabant, determinat quomodo secundum salutem animæ in coniugio se debeant habere, dicens: Quia sine peccato accipere uxorem concessi, itaque, id est, ut sine peccato maneatis in coniugio, determino vobis, ut qui habent uxores, sint tanquam non habentes, id est, non magis voluptati quam Deo inservientes. Et qui flent de dampnis sæcularibus, sic foris flent ut interius per spem gaudeant; et qui gaudent ex prosperitate temporali, ut intus spiritualiter timeant, nec dolent se corrumpendos felicitati, nec adversati frangendos. Quod autem sic se habere debeant hoc dico, fratres, quia tempus istud breve est, et in

proximo est finis. Unde quia tempus breve est, hoc est reliquum, id est, hoc solum saluti relinquitur, ut qui habent uxores, sint tanquam non habentes; et qui flent, tanquam non flentes; et qui gaudent, tanquam non gaudentes, ut quidquid in hoc mundo est pro parvitate temporis potius non esse videatur quam esse; et qui emunt, sint tanquam non possidentes, id est utantur velut sine quibus non possunt, sed non delectantur; et qui utuntur hoc mundo, faciant tanquam non utantur, id est totum ex necessitate, nihil ex delectatione: propterea sic respondeamus est mundus, quia figura hujus mundi præterit. Mundus quidem non præteribit, sed formæ substantiarum ejus destruentur, ut aurum rubore perditum redibit in terram, et cætera similiter. Damnatis enim impiis, figura hujus mundi mundanorum ignium conflagratione peribit, sicut factum est mundanarum aquarum inundatione diluvium. Et quia figura mundi præterit, ideo volo vos esse sine sollicitudine, ne gravati terrenis damnum coelestium incurritis. Sine sollicitudine dicit, ut conjugati quantum possunt exonerent se mundanis. Continentes sint expertes totius mundanæ sollicitudinis.

Et ita exsequitur dicens: Volo quidem omnes esse sine sollicitudine, sed tamen alter expeditior est ad hoc, alter impeditior. Qui enim sine uxore est, virgo, vel continens sollicitus est, id est sollicitus esse potest in his quæ sunt Domini, id est quæ ad Deum pertinent. Licet etiam esse sollicitum, quomodo placeat Domino. Ubi ait: Sollicitus est quæ sunt Domini, intelligit de his quæ saluti sufficient, et sine quibus nemo salvatur. Ubi ait: Quomodo placeat Deo, intelligit illam summam perfectionem, cui non sufficit hoc solum, quod necessarium est saluti, nisi bona sua pauperibus disperserit, mundum deseruerit, nudus uadum crucem scutus sit. Qui sine uxore est, sic ei licet: qui autem cum uxore est, cogente necessitate sollicitus est de his quæ sunt mundi, ut ministret uxori et pueris, sine quibus durare nequeunt. Sollicitus etiam est quomodo placeat uxori, dando monilia, 113 præparando ornamenta, et sic divisus est, quia ex maxima parte distrahitur in cultu uxoris, et cultura familie: et satis modica pars ejus obsequio Dei relinquitur. Sicut vir continens cogitat ea quæ sunt Domini: sic etiam mulier quæ innupta est, id est virgo et vidua, cogitat ea quæ sunt Domini: ut sit sancta et corpore et spiritu, id est per utramque integratem corporis et spiritus. Ea vero quæ nupta est, cogitat ea quæ sunt mundi, id est necessaria domui, et quomodo placeat viro in superfluis; et cum ita commendem vobis continentibus continentiae bonum, porro, id est non aliter, hoc dico, quam ad utilitatem vestram, scilicet non ut per hoc injiciam vobis laqueum, cogens vos vorere virginitatem, quod votum postea frangatis: sed hoc dico, hortando vos ad id, quod est honestum, id est a contagione alienum, et quod præbeat facultatem obsecrandi vos Domino sine impe-

A dimento tribulationis carnis. Per hoc enim potestis observare munditiam vestram, cum ad hoc non impedit vos tribulatio carnis, quæ conjugatas premit. Fortassis dicent parentes: Virginibus quidem nubere licet, sed nostra culpa est quod filias nostras, ut in virginitate maneat, non cogimus. Contra hoc Paulus ait: Licet continentes dixerim habere facultatem ut sine impedimento serviant Dominum, quod non habent conjugatae, tamen si quis pater existimat se videri turpem, id est timet se infamari super, id est, de virginie sua volente nubere: quod illa sit non solum adulta: sed et superadulta: etsi ita oportet fieri, quia nisi maritetur, in proximo est infamia, faciat pater quod vult filia. In hoc enim non peccat pater, si nubat filia, quæ mavult conjugium quam castitatem. Iterum, quia quidam patres filias in proposito virginitatis manere volentes, cupiditate dotis, et ut habeant incrementum generis, et pro hujusmodi eogunt violenter nubere, interdicit Paulus, ne hoc fiat. Littera sic jungitur: De Patre qui filiam volentem permittit nubere, dico quod non peccat: nam de illo qui filiam volentem concedit manere in virginitate, quid aliud dicam, nisi quod benefacit? Ille utique qui statuit in corde suo, id est qui rationabili disponit concilio: ille dico firmus, et perdurans, in hoc non utique habens necessitatem prædictam: quia de filia non timet infamiam: sed habens potestatem suæ voluntatis efficiendæ, quia filia consentit: et qui hoc non solum statuit: sed etiam judicavit, id est deliberaciones in corde suo fecit: considerando pondus conjugii, admirando decus virginitatis. Hic utique si judicavit servare virginem suam, benefacit, dum eam volentem in virginitate custodit. Quandoquidem qui volentem permittit nubere, non peccat: et qui nolentem nubere bene facit, si conservat in virginitate. Igitur et qui matrimonio jungit virginem suam, ita volentem bene facit: et qui non jungit nolentem jungi, bene et melius facit. Sicut de virginibus dixi, non peccat quæ nubit: et quæ non nubit, melius facit: sic de mulieribus, quod illa quæ viro juncta est non peccat: sed quæ in castitate manserit, beatior erit. Quod ita ait: Mulier alligata est viro, quanto tempore vivit vir ejus. Quod si dormierit vir ejus, liberata est a lege viri. Et licet nubere cui vult, tantummodo in Domino, id est legali more conjugii. Sed quamvis liceat ei nubere: tamen erit perfectior si permanserit sic, id est innupta, agens secundum consilium meum. Quid inde dicent illi, si tu ita consulis? Ad hoc Paulus: Non est sperandum consilium meum: quia puto quod sicut alii apostoli: sic et ego habeam spiritum Dei, et per spiritum, gratiam consilii.

CAPUT VIII.

De his autem, quæ idolis sacrificantur, scimus quia omnes scientiam habemus: scientia inflat, charitas vero ædificat. 114 Si quis autem se existimat scire aliquid, nondum cognovit quem admodum oporteat eum scire. Si quis autem diligit

Deum, sic cognitus est ab eo. De escis autem quæ A idolis immolantur, scimus quia nihil est idolum in mundo : et quod nullus Deus nisi unus. Nam et si sunt qui dicantur dii, sive in cœlo, sive in terra (si quidem sunt dii multi, et domini multi) nobis tamen unus Deus, Pater ex quo omnia, et nos in illo : et unus Dominus Jesus Christus, per quem omnia et nos per ipsum, sed non in omnibus est scientia. Quidam autem cum conscientia usque nunc idoli, quasi idolothytum manducant ; et conscientia ipsorum cum sit infirma, polluitur ; esca autem nos non commendat Deo. Neque enim si non manducaverimus, deficiemus ; neque si manducaverimus, abundabimus. Videte autem ne forte hæc licentia vestra offendiculum fiat infirmis. Si quis enim viderit eum, qui habet scientiam in idolio recumbentem : nonne conscientia ejus, cum sit infirma, ædificabitur ad manducandum idolo-thyta? Et peribit infirmus in tua conscientia frater propter quem Christus mortuus est ? Sic autem peccantes in fratres, et percutientes conscientiam eorum infirmam, in Christum peccatis. Quapropter si esca scandalizat fratrem meum, non manducabo carnem in æternum, ne fratrem meum scandalizem.

EXPOSITIO.

Error erat in Corinthiis de usu ciborum. Quidam enim scientes omnia esse munda, sana fide comedebant omnia. Hi autem qui fide infirmi erant, cum viderent prudentiores se idolothyta comedere, credebant eos sub veneratione idoli sic agere, et dicebant : Bonum est ut revertamur ad idolothyta. Nisi enim inteligerent aliquid esse idolum, non comedenter immolata illis hi, qui inter nos prudentiores sunt. Cum autem sic quidam eorum errarent nobabant tamen desistere prudentiores a cibis illis, et sic percutiebant conscientias infirmorum. Et de hujusmodi incipit hic Paulus dicens : De conjugiis per epistolam interrogasti me : sed de his quæ sacrificantur idolis, nihil requisistis a me nec oportuit, quia scimus, id est et vos scitis et ego scio; et cum æqualiter sciamus, non oportuit vos quererere a me: et hoc dicit ironice. Scimus utique de his, quia omnes non hanc solam, sed habemus quamcunque scientiam. Modo improbat hanc scientiam, per malum quod inde sequitur, dicens nos utique scimus : sed scientia ista non satis laudanda est : quia inflat, id est facit vos superbire contra infirmos fratres, in quibus non ex charitate agitis, sed male: quia charitas ædificat, nutriendis virtutes in perfectionis consummationem, et ideo scientia vestra inflat, quia non contemperatur charitate. Improbavit scientiam eorum per malum superbizæ, consequens illam ; nunc ipsam scientiam : ostendens eos inscientes, in quo se existimant esse scientes. Licet dixerim vos scientes, tamen si quis existimat se scire aliquid, uti vos, sine charitate ; profecto hic mundum cognovit ad quem modum oporteat eum scire.

Modus enim hic est, scientiam contemperari charitate. Opposita sententia : Qui inflatur, scientiae modum non cognovit : sed si quis diligit Deum, quia habet charitatem proximi, hic utique cognitus et approbatus est a Deo. Nunc determinat scientiam eorum, in quo laudanda sit, et in quo reprobanda dicens : *Scimus quod diligens Deum, a Deo cognoscitur. De escis autem quæ immolantur idolis, scimus,* id est, vos fide firmi mecum scitis, *quod idolum nihil est in mundo*, id est in creatione mundi. Deus quidem lapidem vel lignum unde formatur idolum, creavit, sed facturam idoli non fecit. Non enim creature illi ex Deo hoc provenit, ut dicatur idolum, sed ab artifice. Et hoc etiam scitis, *quod non est ullus Deus nisi unus solus*, unde constat idolum non esse Deum. Vere unus tantum est Deus. *Nam et si sunt qui dicantur dii : sive in cœlo, ut angeli ; sive in terra, ut apostoli ; juxta illud : Ego dixi : Dii estis (Psal. xxvi, 1).* Bene dico dicuntur dii, qui, siquidem in veritate sunt multi dii : et in diis multi domini, **115** ut in cœlo archangeli dominantur angelis, in terra apostoli martyribus. *Licet utique sint multi dii, nobis tamen est unus Deus Pater, ex quo in principio creata sunt omnia, et nos creati subsistimus in illo per gubernationem ejus ; et unus Deus est Dominus Jesus Christus.* Et bene de unitate Christi cum Patre subdidit. De hoc enim hæsitabent Corinthii, per quem Iesum Christum facta sunt omnia. Pater enim omnia condidit in Filio, et nos per ipsum Christum mediantem sumus in Deo. Sed licet in his sanam habeamus scientiam, tamen non in omnibus scientia nostra æque perfecta. Vere non in omnibus; quidam enim non integræ fidei, conscientia idoli manente usque nunc, qua idolum venerandum esse credunt, manducant quasi idolothytum, id est immolata idolo sub veneratione idoli. Et hoc faciendo polluitur conscientia ipsorum, cum sit infirma pro imperfectione fidei : illos quidem polluit esca, qua utitur, quia nos vident uti, sed illa esca non commendat nos Deo. Nunquam enim propter hanc escam chariores erimus Deo. Quare non in hoc debemus offendere. Vere hæc esca non commendat nos Deo : nam si non manducaverimus hanc escam neque ideo deficiemus a Deo, neque si manducaverimus, propterea abundabimus in bono. Et quandoquidem nil impedit abstinere, nil adjuvat comedere : *Videte ergo, ne forte hæc licentia vestra noceat.* Licet utique secundum sanam fidem vestram, sed non ita licet ut per hoc fiat offendiculum infirmis fratibus, quod contuitu nostro manducando idolothyta peccent, quia sub veneratione idoli. Propterea dico ne fiat offendiculum ; quia si quis non sanae fidei viderit eum recumbentem in idolo, id est in loco ubi immolatur idolo ; eum dico qui habet scientiam quod omnis creatura Dei munda sit, nec contaminetur propter idolum si sana fides sit, videns hoc infirmus, nonne conscientia ejus cum sit infirma animabitur exemplo tuo ad manducandum idolothyta, sub veneratione idoli ? Et sic per infirmam conscientiam

tiam peribit infirmus frater in tua scientia, cuius A

Nec hoc leve putes, quia hic est frater, propter quem Christus mortuus est, et propter quem modicum cibum non vis dimittere, nihil tibi conferentem? Et quia in tua scientia peribit frater, peccas in fratrem. Sic autem peccantes in fratres, et percutientes cibo vestro infirmam conscientiam eorum, peccatis contra Christum qui mortuus est propter infirmum. Quapropter, id est, quia peccare in fratre, peccare est in Christum, si esca mea scandalizat fratrem meum, non manducabo carnem in aeternum. Verum quidem est, quia in aeternitate nemo uteatur cibo carnis, sed ideo sic ait ut magis deterreat a scandalo fratris, cum dicit: Quia si in aeternum cibus carnis comederetur sibi, respueret eum ne poneret offendiculum fratri, ideo nolle in aeternum manducare carnem. Non ideo solum ne fratrem meum peccare facerem, sed ne eum scandalizem, id est saltem animo contristem.

CAPUT IX.

Non sum liber? Non sum apostolus? Nonne Christum Jesum Dominum nostrum vidi? Noune opus meum vos estis in Domino? Et si aliis non sum apostolus, sed tamen vobis sum: nam si graculum apostolatus mei vos estis in Domino. Mea defensio apud eos qui me interrogant, haec est. Nunquid non habemus potestatem manducandi et bibendi? Nunquid non habemus potestatem mulierem sororem circumducendi, sicut et ceteri apostoli, et fratres Domini, et Cephas? Aut solus ego et Barnabas, non habemus potestatem hoc operandi? Quis militat suis stipendiis unquam? Quis plantat vineam, et de fructu ejus non edit? Quis pascit gregem, et de lacte gregis non manducat? Nunquid secundum hominem haec dico? An et lex haec non dicit? Scriptum est enim in lege Moysi: Non alligabis os bovi trituranti (Deut. xxv, 4; I Tim. v, 18). Nunquid de bobus cura est Deo? An propter nos utique hoc dicit? Nam propter nos scripta sunt, quoniam 116 debet in spe qui arat arare; et qui triturat, in spe fructus percipiendi. Si nos vobis spiritualia seminavimus, magnum est si nos carnalia vestra metamus? Si aliis potestatis vestre participes sunt, quare non potius uos? sed non usi sumus hac potestate. Sed omnia sustinemus, ne quod offendiculum demus Evangelio Christi. Nescitis, quoniam qui in sacrario operantur, quae de sacrario sunt, edunt? Et qui altari deserviunt, cum altari participant? Ita et Dominus ordinavit his qui Evangelium annuntiant, de Evangelio vere. Ego autem nullo horum usus sum. Non autem scripsi haec, ut ita stant in me. Bonum est enim mihi magis mori, quam ut gloriam meam quis evacuet. Nam si evangelizavero, non est mihi gloria: necessitas enim mihi incumbit: vae enim mihi est, si non evangelizavero. Si enim volens hoc ago, mercedem habeo; si autem invitus,

dispensatio mihi credita est. Quæ est ergo merces mea? Ut Evangelium prædicans, sine sunptu ponnam Evangelium, ut non abutar potestate mea in Evangelio. Nam cum liber essem ex omnibus, omnium me servum feci, ut plures lucrifacerem. Et factus sum Judæus tanquam Judæus, ut Judæos lucrarer; iis qui sub lege sunt, quasi sub lege essem (cum ipse non essem sub lege), ut eos qui sub lege erant lucrifacerem; iis qui sine lege erant, tanquam sine lege essem (cum sine lege Dei non essem, sed in lege essem Christi), ut lucrifacrem eos, qui sine lege erant. Factus sum infirmis infirmus, ut infirmos lucrifacerem. Omnibus omnia factus sum, ut quines facerem salvos. Omnia autem facio propter Evangelium, ut particeps ejus efficiar. Nescitis, quod hi qui in stadio currunt, omnes quidem currunt, sed unus accipit bravium? Sie currite ut comprehendatis. Omnis autem qui in agone contendit, ab omnibus se abstinet: et illi quidem ut corruptibilem coronam accipient, nos autem incorruptam. Ego igitur sic curro, non quasi in incertum; sic pugno, non quasi aerem verberans; sed castigo corpus meum, et in seruitutem redigo, ne forte cum aliis prædicaverim, ipse reprobus efficiar.

EXPOSITIO.

Dissuadet iterum ab offendiculo fratris dicens: Licet sana sit fides vestra, debetis tamen abstinere a cibis pro quibus offenditur infirmitas fratris; quemadmodum videtis me, qui cum habeam potestatem accipiendi temporalia a Corinthiis, quibus prædico, nolo tamen offendiculum præbere infirmitati eorum. Et quod posset accipere ab eis jure prædicationis præmitit, dicens: Possum quidem a vobis carnalia accipere, si voluero; quia nonne sum ego liber? Nonne habeo libertatem illam quam habent alii apostoli, qui de prædicatione sumptus accipiunt? Sic ideo ait, quia bonum suum illi pseudo verterant in malum dicentes: Ideo non a vobis necessaria accipit; quia scit se non esse apostolum, cum illi solum sint apostoli, qui cum Christo in terris conversati sunt, hic autem non vidit eum. Vere liber sum, ut alii: Nonne ego sum apostolus? Non, dicerent illi; quia non vidisti Christum. Contra hoc Paulus: Sum utique apostolus. Nonne vidi Christum Dominum nostrum? Vedit eum in hora vocationis, quando dictum est ei: Saul, Saul, quid me persequeris? (Act. ix, 4.) Vedit iterum eum, quando illi oranti in templo dictum est: Portabis nomen meum in gentibus, etc. (Act. xxiii, 11.) Sum apostolus, quia vidi Christum. Sum etiam ideo, quia nonne opus meum, id est mei apostolatus vos estis: et hoc in Domino, cuius gratia in me, et in vobis operatur, sine omni merito. Vos utique estis meum opus in Domino quia etsi, id est licet, aliis non sum apostolus (quod utique sum), sed tamen vobis apostolus sum. Vere vobis præcipue. Nam vos estis signaculum apostolatus mei, id est quia signatae et expressæ sunt in vobis gratiae Dei, per ministerium mei apo-

stolatus. Ideo vos estis approbatio apostolatus mei : et hoc totum in *Domino*, quia et apostolatus mei et gratiae vobis datae sunt, per misericordiam Dei. Hoc ideo dicebat, quia Corinthii acceperant diversas gratias, ut curationes, et genera linguarum, quam gratiam aliis præferebant, cum esset minima, 117 ut ipse dicturus est. Et quod per gratias acceptas estis signaculum mei apostolatus, haec est mea defensio, id est, per hoc defendor et comprobar esse apostolus apud eos, qui me interrogant, id est, qui dubitant de me; quia non corpore cum Christo conversatus sim, utrum sim apostolus, an non. Postquam probavit se apostolum, probat quod jure apostolatus possit accipere temporalia ab his, quibus ministrat spiritualia, dicens : Quandoquidem (sicut probatum est) apostolus sum. Nunquid non habemus potestatem manducandi et bibendi apud eos quibus prædicamus? Et nunquid non habemus potestatem circumducendi mulierem, id est, ut circumquaque nobiscum ducamus mulieres, quæ nobis de suis temporalibus ministrent. Mulierem dico non in opere carnis, sed fide et pia conversatione sororem. Hanc formam habendi fideles mulieres in comitatu suo traxerunt apostoli a Domino Jesu, qui idco mulieres secum cohabitare voluit, ut ostenderet sicut virum, ita se redimere mulierem. Unde quidam dubii erant propterea, quia mulier causa fuit totius perditionis. Nunquid, inquam, possumus hoc sicut et cæteri apostoli possunt; etiam fratres Domini, scilicet, Jacobus Hierosolymitanus, et Judas Zeotes, qui Jacobi frater dicitur, et sicut Cephas, id est, Petrus qui utique mulieres in suo comitatu habuit? Et cum omnes habeant, aut ego solus et Barnabas, qui mecum laborat in Evangelio, non habemus potestatem operandi hoc, id est, ut quemadmodum alii, sic et nos accipiamus a subditis? Quod licitum sit ei accipere probat, et humanis rationibus, et per legem veterem, et per Evangelium, dicens : Vere debemus ex licto hoc operari. Quis enim unquam militat in castris, vivens de propriis stipendiis? Lex militiae non patitur hoc. Et, quis plantat vineam, et non edit fructum ejus? Et, quis pascit gregem, et non manducat de lacte gregis? Sed, nunquid secundum hominem, id est, secundum humanas rationes dico, et approbo hoc quod carnalia a subditis accipere debeam? Dico etiam hoc per legem; quia an etiam lex hæc non dicit? Dicit utique, quia sic scriptum est in lege Moysi : Non alligabis os bovi trituranti (Deut. xxv, 4; I Tim. v, 18) in area, sed comedet de his quæ triturat.

Diceret carnalis : Quid ad te? De bove enim hoc præceptum est, non de homine. Contra hoc Paulus : Nunquid Deo cura est bobus in lege, ut de eis præceptum ibi posuerit? De bobus utique non est hæc cura Deo. Sed an propter nos utique hoc dicit? Vere propter nos: nam etiam hæc alia propter nos scripta sunt, scilicet, quod ille, qui arat, debet arare in spe percipiendi temporales fructus, et ille qui triturat, in spe percipiendi fructus triturat. Arare dicit spi-

A nas infidelitatis eradicare de bono fidei, cum qui infidelis est excolare. Triturare dicit, postquam jam sunt in Ecclesia, accepta fide triturat eos prædicator, separans grana a palcis, bonos a malis. Et qui arat, et qui triturat, meretur accipere temporalia. Probat iterum idem aliis rationibus dicens : Et si nos prædictores seminavimus vobis spiritualia, magnum est modo, id est, nullius pretii reputari debet si nos metamus a vobis vestra carnalia? Et si alii, id est pseudodoctores, sunt participes vestrorum rei, ita ut potestati sua faciant de vestris quod placet, quare non potius nos, qui sanam doctrinam ministramus? Probato quod sit apostolus, et quod lege ministerii potestatem habeat accipiendo ab eis, tandem venit ad illud, propter quod incepit dicens : Licet apostoli essemus et potestatem ex apostolatu habemus, tamen non sumus usi hac potestate, ut aliquid a vobis acciperemus.

B Dicerent illi : Fortasse non indiguistis. Ego utique, sed tamen sustinemus omnia, famem, siti, nuditatem. Propterea ne demus aliquid offendiculum Evangelio Christi, id est, ne in aliquo videamur impediare bonum nostræ prædicationis. Timebat Paulus in hac re 118 plura offendicula; quia si acciperet ab eis qui minus erant avari, mallent non audire prædicationem, quam dare temporalia. Præterea, quia si Paulus acciperet, acciperent similiter pseudo: qui licet Paulo adversarentur, tamen in hoc et in quibusdam eum sequebantur, non audentes facere quod Paulus non accipiebat; qui si exemplo Pauli occasionem accipiendo haberent, pro paucis cibis (quia gulosi erant) absolverent eos a magnis peccatis, et hac occasione ipsi Corinthii securius peccarent. Non utimur potestate, ne faciamus offendiculum. Ideo enim non dimittimus quin nobis licet: nescitis enim, quod qui in sacrario, id est in opere templi, ut in cortinis, vel in aliqua reparatione operantur, edunt illa quæ sunt de sacrario? Sacrarium dicitur quasi secretarium post altare. Et, an nescitis, quod sacerdotes qui servient altari, partem capiunt cum altario? Pars enim super altare comburebatur, et pars sacerdotibus in cibos reservabatur. Vel aliter, ut illud præmissum de gentilibus dicamus: Nescitis quoniam hi qui operantur in sacrario gentilium, edunt ea quæ sunt de sacrario? Et qui servient altari Judæorum, participantur cum altario? ita, id est eodem ordine, vivere, scilicet, de prædicatione, ordinavit Dominus his qui annuntiant Evangelium, ubi ait in Evangelio: Edentes et bibentesque apud illos sunt (Luc. x, 7), etc. Et licet Dominus sic ordinaverit, tamen ego non sum usus aliquo horum, vel cibo, vel potu, vel tegumento.

Dicerent illi : Callide Paulus agit ita loquens, ut quod prius simpliciter non accepit, modo duplicatum recipiat. Contra hoc Paulus : Licet ita scribam, tamen non ideo scripsi hæc, scilicet, me non fuisse usum aliquo horum, ut ita fiant in me deiinceps, id

est, ut quod prius non coepi, modo multiplicatum recipiam : ideo nee feci, nec amodo volo fieri in me, *quia magis bonum est mihi mori nedium pati penuriam, quam ut quis evacuet gloriam meam*, id est remunerationem quam exspecto de Evangelio. Si enim cum offendiculo fratris evangelizarem, gloriam utique meriti mei evacuarem. Vel ita : Bonum est mihi magis mori, quam modo moriar. Nunc enim multis tribulationibus morior, sed mallem adhuc majori egestate mori, quam ut quis evacuet gloriam meam. Vere gloria mea ne evacuetur timendum mihi est. *Nam si ego evangelizavero sic, id est cum offendiculo fratris, cupiditate accipendi sumptus a vobis, jam non est mihi gloria, sed perit remuneratione mei.* Vere non debetur mihi gloria : nam necessitas, id est egestas incumbit mihi quae me evangelizare cogit, ut sic habeam stipendia. Vere necessitas incumbit : *nam si non evangelizavero, est mihi vae, id est dolor egestatis, famis scilicet et nuditatis.* Si ex necessitate evangelizavero, non est mihi gloria. Si autem hoc ago volens, id est ex voluntate tantum, non pro cupiditate sumptuum : tunc habeo mercedem mei Evangelii. Vel aliter, ad hoc quod superius dixit : Malo mori, quam gloriam meam evacuari.

Diceret aliquis : Si Evangelium tuum res talis esset, pro qua, si non fieret, non deficeremus; vel pro qua, si sit, non in melius abudemus, ut eset idolo-thyta sana fide comedere, credi posset quod gloria tua periret, si cum offendiculo fratris evangelizares. Sed quia Evangelium tuum res tantæ dignitatis est, per quam salventur homines, non est credibile quod pro offensione infirmi fratris pereat gloria tua de Evangelio. Evacuabitur pro certo, ait Paulus : Nam si evangelizavero tantum, et ab offendiculo fratris non declinavero, non erit mihi gloria pro solo evangelizare. Nullius enim meriti est sic evangelizare, ut offensionem fratris non caueamus. Vere non est multum evangelizare solummodo. Nam necessitas evangelizandi incumbit mihi, ex injuncto officio. Et vere necessitas officii mei evangelizare me cogit. Nam vae, id est, damnatio mihi est si non evangelizavero. Et inde palam est quod non est tanti evangelizare, cuius gloria propter offendiculum fratris non pereat. Si ex necessitate ministerii mei tantum evangelizavero, non est mihi gloria : sed si hoc ago volens, non ut cupiditate sumptus fratrem offendam, tunc habeo ego de Evangelio meo mercedem. Sed si hoc facio invitus, id est necessitate coactus, parvipendens offendere fratrem, hoc quidem verum est quod dispensatio donorum Dei credita est mihi, id est quod non minus propter peccatum meum dispensat Deus gratias suas, sed tamen sine mercede mea. In hoc verbo mihi invitò et peccanti per offendiculum fratris credita est dispensatio gratiarum Dei, accipiunt sancti auctoritatem : quod licet minister malus sit, dona tamen Dei per eum dispensata non minuuntur, propter peccatum illius, sicut nec augentur propter justitiam ejus. Et quia dixi si volens hoc ago, tunc ex voluntate

A mercedem habeo. Ergo dicamus modo quæ est merces mea, id est qualis debet esse voluntas, pro qua mihi merces veniat : talis esse debet voluntas, ut ego prædicens Evangelium ponam, id est collocem Evangelium, et fundamentum ejus constituam, sine sumptu accepto a Corinthiis pro quo offenderentur. Ideo sine sumptu, ut non abutar, id est ut non male utar potestate mea, concessa mihi in Evangelio. Potius enim sum de Evangelio sumptus accipere, sed si fratrem in hoc offendero, male utor hac potestate. Credendum est quod sine sumptu ponam Evangelium, ne offendatur infirmitas auditorum : nam (quod sumptu majus est) cum liber essem ex omnibus, et nulli eorum aliiquid deberem, feci me servum omnium, ut sic lucrifacrem plures. Et qui pro utilitate eorum

B jugum servitutis sub omnibus habui : credendum est quod a sumptu contineam, timens offensionem fratris, pro quo lucrando servum me exhibui. Vere servum omnium me feci ; nam Judæorum, Samaritanorum, gentilium, et infirmorum fratrum. Quod ita exequitur : *Factus sum Judæis tanquam Judæus, condescendens ritibus eorum, abstinendo a carnibus a quibus abstinebant, ut sic lucrarer Judæos, libenter mihi acquiescentes, quia ritus eorum non aspernarer.* His etiam qui sub lege sunt, id est Samaritanis, qui quinque libros Moysi tenent, sed prophetas non habent, factus sum quasi sub lege essem : cum tamen ipse non essem sub lege ; sed ideo feci ut hoc modo lucrifacrem eos qui erant sub lege, id est Samaritanos. Samaritani sunt quos rex Assyriorum captivitatis filii Israel posuit ad incolenda loca Samaria, et sunt ex origine Persarum (IV Reg. xvii, 24) ; qui quinque libros Moysi receperunt, cum multis tribulationibus vexaret eos Deus, quia terram populi sui Israel sibi illicite usurpassent. His etiam qui erant sine lege, id est gentilibus, factus sum tanquam essem sine lege, coutens cibis eorum et asserens Deum elcgisse eos, cum tamen non essem sine lege Dei, sed essem in lege Christi ; sic ideo factus sum ut lucrifacrem gentiles qui erant sine lege. Factus sum etiam infirmis fratribus infirmos : abstinentia a licitis cibis, ne generarem offendiculum eorum infirmati, ut sic lucrifacrem infirmos. Et quid enumerem singula ? Omnibus factus sum omnia : D perfectus perfectis ; et sic in singulis, ut omnes salvos facerem. Hæc autem omnia facio propter collocandum Evangelium ; quod nisi sic facerem, evakuaretur propter offendicula fratrum. Propter Evangelium ideo, ut efficiar particeps ejus, id est ut partem capiam remunerationis, quam Evangelium attestatur, et fidelibus promittit. Hic totum quod de se induxit adaptavit. Quasi diceret : Quemadmodum omnibus omnia factus sum propter Evangelium, sic et compatimini infirmitati fratrum ut participes sitis promissæ beatitudinis. Dixi abstinentum esse vobis a licitis, causa infirmorum fratrum, sicut ego apostolus vester a licitis abstineo, ne dem offendiculum Evangelio Christi ; quod totum ideo facio : ut accipere merear quod exspecto. Inductus exemplo co-

rum qui, ut temporalem coronam accipient, abstinent ab omnibus quæ ad accipiendam coronam **120** eos impedian. Quia an nescitis quod hi qui in stadio currunt, omnes quidem currunt, sed unus accipit bravum, id est coronam vel præmium cursus? Stadiu m dicitur spatiu m ducentorum et viginti quinque passuum, quantum Hercules uno anhelitu cucurrit, et non respiravit; et dicitur stadium a stando, quia statur in fine cursus. Quandoquidem currentes in stadio sollicite intendunt ad accipiendum bravum, sic ergo currite abstinendo ab omnibus quæ impedire vos possunt, ut omnes comprehendatis bravum æternæ felicitatis. Si enim omnes hic currunt ubi unus tantum accipit bravum, multo sollicitius currere debetis, ubi omnes æternum bravum accipietis. Sic utique currere debetis abstinendo ab omni quod vos impedi posse. Nam omnis ille qui contendit in agone, id est in certamine cursus, abstinet se ab omnibus impeditibus cursum. Et illi quidem currentes in stadio sic se abstinent, ut accipient corruptibilem coronam: nos accepturi incorruptibilem, longe amplius abstinere nos debemus, quanto digniori corona remunerabimur. Et quia incorruptam coronam exspecto, igitur ego sic curro, non quasi in incertum. Ille currit in incertum qui modo male, modo bene agit. Cum enim bene agit, sperat se accepturum; quando vero male, diffidit. Currere dicit bene operari, sine impedimento illatæ tribulationis: Pugnare dicit quando insertur tribulatio, et fortiter resistit. Sic etiam pugno non quasi verberans aerem, ut quod bene dicam, opere in me non compleam: qui enim in vanum verba dicit, aerem solum verberare dicitur. Vel ita: Non quasi aerem verberans, id est non frustra ictus meos projiciens, sicut ille qui pugnat cum hoste, quando, projecto ictu, non tangit hostem, dicitur verberare aerem; sed ego conterens hostem, non verbero aerem, sed castigo corpus meum, id est carnis concupiscentias comprimo: et ita quod corpus redigo in servitutem, id est ut caro non solum non repugnet, sed etiam serviat spiritui. Ideo sic castigo et redigo, ne forte contingat quod contingere posset, ut, cum aliis prædicaverim, ipse efficiar reprobis et damnabilis. Ubi ait ne forte, bene ostendit Deum sic eligere suos ut non cogateos: ne libertatem arbitrii in eis destruant, quin si velint iterum cadere, possint.

CAPUT X.

Nolo enim vos ignorare, fratres, quoniam patres nostri omnes sub nube fuerunt, et omnes mare transierunt, et omnes in Moyse baptizati sunt in nube et in mari (*Exod. xiii, 21*). Et omnes eamdem escam spiritalem manducaverunt, et omnes eumdem potum spiritalem biberunt. Bibebant autem de spiritali, consequente eos petra. Petra autem erat Christus. Sed non in pluribus eorum beneficium est Deo. Nam prostrati sunt in deserto (*Num. xxvi, 65*). Haec autem in figura facta sunt nostri, ut non simus concupiscentes malorum, sicut et illi concupierunt (*Psal. cv, 11*);

A neque idololatriæ efficiamini sicut quidam ex ipsis, quemadmodum scriptum est: Sedit populus manducare et bibere, et surrexerunt ludere (*Exod. xxxii, 6*). Neque fornicemur, sicut quidam ex ipsis fornicati sunt (*Num. xxv, 1*), et ceciderunt una die viginti tria millia. Neque tentemus Christum, sicut quidam eorum tentaverunt, et a scriptis perierunt (*Num. xxi, 6*). Neque murmuraveritis, sicut quidam eorum murmuraverunt, et perierunt ab exterminatore. Haec autem omnia in figura contingebant illis; scripta sunt autem ad correptionem nostram, in quos fines sæculorum devenerunt. Itaque qui se existimat stare, videat ne cadat. Tentatio vos non apprehendat, nisi humana. Fidelis autem Deus est, qui non patietur vos tentari supra id quod potestis, sed faciet etiam cum tentatione preventum, ut possitis sustinere. Propter quod charissimi mihi, fugite ab idolorum cultura. Ut prudentibus loquor: Vos ipsi judicate quæ dico. Calix benedictionis cui benedicimus, nonne communicatio sanguinis Christi est? Et panis quem frangimus nonne participatio corporis Domini est? Quoniam unus panis, et unum corpus multi sumus: omnes **121** quidem de uno pane, et de uno calice participamus. Videte Israel secundum carnem: nonne qui edunt hostias, participes sunt altaris? Quid ergo? Dico quod idolis immolatum sit aliquid, aut quod idolum sit aliquid? Sed quæ immolant gentes, demoni immolant, et non Deo (*Deut. xxxii, 17*). Nolo autem vos socios fieri dæmoniorum. Non potestis calicem Domini bibere, et calicem dæmoniorum: non potestis mensæ Domini participes esse, et mensæ dæmoniorum. An æmulamur Dominum? Nunquid fortiores illo sumus? Omnia mihi licent, sed non omnia expediunt. Omnia mihi licent, sed non omnia ædificant. Nemo quod suum est querat, sed quod alterius. Omne quod in macello venit, manducate, nihil interrogantes propter conscientiam. Domini est terra, et plenitudo ejus (*Psal. xv, 1*). Si quis vocat vos infidelium ad cœnam, et vultis ire: omne quod vobis apponitur, manducate, nihil interrogantes propter conscientiam. Si quis autem dixerit: Hoc immolatum est idolis: nolite manducare propter illum, qui indi- D cavit, et propter conscientiam. Conscientiam autem dico, non tuam sed alterius. Ut quid enim libertas mea judicatur ab aliena conscientia? Si ego cum gratia participo, quid blasphemor pro eo, quod gratias ago? Sive ergo manducatis, sive bibitis, vel aliud quid facitis, omnia in gloriam Dei facite (*Coloss. iii, 17*). Sine offensione estote Iudeis et gentibus et Ecclesiæ Dei: sicut et ego per omnia omnibus placebo, non querens quod mihi utile est, sed quod multis, ut salvi fiant.

EXPOSITIO.

Quia Paulus dixerat: Castigo corpus meum, etc., ne ipse reprobis efficiar, ad hoc diceret aliquis: Quare tantopere laboras, ne reproberis? Non enim

credendum est Deum leviter reprobare nos, quibus A baptismum, fidem et cætera sacramenta Ecclesiæ contulit, etiam si injuste aliquando simus operati. Contra hoc Paulus probat nihil valere ad salutem sacramenta, si desint bona opera. Patres enim Veteris Testamenti eadem quæ habemus in veritate, habuerunt in figura; sed quia male operati sunt, non profuerunt illis sacramenta; sic nec nobis proderunt, si mala fuerint opera nostra. Littera sic jungitur: Propterea tantopere labore, ne reprobis efficiar. Video enim non mihi sufficere accepta sacramenta, si defuerint opera; quemadmodum nec patribus nostris sub Veteri non suffecerunt, quia male operati sunt. Quod ut videatis, *nolo vos ignorare, o fratres, quoniam patres nostri*, id est Judæi, qui nos in cultu Dei præcesserunt, et docuerunt, et quorum figuræ veritatem nostram genuere. Illi, inquam, patres omnes, nullo separato, fuerunt sub nube. Nubes illa quæ inter Ægyptios et Judæos posita fuit usque ad mare Rubrum, significavit divinam misericordiam, quæ catechumenos protegit, donec veniant ad baptismum. Et omnes patres nostri transierunt mare Rubrum, ita et nos omnes per baptismum transimus; et omnes patres nostri in Moyse, id est in regimine Moysi baptizati sunt, id est profecti sunt in nube, separante eos ab Ægyptiis, et in maris transitu. *Baptizati* dicit, cum nec ista vox de illis tunc dicta sit, nec mare illud veritas baptismi fuerit, quia figura tantum, sed nomen significatæ rei, pro ipso significante ponit; quia quemadmodum illi in ducatu Moysi protecti sunt, longe melius nos duce Christo protégimur in baptismo, in quo nobis peccata remittit, et liberum arbitrium nostrum conformat ut possit resistere diabolo male suadenti. Ideo etiam ait, *baptizati sunt*; quia quam efficax nobis est baptismus ad salutem, sic esset eis transitus maris, si credentes mandatis Dei obdiren̄t. Et omnes patres nostri manducaverunt eamdem escam, id est manna. Escam dico spiritualem, id est spiritualis escae corporis et sanguinis Christi significativam. Ideo etiam spiritualem; quia quod esca corporis et sanguinis Christi facit in nobis, idem proferset eis ad salutem manna illud, si in bono persistissent. Non quod aliud fuerit quam manna. Et omnes biberunt eundem potum, id est aquam fluentem de petra: potum dico spiritualem; quia potum 122 sanguinis Christi figurantem, et idem in fide valentem eis si boni essent. Nec semel inde biberunt, sed bibeant assidue de petra, id est de aqua manante de petra consequente eos, quia quocunque ibant in deserto, aqua illa sequebatur illos. *Petra* dico spirituali, id est spiritualem petram Christum significante. Quare non semel, sed continue bibeant; quia non sufficit nobis qui quotidie in peccatum labimur semel sumere sanguinem Christi, quia sicut quotidie cadimus, sic jugi medicamine egemus. *Petra autem* illa unde manabat aqua, erat Christus, de cuius latere fluxit aqua nostræ regenerationis. Et licet tot sacramenta habuerint patres nostri, tamen non in pluribus

corum beneplacitum est Deo; quia peccando, datis sacramentis indignos se fecerunt. Vere plures eorum non placuerunt Deo: nam prostrati sunt in deserto, provocantes super se iram Dei male agendo. Et hac prædicta non solum causa eorum facta sunt, sed etiam in figura nostri. In omnibus enim prædictis figurata est veritas sacramentorum, quæ data est nobis per Christum. Ideo in figura nostri facta sunt, ut non simus concupiscentes malorum, sicut et illi multoties mala concupierunt.

Hic Paulus se inserit eis, ut melius eos retrahat, peccata quorum compatiendo sua facit. Nunc quædam peccata Judæorum reponit, quæ vidit in Corinthiis esse, dicens: Ne sitis concupiscentes malorum, scilicet, neque efficiamini idololatriæ. Hic jam separat se ab illis quibus in idololatria non consensit, ne, inquam, *sitis idololatre sicut quidam eorum* fuerunt. Corinthii autem idololatre erant; quia vel sub veneratione idoli idolothyla comedebant; vel non curantes offendere fratrem manducando idolothyla, causa erant quare infirmus frater idololatra esset, et sic de idololatria accusabiles. Idololatre fuerunt quidam Judæorum, quemadmodum de eis scriptum est in Exodo: *Sedit populus Judæorum manducare et bibere, quæ immolaverunt vitulo conflati, et postea surrexerunt ludere* (*Exod. xxxii, 6*), id est choreas ducere, et cætera coram idolo. Vel surrexerunt ludere, id est idolum adorare: quod ludus et derisio videbatur de his, qui per tot miracula erant instructi. Neque fornicemur, sicut quidam ex ipsis fornicuti sunt cum Madianitis, et propterea ceciderunt viginti tria millia (*Num. xxv, 1*). Fornicatio erat in Corinthiis, ut in eo qui duxerat uxorem patris, cuius per consensum alii erant rei. Neque tentemus Christum, sicut quidam eorum tentaverunt, dicentes: « Nunquid poterit Deus parare mensam in deserto (*Psal. lxxviii, 19*) ; et illi perierunt a serpentibus, venenatis eos, donec Moyses serpente æroum erexit in ligno, quem qui Judæorum videbat, ea die a lesione serpentum securus erat: qui serpens significavit Christum secundum humanitatem, ut idem in Evangelio perhibet: « Sicut exaltavit Moyses serpentem in deserto, sic oportet exaltari Filium hominis (*Joan. iii, 14*). » Tentabant Corinthii Deum, D dum de resurrectione dubitabant, quasi Deus non posset, quidquid ex bonitate vellet. Neque murmuraveritis, quod utique faciebant Corinthii, quorum quidam dicebant Paulum non esse apostolum, et similia: sicut quidam Judæorum murmuraverunt, ut filii Core et Dathan et Abiron, dicentes Moysen non ex præcepto Dei consecrare Aaron in sacerdotem, sed pro exaltatione sui generis; et ideo perierunt ab exterminatore, id est a percutiente angelo.

Notandum est quod, quia Judæi rudes erant, nec spiritualia capere possent; ideo in carnalibus servire Deo propositum fuit illis. Et sicut in carnali servitute offendentes, secundum carnem puniebantur; sic et nos quibus spiritualia data sunt, si in eis offendimus, secundum animam puniemur. Non so-

lum prædicta sacramenta in figura nostri præcesserunt, sed etiam *hæc omnia, et peccata, et pœnae peccatorum contingebant illis in figura nostri*; quia si illi **123** manentes in umbra, pro transgressu umbrae damnati sunt, quanto magis nos, si in ipsa veritate peccamus? Non solum *hæc illis in figura nostri contigere, sed etiam scripta sunt hæc ad correptionem nostram*, ut per exempla eorum corripiamur. *Nostram dico, in quos devenerunt fines sæculorum*; quia quantumcunque duratura sint *hæc sæcula*, nos tamen *fines habemus*; quia hi ritus, qui per Evangelium dati sunt, sunt ultimi ritus. Et ipsi, quandiu mundus erit, non finientur. *Vel ita: In nos devenerunt fines sæculorum*, quia finita est omnis sæcularitas, scilicet veterum rituum carnalitas, et tradita est nobis ipsa veritas. Quandoquidem priora sacramenta patribus nostris nihil profuerunt propter peccatum, et hæc ad nostram doctrinam scripta sunt.

Ilaque, id est propterea ille vestrum qui se existimat stare, scilicet qui sane intelligit de creaturis Dei, sibique licere omnia, videat ne cadat per offendiculum fratris. Et, ne in hoc verbo quia dixerat videat ne cadat, turbarentur Corinthii, scientes justum etiam septies in die cadere, determinat Paulus de quo casu intelligat, dicens: Videat quisque ne cadat, sic ut non apprehendat vos tentatio, id est delecatio peccati, nisi quæ sit humana, id est necessitate earnis veniens, scilicet venialis. Quod ad vos pertinet, videte ut faciatis; quia Deus fidelis est et verax in promissis, qui fideles suos in nullo lescerit; qui Deus non patietur vos tentari supra id quod potestis. Secundum enim quod videt fortitudinem vel teneritatem cujusque, tribulationes disponit. Nec scilicet non patietur vos supra modum tentari, sed etiam faciet vobis cum tentatione proventum, id est et augmentum virtutis qua perseveretis, et augmentum tribulationis: faciet, dico, ita ut vos possitis sustinere, ne in tribulatione deficiatis.

Propter quod, id est quia videndum est stanti, ne cadat, et Deus præsto est qui manum porrigat. Ideo fugite a cultura idolorum; si hoc facitis, tunc eritis mihi charissimi. Fugere a cultura idolorum dicit et infirmis qui sub veneratione idoli comedebant, et his qui, licet sanæ fidei essent, tamen causa erant qua fratrum infirmitas corrumperetur. Et ut fugiatis a cultura idolorum, rem subtilem dicturus sum, in qua loquor vobis non ut simplicibus, sed ut prudenteribus; et ideo vos ipsi judicate, id est quanto subtilius potestis, apud vos discutite hoc quod vobis dico. Summam sententiae breviter extra colligamus: Ideo fugere debetis a cultura idolorum; quia, sicut ille qui corpori et sanguini Christi communicat, unura quodammodo fit cum Christo, sic ille qui communiceat idolo, idolothyta comedendo incorporatur diabolo.

Nunc litteram exponamus: Fugiendum vobis est a cultura idolorum, quia calix, id est sanguis Christi. Calix dico benedictionis, per quem benedictiones gratiarum accipimus: quia per sanguinem Christi,

A si digne sumimus, et a prioribus peccatis liberamur, et contra venientia confortamur; cui calici nos benedicimus, laudantes eum, quod nunquam hujusmodi calix fuerit, qui et a peccatis liberaret, et ne ultra peccaremus confortaret. *Vel calix benedictionis*, id est quem ipse Deus benedit et consecrat, et cui nos benedicimus per officium nostrum: Deus enim hoc efficit per sacerdotem ministrum. *Hic itaque calix nonne est communicatio sanguinis Christi?* id est: nonne per sanguinem assumptum unimur Christo, ipsique conformamur? *Et panis*, id est verum corpus Christi, qui sub specie sola panis accipitur. *Panis* dico quem nos in altari frangimus, ut quod unum est in veritate (licet ita videatur), scindi tamen non potest, dividentes significemus nos, qui diverse

B personæ sumus, unum fieri in Christo. *Hic, inquam, panis quem frangimus, nonne est participatio corporis Domini?* id est: nonne per hoc corpus Deum in nobis capimus, eumque nobis incorporamus? Ideo in duabus substantiis, corporis scilicet et sanguinis sacrificium **124** hoc Deus instituit; ut per carnem in altari traditam ostenderet se redimere carnem nostram, per hæc sacramenta in incorruptionem quandoque transferendam; et per sanguinem quem tradit, insinuaret se similiter redimisse animam nostram; ad quod de anima insinuandum: quia re incorporali uti non potuit, digne per sanguinem, qui sedes animæ dicitur, animam figuravit. Nec in duas substantias distribuit, ut diversas partes ejus inteligeret. Qui enim sanguinem tantum, vel corpus solum, totum accipit: qui utrumque accipit, non magis per utrumque, quam per alterum accipit. Quod corpus sicut vera caro Christi est sub specie panis, ita per solam speciem atteritur, diminuitur, in partes dividitur, cum in veritate incorruptibile, indivisible, impotens diminui permaneat. Vere per receptionem sanguinis et corporis Christi unimur Christo; quoniam multi sumus unus panis, id est sicut in pane diversa grana in unitatem panis transiunt, ita et nos unimur fidei, spe et charitate. *Summus etiam multi unus corpus secundum diversitatem membrorum sibi invicem in unitate dilectionis subservientium. Nos omnes sumus unus panis et unus corpus: qui participamus de uno pane et de uno calice*, id est de corpore et sanguine Christi per quem conuinimur Christo, incorporantes eum nobis.

D Modo secundum Ambrosium, quod sequitur dicas: *O Israel, id est o fidelis anima, quæ Deum intueris, quod in spiritualibus modo vobis ostendi, vide te idem fieri secundum carnem, id est per carnalem participationem idolothyti diabolo communicare. Nonne eniun qui edunt hostias immolatas diabolo, participes sunt altaris diaboli?* id est: nonne communicant ipsi diabolo per hoc quod participant quæ super altare idoli immolantur? Quemadmodum in spiritualibus, sic in carnalibus quin fiat, negari non potest. Quia dico comedentes immolata idolo participare diabolo, ergo quid dico, id est an hoc dicere existimor quod immolatum idolis sit aliquid aliud

quam esset priusquam immolaretur? Absit hoc ut videar hoc dicere quod idolum sit aliquid aliud quam lapis vel lignum, vel illud unde fabricatum est! quia per immolata ipsi dico hominem uniri diabolico. Non utique dico quod *immolatum idolis*, vel *idolum aliquid sit* quod prius non fuerit; sed hoc dico, quod *gentes que immolant hæc, immolant illa dæmoniis*, et per hoc uniuntur ipsis, non per carnem immolatam, quod aliud sit quam caro, neque per idolum, quod aliud sit quam prius fuerit. *Dæmoniis immolant, et non Deo*: quare diabolo sese incorporant. Vel aliter (ut extra librum adaptationem similitudinis accipiamus), ita: Quia communicantes corpori et sanguini Christi uniuntur Christo, ita per simile participantes immolatis idolo uniuntur diabolo. Et hoc extra litteram accipiamus, ut quod per spiritualia ostendit, in carnibus videatis: Videte, modo Israel, id est Judaicum populum, secundum carnem, id est secundum carnales ritus agentem. Nonne enim qui apud Judeos edunt hostias immolatas Deo, participes sunt altaris, id est participant Deo cui immolant in altari? Eodem modo qui edunt idolothyta, participes sunt diaboli. Et hoc extra librum.

Sequens littera sic jungitur: Quandoquidem dico comedentem idolothyta participare diabolo, ergo quid videor dicere? Sequens littera non mutatur. Propterea volo vos fugere a cultura idolorum, quia nolo vos fieri socios dæmoniorum, sicut probatum est esse eos qui idolothyta comedunt. Ideo essetis socii dæmoniorum, nisi idola fugiatis, quia non potestis bibere calicem dæmoniorum et calicem Domini. Et non potestis esse participes mensæ Domini et mensæ dæmoniorum. Debemus fugere a cultura idolorum, ne associemur dæmoniis. Debemus etiam ideo, quia participando mensæ dæmoniorum, æmulamur, id est invidemus Domino, cuius regnum ex 125 nobis ipsis, et imitatoribus nostris diminuimus. Sed an æmulamur Dominum? Malo utique nostro invidemus ei, quia nunquid fortiores illo sumus? Qui autem fortiori se invidet, male agit, quia opprimitur ab illo.

Dicerent ad hæc, qui sana fide idolum illique immolata nihil esse crederent. Videris, Paule, intelligere immolata idolo aliquid esse, cum nos propterea dicas fieri socios dæmoniorum. Absit hoc! ait Paulus. Hoc enim plane profiteor, quod omnia ista licita sunt mihi, et cuicunque sanam fidem habenti ex fide comedere, sed tamen ideo non licere, quod non omnia expediunt, sed potius beatitudinem per offendiculum fratris impediunt. Iterum idem, omnia utique mihi licent, secundum sanam fidem, sed non omnia ædificant proximum, et in eo quod destruunt eum, non licent. Et quia ad ædificationem proximi omnia agenda sunt, propterea nemo querat quod suum est tantum, et non proximi, sed querat quod alterius, id est quod ad ædificationem proximi valet.

Quia modo dixit secundum fidem licere, propter offendiculum fratris non licere. Determinat modum quando his cibis uti licet, et quando non, dicens.

A Ne in prædictis offendatis, sic discernite: Omnes quod in macello venit, id est venditur, manducate; nihil interrogantes propter conscientiam, quam in sequentibus determinabit. Manducate omnia, quia Dominus est terra et plenitudo ejus (Psalm. xxv, 1). Si quis autem infidelium vocat vos ad prandium, et vultis ire, quod bene licet (quia de infidelibus non habemus judicare) omne quod vobis apparetur manducate, nihil interrogantes propter conscientiam, quam iterum determinabit, vos nihil interrogetis. Sed si quis dixerit vobis: *Hoc est immolatum idolis, nolite illud manducare propter illum qui indicavit, et propter conscientiam, quam nunc determinat.* Conscientiam autem dico non tuam, qui fide sanus es, sed propter conscientiam alterius, id est infirmi fratris, ne offendat te. Dixit conscientiam, primum notans conscientiam Judæi qui, si videat Christianum idolothyta comedentem, dicet non adhærendum esse Christianæ fidei; quia revertuntur ad culturam idoli. Secundo conscientiam gentilis, qui videns illud idem dicet: Quare dimitterem idola mea, cum Christiani ad ea revertantur? Tertio conscientiam infirmi fratris, propter causam sæpe dictam. Propter conscientiam alterius abstinere debes. Quia ut quid libertas mea, id est hoc quod mihi ex sana fide licet, judicatur, id est judicabilis fiat et damnabilis ab aliena conscientia, id est propter infirmam conscientiam fratris. Et si ego participo idolothyta cum gratia, id est comedens in nomine Domini, quare blasphemor, id est cur me blasphemabilem exhibeo, pro eo quod gratias ago? Putat enim me infirmus vel infidelis idola venerari, cum ago gratias Deo. Quandoquidem conscientia nullius laedenda est, ergo sive manducatis, sive bibitis, vel aliud quid facitis, hæc et omnia facte, non in licentiam fidei vestræ, sed in gloriam Dei, ut nemo juste vel injuste possit calumniari fidem Christi. Et ut in gloriam Dei omnia faciatis, estote sine offensione Judæis et gentibus, et Ecclesiæ Dei, id est infirmis fratribus, sicut supra determinatum est. Estote dico et sicut ego placebo, id est placere labore omnibus per omnia, non querentes quod mihi solum utile est, sed quod utile sit multis, ut sic salvi fiant multi per me. Et ut multis utilis sitis, estote in hac re imitatores mei. Quod si mei critis et Christi, sicut et ego Christi imitator sum.

CAPUT XI.

¶ Imitatores mei estote, sicut et ego Christi. Laudo autem vos, fratres, quod per omnia mei memoris estis; et sicut tradidi vobis præcepta mea tenetis. ¶ Volo autem vos scire, quod omnis viri caput Christus est; caput autem mulieris vir (Ephes. v, 25) caput vero Christi, Deus. 126 Omnis vir orans aut prophetans, velato capite, deturpat caput suum. Omnis autem mulier orans aut prophetans, non velato capite, deturpat caput suum: unum est enim, ac si decalvetur. Nam si non velatur mulier, tondeatur. Si vero turpe est mulieri tonderi aut decalvari, velet caput suum. Vir quidem non debet velare caput suum; quoniam imago et gloria

Dei est, mulier autem gloria viri est. Non enim vir ex muliere est, sed mulier ex viro. Etenim non est creatus vir propter mulierem, sed mulier propter virum. Ideo debet mulier velamen habere super caput suum, et propter angelos. Verumtamen neque vir sine muliere, neque mulier sine viro, in Domino. Nam sicut mulier de viro, ita et vir per mulierem: omnia autem ex Deo. Vos ipsi judicat: decet mulierem non velatam orare Deum? Nec ipsa natura docet vos, quod vir quidem si comam nutriat, ignominia est illi: mulier vero si comam nutriat, gloria est illi; quoniam capilli pro velamine ei dati sunt. Si quis autem videtur contentiosus esse, nos talem consuetudinem non habemus, neque Ecclesia Dei. Hoc autem præcipio: non laudans, quod non in melius, sed in deterius convenitis. Primum quidem convenientibus vobis in Ecclesiam, audio scissuras esse inter vos, et ex parte credo. Nam oportet et hæreses esse, ut et qui probati sunt, manifesti fiant in vobis. Convenientibus ergo vobis in unum, jam non est Dominicam cœnam manducare. Unusquisque enim suam cœnam præsumit ad manducandum. Et alias quidem esurit, alias autem ebrius est. Nunquid dominos non habetis, ad manducandum et bibendum? Aut Ecclesiam Dei contemnitis, et confunditis eos qui non habent? Quid dicam vobis? Laudo vos? in hoc non laudo. Ego enim accepi a Domino, quod et tradidi vobis, quoniam Dominus noster Jesus Christus in qua nocte trædebatur, accepit panem, et gratias agens fregit, et dixit: Accipite et maxime ducate: Hoc est corpus meum, quod pro [omnibus] vobis tradetur; hoc facite in meam commemorationem. Similiter et calicem, postquam coenavit, dicens: Hic calix novum testamentum est in meo sanguine; hoc facite, quotiescumque sumitis, in meam commemorationem. Quotiescumque enim manducabitis panem hunc, et calicem bibetis, mortem Domini annuntiabitis, donec veniat. Itaque quicunque manducaverit panem, vel biberit calicem Domini indigne, reus erit corporis et sanguinis Domini (*Joan. vi, 59.*) Probet autem se ipsum homo, et sic de pane illo edat, et de calice bibat. Qui enim manducat et bibit indigne, judicium sibi manducat et bibit, non dijudicans corpus Domini. Ideo inter vos multi infirmi et imbecilles, et dormiunt multi. Quia si nosmetipsos dijudicaremus, non utique judicaremur. Dum iudicemur autem, a Domino corripimur, ut non cum hoc mundo damnemur. Itaque, fratres mei, cum convenientis ad manducandum, invicem exspectate. Si quis esurit, domi manducet, ut non in judicium conveniatis. Cetera autem cum venere disponam.,

EXPOSITIO.

Postquam de immolatis idolo reprehendit eos ne vel sub offendieulo fratri, vel sub veneratione idoli participarent illis, transit ad aliud, quod nimis impudice consueverant, scilicet ut viri velato capite orarent in Ecclesia; mulieres vero denudato: quod

A ne ulterius fiat in eis, prohibet et lege conditionis eorum et auctoritate sanctorum, et quia natura repugnat. Littera sic jungitur: De hoc quod vel sub veneratione idoli, vel sub offendieulo fratri idolothya comeditis, vos reprehendo. De hoc autem laudo vos, o fratres, quod estis memores mei per omnia quæ imperavi vobis. Memores ideo; quia, sicut tradidi vobis præcepta mea, sic tenetis nihil inexplatum prætermittentes. Et hoc totum ironice; quia mandatum ejus vix in aliquo tenuerant. Sed licet ita laudem vos, in eo tamen vitupero, quod vir velato capite, mulier nudato, deturpat se. Sed præmittit rationes, quibus sic non debere fieri approbet, dicens: Ne tam perverso more deturpetis capita vestra, volo vos scire quod Christus caput est

B 127 omnis viri divitis vel pauperis; a Deo enim principium habet non ab alio. Et quemadmodum in capite omnes sensus habemus, et nullum in corpore præter tactum, quem habemus iterum in capite; sic omnes sensus nostri consentire, et cooperari debent capiti suo Christo; Christus est caput viri: vir autem caput est mulieris, id est principium. De costa enim viri fabricata est mulier, et sie materiam principii sui traxit a viro: qui vir a Deo tantum habuit principium. Christus est caput viri; Deus vero est caput, id est principium Christi, secundum hominem caput specialiter; quia immunem a peccato per unitam ipsi divinitatem Christum Deus constituit. Secundum Deitatem Deus est caput Christi; quia Filius principium habet a Patre, Pater non ab alio. Et quia vir Christum solummodo caput habet, ideo *omnis vir orans in ecclesia Dominicam orationem, vel quaslibet orationes, aut prophetans; prophetare dicit, vel symbolum dicere, in quo carnis resurrectio et vita æterna, quæ futura sunt prædicuntur; vel prophetans, id est legens in ecclesia et revelans quæ præterita sunt vel futura solummodo de Christo; vir ita faciens, deturpat caput suum.*

Possemus hic dicere caput viri Christum quem, dum inhoneste agit, quantum ad se deturpare videatur, cuius jussa spernit; sed quia sequens littera sic non patitur, dicimus: Vir velato capite orans deturpat proprium caput, dum libertatem quam habet

D (quia sub nullo præter Christum est) tegit velamento: quod signum est erubescendæ subjectionis. Vir velato capite orans deturpat proprium caput; sed *omnis mulier orans aut prophetans* (sicut supra expositum est) non velato capite, deturpat proprium caput, quod semper velare deberet, in signum ejus erubescendiæ, quod totius perditionis causa sit mulier, et maxime cum in Ecclesia suo praesentatur judici, cui omne genus hominum infestum fecit, dum diabolo consensit, et ad consentiendum eidem virum impulit. Vere, mulierem non velare caput, est deturpare caput. Nam *unum* et idem est, quod non velat caput *ac si decalvetur*, id est capillo in fronte discriminat, cum certum sit quod nolit tonderi. Decalvetur tantum posuit,

quod utique habet pro inconvenienti, quia sciebat illas nullo modo velle tonderi. Vere non velare caput est decalvari : nam si non velatur mulier, tondereatur : quod quia nullo modo faciet, sequitur ut non velato capite decalvetur. Ex non velato capite, sequitur necessario vel decalvari, vel tonderi ; sed si turpe est mulieri, quod utique dedecet tonderi, vel decalvari, velet caput suum, quod deceret. Mulier velet caput, sed vir non debet velare caput, quoniam vir est *imago Dei*, a quo formam et principium habet, et est vir gloria Dei. Si enim bene egerit, gloriatur Deus in eo. Vir est *imago et gloria Dei*. Sed mulier est gloria viri; quia debet a viro gubernari; et si bene gubernata fuerit, gloriam habet super his quae mulier bene gessit. Vere vir solius *Dei gloria est*, et mulier gloria viri. Nam vir non est ex muliere, id est in prima conditione vir non habuit originem ex muliere, quae neccum erat; sed mulier principium habuit ex viro, quia de costa Adae edificata est Eva. Iterum vere vir est gloria tantum *Dei*, et mulier viri. Etenim vir non est creatus propter mulierem, ut serviret ei, quia Deo soli; sed mulier creata est propter virum, ut omni servitute maneret in adjutorio viri. Et quia mulier ad gloriam viri facta est, et ut semper viro subisset, ideo mulier debet semper habere potestatem, id est signum quod sit alienae potestatis, supra caput, quod velare debet in signum subjectionis; et propter angelos, id est propter doctores Ecclesiae, qui angeli dicuntur, quia Dei nuntii sunt, ne visa lascivia impudicarum mulierum, illicite moveantur ad eas. Vel propter angelos *Dei*, qui praesentes sunt in omnibus Ecclesiae sacramentis, ne offendantur intemperantia tantae libidinis. Vel propter angelos, id est propter patriarchas et priores sanctos, qui ne hoc fieret prohibuerunt. Quia modo adeo depresserat mulierem sexum, sic per omnia 128 viro indignorem factum. Nunc relevat et consolatur eum, dicens : Licet in prima creatione vir mulierem praecesserit, tamen in sequenti successione generandi, vir et mulier pares sunt; quia neque vir sine muliere, neque mulier sine viro generare queunt, sed participatione alterius aequaliter generat uterque. Nec tamen quod ex se procreari possint, sed totum in Domino : Dominus enim per conjunctionem masculi et feminæ creat hominem. Vere nec vir sine muliere, nec mulier sine viro : nam sicut mulier generatur de viro; ita et vir generatur per mulierem.

Hic quidam insidianter verbis Pauli, quare dixerit mulier de viro, vir non de muliere, sed per mulierem, dicentes de solius viri semine concipi puerum sine semine matris, sed tantum per mulierem soveri puerum in utero matris, nec mater babeat ibi semen, sed solam uteri nutrituram. Male exponentes verba Pauli, cum per tam bene sit materialem, quemadmodum *de*. Licet dicam mulierem generari *de viro* et *e converso*, tamen haec et omnia quæcunque sunt *ex Deo* sunt; quia nec vir nec mulier per se possunt aliquid sine Deo.

A Hæc præmissa leguntur sub allegoria sic : Vir qui in prima creatione factus fuit a Deo, in multa rationalitatis fortitudine significat rationem, quæ semper regere debet sensualitatem; mulier autem quæ non adeo fortis fuit, sicut vir, significat sensualitatem quæ, bene gubernata, obedire debet rationi. Quod utique diabolus subtiliter intuens virum se non posse pervertere, cum magis ratione vigeret, quam sensualitate mollesceret; aggressus est mulierem, quam sensit magis sensualitate premi, quam ratione erigi. Et secundum hoc, sic dicimus : Vir non debet velare caput, quoniam vir est *imago Dei*, id est per vim rationis imaginatur Deum, et per rationem agendo gloria est *Dei*. Glorificatur enim Deus in bene agentibus servis; mulier autem, id est ipsa sensualitas, gloria est viri per rationem Deum imaginantis : sensualitas enim bene operando consentiens rationi, gloria ejus est. Et licet per virum rationem, per mulierem accipiamus sensualitatem, non tamen negamus quin utrumque sit in utroque, et ratio in muliere vir dicitur; et sensualitas in viro mulier appellatur. Nec sic de ratione et sensualitate hic agimus, quin semper ad ipsas personas respiciamus. Vir debet esse gloria *Dei*, et mulier viri. Nam vir non est ex muliere, id est rationalitas non debet pendere ex sensualitate, sed mulier ex viro, id est sensualitas ex ratione. Vir utique non est ex muliere. Etenim vir non est creatus, id est ratio non ad hoc data est homini propter mulierem, id est ut sequatur sensualitatem, sed mulier propter virum, id est sensualitas creata est propter obediendum rationi. Et quia mulier propter virum creata est, ideo deberet habere signum potestatis supra caput, et propter angelos, sicut dictum est. Sed licet virum tanta dignitate prætulerim mulieri, tamen neque vir sine muliere, nec mulier sine viro, id est alter non præcedet alterum in Domino, id est in beatitudine, solummodo bene operentur : licet in prima creatione vir mulierem præcesserit, vere alter non præcedet alterum in salvatione; nam illud quod supra dictum est, mulier de viro, vir non de muliere, nihil nocebit, cum in successione generationis vir ita sit de muliere, sicut mulier de viro, licet in prima creatione mulier de viro solo generata sit, omnia autem ex *Deo*, sicut dictum est.

D Probavit secundum ordinem creationis secundum instituta Patrum, virum non debere velari, nec mulierem denudare caput. Probat idem per naturam utriusque : quæ viro breviores capillos dedit in signum libertatis; mulieri prolixos in signum velandi pudoris. Licet enim quidam viri longiores habeant, hoc fit per artem, non per naturam. Si vero feminæ breviores habeant, hoc est ex aliquo vitio, non ex natura. Littera sic jungitur. 129 Probavi superius per ordinem creationis velandum esse caput mulieris. Nunc vos ipsi, Corinthii, judeicate, quod non debere fieri probabo per naturam, *Judicate, inquam, an decet mulierem non velatum*

orare Deum? Non utique; quia nec ipsa natura docet vos sic agere, imo prohibet. Et cum natura prohibeat, si vir quidem nutriat comam, ignominia est illi, quia contra naturam agit. Si vero mulier nutriat comam, gloria est illi; quoniam capilli longi dati sunt ei a natura pro velamine, id est in signum velaminis, quod capiti semper debet supponi. Probaui per ordinem creationis, et per legem naturae, virum non debere caput velare, nec mulierem denudare. Sed si quis inter vos videtur contentiosus, nec consentit nostris rationibus, hoc unum dicimus ei: Frater, nos non habemus talem consuetudinem, nec habuimus in synagoga Judaeorum, neque adhuc habemus in nova Ecclesia Dei, ut vir velato capite, mulier non velato oret. Et quia consuetudo hoc non habuit, nec adhuc habet, propterea, quia admonitione nostra abuteris, jam non solum suadeo, sed ex auctoritate nostra praeceptio ne ulterius fiat hoc insuetum.

Postquam ab hoc malo coercuit Corinthios, transit ad alia, in quibus longe deterius offendebant: seducti enim a pseudomagistris, dereliquerunt institutionem Pauli, quam eis tradiderat de susceptione corporis et sanguinis Christi. Suaserant enim eis pseudo, quod post coenam communicari deberent: hac enim hora Christus tradiderat haec sacramenta discipulis suis participanda. Unde in multa mala devenerant; quia, cum inter eos essent schismata, ad unitatem corporis Christi accedere presumebant; et aliud malum, quia prius coenabant et inebriabantur, et hoc in ecclesia et in his coenis eos qui tantos apparatus non habebant, erubescere faciebant, nec indigentibus aliiquid ministrabant, et post haec mala mensa Domini se ingerebant. Littera sic jungitur: Hoc quod praemissum est ne fiat praeceptio, illud aliud non laudans, sed magis improbans. Hoc scilicet, quod convenit ad coenam Dominicam, in qua deberetis unum fieri, vos dico non per hoc profecturos in melius, sicut deberetis, sed lapsuros in deterius. Et cum multa sint mala vestra, primum quidem omnium hoc repono, quod, vobis convenientibus in ecclesiam, audio inter vos esse scissuras et discordias, cum Ecclesia unitatem exigat, et, sicut audio, bene credo ex parte, id est propter partem de vobis, quos in schismatibus scio gloriari. Credo utique, nam cōportet credere. Nam religiosae personae mandaverunt mihi. Vel ita: scissuræ in vobis ideo sunt; nam oportet esse scissuras, id est quaslibet discordias, et (quod majus est) hæreses. Necessæ est enim ut veniant scandala, ad hoc, ut qui probati sunt et a Deo electi, fiant manifesti in vobis, perdurantes in temptationibus, et ut reprobi fiant similiter manifesti. Quandoquidem scissuræ sunt in vobis, ergo convenientibus vobis in unum, qui unitati contradicunt, jam non est, id est, pro sola causa discordiae non licet manducare Dominicam cœnam, id est corpus et sanguinem Christi, quæ Dominus discipulis in coena tradidit; vel iam, id est in hoc mundo, Dominica coena vobis pro discordia interdictatur, sed in futuro

A damnabimini penitus. Propter scissuras non licet corpus Christi accipere. Ideo etiam vobis non licet: quia unusquisque vestrum presumit, id est, presumendo anticipat propriam cœnam, non solum ad apparandum, sed etiam ad comedendum. Et præterea aliud malum: quia alius quidem (qui non habet unde sibi præparent) esurit. Iterum aliud malum: Alius autem ebrius est. Sed sic in ecclesia comedentes, nunquid non habetis privatas domos ad manducandum et bibendum? quas si non haberetis, tolerabilius esset in platea comedere. Aut contemnitis 130 Ecclesiam Dei, in qua inebriamini; et confunditis eos, id est verecundiam infertis pauperibus, qui non habent quid sibi præparent?

B Et quia sic impudenter agitis, quid dicam vobis? Certe sine charitate estis, contemptores Dei, sectatores gulæ, etc. Laudo ego vos in hoc? utique non laudo, imo vitupero. Vel ita: Laudo vos in quibusdam aliis, sed in hoc nullatenus laudo. Postquam vituperavit in eis ordinem in quo male consueverant, determinat eis quomodo sacramenta Christi accipere debeant, scilicet in abstinentia, non in ebrietate, sed in dolore, et in tribulatione. Littera sic jungitur: Non laudo vos quia corpus Domini ebrii suscipiunt; sic enim non esset accipiendum, sed in commemoratione tribulationis et mortis Christi. Sed priusquam ad hoc veniat, commendat illud quod dicturus est auctoritate Domini, dicens: Ego accepi ab ipso Domino quod jam tradidi vobis, et nunc iterum tradam, hoc scilicet quod Dominus noster Jesus Christus in illa nocte, (nox autem signum est adversitatis et tristitiae; in qua nocte non epulabatur, non inebriebatur, sed ad mortem pro peccatis nostris tradebatur) accepit panem, id est veram substantiam panis. Et agens gratias Deo Patri de hoc; quia, sicut per eum disposuerat, humanum genus redimebat, et in obedientia Patris perseverabat. In his verbis quibus Christus gratias egit Patri, dicitur substantia panis et vini apposita in altari, transire in veram carnem et verum sanguinem Christi. Gratias, inquam, agens fregit illud, quod unum et inseparabile durat in æternum; sed fregit, cum singulis totum dedit: ut per hoc insinuaret, nos, qui personis diversi sumus, debere unum fieri in dilectione Dei. Fregit, inquam, et dixit: Accipite, id est, acceptabile hoc habete, et subtiliter discutite mysterium hujus sacramenti; ut, quemadmodum ego pro vobis, sic et pro nomine meo et proximis pati gauleatis. Accipite, inquam, et manducate. In qua re Christus insinuare voluit non sufficere nobis si crederamus, nisi gustando videamus quam suavis est Dominus; sicut manducare non proficeret, nisi crederemus. Et hoc quod panis paulo ante erat, nunc vere est corpus meum; quod corpus tradetur pro vobis in mortem, licet nunc illud vobis porrigan immortale et impassibile.

Notandum est hoc etiam sic esse signa substantiae; ut nullam ibi qualitatem notent, neque mortalitatem, neque immortalitatem. Nec mirandum est si (quem-

admodum ait Augustinus) manibus mortalibus se immortalem ferebat, eum in transfiguratione (*Matth. xvii*), qui tunc et postea mortalis fuit, se in gloria immortalitatis et impassibilitatis Petro, Jacobo et Joanni ostendit. *Manducate*, inquit, *corpus meum*: et *hoc facite*, id est, continue sumite. Non in gaudio et ebrietate, sed in *meam commemorationem*: ut vos semper memores passionis et mortis meæ, et pati et mori velitis pro me. *Similiter* sicut corpus, *acceptit calicem postquam cœnavit* (hic innuit, quod post cœnam corpus similiter dederit); *acceptit*, inquam, *calicem*, *dicens*: *Hic calix* qui paulo ante vera substantia vini erat: hic utique calix est meus *sanguis*: et in hoc *meo sanguine est novum testamentum*, id est nova promissio. Lex enim vetus carnalia pro*littebat*; sed hoc sacramentum corporis et sanguinis mei rem novam, quia spirituale beatitudinem promittit. Testamentum etiam ideo novum, quia nunquam est immutandum, ut alii ritus inducantur. Et *hoc*, scilicet sanguinem meum; *facite*, id est sumite, in *meam commemorationem*, id est contrito et humiliato corde, non semel, sed *quotiescumque sumitis*. Et justum est ut hoc sumatis in memoriam mei; *quia quotiescumque manducabis panem hunc*, id est verum corpus meum, quod speciem et saporem panis retinet (ne sumentes illud abhorreant); et *quoties bibitis hunc calicem*, id est sanguinem **131** meum (propter saporem et speciem vini retainentem), *quoties*, inquam, haec sumatis, *annuntiabitis*, id est repræsentabis mortem Domini, cui semper compati et commori debetis; facientes hoc *donec Dominus veniat ad judicium*, et scipsum vobis facie ad faciem tradat.

Notandum est cur Dominus Jesus post cœnam, celebrato veteri pascha, corpus et sanguinem suum, novum scilicet pascha discipulis tradiderit; quod satis competenti ordine factum est. Si enim prius novum pascha, deinde vetus celebraret, non videretur per hoc novum sacramentum destruere vetera, nec finem esse veterum; sed videretur innovere quod iterum, post hæc nova, reducturus adhuc esset illa vetera. Ut autem ostenderet omnia vetera in hoc novo sacrificio finem habere, nec illa unquam esse reducenda, congrue vetus pascha ad destructionem præmisit, et novum pascha, quod permansurum erat, supposuit; in quo omnium veterum finis fuit, quandoquidem in *commemorationem* et in conformitatem Christi sumenda sunt hæc sacramenta. *Itaque quicunque manducaverit panem*, id est corpus Domini, *vel biberit calicem*, id est sanguinem Domini *indigne*, id est in scissura, in ebrietate, vel in hujusmodi malis, ille erit reus corporis et sanguinis Domini, id est damnabilis propter corpus et sanguinem Christi indigne acceptum. Ne autem reus flat homo, probet se ipsum, id est examinet et dijudicet se, non confessens illi qui male agit, quasi per hoc justitiam suam præferat; sed scipse in contituo infirmitatis suæ dijudicet. Et sic probatus edat de pane illo, et de calice bibat. Oportet ut homo sic se ipsum prophet.

A Qui enim manducat et bibit indigne, hic manducat et bibit non indulgentiam, sed *judicium*, id est damnationem sibi; et merito, quia non dijudicans, id est parum discernens ab alio cibo *corpus Domini*, quemadmodum non discernebant Corinthii; quia quod in toto præmiserat, de Corinthiis maxime intellexerat. Ex præmissis infert in eos: Quia indigne sumitis corpus Domini, nec ab aliis cibis illud dijudicatis: ideo inter vos, o Corinthii, multi sunt infirmi, febribus et hujusmodi passionibus; et multi imbecilles, qui virtute membrorum privantur; et etiam dormiunt multi somno mortis. Quia non examinamus nos, ideo sic affligimur; si vero nos met ipsos dijudicaremus, id est mala facta nostra dijudicaremus, id est damnaremus flagello pœnitentiae, non utique dijudicaremus, id est damnaremur pro his a Domino. Unde enim homo seipsum judicat, inde liber evadit judicium Dei. Et licet per infirmitatem et imbecillitatem sic affligamur a Domino, tamen dum sic dijudicamur, et, secundum quosdam de nobis male agentes, damnamur, nos alii, ne similiter peccemus, corripimur a Domino; in quo enim Deus judicio agit contra impios, in eo misericorditer castigat suos.

Corripimur dico, ut correcti non damnemur cum hoc mundo; ideo non ait cum Corinthiis, sed cum mundo. Intelligit enim eis qui peccant non plus professe accepta sacramenta, quam his qui in mundo, id est in gentilitate, adhuc permanent: quandoquidem indigne sumentes damnantur; et quia per damnationem impiorum corripimur. *Itaque, fratres mei*, ut digne et bene correpti suscipiatis, cum vos convenitis ad manducandum cœnam Domini, exspectate invicem, id est alter alterum, non anticipantes constitutam horam accipiendi Dominicam cœnam. Secundum enim traditionem Domini, consuevit Ecclesia in die cœne ad vesperum communicare. Dico ut exspectetis. *Si quis vero esurit*, et legitimam horam exspectare negligit, malo ut manducet domi, quam ante horam anticipet cœnam Christi; non tamen, postquam comederit, participaturus mensæ Christi. Sic invicem exspectare vos volo, ut non conveniatis in judicium, id est conventus vester non sit vobis causa damnationis. Hæc supradicta **132** modo vobis proposui, quia scio vos sine his non posse salvari. *Cætera autem*, sine quibus tamen salvari potestis, sed ad incrementum gloriae proficia, illa cum ego venero disponam vobis.

CAPUT XII.

« De spiritualibus autem nolo vos ignorare, fratres. Scitis autem quoniam cum gentes essetis, ad simulacra muta prout ducebantur cuntes. Ideo notum vobis facio quod nemo in spiritu Dei loquens, dicit anathema Jesu. Et nemo potest dicere « Dominus Jesus », nisi in Spiritu sancto. Divisiones vero gratiarum sunt, idem autem spiritus. Et divisiones ministracionum sunt, idem autem Dominus. Et divisiones operationum sunt, idem vero Deus, qui operatur omnia in omnibus. Unicuique autem datur manifestatio spiritus ad

utilitatem. Alii quidem per spiritum datur sermo sapientiae; alii autem sermo scientiae, secundum eundem spiritum; alteri fides in eodem spiritu; alii gratia sanitatem in uno spiritu; ali operatio vi. lit. tum; alii prophetia; alii discretio spirituum; alii genera linguarum; alii inter retatio sermonum. Hæc autem omnia operatur unus atque idem spiritus, dividens singulis prout vult (*Rom. xii. 6; Ephes. iv. 7*). Sicut enim corpus unum est, et membra habet multa, omnia autem membra corporis cum sint multa, unum corpus sunt; ita et Christus. Etenim in uno spiritu omnes nos in unum corpus baptizati sumus; sive Judæi, sive gentiles, sive servi, sive liberi; et omnes in uno spiritu potati sumus. Nam et corpus non est unum membrum, sed multa. Si dixerit pes, quoniam non sum manus, non sum de corpore; num ideo non est de corpore? Et si dixerit auris, quia non sum oculus, non sum de corpore; num ideo non est de corpore? Si totum corpus oculus, ubi auditus? Si totum auditus, ubi odoratus? Nunc autem posuit Deus membra, unumquodque eorum in corpore sicut voluit. Quod si essent omnia unum membra, ubi corpus? Nunc autem multa quidem membra, unum autem corpus. Non potest autem oculus dicere manui: Opera tua non indigo; aut iterum caput pedibus: Non estis mihi necessarii. Sed multo magis quæ videntur membra corporis infirmiora esse, necessaria sunt. Et quæ putamus ignobiliora membra esse corporis, his honorem abundantiorem circumdamus. Et quæ in honesta sunt nostra, abundantiorem honestatem habent: honesta autem nostra nullius agent; sed Deus temperavit corpus, ei cui deerat abundantiem tribuendo honorem, ut non sit schisma in corpore, sed in ipsum pro invicem sollicita sint membra. Et si quid patitur unum membrum, compatiuntur omnia membra; sive gloriatur unum membrum, congaudent omnia membra. Vos autem estis corpus Christi, et membra de membro. Et quosdam quidem posuit Deus in Ecclesia: primi apostolos, secundo prophetas, tertio doctores, deinde virtutes; exinde gratias curationum, opitulationes, gubernationes, genera linguarum, interpretationes sermonum. Num quid omnes apostoli? Nunquid omnes prophetæ? Nunquid omnes doctores? Nunquid omnes virtutes? Nunquid omnes gratiam habent curatum? Nunquid omnes linguis loquuntur? Nunquid omnes interpretantur? Æmulamini autem charismata meliora [al., majora]. Et adhuc excellentiorem viam vobis demonstrabo.

EXPOSITIO.

Hic finis est de sacramentis altaris: nunc transit u; doceat eos de donis Spiritus sancti, in quibus graviter errabant. Qui enim majora dona accepérant, gloriabantur adversus eos quibus minores gratiæ concessæ fuerant. Hi autem qui minus accéperant, desperabant, quia inferiores erant in donis

Spiritus sancti. Qui vero majoribus gratiis abundabant, arrogabant hoc meritis suis; et meritis inferiorum hoc improperabant, in hunc modum derogando spiritui. Errabant etiam in hoc, quod gratias illas quæ inferiores erant, ut genera linguarum, præferebant cæteris, magisque appetebant. Ut autem hunc errorem depelleret, instruit eos sic, dicens: **133** Cætera quæ disponam cum venero prætermitto, sed de spiritualibus vos docere illud nullo modo differo. *Nolo, inquam, vos, fratres, ignorare* de spiritualibus, id est de donis Spiritus sancti, quid de his sentiendum sit vobis. Hoc autem de Spiritu dico quod facit cessare a malo, et operari bonum. Sed ad hoc inducendum præmittit similitudinem, dicens: Ideo scitote quod Spiritus sanctus faciat non separari a Christo, quoniam scitis quod, cum adhuc essetis gentes, id est gentiles, vel gentiliter viventes, eratis euntes ad simulacra muta prout ducebamini a maligno spiritu; quia alias ad immolandum, alias ad thurificandum, alias ad adorandum ducebatur. Ubi ait, *muta idola*, ostendit quod ratione non ducebantur, quæ satis discernere posset, idolum non est Deum, sed per malignum spiritum. Et ideo quia a maligno spiritu ad malum ducebamini, per simile notum facio vobis, quod per Spiritum sanctum a priori malo desistitis. Quod æquipollenter ait: Hoc facio vobis notum, quod nemo loquens in Spiritu Dei, loquens actu, cogitatione et verbo: spiritus enim qui res est invisibilis, non cognoscitur esse in homine, nisi per hæc quæ extrinsecus videntur vel audiuntur. *Nemo, inquam, loquens in Spiritu Dei, dicit similiter actu, verbo, cogitatione, anathema*, id est separationem a Jesu. Nemo enim habens donum Spiritus sancti poterit operari, cogitare, vel loqui, pro quo separatur a Jesu, quandiu Spiritus in eo manserit. In hoc multum relevat desperationem eorum, qui minores gratias acceperant, cum dicat non posse separari a Jesu, in quo Spiritus Dei per aliquod donum manserit.

Nec solum facit Spiritus ne separemur a Jesu, sed etiam *nemo potest dicere verbo, opere, cogitatione*. Jesus est Dominus meus, quia ego servus ejus, id est, nemo potest bonum operari, nisi in Spiritu sancto, qui per eum operatur. Jesus est Dominus meus. Hoc nequit dicere, qui non est servus ejus; quia, si non est servus, mentitur potius quam verum dicat. Hic multum deprimit eos, qui de majoribus donis se præferebant aliis; cum dicat nihil esse ex merito hominis, sed totum in Spiritu sancto. Licet hoc indifferenter det spiritus declinare a malo et facere bonum; gratiæ tamen ejusdem Spiritus divisim distribuuntur diversis. Sed licet divisiones sint gratiarum, tamen idem et indivisus est *Spiritus*, qui divisas dat gratias. Et sicut sunt divisiones gratiarum, ita sunt divisiones effectuum earum, scilicet ministrations. Hic enim ministrat in episcopio, hic in sacerdotio, et sic in cæteris gradibus Ecclesiæ. Dicimus etiam ministrations in quibus cunque, idonee ministramus proximo. Et licet divi-

siones sint ministracionum, tamen idem est Dominus qui dat gratiam in qua ministramus.

Sunt etiam divisiones operationum, quae in nobis-ipsis bene operamur, orando, vigilando, jejunando; et haec operationes sunt effectus gratiarum. Et licet divisiones sint operationes, tamen idem est Deus, qui operatur omnia quaecunque opportuna videt salutem in omnibus. Quod ita ait: Idem Spiritus, idem Dominus, idem Deus; non quod diversas intelligat substantias, sed ut Trinitatem in personis, unitatem designet in substantia. Et licet sunt divisiones gratiarum, tamen unicuique datur manifestatio Spiritus, id est aliquod bonum per quod Spiritus operari in eo manifestetur, ad utilitatem. Sic enim utile est minus donum cui datur, sicut majus donum alteri. Deus enim non secundum merita hominum gratias suas distribuit: plerumque enim minus digno majus donum; plerumque digniori minus datur: secundum quod Deus videt hunc magis opportunum ad illud exercendum, illum ad aliud; enumerat gratias, dicens: Divisiones utique sunt gratiarum. Nam alii quidem, id est discrete datur per Spiritum sapientia, id est cognitio divinorum, et sermo sapientie, ut gratio eloqui possit quod bene sapit. Alii autem datur scientia de humanis et sermo, ut expedite loquatur quod scit; et hoc secundum eundem Spiritum, excluso merito hominis. Alteri datur fides, id est 134 vel constantia fidei, ut pro fide tuenda non dubitet mori. Vel fides, quia novit sacramenta fidei; et hoc in eodem Spiritu. Alii datur gratia sanitatum, ut per virtutem spiritus possit depellere morbos; et hoc in uno eodemque Spiritu, quia tenebat eum singulis donis spiritum apponere, comprehendit ceteras gratias, et ad ultimum subdit omnes dari per Spiritum. Alii datur operatio virtutum, id est miraculorum quae contra legem naturae fiunt, ut cæcum illuminare, mortuum suscitare. Alii datur prophetia, id est revelatio futurorum, vel intellectus Scripturarum. Alii datur discretio spiritum; quia scit discernere, quo spiritu quisque operetur aliquid, vel loquatur. Alii dantur genera linguarum; quia scit loqui diversis linguis. Alii datur interpretatio sermonum; quod Graecum scit interpretari per Latinum, vel e converso. Vel interpretatio sermonum, id est expositio allegoriarum. Et cum diversis haec diversa dentur, tamen haec omnia operatur unus atque idem Spiritus, quem supra vocavi Deum et Dominum: Spiritus dico, dividens singulis prout vult, id est per gratiam, non per meritum.

Hic incipit ostendere diversitatem membrorum in eodem capite, qui est Christus; et quonodo illa diversa unum fiunt in capite Christo. Littera sic jungitur. Bene dico spiritus dividens singulis, id est diversis membris diversas conferens gratias. Nam Christus est unum corpus diversa habens membra: sicut vides quod corpus hominis, unum est, et tamen habet multa membra, id est diversos actus habentia; et tamen omnia membra corporis cum sint multa,

A id est diversa, sunt unum corpus. Ita Christus diversa membra habet in Ecclesia; et tamen in eo capite unum sunt: nec mirum; quia sicut per eamdem animam diversa membra vivunt, sic per eumdem spiritum universa membra ejus reguntur. Vere Christus est unum corpus: etenim omnes nos sumus baptizati et vivificati in uno Spiritu, transeuntes in unum corpus Christi. Omnes dico indifferenter, sive simus Iudei, sive gentiles, sive servi, sive liberi. Et sicut baptizati, sic etiam omnes post baptismum potati sumus uno eodemque Spiritu in confirmatione, et in ceteris ordinibus Ecclesiae. Vere nos baptizati sumus omnes, id est vere sumus diversa membra. Nam, sicut corpus hominis non est unum membrum, sed multa; et per simile non est Christus unum membrum, sed multa. Illud etiam totam refert sententiam. Nunc insert a superiori, quod nos omnes uno Spiritu baptizati et potati, sumus unum corpus Christi; quia unum: igitur si dixerit pes, id est inferius membrum in Ecclesia, quoniam non sum manus, id est talis operator ut ille; ideo non sum de corpore Christi; non ideo sequitur eum non esse de corpore Christi. Quod est dicere: Ille qui est inferior non potest se abrumpere ab unitate Christi; quia habet alium superiorem se in eodem corpore Christi. Et sicut pes non abrumpitur, quia non est manus; ita si dixerit auris, id est ille quem per alium docentem oportet intelligere, quia non sum oculus, id est quia per me non omnia intelligo; ideo non sum de corpore; non sequitur ideo non esse de corpore.

B Dixerat superius, quod corpus non est unum membrum, sed non dederat rationem. Quare et hoc nunc subdit, dicens: Vere auris, licet non sit oculus, tamen est de corpore; quia si ideo non esset, sequeretur quod oculus esset totum corpus. Sed si oculus esset totum corpus, ubi est auditus? Ecce penuria in corpore. Et si auditus est totum corpus, ubi est odoratus? Iterum penuria. Per odoratum, discretionem boni et mali accipimus. Ne autem in corpore esset haec penuria, posuit nunc Deus diversa membra, unumquodque eorum in uno corpore, sicut voluit distribuens eis gratias. Non solum propter removendam penuriam, unum membrum non est totum corpus, sed etiam ideo esse non potest; quia si essent omnia membra unum membrum, 135 ubi esset corpus? Periret utique corpus, quia si omnia membra essent manus, nec sic esset corpus hominis. Si iterum omnes in Ecclesia essent apostoli, vel unum aliquid, nec ipsi iidem essent apostoli, cum non essent quibus praedicarent. Quandoquidem si unum membrum totum corpus dicitur, et penuria in corpore, et etiam defectus corporis sequitur. Propterea nunc quidem multa et discreta sunt membra, corpus autem horum membrorum unum est. Et quia ex necessitate inferiora ut superiora membra sic sunt in corpore, igitur non potest oculus dicere manus, id est superior in inferiori: Non indigeo opera tua; cum unum membrum ablatum penuriam faciat

corpori. Per hoc satis apparet quod qui majus donum accepit, non habet unde se preferat ei qui minus accepit; cum inferior sic faciat penuriam corporis, ut superior, si removeatur. Aut iterum *caput pedibus*, superior similiter inferiori dicere non potest: *non estis mihi necessarii*; cum oculus purgatione per manum indigeat, caput ut pedibus portetur ad hoc quod gustare, audire, vel videre desiderat.

Inferiora non tantum sunt necessaria, sed etiam multo magis sunt necessaria aliquando ea membra corporis quae videntur esse infirmiora. Plerumque etiam quilibet idiotæ magis necessarii sunt in procuratione ecclesiasticorum, quam bi qui magis sapientes sunt, secundum opportunitatem temporis. Et ea *membra Ecclesie quæ putamus ignobiliora*, quia labuntur, aliquando *his circumdamus abundantiem honorem*, id est hos tales solertia cura fovere debemus, et reducere ad meliora. Nostra etiam membra *quæ inhonesta sunt*: ut pudenda in corpore; et fornicator ille qui uxorem patris duxerat in Ecclesia Corinthiorum; ut David quando peccavit in uxorem Uriæ; hæc inhonesta *habent abundantiem honestatem*, id est diligens et honesta cura exhibenda est eis, ne, si spernantur, desperent; quia fortasse eras perfecti erunt, ut in David visum est. Inhonesta indigent honestate: sed *honesta membra non egent ullius honoris impensi sibi ab alio*. Qui enim perfecti sunt, non egent alio. Honesta quidem nullo egent: sed *Deus temperavit*, id est modiscavit corpus, ut honesta ornarent inhonesta. Temperavit, inquam, *tribuendo abundantiem honorem ei membro cui aliquid deerat*, ut membrum ægrum majori dilectione foveremus, quam sanum. Ideo sic temperavit, ut non sit schisma, id est discordia, in corpore Christi; sed omnia membra sollicita sint pro invicem, id est alterum pro altero; sentientes *id ipsum*, id est angustiam proximi judicantes propriam. Et si quid molestiae patitur unum membrum, compatiantur omnia membra; sive gloriatur unum membrum, congaudent omnia membra. Et quidquid dixi de unitate corporis Christi, totum spectat ad vos, o Corinthii; quia *vos estis unum corpus Christi*, et diversa membra pendentia de membro Christi, qui vos de fide docuit. Vel membra pendentia de membro, id est de capite Christo, qui supremum membrum est Ecclesie. Locutus est superius de diversitate membrorum Christi, quomodo unum sint in capite suo Christo; loquitur adhuc de eisdem membris secundum diversitates donorum quæ habent a Spiritu sancto; volens comparare dona illa inter se, quæ magis sint utilia, quam minus: ut charitas et prophetia, quæ maxima sunt. Loqui diversis linguis, longe his inferius. Et hæc ideo comparat, quia Corinthii genera linguarum (quæ ultima erat) præferebant omnibus gratiis.

Littera sic jungitur: Vos estis membra pendentia de membro, id est de capite Christo, in quo unum corpus estis; et in hac unitate discretio, quia *quosdam*

A quidem, id est discrete, posuit Deus in Ecclesia. Primum, id est in primo et excellentissimo gradu ponens apostolos. Secundum post apostolos posuit prophetas, id est viros illuminati sensus, qui aperient Scripturas. Tertio gradu sub prophetis posuit doctores, qui de moribus instruerent. In his tribus servavit ordinem, **136** reliqua sine ordine miseruit. Deinde post doctores posuit virtutes, eos scilicet qui in virtute Dei cæcos illuminarent, mortuos suscitarent. Exinde posuit gratias curationum, eos scilicet qui dono Dei morbos depellerent. Dehinc opitulationes, id est adjutores prædicationis, ut Barnabam et Timotheum: quo officio adhuc funguntur legati Romanæ sedis. Post hæc posuit gubernationes, id est episcopos, presbyteros: qui Ecclesias fidelium gubernarent. Ad ultimum posuit genera linguarum, id est ultimam gratiam, quam vos, o Corinthii, maxime desideratis. Et congrue Deus diversitates gratiarum in Ecclesia ordinavit. *Nunquid enim omnes fuerunt apostoli?* Si omnes utique, nec unus. Nam si, cum omnes essent apostoli, non essent quibus prædicarent verbum Dei, quia omnes perfecti; iterum, *nunquid omnes essent prophetæ?* Sic jam nihil alicui posset revelari, quia singuli essent prophetæ. *Nunquid iterum omnes erunt doctores?* Non esset quem de moribus instruerent, quia omnes docti. *Nunquid omnes virtutes?* Sic nec esset, cui fierent miracula. *Nunquid omnes habent gratiam curationum?* Non: quia non esset quem curarent. *Nunquid omnes variis linguis loquuntur?* Sic jam vile et commune fieret donum Dei. *Nunquid omnes interpretantur,* id est, linguam in linguam transferre noverunt? Si omnes interpres, pro nihilo fieret interpretatio. Cum autem sint tot dona Spiritus sancti, *æmulani*, id est desiderante ea *charismata*, id est gratuita dona spiritus, quæ inter prædicta sunt *meliora*. Charisma gratuitum dicitur. Et præter hæc quæ supra monstravi, *demonstro vobis adhuc viam excellentiorem*, id est charitatem, quæ via est, et omni dono excellentior; quia cetera omnia non sufficiunt ad beatitudinem sine charitate.

CAPUT XIII.

Si linguis hominum loquar et angelorum, charitatem autem non habeam, factus sum velut assonans, aut cymbalum tinniens. Et si habuero prophetiam, et noverim mysteria omnia, et omnem scientiam, et si habuero omnem fidem, ita ut montes transferam, charitatem autem non habeam, nihil sum. Et si distribuero in cibos pauperum omnes facultates meas, et si tradidero corpus meum ita ut ardeam, charitatem autem non habuero, nihil mihi prodest. Charitas patiens est, benigna est. Charitas non æmulatur, non agit perperam, non inflatur, non est ambitious, non querit quæ sua sunt, non irritatur, non cogitat malum, non gaudet super iniuritatem; congaudet autem veritatem. Omnia sufficit, omnia credit, omnia sperat, omnia sustinet. Charitas nunquam excidit; sive prophetæ evanescunt, sive linguae cessabunt, give

scientia destruetur. Ex parte enim cognoscimus, et ex parte prophetamus. Cum autem venerit quod perfectum est, evacuabitur quod ex parte est. Cum essem parvulus, loquebar ut parvulus, sapiebam ut parvulus, cogitabam ut parvulus. Quando autem factus sum vir, evacuavi quae erant parvuli. Videmus nunc per speculum in ænigmate: tunc autem facie ad faciem. Nunc cognosco ex parte: tunc autem cognoscam, sicut et cognitus sum. Nunc autem manent fides, spes, charitas: tria haec. Major autem horum est charitas.

EXPOSITIO.

Quia vult Corinthios magis appetere charitatem quam linguas, probat charitatem excellentiorem esse quam loqui linguis, dicens: Charitas utique linguis est excellentior; nam si ego loquar linguis omnium hominum, loquar etiam linguis angelorum (non quod angeli linguis loquantur, sed quibusdam signis alteri alter voluntatem suam significat), et si ego tantæ perfectionis essem, ut monitiones angelorum cognoscerem, **137** vel linguis angelorum loquerer (cum enim angeli assumpta forma aliqua hominibus loquuntur, necesse est ut verba humana proferant); si autem haec eadem verba loquar. Vel ita: Si loquar linguis hominum, id est humaniter viventium: et linguis angelorum, id est eorum qui in hoc mundo contemplative vivunt, charitatem autem non habeam, factus sum inutilis velut æs sonans, quod infructuose quantum ad se pertunditur, aut velut cymbalum tinniens, quod aures hominum delectat, seque pertundit et diuinuit. Et si habuero prophetiam, ut illuminato sensu ventura prædicera; et si noverim omnia mysteria, id est figuræ operum Dei (ut diluvium figura fuit baptismi et similia); et si noverim omnem scientiam, id est ipsorum mysteriorum significationem; et si habuero omnem fidem, ita ut montes (ad litteram) transferam (hoc enim erat meritum filii, ut si fidelis diceret monti tollere hinc, et mittere in mare [Math. xxi, 21], ita pro certo fieret). Vel aliter: Si habuero tam perfectam fidem ut tollam montes, id est diabolos ab obsessis corporibus transferam in porcos vel in hujusmodi, charitatem autem non habuero, nihil sum, id est, nullius meriti propter fidem sine charitate judicor. Et si distribuero, id est diversis tribuero, non superflua mea tantum; sed etiam facultates meas, id est, quæ facultas et possilitas esset mihi retinere: distribuero dico non in superflua, sed in cibos; nec divitium, sed pauperum; et omnes, quotquot sunt, facultates; et si tradidero corpus meum, ita ut ardeam, sicut B. Laurentius, charitatem autem non habuero, nihil mihi prodest.

Cætera sine charitate non prosunt; sed charitas, etiamsi per se considerari queat, patiens est, id est virtutem patientiae habet, etiamsi nihil quandoque patiatur. Est etiam benigna, id est larga et abundans dilectione proximi, etiam si non habet quid tribuat. Postquam bona in charitate posuit, mala removet ab eadem, dicens: Charitas non æmulatur, id est nemini invidet. Non agit perperam, id est

A perverse, aliquid; non inflatur, id est non superbbit, de temporali bono vel spirituali; non est ambitiosa, ut dignitates mundi concupiscat; non querit quæ sua sunt tantum, sed aequæ utilitati intendit proximi ut suæ. Vel non querit, id est non requirit, quæ sua sunt, si quis abstulerit ei. Non irritatur, id est non provocatur ad iram, non cogitat malum, ut dicat vel inferat alicui. Non gaudet super, id est de iniqüitate; si videt inique agi in proximum, potius compatitur; congaudet autem veritati, id est secundum veritatem loquenti vel agenti. Omnia etiam adversa quæ inferuntur, patienter suffert, tolerat; omnia credit, quæcunque de Deo sane credi oportet. Omnia sperat, et in præsenti virtutes, et in futuro gloriam. Omnia sustinet, id est, si differatur retributio, longanimis est in sustinendo. Alia excellentia charitatis, scilicet quia charitas nunquam excidit, id est, permanens est in æternum, et nunquam præteriit. Vere charitas sola non excidit. Nam prophetæ et scientia, quæ inter cætera magis stare videntur, illa destruuntur. Sive enim prophetæ sint, evacuabuntur in futuro. Cum enim omnia omnibus apertament, quid prophetarent? Sive linguae sint, illæ cessabunt, omnibus enim in futuro identitas erit sermonis; sive scientia quæ nunc habetur, illa destruetur. Quia de scientia quibusdam videbatur quod permanens esset, probat quod revera scientia præsens destruetur; quia nunc cognoscimus, id est scimus ex parte, id est imperfecte. Et vere prophetia evacuabitur. Nam nunc prophetamus ex parte, id est imperfecte; sed in futuro cum venerit quod perfectum est, evacuabitur omne illud quod ex parte, id est imperfectum est.

Opponeret aliquis: Verum quidem est quod scientia nunc est imperfecta, sed perfecta erit in futuro; sed tamen illa pars scientiæ quæ nunc est, non destruetur, sed in illa totalitate scientiæ claudetur. Et hoc per inductam similitudinem Paulus destruit, quod nec illa scientia quæ nunc est permaneat; quia quemadmodum **138** puer nil per rationem, sed per sensus et per quasdam imagines intelligit: de lapide quod durus sit et solidus, et de aliis similiter; cum autem idem puer factus est vir, dimissis imaginibus, jam non corporali sensu discernere quærens, sola vi rationis longe melius cognoscit de eisdem; ita ut sensualis et imaginaria cognitione, quam puer habuit, nulla jam sibi ratione utenti esse videatur. Sic scientia hujus mundi per quasdam similitudines imaginatur Deum; ut quia videt aliquem potentem, pensat Deum qui hunc creavit, longe potentiores; et de ceteris similiter. Sed in futuro cognoscemus Deum sicuti est: quem non cognoscimus modo sicuti est, sed tantum imaginamur per quasdam similitudines. Et quia tunc perfecta, nunc imperfecta; tunc secundum veritatem rei, nunc secundum imagines tantum: propterea dixit scientiam destrui. Dilectio autem non destruetur; quia cumdem tunc diligemus quem nunc diligimus, licet tunc perfectius. Vere quod imper-

fectum est evacuabitur, cum venerit quod est perfectum : quemadmodum videtis quod, cum esset parvulus, vim rationis ignorans, loquebar ut parvulus, sapientiam ut parvulus, cogitabam ut parvulus, omnia imperfecte. Sed quando factus sum vir, et vim rationis exercui, evanescere ea quae erant parvuli ; quia jam ratione longe melius intellexi ea quae, dum eram parvulus, vix per imagines et sensus aliquantulum cognovi.

Similiter, quemadmodum pueri, videmus nunc, id est in praesenti, Deum per speculum, id est non per veritatem rei sicuti est, sed per quamdam similitudinem qua Deum imaginamur ; nec per speculum quod aliquantulum sit lucidum, sed positum in enigma, id est, in obscuritate tanta, ut veritas rei secundum quod est, nullo modo cognoscatur ; sed tunc in futuro videbimus Deum facie ad faciem, id est, videbimus Deum sicuti est. Et quia sic erit, apparet quod praesens scientia penitus destruetur ; sed caritas permanebit : dum eudem quem nunc diligimus, in futuro diligemus. De vobis utique sic erit, ut nunc imperfecte, tunc perfecte cognoscatis ; quia ego ipse nunc cognosco Deum ex parte, id est imperfecte ; sed tunc in futuro cognoscam eum tam perfecte, sicut et ego cognitus sum a Deo, cui nihil latet in me. Ideo caritas est excellentior, quia, cum alia destruentur, illa sola permanebit ; et etiam nunc, dum in praesenti cum aliis virtutibus permanet, excellentior est omnibus illis. Sed littera sic jungitur. In futuro destruentur, sed nunc manent fides, spes, charitas. Per has omnes virtutes intelligit quod fidem, spem et charitatem, satis leviter habere potestis, quia non sunt nisi tria haec ; et cum tam paucia sint, præparant omnium gloriam. Et licet simul maneant, tamen charitas est major horum, id est inter haec, vel major his, fide scilicet et spe ; et quia permanebit in æternum, et nunc major est, ideo sectamini charitatem præcipue, non genera linguarum.

CAPUT XIV.

Sectamini charitatem, emulamini spiritualia, magis autem ut prophetetis. Qui enim loquitur lingua, non hominibus loquitur, sed Deo. Nemo enim audit, spiritus autem loquitur mysteria. Nam qui prophetat, hominibus loquitur ad ædificationem, et exhortationem, et consolationem. Qui loquitur lingua, semetipsum ædificat ; qui autem prophetat, Ecclesiam ædificat [al., Dei]. Volo autem omnes vos loqui linguis, magis autem prophetare. Nam major est qui prophetat, quam qui loquitur linguis ; nisi forte interpretetur, ut Ecclesia ædificationem accipiat. Nunc autem, fratres, si venero ad vos linguis loquens, quid vobis prodero, nisi vobis loquar, aut in revelatione, aut in scientia, aut in prophetia, aut in doctrina ? Tamen quæ sine anima sunt vocem dantia, sive tibia, sive cithara, nisi distinctionem sonituum dederint, quomodo scietur id quod canitur 139, aut quod citbarizatur ? Etenim si in-

A certam vocem det tuba, quis parabit se ad bellum ? Ita et vos per linguam nisi manifestum sermonem dederitis, quomodo scietur id quod dicitur ? Eritis enim in aera loquentes. Tam multa, ut puta genera linguarum sunt in hoc mundo, et nihil sine voce est. Si ergo nesciero virtatem vocis, ero ei cui loquor barbarus, et qui loquitur mihi barbarus. Sic et vos quoniam emulatores estis spirituum, ad ædificationem Ecclesie, querite ut abundetis. Et ideo qui loquitur lingua, oret ut interpretetur. Nam si orem lingua, spiritus meus orat, mens autem mea sine fructu est. Quid ergo est ? Orabo spiritu, orabo et mente ; psallam spiritu, psallam et mente. Cæterum si benedixeris spiritu, quis supplet locum idiota ? Quomodo dicet amen super tuam benedictionem, quoniam quid dicas, ne scit ? Nam tu quidem bene gratias agis, sed alter non ædificatur. Gratias ago Deo [al., meo] quod omnium vestrum lingua loquor. Sed in ecclesia volo quinque verba sensu meo loqui, ut et alios instruam, quain decem millia verborum in lingua. Fratres, nolite pueri effici sensibus, sed malitia parvuli estote, sensibus autem perfecti estote. In lege enim scriptum est : Quoniam in aliis linguis et in labiis aliis loquar populo huic ; et ne sic exaudient me, dicit Dominus (Isa. xxviii, 11.). Itaque linguae in signum sunt non-fidelibus, sed infidelibus : prophetæ autem non infidelibus, sed fidelibus. Si ergo conveniat universa Ecclesia in unum, et omnes linguis loquantur, intrent autem idiotæ aut infideles, nonne dicent, quid insanitis ? Si autem omnes prophetent, intret autem quis infidelis vel idiota, convincitur ab omnibus, dicitur ab omnibus. Occulta enim cordis ejus manifesta fiunt, et ita cadens in faciem adorabit Deum, pronuntians quod vere Deus in vobis sit. Quid ergo est, fratres ? cum convenitis, unusquisque vestrum psalmum habet ; doctrinam habet ; Apocalypsim habet ; linguam habet ; interpretationem habet : omnia ad ædificationem sicut. Sive lingua quis loquitur secundum duos, aut ut multum tres, et per partes, et unus interpretetur. Si autem non fuerit interpres, taceat in ecclesia, sibi autem loquatur et Deo. Prophetæ autem duo aut tres dicant, et cæteri dijudicent. Quod si aliquid [aliis] revelatum fuerit sedenti, prior taceat. Potestis enim omnes per singulos prophetare, ut omnes discant, et omnes exhortentur ; et spiritus prophetarum prophetis subjectus est. Non enim distinctionis est Deus, sed pacis ; sicut in omnibus ecclesiis sanctorum doceo. Mulieres in ecclesiis taceant : non enim permittitur eis loqui, sed subditas esse, sicut et lex dicit (Gen. iii, 16.). Si quid autem volunt discere, domi viros suos interrogent. Turpe est enim mulieri loqui in ecclesia. An a vobis verbum Dei processit ? aut in vos solos pervenit ? Si quis videtur propheta esse, aut spiritualis, cognoscat quæ scribo vobis, quia Domini sunt mandata. Si quis autem ignorat, ignorabit

etur. Itaque, fratres, æmulamini prophetare, et loqui linguis nolite prohibere. Omnia autem honeste et secundum ordinem flant in vobis.

EXPOSITIO.

Postquam de charitate probavit, quod excellenter esset non solum linguis, sed et omni virtute, probat quod prophetare dignius et utilius sit in Ecclesia, quam loqui linguis. Et hoc probat multis modis, dicens: Licit dicam præ omnibus *sectamini charitatem*, volo tamen *æmulemini spiritualia*, id est desideratis spirituales gratias. Et cum omnes utiles sint, tamen desiderate ut prophetetis magis, quam loqui linguis. Et magis utique est desiderandum; quia ille qui loquitur lingua incognita, loquitur non hominibus, id est non ad ædificationem hominum, sed Deo, id est ad honorem Dei tantum, qui linguam dedit. Vere non hominibus, nam nemo hominum audit, id est intelligit quæ ille loquitur, sed licet nemo audiat, tamen Spiritus sanctus loquitur *mysteria* per illum loquentem lingua incognita. Vere magis utile est prophetare quam loqui linguis; quia ille qui prophetat loquitur hominibus ad ædificationem. Vel jungamus ad proximum, ut tamen eadem sit sententia: propter hoc quod nam, quia, enim proximis respondere debent; loquens linguis non loquitur hominibus. Nam ille tantum qui prophetat, id est qui obscuritates Scripturarum aperit, hic loquitur hominibus ad ædificationem, id est ut instruat ruditatem **140** eorum; et postquam instructi sunt ad exhortationem, ut ad meliora se erigant; et ad consolationem, ut in tribulationibus fortes appareant. Ille vero qui loquitur lingua incognita, ut plus ædificat semetipsum: quandoque nec se; quia non intelligit, opposita sententia. Sed ille qui prophetat, dum Scripturas aperit, totam Ecclesiam ædificat. Et quia tanta utilitas est prophetandi, volo utique vos omnes loqui linguis, sed tamen magis volo vos prophetare. Propterea, quia ille qui prophetat major est dignitate, et merito, et utilitate, quam ille qui loquitur linguis, nisi forte (quod vix contingit) ille interpretetur, id est exponat cognita lingua, quod incognita loquitur, ut sic Ecclesia accipiat ædificationem per ejus interpretationem, quæ interpretatio idem valet quod prophetia. Probat per similitudinem sui, quod non debeant insistere varietatibus linguarum, dicens: Quia per linguam incognitam Ecclesia non ædificatur, non sunt linguae ideo multum appetendæ, nec etiam ideo, quia sic ego nunc etiam cum jam conversi estis, et linguae habetis, venero ad vos, fratres, loquens linguis inauditis, quid vobis prodero, nisi loquar vobis, aut in revelationem, aut in scientia, aut in prophetia, aut in doctrina, id est si nihil loquar vobis in aliquo genere instructionis. Revelationem et prophetiam, dona Dei intelligit, scientiam et doctrinam industrialia: habentur enim per industriam hominis. Et vocat doctrinam, quod quis addiscit ab alio. Scientiam autem hoc, quod studio et proprio exercitio intelligit de Scripturis. Vel doctrinam de moribus, in quo

A operari oportet: scientiam de naturis rerum, in quo speculatio sola sufficit. Prophetiam vocat continuam futurorum cognitionem, non per figuræ aliquas, sed sola insinuatione Spiritus sancti; revelationem vero, subitam cognitionem futurorum, ut aliquis abruptus a Spiritu subito futura prædixerit, et mox Spiritus ab eo recesserit; vel revelationem, id est cognitionem futurorum per somnia, ut in Daniele et Joseph, vel per res gestas, ut Noe per arcum.

Probat idem similitudine inanimatorum, dicens: Licit de me ipso exemplum vobis adduxerim, tamen non oportuit; quia in his quæ sunt sine anima, ratione, id est sonum dantia; sive hoc sit tibia, sive cithara: nisi dederint distinctionem sonituum, quomodo scietur quod canitur, aut quod citharizatur? Sic

B et vos, quia indistinctos sonos confunditis, non intelligitur quod dicitis. Iterum per aliud probo non esse appetendam confusionem linguarum. Etenim si tuba det incertum vocem, cum distincta sit vox tubæ, invitans ad bellum, quis propter incertam vocem parabit se ad bellum? Nemo utique. Vel illud etenim jungitur ad proximum. Cithara vel tibia confuse sonans non intelligitur. Nam tuba per simile dans vocem incertam non intelligitur. Et sicut tuba datus incertam vocem non intelligitur, ita et vos, nisi per linguam dederitis manifestum sermonem, quomodo scietur ab auditoribus id quod a vobis dicetur? Nescietur utique. Nam vos eritis loquentes in aera, id est frustra verberantes aerem. Loquentes dicunt multa ut puta, id est sicut genera linguarum infinita sunt in hoc mundo, et in singulis linguis nihil est sine voce: unumquodque habet proprium et distinctum ab aliis vocabulum. Ergo quia linguae sunt diversæ, et voces distinctæ, si ego nesciero virtutem, id est significationem vocis quam profero, ero barbarus ei cui loquar; et qui loquitur mihi, barbarus similiter videbitur; sic estis et vos in alterutrum barbari. Vel ut hic incipiat versus. Sic, id est hac ratione; quia incognite loquitur, barbarus judicatur; vos etiam, quoniam estis æmulatores spirituum, id est desideratores spiritualium bonorum, querite ut abundetis in his donis quæ valent ad ædificationem Ecclesiæ, ut prophetia. Et ne intendatis varietatibus linguarum; quia illa dona appetere debetis, quæ valeant ad ædificationem **141** Ecclesiæ. Ideo ille qui loquitur lingua incognita, oret Deum ut interpretetur, id est ut sciat interpretari audientibus, quod aliena lingua loquitur. Vel ita: Qui loquitur lingua, oret, id est loquatur: ita ut quod perorat interpretetur. Sic utique loquendum est, ut interpretatio comes sit. Nam si ego ipse orem, id est loquar, vel orem Deum lingua incognita, spiritus mens, id est Spiritus sanctus mihi datus: vel spiritus mens, id est ratio mea, quæ, licet non intelligat, bonum tamen scit esse quod dicit, quia ex dono Dei: ratio, inquam, vel spiritus mens in me oret Deum. Vel orat, id est loquitur: sed mens, id est intellectus mens, est sine fructu, id est sine utilitate compunctionis, quia per hoc quod non intelligo,

compungi nequeo. Quandoquidem si lingua incognita loquor, sine fructu sum, quia non interpretor. Quid ergo est, id est quomodo orandum est? Ita utique *orabo*, vel loquar *spiritu*, id est voce incognita quam spiritus dat, vel ratio est et ita *orabo* ut etiam *mente*, id est intelligentia, quia quod intelligam, illud tantum proferam. Vere orabo spiritu et mente: nam ego *psallam spiritu psallam et mente*. Psallere dicit orare Deum consona vocis modulatione, quae consonantia diversarum vocum in Ecclesia innuit omnes in consonantia fidei et vite debere laudare. Bonum est spiritu simul et mente orare: *cæterum*, id est sed si tu *bene dixeris spiritu*, id est voce incognita tantum, quis in tua oratione supplet locum, id est vocem *idiotæ*? Consuetudo erat in Ecclesia ut idiotæ, id est rudes in fide, etiam illitterati quando perorabant sacerdos, responderent *amen*, et cum *spiritu tuo*: sed modo perorante aliquo lingua incognita, etiam prudentiores nesciebant ubi finis, ubi medium orationis, quia non intelligebant: et sic non poterant facere, nec illud quod idiotæ consueverant respondere. Idioma dicitur proprium, inde dicuntur idiotæ qui in proprietate naturæ adhuc sunt: nihil scientes nisi quod a matribus pueri didicerunt: vel illud, *cæterum*, nomen sit ita: Propter hoc quod præmissum est, non debetis orare lingua tantum: *cæterum*, id est aliud, propter quod ne faciatis idem, quia si tu *bene dixeris spiritu*, etc. Vere nemo supplet locum idiotæ: quando tu incognita voce peroras: *quonodo enim dicet amen, super tuam benedictionem*, etiam sapiens: *quoniam nescit quid dicas?* Non enim intelligit, quando tu, incognita lingua loquens, finire debeas aut procedere. De hoc quod proximus te non intelligit reprehendo te: nam secundum propriam personam te non reprehendo. *Nam tu quidem bene gratias agis* quantum in te est; sed ideo male, quia alter, id est proximus, non ædificatur: quia nec intelligit. Vel ibi supra jungitur: Juste dixi benedixeris; nam tu quidem bene gratias agis, quantum in te est: sed frater non instruitur. Probat iterum exemplo et auctoritate sua, quod non adeo debeat sectari linguas, dicens: Nolite loqui lingua, ita ut non sit instructio proximi: nam ego, quem imitari debetis, *volo loqui in Ecclesia quandoque*, id est pauca *verba meo sensu*, id est intellectu, ut quod loquar intelligam. Per hoc notat eos sic quandoque loqui, quod nec ipsi se intelligerent. Volo, inquam, loqui *meo sensu*: ut et me et *alios instruam*, quam electivum, quod nullo modo volo loqui: scilicet, *decem millia*, id est infinitatem *verborum lingua incognita*: quod utique possem si vellem, et inde *gratias ago Deo*: *quoniam ego, si placet, loquor lingua omnium vestrum*: sed, id est tamen, in Ecclesia *volo*, etc. Ideo Paulus se dixit habere genera linguarum, ne dicent Corinthii, quia non habet linguas. Ideo nobis de linguis improperat. Iterum aliud quare non appetant linguas, quia efficiuntur sic parvuli. Sed littera sic jungitur ad proximum: Sicut in me videot, loquimini vestro sensu: et similiter, fratres ~

A ctando linguas quarum sensum non habeatis, *nolite pueri effici sensibus*, qui loquuntur quod non intelligunt; sed estote *parvuli secundum 142 malitia*: et hoc dicit, quia erant multum malitiosi sensibus vel cogitatione, verbo et actu. Parvuli quidem maliitia, sed *sensibus estote perfecti*, id est perfectam intelligentiam appetentes, ut prophetare possitis. Iterum ideo linguae non sunt appetendæ vobis: quia fideles estis et *linguae non fidelibus, sed infidelibus* prosunt. Et quod ita sit, auctoritatem premittit Isaïæ (xxviii, 11): quam tamen in lege esse dicit, legis nomine prophetiam designans. Vere non fidelibus sed infidelibus. Nam in *lege scriptum est* illud, quoniam vel ibi continuatur, vel hic ponitur pro quod: Hoc, inquam, scriptum est, *quod in aliis linguis*, id est in *B varietate linguarum, et in aliis labiis*, id est in aliis sermonibus: quia prius de carnalibus, nunc autem de spiritualibus *loquar populo huic Judaico infidelis*, ut mirantes novitatem linguarum, audiant me: et tamen *nec sic*, id est pro tam evidenti miraculo, *exaudient me*. Quodque ita sit credite: quia haec dicit Dominus (ait in aliis labiis nihil ad probationem, sed mos est ut auctoritates perfectæ ponantur).

C Nunc de lege præmissa infert Paulus. Quia populo incredulo diversæ linguae propositæ sunt: itaque per hoc appareat, quod *linguae in signum*, id est causa miraculi sunt *non fidelibus*, quorum fides non eget miraculis, sed *infidelibus*, qui novitatem miraculorum ad fidem trahendi sunt. Opposita sententia. Linguae non fidelibus sed infidelibus: *prophetæ autem non fidelibus*, stultum enim esset mysteria fidei revelare incredulis, sed *fidelibus*. Et quia vos fideles estis, quærите prophetiam quæ fidelibus congruit. Iterum aliud quare non appetant linguas: quia si illis loquentibus in Ecclesia variis linguis, forte infideles intraverint: putabunt eos insanire. Littera sic jungitur: Quia linguæ non sunt in signum fidelibus: ergo vos qui estis Ecclesia, quare propter linguas insanii reputamini? Si enim conveniat universa Ecclesia in unum, et omnes loquantur linguis incognitis, illis autem varietate linguarum conclamantibus, intrent idiotæ Ecclesiam, aut infideles aliqui, nonne dicent quod vos insanitis, quia phrenetico more tumultuatis? Varietate linguarum clamantes insanios dicent. Sed si omnes in Ecclesia prophetent, aperiendo Scripturas, intret autem illis prophetantibus aliquis infidelis vel idiota, statim convincitur ab omnibus ibi prophetantibus. Audiens enim præcepta Dei mysteria fidei, sua conscientia convincit eum et arguit: et ita *djudicatur*, id est judicabilem et damnabilem se cognoscit, instructus ab omnibus, qui ibidem prophetant, et tunc *occulta cordis ejus manifesta sunt* sibi ipsi: quia in quibus se peccasse non putabat, per doctrinam quam audit, graviter se reum cognoscit. Et ita convictus, *cadens in faciem, adorabit Deum*, ut accipiat remissionem peccatorum, pronuntians etiam palam omnibus, *quod Deus vere sit in vobis prophetantibus*: quos linguis tumultuantes paulo ante dicebat insanire. Quia nec

indiserete eos vult loqui linguis, ne judicentur insanii; nec iterum vult eos penitus rejicere donum Dei, scilicet, loqui linguis, determinat quomodo uti-
antur hoc præcipue et aliis donis: omnia faciendo ad utilitatem proximi. Littera sic jungitur: Quandoquidem linguis tumultantes insanii dicimur. Prophetantes vero Deum in nobis habere dicimur. Quid ergo faciendum est, fratres? Prophetabitis semper, neglectis penitus linguis? Minime: sed cum conre-
nitis, unusquisque habet donum suum. Alius habet psalmum, ut cantet, vel interpretetur psalmos in Ecclesia. Alius habet doctrinam, ut sciat instruere de moribus. Alius habet Apocalypsim, id est revelationem occulorum. Haec tria posuit solum ad similitudinem; duo quæ sequuntur, ad intentionem. Alius habet linguam incognitam. Alius habet interpretationem Scripturarum, id est prophetiam: et cum haec omnia habeatis: omnia fiant in vobis ad cœdificationem Ecclesie. Sive illud faciatis, sive 143 aliud: sive aliquis loquitur lingua incognita, hoc fiat secundum duos, id est duobus tantum sic loqui permitto: aut secundum tres, ut multum dicam: non enim plus quam tribus hoc licere concesso: nec hic duo vel tres in eadem parte templi conculcent; sed per partes, ut si ille in capite, hic in fine ecclesie. Vel per partes diei, ut hic hora tertia, ille sexta. Nec hi loquantur sine propheta, sed semper unus præsto sit: ut quod inusitato modo diciatur, populari lingua interpretetur. Si autem objicitis, quod quandoque non fuerit præsto interpres, malo ut loquens lingua in ecclesia taceat, quam sine interprete barbarum frendat. Ecclesie non, sed lo-
quentur sibi et Deo, id est instructioni sui et divinæ laudi. Sicut loquentes linguis, sic etiam prophetæ duo aut tres dicant in ecclesia, et per partes similiiter. Dicerent alii: Nos qui tantumdem scimus, nonne prophetabimus? Minime; sed cæteri prophetæ dijudicent ea quæ docentur ab illis fratribus, ut si quid male doceant, cæteri corrigant illos. Iterum aliud de prophetis. Si vero repente fuerit revelatum quid a spiritu alii sedenti, surgat et loquatur ille, et qui prior loquebatur, modo taceat. Contingebat enim plerumque ut spiritus subito arriperet aliquem: et de hoc præcipit Apostolus, ut quando hoc contigerit, hic talis permittatur loqui. Loqua-
tur qui prius sedebat, et alter taceat. Et hoc ideo dico, quia vos omnes potestis prophetare: eundo per singulos: solummodo videatur, ut omnes discant, id est instruantur per prophetam. Plerumque enim contingit ut qui sapientem se putabat, addisceret quod nesciret, per illum subito inspiratum. Discant dico, et sic omnes exhortentur ad meliora: ideo præcipio ut prior taceat. Nam spiritus prophetarum subjectus est prophetis, id est Spiritus Sanctus non compellit eos loqui, velint nolint, quis cum spiritu sit Deus, non est Deus dissensionis, quæ utique dissensio fieret, si conchanando litigarent. Sed est Deus pax et concordia: quæ pax servatur si se alternatim supportaverint. Hoc autem de linguis

A et prophetia et charitate, et omnibus præmissis dico vobis: sicut ego idem doceo in omnibus Ecclesiis, doctrinam quam imitamini: quia Ecclesiis sanctorum. Vel illud idem sequenti litteræ jungitur: Omnes quidem viri prophetare possunt, sed mulieres nunquam: et hoc dico sicut in omnibus Ecclesiis doceo: imo taceant mulieres in ecclesiis: non enim a me vel alio doctore permittitur eis in ecclesia loqui: sed præcipio eas ubique subditas esse ri-
ris, quibus se parificarent, si in ecclesia loqui præsumerent. Et hoc de mulieribus dico, quod subditæ sint, sicut etiam lex dicit in Genesi: « Sub viri potestate eris, et ipse dominabitur tui (Gen. iii, 16).» Dicerent illæ: Nolumus loqui sed tantum interro-
gare. Non sic utique. Sed si quid volunt discere, in-
terrogent viros suos, non in ecclesia, sed domi: in ecclesia nunquam. Nam loqui in ecclesia, turpe est mulieri, id est turpem et impudentem probat mulierem. Haec de prophetis et mulieribus, et quæcumque supra docui, nolite superbicie repellere, ut novitates vestras inducatis: quia an a vobis processit verbum Dei ad alias Ecclesias, ut modo novas inducatis [inferatis] doctrinas? Aut gloriamini quasi in vos soles pervenerit verbum Dei, et vos soli Deum credatis? Nemo vestrum præsumendo quasi sapiens sit, negligat præcepta mea: sed si quis videtur inter vos esse propheta, id est Scripturas intelligens: aut etiam spiritualis, id est spiritualem vitam ducens, quicunque sit, cognoscat ea quæ scribo vobis, et oportet: quia hæc mandata non mea sunt, sed Domini. Si quis autem contumeliose se efferen ignorat, dedignans attendere hæc mandata, dico vobis de illo, quod pro certo ignorabitur a Deo: Quandoquidem ignorans hæc mandata, a Deo ignorabitur. Itaque, fratres mei, amulamini, id est desiderate prophetare, sicut præcipio, et tamen loquā linguis nolite prohibere, sicut supra determinavi. Nolite prohibere, sed omnia fiant in vobis honeste, id est ad cœdificationem Ecclesie: et 144 secundum ordinem, quem supra disposui, ut pauci loquantur vel prophetent, et per partes.

CAPUT XV.

Notum autem vobis facio, fratres, Evangelium quod prædicavi vobis, quod et accepistis, in quo D. et statis. Per quod et salvamini: qua ratione prædicaverim vobis, si tenetis, nisi frustra credidistis. Tradidi enim vobis imprimis quod et accepi: quoniam Christus mortuus est pro peccatis nostris secundum Scripturas: et quia sepultus est, et quia resurrexit tertia die secundum Scripturas; et quia visus est Cephæ, et post hæc undecim. Deinde visus est plusquam quingentis fratribus simul, ex quibus multi manent usque adhuc, quidam autem dormierunt. Deinde visus est Jacobo, deinde apostolis omnibus: novissime autem omnium tanquam abortivo, visus est et mibi. Ego cum sum minimus apostolorum, qui non sum dignus vocari apostolus, quoniam persecutus sum Ecclesiam Dei. Gratia autem Dei sum id

quod sum : et gratia ejus in me vacua non fuit, sed abundantius illis omnibus laboravi. Non ego autem, sed gratia Dei mecum. Sive enim ego, sive illi, sic prædicavimus, et sic credidistis. Si autem Christus prædicatur, quod resurrexit a mortuis, quomodo quidam dicunt in vobis quoniam resurrectio mortuorum non est, neque Christus resurrexit. Si autem Christus non resurrexit, inanis est prædicatio nostra, inanis est et fides vestra. Invenimur autem et falsi testes Dei, quoniam testimonium diximus adversus Deum, quod suscitaverit Christum, quem non suscitavit, si mortui non resurgent. Nam si mortui non resurgent, neque Christus resurrexit. Quia si Christus non resurrexit, vana est fides vestra. Adhuc enim estis in peccatis vestris. Ergo et qui dormierunt in Christo, perierunt. Si in hac vita tantum in Christo sperantes sumus, miserabiliores sumus omnibus hominibus. Nunc autem Christus resurrexit a mortuis primitæ dormientium, quoniam quidem per hominem mors, et per hominem resurrectio mortuorum. Et sicut in Adam omnes moriuntur, ita in Christo omnes vivificabuntur. Unusquisque autem in suo ordine, primitæ Christus : deinde hi qui sunt Christi, qui in adventu ejus crediderunt. Deinde finis, cum tradiderit regnum Deo et Patri, cum evacuaverit omnem principatum, et potestatem, et virtutem. Oportet autem illum regnare, donec ponat omnes inimicos sub pedibus ejus (*Psalm. cix, 1*). Novissime autem inimica destruetur mors. Omnia enim subiecti sub pedibus ejus (*Psalm. viii, 8*). Cum autem dicat : Omnia subjecta sunt ei, sine dubio præter eum qui subiecti ei omnia. Cum autem [Nam cum] subjecta fuerint illi omnia, tunc ipse filius subjectus erit illi qui subiecti sibi omnia, ut sit Deus omnia in omnibus. Alioquin quid facient, qui baptizantur pro mortuis? Si omnino mortui non resurgent, ut quid et baptizantur pro illis? Ut quid et nos periclitamus omni hora? Quotidie morior propter vestram gloriam [pro vestra gloria], fratres, quam habeo in Christo Iesu Domino nostro. Si secundum hominem ad bestias pugnavi Ephesi, quid mihi prodest si mortui non resurgent? Manducemus et bibamus, cras enim moriemur (*Sapientia, ii, 6; Isa. xxii, 13*). Nolite seduci. Corrumptunt mores bonos colloquia mala. Evigilate justi, et nolite peccare : ignorantiam enim Dei quidam habent. Ad reverentiam vobis loquor. Sed dicet aliquis : Quomodo resurgent mortui? Quali autem corpore venient? Insipiens, tu quod seminas non vivificatur, nisi prius moriatur. Et quod seminas, non corpus quod futurum est seminas, sed nudum granum, ut puteritici, aut alicujus ceterorum. Deus autem dat illi corpus sicut vult, et unicuique seminum proprium corpus. Non omnis caro eadem caro : sed alia hominum, alia pecorum, alia volucrum, alia autem piscium. Et corpora coelestia, et corpora

A terrestria : sed alia quidem coelestium gloria, alia autem terrestrium. Alia claritas solis, alia claritas lunæ, et alia claritas stellarum. Stella enim a stella differt in claritate : sic et resurrectio mortuorum. Seminatur in corruptione, surget in incorruptione. Seminatur in ignobilitate, surget in gloria. Seminatur in infirmitate, surget in virtute. Seminatur **145** corpus animale, surget corpus spirituale. Si est corpus animale, est et spirituale, sicut scriptum est : « Factus primus homo Adam in animam viventem (*Genes. ii, 7*) » novissimus Adam in spiritum vivificantem. Sed non prius quod spirituale est, sed quod animale est, deinde quod spirituale est. Primus homo de terra terrenus : secundus homo de celo coelestis. Qualis terrenus, tales et terreni ; et qualis coelestis, tales et coelestes. Igitur sicut portavimus imaginem terreni, portemus et imaginem coelestis. Hoc autem dico, fratres, quoniam caro et sanguis regnum Dei possidere non possunt, neque corruptio incorruptam possidebit. Ecce mysterium vobis dico : Omnes quidem resurgemus, sed non omnes immutabimur. In momento, in iectu oculi, in novissima tuba : canet enim tuba, et mortui resurgent incorrupti, et nos immutabimur. Oportet enim corruptibile hoc induere incorruptionem, et mortale hoc induere immortalitatem. Cum autem mortale hoc induerit immortalitatem, tunc fieri sermo qui scriptus est : « Absorpta est mors in victoria (*Osee, xiii, 14*) ». Ubi est, mors, victoria tua? Ubi est, mors, stimulus tuus? Stimulus autem mortis peccatum est, virtus vero peccati lex. Deo autem gratias, qui dedit nobis victoram, per Dominum nostrum Iesum Christum (*I Corin. v, 5*). Itaque, fratres mei dilecti, stabiles estote et immobiles : abundantes in omni opere Domini, semper scientes quod labor vester non est inanis in Domino. :

EXPOSITIO.

Postquam docuit eos de baptismō, de corpore et sanguine Domini et de donis Spiritus sancti, ad ultimum instruit eos de resurrectione mortuorum, quam partim credebant, partim negabant. Credabant enim Christum vere surrexisse a mortuis; eos etiam qui in novissima tuba morerentur, et integra carne statim reviviscerent, hos tales credebant resurrecturos. Sed eos quorum corpora in cineres dissolverentur, dicebant nulla ratione posse resurgere. Naturalibus supra modum adhaerentes argumentis. Littera sic jungitur : De linguis et prophetiis vos doceo. *De resurrectione autem mortuorum, notum facio vobis, fratres: notum, inquam, facio Evangelium, id est, resurrectionem mortuorum;* quod maxima pars est meæ prædicationis; *quod Evangelium de resurrectione ego prædicari robis,* ne obtendatis vos quasi ignoranter peccare; *quod etiam accepistis,* et turpe esse debet quod semel bene credidistis : iterum negare, *in quo etiam stait;* nisi enim resurrectionem credatis, frustra in sive

stetis; per quod etiam Evangelium salvabimini: carnis enim resurrectionem partem dicimus fidei, sine qua nemo possit salvare. Salvabimini dico si tenetis hoc Evangelium ea ratione qua vobis praedicavi: et nisi hoc sit quod vos frustra credidistis, id est, nisi fidem vestram inutilem dicitis, quod Corinthii nullo modo faterentur eos, scilicet frustra credidisse. Trado vobis Evangelium. Nam hoc quod ego tradidi vobis in primis, id est, inter potiora fidei; quod etiam non a me habeo, sed accepi a Deo. Hoc, scilicet, Evangelium: quod Christus mortuus est pro peccatis nostris delendis; et si peccata nostra deleta sunt, quorum pena mors est, quare in morte detinemur? Mortuus est Christus: et hoc dico secundum Scripturas prophetarum idem attestantium. Cum modo debeat probare de resurrectione, præmittit Christum vere fuisse mortuum, ut veræ morti vera sit resurrectio. Hoc etiam tradidi vobis de Christo quod sepultus est, ne statim post mortem resurgens, diceretur: Non vere mortuus est. Hoc etiam tradidi vobis de eo quod resurrexit tertia die. Et hoc dico secundum Scripturas, quæ hoc perhibent.

Probavit per testimonia Scripturarum, probat etiam Christum resurrexisse, per testimonia eorum quibus post resurrectionem visus est. Et hoc tradidi vobis, quia visus est Cepha, id est, Petro. Hanc apparitionem ubi, et quomodo facta sit non legimus, sed tantummodo scriptum est: Surrexit Dominus et apparuit Petro, et post haec visus est undecim apostolis, 146 quando Thomas erat cum eis (Luc. xxiv, 39). Deinde visus est plus quam quingentis fratribus simul: ex quibus multi manent usque ad hoc tempus; et si placet, querite ab eis; quidam autem eorum dormierunt. Christum dicit mortuum, hos dormisse. Deinde etiam visus est Jacobo Hierosolymitanu episcopo, qui videns Christum in cruce, devovit se non manducaturum panem, donec videbat Christum resurrexisse. De his duabus apparitionibus, nihil in Evangelii invenitur. Deinde visus est omnibus apostolis (Act. ix, 3), in die Ascensionis. Novissime autem omnium visus est mihi (Act. xxi, 17); prius in via, post in templo oranti. Mihi dico, tanquam abortivo, id est vi quadam et compulsione in apostolatum nato. Abortivum se dicit, quia extra tempus natus in Christo, apostolatum accepit, in celo recepto Domino cum carne. Bene dico abortivo. Nam ego sum minimus apostolorum, qui nec etiam dignus sum vocari apostolus, quoniam persecutus sum Ecclesiam Dei. Et licet dignus non fuerim, tamen sum id, id est apostolus qui utique sum per gratiam Dei, et licet prius persecutor fuerim, tamen ex quo recipi gratiam ejus, ipsa gratia non fuit vacua, id est otiosa in me, sed laboravi omni genere passionis abundantius omnibus aliis apostolis. Et licet dicam laboravi, tamen non ego per me hoc potui, sed gratia Dei operata est tecum. Cum dicat se tot et tanta sustinuisse, per hoc satis approbat resurrectionem, spe cuius omnia patitur. Re-

A vertitur ad quod supra. Vere Christus resurrexit. Nam sic prædicamus, sive ego, sive illi alii apostoli, locus ab auctoritate. Vos etiam sic credidistis, quod Christus vere resurrexit: nolite negare. Si autem prædicatur et negari non potest, quod Christus surrexit a mortuis, quomodo quidam in robis dicunt, quod non est futura resurrectio mortuorum? Si Christus resurrexit (quod utique verum est) resurrectio mortuorum sequitur ex necessitate. Probavit superius auctoritatibus Scripturarum et testimoniis sanctorum, qui viderunt Christum vere surrexisse a mortuis, et ex eo intulit, quia si Christus surrexit, et resurrectio mortuorum erit. Hanc autem consequentiam sic probat: Vere si Christus surrexit et resurrectio mortuorum est. Nam si resurrectio mortuorum non est, neque Christus resurrexit. Hic locus a simili est, et inter causam et effectum diversis respectibus. Similitudo in eo est quia si Christus in morte detineri non potuit, quia peccatum, quod est causa mortis, in eo non fuit, nec nos pro modo nostro justificati a peccatis in morte detinebimus. Quia si mortem evadimus, tunc resurgemus, per hanc similitudinem, scilicet, quod peccatis justificati sumus, cum Christo resurgemus; sed quia Christus longe major nobis est in justitia, ideo major erit in gloria resurrectionis. Iterum resurrectio Christi et quæcumque operatus est in terris, omnia spectaverunt ut homo restituatur perditæ beatitudini. Quia si hic effectus, scilicet, resurrectio mortuorum non sequitur, frustra cause illæ præcesserunt, sed Christus resurrexit: et hoc probat per multa inconvenientia, ex eo non resurgentem provenientia. Dico quod Christus surrexit. Nam si Christus non surrexit, ergo prædicatio nostra est inanis, id est sine re; quia res illa quam prædicat non sic est; et de eodem aliud inconveniens, quoniam fides vestra est inanis, id est infruituosa, si Christus non resurrexit, quod Corinthii, scilicet, fidem suam esse inanem nullo modo faterentur. Iterum aliud inconveniens, si Christus non resurrexit; quia tunc invenimus nos falsi testes Dei Patris, ideo quoniam diximus testimonium contra Deum: non enim placet Deo, si quis quod non fecerit Deus attribuat ei; hoc, scilicet testimonium quod Deus suscitaverit Christum, quem pro certo non suscitavit si mortui non resurgent. Verum est quod mortui resurgent sicut vos dicitis. Nam si mortui non resurgent, neque Christus resurrexit: idem superius posuerat, sed ad aliud: ibi enim ut illam probaret veram si Christus surrexit et mortui resurgent. Hic autem ut inferret veram eam quæ dicit non suscitatum esse Christum nisi 147 mortui resurgent. Diceret Corinthius: Mallem negare resurrectionem Christi, quam concedere quod resurgent mortui. Probat iterum per inconveniens Christum resurrexisse: Vere Christus surrexit, nam si non resurrexit Christus, fides vestra de Christo vana est. Nulla fuit illa fides, quam accepistis. Vere si Christus non resurrexit, vana est fides vestra. Num adhuc estis in peccatis vestris. Legitur sur-

rexisse propter justificationem nostram. Quia si non A resurrexit, nec nos justificavit, sic igitur vana est fides vestra. Et quia adhuc homines sunt in peccatis, ergo illi qui dormierunt in Christo, id est mortui in Christi fidè perierunt, id est damni sunt. Iterum aliud inconveniens. Et si pon resurrecti sperantes sumus in Christo tantummodo in hac vita, sicut vos dicitis, futuram non habituri, tunc sumus miserabiliores omnibus hominibus: quia nec hac, nec alia vita fruemur: cum quotidie in angustiis devolvamur: quandoquidem tot inconvenientia ex negata resurrectione se ingerunt: igitur nunc, id est ex præmissis rationibus colligitur quod vere Christus resurrexit a mortuis. Christus dico primitiæ et secundum tempus, et secundum dignitatem. quia et si quidam ante eum suscitati fuerunt non a mortuis, sed in numero morientium relapsi sunt. Dignitate, quia majorem omnibus gloriam habebit, et quidquid alii, totum habebunt ab illo, et per illum. Christus dico primitiæ dormientium. Per hoc innuit, cum dicit Christum primitiæ, quod alii dormientes secuturi sint eum in resurrectione. Diceret aliquis: Non videtur ut per meritum unius hominis Christi omnes homines resurgere possint. Contra hoc Paulus: Vere caeteri dormientes per primitias suas, id est Christum, resurgent, quoniam quidem per hominem unum fuit mors omnium, ita et per hominem unum erit resurrectio mortuorum. Unde hoc a simili. Nam sicut in solo Adam omnes moriuntur, ita et in solo Christo omnes vivificabuntur. Si enim culpa solius Adæ, ad damnationem omnium sufficiens fuit, ut prætermissa majoritate similitudinem solam loquamur, quare simili modo justitia solius Christi ad justificationem omnium non sufficeret.

Postquam probavit resurrectionem omnium vere futuram, congrue subdit de ordine ejus resurrectionis: ut per hoc magis certificaret eos et invitaret ad eamdem resurrectionem, dicens: Licet omnes æque resurgent, tamen unusquisque erit in suo ordine: qui enim plus promeruit, plus accipiet gloria: et ita quod Christus erit primitiæ tempore et dignitate, sicut superius. Deinde post Christum erunt in gloria ii qui sunt Christi. In eo dico eos esse Christi, scilicet, qui crediderunt in secundum adventum ejus, id est resurrectionem: et ita crediderunt integritate fidei et boni operis: euntes obviam in adventum Christi. Potuisset dicere, qui crediderunt in nativitatem Christi vel passionem; sed ideo in adventum dixit, quia resurrectionem commendare eis intendebat. Et postquam ii qui sunt Christi resurgent, deinde erit finis, id est impletio promissæ beatitudinis: cum Christus tradiderit regnum, id est Ecclesiam suam, quam cum potentia regit. Tradiderit dico Deo et Patri: tunc Christus dicetur tradere regnum Patri, cum Ecclesiam suam locabit in oculis Dei, ut quod hic vidit per speculum et in ænigmate, ibi videat facie ad faciem. Deo dicit ei patri, ut ostendat eum qui ab alio initium non haduit. Ut etiam nollet eum et Creatorem esse, et

creaturis paternam dilectionem adhibere. Cum tradiderit dico regnum: et cum evacuauerit omnem principatum, et potestatem, et virtutem.

Notandum est quod in angelis diversitates officiorum Deus posuerit, et hoc totum causa hominum, ut angeli administrent saluti eorum. Sed postquam homines jam in perfectione erunt, et nulla administratione egebunt, nomina illa destruentur in angelis, quibus vocabantur pro diversitate humanæ administrationis. Sunt enim quidam inter angelos, qui principatum habent super omnes alios. **148** Sunt etiam alii qui potestate perficiunt ea, quæ a principatu injunguntur eis. Sunt alii qui dicuntur virtutes, quia miraculorum sunt operatores. Similiter et in malis angelis quidam sunt principes super omnes alios. Alii habentes potestatem efficiendi quod principes præceperint: alii virtutes, qui aliqua nova inducant quasi miracula. Et hæc iterum in fine evacuabuntur. Quia sicut boni angeli ultra non habebunt in quo homines tueantur; sic nec mali in quo noceant hominibus. Sic etiam inter homines omnis differentia prælationis vel subjectionis destruetur: inter quos nulla erit regiminis inæqualitas. In fine tradet Christus regnum suum Patri: sed interim dum nondum finis est, oportet regnare, id est Christum cum potentia Ecclesiam suam regere. Oportet ideo dicit: quia sic prophetatum est in Scripturis, quas ex necessitate oportet impleri. Regnare dico, donec Deus ponat omnes inimicos Christi sub pedibus ejus, id est tam plenaria subjectione, sicut sunt aliqui pedibus aliorum prostrati. *Vel sub pedibus ejus*, id est subjectos humanitati Christi. Quæ per pedes ideo signatur: quia per humanitatem assumptam, divinitas venit ad homines. Et postquam haec omnia erunt evanescere, tunc etiam destruetur mors novissima: quia postquam non erit peccatum: nec pena peccati, scilicet mors remanebit. Mors dico inimica: cui et homines inimicantur, et quæ inimicatur hominibus. Vere inimici ponentur sub pedibus Christi. Nam scriptum est in Psalmo: Omnia subjecit Deus sub pedibus ejus (*Psalm. viii, 8*), id est Christi, sicut expositum est in Psalmo. Tamen habetur, subjecisti. Cum autem Scriptura dicat, omnia sine dubio subjecta sunt Christo, omnia preter eum qui ei, scilicet Christo, subjecit omnia, scilicet præter divinitatem. Deus, qui Christo subjecit omnia, non est Christo subjectus. Sed ipse Christus erit subjectus illi, id est Deitati: quæ subjecit omnia ipso, id est Christo. Diceret aliquis: Interim quidem Christus erit subjectus Deo, donec sibi Deus subjecerit omnia: sed posteā non. Erit utique (ait Paulus) quia cum subjecta fuerint Christo omnia, tunc ipse Christus subjectus erit Deo, qui ipsi subjecit omnia. Ita tamen subjectus, ut sit æqualis, scilicet, ut Christus sit Deus in omnibus, id est in singulis creaturis: et ita in omnibus quod omnia singulis, id est perfecta beatitudo, perfecta gloria, et pax superans etiam omne hominis desiderium. Revertitur ut probet resurrectionem mortuorum.

dicens : *Mors per Christum destruetur, et homines resurgent :* *aliоquin, id est si dicas non esse resurrectionem mortuorum, quid facient illi qui baptizantur pro mortuis?* Tangit hic reprobum morem quorundam, qui, audito quod resurrectio futura esset eorum qui baptizarentur, cum essent baptizati, iterum loco infidelis patris jam mortui baptizabant se : ut sic pater vel mater salvarentur in resurrectione. Et hoc adducit ad verecundiam Corinthiorum : quia si illi perversi tantam fidem de resurrectione habebant, quanto magis Corinthii deberent resurrectionem credere ? Littera sic est : *Quid facient illi qui baptizantur pro mortuis spe resurgendi, si omnino mortui non resurgent?* *Ut quid etiam baptizantur pro illis justificandis :* cum nec illi justificantur ? Si enim justificantur a peccatis et resurgerent. Vel aliter sic : *Alioquin, id est si resurrectio non est, quid facient illi qui baptizantur pro mortuis operibus,* id est pro peccatis, quae mortem operantur ? Baptizantur dico spe resurrectionis. Et quid facient, si omnino mortui non resurgent ? *Ut quid etiam baptizantur pro illis,* id est, ut justificantur a peccatis ? Vel aliter : *Alioquin si non resurgent mortui, quid facient illi qui baptizantur pro se mortuis,* id est mortificandis peccato? Vel pro se mortificatis per peccatum Deo. Cætera sicut dicta sunt. Iterum si resurrectio mortuorum non est, *ut quid etiam nos apostoli periclitamur omni hora?* Non enim finem habent tribulationes nostræ, quas gaudemus pati spe futura **149** resurrectionis. Vere periclitamur : nam *quotidie morior,* id est pericula mortis patior, fratres, *propter vestram gloriam,* ut vos digni sitis gloria resurrectionis. Vel secundum Augustinum : *Morior, et hoc juro per vestram gloriam, fratres : quam gloriam spe quidem jam habeo, in Christo Jesu Domino nostro : qui jam in gloria cum carne mea resurrexit.* Qui etiam ut secum resurerem promeruit. Si iterum mortui non resurgent : quid mihi prodest si secundum hominem, id est secundum humanæ rationis potentiam. Vel secundum hominem : quia ego homo, illi bestiae. Secundum hominem utique *pugnavi contra bestias Ephesi,* id est contra Ephesianos bestiales : quia resurrectionem negando, hominem in hoc mundo solum vivere dicunt, quod et bestiae faciunt.

Quid, inquam, illa pugna mihi prodest, nisi post mortem habiturus sim gloriam? Ephesii negabunt resurrectionem : contra quos Paulus multo labore disputavit, approbans futuram esse resurrectionem. Et quandoquidem secundum vos vita non restat post hanc : nihil jam aliud agendum est : nisi ut desperantes *manducemus et bibamus :* quia non ultra victuri moriemur (*Isa. xxxi, 13; Sap. ii, 6.*) Hoc verbum dixerunt Judæi, cum affligerentur in captivitate Babylonis, et desperarent de adjutorio Dei. Similiter qui resurrectionem negant, de auxilio et potentia Dei desperant. Et quia, fratres, non sic est desperandum; sed de resurrectione confidendum, ideo nolite seduci a pseudoapostolis . qui non habent

A fidem resurrectionis. Per hoc quod dicit *seduci*, notat seductores esse inter eos. Nolite credere seductoribus. Nam *colloquia illorum mala non solum fidem violant : sed etiam corrumpunt bonos mores.* Qui enim futuram vitam non credit, nescio quare bonis moribus laboret adhærere. Et ne a seductoribus corrumpamini, *evigilate ad hoc utsitis justi,* et ut justitiam conservetis. *Nolite ulterius peccare :* necessarium est ut evigiletis. *Quidam enim inter vos habent ignorantiam Dei,* id est ignorant æquitatem, et fidem Dei : et *hoc loquor vobis ad reverentiam,* id est ad erubescientiam), ut verecundemini de peccatis vestris.

B Postquam Paulus per necessarias rationes, per inconvenientia quæ inde proveniunt, iterum per potentiam Christi, futuram resurrectionem approbat, vult illam approbare per legem naturæ : quia humana sapientia magis argumentatur secundum passibilitatem [possibilitatem] naturæ. Quasi diceret : *Licet superius resurrectionem satis approverim, tamen secundum legem naturæ objiciendo, dicit mihi aliquis : quomodo resurgent mortui in pulvere jam dissoluti?* Natura non videtur hoc pati. Iterum si aliquo modo pulvis ille conglutinatur, tamen *quali corpore venient* homines qui resurgent ? Num credi potest ut tanta gloria possit venire disoluто pulveri, ut tu predicas ? Priori respondet quæstionis. Natura bene patitur mortuos resurgere. Illud enim quod tu *insipiens,* qui de resurrectione dubitas, semen, inquam, illud, *quod tu seminas non vivificatur,* id est nullo modo vivere potest, *nisi prius moriatur,* et computrescat : quemadmodum vides quod oportet semen putrefieri, ut sic postea vivat : ne dubites jam hominem iterum post mortem vivere posse, cum per mortem oporteat vivere. Probat aliam quæstionem, futuram scilicet gloriam corporum, ejusdem seminis similitudine, dicens : *Vere in majori gloria corporum venient.* Nam *quod seminas tu, non seminas illud corpus quod futurum est, sed seminas nudum granum :* corpus autem de nudo grano futurum multa grana, paleas et culmos est habiturum. Similiter non sit tibi absurdum, si dicamus corpora nostra in majori gloria resurrectura quam hic seminentur. Tu seminas nudum granum, *utputa, id est sicut est granum tritici, aut granum alicujus ceterarum segetum.* -Tu seminas nudum granum; *sed Deus dat illi grano corpus sicut vult,* fertilitate granorum, spicarum et culmorum gloriosum : *et unicuique tamen 150 seminum reddit proprium corpus :* quia si seminatum est triticum, pullulat triticum; et sic in identitate seminum singula grana resurgent, et hoc in exemplum melioratæ resurrectionis, non amissæ substantiæ. Cumque omnes in hoc convenient, quod resurrectionis gloriam sunt habituri, in eo tamen differunt quod quidam gloriosorem sunt habituri quidam non adeo, secundum differentiam meritorum. Diceret aliquis : *Cum omnis hominum materia ex eisdem constet elementis, videtur ut quidquid uni conferetur, totum in alio possideat similis ma-*

teria. Quod Paulus. (ut ad meliora semper provocet A bus, et non viviscans. Et vere surget corpus spirituale ; nam *novissimus Adam*, id est Christus, dicitur Adam, quia natus de ipso secundum lineam carnis : ideo autem novissimus, quia post eum non es futurus alias Adam, qui novam inducat generationem. Omnis enim homo, vel carnis Adæ filius vel spiritualis. Hic, inquam, novissimus Adam, **151** factus est in spiritum non viventem, sed tricanticem. In illa enim resurrectione sic anima corpus vivificabit, ut nullo egens alimento vivat perpetuo. Diceret ille : Licet Christus qui Deus fuit, ita potuit vivificari, ego non sic potero, qui tantum homo sum. Nihil impedit, ait Paulus, quia licet Christus Deus sit, tamen non prius fuit illud corpus quod est spirituale, sed prius fuit illud corpus quod est animale : et deinde fuit illud corpus, quod est spirituale. Vere primus homo factus est in animam viventem, nam primus homo factus est de terra terrenus, et secundus Adam factus est in spiritum vivificantem. Nam secundus homo factus est celestis veniens de celo. Et qualis fuit primus ille terrenus, tales sunt et terreni, qui adhaerent ejus terrenitati. Et qualis fuit secundus ille celestis, tales etiam erunt imitatores ejus celestes. Et quandoquidem qui terrenum sectabitur, terrenus erit ; et qui celestem, celestis ; igitur sicut portavimus imaginem terreni Adæ per peccatum, sic amodo portemus imaginem celestis Adæ, per justitiam vitæ : ut, deposito onere terrenitatis, gaudemus in levitate gloriae celestis. Quia modo dixerat qualis fuit celestis, tales erunt adhaerentes ei. Dixerat etiam portemus imaginem celestis : ne occasione horum verborum putaremus nobis ad salvationem sufficere veterem hominem in baptismo deponere, et novum hominem ibidem assumere. Determinat Paulus non satis esse hoc modo imaginem celestis portare, nisi continua imitatione operum portemus. Littera sic jungitur : Licet dixerim, portemus imaginem celestis, et erimus celestes, tamen hoc dice, id est determino vobis, fratres, quoniam, id est quod, caro et sanguis, id est, qui carni acquiescunt et sanguini, quædam enim peccata sunt ex carnalitate, ut mollis luxuria : quædam ex vitio sanguinis, ut ira ex melancholia : et quicunque carnem et sanguinem peccati selectantur, hi non possunt possidere regnum Dei, id est seipso in futura gloria. Regnum enim Dei nihil aliud est, quam ipsi homines, in hac vita nemo possidet se : quia nulla dies est, qua non quisque possideatur a peccato, sed in futura beatitudine quisque iustorum possidebit se. Ubi nemo tentatione carnis inquietabitur. Vere caro et sanguis non possidebunt regnum Dei : nam caro et sanguis est corruptio. Regnum autem Dei est incorruptio. Corruptio vero non possidebit incorruptelam : igitur caro et sanguis non possidebunt regnum Dei. Quia modo superiorius dixerat : Quicunque portaverit imaginem celestis, resurget in gloria. Dixerat iterum quod caro et sanguis nullo modo possidebunt regnum Dei : ne hæc verba in-

B

C

D

telligeret aliquis esse contraria, solvit illud absolvendo omnem contrarietatem, dicens : Ne praedicta verba mea male interpretetis, ecce dico vobis *mysterium*, id est aperio vobis rem occultam, ut per ejus aperturam auferam a vobis hujus rei dubietatem. Vere quidem est (sicut præfatus sum) quod *omnes resurrecimus*, id est omnes corpora resumemus, sed tamen non omnes immutabimur, in accipiendo gloriam : quia quidam resurgent ad poenam sibi augmentandam : alii ad gloriam. Resurrecimus quidem in *momento*, et ut majorem facilitatem resurrectionis aperiat, corripit quod dixerat, in momento, dicens : *Resurrecimus in ictu oculi*, id est, quam cito oculus transit ad pavidum aliud : vel, quam cito palpebra palpebra jungitur. Hoc autem fiet in tuba novissima : non quod vox tubæ ibi audiatur, sed sicut vox tubæ victores invitat ad palmam ; victis vero sit ad terrorem : ita vox illa signum erit justis ut triumphi meritum accipient, impiis autem terrorem poenæ incutiat. Novissima ideo, quia cum multas voces dederit Christus in mundo, unde terroreret impios, laetificaret justos : vox illa judicij novissima erit consummans justis gloriam, impiis iram indeficientem. Et quia de tuba hac nihil amplius dixerat, subdit : **152** Bene dico tuba. *Nam canet tuba*. Non determinat utrum Christus vel angelus tuba illa canere debeat. Vel ut sit nominativus, tuba illa canet et in voce tubæ resurgent mortui incorrupti, id est in integritate membrorum restaurati : quidam tamen dolore poenarum corrumperi, sed nos electi Dei immutabimur, accipiendo gloriam resurrectionis. Vere immutabimur : nam oportet, id est (ut vere sint Scripturæ) inevitabile est : oportet, inquam, corruptibile hoc, id est, corpus tot miseriis attritum, induere incorruptionem. Et quia incorruptum posset esse ad tempus, ut tamen non evaderet ; addidit et oportet mortale hoc corpus induere immortalitatem.

Vere hoc mortale fiet immortale : nam mors absorpta, id est destructa et deglutita est, in *victoria* Christi, quando morte sua mortem superavit : vel in *victoria sua*, id est mortis : per hoc enim quod mors invadere Christum præsumpsit, in quo non erat peccatum, quod est causa mortis, in ipsa sua præsumptione occubuit. Hæc autem auctoritas in Osee sic invenitur : « O mors ero mors tua (Osee XIII). » Et quia hanc scripturam quidam male interpretabantur, dicentes hoc scriptum esse de morte animæ, non corporis, præmittit Paulus expositionem hujus auctoritatis dicens : Cum autem hoc mortale corpus induerit immortalitatem. Non enim (sicut quidam male suspicantur) anima sola evasura est mortem, sed cum anima etiam corpus : tunc flet, id est implebitur sermo ille qui scribitur in Osee: Absorpta est mors in *victoria*, sicut dictum est. Verba quæ sequuntur ejusdem prophete esse dicuntur, insultantis ipsi morti, quia destructa sit, et dicentis. Quandoquidem absorpta est, ubi est, o mors, nunc, tua *victoria*, qua juri tuo omnia subjiciebas ? Et, o mors,

A *ubi est modo tuus stimulus*, id est peccatum quod in aculeo suæ caudæ, mortem loco veneni gestabat ? Ait Paulus : bene dico stimulus : nam *peccatum est stimulus mortis*, id est aculeo suo mortem hominibus instimulans. Pro eo quod Paulus quid sit stimulus exponit, præcedentia verba putantur non esse ipsius : vel si sunt Pauli, non tamen mutatur sententia. Insultando enim dicit morti, quia modo absorpta es. *Ubi est, o mors, tua victoria?* Cetera non mutantur. Né iterum dicent : Cum destructo peccato destruatur mors, bene modo nobis est, quia per legem destruimus peccatum. Contra hoc Paulus : Peccatum est stimulus mortis. *Lex* vero nullo modo debilitat peccatum : *imo est virtus*, et augmentum *peccati*. Et hoc congrue removit, ut sicut per Christum probaverat fieri resurrectionem, sic per eundem ostendit esse omnem peccati remissionem. Et quia lex auget peccatum, ideo nulla legi *gratia*, sed *Deo* omnes agamus gratias : qui dedit nobis *victoriam peccati et mortis*, et hoc per *Dominum nostrum Jesum Christum*. Et quia ex Deo et per Christum omnis *victoria*; itaque, fratres mei, ut sitis Deo dilecti, estote stabiles in bono, dum in quiete pacis estis. Estote etiam immobiles a fide, si aduersa irruerint. Vos dico abundantes in opere *Domini*, ut semper melius et melius operemini. Vos dico semper scientes quod *labor vester non est in vanis*, id est sine fructu; sed in gloria magna resurrecti estis, et hoc in *Domino*, id est per Dominum misericorditer agentem in vobis.

CAPUT XVI.

De collectis autem, que flunt in sanctos, sicut ordinavi in Ecclesia Galatiarum, ita et vos facite. Per unam Sabbati unusquisque vestrum apud se reponat, recondens quod ei bene placuerit : ut non, cum venero, tunc collectæ flant. Cum autem præsens fuero, quos probaveritis per Epistolæ, hos mittam perferre gratiam vestram in Jerusalem. Quod si dignum fuerit, ut ego cam, mecum ibunt. Veniam autem ad vos, cum Macedoniam pertransiero. Nam Macedonia pertransibo. Apud vos autem forsitan manebò, vel etiam hyemabo, ut vos me deducatis **153** quocunque iero. Nolo enim vos modo in transitu videre. Spero enim me aliquantulum temporis manere apud vos, si Dominus permiserit. Permanebo autem Ephesi usque ad Pentecosten. Ostium enim mihi apertum est magnum, et evidens, et adversarii multi. Si autem venerit Timotheus, videte ut sine timore sit apud vos : opus enim Domini operatur sicut et ego. Ne quis ergo illum spernat : deducite autem illum in pace, ut veniat ad me : exspecto enim illum cum fratribus. De Apollo autem fratre vobis notum facio, quoniam multum rogavi eum, ut veniret ad vos cum fratribus : et utique non fuit voluntas ejus, ut nunc veniret : veniet autem, cum et vacuum fuerit. Vigilate, state in fide ; viriter agite et confortamini : omnia enim vestra

in charitate flant. Obsecro autem vos, fratres, nostis domum Stephanæ, et Fortunati, et Achaici; quoniam sunt primitiae Achaiae, et in ministerium sanctorum ordinaverunt seipsos, ut et vos subditi sitis ejusmodi, et omni cooperanti et laboranti. Gaudeo autem in praesentia Stephanæ, et Fortunati, et Achaici: quoniam id quod vobis deerat, ipsi supplerunt. Refecerunt enim et meum spiritum, et vestrum. Cognoscite ergo qui ejusmodi sunt. Salutant vos omnes Ecclesiae Asie. Salutant vos in Domino multum Aquila et Prisea, cum domestica sua Ecclesia: apud quos et hospitor. Salutant vos omnes fratres. Salutate invicem in osculo sancto. Salutatio mea manu Pauli. Si quis non amat Dominum nostrum Jesum Christum, sit anathema, Maran Atha. Gratia Domini nostri Jesu Christi vobiscum. Charitas mea cum omnibus vobis in Christo Jesu, Amen.

EXPOSITIO.

Postquam singula quæ præcipienda erant, dispositi, secundum ordinem rectæ fidei in fine Epistole, de quibusdam privatis eos admonet, scilicet ut sancti qui erant in Hierusalem, quos et rapina infidelium, et publica fames oppresserat, subvenirent, ministrantes aliquid de suis abundantiis. Littera sic jungitur: De resurrectione mortuorum sic credite. De collectis autem quæ fuit deferendæ in sanctos, qui sunt in Hierusalem, ita et vos facite per unam diem Sabbati, id est septimanæ, sicut ordinavi debere fieri in Ecclesiis Galatæ. Et ne putetis hæc collecta meis usibus me velle deputare, præcipio ut unusquisque vestrum reponat apud se: non tamen sic ut suum esse putet illud, sed recondens, et quasi alienum integre conservet: quod ei bene placuerit pauperibus sanctis erogare. Ideo dico facite per unam Sabbati, ut non cum venero, tunc primum collectæ incipiant fieri. Ut autem omnem suspicionem auferam a vobis male suspiciosis, cum ego præsens vobis fuero, non proprios legatos, sed hos quos prohaveritis (id est quos ex vobisipsis elegeritis) mittam perferre gratiam vestram, id est gratuitum donum vestrum in Hierusalem. Mittam dico per Epistolam, id est cum Epistolis meis, in signum ipsis traditis.

Dicerent Corinthli: Aliorum munera ipse defers, et nostra quare deferre dignaris? Ad hoc Paulus: Certe si dignum fuerit donum vestrum, ut ego ire debeam, ibunt mecum legati vestri, ut ego simul veniens commendem gratiam vestram. Sic faciam de gratia vestra, Veniam etiam ad vos cum pertransiero Macedoniam: prius sum enim ad Macedonas iterus. Bene dico pertransiero: nam vere pertransibo Macedonia; sed postea manebo apud vos forsitan, id est si Deus concesserit. Vel etiam ut plus dicam: Hiemabo penes vos, ut vos deducatis me quounque a vobis discedens iero. Ideo hiemabo; quia nolo vos modo videre in transitu. Ideo non in transitu videbo vos; quia spero me aliquantum manere apud vos, si Dominus permiserit. Et licet dicam me transitum ad vos, prius tamen permaneo Ephesi usque

ad Pentecosten. Et necesse est ibi permanere me; quia ostium apertum est mihi magnum, id est quia multi Ephesiorum ad fidem se præparant. Et ostium evidens; quia jam quedam signa fidei video in eis: et oportet me insistere; quia adversari multi sunt, qui volunt eos subducere Christo. Ego modo Ephesi manebo. Si autem 154 Timotheus, deferens hanc Epistolam, venerit ad vos, videte ut sine timore sit apud vos. Quidquid enim mihi de vobis nuntiavit, ad correptionem vestram fecit, et ideo videte ne eum inquietetis, utique sine timore debet esse apud vos; quia opus Domini operatur in vobis, sicut ego, et alii discipuli, et quia opus Domini operatur: ergo videte ne quis spernat eum, sed obtemperate monitus ejus. Nec solum non spernatis eum, sed etiam illum revertentem ad me deducite in pace, ut illæsus reniat ad me: ego enim exspecto illum cum aliis fratribus. Apollo episcopus Corinthiorum fugias dissensionem eorum reversus fuerat ad Paulum, de quo Corinthii scripserant Paulo ut eis remitteret episcopum suum. Respondet eis Paulus quod Apollo nolit reverti, priusquam bene sint correcti, dicens: De Timotheo sic agite; de Apollo autem fratre nostro, et episcopo vestro, significo vobis, quoniam multum rogavi ut veniret ad vos: et utique non fuit voluntas ejus, ut nunc veniret ad vos, sed veniet cum vacuum ei fuerit, et vos bene correctos intellexerit. Ut autem adventum hujus patris vestri mereamini, vigilate, id est studiose cavete vobis ne erretis, et state in fide, ut a sana fide non devietis, et in fide stantes agite viriliter, id est bene operamini. Nec ad horam sed in bonis actibus perseverando confortamini, studentes ut omnia vestra fiant in charitate, id est in dilectione Dei et proximi, in qua hucusque nimium tepuistis. Obsecro vos, fratres, ut subditi sitis Stephanæ, et Fortunato, et debetis. Nostis enim domum Stephanæ et Fortunati, et Achaici. Hoc, inquam, nostis quod isti sunt primitiae Achaiae. Primi enim de Achaia crediderunt. Corinthus in Achaia est. Nostis etiam hoc quod isti ordinaverunt seipsos in ministerium sanctorum: quibus propriis manibus et de suis rebus ministraverunt. Hoc, inquam, obsecro vos, ut subditi sitis his omnibus quæ in vobis sunt ejusmodi, et omni cooperanti illis in bono, et laboranti similiter in ministerio sanctorum. Ut autem subditi sitis illis, scitote quoniam ego gaudeo in praesentia Stephanæ, Fortunati, et Achaici: sic enim mihi est de illis quasi si presentes eos habeam. Gaudeo, inquam, et merito: quoniam ipsi impleverunt in me et in sanctis hoc quod deerat vobis: ipsi enim ministraverunt nobis in temporalibus, quod cum vos debuissetis, negligiatis. Vere ipsi supplerunt; nam refecerunt spiritum meum ministrando necessaria, et per hoc spiritum vestrum. Nisi enim bonis suis foiverint nos, non possemus tandem immorari vestrae instructioni. Et quia refecerunt spiritum meum et vestrum, ergo cognoscite, id est ex dilectione obedite eis, et omnibus qui sunt ejusmodi. Salutant vos, o Corinthii

Ubi, omnes Ecclesiae. Salutant multum in Domino Aquila et Prisca, cum domestica sua Ecclesia, id est et eorum familia vos salutat. Salutant vos omnes fratres. Salutate nos invicem in osculo sancto, id est esculamini vos alterutrum, evacuantes a vobis schismata. Salutatio quae sequitur facta est propria mea, mea dico scilicet Pauli, haec, scilicet gratia Domini nostri, etc.

Mos erat Pauli, ut ipse idem manu propria Epistolam clauderet, ne dubitaretur quin a se mitteretur Epistola: et hoc propter pseudo, qui sub nomine Pauli furtivas mittebant epistolæ. Ab hac autem salutatione sua excludit infideles, dicens: *Si quis non amat Dominum nostrum Iesum Christum, hunc*

A non saluto; sed sit anathema, id est separatus a Deo anathema dieo Maranatha. Hoc verbum ex Syro sermone conficitur et Hebraeo, et sonat Dominus venit. Quasi diceret: Qui non amat Christum, separetur ab eo dum ipse Dominus ad iudicandum venit. Vel sit anathema, et malo suo; quia Dominus venit fortassis hodie vel cras, ut ulciscatur de eo. Haec autem est mea salutatio, a qua impios separe. *Gratia Domini nostri Iesu Christi sit roboscum, et charitas mea sit cum omnibus vobis*, id est omnes vos diligatis me, licet aliquantulum asperius vos correxerim: et hoc sit in Christo Iesu, id est propter amorem Christi Iesu. Amen, id est ita fiat.

155 PROLOGUS IN SECUNDAM EPISTOLAM AD CORINTHIOS.

In secunda ad Corinthios Epistola, quasi in parte superiori, post tribulationum suarum relationes, reddit causas quare ad eos secundo non erit; quoniam non levi mutatione consilii fecisse se asserit, sed ne adventu suo tristitiam incurreret, cum in peccato permanere discipulos reperisset. Deinde post agnitos fructus poenitentiae, reconciliat eum Ecclesiæ, quem in prima propter fornicationem, a consortio sanctorum jusserrat amoveri. Tertio contra pseudoeapostolos officii sui dignitatem tuetur, et Novi Testamenti ministros tanto anteire gratia ostendit, quanto Evangelium est lege præstantius. Immoratur etiam in causa illa plurimum, quam bre-

EPISTOLAM AD CORINTHIOS.

B viter in prima contigerat; ut prompto ac libenti animo necessaria presentis vitæ non habentibus, largiantur, et utilitate spiritualis commercii commutent præsentia cum futuris, atque abundantia sua sanctorum inopiam suppleant; ut vicissim eorum inopia sanctorum abundantia suppleatur. In fine repetit quod superius contra pseudoapostolos egerat, et jactationem eorum, prædicationesque de se gloriose, vel collata antiquitate generis, vel catalogo injuriarum ac periculorum suorum evacuat; dicitque eos operarios subdolos, qui ad imitationem Satanae transfigurarentur in apostolos Christi, sub prædicationis spe lucra pecuniaria quæque sectantes.

ARGUMENTUM IN EAMDEM.

Post actam a Corinthiis poenitentiam, consolatoriam scribit eis Epistola Apostolus a Troade per Timum, et collaudans eos hortatur ad meliora; contristatos quidem eos, sed emendatos ostendens.

ARGUMENTUM B. BRUNONIS IN EAMDEM.

Paulus hanc iterum Epistolam scribit ad Corinthios, quorum alios sufficienter per priorem Epistolam correxerat; sed quidam eorum eo adhuc errore gravabantur ut pseudodoctores Paulo præferrent, accusantes Paulum de simplicitate sermonis, extollentes pseudo in sapientia carnali. Quare et in hac Epistola satis immoratur in depressione pseudodoctorum, et in commendatione sui apostolatus. In primis etiam eos qui justi erant in Corinthiis, seu qui modo per Epistolam Pauli bene fuerant correcti, seu illos qui a principio acceptæ fidei perduarerunt, in bono consulendo. Hi enim multa patiebantur a fratribus perversis, quos illi pseudo concitabant in sanctos. Cumque omnes bonos indifferenter consoletur, eum quem ex nomine reprehenderat, quia uxorem patris ducere præsumpsrat, quia bene correctum audivit, singulare præ-

C ceptum de eo ponit, ut restitueretur Ecclesiæ, a qua pro peccato se alienatum humiliter toleravit. De collectis etiam, de quibus in prima Epistola illis scripserat, in hac diffusius agit, ut qui brevi admonitione abusi fuerant, iterata et magis producta admonitione de eodem contempnere non audeant. In hac autem Epistola materia sunt ipsi iidem Corinthii correcti seu incorrecti. De his autem agit consolando bonos, ne deficiant in adversis; sed per patientiam tribulationum certatim proficiant ir. augmentum virtutum. Incorrectis vero errorem suum et peccatum improperat, ea utique intentione de utrisque habita, ut diversitatem eorum in quamdam redigat unitatem, scilicet ut et boni in melius proficiant, et mali declinando errorem suum, salubri imitatione bonos insequantur.

EPISTOLA II AD CORINTHIOS.

156 CAPUT PRIMUM.

Paulus apostolus Christi Iesu, per voluntatem Dei, et Timotheus frater, Ecclesiæ Dei quæ est Corinti, cum omnibus sanctis qui sunt in uni-

versa Achaia. Gratia vobis et pax a Deo patre nostro, et Domino Iesu Christo. Benedictus Deus et Pater Domini nostri Iesu Christi (Ephes. 1, 3; I Pctr. 1, 2). Pater misericordiarum et

Deus totius consolationis, qui consolatur nos in omni tribulatione nostra, ut possimus et ipsi consolari eos qui in omni pressura sunt, per exhortationem, qua exhortamur et ipsi a Deo. Quoniam sicut abundant passiones Christi in nobis, ita et per Christum abundat consolatio nostra. Sive autem tribulamur pro vestra exhortatione et salute, sive consolamur pro vestra consolatione, sive exhortamur pro vestra exhortatione et salute, quae operatur tolerantiam earumdem passionum, quas et nos patimur : ut spes nostra firma sit pro vobis, scientes quoniam sicut socii passionum estis, sic eritis et consolationis. Non enim volumus ignorare vos fratres, de tribulatione nostra quæ facta est in Asia, quoniam supra modum gravati sumus, et supra virtutem, ita ut taceret nos etiam vivere. Sed ipsi in nobisipsis responsum mortis habuimus, ut non simus fidentes in nobis, sed in Deo qui suscitat mortuos : qui de tantis periculis nos eripuit et eruit : in quem speramus, quoniam et adhuc eripiet adjuvantibus et vobis in oratione pro nobis : ut ex multarum personis facierum ejus quæ in nobis est donatio- nis per multos gratiae agantur pro nobis. Nam gloria nostra haec est, testimonium conscientiae nostræ, quod in simplicitate cordis et sinceritate Dei; et non in sapientia carnali, sed in gratia Dei conversati sumus in hoc mundo, abundantius autem ad vos. Non enim alia scribimus vobis, quam quæ legistis et cognovistis [cognoscitis]. Spero autem quod usque in finem cognoscetis, sicut et cognovistis nos ex parte; quia gloria vestra sumus, sicut et vos nostra, in die Domini nostri Jesu Christi. Et hac confidentia volui prius venire ad vos, ut secundam gratiam haberetis, et per vos transire in Macedoniam, et iterum a Macedonia venire ad vos, et a vobis deduci in Iudeam. Cum ergo hoc voluisse, nunquid levitate uisus sum? Aut quæ cogito, secundum carnem cogito, ut sit apud me EST, et NON? Fidelis autem Deus, quia sermo noster qui fuit apud vos, non est in illo EST et NON : sed est in illo est [non habet sed est in illo est] : Dei enim Filius Jesus Christus, qui in vobis per nos prædicatus est, per me et Silvanum et Timotheum, non fuit in illo EST et NON, sed EST in illo fuit. Quotquot enim promissiones Dei sunt, in illo EST. Ideo et per ipsum : Amen Deo ad gloriam nostram. Qui autem confirmat nos vobiscum in Christo, et qui unxit nos Deus, et qui signavit nos, et dedit pignus Spiritus in cordibus nostris. Ego autem tecum Deum invoco in animam meam, quod par- cens vobis, non veni ultra Corinthum : non quia dominamur fidei vestre, sed adjutores sumus gaudii vestri. Nam id statis.

EXPOSITIO.

More suo salutem præmittit, dicens : Paulus (quod nomen tam humilitatis quam auctoritatis

A est) Paulus inquam apostolus, id est legatus Christi Iesu : gloriam enim Christi annuntiat. Apostolus, dico, non per temerariam præsumptionem ut pseudo, sed per voluntatem, id est per beneplacitum Dei, et cum eo Timotheus frater, id est cooperator in opere Christi. Ideo Timotheum reponit, per quem primam Epistolam miserat, ut sciant sibi cognita esse omnia quæ apud eos geruntur. Paulus, inquam, et Timotheus scribunt Ecclesiæ, id est convectioni fidelium. Ecclesiæ dico Dei, id est in qua gratia Dei tantum operatur, et non merita doctorum ut pseudo gloriantur. Ecclesiæ dico quæ est Corinthi. Corinthiorum utique Ecclesiæ scribit cum omnibus, id est et omnibus sanctis, id est in baptismo per Christum sanctificatis : cum omnibus dico qui sunt in B 157 universa Achaia. Quasi diceret : Ecclesiæ Corinthi omnibusque Ecclesiis illi subjectis. Achaia enim dicitur provincia, in qua metropolis Corinthus sita erat. Vobis Corinthiis sit gratia, his qui peccaverunt secunda remissio : bis qui bene correcti sunt, vel qui post acceptam fidem non peccaverunt, sit perseverantia gratia bene custodite. Et ei scilicet sit pax, id est bona tranquillitas animi a Deo qui potest : Patre nostro, qui plium ad nos affectum habet, et a Deo qui similiter potest, Iesu Christo, et vult : quia salvare nos officium ejus est. Nunc imprimis gratias agit Deo pro perseverantia eorum qui lapsi non fuerant, et pro correctione eorum, qui errore contempto bene se emendaverant : consolaturque eosdem exemplo suo, ut fortes sint in adversis, quæcumque oporteat eos pati, dicens : Quia vos in fide Christi laborare video, inde gratias agens dico : Benedictus sit Deus Domini nostri Iesu Christi : et Pater Domini nostri Iesu Christi. Deus ejus est, secundum quod Christus homo fuit : Pater Christi est, secundum deitatem in qua Filius aequalis est Patri : ipse tamen principium habens a Patre, non Pater ab eo. Qui si Iesu Christi Pater est, cum nos Christi filii simus : sic per Christum Deum Patrem habemus. Duo prædicta, Deus et Pater, spectant ad Christum : eadem duo quæ sequuntur, spectant ad homines. Benedictus etiam sit qui Deus et Pater est Christi. Pater est etiam misericordiarum. Cum posset dicere dator misericordiarum, dixit pater : D ut ostendat eum et datorem, et ex paterno affectu nobis bona dantem. Pater, inquam, misericordiarum, et Deus totius consolationis. Misericordia dicuntur omnia dona Dei, seu dentur in adversis, seu in prosperis : consolatio autem dicitur tantum ubi fuit desolatio. Posset etiam dixisse, si vellet, pater consolationis et Deus misericordiarum, idemque esset. Deus dico consolationis non imperfectæ, sed totius, id est perfectæ. In quibuscumque enim desolamur, potens et præsto est consolari nos Deus ; quia consolatio nunc eis fuerat opportunior : ideo circa bona consolationis magis immoratur, dicens : Qui Deus consolatur nos, me scilicet et condiscipulos meos, in tribulatione nostra, quam patimur. Nec in quadam tantum, sed in omni. Ubicunque enim tribulamur,

facile vel difficile secundum modum tribulationis, **A** prae*sto* est medicina consolantis : consolatur, inquam, non solum ut nos liberet, sed etiam *ut possimus et ipsi* qui tribulamur *consolari eos*, qui modo videbamur desolati : et per exemplum patientiae nostrae, et per exhortationem sermonis. Consolari dico *eos qui sunt in pressura tribulationum*. Nec in quadam tantum, sed in omni pressura interiori vel exteriori, possumus eos consolari *per exhortationem*. Posset dicere per consolationem, sed ut ostenderet se non simpliciter consolari, sed etiam fortiores fieri : ait per exhortationem *qua alii sancti et nos ipsi exhortamur a Deo* : ut videntes Deum praesentem nobis in tribulatione, nihil dubitemus in quaecunque tormenta irrumpere, et alios ad exemplum ac virtutem patientiae, verbo et exemplo invitare.

Et vere exhortamur a Deo : *quoniam sicut abundant passiones Christi*, id est quas vel pro Christi nomine, vel pro exemplo Christi pro nobis passi sustinemus. Sicut enim passiones abundant *in nobis*, ita copiose abundant etiam *consolatio nostra per Christum* nos consolantem. Vel per Christum : quia per exemplum patientiae ejus consolamur. Et quaecunque patimur, et quandocunque consolamur, hoc non solum propter nos, sed etiam ad instructiōnē vestri : *sive enim tribulamur, hoc sit pro vestri exhortatione*, ut ad patientias tribulationes fortes sitis, et sic pro salute æterna habenda : *sive etiam consolamur, hoc sit pro vestri consolatione*, ut sciatis vos similiter a Deo in tribulatione consolandos, et sic pro futura salute habenda : *sive etiam exhortamur* : hoc totum sit *pro vestri exhortatione*, ut vos exemplo nostro et doctrina exhortati sitis ad meliora, et **158** sic pro habenda vobis salvatione. Videndum est quod haec verba, *tribulamur, consolamur, exhortamur*, hic in passiva significatione leguntur : vere totum pro vobis, quia *quaæ tribulatio, consolatio et exhortatio operatur in vobis*, verbo et exemplo nostro, *tolerantiam passionum etiam earumdem quas patimur etiam nos*, qui tantæ auctoritatis apud Deum sumus : non ergo miremimi, si vos inferiores Deus permittat vexari. Operatur in vobis tolerantiam, *ut spes nostra habita pro vobis*, qua et vos speramus in bono perseverare, et salutem æternam apprehendere : ut haec spes sit firma, id est permanens : et veritate virtutis roborata. Non ait de vobis, sed pro vobis : ut ostendat suam charitatem pro bono eorum affectuose sollicitam esse. Patimur, inquam, scientes : *quoniam sicut estis non dicam particeps, sed socii passionum nostrarum, sic eritis etiam socii consolationis*, quam futuram expectamus nobis et vobis in gloria. Et per hoc quod socios eos vocat, multum animat ad patientiam. Ea occasione quia de passionibus loqui coepit, transit ad enumerandas difficultates, quas passus est in Asia ; hoc autem facit ne possent objicere Corinthii : Exemplo tuo nos, Paule, provocas ad ferendas tribulationes, qui nunquam fortasse tam graviter ut nos tribulatus es. Littera sic jungitur : Bene dico

B *patimur* : nam nos supra modum gravati sumus in Asia. Sed priusquam hoc dicat, premitit unde intendant totum spectare ad sese quidquid dicturus est. Gravati quidem sumus : et hoc *non volumus vos ignorare, fratres, de tribulatione nostra, quæ facta est in Asia*. Ibi enim apud Ephesum, quia pueram spiritum pythonis habentem mundavit, et sic dominis ejus quæstum quem de divinatione puellæ habebant abstulit : instinctu eorum tota civitas irruit in eum. Cumque rationem reddere vellet, ne audiretur conclamabant : Magna Diana Ephesiorum. Ibique tot verberibus afflixerunt eum, ut in platea velut mortuus relinqueretur (*Act. xvi, xix*) : hoc, inquam, nolo vos ignorare, quoniam ibi apud Ephesum *gravati sumus supra modum priorum tribulationum*, et *supra humanam virtutem*. Virtus enim hominis tanta pati non posset. Ita utique gravati sumus, ut *tæderet nos*, non dico pati, sed etiam vivere : nec tantum tædit nos vivere, sed etiam ipsi *habui-mus in nobis*, id est in anima nostra *responsum mortis* : quia consulentes animam nostram, si forte vivi evaderemus, respondebat nobis mortem. Ne per hoc quod dicit, tædebat nos in tormentis vivere, putaretur sibi contraire, ubi ait : *Consolatur nos Deus in omni tribulatione*, contra hoc ait : Ideo tantum gravati sumus usque ad tedium vitae et *responsum mortis*, ut *non simus fidentes in nobis*, id est viribus nostris nihil ascribamus : *sed in Deo-tantum confidamus, qui suscitat mortuos* : me enim de morte, id est de eo pro quo alias homo moreretur, liberavit : *qui etiam frequenter eripuit nos de tantis periculis quæ passi sumus*, in quem euntes bene agendo *speramus*, quoniam ut olim, sic etiam adhuc in futuro eripiet, in hac erceptione *adjuvantibus* aliis fidelibus et vobis in oratione, id est per orationem factam pro nobis : sic dico adjuvantibus, *ut per multos adiutores agantur Deo gratiæ pro nobis* : gratiæ dico ejus donationis, id est patientiae et spei : et omnis bona donationis *quaæ in nobis est*. Agantur dico *ex personis multarum facierum*, id est ex personis multiplici facie virtutum variatis. Sicut enim homo facie distinguitur ab alio, sic in Ecclesia hic per humilitatem quasi facie distinguitur ab alio : et alius per patientiam ab isto, et sic membra Ecclesiae diversas virtutes distinctas habent facies. Ex personis autem multarum facierum, id est varietate virtutum distinctis, *agantur gratiæ Deo pro nobis*. Vel ita : *Ex personis multarum facierum*, id est ex diversitate ætatum et sexus : personas multarum facierum vocans pueros, juvenes et cæteras ætates utriusque sexus. Vel ita : *Agantur pro nobis gratiæ 159. donationis* *quaæ est in nobis*. Agantur dico per multos, et quod dico per multos, hoc est ex personis multarum facierum. Per hoc quod ait, *vobis adjuvantibus pro nobis* satis commendat et allicit eos sibi quos tanti facit : ut pro Apostolo intercedere digni sint. In his enim verbis parificat eos sibi.

Hucusque de Corinthiis perfectos consolatus est. Hic transire videtur ad illos, qui nondum satis cor-

recti, adhaerebant pseudomagistris : memorans hic quam digne conversatus sit apud eos : et quomodo in nullo gravis fuerit eis a quibus nec victualia recepit dicens : Dignum utique est, ut gratias agatis pro nobis : nam nos *conversati sumus apud vos in simplicitate et sinceritate*. Sed priusquam hoc dicat, præmittit testimonium hujus rei, dicens : Et si vos negatis nos bene conservatos esse apud vos, non euro. Nam gloria nostra haec est, id est in hoc multum de puritate meæ conversationis gloriæ, habens *testimonium conscientiae nostræ*. Conscientia enim mihi testis est quod in simplicitate non ut defraudarem vobis res vestras ut pseudo, sed in simplicitate nihil a vobis accipiens : et in *sinceritate Dei*, id est in puritate fidei : non admiscens (ut illi) falsa veris : et non in *sapientia carnali* : non enim adhaesi carnalibus documentis ut illi : sed in gratia Dei, id est in magnificando gratiam Dei : ex qua omne bonum et nihil ex carnali sapientia : in *gratia*, inquam, *Dei conversati sumus in hoc mundo* : abundantius tamen conversati sumus ad vos *apud quos* majora sustinui, cum nihil a vobis reciperem, ne arguendi vos auctoritatem amitterem. Dicerent Corinthii : Ideo Paulus hic conversationis suæ memoriam facit; ut quod olim non accepit, modo multiplicatum recipiat. Contra hoc Paulus : Ne putetis intentione accipiendi a vobis conversationem meam apud vos memorare. Non enim alia in hac Epistola scribimus vobis, quam quæ in priori epistola legistis : in qua scripsi me nihil accepturum a vobis. Nec alia modo scribimus quam vos cognovistis de nobis : quandiu apud vos fuimus, nihil a vobis accipiendo : sed de labore manuum vivendo. Et sicut tunc cognovistis : sic etiam spero quod usque in finem cognoscetis, me nihil accipere a vobis : sicut jam etiam cognovistis nos manentes apud vos. Cognovistis dico ex parte, id est secundum opus quod exterius videbatis : sed aliam partem, id est voluntatem, ignorabatis : ideo talem me volui cognosci, scilicet nihil accipientem a vobis : quia nos sumus gloria vestra, sicut et vos nostra, id est, quia volui me gloriari in obedientia vestra : et vos gloriari in doctrina nostra : quæ utique gloria non esset, si gravarem vos, temporalia a vobis accipiendo. Malletis enim repellere Doctorem, quam eum sustentare : quæ gloria mihi de vobis et vobis de me apparebit in die Domini nostri Jesu Christi : quando vos de obedientia exhibita, ego de doctrina remunerabimur. Transit iterum ad aliud : Illi enim accusabant cum de levitate, quia in priori Epistola dixerat se venturum ad eos, et non venerat. De mendacio autem non poterant eum arguere. Dixerat enim : Veniam si Dominus permiserit. Litera sic jungitur : Et *hac confidentia*, vel quia simpliciter et sincere conversatus sum apud vos; vel quia vos estis gloria mea, ego vestra : hac, inquam, vel hac confidentia volui venire ad vos : prius quidem volui, sed modo nolo. Volui utique tunc, ut per adventum meum haberetis secundam gratiam, id est quia post baptismum peccatis in secundam remis-

A sionem, et volui per vos transire in *Macedoniam* : ei a Macedonia revertens, iterum volui venire ad vos : et a vobis volui deduci in *Judeam*. Et quia sic prius volui : ergo cum volxissem hoc, id est venire ad vos, nunquid usus sum levitate, quia non veni sicut prius volui? Aut quia nou veni, an ea quæ cogito secundum carnem, id est carnale commodum cogito, ut ideo venire dimiserim, quia nihil me a vobis sperarem recepturum? an, inquam, secundum carnem cogito ut propterea sit apud me, est, et non, id est affirmatio et negatio de **160** eodem? Quod apud me non sit, est et non, apparet in illo sermone qui noster sermo fuit apud vos dum præsens essem inter vos : quia in illo sermone tunc habito non fuit est et non, id est affirmatio et negatio de eodem : et quod ita sit: Deus qui fidelis est et verax hoc novit. Vel aliter: Vere apud me non fuit est et non : quia Deus fidevit, id est verax est. Cum autem Deus doctores veritatem daturum promiserit : si me doctorem falsitatem instituit, profecto mendacii reus est. Et quod Deus sit fidelis promittens doctores veritatis apparet in eo : quia sermo noster qui fuit apud vos, in illo sermone non fuit : est et non. Vere Deus fidelis est: nam in Christo Jesu qui Christus Jesus Filius Dei est, qui etiam Christus prædicatus est in vobis per nos : scilicet per me et Silvanum et Timotheum. In illo Christo non fuit est et non, id est affirmatio et negatio de eodem : sed semper fuit in illo: est, id est veritas seu negando, seu affirmando. Vere in illo non fuit est et non : nam quotquot sunt promissiones Dei Patrii in illo sunt est, id est verae et compleæ; vel etiam similiter. Et quia per Christum compleæ sunt promissiones Dei patris in illo sunt est, id est verae et compleæ sunt promissiones Dei : ideo et per ipsum Christum dicimus amen, id est ita esse completum sicut promissum est, et hoc totum Deo, id est ad gloriam Dei, et ad gloriam nostram, quia per veritatem Dei comprobatur veritas nostra. Licet dicam ad gloriam nostram tamen non nobis, sed Deo debetur gloria : qui Deus confirmat nos vobiscum ut veritas in vobis sit : et hoc in Christo. Qui etiam Deus unxit nos oleo sanctificationis in baptismate. Qui etiam signavit nos, id est signum discretionis ab aliis (scilicet virtutes) dedit nobis. Qui etiam pignus spiritus dedit, id est Spiritum sanctum ut sit nobis arrha futuræ gloriæ : quem spiritum dedit in cordibus nostris habitatorem continuum. Et cum Spiritus sanctus sit in nobis, non est credendum, quod levitas vel mendacium fuerit in nobis.

Postquam se excusavit, quod nec pro levitate, neque secundum carnem cogitans ad eos venire dimiserit, subdit causam quare non venerit, dicens : Pro levitate, vel quia carnaliter cogitarem venire non dimisi : sed ideo ut parcerem vobis non veni. Et ut credatis, ut vobis parcerem me non venisse, ego invoco Deum testem hujus rei. Mali quidem negligentes offendere Deum, testem falsitatis non multum curarent advocare Deum : sed Paulus qui se totum in Deo posuerat, non præsumeret Deum facere testem

ejus rei, quam veram non intelligeret. Aliter enim agens, mendacii Deum argueret. Deum utique invoco testem : non solum contra corpus, ut si mendax fuerit, in sole me puniat corpore, sed etiam in, id est contra animam meam, ut perdat eam cum corpore si mendacii testem facio Deum. Inde Deum advoco testem : quod parcens vobis, id est ut commodius possem parcere vobis, non veni Corinthum ultra, id est ulterius quam prima vice.

Priusquam dicat in quo eis non veniendo pepercerit, determinat hic quod ait, *parcens*. Corinthii enim insidiantes verbis ejus, dicerent : Ita ait te pepercisse, ac si regia potestate habeas nos cogere ex tua voluntate. *Parcens* non ideo dico, quia nos dominamur fidei vestrae : fides enim res est voluntaria, non necessitate dominii cogenda. Dominari autem dicitur in potestatis illis, ubi filius succedit patri usu necessario : sed in praeratis Ecclesiae (etiam in saecularibus qui non lege successionis, sed per electionem præsunt) potius dici debet servitus quam dominium. Ideo ait non dominamur fidei vestrae : sed sumus adjutores vestri, non cessantes orare Deum pro correctione vestri, adjutores dico gaudii vestri : in illa enim re vos adjuvamus de qua habituri estis permanens gaudium : quare nobis obsequi debetis. Vere non dominamur vobis : nam vos statis fide : quia voluntatis res est, non necessitatis, si vos statis.

161 CAPUT H.

Statui autem hoc ipsum apud me : ne iterum in tristitia venirem ad vos. Si enim ego contristo vos : et quis est qui me laetificet, nisi qui contristatur ex me? Et hoc ipsum scripsi vobis, ut non cum venero tristitiam super tristitiam habeam, de quibus oportuerat me gaudere ; confidens in omnibus vobis, quia meum gaudium omnium vestrum est. Nam ex multa tribulatione et angustia cordis scripsi vobis per multas lacrymas : non ut contristemini, sed ut scialis quam charitatem habeam abundantius in vobis. Si quis autem contristavit me, non me contristavit ; sed ex parte, ut non onerem omnes vos. Sufficit illi, qui ejusmodi est, objurgatio hæc quæ fit a pluribus, ita ut e contrario magis donetis et consolemini : ne forte abundantiori tristitia absorbeatur, qui ejusmodi est. Propter quod obsecro vos, ut confirmatis in illum charitatem. Ideo enim et scripsi vobis, ut cognoscam experimentum vestrum, an in omnibus obedientes sitis; Cui autem aliquid donatis, et ego : nam et ego quod donavi, si quid donavi, donavi propter vos in persona Christi, ut non circumveniamur a Satana; non enim ignoramus cogitationes ejus. Cum venisset autem Troadem, propter Evangelium Christi, et ostium mihi apertum esset in Domino, non habui requiem spiritui meo, eo quod non invenierim Titum fratrem meum : sed valesaciens eis, profectus sum in Macedoniam. Deo autem gratias qui semper triumphat nos in Christo Jesu, et odorem notitiae suæ manifestat per nos in omni loco : quia Chri-

sti bonus odor sumus Deo in his qui salvi sunt, et in his qui pereunt. Aliis quidem odor mortis in mortem, aliis autem odor vitæ in vitam. Et ad hæc quis tam idoneus? Non enim sumus sicut plurimi adulterantes verbum Dei : sed ex sinceritate, sicut ex Deo coram Deo in Christo loquimur. »

EXPOSITIO.

Postquam determinavit quomodo dixerit *parcens*; determinat in quo pepercerit, dicens : Ego utique non veni Corinthum, sed statui hoc ipsum quod in priori Epistola statucram. Statui, inquam, apud me, non præcipitio inconsiderata sententia, sed apud me diligenter retractans ex consilio statui, ne iterum venirem ad vos in tristitia, id est ad contristandum vos. Iterum dicit, quia in prima Epistola venerat contristari eos, quia lapsi fuerant in peccatum : si non præstantialiter, tamen per epistolam. Vel ita : Ego jam semel veneram, sed ideo nolui iterum venire, ne adventus meus esset vobis in tristitia. Ideo Paulus venire noluit, quia si præsens fieret, oporteret eum, ut imponentes severitate iudicii removeret ab Ecclesia : quia præsens non posset uti tanta lenitate, videns mala eorum : quanta temperantia erga illos per Epistolam uititur, et sic malum hoc eveniret : ut cum in unitatem Ecclesiae eos revocare deberet : potius per distinctionem justitiae eos ab invicem separaret. quos absens per lexitatem misericordiae, ad unitatem revocare potuisset, quod utique fecit. Ideo nolui iterum venire : quia si ego contristo vos quocunque modo, quis est in vobis qui me laetificet, nisi ille qui contristatur ex me, id est secundum meam voluntatem, ut contristatus de peccato poeniteat? Quod si venirem, non fieret ut aliquis me hoc modo laetificaret. Me enim præsente districtio justitiae magis vos deterreret quam ad poenitentiam suaderet. Illud etiam innuit, ac si diceret : Propter Deum quidem poenitere debuisset et (ut illud omittam) pro eo solo ut me doctorem vestrum laetificaretis. *Ei hoc ipsum*, scilicet ne veniens in tristitia neminem qui me laetificaret invenirem, scripsi vobis ideo : ut cum præstantialiter venero, non habeam tristitiam super tristitiam.

Hujusmodi quidem tristitiam audiens vos peccasse habeo secundam, si veniens vos incorrectos invenero : utque vos correctos inveniam scribo nunc me in eo laetificari tantum qui ad poenitentiam contristatur. Tristitiam dico habeam de vobis incorrectis : **162 de quibus modo primum oportuerat me gaudere bene correctis.** Et revera gaudebo sicut oportuit. Nam confidens sum in omnibus vobis, quod de correctione vestri gaudebo : propterea quia quandiu eram apud vos, gaudium meum erat gaudium omnium vestrum : quia ut primum videbatis me gaudientem, etiam non intellecta re de qua gaudebam pia affectione congaudebatis mihi : et propterea consilio quod revera de vobis correctis gaudebo. Vel ita : Confidens sum in vobis, quia gaudium meum est gaudium omnium vestrum, id est quod gaudium

162 de quibus modo primum oportuerat me gaudere bene correctis. Et revera gaudebo sicut oportuit. Nam confidens sum in omnibus vobis, quod de correctione vestri gaudebo : propterea quia quandiu eram apud vos, gaudium meum erat gaudium omnium vestrum : quia ut primum videbatis me gaudientem, etiam non intellecta re de qua gaudebam pia affectione congaudebatis mihi : et propterea consilio quod revera de vobis correctis gaudebo. Vel ita : Confidens sum in vobis, quia gaudium meum est gaudium omnium vestrum, id est quod gaudium

quod futurum exspecto (ut digni sitis habere Deum in ore) et vos habituros confido. Ideo ait consilens in omnibus, ne peccantes putarent Paulum diffidere de salvatione sui. Quia dixit tristitiam habeam super tristitiam, dicerent illi : Habuistine tristitiam? Utique habui. Nam ego scripsi vobis ex multa tribulatione corporis, jejunando, vigilando, ut Deus parceret vobis : et ex multa angustia cordis sollicitus de salute vestra scripsi vobis, affligendo me per multas lacrymas. Nec ideo me tribulatum et angustiatum esse memoro, ut vos mecum contristemini : sed ut sciatis quantam charitatem habeam ad omnes. Charitatem dico abundantius in vobis ostensam : apud quos et diutius mansi : et nihil a vobis recipiens, de labore manuum vixi. Ostensa causa, quare ad eos non venerit, quae causa ad suasionem correctio-
nis idonea fuit, subdit de illo quem ab Ecclesia se-
parari jussérat in alia Epistola : quia duxerat ux-
orem patris : cuius poenitentiam (quia audivit indul-
gentia dignam) scribit Ecclesiae Corinthiorum, ut
eum recipient : scientes Paulum induluisse illi. Lit-
tera sic jungitur : Nolo ut vos contristemini; sed si
quis contristavit me (ut ille qui uxorem patris duxit)
non me tantum contristavit, sed vos : et hoc ex
parte : non enim omnes contristati estis, sed boni
tantum condolueret fratri peccanti. Ex parte ideo
dico : ut non onerem omnes vos, id est indignum est
hoc onus imponere vobis omnia, ut fratri non
compatiamini. Hoc autem ironice dicit propter eos
qui superbierunt de lapsu fratris, cui condolere de-
buerant; vel ita : Non me contristavit tantum; sed
vos ex parte, id est secundum partem honorum : et
hanc partem excipo, ut non onerem omnes vos de
contemptu peccantis fratris : quidam enim vestrum
(sicut justum erat) condoluerunt. De illo autem qui
me et vos contristavit, scitote quoniam sufficit illi
qui est ejusmodi, id est tantæ fragilitatis : quod (si
nimia distinctione vexetur) desperabit. Illi, inquam,
sufficit haec objurgatio, qua cum objurgati estis, pel-
lendo ab Ecclesia pro peccato. Objurgatio dico, quæ
fit illi a pluribus peccanti fratri juste condolentibus
sufficit : ita ut vos e contrario agentes, ut sicut ab
Ecclesia prius separastis, nunc e contrario Ecclesie
eum restituatis. E contrario, inquam, sicut amplius
objurgastis et ille patienter sustulit, ita magis do-
natis, id est remittatis ei peccatum suum, et ne pu-
tet hoc vos agere, quasi non curantes de eo, conso-
lemini eum frequenter per consolationes Scriptura-
rum. Ideo dico donatis et consolemini, ne forte (quod
cito contingere posset) hic qui est ejusmodi, id est
multæ fragilitatis, absorbeat, id est desperans de-
glutintur abundantiori tristitia. Si enim supra mo-
dum coerceatis eum, desperabit de salute : et cito
revolvetur etiam in deterius peccatum. Melior est
enim misericordia ad salutem quam severitas justi-
tiae generans desperationem. Propter quod, ne ille
absorbeatur cum possem imperare : magis ex cha-
ritate, obsecro vos ut charitatem bene inceptam (cha-
ritas enim fuit quod eum ex præcepto meo, ut cor-

A rigeretur ab Ecclesia expulitis) obsecro, inquam, ut charitatem hanc confirmetis, id est firmam et perfectam ostendatis in illum, indulgendo, et in Ecclesiæ recipiendo, quam charitatem incepistis eum abiciendo. Debetis indulgere ei : nam ideo scripti, ut coepitam charitatem consummetis : et ut cognoscam experimentum vestrum, id est vos expertos cum eum ab Ecclesia ex 163 obedientia separastis; cognoscam, dico, an obedientes sitis in omnibus, ut sicut prius obedistis eum removendo, sic nunc obedientis indulgendo ipsi. Et, sicut moneo, debetis indulgere : quia si vos alicui condonastis aliquid, et ego vobiscum indulsi

B Dicerent illi : Donasti fortasse, sed non propter nos. Ita, inquam : nam quod ego donavi, si aliquando donavi aliquid, hoc propter vos donavi. Ubi ita dictum suum reprimit : Si quid donavi, ostendit se paucis indulsisse pro alio, ut nos admoneat non pro carnali dilectione, sed magis pro fructu penitentie dimittenda esse peccata. Iterum ille. Quid inde si tu condonasti? Multum utique quia hoc donavi in persona Christi, idem valuit illi cui donavi ac si Christus donaret ei in propria persona. Oportet utique vos indulgere ei tum propter me, propterea ut non circumveniamur, id est ne decipiamur a Satana. Sicut enim in nimia molitie decipit, sic in severitate quæ supra modum est, diabolus circumvenit : ideo moneo ne circumveniamini a Satana : quia nos non ignoramus cogitationes ejus Satanae, quam ver-
sus sint : ubi etiam intelligimus virtutem, ut in disciplinando peccatore suam inferat fallaciam. Ostendit iterum Paulus, quod culpa eorum fuit, dum propositum veniendi ad eos mutavit, quia eos in-
correctos audivit. Non ultra veni Corinthum, sed veni usque Troadem. Cum autem venissem Troadem propter Evangelium Christi prædicandum : (ubique enim prædicabant) et cum ibi, Troade, esset mihi apertum ostium, id est, mentes eorum paratæ essent ad recipiendum verbum Christi, et hoc in Domino (Dominus enim corda eorum aperiebat) cum ita ve-
nissem, non habui requiem spiritui meo. Requiem se dicit non habuisse, quia in prædicando non potuit tunc laborare. Requiem non habui, eo quod non inveni in Troade fratrem meum Titum. Per Timotheum et
C Titum epistolam primam Corinthiis miserat : Timo-
theus autem reversus erat ad Paulum : sed Titus de-
tinebatur adhuc Corinthi, laborando de correctione eorum. Hoc autem quod propter absentiam Titi
Troadibus prædicare non potuit, culpa fuit Corinthiorum, quorum incorrectio Titum detinebat. Propter Titum noluit Troade prædicare Paulus : vel quia Titus prius eis prædicaverat, ne Paulus, eo absente prædicens, videretur minuere potestatem Titi. Vel quia Titus interpres erat Pauli, et linguam eorum expressius loqui poterat. Non utique requiem habui, sed valefaciens eis, Troadibus, profectus sum in Ma-
cedoniam. Hi Macedones in magno honore suscep-
perunt Apostolum : ut etiam de rebus eorum quid-
quid vellet, disponere posset.

Hic incipit Paulus magnificare se, et ministerium suum: et pseudoapostolos multipliciter deprimere, quia quidam Corinthiorum illos præferebant Paulo Profectus sum in Macedoniam: ibi autem sum constitutus triumphator in Christo, et inde *gratias ago Deo qui semper triumphat nos*, id est triumphare nos facit in *Christo Jesu*, id est per Christum Jesum, in quo non triumphant pseudo: et qui Deus manifestat odorem notitiae suæ, id est Christum: per cuius humanitatem odoramus divinam et indivisibilem essentiam. Vel manifestat per nos odorem suæ notitiae, id est prædicationem nostram, per quam virtus Dei manifestatur in omni loco quo prædicamus. Manifestat utique per nos: *quia nos sumus bonus odor Christi*, id est si quis puritatem actuum nostrorum considerat, potest odorare beatitudinem Christi, cuius nos sumus ministri. Bonus, inquam, odor sumus: et si non quibusdam incredulis, tamen *Deo*, qui videt interiora cordis nostri. Bonus, inquam, odor sumus quantum ad Deum; et in his qui salvi sunt per Evangelium nostrum, et in his qui pereunt, per contemptum ejusdem Evangelii, quantum ad Deum; in utrisque salvandis et peritulis bonus odor sumus: sed quantum ad homines, *aliis quidem sumus odor mortis*. Increduli enim audientes a nobis fidem Christi, dicunt se odorare rem mortiferam. **164** *Odor mortis*, dico, valens eis in mortem, id est ad damnationem. *Aliis autem*, id est fidelibus, sumus *odor vite*. Per doctrinam enim nostram odorant vitam justitiae, eundo sic in vitam æternam. Deus per nos manifestat odorem justitiae suæ: et ad hæc manifestanda *quis* inter pseudo tam idoneus sicut ego et coapostoli mei? Nemo utique tam idoneus: nam nos non sumus sicut plurimi, scilicet pseudo, adulterantes verbum Dei: sicut enim adulterum alterius usurpat illicite, sic pseudo ministerium prædicationis a nemine sibi injunctum. Sicut etiam adulterum fructum sobolis non querit in opere turpitudinis suæ, sed solummodo explere libidinem: sic illi pseudo solummodo ut lucrari possint temporalia, non curant de eis quos docent, sive pereant, sive non pereant. Non, inquam, adulteramus verbum Dei: *sed loquimur ex sinceritate*, id est secundum puram fideli veritatem. Non iterum adulteramus: *sed loquimur in Christo*, id est secundum fidem et institutionem Christi loquimur ex Deo, id est secundum quod Deus loqui insinuat; et coram Deo, id est in beneplacito Dei.

CAPUT III.

Incipimus iterum nosmetipsos commendare? Aut nunquid egemus (sicut quidam) commendatiis epistolis ad vos, aut ex vobis? Epistola nostra vos estis, scripta in cordibus nostris, quæ scitur et legitur ab omnibus hominibus, manifestati, quoniam epistola estis Christi, ministrata a nobis et scripta, non atramento, sed Spiritu Dei vivi. Non in tabulis lapideis, sed in tabulis cordis carnalibus. Fiduciam autem talem habemus per

A Christum ad Deum: non quod sufficiens simus cogitare aliquid a nobis, quasi ex nobis; sed sufficientia nostra ex Deo est qui et idoneos nos fecit ministros Novi Testamenti, non littera sed spiritu. Littera enim occidit, spiritus autem vivificat. Quia si ministratio mortis litteris deformata in lapidibus fuit in gloria, ita ut non possent intendere filii Israel in faiem Moysi, propter gloriam vultus ejus quæ evanescatur, quomodo non magis ministratio spiritus erit in gloria? Nam si ministratio damnationis in gloria est, multo magis abundat ministerium iustitiae in gloria. Nam nec gloriosum est, quod claruit in hac parte, propter excellentem gloriam. Si enim quod evacuatur per gloriam est, multo magis quod manet in gloria est. Habentes igitur talem spem, multa fiducia utimur. Et non sicut Moyses ponebat velamen super faciem suam (Exod. xxxiv, 33), ut non intenderent filii Israel in faciem ejus, quod evacuatur, sed obtusi sunt sensus eorum. Usque in hodiernum enim diem, id ipsum velamen in lectione Veteris Testamenti manet non revelatum, quod in Christo evacuatur, sed usque in hodiernum diem cum legitur Moyses, velamen positum est super cor eorum. Cum autem conversus fuerit ad Deum, auferetur velamen. Dominus autem spiritus est (Joan. iv, 24). Ubi autem spiritus Domini, ibi libertas. Nos vero omnes revelata facie gloriam Domini speculantes, in eamdem imaginem transformamur a claritate in claritatem, tanquam a Domini spiritu.

EXPOSITIO.

Et quia dico nemo ad hæc tam idoneus, dicitis propterea quod iterum, ut in alia Epistola ubi dicebam *Omnibus omnia factus sum* (I Cor. ix, 22) tc., incipimus commendare, id est magnificare nosmetipsos. Non utique: sed ministerium Dei in nobis. Aut nunquid egemus sicut quidam (scilicet pseudo) commendatiis epistolis missis ab aliis ad vos; aut ex vobis, missis ad alios? Illi enim pseudo, ut magis possent lucrari, cum transibant de loco ad locum, precabantur ut illi a quibus irent commendarent eos per epistolas, illis ad quos transibant. Ego utique non egeo epistolis commendatiis: nam vos estis nostra epistola, quia signaculum mei apostolatus, qui vos in fide Christi fundavi. Epistola dico scripta in cordibus nostris, fidem enim vestram nunquam obliviscimur: sed de salute vestra sollicite Deum rogamus: **165** quæ epistola scitur ab omnibus. Omnes enim sciunt vos per me ad fidem conversos, et quæ Epistola legitur ab omnibus. Si quis enim velit cognoscere qualis sim in vobis, me legit et cognoscit. Vos dico manifestati, quoniam estis epistola Christi: quia fides vestra et bona vita ostendit virtutem Christi. Epistola Christi dico, ministrata a nobis. Per hoc enim quod estis mea epistola qui vos instruxi, ego autem epistola Christi, sic me mediante estis epistola Christi: quem Christum vobis dispensavi.

Epistola dico *scripta*, non *atramento*, id est non de-
lebiliter. Vel *atramento*, id est aliqua contagione
ut pseudo suos sequaces polluantur. sed *scripta Spiritus Dei*, id est indelebiliter. *Dei* dico *viri*, qui et
vos perpetuo vivere faciet: non iterum *scripta in tabulis lapideis*, id est induratis, et verbum Dei non
sentientibus: sed *scripta in talibus carnalibus*, id est
sensibilibus: et verbum Dei ad fructum faciendum
suscientibus. Tabulis dico *cordis*, id est interioris
intellectus, ubi ait: In tabulis lapideis, mittit nos
ad memoriam veteris legis, quæ data est in lapideis
tabulis (*Exod. xxxiv, 1*), significans corda *Judeorum*
lapidea. Quia sicut lapis sculpturam quidem re-
cipit, sed nihil sentit; sic corda *Judeorum*, corti-
cem quidem legis, id est carnalem intellectum sus-
ceperunt: sed medulam legis spiritualem, scilicet,
intellectum non senserunt: Dixit superius. Nemo
tam idoneus ut ego: iterum vos estis epistola mea,
et per me estis epistola Christi, et ad hæc subdit ta-
lem fiduciam, scilicet, quod fiducialiter dixi me ma-
gis idoneum, etc. Hanc *talem fiduciam* non nobis
præsumimus referendam: sed *habemus* hanc fidu-
ciam referendam *ad Deum*. Quia enim idoneus sum,
quod vos estis epistola mea: hoc totum Deus ope-
ratur. *Habemus*, inquam, *ad Deum*, et *per Christum*
mediantem: Christus enim secundum imperium Dei
consecravit me idoneum Apostolum. Fiduciam uti-
que hanc habemus *ad Deum*: non ita quod sufficien-
tes simus cogitare, nedum operari *aliquid a nobis*, id
est utilitatem nostram. *Quasi* hoc possit esse *ex nobis*,
id est ex viribus nostris, sine cooperante gratia Dei.
Et licet nihil sufficiamus ex nobis, tamen sufficiimus;
sed illa *sufficientia nostra* non tantum cogitandi, sed,
sicut præmissum est, idonee operandi. Omnis hæc
sufficientia qualisque sit, *ex Deo est*.

Commendavit personam suam satis: nunc com-
mendat ministerium suum, quod iterum restorquebit
ad commendationem sui, dicens: Qui Deus fecit nos
idoneos ministros. Quomodo idoneos supra satis
ostendit, sed cuius rei ministri sint, illud subdit: Ministris dico novi testamenti. Vetus Testamentum
prius fuit, quoj et delendum erat per Novum, et
carnales secundum carnalitatem instruens.

Sed Evangelium testamentum novum est, docens
et innovans spiritum hominis, nec alio testamento
inmutandum. Ministris dico Novi Testamenti ex-
istentis: non in littera tantum, ut Vetus: sed in spi-
ritu et littera. Vetus enim lex litteralia quidem
præcepta dabat, sed quia gratiam Spiritus non ha-
bebat, ideo magis nocebat quam adjuvaret. Ideo dico
novum testamentum esse in spiritu; quia si in lit-
tera tantum esset, occideret. *Littera enim occidit*,
sed *spiritus vivificat*. Lex vetus quæ in littera tantum
existebat, occidere dicitur: non quia Deus dator le-
gis, vel Moyses minister legis hoc ficeret: sed impia
carnalitas hominum, quæ non promeruit ut haberet
adjutricem gratiam cum littera. Quæ littera ideo
occidit, quia auget concupiscentiam peccati, dum
prohibet: natura est enim nostræ fragilitatis,

Avidius ruat in vetitum: cumulat etiam peccatum
prævaricationis, quod non erat ante legem datum.
Littera quidem sic occidit: sed Spiritus, id est Evan-
gelium eum adjutore spiritu datum, facit vivere in
justitia. Commendato Evangelio suo, eamdem com-
mendationem refundit in se, dicens: Et quia mini-
ster sum testamenti, existentis in spiritu, merito
spiritualis administrationis habebo 168 gloriam.
Vere ministratio spiritus erit mihi in gloria; quia
ministratio mortis fuit Moysi in gloria. Hoc ita ait:
Quia si ministratio mortis, id est veteris legis: quæ
et concupiscentia maiore et nova prævaricatione
mortem inferebat: Si, inquam, ministratio hæc
mortis littera tantum formata non adjutorio spi-
ritus proficia facta: formata dico in lapidibus. In
tabulis enim lapideis lex Moysi data fuit, ut signifi-
caret lapidea corda *Judeorum*. Si, inquam, hæc mi-
nistratio fuit Moysi valens in habenda gloria: ita
dico in gloria, ut filii Israel non possent intendere in
faciem Moysi propter gloriam vultus ejus, quæ gloria
evacuatur. Hanc enim gloriam vultus scimus cito
elapsam a Moyse. Si, inquam, ministratio mortis
fuit Moysi in tanta gloria: quomodo ministratio spi-
ritus, id est Evangelii cum quo per manus meas
Spiritus sanctus administratur; quomodo hoc non
erit mihi magis valens in habenda gloria quam
Moyse? Non hoc dicit ut se merito præferat Moysi,
sed sola dignitate ministerii. Per manus enim Moysi
præcepta sola dabantur, nulla gratia: sed a Paulo
et præcepta: et per impositionem manus ejus, gra-
tia Spiritus sancti adjuvans, ut quæ præcipiebantur,
posset homo operari. Quia ait in faciem Moysi non
posse intendere *Judeos*, signum erat quod spiritua-
lem intellectum legis capere non poterant: quæna
facies, id est intellectus Moysi lucide cognoscet.
Iterum quod gloria vultus ejus evacuata est: signi-
cavit illa quæ ministrabat temporalia esse, non per-
manentia, pro quibus temporalem habebat gloriam.
Vere ministratio spiritus erit mihi in gloria; nam
administrate spiritum, est administrare justitiam.
Ministerium autem justitiae est valens in habenda
gloria. Num si ministratio damnationis, id est ve-
teris legis, quæ et peccatum et prævaricationem pec-
cati fecit; si, inquam, hæc ministratio Moysi est in
gloria, multo magis ministerium, id est administratio
justitiae abundat mihi in gloria. Abundat ideo, quia
gloria mea permanens, illa transitoria. Ubi supra
ait: Ministratio mortis, mortem peccatum intelligit.
Hic autem per damnationem, poenam peccati accep-
pit. Vere ministratio mea abundat in gloria multo
magis; nam nec glorificatum est, id est non debet
dici glorificatum hoc quod claruit in
Moyse in hac parte, id est respectu hujus meæ par-
tis: propter excellentem gloriam, quæ partis meæ
est, et non partis Moysi. Vere gloria mea super ex-
cellens est, nam mea permanet: illa autem transit.

Et vere illud quod manet est in gloria mihi, si Vetus Testamentum quod evanescatur Moysi est per gloriam: idem valet quod in gloria: multo magis Evangelium meum quod permanet est mihi sufficiens in habenda gloria.

Notandum est quod prius ait se ministrare spiritum, per spiritum vero justitiam, deinde quod permanet; Moyses vero ministravit litteram contra spiritum; damnationem contra justitiam. Hoc quod evanescatur, contra hoc quod permanet. Et sicut damnatio effectus est peccati, sic justitia effectus spiritus. Hucusque ministerium suum ministerio veteris legis prætulit, ubique deprimens pseudo, qui veterem legem reducebant. Si enim Moyses minister mortis est et damnationis, quanto magis hi qui tanta indignitate inferiores sunt Moyse? Quia excellente gloriam exspectamus: igitur nos habentes talem spem (scilicet permanentis glorie) utimur multa fiducia: non reprimentes verbum Dei formidine cujuscunque difficultatis. Utimur quidem fiducia: et non facimus sicut Moyses, qui ponebat velamen super faciem suam (*Exod. xxxiv, 33*); ideo, ut non intenderent filii Israhel in faciem ejus: quod velamen modo per Evangelium nostrum evanescatur. In Evangelio enim aperitur quidquid in figuris veteris legis claudetur. Diceret **167** ille: Quare dicis velamen legis evanescutum, quæ sicut prius ita et nunc obscuratur? Contra hoc Paulus: Evanescutum est quidem velamen legis, sed sensus impiorum peccato infidelitatis sunt obtusi. Et vere obtusi: nam a tempore datæ legis usque in hodiernum diem meum, id velamen ipsum quale prius erat, manet in lectione Veteris Testamenti non revelatum. Cum enim infidelibus exponuntur figuræ veteris legis, infidelitas claudit corda eorum, et sic velamen legis non est illis revelatum. Non quia Evangelium nostrum hoc velamentum non auferat, sed quoniam non accidunt ad Christum: in quo Christo, id est in fide cuius, evanescatur hoc velamen. Velamen quidem est Veteri Testamento, non ideo quin Vetus Testamentum per Evangelium apertum sit, sed quia usque in hodiernum diem, cum legitur et exponitur eis: Moyses, velamen infidelitatis est positum super impenitentes cor eorum, quod velamen evanescutum est in Christo, ad quem converti nolunt. Et quod ita dicendum sit, sequens littera innuit: Velamen super cor eorum, quia non accidunt ad Christum: sed cum conversi fuerint ad Dominum, ablato prius velamine cordis ex quo animum poenitendi habuerunt; auferetur deinde velamen intelligentie, et aperte cognoscent mysteria legis. Vere, quia convertentur ad Dominum, auferetur velamen. Nam Dominus est spiritus: ubi autem spiritus est Domini, id est, spiritus Dominus intransitive dictum; vel, spiritus Domini transitive, Deus enim seipsum dat: ubi autem est spiritus Domini, ibi remoto velamine est libertas intelligentie. Quod si Dominus est spiritus, spiritus autem auferet velamen, quia est libertas, igitur conversis ad Dominum auferetur velamen.

PATROL. CLIII.

A Ubi est spiritus Domini, ibi est libertas. Nos vero habemus spiritum Domini: Habemus utique. Nam nos discipuli Christi *revelata facie*, id est illuminata mente, *speculantes* de alto virtutum in quo positi sumus. *Vel speculantes*, id est, per speculum nondum perfecte intuentes. *Vel hoc vel illo modo speculantes gloriam Domini*, id est essentiam Deitatis: *transformamur in eamdem imaginem*: quia quam subtiliter Christus scripturas intelligit, idem per spiritum nos docuit. Transformabimur plenius resumendo impassibilitatem eamdem et immortalitatem. Transformamur dico a claritate virtutis, eundo in maiorem claritatem. *Vel a claritate fidei et spei, quæ nunc est, translati in claritatem rei, ut videamus Deum sicut est. Transformamur, inquam, a claritate in claritatem tanquam a spiritu Domini*, id est, quanto dignius et magis egregie spiritus Domini valet hoc efficere.

CAPUT IV

¶ Ideo habentes hanc administrationem, juxta quod misericordiam [Dei] consecuti sumus, non deficitus, sed abdicamus occulta dedecoris, non ambulantes in astutia, neque adulterantes verbum Dei: sed in manifestatione veritatis, commendantes nosmetipsos ad omnem conscientiam hominum coram Deo. Quia si etiam oportum est Evangelium nostrum, in his qui pereunt, est oportum: in quibus Deus hujus sæculi excæcavit mentes infiduum, ut non fulgeat illuminatio Evangelii glorie Christi, qui est imago [invisibilis] Dei. Nou enim nosmetipsos prædicamus, sed Jesum Christum Dominum nostrum. Nos autem servos vestros per Jesum, quoniam Deus qui dixit de tenebris lumen splendescere, ipse illuxit in cordibus nostris ad illuminationem scientiæ claritatis Dei in facie Jesu Christi. Habemus autem thesaurum istum in vasis fictilibus; ut sublimitas sit virtutis Dei, et non ex nobis. In omnibus tribulationem patimur, sed non angustiamur. Aporiamur, sed non destituimur. Persecutionem patimur, sed non derelinquimur. Humiliamur, sed non confundimur. Dejicimur, sed non perimus. Semper mortificationem Jesu Christi in corpore nostro circumfrentes: ut **168** et vita Jesu in corporibus nostris manifestetur. Semper enim nos qui vivimus, in mortem tradimur propter Jesum: ut et vita Jesu manifestetur in carne nostra mortali. Ergo mors in nobis operatur, vita autem in vobis. Habetes autem eundem spiritum fidei, sicut scriptum est: Credidi propter quod locutus sum (*Psal. cxv, 1*), et nos credimus, propter quod et loquimur: scientes, quoniam qui suscitavit Jesum, et nos cum Jesu suscitabit, et constituet vobiscum. Omnia enim propter vos; ut gratia abundans, per multis in gratiarum actione, abundet in gloriam Dei. Propter quod non deficitus: sed licet is qui fors est noster homo corruptatur, tamen is qui intus est, renovatur de die in diem. Id enim quod in praesenti est momentaneum et leve tribulationis nostræ, supra modum in sublimitate æternum

gloriæ pondus operatur in nobis : non contemplantibus nobis quæ videntur, sed quæ non videntur. Quæ enim videntur, temporalia sunt, quæ autem non videntur, æterna sunt. »

EXPOSITIO.

Et ideo quia speculamur gloriam Domini, eundo a claritate in claritatem. Nos propterea *habentes* hanc ministrationem Evangelii, non propter meritum nostrum nobis traditam, sed *juxta quod consecuti sumus misericordiam a Deo, non deficitus* in hac administratione, quæcunque aduersa se nobis ingerant: *sed abdicamus* non solum aperta, sed etiam *occulta dedecoris*, id est peccati hominem dedecorantis. Nos dico *non ambulantes in astutia extorquendæ pecuniae*, ut pseudo a subditis: *neque adulterantes verbum Dei*, ut pseudo; *sed, prædicando in manifestatione puræ veritatis*: non enim ut illi curamus apposite loqui ad persuadendum, sed *commendantes* puritate sermonis et vitæ *nosmetipsos*, non ad oculum, ut illi, sed *ad omnem conscientiam hominum*. Licet enim verbo nos insequantur, tamen apud se laudant puritatem nostram. *Commendantes* dico *coram Deo*, id est in beneplacito Dei: cui placere pseudo parum, aut nihil curent. Vel ita: Quia ita sit de nobis, hoc dico coram Deo, ut ipse nobis testis sit, qui solus occulta nostra novit.

Quia dixit ibi in manifestatione veritatis, objiceret ille quibusdam occultatum esse Evangelium. Contra quod ait: Utique nos evangelizamus in manifestatione: *quod etiam, si opertum est Evangelium nostrum, scitote quod opertum est in his*, id est in peccato eorum, qui per infidelitatem pereunt: *in quibus pereuntibus, excæcavit mentes eorum*: quia adhuc *infidelium Deus hujus sæculi*, id est diabolus, qui his qui de mundo sunt dominatur; juxta illud: *Princeps mundi hujus ejicitur (Joan. XII, 31)*. » Vel dicamus: *Deus hujus sæculi*, id est qui non tantum coelestia, sed etiam terrena gubernat. Fuit enim error quorumdam, Deum coelestia gubernare tantum, terrena solo casu fortunæ volvere. Vel ita: *Deus hujus sæculi*. Homines enim de mundo diversos sibi deos faciunt. Hic avaritiam colit, ille voluptatem, et ab hujusmodi deo excæcantur. Excæcavit ita *ut illuminatio Evangelii*, id est illuminatum Evangelium *non fulgeat*, sed *opertum sit illis*. *Evangelii* dico gloriæ Christi, id est in quo Christus gloriosus approbat: *qui Christus est imago Dei*, id est representans nobis Deum. Non sic imago, ut filius alius sit a Patre in substantia; sed ideo imago; quia qui videt Filium, videt et Patrem, imago Dei invisibilis: et *quia Deus in natura Deitatis invisibilis*, ideo opportuit ut per Christum fieret visibile, quod in natura sua est invisible. Vere evangelizamus gloriam Christi. *Nam non prædicamus nosmetipsos*. Vel ibi supra jungitur: Vere non ambulamus in astutia, ut pseudo. Nam non prædicamus, id est prædicando commendamus nosmetipsos, id est hoc quod ex nobis ipsis est: *sed prædicamus Jesum Christum Dominum nostrum*. *Nos autem prædicamus servos*, non so-

A lum Jesu, sed etiam *vestros*, *per Jesum*, id est ut charitatem Jesu in vobis ædificemus. Et merito per Jesum: *quoniam Deus illuxit in cordibus nostris*, aperiens nobis mysteria sua: ut docti simus evangelizare vobis. Illuxit Deus qui dixit, id est qui solo dicto fecit, *splex descendere 169 lucem de tenebris*. Cum enim in principio massa totius creaturæ tenebrosa esset, nulla formarum varietate distincta, dixit: « *Fiat lux (Gen. I, 3)* », et in hoc dicto tenebras expulit, et fecit lucem illam massam, quæ in unum confusa erat, discernendo per varias formas. Hic, inquam, Deus illuxit in cordibus nostris, *ad illuminationem scientie*, id est ut nos illuminaret de scientia *claritatis Dei*, id est divinæ essentiæ: de qua nos illuminare non potuit, nisi *in facie*, id est, in cognitione et fide B Christi Jesu. Nisi enim Christus se nobis visibilem ostenderet, in quo tota Deitas, nequaquam scientiam claritatis Dei intelligere sufficeremus. Commendavit se satis secundum spiritum, nunc se multum vilificat secundum corpus, et per hanc vilificationem commendans Evangelium sibi traditum. Nisi enim gloriam Evangelii sui mirabilem intelligeremus, nequaquam pro eo tot et tanta pati vellet. Illuminavit nos Deus de scientia divinæ claritatis, quæ licet adeo digna sit, tamen *istum thesaurum claritatis Dei habemus nos in vasis fictilibus*, id est in corporibus nostris. Thesaurus bene vocat. Thesaurus enim est, quod diligitur et erogatur. Vasa spiritus vocat corpora: quia spiritus nihil operaretur, nisi per administrationem membrorum. Manu enim porrigitur pauperi, et sic in ceteris. Fictilia dicuntur propter fragilitatem, quod omni corruptioni subjeant corpora nostra. Ideo thesaurum istum habemus in vasis fictilibus, ut sit *sublimitas virtutis Dei*, id est ut in omnibus qui bene operantur virtutis Dei sola sublimetur, et extollatur: et appareat nullum esse ex nobis fictilibus: ideo competens fuit ut thesaurus Dei in fragili vase reconderetur, ne si virtus hominis aliqua esset, incaute sibi usurparet quod proprium Dei est. Vere et nos sicutiles sumus, et virtus Dei est in nobis fragilibus. Nam in omnibus et locis et rebus *patimur tribulationem corporis*: sed tamen non angustiamur spiritu, imo dilatamur. C Apioriamur, id est pauperamur exterius, sed non destituimus a Deo interius. Aporos Græce, pauper Latine. *Persæcutionem patimur de loco ad locum, sed non derelinquimus a Deo*. Dejicimur, id est verberibus prosternimur, vel de alto præcipitamur, et tamen non perimus. Ut finem faciam, *semper sumus circumferentes* hac illac in corpore nostro mortificationem, id est illa quæ faciunt mortem: tribulationes, scilicet quæ sunt accessus mortis. Et debemus libenter pati: quia mortificatio hæc est *Jesu*, quam ipse pertulit pro nobis: et nos exemplo ejus hanc circumferentes: *ut vita Christi non solum in animabus sed etiam in corporibus nostris manifestetur*, redditia nobis immortalitate et impassibilitate. In depressione corporis sui adhuc immoratur: ostendens se hæc omnia pati ad commendationem Evan-

gelii sui et gloriae Christi, dicens. Benedico circumserentes mortificationem : nos enim semper tradimur. Non ait semper, eo quod mori posset saepius, quam semel : sed quia quotidie tanta patiebatur, quæ virtus hominis (nisi moriendo) non evaderet : sed per virtutem spiritus, Paulus in melius restaurabatur. Mortificationem vocat tribulationes, quibus paulatim propinquat ad interitum. Mortem vero dicit, ultimum ictum in quo dissolvitur. Nos, inquam, tradimur in mortem : superius dixit exemplo Jesu : hic ait, propter Jesum, id est amore Jesu. Nos dico, qui licet ita moriamur, tamen vivimus, id est vivere possemus in gloria mundi : longe melius quam pseudo vestri si reticeremus quæ Christus injunxit. Vel ita : Nos quidem secundum corpus tradimur in mortem : qui tamen per mortem carnis melius vivimus, secundum justificationem animæ. Vel ita : Nos quidem tradimur in mortem, secundum injuriam illatam corpori : qui tamen vivimus, non deficients per virtutem Dei. Morimur propter Jesum : ut vita Jesu manifestetur sicut in anima, ita et in carne nostra. Idem in praecedenti versu 170 dixerat : sed repetit ut solvat quod hic posset objici. Vita Jesu erit in carne nostra. Quia si objicis, carnem nostram mortalem non posse fieri immortalē, quod et caro Jesu, utique dico quia in carne nostra mortali fiet vita Jesu et per Jesum caro quæ mortalis est, pro certo fiet immortalis. Quandoquidem in mortem tradimur : ergo mors operatur in nobis, quod suum est mortificando corpora nostra ; sed in vobis qui spreta imitatione nostra adhæretis pseudo. In vobis utique est vita, id est vos nihil patimini, sed malo vestro. Vel ita : Quia vita Jesu manifestabitur in vobis mortificatis, ergo mors ista operatur, ill est utile opus facit in vobis, scilicet, vitam Jesu. Quia si mors vitam Jesu in vobis operatur : tunc vita præsens quam diligitis operatur in vobis contrarium vita Jesu, scilicet, damnationem. Vel ita : Quia per mortem, vitam Jesu habituri sumus, ergo mors operatur in nobis quod bonum est, et per mortem nostram vita operatur in vobis : quia merito mortis nostræ in fide et justitia vivitis. Diceret aliquis : Non oporteret te a Deo mortificari, si justitiam tuam quietam haberet, nec fidem Christi in conspectum hominum assereres. Contra hoc Paulus ait se non posse reticere fidem Christi, quia habet spiritum : et per spiritum fidem : et quia fidem habet, ideo loquitur : et quia loquitur, mortificatur. Et quod sic oporteat eum facere, probat auctoritate David in persona martyrum agentis dicens : Ideo aporiamur, dejicimur, mortificamur : quia nos habentes spiritum datorem fidei, eumdem quem David et alii sancti habuerunt : vel eumdem quem vos habetis, si pro Christo pati velitis. Virtus enim spiritus nulli deficit : nisi ei qui sibi ipsi primum defecit. Nos, inquam, habemus hunc spiritum, et ideo nos credimus propter quod, id est quia credimus. Loquimur etiam in conspectu hominum quod credimus. Quia tribulationes præmiserat non subdidit :

A Quia loquimur humiliati sumus verberibus, quæ tamen inde sequitur. Credimus et ideo loquimur, agentes sicut scriptum est in David : « Credidi propter quod, » id est quia credidi, locutus sum. Et credendo et loquendo optimam fiduciam habemus : scientes quoniam Deus qui suscitavit Jesum suscitabit etiam nos, cum Jesu loco et immortalitate ponendos : et ibi constituet, id est in æternum mansuros locabit. Constituet dico vobiscum, quos paratus est, si vultis, suscitare cum Jesu. Ideo ait, nos vobiscum constituet, ne putarent illi se nulla vite justitia Apostolo posse pacificari : quare ostendit quod non secundum dignitates prælationum, sed secundum fructus operum singuli remunerabuntur. Per hoc etiam quod ait, nos vobiscum, multum eos allicit ad appetitum justitiae. Ideo dico vobiscum constituet : nam nos omnia patimur, et operamur propter vos instruendos : ut gratia abundans in me, abundet in vobis. Quomodo in Paulo abundaret satis notum est. Ut gratia, inquam, abundans in me abundet hac re, scilicet, gratiarum actione : per vos multa facta in gloriam Dei. Qui merito debet glorificari a nobis, qui nobis abundantem gratiam dedit : ipse quidem non ait, abundet gratia in vobis : sed per hoc quod ad agendum gratias gloriae Dei admonet, satis hoc innuit. Frustra enim agerent gratias Deo, nisi abundarent gratia Dei. Sicut haec omnia se pati dixit ad gloriam Dei, sic modo totum retorquet ad utilitatem Corinthiorum, dicens : Propter quod, id est quia omnia patimur propter vos, ut modo de gloria Dei sileam : etiam pro sola utilitate vestra non deficitus quæcunque inferantur tribulationes. Diceret aliquis : Mirum est quod te dicis non deficere, quem quotidianis tribulationibus videmus corrupti. Ad hoc ait : Utique non deficimus, sed renovamur. Licet, is id est tam vilis noster homo, id est caro quæ nostro imperio, id est spiritui semper obediens cogitur : qui homo foris est : ut pluvias, aestus, quæcunque adversa patiatur : licet, inquam, is noster 171 homo corruptus : tamen is homo laudabilis qui intus est, ubi debet vexatione exterioris hominis muniri; is, inquam, qui intus est : quanto magis is qui foris est corruptus : tanto magis hic renovatur de die in diem, id est continue. Vel de die in diem, id est de virtute eundo in virtutem. Dico non deficitus : et merito. Nam id tribulationis nostræ quæcunque sit magna vel parva : quod, scilicet, tribulationis in præsenti est momentaneum, id est est citissime transiens, nec intolerabile, sed leve : haec, inquam, talis tribulatio operatur in nobis pondus gloriae æternum : pondus contra leve, gloriae contra tribulationis, æternum contra momentaneum : et in sublimitate, id est in celo contra hoc quod ait in præsenti. Pondus dictum est ab ea similitudine, quia quod in trutina pondus habet, carius est, illud autem quod leve, deterius. Ideo haec quæ patimur levia et quasi nulla judicamus : quia nobis non contemplantibus, id est non affectantibus, ea quæ videntur, sed ea quæ non videntur. Ideo quæ videntur sper-

nimus : quia *temporalia sunt* quæ videntur. Ideo **A** *quæ non videntur* desideramus, quia *æterna sunt* quæ non videntur.

CAPUT V.

Scimus enim quoniam si terrestris domus nostra hujus habitationis dissolvatur, quod ædificationem ex Deo habemus, domum non manufactam, sed æternam in celis. Nam et in hoc ingemiscimus, habitationem nostram quæ de cœlo est superindui cupientes : si tamen vestiti, et non nudi inveniamur. Nam et qui sumus in tabernaculo isto, ingemiscimus gravati, eo quod nolumus expoliari, sed supervestiri, ut absorbeatur quod mortale est, a vita. Qui autem efficit nos in hoc ipsum, Deus, qui dedit nobis pignus spiritus. Audentes igitur semper, et scientes quoniam dum sumus in hoc corpore, peregrinamur a Domino. Per fidem enim ambulamus, et non per speciem. Audemus autem, et bonam voluntatem habemus magis peregrinari a corpore, et præsentes esse ad Dominum [Deum], et ideo contendimus sive absentes sive præsentes placere illi. Omnes enim nos manifestari oportet ante tribunal Christi, ut referat unusquisque propria corporis prout gessit, sive bonum sive malum. Scientes ergo timorem Domini hominibus suademos, Deo autem manifesti sumus. Spero autem et in conscientiis vestris manifestos nos esse. Non iterum commendamus nos vobis, sed occasionem damus vobis gloriandi pro nobis; ut habeatis ad eos, qui in facie gloriantur, et non in corde. Sive enim mente exce-dimus, Deo : sive sobrii sumus, vobis. Charitas enim Christi urget nos : aestimantes hoc, quoniam si unus pro omnibus mortuus est, ergo omnes mortui sunt, et pro omnibus mortuus est Christus : ut et qui vivunt, jam non sibi vivant ; sed ei qui pro ipsis mortuus est, et resurrexit. Itaque nos ex hoc neminem novimus secundum carnem : et si cognovimus secundum carnem Christum, sed nunc jam non novimus. Si qua ergo in Christo nova creatura est, vetera transierunt, et ecce facta sunt omnia nova (*Isai. xliii, 19 ; Apoc. xi, 5*). Omnia autem ex Deo, qui nos reconciliavit sibi per Christum : et dedit nobis ministerium reconciliationis. Quoniam quidem Deus erat in Christo mundum reconcilians sibi : non reputans illis delicta ipsorum, et posuit in nobis verbum reconciliationis. Pro Christo ergo legatione fungimur, tanquam Deo exhortante per nos. Observamus pro Christo, reconciliamini Deo. Eum qui non noverat peccatum, pro nobis peccatum fecit : ut nos efficeremur justitia Dei in ipso. >

EXPOSITIO.

Diceret aliquis : De æternitate invisibilium, quid scitur nisi ostendantur ? Utique ait Paulus. Quandiu in terrena habitatione tenemur, videre non possumus ; sed dissoluti statim accipiemus. Et causam ponit, quare videre non possumus, id est quia in mortalitate adhuc tenemur . et tempus notat, quando

B hæc habituri sumus solum post dissolutionem, dicens : Vere quæ non videntur æterna sunt : nam nos quibus credi oportet, scimus quoniam, **172** id est quod si terrestris domus nostra, id est corpus nostrum, materia et loco habitationis terrenum : quia et de terra est, et in terra habitat. Domus ideo quia anima in eo habitat velut aliquis in domo. Si, inquam, domus nostra hujus tam brevis et tam misera habitationis dissolvatur, predictis tribulationibus pro Christo passis : hoc, inquam, scimus, quia sic dissolvetur : et quando dissolvetur quod habemus preparatum ædificationem ex Deo, id est corpus immortale, nobis ædificatum a Deo : non quod Deus mortale corpus non fecerit : sed quia illud per ministerium masculi et feminæ concrescere jussit. Immortale autem corpus sine ministro : et ipse idem in eo faciet immortalitatem. Habemus utique ædificationem, scilicet, domum, non manu, id est non per ministerium alterius factam, sed æternam in celis et permanentem. Per dominum et per ædificationem, corpus immortale significat. Vere habebimus dominum æternam in celis : nam nos ingemiscimus non propter ea quæ patimur, non quod de habenda immortalitate timeamus : sed ingemiscendo desideramus in hoc, id est in hanc immortalitatem venire. Ingemiscimus, inquam, cupientes superindui : nos jam induiti sumus justificationem animæ : et super hoc volumus indui habitationem nostram, id est corporis immortalitatem quæ habitatio est nobis veniens de celo. Immortalitas enim nobis reservatur in celis. Hac tamen conditione dico superindui : si nos inveniamur in die illo vestiti justificatione animæ, quæ in baptismo data est nobis prima vestis. Diceret ille : Sicut vestiti ita et nudi omnes indiscretè superinduentur. Hoc removet. Vestiti quidem induentur : sed nudi justitia animæ non vestientur corporis immortalitate. Notat hic duo genera bonorum : contemplativos, de quibus modo prædicti : et eos qui in activa vita manentes, justitiam tamen Dei custodiunt : de quibus subdit dicens : Vere perfecti ingemiscunt, cupientes superindui immortalitatem : nam etiam nos minus perfecti, qui sumus in tabernaculo isto : quibus bonum est esse in carne et nutrire eam : quæ caro tabernaculum dicitur : quia in ea militare debet anima Deo : nos etiam tales ingemiscimus : superindui similiter cupientes : licet gravati simus eo corpore : quod tamen foventes nolumus expoliari, id est ab anima separari : sed (si possibile esset) volumus sine illata morte supervestiri immortalitate : ita ut corpus quod nunc mortale est, non gustando mortem, repente absorbeatur a vita superveniente : et sic fiat immortale. Et licet dicam, nos ingemiscimus et superindui cupimus : tamen non a nobis hoc est : sed qui efficit nos in hoc desiderio, et ita in hoc ut sit ipsum, id est permanens in nobis hoc desiderium : qui, inquam, hoc desiderare nos facit, Deus est. Vel aliter præcedens versus legitur sic : Debemus ingemiscere desiderio ejus habitationis, quæ est de celo. Nam etiam de-

siderio terrenorum ingemiscimus. Quod ita ait : **Nos qui sumus in tabernaculo isto, id est in carne ista quam nutrimus, licet gravati mole hujus carnis, tamen ingemiscimus eo quod, id est ideo, quia nolumus expoliari carnalibus istis : sed subito vellemus supervestiri immortalitate : ut, quod mortale est, absorbeatur a vita : hoc non mutatur.** Et licet ingemiscamus amore terrenorum, tamen Deus est qui efficit in hoc ipsum, ut cupiamus superindui habitatione quæ de cœlo est : præponentes cœlestia terrenis : Deus dico qui nos vere efficiet immortales. **Quod ex eo credi potest : quia dedit jam nobis pignus spiritus, id est Spiritum sanctum, qui est arrha et principium immortalitatis, quam perficiet in nobis.** Et quia Deus efficit nos in hoc ipsum, igitur audentes audemus. Audentes assiduitatem notat : audemus in eodem actu adhuc esse significat. **Audentes, inquam, semper et bene scientes.** Quidam enim audent quod nesciunt : sciunt quod quandoque **173 non audent.** Nos utique semper audentes et scientes, **quoniam dum sumus in hoc mortali corpore, peregrinamur, id est separamur a Domino.** Peregrinus dicitur qui tendit illuc, quo nondum pervenit : sic sancti in hoc mundo tendunt ad Deum, cuius faciem nondum apprehenderunt. Vere in corpore manentes peregrinamur a Domino : **nam hic ambulamus per fidem.** De re autem quæ non videtur, filii dicuntur : et non ambulamus per speciem, id est per veram rei operationem. Nos, inquam, audentes audemus : licet utique caro repugnet, tamen constanter audemus : et cum audacia bonam voluntatem habemus. Quidam enim audent sine bona voluntate : quidam bene volunt, qui tamen non audent. Habetur, inquam, voluntatem magis peregrinari a corpore : **quia natura carnis est, ut nunquam velit dissolvi ; ideo ait : Magis volumus separari a corpore, et præsentes sic esse ad Deum quam remanere cum corpore : nec Domino præsentes fieri.** Et ideo ut præsentes simus ad Dominum, contendimus, id est laboramus, **placere illi, sive dum adhuc in hac vita absentes sumus a Deo, sive cum in gloria præsentes erimus Deo laboramus, ut hic et ibi placeamus ei.** Et necesse nobis est ut placeamus illi : **nam oportet, id est necesse est omnes nos manifestari ante tribunal Christi, id est coram Christo.** Per tribunal, quod sedes judicis est, judicium designat : **ut unusquisque referat, id est reportet inde propria corporis :** non quod commissa animæ non sit relaturus, sed propria corporis, id est quæ operatus est dum in corpore vixit. Referat dico propria prout gessit, si tamen tempus operandi habuit. Parvuli enim, sicut baptizati per solam gratiam, salvabuntur : sic pueri non baptizati, propter solum originale damnabuntur. Referat propria prout gessit, **sive bonum fuit, sive malum, quod gessit.** Hic sit questio, ut quia ait, prout gessit, irrita videntur esse beneficia, quæ flunt pro mortuis. Sed contra hoc dicitur : quia si mortuus ut hoc pro eo fieret, pie ordinavit; vel, si charitatively agens contra proximis

A sum hoc beneficium promeruit : gessisse dicitur mortuus quod vel dispositus fieri, vel promeruit. Quia omnes ante tribunal Christi manifestabimur : ergo scientes timendum esse Dominum, suademus hominibus timorem Domini, ut de conspectu judicis referant bonum. Opponeret ei aliquis : Suades hoc non tam ad utilitatem hominum, quantum ad commendationem tuam. Contra hoc ait : Suademus sic hominibus : **Deo autem sumus manifesti,** qua intentione suademus, seu utilitati hominum, seu commendationi nostræ. Nec solum Deo : sed etiam spero nos esse manifestos in conscientiis vestris : quia etsi ore de nobis maledicitis, tamen intus nobismetipsis bene sentitis. Et hoc dicentes quod manifesti sumus Deo et conscientiis vestris : **B** non iterum (sicut in alia epistola opposuistis) commendamus nos vobis : sed potius damus vobis occasionem, id est opportunitatem gloriandi pro nobis, magistris vestris. In excellentia enim magistri præcellitis alios. Pro nobis dico, ita ut habeatis quid respondeatis contra eos qui gloriantur in facie, id est in oculis hominum : et non gloriantur in corde suo; sed male torquentur in propria conscientia, hi sunt pseudo. Vere opportunitatem habetis gloriandi pro nobis : nam quidquid facimus, facimus vel ad gloriam Dei, vel ad utilitatem vestram. Quia ita ait : **Sive nos excedimus mente humanam naturam, ut audiamus illa quæ non licet homini loqui ; sive nos sumus sobrii, id est deponendo ebrietatem secretorum Dei :** sobrie condescendendo infirmitati vestræ, ut quando de conjugio præcipiebat et hujusmodi. Si, inquam, sobrii sumus, hæc sobrietas vobis utilis est. Et bonum est nos ita sobrios esse : **nam charitas Christi** (etiam si nollemus) urget nos, ut contemperemus nos vobis. Vult ostendere Christum solum ad justificationem et salutem sufficere, et veterem legem quam **174 pseudo** nituntur reducere, nil prodesse, sed multum nocere, dicens Charitas Christi urget nos, existimantes hoc, quoniam si unus, scilicet, Christus mortuus est pro redimendis omnibus : ergo omnes mortui sunt originali peccato, per mortem unius. Nec pro hoc solo mortuus est ut peccato moreremur; sed ut per mortem ejus justitiae viveremus. Quod sic ait : Est Christus mortuus pro omnibus : ideo ut qui mortui sunt peccato, et qui vivunt justitiae, jam non vivant attribuentes hoc quod vivunt, sibi (ut sivebat sub veteri lege), sed vivant ei, id est ad gloriam ejus, qui mortuus est pro ipsis peccato mortificandis : et resurrexit pro eisdem, ut in justitia resurerent. Quando quidem in morte Christi mortui sumus peccato : et eo resurgentे resurreximus justitiae, id est, quia Christus ad omnem justificationem sufficit : itaque nos ex hoc, postquam Christus passus est, et resurrexit : neminem novimus, id est, approbavimus ambulantem secundum carnem, id est, secundum carnales ritus veteris legis. Objiceret ille . Quare ita improbas legem, quam Christus approba vit et tenuit? Contra hoc Paulus. Etsi, id est quam-

D

vis nos olim cognovimus in tempore illo quo ad-huc insistendæ erant figuræ Christum ambulantem secundum carnem, id est operantem ritus veteris legis : sed, id est tamen, nunc postquam data est gratia : jam olim quidem novimus : sed jam amplius non novimus Christum secundum carnem. Et quia jam neminem novimus secundum carnem, ergo *vetera transierunt*. Præmittit locum unde inferat, dicens : *Si qua creatura est in Christo, id est si hoc est quod homo secundum recreationem animæ accipiat in Christo nova, id est innovata : vetustate peccati deposita, appareat quod vetera transierunt.* Et ecce in evidenti est. *Facta sunt omnia nova creatura in Christo.* Adhuc objiceret ille : *Et si Christus hoc operetur, tamen quia legem a Deo datam evacuat, non est sequendus : quia ex Deo non operatur, sed contra Deum.* Et Paulus in quo adversarius volebat infirmare rationes suas, scilicet, quia Christus secundum Deum hoc non faceret, in eodem approbat dicens Deum operari per Christum evacuationem veteris legis. In Christo facta sunt omnia nova : *hæc autem omnia quæ Christus operatur, sunt ex Deo : qui Deus per Christum hoc operatur. Reconciliariit enim humanum genus sibi per Christum, id est per hominem illum, qui sicut medietas in qua connecterentur duæ extremitates longe a se differentes : homo, scilicet, et Deus : et qui Deus dedit nobis, mihi et aliis apostolis, ministerium reconciliationis, id est ut ministraremus hominibus, quomodo per Christum reconciliati sunt Deo, si volunt ut reconciliati Christo reconcilientur Deo.* Quia iterum Deus posset hoc operari per hominem Christum : ita quod non tota divinitas sic habitat in homine illo. Determinat Paulus quomodo Deus fecerit per Christum, scilicet, plenitudine divinitatis habitante in eo corporaliter. Determinat etiam, quomodo ipse factus sit minister reconciliationis, scilicet, verbo tantum ut eam prædicaret gentibus. Sed Christus sic fuit minister reconciliationis, veluti per quem, et in quo res ipsa operata fuit : bene dico Deus reconciliavit nos sibi per Christum, *quoniam quidem Deus erat in ipso Christo, id est tota divinitas in homine illo.* Deus dico *reconcilians sibi mundum, id est homines mundi per Christum.* Reconcilians dico ita, scilicet, *non reputans*, id est non exigens, sed indulgens *illis*, id est mundo, *dilecta ipsorum.* Et hujus rei ministerium ita dedit nobis, quod posuit in nobis verbum reconciliationis, id est ut prædicaremus reconciliationem factam per Christum, ut homines reconciliantes se Christo, reconciliarentur Deo. Et quia Deus posuit in nobis verbum reconciliationis, ergo nos *fungimur legatione* Dei. Nec vilipendatis hanc nostram legationem, quia fungimur ea pro Christo, id est auctoritate Christi : scientes contemptum meum, contemptum **175** esse Christi. Et quia hac legatione fungimur pro Christo, obsecramus vos, fratres, reconciliamini Deo, declinantes a malo, facientes bonum. Reconciliamini dico, et hoc pro Christo, id est, amore

A Christi, qui tanta charitate vos dilexit. Et obsecrationem nostram nolite spurnere; sed habeatis eam *tanquam per nos Deo exhortante vos*, id est, obsecrationem meam sciatis esse Dei exhortationem. Bonum et dignum est vos reconciliari Deo, qui Deus eum, id est, Christum qui non noverat peccatum (licet per scientiam, non tamen per experientiam facti) *illum fecit Deus peccatum pro nobis redimendis.* Peccatum factus est Christus secundum poenam peccati quam pertulit : sicut aliquem innocentem suspensum diceremus furem, secundum poenam furti quam pateretur, licet actus furti non esset in eo. Vel Christus dictus est peccatum. Hostia enim illa quæ pro peccato offerebatur peccatum vocabatur : sic Christus quia pro peccato omnium oblatus est, peccatum dieitur. Pro nobis, inquam, Deus Christum fecit peccatum, ut nos efficeremur, non tantum justi, sed etiam ipsa justitia : nec falsa, vel legis; sed vera justitia Dei, et hoc in ipso, id est per Christum.

CAPUT VI.

Adjuvantes autem exhortamur, ne in vacuum gratiam Dei recipiatis. Ait enim : Tempore accepto exaudi vi te, et in die salutis adjuvi te. Ecce nunc tempus acceptable : ecce nunc dies salutis. Nemini dantes ullam offenditionem, ut non vituperetur ministerium nostrum. Sed in omnibus exhibeamus nosmetipsos, sicut Dei ministros, in multa patientia, iu tribulationibus, in necessitatibus, in angustiis, in plagis, in carceribus, in seditionibus, in laboribus, in vigiliis, in jejuniis, in castitate, in scientia, in longanimitate, in suavitate, in Spiritu sancto, in charitate non fieta, in verbo veritatis, in virtute Dei. Per arma justitiae, a dextris et a sinistris. Per gloriam et ignorantiam, per infamiam et bonam famam. Ut seductores et veraces : sicut qui ignoti, et cogniti. Quasi morientes, et ecce vivimus : ut castigati, et non mortificati. Quasi tristes, semper autem gaudentes : sicut egentes, multos autem locupletantes : tanquam nihil habentes, et omnia possidentes. Os nostrum patet ad vos, o Corinthii. Conosstrum dilatatum est. Non angustiamini in nobis, angustiamini autem in visceribus vestris. Eamdem autem habentes remunerationem, tanquam filii dico, dilatamini et vos. Nolite jugum ducere cum infidelibus. Quæ enim participatio justitiae cum iniuritate? Aut quæ societas luci ad tenbras? Quæ autem conventio Christi ad Etiæ? Aut quæ pars fideli cum infidieli? Quis autem consensus templo Dei cum idolis? Vos enim estis templum Dei vivi, sicut dicit Deus, quoniam inhabitabo in illis : et inambulabo inter eos, et ero illorum Deus, et ipsi erunt mihi populus (*Lev. xxvi, 12*). Propter quod exite de medio eorum, et separamini, dicit Dominus (*Isa. lii, 11*) : et immundum ne tetigeritis, et ego recipiam vos : et ero vobis in patrem : et vos eritis mihi in filios et filias, dicit Dominus omnipotens (*Jer. xxxi, 9*).

EXPOSITIO.

Obsecramus adjuvantes : nos autem ut efficiamini **ustitia** Dei adjuvantes per ministerium prædicationis Domini in vobis. Vel **adjuvantes** vos instruzione et orationibus ad Deum, exhortamur vos, ne **ratiam** Dei in vacuum recipiatis : quasi diceret : **Vos** utique gratiam Dei receperitis, sed videte ne in vacuum, id est, ne inutilem vobis receperetis. Bene dico **gratiam** : nunc enim est gratia. Ait enim Pater ad Christum integrum cum membris suis, quæ est Ecclesia : Ego **exaudiui te**, id est complevi quod postulabas dimittendo peccata. **Exaudiui**, inquam, te in tempore accepto : et Deo cui in eo placuit misereri homini : et accepto homini, quia in eo se solutum a morte peccati **176** gavisus est. Exaudiui te, dimittendo peccata. **Adjuvi** etiam te conformatum ad bona opera similiter in tempore accepto : in die, id est in claritate veræ cognitionis positum. **Dic**, dico, salutis, quia per veram cognitionem iter est ad æternam salutem. Hoc legitur in Isaia (c. XLVIII, v. 8). Modo Paulus quando hoc tempus acceptum intelligendum sit, exponit, sic : Deus ait tempore accepto, et ecce fratres nunc, id est, a passione Christi, in posterum est illud tempus acceptabile : et ecce nunc est illa dies salutis, in qua Deo acceptum est exaudire et adjuvare. Et ideo sic exhortamur vos : nos nemini dantes ullam offensionem, id est, sic nos habentes moribus verbo et habitu ut nulli generemus offensionem, in aliquo horum. Ideo non dantes offensionem, ut non vituperetur ministerium nostrum, id est ne apostolatus noster vituperabilis sit, quod utique esset, si quod bene doceo, in meipso non ostenderem. Nullam damus offensionem; sed exhibemus nos ministros Dei ; et ut in eo permaneamus Deus hoc concedat, ut exhibeamus nosmetipsos in omnibus quæ loquimur et agimus, sicut, id est, vere ministros Dei, ut ibi quasi modo geniti, scilicet in patientia multa, id est, multipliciter patiente corpore et animo exhibeamus nos Dei ministros. Subdit partes patientiae : in multa patientia dico, habita in tribulationibus, ut quocunque modo corpus nostrum tribuletur, æquanimiter toleremus. Habita etiam patientia in necessitatibus, ne aliqua indigentia deficiamus. Habita iterum patientia in angustiis animi, et in plagiis corporis, et in carcerebus. Patientia etiam in seditionibus quas adversum nos concitant infideles. Patientia iterum habita in laboribus : manibus enim nostris laboramus, ne aliquem gravemus (*I Thess.* II, 9). Patientia habita etiam in vigiliis, plerumque enim eum vigilare oportuit disputantem de fide. Habita etiam patientia in jejuniis : quia multoties eum jejunare oportuit, modo coactione, modo indigentia, modo voluntate. Haec omnia præmissa partes sunt patientiae, cætera coæquæ sunt illi. Exhibeamus nos sicut Dei ministros in castitate, quod casti simus animo et corpore. Exhibeamus nos etiam ministros Dei, in scientia, ut sufficienter de omnibus docti simus. Vel, ut castitatem et scientiam unum membrum dicamus :

A Simus ministri Dei, in castitate et in scientia, id est in casta scientia : non sit versipellis scientia nostra, ut scientia pseudodoctorum. Simus etiam ministri Dei in longanimitate. Quod si differtur corona, patienter tamen sustinemus onera. Simus etiam ministri Dei in suavitate, id est in leni mansuetudine habita, in Spiritu sancto, non adulatoria suavitate. Exhibeamus iterum nos Dei ministros, in charitate non facta, ut vere diligamus Deum et proximum : et in verbo veritatis, ut in pura veritate sonent verba nostræ prædicationis : non ut pseudo qui intendunt fallere mendacibus verbis. Simus etiam boni ministri in virtute Dei, ut per signa miraculorum comprobem me esse idoneum magistrum. Exhibeamus etiam nos ministros Dei per arma justitiae, habentes justitiam loco armorum a dextris et a sinistris, id est, a prosperis et ab adversis, quod nec prosperis seducamur nec per adversa dejiciamur. Quæ amodo sequuntur, partes sunt dextri vel sinistri. A dextris dico ut per gloriam, quod si aliqui glorificant nos, ut ibi quando voluerunt ei ædificare aras, in hac gloria exhibeamus nos tanquam Dei ministros. A sinistris sicut per ignobilitatem, ut quando detrahunt nobis, dicentes nos falsa prædicare. In hac ignobilitate exhibeamus nos sicut Dei ministros. Iterum per infamiam quæ pars sinistre est, ut quando dicebatur ei : « Insanis, Paule (*Act. xxvi, 24*). » E iterum per bonam famam : ut quando ab aliis prædicatio ejus extollebatur, per hæc utraque exhibeamus nos sicut Dei ministros. Nos iterum habiti ut seductores, et ab aliis habiti ut veraces, exhibeamus nos sicut Dei ministros. Nos iterum **177** habiti, sicut qui ignoti sint Deo, et secundum alios habiti tanquam Deo cogniti, in utroque exhibeamus nos sicut Dei ministros. Nos iterum habiti sicut morientes, id est in criminalia cadentes secundum quosdam, et ecce secundum alios in justitia vivimus : in utroque exhibeamus nos sicut Dei ministros. Nos iterum habiti ut castigati, secundum quosdam, qui post illata nobis verbera dicerent : Ecce nou amplius audebunt loqui : et secundum alios habiti non castigati qui dicerent : Nunquam propterea reticebunt Dei verbum, quæ castigatio esset mortificatio : et ideo ait mortificati : in utroque exhibeamus nos sicut Dei ministros. Nos iterum habiti quasi tristes secundum quosdam, quod contristemur adversis corpore vel spiritu, habiti autem secundum alios *semper gaudentes* corpore et spiritu : in utroque exhibeamus nos sicut Dei ministros. Nos etiam secundum quosdam habiti *egentes*, vel corporali bono vel spirituali secundum alios autem habiti quasi *locupletantes multos* in spiritualibus bonis : in utroque exhibeamus nos sicut Dei ministros. Nos iterum existimati tanquam nihil penitus habentes boni temporalis, seu spiritualis secundum quosdam : et secundum alios existimati tanquam omnia, id est Deum possidentes : in utroque exhibeamus nos sicut Dei ministros. Ut pseudodoctores in conspectu vestro deprimam :

o Corinthii, os nostrum modo patet ad vos : multa de gloria nostra et satis diffuse loquendo, qui in priori Epistola me servum omnium proposui. Et utique os nostrum digne patere potuit, quia *cor nostrum dilatatum est* : quæcumque enim de gloria nostra loquor, omnia in me circumspicit esse conscientia mea. Et quia os patet et cor dilatum est, jam amplius *non angustiamini in nobis*. Quia enim simpliciter vos docui, quos rudes inveneram, dicitis culpam meam esse quod in charitate angusti estis : sed utique in exemplo nostro bene appetet quod non angustiamini in nobis : *sed angustiamini in visceribus vestris*, id est hujus tenacitatis et angustiae somes est in cordibus vestris. Vel aliter, ut pauca superius mutemus : Hortamur vos, ne gratiam Dei frustra recipiatis : quod ne fiat nemini sitis dantes ullam offensionem pravo opere vel exemplo, ut ministerium nostrum, id est ne magisterium nostrum per vos offendentes sit vituperabile. Ne detis offensionem, sed exhibeamus nos in omnibus, ut melius eos alliciat ad bonum, cum eisdem se inserit dicens : nos sicut Dei ministros. Et secundum hoc sicut in propria significatione erit. Omnia quæ sequuntur non mutantur, nisi quod sicut ad Paulum, sic exposita ad eos spectare dicantur. Et quia, **o Corinthii, nunc multa et ampla præcepta do vobis, modo patet os nostrum ad vos multa præcipiendo,** qui me prius arguebatis vos commonitos esse de paucis. Nec mirum si patenti ore multa vobis præcipio, quia *cor nostrum dilatatum est*, id est omnia in me invenio quæ vobis operanda trado. Et ex hoc jam appareat : quia non angustiamini in nobis si pauca operamini, sed angustiamini in visceribus vestris. Nolite autem angustiari, sed charitate dilatemini : sicut aliæ Ecclesiae ita et vos : et hoc dico vobis *tanquam filiis*, vos dico spe quidem jam habentes eamdem remunerationem quam nos habemus, scilicet coelestem gloriam. Et ut in mandatis Dei dilatemini. *Nolite ducere jugum cum infidelibus* pseudo. Per jugum veterem significat legem, quæ graviter opprimebat observatores suos. Non debetis ducere jugum cum infidelibus : quia vos justi, illi iniqui : vos lux, illi tenebrae : in vobis Christus, in illis Belial : vos fideles, illi infideles : vos templum Dei, illi idolorum. Et quæ participatio justitiae cum iniuitate ? Aut quæ societas luci ad tenebras ? Nulla utique societas debet esse membrorum, ubi est differentia capitum : sed Christus caput nostrum Belial caput illorum. Quæ autem convenio Christi ad Belial ? Aut quæ pars fidei cum infidei ? Quis autem consensus **178** templo Dei cum idolis, id est cum illis impiis, qui velut idolum sedes sunt dæmonis ? Sicut enim in idolo, sic in ipsis responsa dabant dæmon. Bene dico templo Dei : nam *vos fideles estis templum Dei vivi*, quia in vobisipsis vivit, dum vos in bono vivere facit. Et hoc dico, sicut dicit Dominus Deus per Ezechielem licet aliis verbis. Hoc, inquam, dicit Deus : *quoniam*, id est quod *inhabitabo in illis* fidelibus justificando eos per fidem, et etiam

A *inambulabo de virtute promovendo in virtutem. Et ita* apparebit quod ego ero Deus illorum, et ipsi erunt mihi populus. Quicunque enim viderint justitiam eorum, dicent : Hi sunt populus Dei, et Deus habitat in illis. Nunc de hac auctoritate insertus Paulus aliam de eodem Ezechiele sumptam. Ubi in captivitate Babyloniaz Judæis suadebat exire, et separari ab operibus malis gentilium. Quod si facerent, promittebat eis a Deo liberationem, dicens : *Propter quod, scilicet, ut sitis populus Dei, de medio impiorum exite* : non operantes quæ operantur. Separamini etiam ab eisdem voluntate, non tantum opere. Sic autem fieri necesse est, quia haec dicit Dominus : *Nec etiam tetigeritis immundum*, id est nec etiam deletionem habueritis in immunditiis eorum, quod saltem placeant vobis. *Et si hoc feceritis, ego recipiam vos* : et vobis receptis ero in patrem, et vos eritis mihi in filios, vel etiam in filias quæ majori diligentia ornantur a parentibus. Et haec omnia credere et facere vos oportet, quia haec dicit Dominus omnipotens.

CAPUT VII.

Has igitur habentes promissiones, charissimi, mundemus nos ab omni inquinamento carnis et spiritus, perficientes sanctificationem in timore Dei. Capite nos. Neminem læsimus. Neminem corrupimus. Neminem circumvenimus. Non ad condemnationem vestram dico. Prædiximus [Prædisi] enim quod in cordibus nostris estis ad commoriendum et ad convivendum. Multa mihi fiducia est apud vos, multa mihi gloriatio pro vobis. Repletus sum consolatione : superabundo gaudio in omni tribulatione nostra. Nam et cum venissemus Macedoniam, nullam requiem habuit caro nostra, sed omnem tribulationem passi sumus. Foris pugnæ, intus timores. Sed qui consolatur humiles, consolatus est nos Deus in adventu Titi. Non solum autem in adventu ejus, sed etiam in consolatione qua [qui] consolatus est in vobis, referens nobis vestrum desiderium, vestrum fænum, vestrarum æmulationem pro me : ita ut magis gauderem. Quoniam etsi contristavi vos in epistola, non me penitet. Et si peniteret videns quod epistola illa, et si ad horam vos contristavit, nunc gaudeo, non quia contristati estis : sed quia contristati estis ad penitentiam. Contristati enim estis secundum Dœum, ut in nullo detrimentum patiamini ex nobis. Quæ enim secundum Deum tristitia est, penitentiam in salutem stabilem operatur : sæculi autem tristitia mortem operatur. Ecce enim hoc ipsum secundum Deum contristari vos, quam tam in vobis operatur sollicitudinem : sed defensionem, sed indignationem, sed timorem, sed desiderium, sed æmulationem, sed vindictam. In omnibus exhibuistis vos incontaminatos esse negotio. Igitur et si scripsi vobis, non propter eum qui fecit injuriam, nec propter eum qui passus est, sed ad manifestandam sollicitudinem nostram, quam habemus pro vobis coram Deo. Ideoque consolati sumus. In consolatione

autem nostra, abundantius magis gavisi sumus super gaudio Titi : quia refectus est spiritus ejus ab omnibus vobis. Et si quid apud illum de vobis gloriatus sum, non sum confusus : sed sicut omnia vobis in veritate locuti sumus, ita et gloriatio nostra quæ fuit ad Titum, veritas facta est : et viscera ejus abundantius in vobis sunt : remniscentis omnium vestrum obedientiam, quomodo cum timore et tremore exceperitis illum. Gaudeo quod in omnibus confido in vobis.

EXPOSITIO.

179 Quandoquidem vobis exeuntibus de medio impiorum (dicit Dominus) eritis mibi in filios et filias etc. Igitur, o charissimi, vos *habentes has*, id est præfatas *promissiones*, ut eas apprehendamus, *mundemus nos ab omni inquinamento carnis*, et ab omni inquinamento *spiritus*. Inquinamenta carnis vocat libidinem, ebrietatem et hujusmodi. Inquinamenta spiritus, ut iram, invidiam, et hujusmodi, quæ ipsam inficiunt animam sine contagio carnis. Sic nos in utroque mundemus a peccatis : *perficientes debiue sanctificationem*, id est, ut malis mundati in virtutibus perfecti simus. Hoc autem perficienes in *timore Dei*, id est, non timore hominum ut quæramus apparere justi in facie et non in corde sicut pseudo, sed in timore. Nec tantum paenarum, ut per hoc solum modo paenas evadamus, sed in timore Dei, ut Deum timeamus offendere, qui timor dicitur charitas. Vel aliter littera illa dividitur : Mundemus nos ab inquinamento carnis : ut sit ibi versus, et nos mundati perficienes sanctificationem spiritus, id est, secundum quod docet spiritus, vel illa ratio, vel perficienes sanctificationem spiritus, id est rationis, vel Spiritus sancti. Sententia est eadem. In timore Dei similiter. Et ut mundati perficiatis sanctificationem, *capite nos*, id est, accipite imitationem nostram. Vel ut ibi versus non sit : Vos perficienes sanctificationem, *capite nos*, id est, imitamini nos sicut dictum est. Nos utique capere debetis, *neminem enim vestrum læsimus* improferando, quod vel canes essetis, vel hujusmodi : me autem magnificando de genere Abrahæ, ut faciunt pseudo. *Neminem iterum vestrum corruptimus*, perverse docendo, vel pravo exemplo depravando, ut iterum pseudo, qui falsa veris admiscendo, corruptum fidem vestram : pravo etiam vitæ exemplo.. *Neminem etiam vestrum circumvenimus*, quemadmodum pseudo, qui cum aperte nequeunt extorquere a vobis, fraudulenta seductione, eliciunt magis quam impetrant. Quod autem significo vos corruptos et seductos esse ab illis pseudo : hoc non dico ad condemnationem vestram, id est, ut per hoc intendam condemnare vos, quasi reprobatos a Deo. Quodque non dicam ad condemnationem vestram scire potestis ex eo, quia prædicti in hac eadem Epistola, quod vos estis in cordibus nostris, ubi ait : Vos estis Epistola nostra scripta in cordibus nostris. Quia si vos condenatos intenderem, nequaquam in cordibus nostris vos insererem, sed estis in cordibus nostris ad

commoriendum, id est, ut velim vos mecum commori peccato, *ad convivendum*, id est, ut mecum vivatis justitiae. Vel ita ut perfectioribus loquatur : Estis in cordibus nostris ad commoriendum, ut velim vos mecum mori in præsenti tribulatione, ut sic mecum sitis ad convivendum in æternitate : ideo dico *capite nos* : quia *multa fiducia mihi est apud vos* de futuris bonis : ut cito suasioni quam facturus sum acquiescat. *Multa etiam gloriatio est mihi pro vobis*. Multa enim apud alias Ecclesias glorior de bono correctionis vestræ, præferendo vos illis in exemplum. Propterea multa fiducia mihi est apud vos de futuro : jam enim *repletus sum consolatione* in omni tribulatione, quæcunque sit seu facilis, seu difficilis, seu intus, seu foris : nec quoquo modo consolor de correctione vestra : sed in tantum quod *superabundo gaudio* : magis enim de vestra correctione gaudeo, quam doleam de omni tribulatione nostra. Dicerent illi : Estne tibi tribulatio? Utique bene dico. *Nam alibi et etiam cum venissemus in Macedoniam* : *caro nostra non habuit ullam requiem*. *sed passi sumus omnem tribulationem* : foris, id est in corpore erant *pugnæ*, dum flagellis affligebarunt me : et *intus*, id est in animo erant *timores*, ne fidèles passionibus meis scandalizarentur, et judicarent me non esse sequendum, quia condemnatum. Vel ita : *foris*, id est ab his **180** qui extra Ecclesiæ erant, fidebant mihi *pugnæ*, sicut dictum est : *intus autem*, id est in Ecclesia, erant *timores*, ne a falsis fratribus seducerentur simplices. Foris et intus adeo patiebar : *sed Deus qui consolatur humiles*, id est afflictos, *consolatus est nos in adventu Titi*. Gavisus sum enim de receptione fratris qui participaret tribulationibus nostris. *Non solum autem in adventu ejus consolatus sum* : *sed etiam in consolatione* qua idem Titus *consolatus est in vobis* : per hoc solarium ejus correctionem vestram intellexi. Et ideo cum de reditu ejus gauderem simul consolatus sum : intelligens correctionem vestram in ejus solatio. Consolatus est, inquam, me Titus, referens *nobis desiderium vestrum*, quanto voto desideraretis adventum nostrum. Referens etiam *fletum vestrum* id est quod lacrymis peccata dilueretis. Referens etiam *vestram emulationem*, id est indignationem. Dqua contrâ pseudo *pro me* quem improbant, indignamini. Ita referens hæc ut magis modo *gauderem* de penitentia vestra, quam prius contristatus essem de impenitentia. Vel magis gauderem de vestra conversione, quam dolorem de mea tribulatione. Et hoc nosse debemus, quia cum Apostolus priorem Epistolam per Timotheum misisset Corinthiis, magis ad indignationem moti sunt, quam ad penitentiam, temerarium judicantes quod Apostolus tantæ severitate auderet eos arguere : quo cognito, Paulus per Timotheum paenituit eum scripsisse illis Sed Tito apud Corinthios diutius morante, et Epistolam Pauli sèpius relegente, sub admonitione Tit fecerunt fructum dignum penitentie. Quo auditio Apostolus magis gavisus est de penitentia, quam

prius doluissest de impenitentia eorumdem. Quod sic ait: Vere per relationem Titi, factum est mihi ut gauderem: quoniam et si contrastavi vos in Epistola prius missa, non tamen modo penitet me auditia relatione Titi, licet prius peniteret audita relatione Timothei. Prius quidem penituit, videns quod Epistola illa prius missa contrastavit vos ad indignationem: licet ad horam: et ideo venialis me modo penitet: nunc enim gaudeo, non ideo quia prius contrastati estis, sed quia modo contrastati estis ad penitentiam. Merito utique gaudeo de vobis ad penitentiam contrastatis: nam contrastati estis secundum Deum: deserendo mala, adhaerendo bonis, ita secundum Deum, ut jam in nullo facto ex nobis patimini detrimentum, quia et ipsa prior contrastatio de qua verebar, ne vobis fieret ad detrimentum, correcta est secundum Deum. Vere in nullo ex nobis patimini detrimentum: nam tristitia nostra, quæ est secundum Deum, operatur in vobis penitentiam, valentia vobis in stabilem, id est æternam salutem. Tristitia secundum Deum operatur salutem: sed tristitia sæculi, quæ adhuc in quibusdam est apud vos, qui nolunt contrastari ad penitentiam, hæc tristitia operatur mortem, id est stabilem perditionem. Hoc congrue inservit ad deterrendum eos, qui nondum penitebant. Vere tristitia secundum Deum operatur penitentiam in salutem: nam operatur sollicitudinem, defensionem, et cæteras partes veræ penitentiae. Quod sic ait: Ecce enim in evidenti est hoc ipsum tam exiguum ad comparationem salutis quam operatur: hoc ipsum dico, scilicet contrastari vos secundum Deum: ecce quantam sollicitudinem proficiendi semper in melius operatur in vobis. Ista scilicet quæ sequuntur copulativa sunt, valentia tantum ad ornatum orationis. Operatur etiam in vobis defensionem: quia jam zelum Dei habentes defenditis me contra pseudo, qui me improbat. Operatur etiam indignationem, graviter enim indignamini contra eos, qui seduxerunt vos. Operatur etiam timorem. Timidi enim semper estis, ne in laqueum recidatis. Operatur etiam desiderium. Desideratis enim appetitum bonorum, et aemulationem, id est imitationem justorum. Operatur etiam vindictam. Si quis enim in Ecclesia vestra delinquit, statim per injunctam penitentiam vindicatis culpam **181** ejus. Et ut breviter bona vestra colligam, in omnibus exhibuistis vos esse incontaminatos negotio, id est religione ecclesiastice. Vel incontaminatos esse a negotio sæculari, id est a peccato. Et quia in omnibus vos incontaminatos exhibuistis, igitur nunc apparebit intentio mea quam habui in priori epistola, quia etsi scripsi vobis, non tamen propter eum solum qui fecit injuriam, ducendo uxorem patris, nec iterum propter eum solum scripsi qui passus est injuriam, tractus ad sæculares judices: sed scripsi ad manifestandam sollicitudinem nostram, quam sollicitudinem habemus pro vobis: et hoc coram Deo, id est in beneplacito Dei: hoc enim bene placet Deo ut de salute vestra sollicitus sim. Vel hoc dico coram Deo, id est teste Deo, qui con-

A scientiam meam novit. Cum enim Paulus de fornicatore illo ageret, non ad illum dirigebat sermonem, sed ad totam Ecclesiam, intendens ne unius pollutione multi inficerentur. Et quia sollicitudo nostra pro vobis habita nunc manifestata est, quia completa, ideo sumus consolati. In consolatione asten nostra gavisi sumus, et de correctione vestra, et de gaudio Titi abundantius, quam doluisse prius de peccatis vestris, vel de tribulationibus meis. Et cum de correctione vestra et gaudio Titi abundantius consolaremur, tamen magis abundantius gavisi sumus super gaudio Titi, quam de correctione vestra. Similis positio. Virgilius doctior est Horatio et Lucano: magis tamen doctior Lucano, quam Horatio. Ideo Apostolus magis de gaudio Titi, quam de correctione Corinthiorum gavitus est: quia si non esset gaudium Titi, nec eos correctos esse crederet. Ideo etiam quia nisi Titus de hoc gauderet, examinatus ex toto desiceret: quod nec in Ecclesia Corinthiorum, nec alibi laborare vellet. Unde ipse vel causas ponit: ideo magis gavitus sum super gaudio Titi: quia spiritus ejus refectus est ab omnibus vobis, etiam ab incorrectis, de quibus spem bonam habet corrigendi per eos, qui jam bene correcti sunt: qui spiritus penitus desiceret ab instructione, si Corinthios incorrigibiles inveniret. Et ideo etiam magis de gaudio Titi: quia sicut apud illum Titum gloriatus sum de vobis, o Corinthii: cum enim reformidaret venire ad vos, accusans inhumanitatem vestram, dicebam vos benignos esse, eumque honorifice receptures. Si quid, inquam, gloriatus sum de vobis, non sum confusus in hoc: quia sicut ei prædicti, tales vos invenerit; et ideo me dixisse non erubui: sed gloriatio nostra quæ fuit habita ad Titum de vobis, ita facta est veritas, sicut dum apud vos essemus, omnia locuti sumus vobis in veritate, id est sicut manens apud vos vera dixi vobis de aliis: sic modo vera dixi Tito de vobis. Et ideo adhuc magis de gaudio Titi: quia viscera ejus abundantius modo sunt in vobis correctis, quam prius in incorrectis. Ejus Titi dico reminiscentis obedientiam omnium vestrum, id est quam devote sibi obedistis, et nobis: reminiscentis etiam, quomodo exceptistis cum cum timore animi et tremore corporis, scilicet in omni reverentia. Et videns quomodo digne exceptistis eum, gaudeo quod confido in vobis, non tantum in hac re, sed etiam in omnibus quæcumque mandavero exsequendis.

CAPUT VIII.

Notam autem facimus vobis, fratres, gratiam Dei, quæ data est in Ecclesiis Macedoniæ: quod in multo experimento tribulationis abundantia gaudii ipsorum fuit: et altissima paupertas eorum abundavit in divitias simplicitatis eorum. Quia secundum virtutem testimonium illis reddo, et supra virtutem voluntarii fuerunt: cum multa exhortatione obsecrantes nos gratiam, et communicacionem ministerii, quod fit in **182** sanctos. Et non sicut speravimus, sed semetipsos dederunt, prius Domino: deinde nobis per voluntatem Dei,

ita ut rogaremus Titum, ut quemadmodum cœpit, ita et perficiat in vobis, etiam gratiam istam. Sed sicut in omnibus abundatis fide, et sermone, et scientia, et omni sollicitudine, insuper et charitate vestra in nos, ut et in hac gratia abundetis. Non quasi imperans dico, sed per aliorum sollicitudinem etiam vestrae charitatis ingenium bonum comprobans. Scitis etiam gratiam Domini nostri Jesu Christi : quoniam propter vos egenus factus est, cum esset dives : ut illius inopia vos divites essetis. Et consilium in hoc do. Hoc enim vobis utile est : qui non solum facere, sed et velle coepistis ab anno priore. Nunc vero et facto perficite, ut quemadmodum promptus est animus voluntatis ; ita sit et perficiendi ex eo quod habetis. Si enim voluntas prompta est, secundum id quod habet accepta est, non secundum id quod non habet. Non enim ut aliis sit remissio, vobis autem tribulatio, sed ex æqualitate in praesenti tempore, vestra abundantia illorum inopiam suppleat : ut et illorum abundantia vestrae inopiae sit supplementum, ut fiat æqualitas sicut scriptum est : Qui multum, non abundavit, et qui modicum, non minoravit (*Exod. xv, 18*). Gratias autem ago Deo, qui dedit eamdem sollicitudinem pro vobis in corde Titi : quoniam exhortationem quidem suscepit; sed cum sollicitior esset, sua voluntate profectus est ad vos. Misimus etiam cum illo fratrem nostrum, cuius laus est in Evangelio per omnes Ecclesias. Non solum autem, sed et ordinatus est ab Ecclesiis comes per regenerationis nostræ in hanc gratiam, quæ ministratur a nobis in Domini gloriam. Providemus enim bona, non solum coram Deo, sed etiam coram hominibus. Misimus autem cum illis et fratrem nostrum, quem probavimus in multis sæpe sollicitum esse : nunc autem multo sollicitorem, confidentia multa in vos, sive pro Tito, qui est socius meus et in vobis adjutor; sive fratres nostri, Apostoli Ecclesiærum, gloriae Christi. Ostensionem ergo quæ est charitatis vestrae, et nostræ gloriae pro vobis, in illos, ostendite in faciem Ecclesiarum Dei.

EXPOSITIO.

In hoc enim uno quomodo de futuro facturi sitis intelligo. Nunc de collectis de quibus in prima Epistola compendiose dixerat, diffusius admonet : sua dens eis et exemplo aliarum Ecclesiarum, et multis inductionibus. Littera superius jungitur : Cum venissimus in Macedoniam, caro nostra non habuit requiem : sed licet in primis requiem non haberemus, tamen Deus in Ecclesiis Macedoniae dedit pacem et gratiam. Quod sic ait : *Notam facimus vobis, fratres, gratiam Dei, quæ data est in Ecclesiis Macedoniae*. Gratiam Dei digno nomine vocat eleemosynas : intelligens majorem esse gratiam Dei ministrandi pauperibus, quam sint genera linguarum, et quædam aliae gratiae. De hac gratia facio vobis no-

A tum, quod in multo experimento tribulationis : multas enim et acres tribulationes expertæ sunt Ecclesie Macedoniae. In multo, inquam, experimento tribulationis fuit abundantia gaudii ipsorum, id est abunde gavisi sunt : quia pro Christo contumeliam pati digni habitu sunt, et paupertas ipsorum. Infideles enim pauperabant fideles. Paupertas, inquam, ipsorum altissima, id est maxima. Vel altissima, id est dignissima. Paupertas, inquam, abundavit : quia quanta plus dederunt, tanto pauperiores effecti sunt. Abundavit dico in divitias eorum : quia licet pauperes essent in habendo, divites tamen erant in administrando eleemosynam. In divitias dico, simplicitatis eorum. In simplicitate enim dabant, non putantes se propterea liberius posse peccare. Abundavit B utique in divitias : quia fuerunt voluntarii secundum virtutem et supra virtutem. Secundum virtutem dare est **183** quæ sibi necessaria sunt, primum retinere, deinde quod superabundat in pauperes erogare. Supra virtutem dare, est nihil sibi penitus reservare. Et quod secundum virtutem et supra virtutem voluntarii fuerunt, inde reddo illis testimoniū : nec coacti a nobis, sed obsecrantes nos, id est per quæcunque sacra adjurantes, cum multa exhortatione, dicentes : Ne sollicitus sis de nobis, quia laboriosi sumus, et de labore nostro (etiam si nihil nobis residuum sit) bene sustentabimur. Obsecrantes utique nos accipere gratiam, id est eleemosynas, ab ipsis, et communicationem, id est res suas, quas omnibus communicare intendeant. Communicationem dico ministerii, id est administrationis : quod ministerium sit deferendum in sanctos, qui erant Hierosolymis.

Hic notandum quod de abundantia nostra prius sustentandi sunt sancti ; de eo autem quod residuum fuerit, quicunque egentes. Obsecraverunt utique nos : et non fecerunt sicut speravimus, id est non hoc animo ut vitia eorum multa pateremur, sed primum dederunt semetipos Deo, emendantis vitia. Deinde dederunt se nobis, sumptus offerendo fratribus : et hoc per voluntatem Dei. Hoc enim vult Deus : prius seipsum, postea sua devovere : ita dederunt ut rogaremus Titum ut, quemadmodum bene cœpit, ita etiam perficiat in vobis alias gratias : et etiam istam gratiam, exemplo Ecclesiarum Macedoniae. Non solum rogavimus Titum ut hanc gratiam perficeret in vobis, sed etiam ut per eum abundetis in hac gratia.

Perficere ad Titum : Abundare, pertinet ad Corinthios. Vel ita : Non tantum rogavimus Titum perficere hoc in vobis ; sed etiam ego ipse rogo vos ut, sicut abundatis in omnibus gratiis (scilicet in fide) sanam enim fidem, et bonis operibus abundantem habetis, abundatis etiam in sermone et scientia, quia expeditum sermonem ad exhortandum habetis, et scientiam ad intelligendum ; abundatis etiam in omni sollicitudine : omni enim studio solliciti estis ut melius et melius operemini ; abundatis in charitate, id est in dilectione vestra extensa in nos (sicut in his gratiis) sic rogo ut etiam in hac gratia eleemosynarum abundetis.

Et hoc non dico quasi imperans, id est non de hac re praeceptum constituo : ne, si forte non obtemperatis imperio, rei essetis inobedientiae. Non utique ex imperio dico : sed dico hoc comprobans ingenium, id est rationem cum voluntate. Debetis enim rationabiliter pensare quod detis, scilicet temporalia ; et quid pro his recepturi sitis, scilicet aeterna : et cum ratione debet esse voluntas libentissime dandi, comprobans, inquam, bonum ingenium etiam vestrae charitatis per sollicitudinem aliorum, id est per hoc quod solliciti estis supplere inopiam indigentium fratum. Vel comprobans charitatem vestram per sollicitudinem aliorum, id est per hoc quod Titum et alios discipulos de vobis facio sollicitos.

Et utique debetis abundare in hac gratia, nam vos scitis gratiam Domini nostri Iesu Christi; quoniam, id est quod, cum esset dives, id est Deus in divitiis omnipotentiae suae, qui aeternus erat, propter nos salvandos factus est egenus in tempore. Nec dives fieri voluit ; sed factus est egenus, id est in omni egestate carnis vivens, preter egestatem justitiae. Ideo factus est egenus, ut inopia, id est merito inopie illius vos essetis divites justitiae. Et in hoc quod benignitatem Domini Iesu circa vos exhibitam vobis recordor, in hoc utique do vobis consilium salutis. Et bene dico consilium. Hoc enim (scilicet abundare in eleemosyna) utile est vobis : qui non solum coepistis facere, sed etiam incepistis velle a priore anno.

Nota quod prius facere, postea augmentat velle ; facere enim non sufficit, nisi ex voluntate ; sed velle sufficit licet non sit copia faciendi. Coepistis olim velle ; nunc vero perficite id voluntate et facto, ita ut quemadmodum promptus est animus, id est discreto voluntatis **184** (quod supra vocavit bonum ingenium) ita fit promptus animus perficiendi. Et licet ita suadeam, perficiendi tamen dico ex eo, id est secundum hoc quod habetis, et ministrare fratribus ferre potestis. Ideo dico ex eo quod habetis, quia, si voluntas vestra prompta est ad dandum, secundum id quod habet, in hoc utique accepta est Deo, non solum in eo si dederit secundum id quod non habet. Quid ait secundum id quod habet ; et quod non habet, idem est quod ait superius secundum virtutem et supra virtutem. Qui enim necessaria sibi reservat, et ea quae superabundant, erogat, hic secundum quod habet dicitur dare ; qui vero nihil sibi retinet, sed omnibus erogatis nudus nudam crucem sequitur, hic dat secundum id quod non habet. Sed quia huius perfectionis non vidi eos capaces, hortatur ad id quod levius est. Opponeret aliquis : Cogis nos dare, ut, aliis de nostro ditescentibus, nos postea egeamus. Minime ; sed secundum quod habetis, et non secundum id quod non habetis ; ego enim non impero hoc ut per vestra data sit remissio aliis, et remissi torpescant otio, vobis autem inde sit tribulatio, unde illis remissio. Hoc quidem non impero, sed hoc rogo ut vestra abundantia, quae est in temporalibus, suppleat inopiam illorum in praesenti tempore ; et hoc fiat ex aequalitate, non ut illis tan-

A tum detis quantum vobis reservabitis ; sed tantum unde aequaliter ut vos securi sitis ab egestate.

Ideo abundantia vestra suppleat illorum inopia, ut etiam abundantia illorum, perfectorum quae est in virtutibus, sit supplementum vestrae inopiae. Qui si divites estis terrenorum, inopes estis celestium. Suppleat, dico, ita ut vicissim suppleti fiat aequalitas illis in aeterno bono ; ut, quemadmodum sancti in hoc mundo participant fructibus laborantium, sic in futuro hi qui modo ministrant sanctis, participent remunerationem eorum. Nec ita dico fiat aequalitas, ut tantum accipient imperfecti quantum perfectiores, sed in hoc aequalitas, quod singuli singulos nummos accipient, id est perfectam et sufficientem beatitudinem. Ideo non statutum fuit ut alii hominum laborarent, alii orationi vacarent, utoratores sustentarentur aliorum labore, laboratores vero salvarentur eorum oratione. Fiat, dico, aequalitas, sicut scriptum est figurative de futura aequalitate : qui multum habuit, non abundavit super modice habentem : et qui modicum habuit, non minoravit, id est, non habuit minus eo qui multum colligit. Qui enim multum habet de gloria coelesti, non sic abundat ut is qui minus habet indigeat : sed utrique et multum et modicum habenti aequalis est abundantia : quia utrique quod satis est, licet tamen differentia sit illis in gloria. Hoc ad litteram scriptum est de manna, quod colligebant Judaei ; quia qui multum collegerat, licet amplius quam plenum gomor, non plus habuit quam gomor : et qui minus collegerat quam gomor, non minus habuit quam plenum gomor (*Exod. xv, 18*).

Dixi superius quod rogavi Titum. De hoc autem gratias ago Deo, qui dedit in corde Titi eamdem sollicitudinem pro vobis, quam et in corde meo. Eamdem bene dico, quoniam ipse quidem bene suscepit exhortationem pro vobis factam, sed etsi benigne suscepit, tamen profectus est ad vos cum esset sollicitior de vobis, sua voluntate quam mea exhortatione. Misimus etiam cum illo scilicet Tito, fratrem nostrum : laus cuius est in Evangelio. Hunc fratrem alii dicunt Lucam, alii Barnabam. Si Lucam dicimus, laus cuius est in scribendo Evangelio ; si Barnabam, ita laus cuius est in praedicando Evangelio per omnes Ecclesias. Omnis enim Ecclesia laudat eum. Non solum autem laudatur in Evangelio, sed etiam ab Ecclesiis ordinatus est comes nostra peregrinationis. Hoc magis de Barnaba videtur dicere : quem cum Paulo fratres qui erant Hierosolymis miserunt in gentes ad praedicandum Spiritu sancto dicente illis : « Segregate mihi Barnabam et Saulum in opus quo assumpsi eos (*Act. xiii, 2*). » Peregrinationis ideo dicit ; cum enim a Iudea militaret in gentes, exit patriam, et ad loca peregrina transit. Comes, dico, factus **185** in hanc gratiam eleemosynarum similiter praedicandam ; quae gratia a nobis recipientibus, a vobis ministratur sanctis qui sunt Hierosolymis ; de quo gaudere debetis, quia ministratur ad gloriam Domini. Et vere Deus in hac ad-

ministracione glorificatur; et, ut de gloria Domini sileam, si non esset aliud, ministrare deberetis ad complendam voluntatem nostram, doctrina cuius filii Dei estis.

Voluntatem dico utique sequendam, quia *destinatam*, id est in hoc velle ordinatam Deo. Deus enim me sic velle disposuit. *Misimus* Titum et *cum illo* alium *fratrem*, devitantes hoc ne quis nos vituperet in hac plenitudine eleemosynarum, quæ a nobis ministratur sanctis in Hierosolymis. Ideo Paulus tot idoneos testes mittebat ad accipias collectas, ne, si per suspiciosam personam hoc ficeret, vituperarent eum, dicentes quod de copia eleemosynarum in suos usus retineret. Dico *ne quis nos vituperet*, et bene; nam nos sic facientes *providemus bona non solum coram Deo, sed etiam coram omnibus hominibus*. Nemo enim aliquid vituperabile poterit suspiciari, ubi tot idoneos testes viderit. In hoc verbo Pauli concipiatur quod qui se talem exhibet ut de eo sinistra possit oriri suspicio, etiam si non sit reus iude, peccat tamen, dum, per negligentiam suam minus provide agens, in fratre suscitat culpam. Cum Tito autem et cum illo alio fratre misimus etiam *fratrem nostrum quem in multis probavimus*, et *sæpe sollicitum esse* de vobis. Hunc fratrem non nominat; sed credimus hunc esse Apollo, episcopum eorum, qui, in prima Epistola rogatus a Paulo, noluit ire (*I Cor. xvi, 12*), audiens illos adhuc incorrelos; sed nunc auditio per Titum quod essent correcti, revertitur ad illos. Dico eum fuisse *sollicitum*; sed sciat nunc *multo sollicitiorem esse* de vestra salute, *confidentia multa habita in vobis, sive pro Tito qui commendavit correctionem vestri illi, sive pro his qui sunt fratres nostri*, id est et pro Tito et pro his. Pro Tito dico, qui est *socius mens in omnibus*, et maxime adjutor in vobis, et pro his qui sunt fratres nostri *apostoli*, id est legati *Ecclesiarum generis Christi*, id est ad prædicandum gloriam Christi. Et quia tam probatas personas ad vos misimus. Ergo ostendite in illos charitatem vestram, et (ut plus dicam) ostendite in illos ostensionem quæ ostensione est *charitatis vestræ*. Si enim vos ingratos exhibueritis, palam erit vos ex timore quod in peccatis eratis, et non ex charitate ministrasse Tito et aliis; sed benignitas vestra nunc ad istos exhibita erit ostensione vestræ charitatis, quia approbabit vos ex charitate fecisse quod prius fecistis. *Ostendite* etiam ostensionem *nostre gloriae habitæ apud illos pro vobis*; multum enim gloriatus sum et promisi quod honorifice eos suscipietis. *Ostendite* dico in facie ceterarum *Ecclesiarum*, ut vos sitis facies et forma, quorum similitudini imprimentur aliae Ecclesiae.

CAPUT IX.

Nam de ministerio quæ fit in sanctos, ex abundanti est mihi scribere vobis. Scio enim promptum animum vestrum, pro quo de vobis glorior apud Macedonas; quoniam et Achaia parata est ab anno præterito, et vestra æmulatio provocavit plurimos. Misimus autem fratres, ut ne quod gloriamur de vo-

bis evacuetur in hac parte, ut quemadmodum dixi, parati sitis; ne cum venerint Macedones tecum, et invenerint vos imparatos, erubescamus nos, ut non dicamus [al., dicam] vos in hac substantia. Ne cessarium ergo existimavi rogare fratres, ut præveniant ad vos et præparent repromissam benedictionem hanc paratam esse, [al., sic] quasi benedictionem, non quasi avaritiam. Hoc autem dico: Qui parce seminat, parce et metet; et qui seminat in benedictionibus, de benedictionibus et metet; unusquisque prout destinavit in corde suo, non ex tristitia aut ex necessitate. Hilarem enim datorem diligit Deus (*Eccli. xxxv, 11*). Potens est autem **186** Deus omnem gratiam abundare facere in vobis, ut in omnibus semper omnem sufficientiam habentes, abundetis in omne opus bonum, sicut scriptum est: *Dispersit, dedit pauperibus, justitia ejus manet in sæculum sæculi* (*Psalm., cxii, 9*). Qui autem administrat semen seminanti, et panem ad manducandum præstabit. Et multiplicabit semen vestrum, et augebit incrementa frugum justitiae vestræ, ut in omnibus locupletati abundetis in omnem simplicitatem, quæ operatur per nos gratiarum actionem Deo. Quoniam ministerium hujus officii non solum supplet ea quæ desunt sanctis, sed etiam abundat per multas gratiarum actiones in Domino per probationem ministerii hujus, glorificantes Deum in obedientia confessionis vestræ in Evangelio Christi et simplicitate communicationis vestræ in illos et in omnibus; et in ipsorum obsecratione pro vobis, desiderantium vos propter eminentem gratiam Dei in vobis. Gratias ago Deo super inenarrabili dono ejus.

EXPOSITIO.

Ut charitatem vestram in illos ostendatis, admoneo. Nam scribere vobis de ministerio, id est de collectis illis, quod ministerium sit transferendum in sanctos, de hoc, inquam, scribere est mihi ex abundantia, id est superfluum judicavi. Propterea ex abundantia, quia scio animum vestrum promptum esse ad ministrandum; pro quo scilicet quia parati estis, gloriore de vobis ita in charitate diffusis, *apud Macedonas*, dicens. Quoniam non solum Corinthus, sed etiam tota Achaia sub Corintho, parata est ministrare sanctis ab anno præterito, et sic vestra æmulatio, id est imitatio provocavit plurimos ad idem faciendum. Videndum est quanta subtilitate Paulus in primis, ex exemplo Macedonum, inducat Corinthios, nunc e converso Macedonas exemplo Corinthiorum. Et licet animus vester promptus sit, tamen misimus ad vos hos fratres; ut quod gloriamur apud alios de vobis, ne evacuetur, id est non destruatur in hac parte, id est in parata administratione. Misimus, inquam, ut, quemadmodum in alia epistola dixi parati sitis, ne, cum Macedones tecum venerint ad vos, et invenerint vos imparatos, erubescamus nos in hac substantia, id est eleemosyna non præparata. Nos dico erubescamus ut non dicamus quod vos erubescatis, qui utique si imparati estis, merito erubesc-

tis. Eleemosynam vocat substantiam : quia per eam subsistimus in praesenti. Et quia vos imparatos nolui, ergo existimavi necessarium rogare hos fratres, ut præveniant me ad vos, et vos præparent benedictionem eleemosynarum, non parandam cum venero, sed esse paratam : hanc benedictionem dico repromissam a vobis ; videte ne in promisso infideles sitis. Præparent dico, benedictionem, sic, quasi benedictionem, id est largam donationem, et non quasi avaritiam. Si enim modicum dant, magis avaritia judicabitur quam donum. Volo ut ipsi præparent; ego etiam propria voce hoc ipsum dico ; et admoneo ut affluenter detis, quia qui parce seminat, id est qui avare eleemosynam dat, metet quidem, id est remunerabitur, sed parce. Seminare dicit eleemosynam dare, quia, sicut ille qui seminat, ad præsens perdit quod in futuro multiplicatum recipiat, sic qui dat eleemosynam, ad præsens perdit quod centuplicatum colligit in gloria.

Qui seminat parce, metet parce : et qui seminat in benedictionibus, id est in affluentia dandi, hic utique metet de benedictionibus, id est de copiosis remunerationibus. Et, licet adeo affluenter dare suadeam, tamen unusquisque tribuat prout destinavit, id est sicut posuit in corde suo, id est ex arbitrio propriæ voluntatis. Non tribuens ex tristitia, ut doleat se tribuere. Aut ex necessitate coacta voluntate tribuat. Posset enim coactus velle, tamen sine tristitia. Non, inquam, ex necessitate, sed ex hilaritate. *Hilarem enim datorem diligit Deus*, qui hilaris hilare donum tribuit. Supponit causas quare hilariter dandum sit, quia temporalibus **187** bonis præterea virtutibus in praesenti; in futuro coelesti gloria merito eleemosynæ abundabit, dicens : Date in hilaritate, quia potens est Deus abundare facere in vobis omnem gratiam, id est et copiam temporalium, et virtutes, et futuram gloriam, ita ut vos semper habentes omnem sufficientiam; et in omnibus, id est in singulis his gratiis. *Habentes*, inquam, omnem et in omnibus desiderio harum gratiarum abundetis in omne opus bonum ut eleemosynam et copiose et hilariter, iterum tam in vestitu quam in victu sine omni querela tributatis. Abundetis, dico, in hoc opus bonum, sicut scriptum est in psalmo de eleemosynario justo (*Psalm. cxi, 9*). *Dispersit*, id est non uni, sed diversis sua bona distribuit, nec intentione recipiendi; sed dedit, nec eis qui non egerint, sed pauperibus et ideo justitia, id est meritum justitiae, ejus permanet in æternum.

Opponeret aliquis : Malo mihi in futurum reservare quam modo dispergere, et in tempore egestatis indigerem. Contra hoc Paulus exponens etiam quid supra intellexerit, dicens omnem gratiam. Debetis utique abundare in omne opus bonum, quia ille qui administrat semen seminanti, id est res temporales eleemosynam danti; ille etiam præstabit panem in sequenti anno, non ad superfluitatem, sed ad manducandum. Multiplicabit etiam semen vestrum, ut affluenter habeatis ad iterandas eleemosynas. Ecce

A gratia in temporalibus. Augebit etiam merito eleemosynarum frugem, id est meritum justitiae vestre in vobis habitæ sine aliqua distributione eleemosynarum. Augebit, inquam, incrementum frugum justitiae vestre, accrescere faciens meritum private justitiae per meritum eleemosynæ; ita augebit, ut vos locupletati in omnibus, et in multiplicatione semiinis, et incremento justitiae abundetis merito in omnem simplicitatem, id est in perfectam et simplicem erogationem. Nunc iterum subdit plura bona de eleemosynis provenientia, dicens : Quæ simplicitas operatur per nos actionem gratiarum Deo, quia de administratione vestra gratias agimus Deo, ecce unum bonum : Et merito gratias, quoniam ministerium hujus officii, id est ministratio vestre simplicitatis non solum supplet ea quæ desunt sanctis, sed etiam abundant in Domino, id est in gloria Domini actione gratiarum facta per multos. Abundat etiam per probationem ministerii hujus, quia omnes approbant et magnificant hujusmodi ministrationem. Per multos, dico, glorificantes Deum in obedientia confessionis vestre, id est in eo quod fidei confessionem fecistis in Evangelio Christi cui creditis, et in obedientia, quia fidem habentes confitemini et statim Christo obedistis. Glorificantes etiam Deum in simplicitate communicationis, id est in eo quod simpliciter quæ propria sunt communia facitis. Communicationis dicto factæ in illos sanctos et in omnes. Glorificantes etiam in obsecratione ipsorum quibus ministratis. Obsecratione dico facta pro vobis : ipsorum dico desiderantium videre vos. Non pro eo quod temporalia ipsis datis, sed propter gratiam Dei quam sciunt eminentem esse in vobis. Et quia tot bona de hac administratione consequuntur, ideo gratias ago Deo super, id est de dono ejus quod vobis contulit, scilicet gratiam eleemosynarum. *Dono*, dico, enarrabili, id est ut omnibus enarretur in exemplum. Vel dono inenarrabili, enarrari enim nequeunt quot bona de hoc dono provebiant.

CAPUT X.

Ipse autem ego Paulus obsecro vos per manus suetudinem et modestiam Christi, qui in facie quidem humili sum inter vos, absens autem confido in vobis. Rogo autem vos, ne praesens audeam, per eam confidentiam qua existimor audire in quosdam, qui arbitrantur **188** nos tanquam secundum carnem ambulemus. In carne enim ambulantes, non tamen secundum carnem militamus. Nam arma militiae nostræ non carnalia sunt, sed potentia Deo ad destructionem munitionum, consilia destruentes, et omnem altitudinem extollentem se adversus scientiam Dei, et in captivitatem redigentes omnem intellectum in obsequium Christi, et in promptu habentes ulisci omnem inobedientiam, cum impleta fuerit vestra obedientia. Quæ secundum faciem sunt videte. Si quis confidit Christi se esse, hoc cogitat iterum apud se, quia, sicut ipse Christi est,

ita et nos. Nam et si amplius aliquid gloriatus fuero de potestate nostra, quam dedit nobis Dominus in ædificationem, et non in destructionem vestram, non erubescam. Ut autem non existimor tanquam terrere vos per Epistolas, quoniam quidem Epistolæ, inquiunt, graves sunt et fortes, præsentia autem corporis infirma, et sermo contemptibilis; hoc cogitet qui ejusmodi est, quia quales sumus verbo per Epistolas absentes, tales et præsentes in facto. Non enim audemus inse- rere aut comparare nos quibusdam, qui se ipsos commendant; sed ipsi nobis nosmetipsos meritantes, et comparantes nosmetipsos nobis. Nos autem non in immensum gloriabimur, sed secundum mensuram regulæ quam mensus est nobis Deus (*Ephes. iv, 71*), mensuram pertinendi usque ad vos. Non enim quasi non pertinent gentes ad vos, superextendimus nos. Usque ad vos enim pervenimus in Evangelio Christi, non in immensum gloriantes in alienis laboribus, spem autem habentes crescentis fidei vestræ, in vobis magnificari secundum regulam nostram; in abundantia etiam in illa quæ ultra vos sunt, evangeliare, non in aliena regula in his quæ præparata sunt gloriari. Qui autem gloriatur, in Domino glorietur (*I Cor. i, 31; Jer. ix, 23*). Non enim qui seipsum commendat, ille probatus est; sed quem Deus commendat.

EXPOSITIO.

Postquam ac gratia eleemosynarum multiplici commendatione correctos sufficienter admonuit, transit ad increpandum incorrectos, qui adhuc pseudo præferebant sibi; quos pseudo plurimum hic deprimit, auctoritatem suam multipliciter et idonee commendans. Non ut per hoc querat gloriam suam, sed hoc solum intendit ut, vilificatis pseudo, Corinthii non ultra adhærent, sibique tam gloriose commendato exinde gaudeant adhædere. Littera sic jungitur: Vos bene correctos de gratia eleemosynarum adhortor; vos autem incorrectos hoc non admoneo, quos gratiae Dei indignos scio; sed obsecro, id est per quæcunque sacra adjuro vos ipse ego Paulus.

Nota quod ait *ipse ego*. Dicebant enim Corinthii quod, quandiu Paulus præsens fuit, illis humiliter satis, et non ad læsionem alicujus quidquam locutus fuit, timens fortassis; nunc vero absens imperiose minabatur eis, ac si potestatem imperiale haberer in eos. Propterea ait: *Ego ipse Paulus nunc imperiose agens, qui olim humilius, obsecro vos per mansuetudinem et modestiam Christi*. Mansuetudinem dicit, ubi gratis sine judicio omnia dimisit. Modestiam dicit, quia cum ageret judicio, modeste judicabat, condiens æquitatem misericordia. Per mansuetudinem utique et modestiam Christi obsecro vos ego Paulus, qui humilius quidem, et omnia patiens existimor fuisse inter vos; quæ humilitas quidem, secundum quod opinamini, in facie fuit, et non in corde: simulabam enim extra humilitatem intus fo- cendo superbiam. Dum præsens fui secundum vos

A humilis eram; sed modo *absens confido*, id est confidenter et imperiose ago in vobis, quod quasi non auderem in aliis Ecclesiis. Non solum quasi postulans obsecro, sed quasi rem debitam exigens *rogo*, ne præsens audeam, id est: sic vos corrigere studeatis, ne, cum præsens fuero, audeam, id est secundum vos audacter præsumam. Audeam dico in, id est contra, quosdam adhuc incorrectos agere per eam confidentiam, id est tam confidenter et potestitive, qua confidentia existimor a quibusdam absens per epistolam audere.

189 *Contra quosdam dico, qui arbitrantur tanquam nos ambulemus secundum carnem. Ambularet Paulus secundum carnem, si vel amore temporalium, que ab eis acciperet, parceret eisdem. Vel si male*

B sibi conscient timeret pati pro Christo. Bene dixi tanquam; nos enim vere non militamus secundum carnem. Militiam vocat suam prædicationem. Diceret aliquis: Tu quidem aliquid singulare donum Dei habes: quo ita possis egredi carnem: quod donum quia non habemus, necesse est carnem sequi. Contra hoc ait: Non militamus secundum carnem. Nos utique ambulantes in carne; similiter enim ut vos onus carnis patimur; et tamen eam superamus. Vere non militamus secundum carnem: nam arma militiæ, id est prædicationis, et omnis vitæ nostræ, non sunt carnalia. Arma militiæ vocat miracula, per quæ prædicationem suam confirmabat. Arma dicit etiam virtutes, et quæcunque bona opera. Arma militiæ nostra non sunt carnalia: si enim carnem sequemur, profecto arma illa statim nos deserent; sed arma nostra sunt potentia Deo, id est per Deum, vel ad gloriam Dei. Potentia sunt ad destructionem munitionum; ut facile per hæc arma destruamus quælibet munitissimas hæreses, vel philosophicas rationes. Vere arma nostra sunt potentia destruere. Nam etiam in actu sumus destruentes: ubi actus est, potentia abesse nequit. Littera tamen ibi jungitur. Non militamus secundum carnem; nos, dico, destruentes consilia, id est exquisitas rationes. Destruentes etiam omnem altitudinem physicalis scientiæ, ex excellentem se adversus scientiam Dei; ut illos qui per naturæ legem opponunt non potuisse virginem parere, mortuum resurgere; nec solum destruentes, sed etiam redigentes omnem intellectum cujuscunque infidelitatis in captivitatem, quia superatis infidelibus deponunt jugum diaboli, et captivant se sub jugo Christi. Redigentes utique in captivitatem ducent eos in obsequium Christi: ut qui prius male obsequabantur diabolo, amodo bene obsequantur Christo. Quod ait omnem intellectum, omnem altitudinem, non quod singulos infideles converterit, sed quia de omni genere infidelitatis aliquos ad fidem traxit. Redigentes quidem in obsequium Christi: quod si aliqui sunt nolentes redigi, sumus habentes in promptu ulcisci omnem inobedientiam, id est apostolica auctoritate omnem inobedientem damnare. In promptu hoc habet, quia nec conscientia mala eum revocat, nec temporali mu-

nere seducitur. Diceret aliquis : Quandoquidem in promptu habes ulcisci, quare ergo non ulcisceris ? Ulciscar utique, non tamen modo, sed *cum impleta fuerit vestra obedientia*, id est, cum separavero de medio malorum per patientiam expectationis eos qui de vobis obedituri sunt fidei ex voluntate.

Diligerent intuenda est subtilis modestia Pauli, qui ultiorem reproborum differt, videns in hac sua expectatione electorum salutem. Si enim insultos pateretur reprobos, atque hac causa reus esset, hos tamen benigne patiendo judicat, ne cum lolio frumentum eradicet. Quia non secundum carnem militemus, probavi per hoc quod destruimus altitudinem mundanæ scientie, et rebelles captivamus in obsequium Christi; quæ rationes non adeo videntur singulis; sed modo videte et cognoscite idem, scilicet, quod *non ambulamus secundum carnem*. *Videte*, inquam, per ea quæ sunt secundum faciem, id est quæ sunt secundum corporalem visionem, et sine omni obstaculo videri possunt. Vel ita : Illos qui secundum faciem sunt, id est qui in facie se bonos simulant : intrinsecus autem lupi sunt, illos modo videte. Si quis pseudo, confudit non Deo sed sibi : præsumptor enim est non electus ; si quis, inquam, confidit sibi se esse Christi, id est quod ipse sit apostolus Christi, non *hoc solum*, sed *hoc iterum similiter cogitet*; nec inaniter, sed *apud se*, subtiliter discutiens : *quia sicut et ipse Christi est discipulus, ita et nos sumus*. Vere 190 sicut ipse est Christi, ita et nos. Nam nos sumus ita amplius eo. Quod sic ait : *Si aliquid amplius fuero gloriatus de potestate nostra*, qua incorrectos ab Ecclesia separare possum, et de cæteris apostolicæ potestatis : *quam potestatem dedit mihi Dominus*, sed vobis pseudo non dedit : utique mihi dedit in ædificationem vestram, id est ut vos in fide et virtutibus ædificarem, et non dedit in destructionem vestram, sicut male opinantur quidam, scilicet me destructorem Ecclesiæ : si, inquam, amplius gloriatus fuero, non erubescam inde; quia gloria mea vere major est.

Opponeret aliquis : Cum debeas ædificare, et non destruere, noli impatienter nos cogere, ne forte potius destruas quam ædifices. Contra hoc Paulus : Licit mihi opponatis quod, cum debeam ædificare, destruam; tamen scitote quia quales sumus per epistolæ absentes, tales erimus præsentes in facto ; et hoc ideo ut non existimer tanquam terrere vos absens per epistolæ. Tanquam terrere bene dicit : quia si minaretur absens quod implere formidaret præsens, hoc utique non esset terrere, sed tanquam terrere. Existimer ideo dico, quoniam quidem ipsi inquiunt. Epistolæ Pauli graves sunt, id est ponderosæ et multæ severitatis; et fortes, id est fortitudinem et quoddam imperium minitantes, sed præsentia corporis ejus infirma est. Contra hoc quod ait, fortes, et sermo præsentia ejus fuit contemptibilis, id est humilis satis et rudis : nunc autem gravis : ut, inquam, non existimer tanquam terrere vos : hoc cogitet qui hujus-

A modi est, id est qui me dicit contemptibilem et infirmum. Cogitet, inquam, quia quales sumus absentes, in verbo per epistolæ misso, tales erimus etiam præsentes, non solum in verbo, sed etiam in facto; quia quod per epistolam minamur, idem verbo et opere præsentes exercebimus. Vere quales sumus absentes verbo, tales præsentes erimus in facto. Non enim sumus de vestris pseudo, qui se impudenter inserunt, id est ingerunt, non missi a Deo, nec certe audemus nos inserere, ut (quod nobis commissum non esset) usurpemus illicite. Aut non audemus inserti a Deo nos comparare quibusdam, id est pseudo, qui non a Deo commendati seipsos commendant, commendatitias epistolæ hinc inde deferentes : bis non audemus nos comparare, ut mensuram officii nostri inexplicitam negligamus. Quidam enim ex electione regulariter inserti, postea perverse agendo, perversis secomparant. Non ausi sumus inserere nos ; sed ipsi sumus metientes nosmetipsos in nobis, ut mensuram a Deo nobis traditam non excedamus : quod alienum est usurpando, ut illi qui se inserunt. Sumus etiam nosmetipsos comparantes nobis : nihil injuncti officii linquentes inexplicitum. Comparantes nos nobis, non subsistentes intra propositam metam. Et licet metiamur et comparemus nos nobis, tamen nos non gloriabimur in immensum. Vel potest hucusque constructio duci, non supplendo sumus ita. Nos metientes et comparantes nos nobis non gloriabimur. Nos autem qui utique digne possemus, non gloriabimur in immensum, sed gloriabimur secundum mensuram regulæ, qua me et subditos idonee regulavi. Tunc fortasse diceret aliquis : Hanc mensuram tibi usurasti. Contra quod Paulus : *Quam mensuram mensus est nobis Deus*. Iterum ille sed non usque ad nos. Mensuram utique dico pertinendi usque ad vos. Et vere perlingimus usque ad vos. Non enim superextendimus nos quasi qui non sumus pertingentes ad vos secundum mensuram nobis a Deo mensuratam. Vere non superextendimus nos. Nam usque ad vos ex mensura Dei pervenimus in Evangelio Christi, prædicando. Opponeret iterum : Ingressus es in alienum laborem. Contra hoc ait : Pervenimus ad vos, non gloriantes in alienis laboribus, id est super alienum fundamentum non ædificavi, non gloriantes dico; et non in immensum duplicanda est illa negatio ; vere pervenimus usque ad vos. Nam etiam ultra vos, quod sic ait : 191 Non in immensum gloriantes, sed habentes spem crescentis fidei vestræ, id est, per crescentem fidem vestram magnificari in vobis : viso enim fructu fidei vestræ dicetur : Magnus est doctor et institutor fidei hujus. Magnificari dico in vobis secundum regulam nostram, id est, secundum hoc quod ex omni æquitate regulavimus vitam vestram, magnificabimur in vobis. Spem etiam habentes evangelizare in illa loca quæ ultra non sunt ; et hoc in abundantia. In multis enim locis evangelizabo. Vel evangelizare in abundantia signorum et sermonis : et non habentes spem gloriari in aliena regula, id est, in alieno regimine : scilicet, in his locis quæ præparata, id est

evangelizata sunt ab aliis apostolis. Ego nolo gloriari **A** in aliena regula. Similiter autem quicunque gloriatur, videat ut gloriatur in Domino, mensurante sibi: nec temere sibi usurpet, quod Deus alii mensuravit. Omnem utique gloriante oportet gloriari in mep-
sura Domini. Non enim ille qui seipsum commendat, id est, qui se sine Deo alterius ingerit regimini, ut pseudo, ille utique non est approbatus a Deo, sed ille quem commendat, et cui propriam mensuram distribuit.

CAPUT XI.

Utinam sustineretis modicum quid insipientia meæ, sed et supportate me. Amulor enim vos Dei æmulatione. Despondi enim vos uni viro virginem castam exhibere Christo. Timeo autem ne, sicut serpens Evar seduxit astutia sua (Gen. iii. 4), ita corrumpter sensus vestri, et excidant a simplicitate quæ est in Christo Jesu. Nam si is qui venit, alia Christum prædicat, quem non prædicavimus, aut alium spiritum accipitis, quem non accepistis, aut aliud Evangelium, quod non recepiatis, recte pateremini. Existimo enim nihil me minus fecisse a magnis apostolis. Nam etsi imperitus sermone, sed non scientia, in omnibus autem manifestus sum vobis. Aut nunquid peccatum feci, meipsum humilians, ut vos exaltemini? Quoniam gratis Evangelium Dei evangelizavi vobis. Alias Ecclesias expoliavi, accipiens stipendium ad ministerium vestrum, et cum essem apud vos et egerem, nulli onerosus fui. Nam quod mihi deerat, supplerent fratres qui venerunt a Macedonia, et in omnibus sine onere me vobis servavi, et servabo. Est veritas Christi in me, in quoniam hæc gloria non infringetur in me, in regionibus Achajæ. Quare? Quia non diligo vos? Deus scit. Quod autem facio et faciam, ut amputem occasionem eorum qui volunt occasionem, ut in quo gloriatur, inveniantur sicut et nos. Nam ejusmodi pseudoapostoli sunt operarii subdoli, transfigurantes se in apostolos Christi. Et non mirum. Ipse enim Satanus transfiguratur se in angelum lucis. Non est ergo magnum si ministri ejus transfigurantur velut ministri justitiae; quorum finis erit secundum opera ipsorum. Iterum dico: ne quis putet me insipientem esse. Alioquin velut insipientem accipite me, ut et ego modicum quid glorier. Quod loquor, non loquor secundum Deum, sed quasi in insipientia, in hac substantia glorie. Quoniam multi gloriabantur secundum carnem, et ego gloriebor. Libenter enim suffertis insipientes, cum sitis ipsi sapientes. Suscitinetis enim si quis vos in servitatem redigit, si quis devorat, si quis accipit, si quis extollitur, si quis in faciem vos cædit. Secundum ignobilitatem dico, quasi nos infirmi fuerimus in hac parte. In quo quis audet (in insipientia dico), audio et ego. Hebrei sunt, et ego. Israelite sunt, et ego. Semen Abraham sunt, et ego. Ministri Christi sunt, et ego. Ut minus sapiens dico, plus ego. In laboribus

plurimis, in carcerebus abundantius, in plagiis supra modum, in mortibus frequenter. A Judæis quinque quadragenadas una minus accepi. Ter virgines cœsus sum. Semel lapidatus sum. Ter nisi fragiū feci. Nocte et die in profundo maris sum, in itineribus sæpe, periculis fluminum, periculis latronum, periculis ex genere, periculis ex gentibus, periculis in civitate, periculis in solitudine, periculis in mari, periculis **192** in falsis fratribus: in labore et æratura, in vigiliis multis, in fame et siti, in jejuniis multis, in frigore et nuditate: præter illa quæ extrinsecus sunt, instantia mea quotidiana, sollicitudo omnium ecclesiærum. Quis infirmatur, et ego non infirmor? Quis scandalizatur, et ego non uxor? Si gloriari oportet, que infirmitatis meæ sunt, gloriabor. Deus et Pater Domini nostri Iesu Christi scit, qui est benedictus in aeternis, quod non mentier. Damasci præpositus gentis Areæ regis custodiebat civitatem Damascenorum, ut me comprehenderet (Act. ix, 24), et per secessum in sporta dimissus sum per murum, et sic effugi manus ejus.

EXPOSITIO.

Dico qui gloriatur, gloriatur in Domino, et sustineretis modicum quod insipientia meæ, id est patienter ferentes aliquantulum meæ gloriacionis, quæ secundum reprobos insipientia dicitur, quod utique verum concederem, si per hoc gloriaria meam quererem, sed per commendationem mei hoc soluia intendo, ut vos ab errore pseudodoctorum retraham. Quare dicitur quidem insipientia, sed non est insipientia. Dico quasi postulans, utinam sustinereis: non hoc modo; sed etiam præcipio, supportate me, non contradicentes imperio meo, ut filii patrem, discipuli doctorem. Me utique supportare debetis, ego enim amulor vos, id est ferventi motu animi diligo: et hoc æmulatione, id est dilectione, von mei, ut vos mihi ascribere velim, sed æmulatione Dei; quia Dei solius vos esse volo. Tractum est a similitudine ejus qui sponsam alterius diligit non sibi ipsi, sed ad utilitatem et honorem sponsi: sicut Joannes, quando sponsus Ecclesæ, id est Christus esset putatus dilexit Ecclesiam, id est sponsam non sibi, sed sponso Christo dicens: Qui sponsam habet, sponsus est; amicus autem sponsi stat et audit eum (Joan. iii, 29). Amulatio dicitur motus animi sive ad iram, sive ad amorem. Vere æmulatione Dei amulor vos: ego enim despondi vos. Hæc desponsatio Ecclesie incipiens a baptismo durat usque ad diem resurrectionis omnium: in quo Ecclesia pupilli tradetur sponso suo Christo, recipienti tunc eam in amplexibus: quam a principio fidei subarrahavit annulo Spiritus sancti. Despondi atque vos sis; et si noi, ergo non mihi. Et nisi sis, id est qui vir legitimus; non sicut ille de quo dictum est: Hic quem nunc habes, non est tuus vir (Iacob. iv, 18). Despondi vos nipi viro exhibere, id est ut exhibeam vos illi uni viro Christo virginem, id est incorruptos actu peccati. Virginem dico castam id est carentem

estu, quod nec voluntate consentiat iniquitati. Ego quidem volo vos exhibere Christo; sed timeo ne, sicut serpens astutia sua seduxit Evans (Gen. iii. 4), ita sensus vestri seducti corrumpantur ab istis pseu-
do, et corrupti excidant a simplicitate fidei, que simplicitas est in Christo Jesu. Fides enim Christi in simplicitate consistit, non in versuta duplicitate infidelitatis.

Valde Corinthios deprimit, dum eos comparat Evæ, doctores vero eorum venenato serpenti. Timeo ne corrumpantur. Ne autem corrumpamini ab eis, non debetis eos pati. Nam si is, id est pseudo, qui venit a se, non a Deo. Vel qui venit, id est qui venditur, vobis (hic enim prædicationem suam optime venditat); si is, inquam, prædicat alium Christum, quem nos non prædicarimus vobis; aut si ab eo ac-
cipitis alium Spiritum, quem non accepistis a nobis; aut si ab eo recipitis aliud Evangelium, quod Evan-
gelium non recepistis a nobis, si hæc, inquam, es-
sent, tunc recte pateremini eum; sed quia alium Christum non prædican, Spiritum sanctum non tribuunt quem a nobis accepistis, et aliud Evan-
gelium non prædican; ideo a vobis patiënti non sunt. Eos utique pati non debetis, sed me; quia (ut de illis sileam) existimo me nihil minus fecisse per quod minus separatus sim a magnis apostolis, id est a Petro, et ab illis qui videbantur esse columnæ; de quorum magisterio hi pseudo (falso tamen) se mihi præterunt, quia nec illorum discipuli sunt. Hic callide respondet eis qui objiciebant ei quod, quia non esset apostolus, non acciperet sum-
ptus de prædicatione, ut Petrus et alii. Nihil 193 utique minus illis feci: nam etsi visus sim vobis imperitus sermone, quia simpliciter locutus sum vobis, tamen scitote quod non sum imperitus scientia. Sed quid hoc dico? vobis autem in omnibus tam scientia quam sermone sum manifestatus in nullo esse imperitus. Vere nihil minus magnis apostolis feci, quia etiam plus illis. Et hoc latenter dicit, quasi sub quadam minoritate sui redicens, hoc modo dicens: Aut nunquid peccatum feci, humilians me ipsum, subripiendo mihi id quod jus prædicationis exigit, ut vos per meam humiliationem exaltemini? Nisi enim me ita humiliarem, nihil accipiendo, ma-
luissetis verbum Dei respuere, quam mihi ministrare. An, inquam, peccavi, quoniam gratis, id est nihil accipiendo a vobis, evangelizavi vobis Evangelium Dei?

Quærerent illi: Unde ergo vixisti? Ait: Ego qui-
dem expoliavi alias ecclesias, accipiens ab illis sti-
pendium ad ministerium vestri, id est ad admini-
strandum vobis Evangelium. Iterum illi: Forsitan nullo indigebas. Et ille: Cum essem apud vos, et pro-
certo omnibus egerem, nulli tamen vestrum fui one-
rosus. Ubi ait onerosus, plurimum eos de avaritia arguit. Iterum illi: Unde ergo supplebas egestatem? Bene ait Paulus: Nam quod mihi deerat, fratres qui vene-
runt a Macedonia supplerunt, et ita in omni-
bus tam vestimento quam victu servavi me vobis sine

A onere, et similiter servabo de cætero. Et in hoc quod me revera sic servabo, veritas Christi est in me. Quasi diceret: Per veritatem Christi sic me servaturum assero. Veritas, inquam, Christi est in me, de hoc quoniam, id est quod hæc gloria, scilicet, quod sic me servabo, non infringetur in me haec gloria: non tantum in Corinþo, sed nec in regionibus Achaiæ. Iterum sic agis, quia nobis inimicari. Contra hoc Paulus: Non utique infringetur; sed quare? Dicetis me ideo facere, quia non diligo me? Deus scit quia vos diligo: sed quod facio et faciam, nihil scilicet accipiendo, hoc ideo facio, ut ampu-
tem occasionem eorum pseudo, qui a me volunt habere occasionem accipiendi; quia, si ego acciperem, tunc et illi. Amputem dico ut illi inveniantur aut B et nos, nihil accipientes: in quo tamen facere aliquid sicut nos valde gloriantur, licet nos persequatur. Vel ita: Ut amputem occasionem pseudo, qui volunt occasionem accipiendi in quo gloriantur, id est in accipiendo: nou enim querunt aliam gloriam, nisi ut aliqui, qui eliciant in eo inveniantur sicut nos nihil accipientes. Intuenda est subtilitas Pauli. Si enim Paulus acciperet, continuo et illi; postquam autem de bonis eorum viverent, auctoritatē viderentur habere prædicandi eis: quod si ex autoritate prædicarent, procul dubio fidem eorum corrumperent: et in hunc modum similitudo Pauli detrimentum esset corruptionis Corinthiorum. Dicet aliquis: Tu dicas ut inveniantur sicut et nos, pos-
suntne pseudo inveniri similes nobis? Utique et C Paulus: Nam hujusmodi pseudoapostoli sunt aduloli operarii, in eo quia, transfigurantes se in apostolos Christi, accipiendo si illi accipiant, abstinendo si illi abstineant, et in cæteris. Et non est mirum in apostolos Christi sese transfigurant, quia ipse Satanas, caput eorum, plerunque transfiguratur in angelum lucis; et quia Satanas transit in angelum lucis, ergo non est magnum admirandum si ministri Satanae, id est pseudo, transfigurantur facti veluti ministri justitiae; finis quorum et ministrorum Satanae et ministrorum justitiae erit secundum opere ipsorum.

Gloriatus est superius de apostolatu suo, tradidit sibi a Deo; gloriatus est etiam de hoc quod plus omnibus laboravit, gratis evangelizando Evan-
gelium Dei, et de cæteris, in quibus utique juste pos-
terat gloriari; nunc vero transit ut referat quodan-
secundum carnem de gloria generis, quod tamen (sicut aperte innuit) nullam intelligit gloriam; sed tamen necesse erat ut de carnalitate generis gloriatur. Cum enim pseudo de hujusmodi se extollerent nisi Paulus idem haberet, gloriarentur sibi esse pri-
vilegium quod Paulo decesset, et 194 sic insipientium Corinthiorum fidem facilius subverterent, quam gloriam Pauli; dum in se esse ostendit, nihilque sibi conferre, vituperat eos qui de hac re gloriatur in qua fructus non est. Littera sic jungitur: Dixi superioris: Utinam sustineretis insipientiam meam; nunc iterum de eodem dico, ne quis me patet

insipientem esse, de præmissa gloriacione. *Alioquin*, A id est si propter præmissam gloriam insipientiae me arguitis, nunc *accipite me velut insipientem*, dum de carnalitate gloriior, quæ longe præmissa gloria est inferior. Dicit *velut insipientem*: non enim judicandus est vere insipiens, quia gloriando de carnalitate non querit in hoc gloriam suam, sed solam Corinthiorum ædificationem, quod palam est in eo dum idem reprobatur carnis gloriam. *Accipite me velut insipientem*, ut sicut pseudo sic et *ego glorier*, id est referam de gloria carnis: quod, scilicet, hoc modo gloriari, *modicum* quid est, nec vere gloriæ immorandum. Bene dico *insipientem*; quia *quod loquor de gloria carnis, non loquor secundum Deum*, apud quem humilitas commendatur: carnis gloria deprimitur, sed *quasi in insipientia* hoc loquor. *Quasi* dicit, quia non vere insipiens, dum non veram esse credit carnis gloriam. Loquor quidem in insipientia immorando in *hoc*, id est carnali gloria, ubi est *substantia*, id est in qua subsistere et pedem figere debemus. Et hoc ironice: quia in gloria carnis nullo modo subsistendum esse intelligit. Diceret aliquis: Cum gloria carnis non sit secundum Deum, quare in hac immoraris? Ideo utique *quoniam multi*, id est pseudo, *gloriantur secundum carnem*, ideo et *ego gloriabor*, id est pauca referam de eadem gloria. Gloriabor, tum quia multi sic gloriuntur, præterea *quia vos suffertis*, id est grave onus eorum portatis. Suffertis, dico, *insipientes*, id est illos pseudo, in insipientia gloriantes. Suffertis, dico, *libenter*, id est a nullo coacti, quia sic libet vobis, *cum sitis ipsi sapientes*, ironice, id est cum vobis arrogetis sapientiam, male consonat hoc quod suffertis eorum insipientiam. In quibus illos sufferant exsequitur, dicens: Utique suffertis, *sustinetis enim si quis illorum pseudo redigit vos in servitatem*, id est cogit desertere sibi ut servos: *Si quis etiam eorum devorat bona vestra*. Illi enim pseudo voraciter res eorum consumebant. Sustinetis etiam *si quis eorum accipit*, id est capit vos ad se dolo, id est si quis vos decipit. *Si quis etiam eorum extollitur*, dicendo se de genere Abrahæ, vos autem canes; hæc duo, *decipere et extolli*, opportuna erant ad devorandum bona eorum et ad redigendum eos in servitatem.

Sustinetis si quis extollitur, et *si quis* se extollendo *cedit vos*, id est improperat vobis quod incircumciisi estis, et hujusmodi. Cædit, dico, non in absenso, sed in faciem, id est in oculis vestris presumit improperare vobis. Cædit vos, dico, secundum ignobilitatem generis, quam improperat vobis. Illos utique sustinetis; nos autem minime *quasi fuerimus infirmi in hac parte*, id est impotentes gloriari secundum carnem. Sed non sumus in hoc infirmi; quia in quocunque aliquis eorum audet gloriari, audeo similiter ego. Ubi ait *audet et audeo*, notat potius præsumptionem esse quam veram gloriam. Et quod dico, *ego audeo*, hoc dico in insipientia, sapientia enim admonet, neque se præferre, neque

B alium deprimere. Vere in quo audet quis, audeo et ego. Nam si illi sunt Hebræi, id est Hebraica lingua diserti, et *ego* similiter. Hebrei dicuntur ab heber, prudentia, cuius haec lingua reservata est. Si illi iterum gloriantur quod sunt Israelitæ, et *ego* similiter Israelita sum. Hebræi et Israelitæ possent esse, nec tamen de Abraham, ut proseliti, qui a gentilitate in circumcisionem transibant. Ideo addidit: Si illi sunt semen Abrahæ secundum carnem, similiter et ego.

Postquam in gloria generis se contulit illis, transit ad gloriam ministerii; non enim 195 sufficeret illis posendo in veteribus gloriari, nisi etiam gloriarentur in discipulatu Christi. Unde sic ait: Si gloriabantur quod sunt ministri Christi, prædicantes Christum, et *ego* similiter administro Christum. *Dico et ego*; plus etiam ego sum minister Christi quam illi. Et hoc dico ut minus sapiens, dum me præfero, illos humilio. Quod ait plus ego, exsequitur ita per partes: Ostensus sum plus esse minister Christi, in laboribus pluribus, quos, et manibus laborando, et immensis periculis sustinendo, saepius illis pertuli. Abundantius etiam ostensus minister Christi in carceribus, quam illi, qui, ut viderentur apostoli Christi, quandoque se patiebantur incarcерari. Ostensus etiam minister Christi in plagiis supra modum humanæ virtutis toleratis. Et frequenter ostensus minister Christi in mortibus, id est in poenis quæ mortem cuicunque inferre sufficerent, et mihi secundum hominem, nisi quia Spiritus sanctus reservabat me. Plagas enumerat dicens: In plagiis bene dico; a Judæis enim accepi quadragenas, id est quadraginta percussionses minus una (Deut. xxv, 3). Nec hoc semel, sed quinques, id est quinque vicibus.

D Traditio Judæorum sic habebat, ut aliquis contra Synagogam agens quadraginta ictibus puniretur, si immisericorditer contra eum agerent; sed si misericordes essent, de quadraginta quot vellent, ictus dimittere possent. Modo quia Paulum a verbo prædicationis compescere nequibant, secundum ritum suum ducebant in Synagogam: et ne penitus immisericordes arguerentur, unum ictum crudeli astutia relaxabant adhuc de plagiis. Ter etiam apud gentiles in Macedonia cæsus sum virgis (Act. xvi, 22). Semel ab Ephesiis lapidatus sum (Act. xiv, 18), quando pueram a Pythonico spiritu liberavi (ibid., 9). Ter etiam feci naufragium, id est ter in mari naufragatus sum. Nocte etiam et die in profundo maris sui. De hoc non legitur, sive, quemadmodum Jonas, in mare demersus sit ibique a Deo reservatus, sive in profundo, id est in medio alti maris dici et noctis continuum passus sit naufragium. Hæc naufragia patiebatur, dum ad prædicandum transiret navigio. Ostensus etiam plus minister Christi in itineribus saepe. Periculis, id est per pericula fluminum, quorum impetus passus sum, et per pericula latronum verberantium et spolianantium me. Et per pericula ex genere meo, id est quæ a Judæis patiebar. Et per pericula ex gentibus, id est quæ patiebar a gentilibus.

Et per pericula in civitate s^epe mihi illata; et per pericula latronum vel bestiarum in solitudine tolerata, dum causa prædicationis nemora pertransirem; per pericula etiam prætermissa in mari s^epe tolerata, per pericula etiam quæ in falsis fratribus s^epe pertuli; per hæc omnia præmissa ostensus sum plus esse minister Christi quam illi. Ostensus sum etiam minister Christi in labore et æratura, id est in erumnoso labore, quando febres vel aliquos morbos patiebar, et me tamen laborare oportebat. In labore, dico, etiam habito in multis vigiliis; quia, cum tota die prædicasset, nocte laborabat unde vivebat. Vel orationi plerumque invigilabat. Ostensus sum etiam minister Christi, in fame et siti, et in jejuniis multis, modo sponte, modo penuria toleratis. Ostensus sum etiam minister Christi in frigore et nuditate; quia, si frigus me cogebat, nuditas erat quæ frigus sovebat. Hæc de quibus modo gloriatus sum, in corpore pertuli; sed præter illa quæ extrinsecus, id est in corpore sunt tolerata, est aliquid quod me vexat interius, scilicet, quotidiana sollicitudo omnium Ecclesiarum, id est quod omni die sollicitus sum de statu totius Ecclesiæ. Hæc sollicitudo est mea instantia, id est assidue mihi instat, et pungit, et graviter me stimulat. Plus est instantia quam sollicitudo. Instantia enim vexatio dicitur corporis et animi; sollicitudo solius animi.

Vere pro omnibus sollicitus sum, quia quis fratum infirmatur, cadens in peccatum, vel etiam per **196** morbum corporis, et ego statim non infirmor, id est non judico infirmitatem ejus meam esse condolendo. Et quis fratum scandalizatur vel in cibo, vel in aliquo alio, et ego statim non uror, id est propter scandalizatum fratrem anxietate animi non comburor? Gloriatus sum in præmissis de his quæ sunt mæx intirmitatis: et adhuc de eisdem gloriabor, si me gloriari oportet, sicut revera necesse est ut deprimantur psuedo, et aedificetur Ecclesia. Et in his de quibus gloriatus sum et gloriabor, Deus scit quod in nullo horum mentior: qui est Deus et Pater Domini mei Iesu Christi: et per Jesum Christum familiaris mihi: qui Deus est benedictus in sæcula per Christum Jesum; et per meam prædicationem. De hoc, inquam, non mentior, quod Damasci, id est apud Damascum præpositus illius gentis, præpositus dico Aretæ regis, id est sub Arcta rege, qui ibi imperavit, hic præpositus, conductus prece et pretio Judæorum, custodiebat civitatem Damascenorum, ut me comprehenderet. Paulus enim baptizatus ab Ananias, aliquandiu remoratus Damasci, affirmabat ibi in Synagoga, quoniam hic est Christus (*Act. ix, 22-24*), etc. Quo zelo commoti Judæi convenerunt cum judice urbis, ut Paulus comprehendenderetur, qui reus esset. Præpositus volebat me comprehendere, et ego per fenestram in sporta demissus sum a fratribus per murum (domus enim in qua hospitabatur, hærebat muro), et sic effugi manus ejus præpositi (*Act. ix, 25*). Non effugit ut reformidaret pati pro nomine Christi; sed ut impleretur quod vox divina

A dixerat de eo: « Vas electionis est mihi iste, ut portet nomen meum coram regibus et filiis Israel (*Act. ix, 15*). » Ego enim ostendam illi quanta oporteat eum pro nomine meo pati.

CAPUT XII.

Si gloriari oportet (non expedit quidem), veniam autem ad visiones et revelationes Domini. Scio hominem in Christo ante annos quatuordecim, sive in corpore, sive extra corpus, nescio, Deus scit, raptum hujusmodi usque ad tertiam coelum. Et scio hujusmodi hominem, sive in corpore, sive extra corpus, nescio, Deus scit, quoniam raptus est in paradisum, et audivit arcana verba quæ non licet homini loqui. Pro hujusmodi gloriabor: pro me autem nihil, nisi in infirmitibus meis. Nam et si voluero gloriari, non ero insipiens. Veritatem enim dicam. Parco autem, ne quis me existimet supra id quod videt in me, aut audit aliquid ex me. Et ne magnitudo revelationum extollat me, datus est mihi stimulus carnis mæx, angelus Satanae, qui me colaphizet. Propter quod ter Dominum rogavi ut discederet a me, et dixit mihi: Sufficit tibi gratia mea; nam virtus in infirmitate perficitur. Libenter igitur gloriabor in infirmitibus meis, ut inhabitet in me virtus Christi. Propter quod placebo mihi in infirmitibus meis, in contumeliis, in necessitatibus, in persecutionibus, in angustiis pro Christo. Cum enim infirmor, tunc potens sum. Factus sum insipiens; vos me coegistis. Ego enim a vobis debui commendari. Nihil enim minus feci ab his qui sunt supra modum apostoli. Tamen nihil sum, signa tamen apostolatus mei facta sunt super vos in omni patientia, in signis et prodigiis, et virtutibus. Quid est enim quod minus habuistis præ ceteris Ecclesiis, nisi quod ego ipse non gravavi vos? Donate mihi hanc injuriam. Ecce tertio hoc paratus sum venire ad vos: et non ero gravis vobis. Non enim quære quæ vestra sunt, sed vos. Nec enim debent filii parentibus thesaurizare, sed parentes filii. Ego autem libetissime impendam, et superimpendar ego ipse pro animabus vestris; licet, plus vos diligens, minus diligar. Sed esto. Ego vos non gravavi, sed cum essem **197** astutus, dolo vos cœpi. Nunquid, per aliquem eorum quos misi ad vos, circumveni vos? Rogavi Titum, et misi cum illo fratrem. Nunquid Titus vos circumvenit? Nonne eodem spirito ambulavimus, nonne eidem vestigis? Olim putatis quod excusemus nos apud vos? Coram Deo in Christo loquimur. Omnia autem, charissimi, propter sedificationem vestram. Timeo enim ne forte, cum venero, non quales volo inveniam vos, et ego inveniar a vobis, qualem non vultis, ne forte contentiones, æmulationes, animositates, dissensiones, detractiones, susurrations, inflationes, seditiones, sicut inter vos, ne iterum, cum venero, humiliet me Deus apud vos, et lugeam multos ex his qui ante peccaverunt, et non egerunt peni-

« tentiam super immunditia et fornicatione, et im-
« pudicitia quam gesserunt. »

EXPOSITIO.

Gloriatus sum superius de meis infirmitatibus. Si iterum *gloriari oportet* (sicut utique propter pseudo opportunum est. Interpositio), si oportet, non expedit quidem, id est me in nullo facit expeditum hæc gloria. Si, inquam, oportet, *veniam ad visiones*, etc.; aut jungitur ibi: Licet quantum ad me non expedit, tamen *veniam ad visiones et revelationes Domini*, et in illis gloriabor. Visiones dicit et revelationes, quia quod vidit revelatum est ejus cognitioni; sed quidam habuerunt visiones, ut Pharaon et Nabuchodonosor, nec tamen visionum revelationes. Nunc de se loquendo per tertiam personam, visiones enarrat, dicens: *Scio hominem* (me scilicet) positum in Christo, raptum, etc.; et hoc factum est ante annos quatuordecim, nunc transactos. Quod tot annis retinuit, nondum aperiret, nisi contemptus sui ministerii eum vehementer urgeret. *Raptum, sive in corpore nescio, sive extra corpus raptum, nescio, Deus scit.* Si Paulus in corpore raptus est ad hanc visionem, corpus quidem localiter motum non est; sed anima, quæ in carne premitur, incarcerata mole carnis, ita ut nihil sentiat, nisi prius aliquo sensu corporeo excitata, anima quidem hujus ita expedita fuit in tempore ejus revelationis ut nihil sentiret carneæ molis; ipsum autem corpus ita creditur temperatum ut nullo pondere sui agilitatem animæ perturbaret. Si vero extra corpus anima quidem, libera pondere carnis, quo Deus voluit, potuit duci, sed sive alio ducta sit, sive ibidem subsisterit, nihil impedit, quia postquam non sensit molem carnis ex voluntate Dei, videré potuit eum quem in futuro videbit sicuti est. *Hominem hujusmodi scio raptum usque ad tertium cælum*, id est usque ad tertii ordinis visionem. Visio cælum dicitur, quia pluribus celatur, paucis aperitur. Primum cælum, id est prima visio dicitur, qua Deus corporaliter ostendit aliqua secreta; ut Gedeoni in sicco vellere et madida area (*Jud. vi, 38*), et Machabæis qui viderunt ignitas acies in aere, præfigurantes bellum (*II Mach., v, 2*). Secundum cælum, id est secunda visio est quando, non per rem corpoream, sed per imaginem aliiquid ostenditur, ut beato Petro imagines omnium reptilium ostensæ sunt, quando dictum est ei: « Macta et manduca (*Act. x, 11*); » quarum imaginum res ibi non erant. Tertium cælum, id est tercia visio dicitur illa, a duabus prædictis diversa, quando neque per rem, neque per imaginem rei ostenditur; sed sicuti proprietas rei est, simplici veritate aperitur. Et hoc tertio modo manifesta sunt Paulo arcana Dei, non per rem, neque per imaginem.

Vel aliter: Sicut Dionysius Areopagita novem ordines angelorum in tres redigit, angelos, archangeli, virtutes dicens primum esse ordinem; principatus, potestates, dominationes secundum; thronos, Cherubim et Seraphim, dicens ordinem certium. Et

A in quanta perfectione hic tertius ordo intuetur Deum, tam perfecte Paulus vidit et cognovit arcana Dei. Vel aliter: Ut dicamus primum **193** cœlum corporeas cœli creaturas, solem, lunam, etc.; secundum cœlum, incorporeas, ut angelos; tertium cœlum, divinam essentiam, ad cuius cognitionem raptus est Paulus. Scio etiam hominem hujusmodi, *sive in corpore sive extra corpus, nescio, Deus scit;* hoc scio quoniam, id est quod, *raptus est in paradisum*, id est in tam deliciosam quietem mentis ut nihil sentiret carneæ molis. Paradisus enim dicitur hortus deliciarum. Et hic homo, ita raptus, *audivit arcana verba quæ non licet homini loqui*, id est quæ, juxta quod homo est, nemo intelligere sufficit. Dicit beatus Augustinus hæc arcana esse quod vidit, quomodo Trinitas in Unitate, Unitas esset in Trinitate. Et pro ejusmodi homine qui sic raptus audire meruit gloriabor, sed pro me, id est secundum vires meas nihil unquam gloriabor, nisi in meis infirmitatibus. Ideo dico gloriabor. Nam et si voluero gloriari, sive in revelationibus illis, sive in infirmitatibus meis, non ero insipiens. Ideo quia veritatem in omnibus dicam; sed neque hoc adhuc sufficit, ut de omni veritate liceat gloriari, addendum est quia et veritatem dicam, et ad ædificationem Ecclesiæ per hoc proficiam. Quod idem in sequentibus ponit: Et licet ita possim gloriari, tamen parvo, id est parce de gloria refero, ne forte quis existimet me esse supra id quod videt in me. Videt enim me hominem miseriis pressum; sed quia ex altera parte videt per me fieri miracula, putat de me supra humanitatem quam videt in me, ut illi qui voluerunt illi construere aras (*Act. xiv, 12*). Vel existimet de me supra id quod audit ex me, quem audit sitire, algere, cæteris miseriis subjacentem. Parco quidem gloriari, et bene facio, quia ne magnitudo revelationum extollat me in superbiam, *datus est mihi stimulus carnis meæ*, scilicet *angelus*, id est legatus *Satanæ*, principis dæmoniorum; quem immisit ut me colaphizet, id est ut, si ex magnitudine revelationum erigere cervicam volo, colaphum incutiat tentatio; et sic quod *Satanas* intelligit ad poenam, disponit mihi Deus ad perfectionem.

Quidam dicunt per stimulum carnis, quascunque tentationes intelligi; alii solum temptationem libidinis. Propter quod, id est quia *Satanas* colaphizat me, *rogavi Dominum ter* (sicutum pro infinito) id est multipliciter, ut hic angelus discederet a me; et Dominus dixit mihi roganti: Quia ita tentaris, Paule, hoc est gratia meæ; et haec gratia sufficit tibi, id est est tibi sufficiens ad salutem; si enim haec gratia, scilicet custodia humilitatis, tibi decesset, omnis gratia tibi collata irrita foret. Hæc, inquam, gratia sufficit. Nam omnis virtus perficitur in infirmitate, bene tolerata. Virtus enim quæ habet infirmitatem contrariam, cum qua legitime certet ut postea corinetur, perfecta est. Hucusque verba Domini, nunc Pauli: Quia virtus perficitur in infirmitate, igitur libenter amodo gloriabor in infirmitatibus meis, ut

merito bene tolerate infirmitatis, *inhabitetur in me*. *Virtus Christi*, quam oportet in infirmitate perfici. *Propter quod*, quia per hoc inhabitabit in me virtus Christi, amodo bene *placeo mihi in infirmitatibus meis*, scilicet, in *contumeliis*, quas verbo et opere pro Christo gaudeo pati, et in *necessitatibus* victus et vestimenti, et in *persecutionibus* de loco ad locum fugatus, et in *angustiis* animi, his omnibus pro Christo toleratis. Ideo in infirmitatibus placeo mihi, *quia, cum infirmor in corpore, tunc merito, infirmitate carnis, potens sum spiritu*. Nunc multis modis gloriatus sum; et ita me commendando *factus sum insipiens*, sicut saepe dictum est, me extollens, alium deprimens; sed *vos coegistis me ad hanc insipientiam*. Vos utique me coegistis ut me commendarem. *Nam ego debui commendari a vobis quod, quia non fecistis, oportuit me facere*. Utique commendari debuissem **199** a vobis, *quia nihil minus fecit per quod separatus sim ab his qui secundum vos sunt apostoli supra modum meum*. Illi secundum *vos supra me sunt*; sed licet nihil sim reputatione vestra, *tamen signa apostolatus mei facta sunt super vos*, per quae revera apostolus esse conprobatur.

Facta dico in omni patientia apud vos habita, et in signis, curando claudos, illuminando cæcos; et in prodigiis, suscitando mortuos; et in virtutibus ut in curationibus febrium et hujusmodi. Vel, in virtutibus, humilitate, sobrietate et cæteris. Vere nihil minus illis feci, *quia quid est hoc quod habuisti minus cæteris Ecclesiis*, per quod illæ sint præ vobis, nisi hoc *quod ego ipse qui debuissem, non gravavi vos*, aliquid a vobis accipiendo? Ironice: *Donate mihi hanc injuriam*, quia injurias sui dum vobis indulsi, in quo nemo alias suis indulxit Ecclesiis. Et sicut in præterito non gravavi vos; ita de cætero non ero gravis vobis, ego qui *paratus sum venire ad vos*. *Ecce hoc tertio apparatu; ideo non ero gravis vobis*, quia non quæ *vestra sunt*, sed *vos ipsos*. Et *justo vestra non requiro, quia filii carnales non debent thesaurizare parentibus carnalibus, sed parentes filii*. Licet filii spirituales hoc debeant parentibus spiritualibus, sed ego non solum quæ spiritualis pater debet filiis; sed etiam omnem dulcedinem carnalis patris exhibeo vobis. Non quæ *vestra sunt*, sed ego *libentissime impendam vobis et spiritualia*: et si qua habuero carnalia quæ velitis; et super hoc etiam quod *impendam*, ipse ego *impendar pro animabus vestris*, id est paratus sum mori pro vobis salvandis, licet ego plus diligens vos, quia et spirituali et carnali lege minus diligar a vobis. Licet plus diligens vos, minus diligar a vobis, *tamen esto*, id est concedatur istud; non enim euro propter hoc insequi vos modo.

Objicietis iterum mihi, quod callide ne quid in propria persona a vobis acciperem me continui, ut per legatos meos callidius et amplius acciperem. Quod sic ait: *Ego quidem non gravavi vos* (sicut probatum est) accipiendo quidquam a vobis in pro-

A priora persona; sed dicetis hoc quod, *cum essem astutus et ex astutia ipse nollem accipere, dolo vos cepi*, id est dolose decepi vos, quod per me nolui, per alius a vobis extorquendo.

Vel aliter ut tota littera dicat hoc solum ita: Ego quidem (sicut ostensum est) non gravavi vos; sed esto, id est istud concedetis quod negare nequitis, scilicet quod ego non gravavi vos in propria persona. Sed tamen objicietis istud quod, *cum essem astutus, dolo vos cepi*. Sic dictum est: Non utique decepi vos, quia, si hoc facerem, per aliquem eorum quos misi, vos deciperem, sed per neminem eorum decepi vos. Quod sic ait: *Nunquid per aliquem eorum quos misi ad vos, circumveni vos?* Minime. Circumveniret, si discipulis suis injungent ut commendando se, quæcunque possent sibi callide congregarent. Vere per neminem eorum quos misi, circumveni vos. Nam neque per Titum, neque per alium. Quia sic ait: *Ego quidem rogavi Titum, ut iret ad vos, et cum illo misi fratrem*. Hic frater creditur fuisse Barnabas, qui frater et coadjutor erat prædicationis. Paulo enim et Barnabæ leguntur apostoli dedisse dextras societatis (*Gal. 11, 9*). Titum utique misi: sed, *nunquid Titus circumvenit vos?* Minime. Nonne ego et Titus *ambulavimus* in verbo Domini *eodem spiritu*, id est eadem voluntate, vel *eodem Spiritu sancto repleti?* Et nonne ambulavimus *iisdem vestigiis*, id est iisdem operibus; quod id et non aliud quam ego Titus operatus est? Sic enim vestigia indicia sunt ambulationis, sic opera voluntatis. Quod dico me nihil accepisse a vobis et cætera præmissa *olim*, id est ex quo incepit commendare, *putatis* quod per hanc commendationem quasi rei in aliquo *excusem nos* inde *apud nos*, id est quod hæc non loquamur secundum veritatem, vel ad instructionem vestri; sed ut sic tegamus culpam nostram. **200** Scitote autem quod quidquid loquimur, *coram Deo*, id est quasi in presentia Dei loquimur; si enim ipse Deus adisset, nihil eorum quæ dico timore falsitatis mutare oportet. Loquimur coram Deo nos positi in Christo; loquimur hæc non solum quia vera sunt; sed etiam propter *vestram ædificationem*, ut vos per hæc ædificati a pseudo non seducamini. O charissimi, ideo hæc omnia loquimur. Hic bene supplevit dicendo propter *vestram ædificationem*, quod supra deerat, ubi ait: Licet gloriari, veritatem enim dicam. Ideo autem ædificationi vestre tam studiose incumbo, *quia timeo ne forte* (quod facile contingere potest) *inveniam vos non quales volo*, id est incorretos, *cum venero*; et tunc *ego inveniar a vobis qualiter me invenire non vultis*, id est ex distinctione justitiae culpas vestras punientem. Hæc duo scilicet, ne inveniam vos non quales volo, primum exsequitur; deinde illud, ne inveniar a vobis qualem non vultis, dicens: Videte ne inveniam vos quales non volo, scilicet *ne forte* (ad quas leviter declinatis) *sint inter vos contentiones*, quod de benignitate baptizantium litigabant vicissim. Ne etiam sint emul-

C B D

scitum. Ceterum, si discipulis suis injungent ut commendando se, quæcunque possent sibi callide congregarent. Vere per neminem eorum quos misi, circumveni vos. Nam neque per Titum, neque per alium. Quia sic ait: *Ego quidem rogavi Titum, ut iret ad vos, et cum illo misi fratrem*. Hic frater creditur fuisse Barnabas, qui frater et coadjutor erat prædicationis. Paulo enim et Barnabæ leguntur apostoli dedisse dextras societatis (*Gal. 11, 9*). Titum utique misi: sed, *nunquid Titus circumvenit vos?* Minime. Nonne ego et Titus *ambulavimus* in verbo Domini *eodem spiritu*, id est eadem voluntate, vel *eodem Spiritu sancto repleti?* Et nonne ambulavimus *iisdem vestigiis*, id est iisdem operibus; quod id et non aliud quam ego Titus operatus est? Sic enim vestigia indicia sunt ambulationis, sic opera voluntatis. Quod dico me nihil accepisse a vobis et cætera præmissa *olim*, id est ex quo incepit commendare, *putatis* quod per hanc commendationem quasi rei in aliquo *excusem nos* inde *apud nos*, id est quod hæc non loquamur secundum veritatem, vel ad instructionem vestri; sed ut sic tegamus culpam nostram. **200** Scitote autem quod quidquid loquimur, *coram Deo*, id est quasi in presentia Dei loquimur; si enim ipse Deus adisset, nihil eorum quæ dico timore falsitatis mutare oportet. Loquimur coram Deo nos positi in Christo; loquimur hæc non solum quia vera sunt; sed etiam propter *vestram ædificationem*, ut vos per hæc ædificati a pseudo non seducamini. O charissimi, ideo hæc omnia loquimur. Hic bene supplevit dicendo propter *vestram ædificationem*, quod supra deerat, ubi ait: Licet gloriari, veritatem enim dicam. Ideo autem ædificationi vestre tam studiose incumbo, *quia timeo ne forte* (quod facile contingere potest) *inveniam vos non quales volo*, id est incorretos, *cum venero*; et tunc *ego inveniar a vobis qualiter me invenire non vultis*, id est ex distinctione justitiae culpas vestras punientem. Hæc duo scilicet, ne inveniam vos non quales volo, primum exsequitur; deinde illud, ne inveniar a vobis qualem non vultis, dicens: Videte ne inveniam vos quales non volo, scilicet *ne forte* (ad quas leviter declinatis) *sint inter vos contentiones*, quod de benignitate baptizantium litigabant vicissim. Ne etiam sint emul-

lationes, id est invidiae (quod alter alteri invidet), de merito baptizatoris; neve sint inter vos *animositates*, quod alter alterum cogebat agere causam coram infidelibus judicibus; neve ideo sint *dissensiones*; propterea enim discordia erat inter eos et odium; neve sint *detractiones*, quod bona proximi quae sunt detrahendo, mala quae non sunt imponatis; neve sint *susurrations*, id est occultae proximorum depravationes; neve sint *inflationes*, id est ne hic qui oculus est in Ecclesia, spernat eum qui pes est, ne forte pro hac inflatione sint inter vos *seditiones*, ut alter alterum verberibus praesumat affliger. Cavete haec non sint inter vos; ne iterum cum teneo, iterum *humiliet*, id est affligat me Deus apud vos, si incorrectos invenero. Quando prima vice venit: omnesque infideles reperit; humiliatus quidem est apud eos, et afflictus diversis vexationibus; sed nunc deterius humiliabitur, si quos fidèles fecit, apostataentes adhuc repererit. Humiliet me Deus, et *lugeam multos*: si enim tres sunt, multi videntur. Multos dico, ex his qui ante prius missam Epistolam peccaverunt; et admoniti per Epistolam, non egerunt pénitentiam de prædictis malis. Etiam super, id est de *immunditia*, cum omne carnis peccatum immunditia dici possit; illud libidinis, quod est contra naturam, antonomastice vocat immunditiam. Nec de *fornicatione*, nec *impudicitia*, quam gesserunt, id est quam in gestu, et assiduo usu habuerunt, pénitentiam egerunt. Fornicationem vocat non lege conjugali tangere mulierem. Impudicitiam vocat impudicum habitum. Cum uxore enim qui se intemperanter habet, impudicus est.

CAPUT XIII.

« Ecce tertio hoc venio ad vos, et in ore duorum vel trium testium stabit omne verbum (*Deut. xix, 15*). » Prædixi enim et prædico, ut præsens vobis, et nunc absens, his qui ante peccaverunt et ceteris omnibus, quoniam si venero iterum, non parcam. An experimentum queritis ejus, qui in me loquitur Christus? Qui in vobis non infirmatur, sed potens est in vobis. Nam etsi crucifixus est ex infirmitate, sed vivit ex virtute Dei. Nam et nos infirmi sumus in illo, sed vivemus cum eo ex virtute Dei in vobis. Vosmetipsos tentate si estis in fide; ipsi vos probate. An non cognoscitis vosmetipsos quia Christus Jesus in vobis est? Nisi forte reprobi estis. Spero autem quod cognoscitis quia nos non sumus reprobi. Oramus autem Deum ut nihil mali faciat; non ut nos probati parcamus, sed ut vos quod bonum est, faciat. Nos autem ut reprobi simus. Non enim possumus aliquid adversus veritatem, sed pro veritate. Gaudemus enim quoniam nos infirmi sumus, vos autem potentes estis. Hoc et oramus vestram consummationem. Ideo enim haec absens scribo ut nou præsens durius **201** agam secundum potestatem, quam Dominus dedit mihi in adiunctionem, et non in destructionem. De cæte-

ro, fratres, gaudete. Perfecti estote. Exhortamini, id ipsum sapite. Pacem habete, et Deus pacis et dilectionis erit vobiscum. Salutem invicem in osculo sancto. Salutant vos omnes sancti Gratia Domini nostri Jesu Christi, et charitas Dei, et communicatio sancti Spiritus sit cum omnibus vobis Amen. »

EXPOSITIO.

Ostendit quid intelligeret, dicens: *non quales volo*. Nunc ostendit quod dicebat: *Inveniar a vobis quem non vultis*. Littera tamen ibi jungitur. *Ne cum venero*, etc. Dicerent illi: Tu ne venturus es? Ecce, ait Paulus, *tertio*, hoc apparatu non dico veniam; sed jam *venio ad vos*. Nec cum venero, patiar vos; sed stabit, id est stare oportebit, *omne verbum*, seu eorum qui accusant, seu qui defendunt. Stare verbum dicunt, cum verum esse probatur. Stabit dico, *in ore duorum vel trium*, nec quarumlibet personarum, sed *testium*, id est eorum qui idonei sunt ad testificandum. Dicerent illi: Minitaris te venturum, sed cum veneris, quid facies? Contra hoc Paulus: Veniam utique et non parcam, *quia prædixi vobis*, cum essem *præsens*, me non parciturum ulterius, et idem nunc absens *prædico* per Epistolam, ut *præsens*, id est tanta virtute quanta præsens vobiscum agebam. Prædico, inquam, *his qui ante prius missam Epistolam peccaverunt*, nec adhuc correcti sunt, et ceteris omnibus quicunque in peccatum labuntur, hoc utique prædico *quoniam*, id est quod si *venero iterum* (sicut dispono) *non parcam iterum*, sicut prius pepercisti, cum ex ignorantia peccavistis. Dicerent iterum illi: Quidquid modo minetur, tamen, cum venerit, leviter poterit placari. Ad hoc Paulus: Quod non parcam, satis non creditis; sed *an queritis vos experimentum ejus Christi*, id est ut ideo maneatis incorrecti, ut potentiam ultionis Christi experiamini, *qui Christus loquitur in me?* Non enim haec quæ loquitur a me sunt, sed a Christo. Salubrius est, ut vos corrigatis quam, dedignantes corrigi, validam manum Domini experiamini. Qui Christus non *infirmatur inter vos*, id est non infirmus apparuit vobis, non operando miracula; sed potens est in vobis, id est potentia ejus manifestata est vobis per miracula quæ Christus operatus est per nos in medio vestri. Vere Christus potens est. Nam et si objicitis mihi eum in cruce damnatum, impotentem apparuisse, fateor quidem *crucifixus est*, sed ex infirmitate, id est secundum infirmitatem mortalitatis et passibilitatis quam in carne nostra assumpsit; sed licet ita crucifixus sit, *tamen vivit*, id est potentialiter agit ex virtute Dei, id est secundum deitatem, cuius virtus ab eo non recessit, et in quo omnis divinitas corporaliter habitavit.

Vere Christus vivit ex virtute Dei; nam nos longe inferiores illo vivemus ex virtute Dei. Quod sic ait. Nos quidem *infirmi sumus in illo*, id est in similitudine illius, ut quemadmodum ille pro nobis, sic et nos pro eo patiamur. Sic quidem infirmi sumus; sed vivemus, id est potentialiter agemus in vobis ex

virtute, id est per virtutem Dei, quam habemus familiarem in eo, scilicet Christo. Ne autem nos viventes ex virtute Dei districter agamus in vobis, tentate vestem ipsos, id est subtili consideratione investigate vos. Tentate dico, sed adhuc estis in fide quam accepistis per me. Si enim in meritis baptismatum confidunt, si vetera reducunt, in fide non sunt, quia gratiae Dei detrahunt. Tentate si estis in fide; et vos in fide inventi ipsi probate vos, id est bonis operibus probabiles facti, fidem vestram decorare. Quod si in fide non estis, vos soli damnamini. Nihil a me requiriatur, quia an non cognoscitis vestem ipsos in eo quod Christus Jesus, id est fides Christi Jesu, in vobis posita est per ministerium meum, nisi forte, quod leviter esse potest, vos estis reprobati, id est a Deo reprobati, dum vos indignos exhibuistis sacramentorum fidei. Dicerent ita: Nec mirum si vos reprobati, cum ipse reprobatus sis. Ad hoc 202 Paulus. Quidquid vos opponatis; tamen spes quod bene cognoscitis hoc de nobis quod nos in nullo sumus reprobati; et licet in nullo reprobati, sed in omnibus inveniamur probati, tamen nolumus vos esse malos, ut quidam praediti, qui ut videatur probitas eorum exercende praelationem suam, gerant culpis subditum. Nos autem non sic, sed oramus Deum ut vos nihil mali faciatis; et non oramus hoc ut nos appareamus probati. Si ex auctoritate praelationis vindicaret culpam subditi, tunc probatus appareret. Hoc non oramus, sed ut vos faciatis quod bonum sit; nos vero nihil dignum ultione invenientes in vobis non sumus, id est appareamus, reprobati. Tunc praedates non est quidem, sed apparel reprobatus, quando non invenit in quo exerceat potestatem commissi iudicii. Iterum sunt quidam praediti, qui licet subditi eorum boni sint, vexant tamen eos ex imperio suscepimus potestatis. Contra hos Paulus: Ideo oramus ut non sumus reprobati, vobis facientibus quod bonum est, quia nos non possumus aliquid adversus veritatem, id est, ubi vera justitia est, eam impugnare non licet; sed possumus pro veritate tuenda, si quis eam male vel agendo vel dicendo impugnat. Ideo oramus ut vos faciatis quod bonum est, quia gaudemus quando nos infirmi sumus, et potestas nostra locum non habet perfectis omnibus. Vos autem estis po-

tentes, parva habentes conscientiam, et ideo judicium nostrum non formidantes. Non solum gaudeamus, sed etiam oramus hoc, ut vos potentes sitis, scilicet vestram consummationem, id est iustitiam vestram perfectionem. Et ideo quia gaudemus et oramus hoc, ego absens scribo haec vobis; propterea cum fuero praesens non agam durius, secundum potestatem apostolatus mei. Nec utique si ex potestate agrem, grave vobis esse deberet, quia hanc potestatem dedit mihi Dominus in edificationem vestram, et non in destructionem.

Postquam de his quae fecerant satis eos corripuit, transit ut in his quae de futuro restabant corripit illas, dicens: In his praemissis sic vos habete ut doceo et de ceteris, id est in futuro, fratres, gaudete, id est sic agite ut de opere vestro gaudium semper expectatis, et ut vere gaudetis; perfecti estote, et vos perfecti exhortamini imperfectos ad perfectionem. Vos vero imperfecti idem sapite cum perfectis exhortantibus vos, et habete pacem cum illis, id est ne abutamini correctione eorum; sed cum omni modestia amplectimini jussa eorum, quia si idem sapientie et pacem habetis, sic erit vobiscum Deus pacis, qui discordes abicit, concordes eligit. Et idem Deus dilectionis erit vobiscum, quia non sufficit pacem habere, nisi secundum Deum sequatur diligere. Et ut pax et dilectio Dei sit vobiscum, salutare vos invicem in osculo, id est alter osculetur alterum, mortificata omni contentione inter vos. In osculo die non quod ore tantum fiat, et non corde, sed in osculo sancto, quod nulla ira scintilla in occulto cordis latet. Et sic debetis vos invicem salutare, quia tantum vos omnes sancti, commendantes vobis dilectionem exemplo sui. Salutatio propria Pauli sequitur. Gratia Domini nostri Iesu Christi, id est Dominus noster Jesus Christus dans gratiam, qua peccata dimittit. Et charitas Dei, id est Deus Pater cuius charitas pro salute hominum, Filium voluit incarnari. Et communicatio sancti Spiritus. id est Spiritus communiter procedens a Patre et Filio. Vel communicatio sancti Spiritus, id est Spiritus sanctus communicans vobis gratias suas, et cum omnibus vobis, amen; et ut ita fiat vos laborate, et Deus concedat.

203 ARGUMENTUM IN EPISTOLAM AD GALATAS.

Galatæ sunt Græci. Hi verbum veritatis primum ab apostolo acceperunt; sed post discessum ejus tentati sunt a falsis apostolis, ut in legem et circumcisionem verterentur. Hos Apostolus revocat ad fidem veritatis, scribens eis ab Epheso.

PROLOGUS BEATI BRUNONIS IN EAMDEM.

Galatæ locus quidem est in Græcia, et in ea Paulus per aliquod tempus conversatus fuerat, prædicans Galatis verbum Dei, quos etiam in fide fundaverat. Et quandiu Paulus apud eos remoratus est, statim honeste se habuerunt in fide; sed Paulus inde

D reverso, pseudodoctores (quorum labor erat persequi Ecclesiam Christi) introierunt ad eos impie destruendo quod Paulus religiose sedificaverat, diligentes Paulo non esse credendum, neque doctrinam ejus tenendam, quia nec cum Christo conversatu

fuerat in terris, nec ab eo edocitus vel electus, nec saltem a Petro, vel ab his qui cum Christo conversati fuerant erat instructus. Hi etiam pseudo gratiæ Dei plurimum derogabant, dicentes eam non sufficere ad salutem nisi circumcisio, et cætera veteris legis tenerentur. In quo Paulum male docuisse arguebant, cum legem destrueret quam (sicut omnibus notum est) Deus per Moysen dederat; quam ipse Christus, dum inter homines conversabatur, observaverat, et hoc dicentes apud eos qui simplices erant, videbantur inducere congruas rationes. Quibus fallacis jam adeo fuerant seducti quod, nisi sollicitudo Pauli cito per hanc Epistolam occurreret, jam se disponentebant ad circumcidendum et ad cætera legalia. In hac autem Epistola Paulus agit de commendatione personæ suæ, quam pseudo deprimebant. Agit etiam de destructione veteris legis, non quod improbet eam, eo quod tenenda fuit. Agit etiam de commendatione gratiæ Christi. Haec tria sunt hic materia: Se in hunc modum commendat quod, cum illi objiciant ei se non vidisse Christum, nec ab eo electum vel instructum probat quod longe dignius aliis apostolis electus sit a Christo et edocitus; illos enim, dum mortalis inter mortales conversaretur, elegit et

A docuit secundum infirmitatem carnalis intellectus; adhuc enim carnales erant, nec mysteria divinitatis capere poterant, quia licet accepissent Spiritum, nondum tamen datus erat, nisi tantum ad remissionem. Quod idem Jesus plane innuit, ubi ait: « Multa habeo vobis dicere, sed non potestis portare modo. Cum autem venerit Spiritus (Jozn. xvi, 12), » etc., illos, inquam, adhuc mortalis quasi carnales docuit, sed Paulus jam factus immortalis, jam sedens in dextera Patris, jam dato Spiritu sancto elegit, vocavit et docuit, et sic apparebat quod, in quo Paulus videbatur inferior, longe cæteris est gloriosior. Veterem legem sic improbat, ostendens eam datam ut esset in tempore, et veniente gratia statim finem haberet, velut umbra, veniente corpore; quæ lex, quādiu duravit, nihil aliud quam grave jugum et onus importabile et inutile fuit, quia neminem justificare potuit. Destructa lege gratiam Christi commendat, ut eam quæ sola sufficit ad salutem, et sine qua nec ante datam gratiam nec post, aliquis potuit salvari. De his omnibus sic agit, ea intentione ut Galatas volentes judaizare retrahat ne faciant, nec ultra pseudomagistros audiant.

EPISTOLA AD GALATAS.

204 CAPUT PRIMUM.

Paulus apostolus non ab hominibus, neque per hominem, sed per Jesum Christum, et Deum Patrem, qui suscitavit eum a mortuis, et qui mecum sunt omnes fratres, Ecclesiis Galatæ, gratia vobis et pax a Deo Patre nostro, et Domino Iesu Christo, qui dedit semetipsum pro peccatis nostris, ut eriperet nos de præsenti sǽculo nequam, secundum voluntatem Dei et Patris nostri, cui est gloria in sǽcula sæculorum. Amen. Miror quod sic iam cito transferimini ab eo qui vos vocavit in gratiam Christi in aliud Evangelium, quod non est aliud, nisi sunt aliqui qui vos conturbant, et volunt convertere Evangelium Christi. Sed licet nos, aut angelus de cœlo evangelizet vobis præterquam quod evangelizavimus vobis, anathema sit. Sicut prædiximus, et nunc iterum dico: Si quis vobis evangelizaverit præter id quod accepistis, anathema sit. Modo enim hominibus suadeo, a Deo? an quæro hominibus placere? Si adhuc hominibus placarem, Christi servus non essem. Notum enim vobis facio, fratres, Evangelium, quod evangelizatum est a me, quia non est secundum hominem. Neque enim ego ab homine accepi illud, neque didici, sed per revelationem Iesu Christi. Audistis enim conversationem meam aliquando in Judaismo: quoniam supra modum persecutus eram Ecclesiam Dei, et expugnabam illam, et proficiebam in Judaismo supra multos coetaneos meos in gente meo, abundantius simulacrum existens pater-

B narum mearum traditionum. Cum autem placuit ei qui me segregavit ex utero matris meæ, et vocavit per gratiam suam, ut revelaret Filium suum in me, ut evangelizarem illum in gentibus, continuo non acquieci carni et sanguini. Neque veniam Hierosolymam ad antecessores meos apostolos, sed abii in Arabiam, et iterum reversus sum Damascum. Deinde post annos tres veni Hierosolymam videre Petrum, et mansi apud eum diebus quindecim. Alium autem apostolorum vidi neminem, nisi Jacobum fratrem Domini. Quæ autem scribo vobis, ecce coram Deo, quia non mentior. Deinde veni in partes Syriæ et Ciliciæ. Eram autem ignotus facie Ecclesiis Judææ, quæ erant in Christo. Tantum autem auditum habebant, quoniam qui persecutus eram aliquando, nunc evangelizat fidem, quam aliquando expugnabat; et in me clarificabunt [glorificabunt] Deum. D

EXPOSITIO.

Paulus, etc. In hoc principio haec tria, circa quæ maxime versatur, scilicet commendationem sui, improbationem legis, approbationem gratiæ breviter colligit, dicens: *Paulus apostolus* nomen suum (quod in omni Ecclesia notum fuerat) ad auctoritatem ponit. *Paulus*, inquam, *apostolus*, non ab hominibus, eligentibus eum, neque per hominem, consecrantem eum, ut illi objiciunt per Ananiam. Ideo ait, non ab hominibus neque per hominem. Quidam enim non ab hominibus, sed a Deo electi; per hominem tamen sunt consecrati, et e converso. Vel ita: *Paulus apo-*

stolus non ab hominibus eligentibus, vel consecratis eum, neque per hominem, id est non per Christum mortalem, et in humanitate viventem, sed per Jesum Christum suscitatum. De eo quod sequitur, suscitavit, convenienter accipinus suscitatum. Dicerent illi : Etiam si Christus legem destruat, non credimus, quia dissentit a Deo, qui legem dedit. Ideo subdit Apostolus per Christum suscitatum, et per Deum Patrem, qui suscitavit eum a mortuis ; quem frustra mori vellet, si alio modo per legem justificare posset hominem ; sed quia legem irritam vidit, legem exclusit, ut per gratiam Christi perficeret in quo lex defaciebat. Paulus, inquam, et omnes fratres qui mecum sunt, scribimus Ecclesiis Galatiae. Ideo fratres sibi in salutatione jungit, quia objiciebant pseudo Paulum 205 solum esse in destructione legis, quam Petrus et alii in suis paterentur Ecclesiis. Ubi ait se non ab homine, sed a Christo suscitato, et a Deo Patre factum apostolum, satis in hoc se commendavit. Vobis, o Galatæ, sit gratia, id est his qui peccaverunt, sit secunda remissio. His qui in justitia permanerunt, sit perseverantia gratiae. Sit etiam vobis pax, id est tranquillitas animi, a Deo Patre nostro et Domino Iesu Christo, qui uteque et potest et vult.

Modo commendabit gratiam Christi per oppositum improbando legem dicens : Qui Christus dedit semetipsum non aliud sacrificium, quia nihil præter eum sufficeret. Semetipsum dico, qui tantus erat. Semet, ad discretionem, ipsum ait ad magnitudinem. Dedit semetipsum pro peccatis nostris delendis ; quæ si lex destruere posset, monstrum putaretur, quia jam Pater superflue in mortem tradiceret Filium. Nec ut peccata præcedentia solummodo tolleret, mori voluit, sed ut, destructis peccatis, eriperet nos de præsenti sæculo, in quo vidi neminem posse morari sine peccato. In quo notatur maxima virtus Christi, qui in fornace peccatorum nos liberat ab incendio peccati [eriperet de præsenti sæculo nequam], id est de conformitate præsentis mundi, qui non allicit, et tanto plus capit, quanto æterna minus videntur]. Eriperet, dico, quasi vi conversationis bonaæ de sæculo, sed nequam, id est secundum nequitiam peccati, Christus a sæculo suos eripit. Quod Christus in mortem sededit, hoc factum est secundum voluntatem Dei et Patris nostri, qui quia legem inutilem vidi, ut nos salvaret, ex pietate Filium in mortem tradidit. Et quia Christus dederit se pro peccatis nostris in mortem per voluntatem Dei, scitote ex eo, quia cui Christo cum Deo est gloria de remissione peccatorum, non legi in hæc præsentia sæcula : et permanebit in sæcula horum sæculorum consecutiva. Amen, id est vere ita est, quod Christo gloria, non legi. Amen quandoque affirmativum, quandoque optativum est. Et quia Christus dedit se pro peccatis nostris secundum voluntatem Dei, et legem evançavat, miror ergo quod sic, id est tam vehementer omnibus mandatis meis derelictis ; et tam cito : parum enim est temporis ex quo discessi

A a vobis. Miror, inquam, de hoc quod transferimini. Ut gravius eos deprimat, sic ait. Transferunt enim insensibilia, ut lapides, ducuntur irrationalia. Aguntur ratione homines ; sed istos judicat insensibiles. Unde in sequenti vocat eos insensatos. Miror quod transferimini ab eo, scilicet Deo, qui Deus tecavit vos non merito legis, sed per gratiam. Vocari dico et interius aspirando, et prædicatores adhibendo in gratiam Christi, id est ad hoc ut essetis participes gratiae Christi. Transferimini dico in aliis Evangelium. Secundum illos, veterem legem vocat Evangelium ; quod tamen Evangelium non est aliud a nostro, nisi sunt illi aliqui qui vos conturbant, id est pseudo, qui veterem legem carnaliter docentes, dissentire faciunt ab Evangelio Christi; cum quod idem est intellectum spiritualiter. Conturbant, dictum est a similitudine turbatæ aquæ, in qua nihil clare discerni potest. Ita isti intellectum Galatas turbaverant, quod jam malum a bono non discernebant. Conturbant vos, et volunt convertere Evangelium Christi.

C Convertere dictum est, a similitudine alicujus iter agentis, qui ab obstante sibi retro, convertitur, sic et isti Galatæ, accepta fide Christi per Evangelium Pauli, jam bene directi fuerant in semita boni operis, a quo volebant eos convertere illi pseudo. Qui ait volunt, innuit Galatas nondum opere consenserse illis, licet assensu. Illi volunt convertere, sed licet nos, id est ego vel ipse Petrus, aut angelus malignus veniens de cælo, id est in splendida figura et facilius suadere possit. Si enim emergens de tenebris inferni torvum et informem sese ingereret et decipiendum, non tam idoneus esset. Vel, angeli bonus veniens de cælo, si evangelizet præterquam, id est præter hoc quod evangelizavimus vobis, sive sit apostolus seu angelus, illum non solum audeo separare a corpore Christi, sed etiam sit anathema ut ipse separatus sit separatio illorum. Hic callide respondet illis, qui objiciebant illi, 206 quod Iudaicos ritus non pateretur in Ecclesiis suis, non intelligentes Petrum ideo pati, non quod illud approbaret, sed ne ruditatem fidei eorum potius his concessionibus nutriendam, quam nimia asperitate destruendam terret. Hoc autem solis patiebatur D Iudaës : sed Paulus qui gentibus prædicabat, non habebat eis indulgere in his in quibus nunquam fuerant. Quod etiam postmodum, ut fides Christi solida esset, difficultior labore destruere oportet. Et quia nec angelum, nec apostolum pateremur aliud vobis prædicantem, igitur si quis pseudo evangelizaverit vobis præter id quod accepistis a me, anathema sit. Et hoc nunc iterum dico de pseudo, sicut modo prædixi de nobis et de angelo. Vel ita : Prædixi vobis cum apud vos essem, me omnes pseudo excommunicaturum ; sic etiam nunc iterum dico. Si quis vobis evangelizaverit, præter id quod accepistis, anathema sit. Dico anathema sit, et hoc et cetera præmissa, zelum Christi habens dico, quia an modo suades hominibus, id est an secundum voluntatem

~~ro~~minum suasibiliter loquor : *an suadeo Deo*, id est *ad gloriam Dei?* Quasi diceret : Ideo dico, *anathema* etc., etc., quia olim quidem ante fidem suadebam *hominibus*, prædicens legem; sed modo in fide sua *Leo gloriā Dei*; ideo non jam suadeo hominibus, *quiā non quero placere illis*. *An enim quero amplius placere hominibus?* Si legem prædicaret, quam homo virtute sua poterat operari, tunc placeret hominibus : sed nolo placere, quia si adhuc placerem *hominibus*, prædicando legem, *jam non essem servus Christi*. dum quod attribuerem legi, detraherem *gratia Christi*. Vel ita : *An modo suadeo hominibus, an Deo?* Si legem prædicaret, hominibus suaderet ; *quæ enim lex præcipit, homo satis potest operari, ut abscindere pelliculam, immolare pecudem et hujusmodi*. Quod si per hæc salvum diceret hominem, *Deo detraheret salutem hominis, et ascriberet homini*. Cætera non mutantur.

Ad illud quod superius dixit, *non ab hominibus, neque per hominem*, hic respondere incipit. Littera tamen prope jungitur : ideo hominibus placere non quero, sed Christo, quia Evangelium meum non est secundum hominem, sed a Deo. Et ideo facio *vobis notum, fratres, Evangelium* : non illud vetus, sed *quod evangelizatum est a me*; hoc de eo facio *vobis notum, quod non est mihi traditum secundum hominem*. Et hoc probat : Vere non secundum hominem, qui neque accepi illud Evangelium ab homine, consecrante me in hoc ministerium, neque didici illud ab homine. Posset consecrari a Deo, et tamen postea discere præcepta illa ab homine. Non accepi ab homine, nec didici, *sed per revelationem Jesu Christi*, id est per Jesum Christum aperte revelantem mihi, non per parabolas loquentem, sicut alios apostolos docuit, dum in carne esset adhuc mortalis, et illi intellectu infirmiores : vere non didici illud ab homine, quia nec ante conversionem, nec post conversionem. Ante conversionem prius ostendit, dicens : *Audistis conversationem meam aliquando*, id est tempore infidelitatis habitam in Judaismo; *hoc audistis quoniam*, id est quod *persequebar Ecclesiam Dei supra modum persecutorum* : nemo enim tam violens erat in servos Dei. Persequebar dico et *expugnabam illam secundum quosdam multos enim volentes converti, adhuc spirans minarum et cædis, retruxi*. Plures etiam jam fideles fidem negare coegi ; *expugnabam, dico, et proficiebam in Judaismo*. Lex enim mea magis ac magis per me in incrementum proficiebat. Proficiebam dico agendo *supra multos coetaneos*, qui juvenes et laboriosi erant, ut ego. Coetaneos dico, non proselytos, sed *'n genere meo*, ita filios Abrabæ ut ego et in lege nutritos. Et dico *existens emulator*, id est imitator et amator; non tantum legis, sed etiam *paternarum traditionum*. Prophetæ enim, præter legem, quasdam traditions dederunt, ut Zacharias jejunium primi, et jejunium quarti (Zach. viii, 49.), etc. Traditionum, 207 dico, *mearum*, quia tam bene operabar illas, quod quasi meæ propriæ esse videbantur, et cum eō

A ita perseverer Ecclesiam Christi, appareat quod ante conversionem Evangelium non didici.

Subdit quod post subditionem non didicerit. Ego ita persequebar Ecclesiam Christi; *sed cum placuit ei, ex gratia, non ex merito, ei dico qui quam potentialiter me segregavit de utero matris meæ*, de quo nunquam exirem, nisi misericordia ejus extraheret me, tam misericorditer vocavit *me per gratiam suam* ad fidem. Vel ita : Qui me segregavit de matre mea, id est a Synagoga, in qua puer nutritus et doctus fueram, nec de sinu vel gremio, sed de ipso utero Synagogæ. Pharisæus enim eram inter principes legis, et me inde segregatum vocavit ad fidem per gratiam suam, non quia zelum legis habueram. Vocavit, inquam, *ut revelaret in me Filium suum*. B Si quis enim vocationem mei considerat, intelliget omnem salutem ex Christo, nullam ex lege, quæ mihi non profuit. Nec ideo solum vocavit ut in similitudine mei revelaret gratiam suam, sed ad hoc etiam *ut evangelizarem illum in gentibus*, et notam facerem misericordiam Dei. Cum ita Deo de me placuit, *continuo non acquievi carni et sanguini*, id est Iudeis male suadentibus mihi, qui nihil aliud sunt quam caro voluptuosa. Et sanguis, id est anima non secundum rationem, sed secundum quod per motum sanguinis turpia cupit. Neque continuo *veni Hierosolymam ad apostolos antecessores meos*, quia me in fidè antecesserant, ut docerer ab illis, *sed continuo abii in Arabia*. Hæc Arabia est in qua est mons Siua, prope Ægyptum in deserto. Et iterum ab Arabia *reversus sum Damascum*. Deinde post annos tres *veni Hierosolymam*, non ut quasi minus sapiens interrogarem, sed solummodo *videre Petrum*. Et mansi apud eum diebus quindecim, et tam brevi spatio, si indigere, non satis possem doceri. Petrum ibi vidi; *sed alium apostolorum neminem illo tempore vidi, nisi Jacobum fratrem Domini*, qui episcopus erat Hierosolymis. Et sic apparet quod post conversionem nihil didici ; *quæ autem scribo vobis*, scilicet quod nec ante, nec post didicerim, credite quia in his *non mentior*. Ecce enim *loquor hæc coram Deo*. Quod si Deus præsens adesset, nihil in sermone meo falsitatis argueret. Deinde visis Petro et Jacobo, *veni in partes Syriae et Ciliciæ*. Ego vero eram ignotus facie Ecclesiis Judææ, *que erant in Christo*; quod si me non viderint, apparet me nihil ab eis didicisse. Facie quidem eram ignotus, *sed auditum tantummodo habebant de me*. Hoc, inquam, audierant *quoniam*, id est quod Paulus *qui persequebatur nos aliquando*, id est tempore infidelitatis, *nunc evangelizat fidem Christi, quam fidem expugnabat aliquando*. Et hoc audientes *in me converso*, et sic prædicante clarificabant *Deum*, et magnificabant misericordiam Dei.

CAPUT II.

Deinde post annos quatuordecim, iterum ascendi Hierosolymam cum Barnaba, assumpto et Tito. Ascendi autem secundum revelationem, et contuli cum illis Evangelium, quod prædico in

gentibus. Seorsum autem his qui videbantur aliquid esse, ne forte in vacuum currem, aut cucurrissem. Sed neque Titus qui mecum erat cum esset gentilis, compulsus est circumcidi, sed propter subintroductos falsos fratres, qui subintroierunt explorare libertatem nostram, quam habemus in Christo Jesu, ut nos in servitutem redigerent. Quibus neque ad horam cessimus subjectioni, ut veritas Evangelii permaneat apud vos. Ab his autem qui videbantur esse aliquid (quales aliquando fuerint, nihil mea interest; Deus enim personam hominis non accipit [Deut. x, 17; Rom. ii, 19]. Mihi autem qui videbantur esse aliquid, nihil contulerunt. Sed econtra cum vidissent quod creditum est mihi Evangelium præputii, sicut et Petro circumcisionis; qui enim operatus est Petro in apostolatu circumcisionis, operatus **208** est et mihi inter gentes. Et cum cognovissent gratiam, quæ data est mihi, Jacobus, et Cephas et Joannes, qui videbantur columnæ esse, dextras dederunt mihi et Barnabæ societatis, ut nos in gentes, ipsi autem in circumcisionem, tantum ut pauperum memores essemus. Quod etiam sollicitus fui hoc ipsum facere. Cum autem venisset Cephas Antiochiam, in faciem ei restiti, quia reprehensibilis erat. Prius enim quam venirent quidam ab Jacobo, cum gentibus edebat. Cum autem venissent, subtrahebat et segregabat se, timens eos qui ex circumcisione erant. Et simulationi ejus consenserunt cœteri Judæi, ita ut Barnabas duceretur ab eis in illam simulationem. Sed cum vidi sem quod non recte ambularent ad veritatem Evangelii, dixi Cephae coram omnibus: Si tu, cum Judæus sis gentiliter vivis, et non Judaice, quomodo gentes cogis judaizare? Nos natura Judæi, et non ex gentibus peccatores. Scientes autem quod non justificatur homo ex operibus legis, nisi per fidem Jesu Christi; et nos in Christo Jesu credimus, ut justificemur ex fide Christi, et non ex operibus legis. Propter quod ex operibus legis non justificabitur omnis caro (Rom. iii, 20). Quod si quærentes justificari in Christo, inventi sumus et ipsi peccatores, nunquid Christus peccati minister est? Absit! Si enim quæ destruxi, iterum hæc reedifico, prævaricatorem me constituo. Ego enim per legem legi mortuus sum, ut Deo vivam. Christo confixus sum cruci. Vivo autem jam non ego, vivit vero in me Christus. Quod autem nunc vivo in carne, in fide vivo Filii Dei, qui dilexit me, et tradidit seipsum pro me. Non ahijicio gratiam Dei. Si enim per legem justitia, ergo Christus gratis mortuus est.

EXPOSITIO.

Deinde post annos quatuordecim a primo adventu transactos, iterum ascendi Hierosolymam cum Barnaba, assumpto etiam et Tito. Ascendi dicit secundum situm loci. Paulus ideo secundo venit Hierosolymam, adduens secum idoneos testes, Barnabam

A de Judæis, Titum de gentilibus, quia Ecclesiæ quibus prædicabat, opponebant ei, quod dissentiret in prædicatione a Petro et ab aliis. Quam dubitatem removere volens, cum testibus ascendit Hierusalem, non quod dubius esset in aliquo, sed ut certum fieri his qui dubitabant quod non dissentiret a Petro. Ascendi non tantum quia sic volui, sed etiam ascendit secundum revelationem, id est quia revelavit mihi Deus sic oportere fieri; et tunc non didici ab illis, sed contuli cum illis *Evangelium*, dicens: Sic et si prædicto. Nonne et vos eodem modo? Diceret aliquis: Reticuisti quædam, quæ gentibus prædicta. Non utique ait Paulus, sed *Evangelium quod prædicta in gentibus*. Nec inde verbum subticui, constat publice cum tota Ecclesia. Seorsum autem, id est separatum contuli cum his qui videbantur esse aliqui, id est cum apostolis, non tamen seorsum cum his aliis excluderem, et private cum his agerem; et prius sermo meus publice fuit ad omnes, dñe a istos. Vel ita: Contuli cum illis seorsum factis his, id est apostolis, ne viderer impotens esse defendere *Evangelium meum* sine auxilio eorum. Ideo si contuli *ne forte* (quod contingere posset) currem, id est currere putarer, aut cucurrisse, in vacuæ nisi per hanc collationem approbarem meum *Evangelium*. Nec tantum conferendo illud comprobavi, sed neque etiam *Titus qui mecum erat*, cum eum natione *gentilis*, *compulsus est circumcidi*. Per hoc quod ait compulsus, innuit illos pseudo molles laborasse contra Paulum, ut circumcidetur Titus. Nec tantum Titus non est compulsus ad hoc; sed neque etiam ad horam cessimus subjectioni. Quia sic ait: Non est compulsus circumcidi; nec propter subintroductos falsos fratres. Infideles enim Judæi, quibus Paulus quia infidelibus, non responderet, præmio conducebant falsos fratres, per quos Paulum impugnarent. Propter illos, inquam, qui dolose subintroierunt explorare libertatem nostram, id est fidem quæ nos liberos facit a jugo legis; quam libertatem habemus in Christo Jesu. Explorare **209** ideo, ut nos, si possent, redigerent in servitutem, id est in veterem legem quæ gravis servitus est. Per hoc fidem Christi multum commendat, quia vocat libertatem, legem deprimit quam vocat servitatem. Propter illos, inquam, neque saltem ad horam arsimus subjectioni, id est legi quæ cedentes sibi subjicit servituti. Ideo non cessimus, ut veritas Evangelii nostri permaneat apud vos, id est ut sicut prædicavimus legem esse inutilem, gratiam esse sufficientem, ita semper crederetis.

Paulus alio tempore Hierosolymam veniens, ut omnem de se suspicionem tolleret, Timotheum jam circumcisionem iterum fecit circumcidi, non quod crederet aliquid jam conferre circumcisionem, sed quia imposuerant ei quidam ipsum dixisse legem omni tempore fuisse inutilem. Quod ut nihil esse probaret, Timotheum exhibuit ad circumcidendum; sed modo Titum circumcidi nulla ratione voluit, quia, si modo cum venisset Hierusalem, ut prola-

A et nihil esse circumcisionem, eum circumcideret, sicut iacent Ecclesiae gentium: Ecce falsitas Pauli quem, vellet nollet, Titum, in Hierusalem circumcidere oportuit. Ostendit per illam collationem Evangelii quod post conversionem non sit inventus inferior Petro et aliis. Adjungit etiam quod ante conversionem longe dignior illis fuerit sub lege: callide tamen quasi pro nihilo sibi sit dignitas quam ante fidem habuit. Littera sic jungitur: Contuli cum illis, et apparui secundum post acceptam fidem irreprehensibilis, sicut illi; sed quales fuerint aliquando, id est ante fidem Petrus et alii, qui videbantur ab his secundum carnem sapientibus esse aliquid, hoc memorare quales illi fuerint qualis ego sub lege *nihil mea interest*, id est nihil confert in mea re. Verum quidem est quod ego tunc dignior illis eram, sed tamen non curio hujusmodi gloriam. Videbantur dicit, quantum ad illos qui Petrum et alios ita judicabant magnos. Paulum nihil. Ideo quales tunc fuerint, dicere prætereo. Scio enim quod Deus non accipit personam hominis, id est Deus non habet acceptum hominem propter personam generis divitiarum vel scientie. Dicere quales prius fuerint; ideo nihil interesse dico in mea re, quia hoc solum mihi sufficit ad commendationem quod Petrus et alii qui dicebantur esse aliquid, nihil mihi contulerunt, id est in nullo me correxerunt. In nullo mihi profuerunt, dum contuli cum eis Evangelium. Vel per, autem, copuletur dicere, quales fuerint ante fidem nihil mihi confert; sed hoc dicere quod illi qui videbantur esse aliquid, nihil mihi contulerunt; satis est ad commendationem. Nihil quidem contulerunt mihi, sed etiam affectantes societatem nostram, mihi et Barnabe discipulo meo dederunt dextras societatis. Quod sic ait: Nihil contulerunt, sed econtrario cum illi vidissent quod creditum est mihi a Deo Evangelium præpatii, id est gentilitatis eadem dignitate sicut Petrus creditum est Evangelium circumcisionis, id est in Judæos. Econtrario dicit secundum opinionem eorum qui Paulum indignorem judicabant Petro.

Bene dico cum vidissent, viderunt enim, quia idem Deus qui operatus est Petro, id est ad gloriam et commendationem Petri, miracula per eum fecit in apostolatu circumcisionis, similiter operatus est et mihi, id est ad mei commendationem inter gentes; gentium enim Apostolus erat. Cum vidissent creditum esse mihi Evangelium, et cum idem per effectum cognovissent, videntes gratiam quæ data est mihi (plures enim quam illi convertebam ad fidem). Cognovissent dico Jacobus, et Cephas, et Joannes, qui videbantur esse columnæ, id est sustentatores Ecclesiae. Ille enim honoratiores ceteris erant, quia Christus eos in secretioribus suis semper admittebat, coram quibus transfiguratus fuit in monte (Matth. xvii, 2). Ii, inquam, hoc cognoscentes, dederunt mihi et Barnabæ dextras societatis, intelligentes nos non inferiores illis, sed pares, non discipulos sed socios. Conjungere dextras, signum erat concordiae, quo se invicem considerabant antiqui.

B A Societatem nobiscum pacti sunt, ita ut nos **210** prædicaremus in gentes, ipsi autem in circumcisionem. Hoc tantum singulare nobis imponentes, ut essemus memores pauperum, qui erant Hierosolymis, quod illi nisi per nos non poterant. Quod, scilicet, benefacere pauperibus non solum volui, sed etiam sollicitus fui facere, ita quod hoc ipsum, id est non minus feci quam illi precati sunt.

C Postquam otendit illos nihil contulisse sibi, ei se potius necessarium illis, secundum memoriam pauperum, addit quoddam majus, scilicet quod, cuin ipse esset irreprehensibilis, reprehensibilem etiam ostendit Petrum dicens: Conferens cum Petro et aliis nihil mihi contulit, sed ego contulii Petro. Quia cum venisset Cephas Antiochiam ego restiti ei; nec in occulto, sed in faciem, id est in conspectu Ecclesiae. Ideo restiti, quia erat reprehensibilis; et si non per intellectum, tamen per exemplum. Ideo Paulus restitutus Petro in faciem, quia Petrus non peccabat in se, de quo quidem secreto esset corrigendum, sed peccabat in causa simulatione, corrumpendo Ecclesiæ, et qui in publico peccabat, publice arguendus erat; qui enim viderant offenditionem, necesse erat ut iidem viderent offendæ emendationem. Petrus utique erat reprehensibilis, quia priusquam venirent quidam conversi de Judæis ab Iacob, qui cathedram habebat Hierosolymis, priusquam hi venirent, Petrus edebat cum gentibus, sine discretione ciborum. Prius sic faciebat; sed cum illi venissent, subtrahebat a mensa gentilium, nec latenter subtrahebat; sed segregabat se, id est seorsum faciebat Judæorum mensam a grege gentilium vel in alia dono, vel in alia mensa, timens offendere eos qui erant ex circumcisione, id est Judæos, si participaret gentilibus, et huic simulationi ejus (non enim credebat discretionem ullam Judæi et gentilis, sed tantum pro evitando scandalo simulabat) simulationi, inquam, ejus consenserunt ceteri Judæi, ita ut etiam Barnabas, discipulus meus, duceretur ab eis Judæis in eandem simulationem, et nollet communicare gentilibus. Petrus simpliciter non considerans per hoc corrumpti fidem Ecclesiae, declinabat a scandalo Judæi fratribus, per hanc simulationem. Sed ego, cum vidi sem, quod non recte ambularent Petrus et qui cum eo erant, non recte dico ad comprobandum veritatem Evangelii, qui prædicaverant ritus Judaicos jam iniutiæ, nec esse tenendos. Cum hoc vidi sem, dixi Cephae coram omnibus (sic enim oportebat, dux eis simulatio totius Ecclesiae esset corruptio.): Hoc, inquam dixi, si tu, Petre, cum sis natione Judæus vivis, id est vivere soles gentiliter, nihil judicans immundum, et non vivis ultra judaice, ut secundum ritus illos cibos de immunditia damnas; si, inquam, tu naturalis Judæus non judaizas: quomodo, id est qua ratione gentes quæ nunquam judaizaverunt, cogis judaizare, exemplo tuo, licet non ita prædictes? Nisi enim in hoc publice correctus esset a Pauli, seque ideo reprehensibilem consideretur, putarent

non solum Judæi, sed etiam gentiles inutilem esse A fidem sine lege.

Hucusque satis probavit se non esse inferiorem Petro, et aliis, imo necessarium et correctorem eorum. Modo transit ad improbandam legem, quod nullo modo tenenda sit, dicens : Gentes utique non debent judaizare : quia nos per naturam Judæi; si amodo judaizamus, inutiliter agimus. Quod sic ait : Nos quidem sumus Judæi per naturam in Judaismo nati, et semper insistentes operi legis. Judæi sumus, et non sumus peccatores ex gentibus, id est non peccavimus ad similitudinem gentium, adorantes idola et hujusmodi : quod non fecerant Judæi. Et cum simus per naturam Judæi, tamen non justificamur ex operibus legis. Et nos hoc scientes quod nullus homo justificatur ex operibus legis, nisi per fidem Jesu Christi, ut gentiles, sic et nos Judæi credimus in Christo Jesu, ut sic justificemur ex fide Christi tantum, et non ex operibus legis. Propter quod, id est quia nos Judæi ex fide sola justificamur non ex lege. Ergo omnis caro, id est omnis gentilis carni obediens, Deum nesciens, non justificabitur ex operibus 211 legis, si ea fecerit. Si enim Judæo non prouunt opera, multo minus gentili. Carnem vocat gentilem, quia nunquam in cultu legis Dei, sed semper fuit in opere carnis. Vei ita, quia si Judæus non est justus ex lege, multo minus caro, id est peccator ex gentibus. Probat iterum idem per impossibile et inconveniens. Dico quod ex fide Christi justificabimur ; quod si ita non est, hoc est quod ait : Si nos quærentes justificari in Christo, id est per fidem Christi, non dico putati existimationem stultorum non euro, sed si per fidem Christi quærentes justificationem inveni sumus ut gentiles etiam nos ipsi peccatores, quia legem deseruimus, ad fidem Christi transeuntes; si hoc, inquam, est, tunc Christus minister est peccati ; ipse enim docuit legem non esse tenendam, sed ex fide esse omnem justificationem. Sed quia exhorrebat Christum dicere ministrum peccati, dicit hoc sub admiratione sic : Nunc quid aliquis insensatus audet dicere quod Christus minister est peccati? Absit hoc ut Christus minister sit peccati !

Vere Christus non est minister peccati. Nam ego destruxi legem, quam non reædifico, ne me constituant prævaricatorem. Si enim destructam legem reædificans, ideo prævaricationis reus sum. Tunc bene sequitur quod Christus, quia legem exclusit, non est minister peccati. Quia sic ait : Si legalia quæ destruxi hæc iterum reædificabo, docens ea esse tenenda, tunc profecto constituio me prævaricatorem legis, quam reduco. Ipsa enim lex præcipit se contemni, postquam venerit gratia, ut ibi per Moysem : Prophetam suscitabit vobis Deus de fratribus vestris; ipsum audietis tanquam me (*Deut. xviii, 15*). Quasi diceret : Interim donec veniat, audite me. Cum venerit (me derelicto) confugite ad eum. Reædifico ideo dicit : Imponebant enim ipsi quidam quod prius stulte docuisset legem non esse tenendam ; sed mo-

do correctus, reducebat legem. Vere si legem reædifico, prævaricatorem legis me constituo. Nam ego deserui legem, per ipsam legem ita præcipientem, ne veniente gratia teneretur. Et non dicit deserui, sed mortuus sum legi, id est ita legem destruxi sicut nunquam amplius ad illam reversurus, quomodo a morte non fit reversio ad vitam. Legi ideo mortuus sum, ut iam Deo, id est per gratiam Dei. Vere deserens legem, vivit Deo per fidem ; nam cessat a malo, et operatur bonum. Quod sic ait : Confixus sum cruci Christi, id est affixus habeo sensus meos per virtutem crucis Christi, ne quandiu in fide Christi sunta, liceat porrigere manum vel pedem ad opus malum. Confixus sum cruci Christi, id est ad gloriam Christi, qui me sic confixit, et per hæc habemus cessare a malo. Christus si voluisse, aliud genus mortis elegisset, sed voluit ut nec ipsum genus genus mortis mysterio careret, præsignans hoc in affixione suorum membrorum, quæ secundum veterem hominem passibilis et mortal is usque ad diem crucis sustinuerat, ut sicut membra sua confixa, secundum virtutem hominis ad aliquos actus extendere nos posse, quod in illa cruce sic configebat hominem justitiam, ut quandiu fidem Christi non violaret ad actum iniustitiae declinare non posset. Confixus sum cruce, cessans a malo. Vivo autem jam non ego, qui era secundum legem; sed vivit in me Christus, id est vivo ego ipse factus Christus per conformitatem, et per hanc partem habemus operari bonum. Vivo utique Deo per fidem, per dilectionem, per traditionem. Hoc ita ait . Ego vivo ; quod autem nunc in carne, quia licet caro impugnet spiritum, tamen spiritus in me vivit, et jugulat desideria carnis, quod miraculum est ita vivere in carne. Quia vero sic vivo in fide, id est per fidem Filii Dei vivo, et non per opera legis, sed per dilectionem Christi, qui dilexit me, hominem personaliter unius sibi. Vivo etiam et per traditionem, quia Christus tradidit semetipsum in mortem pro me, redimendo a morte, quod non poterat effici per legem. Et quia per fidem vivo, et non per legem, igitur non reduco legem. Quod tamen sic ponit : Non abjicio gratiam Dei, quia reducere legem, 212 esset abjicere gratiam. Ideo non reduco legem, quia non per legem iustitia. Si enim per legem esset iustitia, ergo Christus gratis, id est superflue mortuus est, ut justificare cum per legem habeatur iustitia ; sed Christum superflue, mortuum nolleis concedere.

CAPUT III.

O insensati Galatæ, quis vos fascinavit non obedi dire veritati ante quorum oculos Jesus Christus proscriptus est, et in vobis crucifixus? Hoc solum a vobis volo discere. An ex operibus legis spiritum accepistis, an ex auditu fidei? Sic stulti estis ut, cum spiritu cœperitis, nunc carne consumimini ? Tanta passi estis sine causa ? si tamen sine causa. Qui ergo tribuit vobis Spiritum, et operatur virtutes in vobis, ex operibus legis, an ex auditu fidei? Sicut scriptum est : Credidit Abr-

nam Deo, et reputatum est ei ad justitiam (*Gen. xv, 6; Rom. iv, 3.*) Cognoscite ergo, quia qui ex fide sunt, hi sunt filii Abrahæ. Providens autem Scriptura, quia ex fide justificat gentes Deus, prænuntiavit Abrahæ, quia benedicentur in te omnes gentes (*Gen. xii, 3.*) Igitur qui ex fide sunt benedicentur cum fidei Abraham. Quicunque enim ex operibus legis sunt, sub maledicto sunt. Scriptum est enim: « Maledictus omnis [homo] qui non permanserit in omnibus quæ scripta sunt in libro legis, ut faciat ea (*Deut. xxvii, 26.*) Quoniam autem in lege nemo justificatur apud Deum, manifestum est, quia justus ex fide vivit (*Habac. ii, 4; Rom. i, 17.*) Lex autem non est ex fide: sed qui fecerit ea, vivet in illis (*Levit. xviii, 5.*) Christus autem nos redemit de maledicto legis: factus pro nobis maledictum, quia scriptum est: « Maledictus omnis [homo] qui pendet in ligno (*Deut. xxi, 23.*) ut in gentibus benedictio Abrahæ fieret in Christo Jesu, ut pollicitationem spiritus accipiamus per fidem. Fratres (secundum hominem dico) tamen hominis confirmatum testamentum nemo spernit, aut superordinat (*Hebr. ix, 17.*) Abrahæ dictæ sunt promissiones, et semini ejus. Non dicit et semini bus, quasi in multis, sed quasi in uno, et semini tuo qui est Christus. Hoc autem dico, testamentum confirmatum a Deo. Quæ post quadringentos et triginta annos facta est lex, non irritum facit ad evacuandam promissionem. Nam si ex lege hæreditas, jam non ex promissione. Abrahæ autem per recompensationem donavit Deus. Quid igitur lex? Propter transgressionem posita est, donec veniret semen, cui promiserat, ordinata per angelos in manu Mediatoris. Mediator autem unius non est; Deus autem unus est. Lex ergo adversus missa Dei? Absit! Si enim data esset lex, quæ posset vivificare; vere ex lege esset justitia. Sed conclusit Scriptura omnia sub peccato, ut promissio ex fide Jesu Christi daretur credentibus. Prius autem quam veniret fides, sub lege custodiebamur; conclusi in eam fidem quæ revealanda erat. Itaque lex paedagogus noster fuit in Christo, ut ex fide justificemur. At ubi venit fides, jam non sumus sub paedagogo. Omnes enim filii Dei estis per fidem, in Christo Jesu. Quicunque enim in Christo baptizati estis, Christum induistis. Non est Judæus, neque Græcus; non est servus, neque liber; non est masculus, neque femina. Omnes enim vos unum estis in Christo Jesu. Si autem vos Christi, ergo semen Abrahæ estis, secundum promissionem hæredes. »

EXPOSITIO.

Et quandoquidem per fidem justitia, et non per legem, insensati Galatæ, quis vos fascinavit ut non crederetis veritati? Veritatem habetis in vobis, scilicet fidem Christi, quæ vere justificat, et non creditis ei. Fascinatos dicit, accusans insipientiam eorum; non enim diffe-

A runta vetulis, quæ credunt quosdam fascinatores solo visu posse corrumperem quos volunt. Vos dico fascinatos ante oculos quorum (quia ipsam veritatem habetis et cognoscitis) et in oculis vestris *Christus Jesus proscriptus est*. Proscriptus dicitur, qui a regno et hæreditate sua depellitur. Ii autem Christum a regno et hæreditate sua depellebant, dum seipsos in quibus regnare debebat, et qui ejus erant hæreditas, Christo subducebant. Non solum proscriptus; sed etiam Christus est in vobis crucifixus. Non enim magis viluit **213** Christus in oculis Judæorum et Pilati, quam in vobis, qui sic eum contemnitis. Vel ita: Ante oculos quorum Christus proscriptus est in aliis, quos malo exemplo depravastis, et etiam in vobis ipsis, qui Christum repellitis a vobis. Et licet ita sit proscriptus, tamen ipse pro vobis est crucifixus, nec ita esset proscribendus. Hoc evidenter inseruit. Modo revertitur ad illud. O vos insensati, licet modo satis probaverim fidem valere, legem irritam esse, et licet vos insensati sitis, tamen vos ipsis faciam confiteri et probare quod ex fide sit justitia, et non ex lege. Quod sic ait: Multa alia occurruunt per quæ hoc probare possem, sed *hoc solum sufficit*, et hoc volo discere a vobis an accepistis Spiritum sanctum ex lege, an ex fide. Ex lege non, quia vos, gentiles, legem non habuistis. Et non ita simpliciter ponit, sed addit. Ex operibus legis, an ex auditu fidei, deprimens legem, cuius opera erant importabilia, commendans fidem, quæ facillime ex solo auditu habetur. Et cum ex fide Spiritum accepistis, sic modo stulti estis ut cum per Spiritum cœperitis salvari, nunc carne, id est per carnalem legem consummamini, id est perficiamini. Plurimum despitis cum illud quod minus est (scilicet incipere) Spiritui dati, et illud quod majus (id est perficere) attribuitis carni. Et quia per carnem consummationem queritis, sine causa estis passi tanta. Vos quidem multa passi estis ab infidelibus, sed frustra. Sine causa dico vos tanta passos; tamen hac conditione, si sine causa, id est si incorrigibiles estis. Si enim peniteatis, praesto est indulgentia. Et sic dicens revelat spem eorum. Per illos quos ex fide sola probavit habere Spiritum, quia nunquam legem habuerant. Vult modo probare de se quod, cum utrumque habuerit, legem et fidem; per fidem tamen Spiritum accepit, non per legem. Quod nisi probaret, dubietatem relinqueret.

Unde sic ait: Quandoquidem vos ex fide Spiritum accepistis, et non ex lege, ergo Paulus qui tribuit vobis Spiritum, id est per manus cuius accepistis Spiritum sanctum, et qui operatur virtutes et miracula in vobis, dicite modo an ex operibus legis habuit Spiritum, an ex auditu fidei? Ex vobis per simile judicare potestis, quia ex fide non ex lege, licet utrumque habuerit. Ex fide habetur Spiritus. Ex fide habetur justitia, et ex fide promissio. Littera sic jungitur: Ex fide sic habetur Spiritus, sicut ex eadem fide habetur justitia. Justitia utique ex fide. Nam Abraham credidit Deo, id est fidem habuit, et

hoc credere, reputatum est ei sufficiens ad habendam justitiam. Et quia Abraham per fidem habuit justitiam, ergo cognoscite quia, quicunque sunt ex fide, et non ex lege (sicut nec Abraham tunc erat) ii per fidem sunt filii Abrahæ, id est justi, quia imitatores fidei sunt Abrahæ. Non solum per fidem habetur Spiritus et justitia, sed etiam in fide habetur benedictio, sicut ibi legitur. O Abraham in te, id est in similitudine fidei tuæ, benedicentur non solum Judæi, sed etiam omnes gentes. Sed antequam ponat hanc auctoritatem, prædicti quomodo intelligendum sit illud, in te, dicens : *Scriptura in Genesi providens*, id est ostendens Deum providisse; sic enim ab æterno Deus deliberavit, providens, inquam, hoc quia, id est quod Deus justificat non solum filios carnis Abrahæ, sed etiam gentes, justificat, dico, non ex lege, sed ex fide. Illa Scriptura longe ante tempus gratiae prænuntiavit, id est ostendit Deum prænuntiasse Abrahæ, quia in te per imitatem fidem benedicentur omnes gentes (*Gen. XII, 3.*).

Notandum est quod, cum debeat probare de benedictione, ait : Justificat ex fide, intelligens quod ubi præcedit justitia, ibi ex necessitate sequitur benedictio. Quod hic vocat benedictionem, idem intelligit prmissionem, testamentum, haereditatem. Præterea videndum est quod non incongruo ordine ex fide prius habetur Spiritus, dehinc justitia. Ad ultimum benedictio. Post fidem enim statim datur Spiritus, sine quo nemo potest bene operari. Dehinc per adjuvantem Spiritum, sequuntur opera justitiae. Post justitiam sequitur benedictio, 214 id est justorum operum retributio. Et quia Scriptura sic ait per fidem mediante, justitia benedictionem consequi, igitur ii qui sunt ex fide, id est qui esse suum collocant in fide, quod utique David et multi alii cum essent sub lege, subsistere tamen habebant ex fide. Ii utique qui sunt ex fide benedicentur cum Abraham, non circumcisso, sed fidelis, id est non per legem, sed per fidem. Nec hoc prætereundum est quod Abraham ex fide justificatus sit priusquam circumcisus fuerit. Vere ex fide solum habetur benedictio; nam ex lege non habetur, sed potius maledictio. Quicunque enim sunt, id est subsistere se credunt ex operibus legis, ii sunt sub maledicto. Et hoc probat : Vere sunt sub maledicto; nam ita scriptum est in Deuteronomio, id est in abbreviatione legis, quando Moyses datam legem breviter recapi-tulavit, et omnibus præceptis collectis postea ait : *Omnis ille qui non permanserit in omnibus quæ scripta sunt in libro legis hujus* (non dico permanserit voluntate : sed ita ut faciat omnia ea) « maledictus sit (*Deut. xxvii, 26.*) ». Et hoc dicens Moyses idem erat ac si diceret : Hanc legem non trado vobis, ad habendam in ea justificationem; sed ad deprimendam duritiam vestram. Et scitote fugiendum vobis esse ad gratiam, ut maledictum legis evacuet gratia Christi. Ipse etiam Petrus dicit tantum esse

A onus legis, quantum nec ipsi patres eorum portare potuerunt.

Probavit modo, per Abraham et Moysen, justitiam haberi ex fide, et benedictionem (*Act. xv, 11*), hoc utrumque esse ex fide iterum probat per Habacuc. Et considerandum est quomodo fidem semper præferat legi, et per Abraham qui fuit ante legem, et per Moysen ejusdem legis datorem, et per Habacuc, sub ipsa lege viventem. Ex fide habetur justificatio. *Quia autem in lege nemo justificatur* (non dico apud existimationem hominum) sed apud Deum, manifestum est in Habacuc, quia ait quod ex fide fit homo justus, et qui justus est, vivit, id est promissam benedictionem apprehendit, et si ex fide sola justus vivit, tunc non ex lege. Opponere illi : Verum quidem, quod per fidem oportet justificari hominem; sed tamen lex adjuvat fidem, et quodammodo necessaria est fidei. Quod ita infert. Ex fide vivit justus, non ex lege. *Lex autem non est*, id est non pendet ex fide, nec ullum adjumentum est fidei. Sed vultis scire quid melius faciat ? Hoc, scilicet, qui fecerit ea, quæ lex præcipit, vivet in illis, id est quod habet dimittetur ei ; sed nihil merito legis augmentabitur ei. Quia dixerat superius : Maledictus omnis qui non fecerit præcepta legis, diceret ille : Quandoquidem Moyses sic ait. Licet simus in fide, nece-sitatem est ut faciamus legem, ne maledictum Moysi incurramus. Contra hoc Paulus : Licet Moyses maledixerit omni non facienti legem, non tamen ideo adhæreatis legi ; *Christus enim redemit nos de illo maledicto legis*. Quod et Moyses cum malediceret, intellexit. Redemit nos Christus factus pro nobis redimendis, non solum maledictus, sed etiam maledictum. Si quis enim crucifigentium Christum voluit maledicere alicui, maledicebat, dicens : Sic tibi contingat, quomodo illi crucifixus. Vere pro nobis factus est maledictum, quia scriptum est in Deuteronomio : « Omnis qui pendet in ligno sit maledictus (*Deut. xxi, 25.*) ». Christus autem in ligno pendens, non utique ex culpa proprii criminis, sed in eo solo maledictus, quod poenam malædicti sustinuit. Moyses enim præceperat, ut si quis reus damnaretur, in ipsa damnatione ipsi malediceretur. Vel ita omnis qui pendet in ligno sit maledictus. Deus enim primo hominem creato, benedixit ei, si in obedientia persistisset ; sed quia peccavit, maledixit ei ; Quod maledicere nihil aliud fuit nisi spoliare eum de concessa impassibilitate et immortalitate. Christus vero, carnem veteris Adæ assumens, fuit maledictus, quia passibilis et mortalvis. Quod in eo palam fuit, dum in ligno peperit ; pati enim non posset, si impassibilis esset. Objiceret ille gentilis : Et si Christus solvit maledictum legis, nobis non habentibus legem nihil profuit. Contra hoc Paulus : *Christus redemit nos, ut sicut in Judæis, sic in gentibus* 215 fieret benedictio, id est re promissio Abrahæ habenda in Christo Jesu, non per legem. Fieret dico promissio, ita ut accipiamus pollicitationem, id est rem frequenter pollicitam.

Pollicitationem dico Spiritus, id est factam nobis per Spiritum; vel Spiritus, quia jam Spiritum sanctum per quem jam partim deilicatum arham habendae beatitudinis accepimus. Accipiamus dico, non per legem, sed per fidem. Quod modo probavit per auctoritatem legis et prophetæ, scilicet per fidem accipere benedictionem, idem probat per legem humanæ consuetudinis, dicens: Quia sicut testamentum cuiuslibet hominis legaliter factum destrui non potest, ita lex testamentum Dei irritum facere non potest. Quod si objiciunt legem esse antiquorem hoc testamento, et vetus non debere destrui per novum, nihil dicunt, cum haec promissio facta sit Abrahæ longe apte legem. Littera sic jungitur: Quod per auctoritates modo probavi, idem fratres nunc dico secundum hominem, id est per humanas consuetudines affirmo sic: *Testamentum hominis*, licet sit cuiuslibet vili hominis, tamen testamentum hoc confirmatum, id est legaliter factum, ut sint ibi testes: Moriturus testator, etc. Hoc testamentum nemo spernit, ut inexplicatum deserat. Aut nemo super hoc, aliud testamentum ordinat. Et sicut testamentum hominis nemo destruit, ita lex testamentum Dei non facit irritum. Antequam hoc ponat, præmituit quod vere testamentum Dei factum sit, et postea quod testamentum antiquius lege fuerit. Testamentum hominis nemo spernit, testamentum autem a Deo factum est, quia Abrahæ dictæ sunt promissiones. Non dicit quod de diversis fuerint promissiones, sed idem multis repetitionibus et diversis temporibus est pollicitum. Abrahæ dictæ sunt promissiones, et per Abraham dictæ sunt semini ejus, id est Christo. Sicut quando promittitur patri secunditas filiorum, augmentum hæreditatis, licet filius ejus nondum sit, tamen in patre promissio fit filio. Promissio facta est semini, hoc dicit, et non dicit, facta est seminibus. Vel ita: Semini dicit, non dicit, in seminibus quasi in multis debeant hæreditare gentes, sed quasi in uno, id est semine tuo hæreditibuni gentes; qui semen est Christus. Bona est relatio, qua proprium sequitur. Hic ostendit testamentum Dei factum esse ad Abraham, nunc ostendit testamentum esse antiquius lege. Dico promissiones factas Abrahæ, de eodem autem dico quod hoc testamentum confirmatum est a Deo, juravit enim Deus illud se impleturum. Hoc, inquam, testamentum lex non facit irritum; quæ post quadragesimos et triginta annos facta est. Si enim testamentum cuiuslibet hominis non sit irritum, quanto magis testamentum Dei, quod cum juramento pollicitus fuit, et Abrahæ tanto viro, et tanta antiquitate temporis irritum non erit! *Lex non facit irritum ad evacuandam promissionem*, id est ut evacuetur promissio.

Quod ait lex non facit irritum, sic debemus intelligere facit irritum, ut ipsa lex justificet, benedictionem tribuat, sicut per fidem fieri promissum est Abrahæ. Vere evacuetur promissio, si testamentum sit irritum per legem. *Nam si hæreditas habetur ex PATROL. CLIII.*

A lege, quod tamen esse nequit, si ex lege; jam non habetur ex reprobatione. Quia si non ex reprobatione, falsus est Deus qui promisit. Quod si ita est, ergo nec ullo modo habetur. Sed verus est Deus qui promisit. Ergo ex reprobatione ejus et non ex lege. Si ex lege, non ex reprobatione; sed ex reprobatione habetur. Vere ex reprobatione, quia Abrahæ donavit Deus hæreditatem per reprobationem. Ergo non per legem. Et quia probo per legem, nec justitiam, nec haberi benedictionem. Igitur oppones mihi quid profuit lex? Frustra videtur esse data, cum neque justificet neque salvet. Verum quidem ait Paulus, quod neque justificat, neque salvat, nec tamen ideo inutilis, quia posita est propter transgressiones multiplicandas, addidit enim peccatum prævaricationis quod non erat. Et necessaria erat ut abundarent transgressiones. Ubi euim abundavit delictum, superabundavit gratia (Rom. v, 20). » Vel ita: Posita est lex propter vitandas transgressiones; lex enim puniens reum, timere facit peccatum. Iterum ille: Si propter transgressiones; ergo lex utilis tenenda. Minime ait Paulus, quia lex ad tempus posita est, donec veniret semen; id est Christus, de quo ait: In semine tuo, etc., cui semini promiserat, id est promissio facta fuerat. Lex dico ordinata, id est non permansura; sed secundum ordinem suum in tempore disposita. Prius enim lex naturalis; dehinc ista lex scripta. Ad ultimum gratia, ordinata, dico, per angelos, id est per Moysen et Aaron, qui fuerunt nuntii Dei ad populum; vel, per coelestes angelos, quorum ministerio tradita fuit lex Moysi. Iterum ille: Quod per angelos factum est, destruere malum est. Contra hoc Paulus: Ita dico per angelos ordinata ut esset in manu, id est in potestate *Mediatoris Christi*. Angeli enim quicunque fuissent, hoc voluerunt, ut, veniente fide, evacuaretur lex. Et quia modo dixerat mediatoris; qui enim medius est duas extremitates conjungens, videtur diversus esse ab iis quæ conjungit, ne putaretur Christus, dum mediator esset inter Deum et hominem, vel non esse Deus, sed aliud a Deo, qui conjugebat hominem. Vel si Deus esset, putarentur duo, unus qui conjungeret medius duo extrema; alter Deus, cui conjungeretur homo.

Et ad removendum hoc subdit: Dico mediatoris; *Mediator autem concedo quod non est unius rei* tantum mediator, sed duarum extremitatum, quia propter unum non diceretur medius. Et, licet non sit unius mediator, sed duorum, tamen propterea non sequitur quod sint duo dii, sed unus tantum est Deus. Vel aliter: Lex est posita in manu mediatoris; hic autem mediator non est unius, id est Judaici populi tantum; sed est unus, id est æque gentilis sicut Judæi. Hoc inde constat, quia est Deus tam bene gentilis sicut Judæi. Infert a superiori: quia *testamentum hominis nemo spernit, aut superordinat*. Testamentum autem ante legem factum est. Ergo lex non destruit promissa Dei. Sed hoc sub interro-

gatione sic ponit : *An fatendum est quod lex sit adversus promissa Dei*, ut per legem habeatur quod per fidem promittitur? *Absit* hoc ut lex sic adverteatur promissis Dei, ut efficiat benedictionem, quæ per fidem promittitur! Vere lex non est adversus promissa Dei, ut possit benedictionem dare. *Nam si lex data esset quæ possit vivificare*, id est promissam benedictionem dare, tunc vere justitia esset ex lege, nisi enim justitia præcesserit, benedictio nequit apprehendi; sed ex lege non est justitia. *Scriptura enim conclusit*, id est ostendit conclusa. Vel Scriptura, id est eadem lex, et, per additum, peccatum quasi violenter conclusit, et conclusa esse ostendit *omnia sub peccato*. Ideo omnia conclusa sunt sub peccato, ut sic conclusi crederent, et illis tandem creditibus, *daretur promissio*, id est promissa benedictio, non ex lege, sed *ex fide Jesu Christi*; posset enim putari quod, licet crederent, non tamen merito fidei acciperent benedictionem.

Nota : ideo conclusit *omnia sub peccato*, ut crederent; nisi enim homines ita ligarentur sub vinculo peccati, quod nec viribus suis respirare possent, nunquam ad misericordiam quæ in fide constat, confugerent. Sed quamvis lex vivificare non possit, tamen opportuna fuit; quia, *priusquam veniret fides*, nos Judæi positi *sub lege custodiebamur*, id est sub custodia legis nutriebamur ad venturam gratiam. Sub lege dico *conclusi*, id est constricti in carcere velut servi. Minabatur enim poenam, non promitterat requiem. Custodiebamur dico, ex hac custodia transituri in eam fidem quæ tunc figuris legis velata, erat revelanda per Christum. Et quia sub lege custodiebamur in fidem, itaque lex fuit paedagogus noster, nutritiens nos ponendos in Christo, ideo in Christo, ut nos Judæi justificemur ex fide Christi, non ex lege. Paedagogus dicitur nutritor pueri, qui semper sequitur pedes ejus. Similiter lex paedagogus noster fuit, nutritiens pueritiam et simplicitatem nostram, sicut solet puer nutritri verberibus et minis. Nos pueri eramus sub paedagogo. At ubi, id est postquam, 217 venit fides, id est maturitas morum, et jam adulti sumus; nos Judæi, jam non sumus sub paedagogo, id est sub lege. Ideo nos Judæi amplius non sumus sub lege, quia vos omnes, Galatæ, gentiles estis filii Dei per fidem, habitam in Christo Jesu non minus quam nos. Et si vobis nihil minus est apud Deum per fidem quam nobis, frustra teneremus legem, quæ per nos probatur nihil conferre nobis. Quia si nos Judæi legem, quia inutili dimittimus, utique vos qui non habuistis, insania esset apprehendere.

Bene dico vos filios Dei in Christo Jesu. *Quicunque enim baptizati estis in Christo*, id est in institutione Christi Jesu, induistis Christum. Induere dicit. Homo enim per peccatum nudus et penuriam patitur et ignominiam; sed in baptismō veniens ad Christum induit eum, et ad tegendam nuditatem suam et ad gloriam. Bene dico quicunque non est enim Judæus

A neque Græcus, non est servus neque liber; non est masculus neque femina, id est non natio, non conditio, non sexus differens est in fide Christi. Omnes enim vos unum corpus estis per fidem in Christo Iesu. Si autem vos estis Christi, cum Christus sit Abrahæ supra enim dictum est et semini tuo qui est Christus, ergo per Christum vos, gentiles, estis semen Abrahæ. Et si semen, ergo heredes benedictionis ejus, non per legem, sed secundum præmissionem. In eodem quod superius probavit adhuc immoratur; sicut enim probavit non amplius revertendum esse ad legem, quia paedagogus fuit : fide autem perfectis, paedagogo non est opus; idem adhuc aliis rationibus probat, scilicet Judæos non amplius debere operari sub lege, propterea quia lex loco tutoris et actoris fuit : quo tutore et actore non indiget maturitas fidei. Et hoc probat per similitudinem pupilli quem pater moriens sub tutore et actore esse disponit, donee maturitas ætatis faciat cum dignum libertate.

Tutor pueri dicitur, qui contra impugnantem tuetur eum, ne exhaeredari possit. Actor pueri dicitur, vel idem, vel alius; sed pro diversa causa, scilicet quia agit et dispensat bona pupilli, solvit census, respondeat pro eo in causis. Lex similiter tutor et actor dicitur. Homines enim parum habentes divinæ cognitionis, et in eodem satis miseri et pupilli, indigebant prius lege quæ constringeret eos ut servos, ut, sub hac distinctione nutriti, migrarent ad perfectionem fidei; et tunc lex erat eis tutor per præcepta quæ dabat, dicens : Ne facias hoc et illud. Quod si feceris, morte morieris. Sic per data præcepta tutabatur eos lex, et defendebat contra irruentia vitia, a quibus timore cessabant, nondum dilectione. Lex etiam erat ejusdem populi actor, per sacrificia quibus agebatur apud Deum ut expiarentur a peccatis. Littera sic jungitur. Non solum per id quod præmissum est, scilicet quia lex paedagogus fuit probo non ultra mendum esse sub lege, sed etiam per hoc quod lex loco tutoris et actoris fuit. Quibus quia ultra non indigemus, legem tenere injustum est. Vel aliter jungitur, ut sit adversa sententia, ita : Quia unum sumus in Christo et per fidem semen Abrahæ sumus, verum quidem est quia propter hæc non iam debemus tenere legem; sed tamen necessaria fuit, dum tute et actore adhuc pupilli indigebamus. Et secundum banc continuationem causa quæ prius non erat reddit modo supplebitur.

CAPUT IV.

Dico autem : Quanto tempore heres parvulus est, nihil differt a servo, cum sit dominus omnium; sed sub tutoribus et actoribus est usque ad præfinitum tempus a patre. Ita et nos cum essemus parvuli, sub elementis mundi eramus servientes. At ubi venit plenitudo temporis, misit Deus Filium suum factum ex muliere, factum sub lege, ut eos qui sub lege erant redimeret, ut adoptionem filiorum reciperemus. Quoniam autem estis Filii Dei, misit Deus Spiritum Filii sui in corda vestra [nostra] clamantem : Abba, Pater. 218 Itaque

jam non est servus, sed filius. Quia si filius, et hæres per Deum. Sed tunc quidem ignorantes Deum, his qui natura non sunt dei serviebatis. Nunc autem cum cognoveritis Deum (imo cogniti estis [sitis] a Deo), quomodo convertimini iterum ad infirma et egena elementa, quibus denuo seruire vultis? Dies observatis, et menses, et tempora et annos. Timeo [vos] ne forte sine causa laboraverim in vobis. Estote sicut ego, quia et ego sicut vos, fratres, obsecro vos, nihil me læsistis. Scitis autem quia per infirmitatem carnis evangelizavi vobis jampridem et temptationem vestram in carne mea non sprevistis, neque respistis; sed sicut angelum Dei accepistis me, sicut Christum Jesum. Ubi est ergo beatitudo vestra? Testimonium enim perhibeo vobis, quia si fieri potuisset [posset], oculos vestros eruissetis et dedissetis mihi. Ergo inimicus vobis factus sum, verum dicens vobis? Emulantur vos non bene, sed excludere vos volunt, ut illos æmulemimi. Bonum autem æmulumini in bono semper, et non tantum cum præsens sum apud vos. Filioli mei, quos iterum parturio, donec formetur Christus in vobis. Velle autem esse apud vos modo, et mutare vocem meam, quoniam confundor in vobis. Dicite mihi, qui sub lege vultis esse, legem non legistis? Scriptum est enim quoniam Abraham duos filios habuit, unum de ancilla (*Gen. xvi, 15*), et unum de libera (*Gen. xxi, 2*). Sed qui de ancilla secundum carnem natus est: qui autem de libera, per reprobationem; quæ sunt per allegoriam dicta. Hæc enim sunt duo testamenta. Unum quidem in monte Sina, in servitutem generans, quæ est Agar. Sina enim mons est in Arabia: qui conjunctus est ei, quæ nunc est Hierusalem, et servit cum filii suis. Illa autem quæ sursum est Hierusalem, libera est, quæ est mater nostra. Scriptum est enim: Lætare sterilis quæ non paris. Erumpere et clama, quæ non parturis: quia multi filii deserterunt, magis quam ejus, quæ habet virum (*Isa. lvi, 1*). Nos autem, fratres, secundum Isaac promissionis filii sumus. Sed quomodo tunc is qui secundum carnem natus fuerat, persequatur eum qui secundum spiritum, ita et nunc. Sed quid dicit Scriptura? Ejice ancillam et filium ejus. Non enim hæres erit filius ancillæ, cum filio liberæ. Itaque, fratres, non sumus ancillæ filii, sed liberæ, qua libertate Christus nos liberavit.

EXPOSITIO.

Dixerat quidem non amplius opus esse paedagogi, sed causam non posuerat quare. Quam hic subdit, dicens: Licet vos modo unum in Christo paedagogi non egeatis, tamen dico quod vos jam indigistis, sicut videtis quod, *quantocunque tempore* secundum dispositionem patris *parvulus est*, hic qui est *hæres* futurus quanto tempore, sive *xx*, sive *xv*, *parvulus est*. Licet sit destinatus hæres, tamen *nihil differt* seruo, quia sc̄epe constringitur, et verberatur a tutore suo: Cum, id est quamvis, futurus sit dominus

A omnium, nihil differt, sed pupillus ille *est sub tutoribus*, qui tuentur hæreditatem ejus, ne violenter auferatur, et *sub actoribus* qui causas pro eo agunt, et de hæreditate ejus disponunt. Est utique sub illis usque ad tempus quod *præfinitum* est a patre suo, id est, quandiu pater suus constituit eum esse alieni juris. Consuetudo enim erat usque ad *xxxii* annos puerum esse sub patrono, ne dissiparet illicite substantiam suam. Quia Paulus non adaptat omnem similitudinem, bonum est ut adaptemus singula. *Quanto tempore* (hoc enim fuit a primo homine usque ad Christum) hic qui est futurus hæres, scilicet Judaicus populus: cui erat reprobata salus, quandiu hic hæres est parvulus omni tempore usque ad Christum, in cognitione Dei parvulus fuit, et cum parvulus est, nihil differt populus ille a servo. Si enim præcepta sibi faceret, vitabat poenam; sin autem, torquebatur ut servus asperime; nihil interim differt a servo, licet sit futurus dominus omnium bonorum hæreditatis; sic populus ille pressus servitute legis, si de lege transiret ad fidem, constituendus erat dominus cœlestis hæreditatis. *Parvulus nihil differt a servo, sed est sub tutoribus et actoribus*, id est sub lege quæ tutatur eum per præcepta: et agit pro eo per sacrificia. Est utique sub illis usque ad tempus quod **210** *præfinitum* a Deo Patre in quo tempore de servitute legis transferretur ad libertatem fidei. Et quemadmodum parvulus hæres *sub tutoribus et actoribus est*, ita et nos cum essemus parvuli in cognitione Dei, eramus non liberi, sed *servientes sub elementis*, id est sub legalibus. Quia sicut puer per elementa alphabeti transit ad cognitionem litterarum, sic per legem transiendum erat ad cognitionem Dei, in fide habendam. Elementum dicitur vel quasi elevamentum; per hoc eum ad scientiam quis elevatur. Vel quasi elementum, ab *elimo*, *climas*, etc. Vel quasi hylementum; hyle enim *materia*. *Eramus sub elementis mundi*, id est, quæ lex et mundana promitterebat, et carnalia docebat.

Prius sic parvuli eramus. *At ubi*, id est postquam, venit *plenitudo temporis*, sive tempus plenitudinis: plenitudo ideo, quia quæcumque exspectata fuerant in anteactis sæculis, tunc fuere completa; tunc enim perfecta justificatio, quæ antea non fuerat; tunc præsens et plena salvatio, quam ante diem illum exspectabat Abraham cum ceteris saeculis. Vel aliter: *Postquam venit plenitudo*, id est finis et consummatio temporis, quod constituerat primum præterire Deus, tunc misit Deus Filium suum. Cum Filius Dei ubique totus et præsens esset, hoc mittere nihil aliud fuit, quam quod eum qui invisibilis erat, in forma servi visibilem exhibuit. Filius dico, quem adeo humiliavit, ut *factum ex muliere*, id est ut eum qui infactus et sempiternus erat, facturam novam ex muliere vellet suscipere. *Factum* etiam *sub lege*, quia sub lege vixit, et legem implevit, dum hostia pro illo data fuit. Ideo sub lege, ut pretio sanguinis dato redimeret eos qui erant sub lege. Nisi enim sub

lege fieret, legemque teneret, a lege liberare, et legem destruere non posset, sicut oportuit ut mortem gustando, mortem destrueret. Ut redimeret, et ut redempti recipieremus adoptionem filiorum, id est essemus filii suscipientes adoptionem, id est haereditatem aeternam, quam nobis gratia Dei adoptavit. Ubi ait *factum ex muliere, quæritur*, cum ubique Deus totus esset, quomodo magis fuerit in utero Virginis. Cujus rei ponunt sancti similitudinem hujusmodi, quod, sicut anima, dum est in corpore, corpus ipsum significat, regit et vivere facit; segregata a corpore, alibi quidem tota similiter est, nec tamen ibidem officium facit: ita divinitas, licet alibi tota sit, ut in utero Virginis, non tamen sequitur quod idem operetur alibi quod in utero Virginis. Superiorius notasse debuimus quod, quemadmodum parvulus ille, si prius quam veniat ad maturos annos moritur, haereditatem amittit; sic qui de lege ad matritatem fidei transire noluerit, expers fit haereditatis.

Dicerent Galatæ: Vos quidem, Judæi, recipietis adoptionem filiorum: sed quid proderit nobis? Ad hoc Paulus: Non solum nos sumus filii, sed quod vos gentiles similiter estis filii. Probat hoc quod *Deus misit Spiritum Filii sui*, id est eundem quem Filius habuit, vel quem Filius dedit. Misit, dico in corda nostra, id est meum et vestra, Spiritum dico clamantem, id est clamare nos facientem: *Abba, Judæos; Pater, gentiles*. Et quandoquidem utrique filii sumus et clamamus. *Itaque jam non est aliquis servus, sed filius*. Quia si Filius, erit etiam haeres beatæ haereditatis. Et quod ita futurum sit, testor vobis per Deum. Vel ita: *Haeres erit per Deum*, id est per misericordiam Dei, non per legem. Nunc reducit eis ad memoriam priorem statum, quem habuerunt in cultura idolorum, probans pro nibilo idola dimisisse, si legem accipiunt. Lex enim jam est idolatria ex quo venit gratia. Quia qui legem putat esse ad justificandum necessariam, derogando Deo, quod Dei est, legi attribuit, quemadmodum idolatriæ attribuebant quod Dei erat, idolo. Nunc etiam si legem accipiunt, deterius erit quam prius; tunc enim per ignorantiam, nunc vero scientes et prudentes manum mittent in ignem. Littera sic jungitur: Nunc estis filii, sed tunc quidem ante conversionem serviebatis his qui non erant dei. Et si per opinionem, **220** non tamen per naturam. Tunc sic serviebatis, sed nunc, cum cognoveritis Deum, contra hoc quod ait ignorantes; et dicens cum cognoveritis Paulum dixisse eos et corrigo, imo cum vos cogniti, id est approbati estis a Deo, quomodo, id est qua ratione convertimini iterum, quia olim in eodem eratis, ad elementia, id est ad illa legalia infirma, id est etiam tempore suo impotentia justificare quemlibet; et etiam in illa infirmitate egena, id est alieno auxilio egentia. Hoc enim tantulum quod faciebat [fiebat] nisi per auxilium futuræ fidei non poterat, quibus elementis modo servire vultis et denuo. Lex enim amodo vobis erit

A idem, quod idolum fuit olim. Vere convertimini ad legem; nam vos jam observatis dies, id est Sabbathum: observatis etiam menses, id est innovationes lunæ; et tempora, id est jejunia Hebræorum, in temporibus statuta; observatis etiam annos, id est septimum annum, et jubilæum more Hebræorum.

Et quia sic agitis, timeo ros, id est nihil adeo in vobis timeo sicuti vos. Timeo, inquam, ne forse (quod cito contingere potest) laboraverim in vobis sine causa, id est sine fructu utilitatis. Sed ne me frustra laborasse contingat, estote sicut ego, non curantes legalia, quia et ego fui olim legalis sicut ros esse vultis, et deserui. Modo videte, quam insipiente hoc velitis. Vel ita: *Estote sicut ego*, quia ego sum sicut vos, gentiliter vivens. Imponebatur Paulo ab illis pseudo, quod odio haberet Galatas, et ideo non aperuisset illis omnem veritatem. De quo modo excusat se, et laudat eos de priori conversatione, in qua se multum benignos exhibuere Paulo. Ideo etiam sic blanditur, quia post pauca verba asperius est eos aggressurus. Littera sic jungitur: *Estote sicut ego*, et obsecro vos ut sitis fratres mei, piam affectionem habentes erga me; *nihil enim læsistis me in aliquo*. Quare ego odians vos deluerim subducuisse veritatem. Nihil me læsistis; sed scio (et vos bene scitis) quia evangelizati vobis per infirmitatem carnis; non tamen spiritus, quia si infirmabar et contemptibilis eram secundum carnem, in virtute Spiritus per miracula fortis apparebam. Prædicavi per infirmitatem: nec paucō tempore, sed jam pridie, quod tædio vobis esse posset mea infirmitas. Et cum tanta me premeret infirmitas, vos tamen non sprevistis cum prædicabam, neque respuitis, cum primum ad prædicandum veneram, tentationem restraintam factam in carne mea. In infirmitate enim mea tentabat vos Deus, quasi diceret: Si infirmitatem Pauli abjiciunt, rei sunt. Si benigne suscipiant, digni sunt. Respuere plus est quam spernere, sicut penitus abjicere magis est quam patiendo contemnere. Non me sprevistis, sed exceperistis me sicut angelum Dei, et sicut Christum Jesum. Et cum per hoc appareat nullam odii, sed multam esse causam dilectionis, male sentit qui suspicatur inimicari vobis. Et quia in exceptione mei adeo benigni fuistis, ergo ubi est beatitudo vestra, qua sic prius Evangelio obedientias? Et vere beatitudo, quia ipse testimonium perhibeo vobis, quod si fieri posset eruissetis oculos vestros, et dedissetis mihi. Posse fieri intelligit quod opportunum est fieri.

Et quia tanta vi dilectionis mihi devincti eratis, ergo nec credendum est quod ego factus sum inimicus vobis. Quod ideo putatis quia sum dicens verum vobis. Si veritatem reticerem, et vos blandimenta palparem, sic me judicaretis amicum. Ego non sum inimicus vobis; sed illi æmulantur, id est diligunt vos non bene; sed ideo quia volunt vos a fide Christi excludere, ita ut, postquam vos plenius in errorem suum duxerint, vos æmulemini illorū, et exigant a vobis imperio quod voluerint. Sed nolite æmulari

illos; sed *æmulamini* et me et quemlibet *bonum*; nec aliquando in malo, si forte suadeam, sed *semper in bono*; et non tantum cum *præsens sum apud vos æmulamini* me, sed etiam cum *absens fueris*. Idem quod superius probavit, scilicet legem nos esse tenendam, adhuc probat per verba ipsius ejusdem legis. Sicut enim postea ostendit veniente 221 libertate fidei repudianda est servitus legis. Littera sic jungitur: *Æmulamini me, et quemlibet bonum*. Illos vero ne *æmulemini*; quod si eos *æmulari* vultis, *o filio mei*, dicite mihi. Illuc usque pendet constructio: Eos qui prius erant filii secundum integratem fidei, diminutive filiolos appellat, quia volentes adhærere perversis, plurimum diminuti erant in bono filiationis. *Filioli mei, quos ego parturio*, id est de quorum instructione, maximo conatu labore. Parturire enim dicitur labor ille, quem in emisione pueri mater patitur, priusquam puer extra mittatur. *Quos parturio iterum*; olim enim cum infideles eratis, multum laborem habui in vobis. Parturio et labore in vobis, donec in Christo reformemini in fide cuius reformati estis, quia illis pseudo saltem consensistis. Nec ait *donec reformemini*, sed *donec Christus formetur in vobis*. Christus enim deformatus est, et formam suam perdidit in vobis seductis. Vel, deformatus est in vobis, id est in similitudine vestri. Audientes enim alii quomodo fidei Christi detrahitis, dicunt exemplo vestro insufficientem esse ad salutem fidem Christi.

Ut magis eos deterret, aggravavit dictum dum ait *donec formetur Christus*, quem, quasi diceret, deformasti. Filios vos appello; sed, licet *absens*, dicam filios. Tamen modo *vellem esse præsens apud vos*, et sic mutare vocem meam, quia si modo vos appello filios, præsens dicerem vos alienos detrahentes Deo, et multa alia opprobria. Quæ Paulus licet diceret, si præsens esset, noluit tamen in Epistola scribere, sciens Epistolam permansuram, et de correctione eorum confidens, quorum improprium durare noluit; et merito, cum essent corrigendi. Si apud vos essem, mutarem vocem, ideo *quoniam nunc confundor*, id est verecundor in vobis. Laudaveram enim fidem vestram apud alias Ecclesias, quæ, audientes corruptionem vestræ fidei, estimant me reum mendacii, et super hoc erubesco. Vos filii mei, *dicite mihi*. Vel, si placet, non oportet illuc usque protendere sic continuando: *Æmulamini me*, quod utique debetis, quia vos estis filii mei quos iterum parturio, etc. Sententia verborum non mutatur. Et quia *confundor in vobis seductis*, modo dicate et respondete mihi: *Vos qui sub lege vultis esse, non legistis vos legem?* Complexionem facit illis utrinque; ferientem, quia si legem non legerunt, stultum est transire ad illud quod nesciunt. Si autem legerunt, cum eadem lex veniente fide prohibeat se teneri, plurimum desipiant qui eam tenere volunt. Alterum tamen membrum complexionis exsequitur, hoc est, si legem legerunt.

Dicerent illi: Quid inde si legem legimus? Ideo

A quæro an legistis quoniam ipsa lex se non esse tendam aperte innuit. *Scriptum est enim in lege quoniam Abraham habuit duos filios*. Multos quidem filios habuit Abraham, sed de his duobus convenienter figura fuit ad fidem et legem. Hæc autem verba non eadem inveniuntur in Genesi; sed æque valentia. De quibus duobus filiis Moyses totum ad finem usque descripsit, quod non fecit de cæteris. Quia Paulus non secundum singula allegoriæ sequitur, bonum est ut eisdem verbis eam aperiamus. Abraham qui interpretatur *pater multarum gentium*, habens duos filios, id est duos populos, significat Deum habentem duos filios, Gentilem scilicet et Iudeum. Non tamen quod singuli eorum sint filii Dei, nisi qui in utroque populo, digni fuerint inventi. *Duos filios habuit Abraham, unum de ancilla*, id est Ismael de Agar, et *unum de Libera*, id est Isaac de Sara. Filius de ancilla significat Judaicum populum, filium ancillæ, id est legis, qui bene dicuntur filii ancillæ, qui velut servi serviebant timore poenæ et amore carnalium in carnalibus. Filius autem liberæ significat populum fidelem, qui in libertate fidei Deo ex dilectione servit, non ex timore nec propter temporalia, sed propter æternæ. Et licet uterque esset filius Abrahæ, tamen diverso 222 modo nati. Qui enim fuit de ancilla, scilicet Ismael de Agar, hic *natus est secundum carnem*, quia et Agar juvencula erat et secunda. Similiter legalis populus natus est de ancilla, id est de lege secundum carnem, quia et in carnalibus et amore carnalium serviebat; si peccaret, statim in carne puniri timebat. Filius autem qui fuit de libera, scilicet Isaac, de Sara natus est non secundum carnem. Sara enim vetula erat et sterilis, sed *per reprobationem* Dei. Deus enim, sicut pie promiserat, virtute sua nasci facit filium de sterili et decrepita. Similiter populus fidelis, qui fuit de libera, id est natus ex fide, quæ libera est per dilectionem, non sicut ex ancilla per timorem. Hic populus natus est per reprobationem, quia Deus misericorditer promiserat se per fidem facere salvationem. Ideo erat per reprobationem, quia non servit Deo desiderio carnalium, quæ videt, sed amore spiritualium quæ nemo vidit, sed per solam reprobationem Dei habiturum se confidit.

Quæ omnia, scilicet Abraham habuisse duos filios, hunc de ancilla secundum carnem, hunc de libera per reprobationem, hæc omnia *dicta sunt per allegoriam*, id est per aliud intellectum quam sit litteralis hic habendum. Ipse tamen non singulorum allegoriæ exequitur, nisi solum de ancilla et libera. Vere sunt dicta per allegoriam. *Hæc enim*, id est ancilla et libera, *sunt*, id est significant, duo Testamenta, Vetus et Novum. *Unum quidem Testamentum*, id est legem *generans filios in servitutem*, quia et timore poenæ et pro carnalibus serviebant. Illud unum dico datum in monte Sina; ibi enim lex data fuit in deserto. Sina interpretatur mandatum, et per montem altitudinem superbia accipimus, ut dicamus *generans in servitutem in monte Sina*, id est in superbia mandati. *Judæi enim*, qui soli legem

habant, superbiebant, dicentes se populum Dei, alios non populum, sed canes. Unum Testamentum datum est in monte Sina, quæ est Agar, id est quod Testamentum significat Agar. Relatio bona est per quæ, quia sequitur proprium feminini generis. Agar interpretatur *alienatio*, ex ipso nomine innuens *Vetus Testamentum alienandum esse et destruendum*. Idem significavit hoc quod non in terra re promissionis, sed in deserto datum fuit, quod nunquam per opera hujus legis venturi essent in veram terram re promissionis. Vere in servitatem, nam Sina est mons in Arabia. Per hoc enim quod, dum essent in captivitate, accipiebant hanc legem, significabatur quod lex in captivitate data generabat eos in servitatem; nunquam per opera legis venturos in libertatem. Idem allegoricus innuit intellectus. Arabia enim *humilitas* vel *afflictio* interpretatur. Unde sic dieimus: *Sina mons est in Arabia*, id est mandatum, et superbia est in afflictis seu, quod idem est, humiliatis. Per hoc enim quod superbiebant de mandato, et sæpissime velut mali servi affligebantur per legem, apparebat quod lex illa generasset eos in servitatem. Sina mons est in Arabia, qui mons *conventus est*, id est assimilatus ei Hierusalem, id est Judaico populo videnti Deum, quia aliae gentes tunc temporis nesciebant Deum. Hierusalem dico, quæ nunc est, id est quæ in præsentibus videt, et collit Deum non in spiritualibus, et ideo non visura in futuro.

Mons ille *conventus est*, non quod radices ejus porrigan tur usque Hierusalem, sed assimilatus Ju dæis, quia per montem Sina significatur superbia eorum, qua de mandato superbierunt. Per Arabiam significatur afflictio eorum, qua peccantes per legem affligebantur more servorum. *Ei*, Hierusalem, quæ nunc est, et quæ servit timore poenæ, non amore. Servit dico cum filiis suis, id est cum proselytis, qui de gentilitate in circumcisionem transeunt. Vel servit tota insimul Synagoga cum filiis suis propriis. Hic illo genere servitutis, hic alio. Hierusalem quæ nunc est servit, sed illa Hierusalem quæ est sursum, id est non carnalia, sed spiritualia appetens, hæc est libera, quia non ex timore, sed servit ex dilectione: **223** nec temporalia querit, sed æterna. Hæc est Ecclesia fidei, quæ superior Hierusalem est mater nostra. Ecclesia enim nos genuit in libertatem fidei. Vere libera; nam lætatur, erumpit et clamat: Vere mater; nam filii ejus multi. Quod sic ait: Libera est mater nostra. Nam sic de ea scriptum est in Isaia: *Lætare tu. Sara steritis, quæ modo non paris; erumpe et clama, quæ non parturis* (Isa. iv, 1), id est quæ nec de pariendo laboras. Ideo lætare, quia magis multi filii tui desertæ Saræ quam sint filii ejus Agar, quæ nunc habet virum. Habebat Agar Abraham cohabitatione, non tamen dilectione. Carebat Sara Abraham cohabitatione, quem tamen habebat dilectione, quia colebat et diligebat eam ut legitimam uxorem. Isaias, qui post longa sæcula fuit ab Abraham, frustra sic loqueretur de Sara et Agar.

A Ad litteram, quare sic intelligendum est? Vere libera est, nam sic ait Isaia: O tu sterilis Ecclesia! Quia quædam steriles, quæ postea pariunt per gratiam, ut eadem Sara et Elizabeth, ideo addit: Tu sterilis, quæ non paris, lætare animo. Erumpe etiam exteriori gaudio et clama, id est invita alios ad congaudendum tibi. Tu dico quæ non solum non paris, sed nec etiam parturis, id est spe carent in tempore legis de pariendo, non conari. Prohavit quod sit libera; probat etiam quod sit mater. Littera tamen respondet ad proximum. *Ideo lætare*, etc., quia filii desertæ, id est Ecclesiae, quæ in tempore legis cohabitatione a Deo derelicta fuit non dilectione. In tempore etiam legis magis dilexit Deus libertatem fidei quam servitutem legis.

B Filii, inquam, desertæ magis multi sunt quam sint filii ejus legis, quæ nunc habet virum. Tunc enim lex multos generabat, sed qui fideles erant, ut Moyses et prophetæ, videntes duritiam eorum, nec saltem cogitabant eos de spiritualibus docere, quos quotidie in carnalibus mandatis videbant transgressores esse. Lex quidem tunc habebat virum, id est Deum cohabitatione, non tamen dilectione. Duæ matres sunt: altera libera, altera ancilla. Sed nos fratres, ego et quicunque fideles, sumus filii, non servitutis, sed promissionis, id est per promissam gratiam Dei, secundum, id est in similitudinem Isaac, qui non lege carnis, sed virtute divini promissi natus fuit. Ostendit nos esse natos in similitudine

Isaac, quia eadem signa quorum figura præcessit in illo, videntur hodie in filiis Ecclesiae. Et tamen ad versatur conjunctio litteræ, hoc modo: Licet sumus filii promissionis, tamen quomodo tunc in tempore Abraham, hic qui secundum carnem natus fuerat, id est Ismael, *persequebatur eum qui secundum spiritum* natus est, scilicet Isaac. Ismael enim natu major verberabat Isaac adhuc tenerum; quem videbat dominum sibi et hæredem futurum. Ita etiam fit nunc, quod qui carnales sunt persecuntur spirituales et affligunt, et quia sicut Isaac affligebatur ab Ismael, ita et nos spirituales affligimur a carnalibus. Itaque, fratres, per hoc apparebat quod non sumus filii ancillæ; fuimus quidem servi olim sub lege, sed jam sumus filii liberæ, id est gratiæ. Sed interserit quædam dicens: Qui secundum carnem sunt, persecuntur nos, sed non est curandum; ipsi enim ejicientur, et nos in hæreditatem introibimus.

Quod sic ait: *Quid dicit Scriptura?* In eodem Moyse invenitur quia, cum Sara vidisset Agar et puerum ejus superbientes contra se et Isaac, ait ad Abraham: *Ejice ancillam et filium ejus* (Gen. xxi, 16). Similiter filii gratiæ dicunt: Domine, ejice ancillam, id est legem, et filium ejus, id est Judaicum populum. Non enim filius ancillæ, id est legis, hæres erit in promissa beatitudine cum filio liberæ, id est fidei, quemadmodum filius Agar ancillæ non fuit hæres cum filio Saræ liberæ. Itaque, fratres, jam non sumus filii ancillæ (sicut expositum est), sed liberæ,

qua libertate, id est per hanc libertatem quam habemus, *Christus* habens eamdem liberavit nos per eam.

224 CAPUT V.

« State et nolite iterum jugo servitutis contineri. « Ecce ego Paulus dico vobis quoniam, si circumcidamini, Christus nihil vobis proderit. Testificor autem rursum omni homini circumincidenti se quoniam debitor est universæ legis faciendæ. Evacuati estis a Christo, qui in lege justificamini; a gratia excidistis. Nos enim spiritu ex fide spem justitiae exspectamus. Nam in Christo Jesu, neque circumcisione aliquid valet, neque præputium, sed fides, quæ per charitatem [dilectionem] operatur. Currentibus bene: quis vos fascinavit [impedivit] veritati non obediens? Nemini consenseritis. Persuasio haec non est ex eo qui vocavit vos. Modicum fermentum totam massam corrumpit (*I Cor.* v, 6). Ego confido in vobis in Domino quod nihil aliud sapientis. Qui autem conturbat vos, portabit judicium, quicunque est ille. Ego autem, fratres, si circumcisionem adhuc prædico, quid adhuc persecutorum patior? Ergo evacuatum est scandalum crucis. Utinam et abscondantur qui vos conturbant! Vos enim in libertatem vocati estis, fratres, tantum ne libertatem in occasionem detis carnis, sed per charitatem spiritus servite invicem. Omnis enim lex in uno sermone impletur: Diliges proximum tuum sicut te ipsum (*Matth.* xxii, 39). Quia si invicem mordetis et comeditis, videte ne ab invicem consumamini. Dico autem in Christo. Spiritu ambulate et desideria carnis non perficietis. Caro enim concupiscit adversus spiritum, spiritus autem adversus carnem. Hæc enim sibi invicem adversantur, ut non quæcumque illa faciat. Quia si spiritu ducemini, non estis sub lege. Manifesta autem sunt opera carnis, quæ sunt fornicatio, imunditia, impudicitia, luxuria, idolorum servitus, beneficia, inimicitiae, contentiones, æmulationes, iræ, rixæ, dissensiones, sectæ, invidiae, homicidia, ebrietates, comessationes, et his similia, quæ prædico vobis, sicut prædicti, quoniam qui talia agunt, regnum Dei non consequentur. Fruetus autem spiritus est charitas, gaudium, pax, patientia, benignitas, bonitas, longanimitas, mansuetudo, fides, modestia, continentia, castitas. Adversus hujusmodi non est lex. Qui autem sunt Christi, carnem suam crucifixerunt cum vitiis et concupiscentiis (*I Petr.* ii, 11). Si vivimus spiritu, spiritu et ambulerimus. Non efficiamur inanis gloriae cupidi, invicem provocantes, invicem invidentes. »

EXPOSITIO.

Licet enim Christus sub lege fuerit, lex tamen non est dominata ei qui peccatum non habuit; sed ex sola libertate fecit, quidquid fecit. Et quia filii liberæ sumus; et per Christum libertatem apprehendimus, sicut ex eadem lege aperte colligitur, insania est ut, qui per fidem liber est, servum se faciat per legem. Et ideo quia liberi estis state, id est

A perseverate in hac libertate fidei, et nolite contineri jugo servitutis, id est atteri onere legis iterum. Et bene iterum, quia si vos fideles jam circumcidimini, idem est quod ad idola converti, quibus antea serviebat. Dicerent illi: Nolumus omnem legem suscipere nisi solam circumcisionem quam habuit Abraham, qui fuit sine lege. Contra hoc Paulus: Nolite contineri jugo legis, quoniam Christus, id est fides Christi, nihil proderit vobis, si circumcidamini, et ecce ego Paulus, cuius auctoritas ubique vulgata est, hoc dico et affirmo, vobis quod si circumcidamini, fides Christi non proderit vobis. Non solum quia Christus non proderit vobis, sed etiam propter importabile onus legis non debetis circumcidiri. Quia sic ait: Testificor rursum, id est vel sicut olim dum eram in lege testificabar. Vel rursum, id est iterum, hoc adduco ad idem dissuadendum quod per præmissa dissuadebam. Testificor omni homini circumincidenti se quoniam, id est quod, ipse est debitor universæ legis faciendæ. Circumcisio enim exigit ut sequantur cætera opera legis, quemadmodum fides post baptismum exigit ut sequantur opera fidei. Et ne putatis vos posse circumcidiri, nisi onus legis per omnia portetis. Vere Christus nihil proderit 225 vobis; nam si circumcidamini, evacuati estis a Christo, id est inanis facta est vobis fides Christi. Dicerent illi: Malum a Christo evacuari quam non circumcidiri, sicut Deus mandavit. Ad hoc Paulus: Non solum a Christo, sed etiam excidistis a gratia Dei vos, quicunque in lege justificamini, id est per legem justificationem queritis. Illic bene determinat quomodo prohibeat circumcisionem, scilicet ut per eam non quærant justificationem, cum tamen passus sit circumcidiri Timotheum, ut tolleret a se suspicionem, uterque tamen Paulus et Timotheus intelligens nihil conferre justitiae circumcisionem. Vere nemo justificatur in lege; nam nos solum qui sumus ex fide, exspectamus spem justitiae, id est beatitudinem quæ ex justitia speratur. Et quod exspectatio nostra certa sit, constat ex eo quia exspectamus per Spiritum, sic nos sperare insinuantem. Ideo ex fide tantum spem habemus; nam in Christo Jesu, id est in fide Christi Jesu, neque circumcisione aliquid valet, neque præputium, sed sola fides, quæ tamen non sit otiosa, sed operetur; nec contumeliose, sed per dilectionem Dei et proximi.

Fides sola valet in Christo, et in hac fide vos bene, id est per dilectionem currebatis, id est operabimini. Sed quis impedivit vos male suadendo non obediens veritati, quam a me didicisti? Ut autem obediatis veritati, ne consenseritis alicui carnalium, quia hæc persuasio eorum non est ex eo, id est secundum Deum, qui per gratiam suam vocat vos ad regnum. Ideo ne consenseritis, quia modicum fermentum, id est vel saltem consensus, vel sola persuasio, vel illi pauci male suadentes. hoc, inquam, modicum corrumpit totam massam, et facit acidam, id est vel totam Ecclesiam, vel omnia bona eorum. Modicum quidem fermentum corrumpit totam mas-

sam; sed vos non corrumpemini. *Ego enim confido in vobis*, et hoc in Domino, id est per cooperantem vobis gratiam Dei, quod nihil aliud sapientis quam quod sanum est, et ego vos docui. Vos non aliud sapientis; sed ille qui conturbat vos, id est qui puritatem fidei vestrae admistione infidelitatis turbidam facit, ille portabit judicium, id est sustinebit damnationem; etiamsi sit Petrus, aut angelus de cœlo. Modo respondet ad illud quod imponebant ipsi pseudo, scilicet quod prius quidem destruebat circumcisionem; sed, modo Hierosolymis correctus a Petro et ab aliis, prædicabat circumcisionem. Quod falso esse comprobat dicens: Illi vos conturbant, sed ego non conturbo vos. Si autem, fratres, sicut illi imponunt, adhuc prædicto circumcisionem, adhuc ideo, quia, dum erat Judæus, prædicabat eam: si, inquam, sic prædicto adhuc, sicut a principio prædicationis patior persecutionem a Judæis. Quia sicut imponunt si prædicto circumcisionem, ergo evacuatum est scandalum crucis. Judæi enim scandalizabantur in hoc quod per solam crucem prædicabam justificari hominem. Quod si cruei admisceam circumcisionem, et ex utroque dicam justificari, placati sunt mihi Judei. Ego non vos conturbo, sed illi conturbant vos. Et utinam non solum pellicula præputii, sed penitus absindantur illi qui vos conturbant. Non intelligit Paulus membrorum abscisionem, sed sicut absisi testiculi non generant, sic isti absindantur, ne quemlibet generare possint in errore stio. Conturbant utique vos, dum in servitatem legis redigere volunt. Nam vos, fratres, vocati estis in libertatem Dei. Hoc tantummodo videte, ne libertatem vestram detis in occasionem carnis, id est ne propter libertatem licentius vos posse peccare creditis. Nec hoc faciatis, sed servitute invicem per charitatem spiritus, id est, per spiritalem dilectionem agentes.

Accepta occasione vult ostendere, eis facilitatem novæ legis quæ in uno sermone impletur, et bac iterum occasione corripit eos a detractione, dicens: Servite invicem per charitatem. *Nam omnis lex impletur 226 in uno sermone*, in hoc scilicet: *Diliges proximum tuum sicut te ipsum*, sicut in epistola ad Romanos exposuimus (Rom. iii). Lex præcipit dilectionem, quod si spernentes legem invicem mordetis, detrahendo alter alteri, nec solum mordetis, sed etiam comeditis, id est bona proximi per invidiam penitus devoratis. Videte ne consumamini, id est ne devoremini invicem, id est tu, quia detrahis proximo; ille, quia detrahit tibi. Posteaquam satis probavit legem non esse tenendam, incipit nunc approbare fidem et gratiam. Littera sie jungitur: Videte ne consumamini secundum suasionem carnis, mordendo et comedendo vos invicem; sed dico vobis: Ambulate spiritu, id est perficie bene operando secundum quod hortatur vos spiritus, id est ratio. Ambulate dico spiritu, et hoc in Christo, id est quod tantum licet facere per Christum; et non aliud, ut quis secundum rationem operetur. Si in Christo

Aestis, secundum spiritum ambulabitis. Etiam aliud bonum inde provenit, quia desideria carnis, et si per impugnationem sentiatis, non tamen actu perficietis. Sed licet non perficiatis, tamen caro concupiscit adversus spiritum; et sic impugnationem sentiatis. Vel dicamus iterum: Bene dico desideria carnis, nam caro concupiscit adversus spiritum, et spiritus, id est ratio concupiscit ea quæ sunt adversus carnem. Vere caro et spiritus alter versus alterum concupiscit. Hæc enim, id est caro et spiritus, adversantur sibi, non caro carni, nec spiritus spiritui, sed invicem, id est caro in spiritum, spiritus in carnem. Adversantur, ita ut non facialis omnia illa quæcunque vultis, seu carnales, seu spirituales. Nemo enim adeo justus, qui non ad vicem cadat. Nem: B adeo malus qui nos ab aliquo quod caro suadet, se aliquando cohipeat. Dixit quod si vivimus, spiritus ambulare possumus. Quia si spiritum sequimur, desideria carnis non perficiemus, quia caro pugnat adversus spiritum. De qua pugna carnis et spiritus modo vult dijudicare, dicens: Caro contra spiritum; spiritus pugnat contra carnem. Quia si vos ducimini spiritu, id est ratione, jam non estis sub lege. Lex enim posita est ut peccatores cohipeat, sed si secundum spiritum agitis, jam non peccatis, et qui non peccat, liber est a lege. Qui spiritu ducitur, non est sub lege; qui autem carne, is captivatur sub lege. Quod æquipollenter ait: Opera spiritus neminem redigunt sub lege; sed opera carnis illa sunt manifesta, non oportet improperare ea. Turpitudinem eorum omnibus est nota et captivitas. Ideo non curat detestari carnis opera, quia sola eorum nomina satis assignant fœditatem. Opera carnis dico quæ sunt hæc, scilicet fornicatio, immunditia, imprudicitia, luxuria. Fornicationem vocat cum meretricibus, vel conjugatis pollui; immunditiam, turpidinem illam quæ sit præter naturam. Et etiam in incestis osculis, et in tractatione polluta. Impudicitiam vocat etiam, si non sit fornicator, vel immundus, sed in verbis et habitu, et motatione membrorum non sit pudice temperatus. Luxuriam vocat superfluitatem carnis, sive in gula, sive in coitu. Quæ luxuria etiam haberi potest in uxore si superflue ea utatur.

C D Opera carnis etiam sunt servitus idolorum, veneficia, inimicitiae, id est longa odia, contentiones in verbis, emulationes, quod quilibet invidens laborat usurpare sibi bonum alterius. Sunt etiam iræ, id est subitæ commotiones animi. Et de ira rize, quando res agitur pugnis. Sunt iterum dissensiones, quæ sepe flunt in Ecclesia. Sunt etiam sectæ, pro quo in Græco habetur hæreses. Sunt etiam invidie, id est malus livor animi; qui licet se non consecutur seiat rem proximi, invidet tamen ei, eumque eam habere nolle. Iterum homicidia, ebrietates, id est consuetæ supra modum potationes, et comedationes et similia his quæ modo prædicto vobis, scilicet olim prædisi, eum vobis primum prædicavi, ut caveatis ab illis, quoniam qui talia agunt, hi

non consequentur regnum Dei, si in hoc actu **A** *comprehensi sunt*. Hæc prædicta sunt opera carnis; sed opera spiritus sunt hæc. Et non ait opera, sed ad commendationem, ait *fructus Spiritus*. His enim operibus frui prodest et oportet. Fructus, inquam, Spiritus est *charitas*, id est dilectio Dei et proximi, de qua charitate sequitur *gaudium et pax*. Gaudium vocat letam conscientiam; pacem ad omnes ex dilectione concordiam. *Est etiam Fructus Spiritus longanimitas*, id est spes. Si enim tardat retributio; non tamen minus sperat, vel impatienser exspectat. Et est opus Spiritus *patientia*, qua quacunque toleramus adversa; et *bonitas*, id est pia affectio animi; etiam si non habet quid tribuat; *benignitas*, id est largitas communicandi quæ habet: *mansuetudo*, quod ita attractibilis et affabilis est omnibus; et *fides* quæ recte credit in Deum; *modestia*, id est temperantia verborum et actus; *continentia*, qua etiam a lictis continet se aliquis; *castitas*, quod caste utitur lictis, ut vir uxore. Hæc sunt opera Spiritus, et *adversus opera hujusmodi non est lex*; sicut supra diximus, non estis sub lege. Hæc sunt opera carnis. Hæc sunt opera Spiritus; qui autem sunt Christi, facient opera Spiritus. Quod sic ait: *Cruciferunt hi qui sunt Christi, carnem suam*, quod nullos sensus quan- diu in Christo sunt, inclinare queunt ad vitia. Illi dico certantes cum vitiis et cum concupiscentiis. Vitia accipit in actu; concupiscentias, in voluntate. Non solum carnem crucifigamus, ne malum operemur; sed etiam *ambulemus Spiritu*, id est proficiamus bene operando secundum quod admonet ratio; justum est ut ambulemus Spiritu, *quia vivimus Spiritu*; et si justificati vivimus Spiritu, sequitur ut etiam ambulemus Spiritu. Vivit homo per justificationem fidei. Ambulat cum operatur ea quæ fides exigit. Et si vivimus et *ambulamus*, in hac ambulatione non efficiamur cupidi inanis, id est mundane gloriæ. Non est peccatum si bene agentes laudamur, sed si laudari cupimus; non simus cupidi inanis gloriæ. Nos dico qui hoc cupimus *invicem provocantes*; quia superbia quæ non patitur parem, nisi præferatur omnibus, indignatur, provocans ad litem. Et si non aperte provocare audentes, saltem animo *invidentes invicem*, id est alter alteri.

CAPUT VI.

Fratres, et si præoccupatus fuerit homo in aliquo delicto, vos qui spirituales estis, hujusmodi instruite in spiritu lenitatis, considerans te ipsum, ne et ut tenteris. Alter alterius onera portate, et sic adimplebitis legem Christi. Nam si quis existimat se aliquid esse cum nihil sit, ipse se seducit. Opus autem suum probet unusquisque, et sic in semetipso tantam gloriam habebit, et non in altero. Unusquisque enim onus suum portabit. Communicet autem is qui catechizatur verbo, qui se catechizat in omnibus bonis. Nolite errare. Deus non irridetur. Quæ-

enim seminaverit homo, hæc et metet. Quoniam qui seminat in carne sua, de carne et metet corruptionem; qui autem seminat in Spiritu, de Spiritu metet vitam æternam. Bonum autem facientes non deficiamus; tempore enim suo metemus, non deficiente. Ergo dum tempus habemus, operemur bonum ad omnes, maxime autem ad domesticos fidei. Videte qualibus litteris scripsi vobis mea manu. Quicunque eni- volunt placere in carne, hi cogunt vos circumcididi; tantam, ut crucis Christi persecutio nem non patientur. Neque enim qui circumciduntur, legem custodiunt, sed volunt vos circumcididi, ut in carne vestra gloriantur. Mibi autem absit gloriari nisi in cruce Domini nostri Jesu Christi, per quem mihi mundus crucifixus est, et ego mundo! In Christo enim Jesu, neque circumcisio aliquid valet, neque præputium, sed nova creatura. Et quicunque hanc regulam secuti fuerint, pax super illos et misericordia et super Israel Dei. De cætero nemo mihi molestus sit. Ego enim stigmata Domini Jesu in corpore meo porto. Gratia Domini Jesu Christi cum spiritu vestro, fratres. Amen.

EXPOSITIO.

B Postquam in communitate omnem Ecclesiam corredit et instruxit, nunc divisim admonet prælatos, ut in lenitate instruant peccantes subditos, et econverso admonet subditos ut aequo animo in omni obedientia audiant prælatos, dicens: Quia vivitis Spiritu, ambulate Spiritu; *vos autem qui spiritales estis*, id est prælati: omnis enim perfectus etiam si officio careat, imperfecto tamen prælatus est; vos, inquam, spiritales licet in aliquo delicto præoccupatus fuerit aliquis; nec mirum si peccat quia homo: præoccupatus dicit non quod ex industria peccaverit, sed quia providere sibi nescivit, vos, inquam, prælati *instruite* hominem hujusmodi in spiritu, non furoris, sed in spiritu lenitatis. Nunc de plurali transit ad singularem, loquens similiter cuilibet prælato. Cum lenitate corripe delinquentem tu, quicunque prælate, considerans te ipsum, ne tu etiam tenteris similiter. Sæpe enim Deus sic pie disponit ut, qui indignando obhorret casum proximi, in idem præcipitetur, vel in pejus. Nec solum instruatis delinquentem, sed etiam *portate onera alteri alterius*, prælatus onus subditi. Portate dico compatiendo, orando, et jejunando ut fiat ei remissio. *Et sic vivissim supportando vos adimplebitis legem Christi*. Christus enim nescius peccati, dum peccata nostra in cruce portavit, hanc in se legem attulit, ut alter sic portaret peccatum proximi. Considera te ipsum, ne similiter tenteris. *Nam si quis inconsiderate agens, existimat se esse aliquid, cum ex se nihil sit*, et si gratia in eo aliquid sit, ipse sic opinans seducit se ipsum, id est seductor sui ipsius est. Nolite seduci, sed *unusquisque probet*, id est videat, an probabile

sit opus suum, et sic probatus habebit gloriam tantummodo in semetipso, id est apud se in conscientia, et non in altero, id est non in consideratione et contemptu alterius. In se debet gloriari non in altero. Nam unusquisque seu justus, seu peccator, portabit in die illo onus suum, id est manipulum suum, quem opera sua colligere digna sunt, seu bonum, seu malum. Vel ita de peccatore tantum sermo sit. Tu, ut juste, ne glorieris in contemptu peccatoris. Nam unusquisque peccator portabit onus suum, id est pondus peccati sui.

Admonitis prælatis, quales se debeant exhibere subditis, admonet subditos ut reverenter obediant prælatis, dicens: Prælatus cum lenitate instruat subditum. *Is autem qui cathechizatur*, id est qui instruitur, licet non exemplo boni operis: sed saltem verbo: is, inquam, communicet et obediat et in omnibus bonis quæ facit et hortatur. *Ei dico qui se cathechizat*, id est qui instruit illum. Dico communicate his qui vos instruunt, et nolite errare, id est nolite vos excusare, dicentes non esse obediendum eis qui verbo bene docent, et non sic agunt, ideo nolite sic errare, quia Deus non irridetur, id est non calva occasione deciperetur. Quod si deciperetur, irresistibilis esset. Vere non irridetur, quia quæ seminaverit homo, haec utique metet. Et vere seminata metet, quoniam qui seminat in carne sua, id est qui operatur corruptibilia carnis desideria, hic utique metet de carne corruptionem, quia seminavit corruptionem. Qui vero seminat in Spiritu, id est secundum rationem, hic metet de Spiritu spiritualia, scilicet, vitam æternam. Postquam divisim prælatos, deinde subditos instruxit, iterum omnem Ecclesiam mistim admonet, dicens: Vos prælati in lenitate subditos instruite. Vos subditi in omni bono his qui vos instruunt, communicate. Omnes autem, tam prælati quam subditi, aequum bonum facientes non deficiamus bene operando. Nec deficere debemus in operando, quia metemus mercedem operis tempore suo, id est opportuno, non deficiente in metendo. Et quia metemus non deficiente, ergo, dum tempus operandi habemus, id est in hoc mundo: operemur bonum ad omnes, maxime tamen ad domesticos fidei. Prius enim fidelibus necessaria ministrare debemus, deinceps si superabundat etiam infidelibus.

Ab hoc loco Apostolus propria manu præscripsit Epistolam, ne Galatæ ambigerent hanc Epistolam esse Pauli, quia destruebat hic circumcisionem, de quo illi pseudo dixerant Galatis quod modo Paulus doceret circumcisionem. Unde sic ait: Ut haec præcepta credatis esse mea, videte qualibus litteris scripsi vobis, ab hinc mea propria manu, ut cognitione

A scripturæ meæ certi essetis hanc Epistolam esse meam. Et his quæ scripsi obedire debetis, non illis. *Quicunque enim volunt placere illis Judæis in carne*, id est in carnalibus persuasis, hi cogunt vos circumcidisti. Cogunt utique, quia importuno sermone vos compellunt ad id quod rationibus comprobare ne-sciunt. Cogunt vos circumcidisti, hoc tantummodo intendentes, ut non patiantur a Judæis persecutionem crucis Christi, quam prædicant. Judæi enim crucem Christi cum circumcisione bene concedebant prædi-carri. Vere ideo tantum ne patiantur, quia amore legis nihil faciunt. Quod sic ait: Hi pseudo qui circumciduntur non custodiunt legem, sed pro eo solo volunt vos circumcidisti, ut glorientur apud alios in carne nostra circumcisæ. Aiunt enim illis: Videle quantum incrementum per nos lex vestra habeat, illi glorian-tur in carne. Sed mihi absit gloriari, nisi in cruce Domini nostri Jesu Christi! Ego enim nec quero, nec prædico gloriam, nisi crucis. Per quem crucem. Crux enim secundum Priscianum, de dubiis generibus est; et secundum Haimonem, in Græco, masculini, et ideo translator noluit mutare relationem. Per quem crucem, vel per quem Christum crucifixum, quod idem valet. *Mundus est mihi crucifixus*, ita quod nihil amplius de suis oblectamenti offerat mihi mundus. Ego etiam crucifixus sum mundo; quod si mihi mundus aliqua offert, ita crucis Christi me confirmatum astrinxit quod non possim declinare ab illa. Ideo in cruce tantum glorior, quia in Christo Jesu neque circumcisionis valet aliquid, neque præputium, sed solummodo nova creatura, id est fides quæ innovat mentem, et etiam carnem quam facit a peccatis liberam. Non ideo addidit præputium, quod aliquid putaret illud valere ad fidem, sed ut ostenderet circumcisionem non plus conferre in Christo quam præputium. Ego tantum glorior in cruce, et quicunque hanc regulam crucis secuti fuerint, ut in ea tantum glorientur, pax sit super illos Galatas qui non peccaverunt, et misericordia, id est secunda remissio his qui lapsi sunt. Et non tantum super illos, sed etiam super omnem Israel, non qui fuerit carnis, sed Dei. In Christo tantum querite gloriam. *De cætero*, id est de circumcisione (quam excludo) nemo mihi molestus sit. Vel ita in præterito me molestati estis, sed de cætero, id est amodo, videte ne quis mihi molestus sit. Nec debetis me molestare. Ego enim porto in corpore meo stigmata Domini Jesu Christi. Stigma dicitur signum, quod fit calido ferro. Hic autem Paulus catenas et cætera tormenta sustinens, pro Christo stigmata, id est signa, quod miles Christi esset, in corpore portabat. *Gratia Domini nostri Jesu Christi sit cum spiritu vestro, fratres. Amen.*

ARGUMENTUM IN EPISTOLAM PAULI AD EPHESIOS.

Ephesii sunt Asiani. Hi accepto verbo veritatis, persistuerunt in fide. Hos collaudat Apostolus, scribens eis ab urbe Roma de carcere, per Tichicum diaconum.

PROLOGUS B. BRUNONIS IN EAMDEM.

Ephesus civitas est in Asia. Non hæc est Asia quæ dividit orbem, sed est provincia quædam in Græcia, habens septem civitates, quarum Ephesus metropolis est, quibus Joannes, relegatus in Pathmos insulam, scripsit Apocalypsim. Hi Ephesii auditio verbo fidei a Paulo, crediderunt, et opera fidei laudabiliter **230** operati sunt. Quibus Apostolus, dum Romæ esset in carcere, scripsit hanc Epistolam, sollicite providens eis ne forte de eo quod in fide bene persisterant superbirent, et hoc virtuti suæ ascriberent. Quod, sicut incœperat in eis misericordia Dei, pie consummabat. In hac autem Epistola materiam habet beneficia Dei. De quibus in bunc modum agit, ostendens ea esse non ex merito hominis, sed ex beneplacito Dei. Ostendit etiam beneficia Dei esse hujusmodi, quod nemo tanta perfectione ascendit in illis, quin adhuc relinquatur ei quo ascendere possit. Sicut enim homo semper habet quo

A recidat, ita semper habet quo crescat. Agit etiam hic, quomodo patres debeant præesse filiis, filii parentibus subjici. Similiter de dominis et servis; de uxoribus et maritis, quanta confederatione sibi viüssim pro modo conditionis et sexus debeant subservire. De beneficiis Dei in hunc modum ideo agit, ne Ephesii de bono quod agunt occasionem habeant superbiendi, dum nihil ex se, sed totum se habere audiunt ex misericordia Dei. Iterum ideo ne torpeant in bene agendo, dum audiunt se posse invenire quo crescant in obsequio Dei. Hos Ephesios Paulus discedens ab eis in unum convocavit, dicens eis: Ecce sanam fidem tradidi vobis, videte ne hanc irritam faciatis. Ego enim amodo liber sum, sed si male egeritis, Deus hoc requiret a vobis (*Act. xx, 27*). Pro his verbis et hujusmodi solertiores fuerunt providere sibi.

EPISTOLA AD EPHESIOS.

CAPUT PRIMUM.

Paulus apostolus Jesu Christi per voluntatem Dei, sanctis omnibus qui sunt Ephesi, et fidelibus in Christo Jesu, gratia vobis et pax a Deo patre nostro, et Domino Jesu Christo. Benedictus Deus et Pater Domini nostri Jesu Christi, qui benedixit nos in omni benedictione spirituali in coelstibus in Christo, sicut elegit nos in ipso ante mundi constitutionem, ut essemus sancti et immaculati in conspectu ejus in charitate. Qui praedestinavit vos in adoptionem filiorum per Jesum Christum in ipsum, secundum propositum voluntatis suæ, in laudem gloriæ gratiæ suæ, in qua gratificavit nos in dilecto Filio suo, in quo habemus redemtionem per sanguinem ejus in remissionem peccatorum, secundum divitiæ gratiæ ejus, quæ superabundavit in nobis in omni sapientia et prudentia, ut notum faceret nobis sacramentum voluntatis suæ, secundum beneplacitum ejus quod proposuit in eo, in dispensatione plenitudinis temporum instaurare omnia in Christo, quæ in coelis et in terra sunt in ipso. In quo etiam nos sorte vocati sumus, praedestinati secundum positum ejus, qui operatur omnia secundum consilia voluntatis suæ, ut simus in laudem gloriæ ejus nos qui ante speravimus in Christo. In quo et vos cum audissetis verbum veritatis, Evangelium salutis vestræ recepistis. In quo et credentes signatis estis Spiritu promissionis sancto, qui est pignus (arrha) hæreditatis nostræ in redemtionem acquisitionis in laudem gloriæ ipsius. Propterea et ego audiens fidem vestram quæ est in Christo Jesu, et dilectionem in omnes sanctos, non cesso gra-

tias agens pro vobis, memoriam vestri faciens in orationibus meis, ut Deus, Domini nostri Jesu Christi Pater gloriæ, det vobis Spiritum sapientiæ et revelationis in agnitione ejus; illuminatos oculos cordis vestri, ut sciatis quæ sit spes vocationis ejus, et quæ divitiæ gloriæ hæreditatis ejus in sanctis, et quæ sit supereminens magnitudo virtutis ejus in nos, qui credimus secundum operationem potentiarum virtutis ejus, quam operatus est in Christo Jesu, suscitans illum a mortuis. Et constituens ad dexteram suam in coelstibus super omnem principatum, et potestatem, et virtutem, et dominationem. Et omne nomen quod nominatur non solum in hoc saeculo, sed etiam in futuro; et omnia subjecit sub pedibus ejus. Et ipsum dedit caput supra omnem Ecclesiam, quæ est corpus ipsius **231** et plenitudo ejus qui omnia in omnibus adimpletur. »

EXPOSITIO.

Paulus, etc. Paulus apostolus Christi Jesu, quem Christus Jesus Apostolum gentibus consecravit. Unde apparet quod vobis Apostolus sit. Paulus, inquam, apostolus Christi, non per meritum suum, sed per solam voluntatem et bonum placitum Dei. Sic et vos quod boni estis non merito vestro, sed gratiæ Dei referatis. Paulus, inquam, apostolus, per voluntatem Dei scribit omnibus sanctis, id est perfectioribus qui in virtutibus sancti sunt; scribit etiam fidelibus, id est minus perfectis, qui tamen bene servaverunt integritatem fidei. Fidelibus dico in Christo Jesu, id est qui fidem Christi Jesu custodiunt. Sanctis dico et fidelibus qui sunt Ephesi. Optat hoc Paulus. Gratia sit vobis perseverans, qui non peccavistis; his qui

saltem in venialibus lapsi sunt, sit gratia secundæ remissionis. Sit etiam vobis pax a Deo Pater nostro, et Domino Iesu Christo, sicut sæpe expositum est. Ut ostendat omne beneficium esse ex misericordia Dei, in primis de beneficiis suis Deo gratias agit, dicens : Benedictus sit Deus et Pater Domini nostri Iesu Christi, qui si Pater est Christi, nos autem fide filii Christi; sic per Christum Pater nobis est. Benedictio nostra in Deo, nihil aliud est quam laudare et magnificare gloriam ejus. Benedictio autem Dei in nobis, exaltatio nostri est et provectus nostræ salutis. Hic nunc exsequitur duas electiones Dei in nobis. Primam, qua nos ab æterno tales futuros elegit; alteram in tempore, quando nobis Spiritum co-operantem nobis misericorditer infudit, et utriusque electionis completiones adjungit. Primum ponens eam quæ tempore ultima fit, in qua immortalitatem et impassibilitatem recuperaturi sumus. Hanc autem quia dignior est, proponit ei quæ completur, ubi anima per misericordiam Dei ab onere peccatorum liberatur, dicens : Benedictus sit Deus qui benedixit, id est exaltavit nos. Ideo per præteritum quod futurum est designavit, ut ostenderet se adeo certum de hac futura benedictione, quomodo aliquis certus est de eo quod videt præterisse. Ideo etiam sic ait, quia intellexit sanctos iam secundum animas conregnare Christo. Benedictus nos Deus in omni benedictione. Omni, ideo quia sufficiens : Benedictione dico spiritualis, licet enim secundum corpus fiat hæc benedictio, tamen est spiritualis, quia sicut spiritus hominis solo intuitu glorie Dei sustentabitur, sic corpus paulo visionis Dei saturabitur. Benedictione dico habita jam quibusdam secundum animas, et plene sanctis omnibus honoranda, non in hac terra, sed in cælestibus, ut etiam dignitate loci benedictio hæc commendabilius sit. Benedictus dico, sic in Christo Iesu, id est in operatione Christi Jesu, in quo Pater omnia operatur.

Ostensa impletione alterius electionis, subdit electionem quæ secundum justificationem animæ impletur hoc tempore, determinans prædictam impletionem esse ex misericordia Dei per electionem, de qua subdit, dicens : Sic nos Deus ex gratia benedixit, sicut ex sola gratia elegit nos ante constitutionem mundi. Ubi planum est non præcessisse meritum hominis. Elegit nos dico in ipso Christo in quo omnia fecit, vel in ipso permanuros. Ad hoc elegit ut essemus sancti et immaculati : sancti positione bonorum, immaculati emundatione malorum. Essemus utique tales in conspectu ejus, id est ut conspiceremus eum solum et in nullo mundum attenderemus. Vel, in conspectu ejus, id est qui ab eo conspicere mnr. Elegit nos, dico, in charitate, id est in sola dilectione. Dicta electione quæ hic completur secundum justitiam animæ, subdit illam electionem cuius jam præposuit completionem, dicens : Elegit nos ut essemus sancti; quia etiam prædestinavit, id est præordinavit ab æterno; vel præparavit in tempore nos in adoptionem filiorum habendam. Noluit dicere im-

A mortalitatem, sed ut totum referret gratiae Dei in adoptionem, id est in incorruptionem filiorum ex sola adoptione Dei nobis concessam. Adoptionem dico habendam per Iesum Christum. Nos dico venturos in ipsum, ut sicut ipse, sic et nos immortales 232 et impassibiles. Prædestinavit dico secundum propositum voluntatis suæ, id est secundum voluntatem suam propositam. Propositam, id est sic ab æterno præordinatam; vel propositam, id est ohlatam omnibus salvandis, nisi culpa eorum impedierit. Prædestinavit, inquam, ex sola voluntate in laudem glorie, gratiae suæ; id est ad hoc ut laudetur gratia sua, in qua gratia multiplex est gloria. Sunt enim quædam gratiae Dei, ut ista temporalia quæ pie ministrat; in quibus non est gloriandum, sed in incorruptione multiplex est gloria. Et hoc dixisse debueramus, quia primum incipit communiter a benedictionibus, quæ sunt publice omnibus justis. Dehinc descendit ad illas quæ sunt apostolis. Tertio subdit de illis, quas Deus dedit Ephesiis.

Posita dupli electio et dignioris completione præmissa, subdit completionem alterius, dicens : In qua gratia gratificavit nos, id est gratos nos fecit in dilecto Filio suo, id est in fide dilecti Filii sui, quem quia diligit et nos filios Filii sui diligit. In quo Filio habemus redemptionem. Nec per vile pretium, sed per sanguinem Filii effusum. In quo etiam habemus remissionem peccatorum. Omnes habent redemptionem, quia pretium sufficiens redemptio omnium si vellet, datum est. Sed hi soli habent remissionem, qui se dignos redemptio Christi exhibuerunt. Habemus remissionem secundum divisiones ejus, id est secundum gratiam ejus in hoc divitem, quia et originalia et actualia, et sive pauca fuerint, sive multa, omnia sine differentia remisit. Enumeratis beneficiis quæ sanctis sunt in publico, ab hac communitate, descendit ad apostolos, dicens : Quæ gratia abundat in nobis apostolis, super, id est magis quam in ceteris. Et dignum fuit, quia ab his accepturi erant alii. Abundavit dico in omni sapientia et prudentia. Sapientiam de cognitione divinorum dicit : prudentiam, quasi providentiam qua Paulus bene sciebat prædtere suis Ecclesiis. Omni, non quia omnia scirent, sed quia quidquid sibi necesse erat, tam de divinis

D quam de humanis, in promptu habebant. Ita superabundavit ut nobis apostolis notum faceret sacramentum, id est secretum voluntatis suæ, id est ordinem redemptio humanae. Sacramentum dicitor quasi secretum, eo quod non omnibus, sed paucis illud licet aspicere. Notum faciet sacramentum hoc, scilicet instaurare secundum bonum placitum ejus, non secundum meritum hominis, quia nullum erat quod bonum placitum in eo Christo proposuit, id est præordinavit ab æterno. Vel proposuit, id est palam exposuit, Deus bonum placitum suum, si velit. Proposuit dico in dispensatione plenitudinis temporum, id est in plenitudine temporum. Tempus enim gratiae, plenitudo temporum dicitur. Vel quia omnia ante prædicta et exspectata in eo per Christum fuere

completa. Vel plenitudo, id est finis et consummatio temporum quæ Deus ante tempus gratiæ præaire constituerat. Plenitudine dico congrue dispensata. Prius enim voluit Deus experiri homines, quod libertate arbitrii et naturali lege nihil possent. Dehinc scriptam legem tradidit, per quam iterum impotentes evadere peccatum apparuerunt. Et postquam homo undique se cognovit impotentem, tunc demum apposuit Deus opportune gratiam cuius adjutorio posset homo quod per se non poterat.

Instituare dico *omnia in Christo*, id est per Christum, quæ in cælis sunt imperfecta, et quæ in terra sunt per peccatum corrupta. Ad hoc enim Deus fecit hominem et redemit ut diminutionem angelorum reintegret salvato homine. Ideo etiam Christus carnem accepit ut hominem corruptum in peccatis restauraret in justitia. Sed hoc *restaurare* diversis modis accipitur. Christus enim fuit causa restauracionis angelorum; non quantum ad eos necessitas. Angeli enim puri erant, licet quibusdam sociis immutati. Christus vero causa et necessitas restauracionis hominum. Causa ut per eum reintegret lapsus angelorum. Necessitas ideo quia nisi restauraretur a Christo, perditus erat per peccatum. *Instituare* dico quæ in terra sunt, ita quod in ipso permaneant. Nisi enim in fide ejus permanerint, restauratio 233 eorum nulla erit. Vel aliter: *Instituare in Christo* ea quæ in cælis sunt, id est sanctos quorum animæ jam in cælis regnant cum Christo, et ea quæ in terra sunt, in ipso, id est justos, qui si adhuc conversatione tenentur in terra, puritate tamen vitæ jam in ipso sunt. Dicerent Ephesii: Vos quidem apostoli ad tantam altitudinem vocati estis ad quam nos posse pervenire stultum esset saltem opinari. Ad hoc Paulus: *In quo Christo etiam nos apostoli vocati sumus*, non merito nostro, nec dignitate generis, sed sorte, id est divina electione. Sors dicitur divina electio, ut quando humanum judicium deficit, conferunt se homines ad electionem Dei. Non solum gratia vorati sumus, sed etiam *prædestinati*, id est præparati, sumus secundum propositum ejus, id est secundum quod pietas ejus de nobis proposuit. Ejus dico, qui sicut hæc in nobis, sic operatur omnia in singulis secundum consilium voluntatis suæ, id est secundum voluntatem suam consilio et discretione agentem. Vel ita: Non solum vocat nos ex gratia, sed etiam qui omnia, quæ post vocacionem sequuntur, operatur in nobis secundum consilium suæ voluntatis, sicut dictum est. Ideo vocati et prædestinati, ut simus in laudem gloriae ejus, id est ut digna laude glorificemus Deum qui vult laudari a nobis. Non quod laus nostra quidquam conferat illi, sed ut habeat causam beneficiandi nobis. Simus dico, nos qui antequam vos speravimus in Christo. In tempore tantum vos præcedimus, sed si vultis, in gloria non præcedimus. Sed fortassis præcedetis nos, cum dona Dei in sola electione consistant, non in genere, vel in prioritate temporis.

Nunc ab apostolis descensum facit ad beneficia

A Dei, ipsis collata Ephesiis, dicens: *In quo Christo vos vocati estis sicut nos, et prædestinati non ex merito vestro, sed cum audissetis verbum veritatis*, quia ex sola gratia misit ad vos prædicatores, et vos interius inspiratos audire fecit. Nec solum vocati, sed in quo Christo vos etiam credentes signati estis, ut appareatis de militia Christi, *Spiritu sancto*. Spiritu dico *promissionis*, id est vel quem Deus nobis promisit, vel qui Spiritus, jam secundum animam deificans nos, promittit nobis immortalitatem corporis in futuro. Qui Spiritus est pignus, id est arrha et principium habendas hereditatis nostræ, nobis promissæ in futura gloria. Signati estis in *redemptionem*, id est ut appareatis de his quos Christus redemit. Redemptionem dico *acquisitionis*. Per hanc enim et nos Deum acquirimus, et Deus non acquisivit. Vocati estis et signati, etc. *In laudem gloriae ipsius*, id est ut per vos laudetur gloria ejus. Modo determinat intentionem suam, dicens: Quia vocati credidistis, et Spiritu sancto signati estis; *Propterea ego* (et sancti qui mecum sunt,) *ago gratias pro vobis*, et agens gratias non cesso. Hic bene innuit non esse torpendum illis securitate suæ justitiæ, sed omni hora de incremento perfectionis laborandum. *Ego, inquam, non cesso audiens fidem vestram quæ est in Christo Iesu*. Hoc ad minus perfectos respicit, de quibus in principio ait, *fidelibus in Christo Iesu*. *Audiens etiam dilectionem vestram habitam in omnes sanctos*. Hoc ad perfectiores respicit. De quibus ibidem ait *omnibus sanctis*. *Non cesso, gratias agens pro vobis, faciens memoriam vestri in orationibus meis*, pro habendis bonis. Quasi diceret: Sicut jam accepta bona intelligo esse ex gratia Dei, sic sentio de omnibus quæ habituri estis. Facio memoriam vestri, ut *Deus Domini nostri Iesu Christi*, cuius secundum humanam naturam Deus est, et Pater gloriae ejus; Christus enim secundum deitatem quæ in eo gloria est, Dei Filius est, ut Deus et Pater *det vobis Spiritum sapientiae et revelationis*, ut revealate possitis intelligere mysteria Dei. Sapientiae dico, et revelationis habitæ in *agnitione ejus*, ut Deum ejusque mysteria cognoscatis.

D Det etiam vobis illuminatos oculos, non dico corporis, sed cordis vestri. Tangit hic stultum errorem quorundam (maxime gentilium) qui in primitiva fide, qui consueverant idola sua, que habebent manu tractare, 234 putabant cæca mente Deum rem bujusmodi esse, quæ et oculis carnis videri, et manibus posset palpari. *Det vobis illuminatos oculos*, ut sciatis quæ, id est quam digna res, et quam valens sit spes. Non tantum res sperata, sed solummodo sperare beatum est. Quæ sit spes vocationis ejus, id est rei ad quam vocamus, vel vocatorum, id est electorum ejus. Et quæ sint divitiae gloriae hereditatis ejus, id est quam digna sit hereditas ejus, in qua sunt divitiae, id est nulla penuria, sed omnis copia. In qua etiam est gloria, id est permanens gaudium sine admitione doloris. *Hæreditatis* dico distribuenda in quibuslibet sanctis. Et ut sciatis quæ sit magna-

tudo virtutis, id est virtus ejus magna et incomprehensibilis. Et cum haec magnitudo futura sit per omnes sanctos, supereminens tamen futura in nos apostolos, qui prius aliis credidimus. Et quod hanc virtutem Deus operetur in nos, probo per hoc quia jam est operatus eam in Christo. Quod sic ait: Virtutem hanc futuram in nos affirmo secundum operationem potentiae virtutis ejus, id est secundum virtutem ejus potentialiter operantem, quam virtutem operatus est in Christo. Et hanc virtutem exponit, approbans per hoc quod similiter et possit et operetur in nobis. Operatus est virtutem in Christo, suscitans illum a mortuis, per quod et nos suscabit, et apparat quod possit. Et illum, scilicet Christum, suscitatum constituens ad dexteram, id est ad aequalitatem suam in caelis, et ita quod supra omnem principatum, et potestatem, et virtutem, et dominationem.

Hic quatuor ordines angelorum habemus; et per hoc quod sequitur *omne nomen*, intelligimus reliquos ordines. *Quod nomen nominatur, id est nominabile est, non solum in hoc saeculo, sed etiam quocunque nominabitur in futuro.* Hoc ideo addidit, ne quis objiceret ei: Secundum hoc quod parum de angelis modo cognoscitis, concedo Christum supra ponit illis, sed secundum hoc quod de illis in futuro plenius cognoscetis, caro Christi non supraponetur illis. Contra hoc ait: Non solum quod nominatur in hoc saeculo, sed etiam supra omne illud quod de angelis cognoscetur in futuro, eum supraposuit omnibus et omnia supposuit ei. Quidam enim sunt suprapositi multis, qui, licet inferiores, non tamen sunt subjecti eis. Uude ait: *Omnia subjecit sub pedibus ejus (Psal. viii, 8)*, id est tam plena subjectione, ut ille qui pedibus substernitur, vel *sub pedibus*, id est sub humanitate Christi omnia subjecit. Diceret ille: Et quid per hoc probas, si Christum suscitatum super omnia posuit, et omnia ipsi subjecit? Bene per hoc probo, ait Paulus, *quod ipsum Christum Deus dedit caput supra omnem Ecclesiam; que Ecclesia est corpus ipsius Christi.* Et putatis quod in capite glorus, et in corpore remaneat ignominiosus? Ecclesia est corpus, et plenitudo ejus Christi, qui Christus per eam adimpleatur. Nisi enim justi resuscitentur eundo usque ad ultimum justum, corpus Christi remanet imperfectum. Qui Christus licet plenitudine Ecclesiae adimpleatur, ipse tamen est omnia, id est omnis perfectio, in omnibus, id est in singulis membris, quia nec ipsa membra possunt adimplere eum, nisi per ipsum.

CAPUT II.

Et vos [convivificavit] cum essetis mortui delictis et peccatis vestris, in quibus aliquando ambulastis secundum saeculum mundi hujus, secundum principem potestatis aeris hujus spiritus; qui nunc operatur in filios diffidentiae, in quibus et nos omnes aliquando conversati sumus in desideriis carnis nostrae, facientes voluntatem carnis et cogitationum. Et eramus natura filii irae, sicut et

ceteri. Deus autem qui dives est in misericordia, propter nimiam charitatem suam qua dilexit nos, et cum essemus mortui peccatis, convivificavit nos in Christo, cuius gratia estis salvi. Et concessit et consedere fecit in caelis supervenientibus Jesu, ut ostenderet in saeculis abundantes divitias gratiae sue in bonitate super nos 235 in Christo Jesu. Gratia enim salvati estis per fidem et hoc non ex vobis; Dei enim donum est, non ex operibus, ut ne quis glorietur. Ipsius enim sumus factura, creati in Christo Jesu in operibus bonis, quae preparavit Deus ut in illis ambulemus. Propter quod memores estote quod aliquando vos qui gentes eratis in carne, qui dicebamini praesutum ab ea quae dicitur circumcisio in carne manufacta; qui eratis illo in tempore sine Christo, alienati a conversatione Israel et hospites testamentorum, promissionis spem non habentes, et sine Deo in hoc mundo: nunc autem in Christo Jesu vos, qui aliquando eratis longe, facti estis prope, in sanguine Christi. Ipse enim est pax nostra, qui fecit utraque unum, et medium partem maceriarum solvens inimicitias in carne sua. Legem mandatorum decretis evacuans, ut duos condat in seipso in uno novo homine faciens pacem, ut reconciliet ambos in uno corpore, Deo per crucem, interficiens inimicitias in semetipso. Et veniens evangelizavit pacem vobis qui longe fuistis, et pacem his qui prope, quoniam per ipsum habemus accessum ambo in uno Spiritu ad Patrem. Ergo jam non estis hospites et adversari, sed estis cives sanctorum et domestici Dei, superaedificati super fundamentum apostolorum et prophetarum, ipso suramo angulare lapide Christo Jesu; in quo omnis aedificatio constructa crescit in templum sanctum in Domino, in quo et vos coaedificamini in habitaculum [tabernaculum] Dei in Spiritu sancto. »

EXPOSITIO.

Dixit superius Ephesios ex electione Dei vocatos, Spiritu sancto signatos, seque pro eis orare ut quod Deus pie coepit in illis quotidiano perficiat incrementum; et postquam tam dignos eos dixit in hac novitate gratiae, reducit eis ad memoriam priorum statum quem habuerunt in peccatis, ut memorares immunitatem suam non audirent presumere, nisi de gratia Dei, quasi merito suo aliquid novitatis habuerint. Iterum propter hoc commemorat eis statum infidelitatis, ut cum videant quod gratia Dei eos de injustitia ad justitiam traxerit, certum habeant quod, si jam justi laborent, Deus qui illis injustis contulit, multo amplius et libenter conferet jam justificatis, si promereri voluerint. Litera sic jungitur: Nos apostoli credidimus, et vos similiter credidistis; vel ibi: Deus suscitavit Christum a mortuis, et vos similiter suscitavit a morte peccati; vel cum verbo quod inferius sequitur, sic construere possumus. Christum dedit caput supra Ecclesiam, et vos convivificavit Christo. Quocunque

tamen jungatur, ini tamen pendet sententia, ubi ait : *Vos, inquam, cum essetis mortui delictis et peccatis.* Mortui ideo, quia ita consepuli peccato quod nulla vi humana poterant evadere laqueum peccati. Delicta vocat, quando quod Deus præcipit non faciendo deserimus. Peccata dicit actus illos, fornicari, furari, et hujusmodi. *Peccatis dico vestris,* id est quæ jam consuescendo in illis, quasi vestra propria feceratis. Quomodo in peccatis fuerint exsequitur, dicens : *In quibus peccatis vos aliquando,* id est tempore infidelitatis, *ambulastis,* id est de malo in pejus præcipitabamini, *secundum sæculum mundi hujus,* id est sequentes sæcularitatem, quæ nunquam de Deo, sed semper sollicita est de mundanis. Et ut magis aggravet peccatum, addit non solum secundum sæculum, sed etiam *secundum principem spirituum,* id est secundum diabolum qui princeps est, imperium habens super cæteros malignos spiritus ; vel *secundum principem spiritus,* ut collective accipiamus, quasi dæmoniorum ; vel *secundum principem spirituum,* id est aliorum dæmonum. Sicut enim in bonis angelis quidam prælati sunt, quidam subditi, sic in malignis distinctiones eadem sunt, et tamen unus solus omnibus prælatus esse creditur. *Principem dico potestatis aeris hujus,* id est qui potestatem habet in hoc aere ; commovet enim plerumque ventos et turbines in aere, quibus noceat hominibus, et fructibus terræ, ut ventus ille qui a regione deserti veniens, subruit domum, et filios Job oppressit **236** ab eo (*Job 1, 19*), permissione tamen Dei, creditur immissus. Quos malignos spiritus ideo in aere conversari Deus dispositus, quia si in terra cum hominibus essent, et fructus terræ corrumperent, et homines ipsos intolerabiliter affligerent. Per hoc autem quod eos vocavit spiritus, vult curiosos reddere homines ut provide agant, quia hostis qui imminet, invisibilis est. Per hoc iterum quod in aere esse dixit, de eodem nos admonet, quia insidiator prope est.

Qui princeps diabolus nunc, quando vos gratia Dei ab eo liberavit, *operatur in filios diffidentie,* id est de quorum salute nos diffidimus ; Spiritus enim significabat Paulo in quibus laborare deberet, et in quibus non, sciens cor eorum impoenitens. Vel, in *filios diffidentie,* qui diffidunt de salute ; audientes enim quod resurrecti sint, cœlum ascensuri, stultum hoc judicant, et ideo nolunt converti. Et cum de tantis peccatis gratia Dei ad justitiam vos traxerit, videte ne, unquam præsumentes, gratiae Dei detrahatis. Quod ad augmentum perfectionis pervenire possint ex sequentibus indicat, quasi respondendo objicientibus sibi Ephesiis. Nobis tanto onere peccati prius depressis, non licet sperare de aliqua perfectione, sed sufficit si aliquo modo possimus salvari. Ad hoc Paulus removendum, se et apostolos parificat illis, quia ante fidem similiter fuerunt in peccatis, tamen dissimili modo, sicut indicabunt sequentia. Unde sic ait : *In quibus pec-*

*A catis etiam nos apostoli, sicut vos Ephesii omnes, etiam Petrus, aliquando, id est ante fidem, conversati sumus. Vere in peccatis ; nam in desideriis carnis nostra, ut quod caro suggerebat, desideraremus. Nec solum in desideriis, sed etiam facientes opere voluntatem carnis, sicut comedere ad superfluitatem, et luxuriari. Facientes etiam voluntatem cogitationum, in quibus non ita caro delectatur ut laborare de gloria mundi ; vel, dictante avaritia multa pati pro congregandis multis. Nec tantum in actualibus istis, sed etiam eramus, nos Iudei, filii iræ, id est geniti ad vindictam tolerandam, natura, id est propter originale nos Iudei, sicut et cæteri, licet tunc falso opinaremur per circumisionem mundari a peccato Adæ. Ira Dei nihil aliud est quam vindicta. Si continuemus, vel ad illud quod ait : *Nos credidimus, et vos credidistis* ; vel ad illud : *Suscitans Christum et vos suscitavit* ; tunc hic bene versus erit. Si autem inferius ad illud, *convivificavit,* porrigitur constructio, nondum finitur versus ita dicendo. *Cum essetis mortui, convivificavit vos Christo;* Deus autem fuit qui convivificavit ; vel, si ibi finis est, versus sic continuabimus : *Nos quidem eramus in peccatis, sed Deus qui dives est et copiosus in misericordia, misericordia enim ejus super omnia opera ejus (Psal. cxliv, 9), Deus utique propter charitatem suam nimiam,* id est, incomprehensibilem quia charitate dilexit nos. Putarent illi : *Dilexit nos justificatos, sed non quod diligit aliquos in peccato.* Ad hoc Paulus : *Dilexit dico etiam cum essemus mortui peccatis.* Ne videatur absurdum, quod Deus diligere dicitur hominem in peccatis ; creaturam enim suam ubique semper diligit, sed malum quod in ea est, odit.*

Deus, inquam, quia dilexit nos *convivificavit*, id est vivere nos fecit per justitiam animæ, *Christo,* id est ad similitudinem Christi, quod sicut ille justus, sic et nos justi. *Gratia cuius,* scilicet, Dei ut nos, sic etiam vos *estis salvati,* id est convivificati per justitiam animæ ; vel si pendaat infra constructio, ut dicamus convivificavit nos et vos Christo ; tunc dicemus cuius gratia estis salvati de futura salvatione. *Convivificavit nos prima resurrectione animæ, conresuscitavit etiam secunda corporum resurrectione.* Propter certitudinem quam inde habet, quod futurum est significat per præteritum. *Et nos conresuscitatos Christo fecit consedere,* ut jam in quiete regnatus. *Consedere dico Christo in cælestibus,* ut haec beatitudo commendabilius sit etiam ex loco : *Consedere dico Christo in Christo Jesu,* et **237** cum eo et per eum, ideo convivificavit, et resuscitatos consedere fecit, ut per hoc ostenderet in sæculis supervenientibus his, id est futuris, divitias gratiarum suarum, id est divitem gratiam suam abundantem in nobis. *Gratiæ dico factæ in bonitate,* id est ex solo beneplacito suo, quia ad promerendum gratiam nullum præcessit meritum. Bonitate dico facta super nos, id est quæ nos superavit, quia tanta est quod nec eam intellectus noster capere sufficit. Et haec

omnia dico in Christo Iesu; in ipso enim, et per ipsum; haec omnia in nobis operatur Deus. Ideo voluit Deus haec nota fieri his qui erant futuri, ut intelligeret homo quanta (si vellet) sperare posset de bonitate Dei. Modo ponit illud quod meritum videtur hominis, id est fidem, et meritum non esse ostendit. Vere in bonitate, nam vos per gratiam salvati, id est justificati estis. Concedo etiam ut apponas per fidem; etenim, id est fides non est ex vobis promerentibus ut fidem habeatis. Vere fides non est ex vobis, nam est donum Dei, et non ex operibus vestris. Et ideo Deus omnia ex gratia, et nihil ex operibus esse voluit, ut non gloriaretur aliquis. Videns enim angeli casum et hominis fuisse ex superbia, multum praecavere voluit homini a superbia. Et sicut fides ex dono Dei, sic opera quae fidem sequuntur per gratiam Dei. Bene dico, ut ne quis glorietur in fide; nam etiam in operibus quae sequuntur fidem, non reliquit Deus homini unde posset gloriari. Quod sic ait: Nos sumus factura ipsius Dei, cum nihil in bono essemus creati in Christo, id est per Christum Jesum in bonis operibus, quae opera preparavit nobis Deus, ut in illis ambulemus, per eum proficiamus et crescamus. Vel, factura sit ablativus, ita factura, id est per facturam Dei sumus creati in Christo. Nihil ibi mutatur.

Quod supra ait: Nos fuimus in peccatis sicut vos, modo determinat dicens Judæos non tam graviter peccasse, sicut gentiles, sed licet ante fidem etiam viles Judæi abominarentur gentiles, Deus tamen sine discretione personarum pacificavit eos, non illis qui prius improberant eis, sed sanctis ac perfectis. Et per hoc probat eos et gratia Dei multum obnoxios, et quod de incremento justitiae, secure si volunt, possunt laborare, dicens: Propter quod, ut ne quis vestrum glorietur, estote memores quod aliquando tempore infidelitatis vos gentes, id est tales quales in peccato geniti eratis in carne, id est in operibus carnis. Vos dico qui præputium, id est ipsa immunditia dicebamini ab ea circumcisio, id est Judæos, quae dicitur circumcisio, id est ipsa munditia. Et nihil est, quia haec circumcisio in carne erat non in corde, facta etiam manu cujuscunque, non per Spiritum sanctum. Memores etiam estote quia illo tempore infidelitatis eratis sine Christo, quia Christus non promittebatur vobis. Eratis et alienati a conversatione Israel, id est Judaici populi; non enim tunc conversabantur vobis; vel, si forte cum eis conversabamini, ut proselyti; eratis hospites testamentorum, id est instabiles, id est modo euntes, modo redeuntes ad legem ducebamini. Testamentorum ideo pluraliter dicit, quia Moyses suum, Isaías suum, et quilibet propheta suum habebat Testamentum. Eratis etiam tunc non habentes spem promissionis factæ ad Abraham, nec enim licet tunc gentibus sperare salutem; et eratis sine Deo, idola adorantes. Vos dico in hoc mundo, id est his mundanis adhærentes. Olim sic eratis, sed nunc vos, qui aliquando eratis longe a Deo et a Judæis, facti estis

A prope, utrique in Christo Iesu, id est per Christum Iesum. Et quomodo per Christum determinat: In sanguine, id est per effusionem sanguinis Christi. Probat de utroque, sed de Judæis primum, dicens: Vere facti estis prope Judæos, quia ipse Deus est pars nostra, id est pacificavit nos simul, gentiles et Judæos, qui Deus facit utraque, id est Judæum et gentilem, unum per unitatem fidei et morum et sacrificii. Unum autem hoc modo: solvens parietem medium, id est qui in medio positus, alterum separabat ab altero. **238** Hic paries fuit ex parte Judæorum, observationes eorum; ex parte gentilium, cultus idolorum. Et hunc parietem eorum solvit, dum idolatriam et ritus Judaicos evacuavit. Parietem dico maceria. Maceria dicitur, secundum quosdam, paries firmiter compactus et connexus. Hic paries erat maceria, id est fortis et ad destruendum difficilis, quia Judæi, auctoritate legis et prophetarum, ritus suos tuebantur. Gentes autem, per philosophiam, suum (in quo male consueverant) defendebant; vel dicitur maceria congeries lapidum sine cemento congregata. Sic ille paries fuit maceria, id est debilis et Christo levis ad diruendum, ut sicut congregatio lapidum, et, soluto medio pariete, solitus in carne sua quam assumpsit inimicitias utriusque populi. Destructis enim ritibus Judæi et gentilium, jam non erat unde inimicarentur sibi. Quomodo solverit inimicitias ostendit in parte Judæorum, quorum ratio magis oppugnabat; sed quia gentibus nulla ratio erat, de his nihil subdidit. Solvens inimicitias, quia evacuans legem carnalium mandatorum, decretum, id est datis mandatis ex discretione inventis, ideo evacuans, hinc legem, inde idolum, ut duos, id est Judæum et gentilem, condat utrumque in semetipsos; et quia in se condere posset adhuc divisos addit. Condat, inquam, faciens pacem, id est pacificans eos sibi vicissim. Et in quo pacem fecerit, subdit: Faciens pacem dico in se uno novo homine. Novo, quia homo gratiae, ideo novo; quia, si esset legalis, oppositus esset gentili; si iterum gentilis, oppositus esset Judæo, et neuter consentiret inimico suo. Probavit quod gentilis sit prope Judæum; probat eumdem esse prope Deum, dicens: Et ideo solvens inimicitias ut reconciliat Deo ambos, id est Judæum et gentilem copulatos in uno corpore, id est in Ecclesia. Reconciliationis modum subdit. Reconciliat dico, interficiens ipse Christus in semetipso inimicitias quae erant inter Deum et hominem. Ita in semetipso quod per crucem, id est per mortem crucis.

Hac autem omnia parum proderent, nisi prædicta forent; ideo addit: Et ipse Christus veniens in carnem evangelizavit per apostolos pacem ad Deum restitutam vobis gentibus, qui longe fuistis a Deo, quia sine Christo et sine Deo in hoc mundo eratis. Evangelizavit etiam pacem his, id est Judæis, qui prope erant, quia Deum colebant. Hoc prædicare fecit, quoniam per ipsum Christum ambo et Judæus et gentilis, habemus accessum ad Patrem Deum, non ambo positi in uno Spiritu fidei, cum hic prius esset

in Spiritu legis, hic in spiritu idioli. Et quia ambo in eodem Spiritu positi accessum habemus ad Deum, ergo vos gentiles Ephesii *jam non estis hospites* Testamentorum, sicut illi improberabant. Et jam non estis *advenae*, id est non ultra vocamini proselyti, quia licet tunc stabiles essent in lege, semper tamen dicebantur adventiti. *Non estis hospites, sed estis concives*; nec eorum qui vobis improberabant, sed *sanctorum*, id est quorumlibet perfectorum. Et non estis *advenae*, sed *domestici*, id est naturales de domo; nec eorum, sed *domestici Dei*. Vos dico superaedificati hodie pietas; cras super hanc ædificabitur humilitas. Et sic superaedificati super fundatum, id est doctrinam apostolorum et prophetarum, quorum doctrina fundata est Ecclesia. Vel super fundatum, id est Christum, super quem apostoli et prophetæ fundati sunt. Ædificati ipso dico Christo Iesu existente lapide, propter firmitudinem, summo, id est consummante justitiam vestram, angulari, id est utrumque populum Iudeum et gentilem in se connectente. Lapis iste ubi ad litteram fuerit, certum non habemus; fuisse tamen credimus quod, donec in consummatione uliusque parietis, non idoneeponi potuit; sed in summo mirabil convenientia utrumque parietem coagulavit. Hic lapis significavit Christum, Iudeum et gentilem in perfectione fidei copulantem. Qui Christus siue est summus consummator 239 justitiae, sic est et principium justitiae. Quod sic ait: *In quo lapide omnis ædificatio constructa per fidem, crescit per operationem in templum sanctum, ut sit homo templum in quo habitat Deus. Sanctum dico in Domino, id est per Dominum. In quo etiam lapide Christo, vos gentes coædificamini cum Iudeis in habitaculum, id est ad hoc ut sitis habitaculum Dei. Coædificamini dico in Spiritu sancto, id est per Spiritum sanctum, purificantem vos Deo.*

CAPUT III.

Hujus rei gratia, ego Paulus vincitus Christi Iesu pro vobis gentibus, si tamen audistis dispensationem gratiae Dei, quæ data est mihi in vobis. Quoniam secundum revelationem notum mihi factum est sacramentum, sicut supra scripsi in brevi (Sap. 1, 19), prout potestis legentes intelligere prudentiam meam in ministerio [al., mysterio] Christi, quod in aliis generationibus non est agnatum filii hominum, sicuti nunc revelatum est sanctis apostolis ejus, et prophetis in spiritu, esse coædificantes gentes, et concorpolares, et comparticipes promissionis ejus in Christo-Jesu per Evangelium, cuius factus sam minister, secundum dominum gratiae Dei, quæ data est mihi, secundum operationem virtutis ejus. Mihi enim omnium sanctorum minimo (I Cor. xv, 9) data est gratia hæc, in gentibus evangelizare investigabiles divinitates Christi, et illuminare omnes quæ sit dispensatio sacramenti absconditi a sæculis in Deo qui omnia creavit, ut innotescat principatibus [principibus] et potestatibus in ecclæstibus per Eccle-

A etiam, multiformis sapientia Dei, secundum præfinitionem sæculorum, quam fecit in Christo Iesu Domino nostro. In quo habemus fiduciam et accessum in confidentia per fidem ejus. Propter quod peto ne deficiatis in tribulationibus meis pro vobis, quæ est gloria vestra. Hujus rei gratia efflecto genua mea ad Patrem Domini nostri Iesu Christi, ex quo omnis paternitas in celis, et in terra nominatur, ut det vobis, secundum divitias gloriae suæ, virtutem corroborari per spiritum ejus in interiorum hominem, Christum habitare per fidem in cordibus vestris, in charitate radicati et fundati, ut possitis comprehendere cum omnibus sanctis, quæ sit latitudo, et longitudo, et sublimitas, et profundum; scire etiam supereminenter scientiæ claritatem Christi, ut impleamini in omnem plenitudinem Dei. Ei autem qui poteris est omnia facere superabundanter quam petimus, aut intelligimus secundum virtutem quæ operatur in nobis, ipsi gloria in Ecclesia et in Christo Iesu, in omnes generationes sæculi sæculorum. Amen.

EXPOSITIO.

Ut magis obnoxios reddat gratiæ Dei, dieit quod Deus fecerit eum Apostolum propter illos; vincitus est etiam pro eisdem; revelavit etiam e. Deus mysteria sua propter eorum utilitatem. Vos coædificamini in Christo, et gratia hujus rei ut et vos coædificamini. Ego Paulus vincitus Iesu Christi, quem afflictum non oportet contrastari. Vincitus utique pro vobis gentibus; si enim saluti vestre non predicarem, nequaquam in vinculis essem. Pro vobis dico, ita tamen si audistis dispensationem gratiae Dei, id est gratiam, scilicet, apostolatum ex gratia Dei mihi traditum. Gratiam dico dispensatam a Deo, quia Deus bene dispensavit apud se, quare me Apostolum constituit. Vel quam gratiam ego dispenso vobis et ceteris Ecclesiis. Si, inquam, audistis gratiam, quæ data est mihi in vobis, id est sicut vere credidistis me esse Apostolum vobis, ita vere credite me esse vincitum pro vobis. Gratia utique hæc data est mihi, quoniam sacramentum, id est secretum Dei, factum est mihi notum secundum revelationem, id est ita ut revelate sciām inde loqui. Notum factum est dico, D sicut supra scripsi vobis in brevi sermone, ubi ait: *Ipsæ est pax nostra, et est vera, usque ad ergo non eritis hospites.* Ita scripsi prout bene potestis intelligere. Potestis utique legentes, id est si attente perlegitis illud. Intelligere dico, non tantum sacramentum, sed etiam potestis intelligere prudentiam meam, habitam in mysterio. Idem est 240 quod in sacramento Christi, quia et mysterium novi, et prudenter appetire scio, quod mysterium non est cognitum filiis hominum in aliis generationibus, id est in aliis sæculis. Vel si aliquibus non ita cognitum aient auctoritatem revelatum est sanctis apostolis ejus, nec in hoc videar gloriari quia revelatum est in Spiritu sancto etiam prophetis, id est quibuslibet illuminatis sensu hoc mysterium, scilicet, gentes esse coæder Judæia in

futura aetate; et hic esse *concorporales*, id est in eodem corpore Christi; id est in Ecclesia esse etiam *coparticipes promissionis factae ad Abraham*. Coheredes dico *concorporales coparticipes esse in Christo Iesu, qui fecit utraque unum esse sic in Christo*, et hoc per *Evangelium, prædicatione cuius, ad fidem* veniunt.

Quod Evangelium non est meum, sed *cujus Evangelii factus sum minister*. Nec hoc ex merito meo, sed secundum donum gratiae Dei: quam gratiam iterum non promerui ut haberem, sed *quæ data est mihi secundum operationem virtutis ejus, quia virtus ejus operata est multa per meam infirmitatem. Data est mihi. Et cui mihi?* Mihi utique *minimo omnium sanctorum, data est gratia hæc, scilicet evangelizare in gentibus divitias Christi investigabiles*, id est incomprehensibiles. Datum est etiam mihi *illuminare omnes de hoc; quæ, id est quam digna sit dispensatio, id est impletio sacramenti absconditi a prioribus sæculis. In Deo tamen, id est in notitia Dei existentis; qui Deus ignorare non potuit, quia omnia creavit*. Ideo *evangelizare, illuminare, ut sapientia Dei per ecclesiam quæ in predicatione nostra constitutur, sapientia, inquam, Dei per hoc innoescat principibus et potestatibus, id est ordinibus angelorum, existentibus in cœlestibus*. Angeli enim nescientes salvationem hominum, mirantur et laudant Deum, cum, per predicationem Apostolorum, visa conversione, intelligent salvationem eorum. *Sapientia Dei multiformis*, quia hunc lenitate sermonis, hunc asperitate infirmitatis convertit in diverse modo in diversis. *Multiformis* dico, ostensa secundum præfinitionem sæculorum, id est in sæculis a Deo ordinante præfinitis. *Quam præfinitionem, id est hoc quod in sæculis se facturum præfinierat, fecit*. id est complevit in Christo Iesu Domino nostro, in qua, id est per quem Christum habemus fiduciam accedendi ad Deum. Nec solum fiduciam, sed etiam habemus accessum ad Deum, non timentes repulsionem, sed in confidentia, id est de introductione confidentes. Confidentia dico habitu per fidem ejus, scilicet Christi, cui et in quem credimus.

Commemoravit se propter utilitatem eorum consecratum a Deo Apostolum. Vinctum etiam se propter eos, revelata sibi esse mysteria Dei ad instruendum eos. Propter quod, quia hæc omnia facta sunt propter vos, quia etiam accessum habetis ad Deum per fidem Christi nobiscum, propter hoc non modo precor, sed quasi rem debitam peto, et a vobis exigo, ne deficiatis in tribulationibus meis. Ideo per hanc exhortationem vult eos præmunitire Paulus, quia dubitabat ne forte tribulatione et afflictione magistrum contemptui haberent, quod ab eo qui contemptibiliter tractabatur didicissent. Tribulationibus dico meis, habitus pro vobis. Ideo enim Deus me permittit affligi ut qualis vestra sit fides in tentatione mea apparere faciat. Deus enim Abraham et quoslibet alios non ideo tentavit, quod quid futurum esset ignoraret, sed ut fidem eorum probabilem indicaret

A mundo, quæ tribulatio est gloria vestra. Si enim a tribulatione mea vires boni operis sumitis, tunc digni estis gloria. Si autem propter me tribulatum deficiatis, ignominia digni estis. Et gratia hæc rei, id est ne deficiatis, quia hæc res grata est mihi, vos scilicet non deficeret, ideo flecto genua. Sicut per genu erigitur corpus, et humiliatur, ita per genu erectum et flexum, elatio mentis et humiliatio accipitur. Paulus utique genua carnis flecebat, ut humilitatem spiritus innueret. *Flecto genua ad Patrem Domini nostri Iesu Christi*; qui et Pater nobis est, cum simus filii Christi, cuius Pater **241** est. Ex quo Patre, id est: ex institutione et exemplo cuius est nobis *omnis paternitas*, id est sunt nobis omnes patres, quos vel in cœli habemus angelos provisores nobis, vel quos habemus in terra ut episcopos, et quoslibet Ecclesie Patres. *Paternitas* non ita simpliciter est, sed nominatur, id est quicunque nominabiles dignitate virtutum sunt nobis Patres. Vel ita: Paternitas nominatur, id est ii provisores nostri patres dicuntur solo nomine, id est nuncupative tantum, non substantialiter quod Deus solus est. *Flecto genua ad Deum: ut det vobis secundum divitias gloriae suæ, id est abundanter et gloriose, scilicet, cum potentia. Det dico virtute corroborari, id est ut vos corroborati sitis in bono. Et hanc virtutem in vobis non vestram esse credatis, sed per spiritum ejus, ut gratia Dei omnia ascribatis. Det dieo virtutem non exteriorum, sed in interiore homine.*

Ideo Deus virtutem justitiae in anima ordinavit, quia si esset in corpore quod omni adversitati expeditum est, sicut corpus, tam cito deficeret virtus quæ longe melius sedet in anima, de quo ait Christus: Postquam occiderint corpus, animæ non habent quid faciant (Matth. x, 28), ut det vobis Spiritum, et ut det vobis habitare Christum in cordibus vestris: non quod ibi corporaliter sedeat: sed per fidem. Licet ubi Spiritus, ibi Christus, tamen neutrum est superfluum, quia Spiritus per dilectionem, Christus per fidem. *Flecto genua ideo ut vos radicati et fundati in charitate. A similitudine arboris in altum radicatae, et ex abundantia humorum, quibus in alto radices abundant copiose fructificantis, ait radicauit, id est fructificantes in charitate, et fundati, id est super fundamentum in quo firma sit et erescat aedificatio domus Dei. Ut vos, inquam, radicauit et fundati possitis comprehendere, intellectu et utilitate cum omnibus sanctis, id est sicut comprehendunt omnes sancti, quæ sit latitudo, et longitudo, et sublimitas, et profundum. Latitudo, a dextera in sinistram crucis Christi, amplitudinem dilectionis significavit qua etiam pro inimicis oravit. Longitudo crucis a capite in pedes, perseverantium dilectionis significavit, quia cum dilexisset suos, in finem dilexit eos (Joan. xiii, 1). Sublimitas crucis, id est pars illa quæ supereminebat capiti, in qua Pilatus titulum scripsit, respectum divinum significavit, ut innueret Christus se non amore mundi pati, sed ut faceret voluntatem Patris sui, qui est in celis. Pro-*

fundum, dicta est pars illa crucis quæ in terra fixa A fuit, quod profundum designat occultam gratiam Dei, qua sine merito bona multiplicat suis eisdem nescientibus quare sic faciat. Hæc tamen in ipsis intelligimus, sic exponendo : Possitis comprehendere quæ sit latitudo, id est quam latos oporteat vos esse in charitate, ut etiam bene faciatis his qui vos oderint. Et longitudo, id est quam longos et perdurantes in dilectione oporteat vos esse, ut etiam si expedit non formidetis mori pro Deo vel proximo. Et quæ sit sublimitas, quomodo superno respectu, non respectu mundi qualibet bona faciatis. Et quod sit profundum, id est occulta gratia Dei in vobis, qua vos sine merito justificavit, et provehit ut etiam possitis scire charitatem Christi, id est quomodo Christus vos dilexerit.

Charitatem dico supereminentem omni scientie. Nulla enim scientia comprehendere sufficit quanta sit charitas Christi. Vel ita : Possitis scire charitatem scientiae Christi, secundum scientiam. Ignorantes enim plerumque diligimus, sed, si cognitionem rei quam diligimus habeamus, multo magis in bonitate rei cognitæ diligenda accendimur. Ideo ait charitatem scientiae Christi, id est secundum scientiam de Christo habitam. Charitatem scientiae dico supereminentem charitati ignorantie. Bonum quod ignoratur minus diligitur. Possitis comprehendere et scire, ideo ut impleamini eundo in omnem, id est in omnium bonorum plenitudinem Dei, id est ex Deo habitam. Ego flecto genua ut vos possitis comprehendere et scire. Ipse autem Deus potens est facere omnia quæcumque opportuna 242 sunt. Facere dico abundantier supra quam petimus, aut supra quam intelligimus. Nemo enim hominum auderet hoc petere a Deo ut Filium suum Deum, hominem faceret; quod tamen fecit. Nemo etiam intelligere posset quo ordine pietatis hominem perditum restauravit, et innumera bona quæ facit, et ideo bene ait, supra quam petimus, aut intelligimus. Et quod tanta potens sit facere probare possumus, eundo secundum virtutem, quæ virtus ejus operatur in nobis, quia, si considerantur ea quæ nobis contulit potestas miraculorum, et multa alia, per hæc plane colligirus quod ex voluntate potens sit de cætero consummare omnia in nobis. Ei autem qui sic potens est facere, ipsi soli non humanæ virtuti, sit gloria in Ecclesia, id est in consideratione bonorum, quæ confert Ecclesia, et etiam in Christo Jesu, quia nec ipsi Christo secundum hominem de bonis quæ gessit gloria debetur, sed Deo. Gloria dico permanens in omnes generaciones; ab Abel enim primo justo nulla præteriit generatio, quæ non haberet aliquos in quibus gloriaretur Deus. Generationes dico sæculi, a principio usque ad finem. Sæculi dico sæculorum, in quo multa sæcula continentur, ipsi gloria. Amen, pro certo ita est.

CAPUT IV.

Obsecro itaque vos ego vincus in Domino ut digne ambuletis vocatione qua vocati estis, cum

B omni humilitate et mansuetudine, cum patientia, supportantes invicem in charitate. Solliciti servare unitatem spiritus in vinculo pacis (*Rom. XII, 10*). Unum corpus, et unus spiritus, sicut vocati estis in una spe vocationis vestræ. Unus Dominus, una fides, unum baptisma. Unus Deus et Pater omnium, qui super omnes, et per omnia, et in omnibus nobis. Unicuique autem nostrum data est gratia secundum mensuram donationis Christi. Propter quod dicit : Ascendens in altum captivam duxit captivitatem, dedit dona hominibus (*Psalm. LXVII, 19*). Quod autem ascendit, quid est, nisi quia et descendit (*Joan. III, 15*) primum in inferiores partes terræ. Qui descendit, ipse est et qui ascendit super omnes caelos, ut adimpleret omnia. Et ipse dedit quosdam quidem apostolos, quosdam autem prophetas. Alios vero evangelistas, Alios autem pastores, et doctores (*Cor. XII, 28*), ad consummationem sanctorum in opus ministrii, in ædificationem corporis Christi : donec occurramus omnes in unitatem fidei, et agnitionis filii Dei, in virum perfectum, in mensuram ætatis plenitudinis Christi : ut jam non simus parvuli fluctuantes, et circumferamur omni vento doctrinæ, in nequitia hominum, in astutia ad circumventionem erroris. Veritatem autem facientes in charitate, crescamus in illo per omnia, qui est caput Christus, ex quo totum corpus compactum, et connexum per omnem juncturnam subministratiois, secundum operationem in mensuram uniuscujusque membra, augmentum corporis facit in ædificationem sui in charitate. Hoc igitur dico et testificor in Domino, ut jam non ambuletis, sicut et gentes ambulant in vanitate sensus sui, tenebris obscuratum habentes intellectum, alienati a vita Dei per ignorantiam, quæ est in illis propter cæcitatem cordis ipsorum; qui desperantes, semetipsos tradiderunt impudicitia, in operationem immunditiae omnis, in avaritiam (*Rom. I, 21-31*). Vos autem non ita didicistis Christum, si tamen illuminauistis, et in ipso edocisti estis, sicut est veritas in Jesu. Deponite [a., deponere] vos secundum pristinam conversationem veterem hominem qui corruptitur, secundum desideria erroris (*Col. III, 8*). Renovamini autem spiritu mentis vestræ, et induite novum hominem, qui secundum Deum creatus est in justitia et sanctitate veritatis (*Rom. VI, 48*). Propter quod deponentes mendacium, loquimini veritatem unusquisque cum proximo suo (*Hebrei, 12; I Petrus, II, 3*), quoniam sumus invicem membrorum. Irascimini, et nolite peccare (*Psalm. IV, 5*). Sol non occidat super iracundiam vestram. Nolite locum dare diabolo. Qui furabatur jam non furetur (*Jacobus, IV, 7*); magis autem labore, operando manibus suis quod bonum est, ut habeat unde tribuat necessitatem 243 patienti. Omnis sermo malus ex ore vestro non procedat; sed si quis bonus est ad ædificationem fidei, ut det gratiam audientibus. Et nolite contristare Spiriti-

• tum sanctum Dei, in quo signati estis in die re-
• demptionis. Omnis amaritudo, et ira, et indigna-
• tio, et clamor, et blasphemia tollatur a vobis,
• cum omni malitia. Estote autem invicem benigni,
• misericordes, donantes invicem (*Colos. III, 12, 13*),
• sicut et Deus in Christo donavit vobis. »

EXPOSITIO.

Postquam admonuit eos diversis modis ne intin-
mescerent de bonis gratiæ Dei, neve torperent, sed
semper de proficiendo in melius vigilarent, quæ
utraque admonitio videtur versari circa magis per-
fectos, transit ad moralem instructionem, quæ magis
pertinere videtur ad minus perfectos. Prius instruens
omnes in communione, dehinc conditiones sexus et
ætates divisim. Littera sic jungitur : Quia Deus
potens est facere vobis supra quam petimus aut in-
telligimus. Itaque obsecro, id est per omnia sacra
vos adjuro, ego vincitus in Domino, id est propter
Dominum, quem in vinculis offendere non est minima
culpa. Obsecro, inquam, ut ambuletis per gradus
virtutum digne, vocatione qua vocati estis; non enim
vocati estis ad complenda desideria carnis, sed ut
secundum spiritum carnem mortificetis, scilicet,
ambuletis cum omni humilitate, et in animo habita,
et foris ostensa. Culpa enim est intus esse humili-
lem, et foris simulare superbiam, cum sic de se
occasione tribuat maledicendi, et occultetur virtus
cujus imitatione potuit instrui proximus. Foris
autem humili, intus esse superbum. nulli dubium
quid sit culpabile in omni humilitate, et in
omni mansuetudine, ut tractabilis sit ad omnes et
affabilis, et cum omni patientia servata in quibus-
libet adversis, supportantes invicem alter alterum,
si molestiam intulit ei. Vel supportantes, id est
compatiendo proximo si forte lapsus fuerit, eum-
que adjuvando oratione, et jejunio. Supportantes
dico in charitate, non in expectatione vindictæ.
Vos dico solliciti servare unitatem in vobis, ut sit
apud vos idem velle, idem nolle. Unitatem dico Spi-
ritus, id est quam dictat Spiritus sanctus servare
eam in vinculo pacis; quæ pax exterius servata vin-
culum est, et nutrimentum spiritualis unitatis. Et
ut hanc unitatem servetis, estote unus corpus, id
est unus in operatione. Et estote unus spiritus, id
est unus in voluntate. Ita sitis unus corpore et
spiritu, sicut res illa ad quam vocati estis una est.
Quod sic ait : Vos estis vocati in una spe, id est ad
unam rem speratam. Spe dico vocationis vestrae, id
est qua digna est vestra vocatio. Iterum debetis esse
unum corpus, et unus spiritus, quia Dominus unus
vobis dominatur, et fides vestra una est, et indiffe-
rens; et baptisma vestrum unus est, omnes æque
justificans; non secundum quod quidam dicunt,
secundum merita diversorum baptizantium dignius
vel indignius. Et est unus Deus, id est creator
omnium, et unus Pater omnium, qui vos secundum
dilectionem filiorum gubernat. Qui, Dominus Deus
Pater dominando, creando, diligendo, est super
omnes potestate. Est etiam per omnia loca, nec ulla-

A tenus ab eo licet effugere. Qui si ita committere
est super omnes et per omnia, tamen in omnibus
electis est familiarius, dando gratias suas.

Hic potest intelligi Trinitas. Super omnes, Pater;
per omnia, Filius; in nobis, amor Patris et Fili, id
est Spiritus sancti. Quia dixerat sumus unus corpus,
unus spiritus, unus est nobis Dominus, una fides, ne
per hoc male opinarentur omnes aequaliter esse in
hac nova gratia, ut nemo prælatus, nemo subditus,
nemo servus, nemo Dominus, determinat hoc di-
cens : Licet unum simus, unamque Deum, et unam
fidem habeamus, tamen unicuique nostrum data est
gratia Dei, non eadem omnibus, sed secundum me-
suram donationis, id est donatoris Christi. Huic illa
gratia, huic ista, et plerunque in eadem gratia di-
versitas, quia hic minus, hic plus habet de eadem
gratia. Propter quod comprobandum 244 (scilicet
quod sit donator gratiarum Spiritus sanctus dicitur
Psalam (Psal. LXVII, 19) : Homo Christus ascen-
dens in altum, id est super altitudinem celorum,
captivitatem, id est humanam naturam prius a pa-
radiso et cœlo expulsam reduxit in se hominem cap-
tivum, quia a loco (qui ipsi per peccatum naturalis
erat) ablatam revexit ad cœlos, scilicet ad patriam
prius ipsi (nisi peccaret) destinatam. Homo enim,
in puritate creatus, paradisum habuit ad habitandum,
ut tibi peracta obedientia inde transferretur
ad cœlos; sed quia peccavit et repromissum colum
perdidit, et a loco habitationis, id est a paradiiso de-
pulsus in terra ista captivatus est. Quam terram
peccatum ita homini fecit naturalem, sicut justitia,
quandiu in ea fuit paradisum naturalem fecit. Ite-
rum Christus destructo peccato hominis, humanam
naturam a miseria ista (qui locus jam ipsi per pec-
catum naturalis erat) captivam; quia a naturali loco
ablatam reduxit ad priorem patriam, scilicet ad cœlos. Sed quanto prior captivitas miserior, tanto
secunda glorioasier. Ascendens Christus unicus in
altum, dedit dona hominibus, quia misit Spiritum
sanctum in corda discipulorum. Et quia dedit dona,
probatum est Christum esse donatorem gratiarum.
Quis autem intellectus colligi debeat ex eo quod
ait ascendens in altum, vult explanare, non tamen
digrediens ab intentione. Dico ascendens. Sed quid
D est, id est quid per hoc intelligendum est quod Do-
minus ascendit? Ascendens et ascendit pro eodem
habet, nisi hoc intelligamus quod, si ascendit, se-
quitur quod prius quam ascenderet descendit, id est
in humili loco fuit. Si enim ascendit, sequitur quod
de inferiori ad superiorius ascendit. Descendit dico
in inferiores partes terræ, id est in infernum qui
utique in terra, sed in inferiori parte esse creditur.
Ideo probavit eum qui ascendit, prius in humili
loco, sicut verum hominem habuisse, ut scientes
Christum datorem gratiarum, sicut nos sumus, ita
esse hominem, fiducialibus ab eo petamus gratias
suas, qui nisi participasset humanitati nostrarę,
multo nobis inexorabilior esset. Et quia ille asce-
dit primum, igitur qui descendit et qui ascendit super

omnes caelos, ipse unus et idem est indivisus Christus, *homo Deus*.

Vel aliter : Quid est quod ascendit humanitas Christi, nisi quia primum descendit divinitas in inferiores partes terræ, id est ad uniendam sibi humanitatem inter homines? Si enim usque ad globum solis et lunæ descenderet, infra esset, sed ad terras descendere fuit inferius. Et licet alius videatur ascendens, id est, homo alius descendens, id est Deus; tamen qui descendit et qui ascendit super omnes caelos, ipse idem est unus divisa persona. Sic iterum bene ad intentionem : Quia cum tantam videamus ejus potentiam ut homo Deus super caelos ascenderit, fiducialiter postulare possumus ab eo qui omnia potest. Ascendit ideo ut adimpleret omnia donis suis, juxta quod idem ait : « Nisi ego abiiero, Paracletus non veniet ad vos (Joan. xvi, 7). Postquam probavit Christum donatorem gratiarum, ostendit diversitatem donorum. Bene dico adimpleret omnia, et enim ipse Christus dedit quosdam quidem, id est discrete ab aliis apostolos. Quosdam autem dedit prophetas, qui revelarent Scripturas; alios vero evangelistas, id est predicatores; alios autem pastores et doctores, id est episcopos, qui de mensa corporis Christi subditos pascant, et de Novo et Veteri Testamento doceant. Ideo alios et alios dedit in opus ministerii, quia si uni omnia daret, dum unus ad omnia non sufficeret, ministeria Christi imperfecta remanerent. Ministerii dico valentis ad consummationem sanctorum, id est ut qui jam justi sunt ad perfectionem ascendant. Ministerii etiam valentis in ædificationem corporis Christi, id est ad hoc ut de iis qui adhuc sunt increduli ædificetur corpus Christi, id est Ecclesia. Dicerent illi quos (ne propter unitatem Ecclesiae se debere esse æquales putarent) admonuit. Parum prodest quod fidem accepimus, si semper in subjectione nos oporteat permanere. **245** De hoc consolatur eos dicens : Ne grave sit vobis si alii subjiciuntur, alii præferuntur. Cito enim hujus diversitatis erit finis. Diversitatis dico non amplius duraturæ, nisi donec occurramus secundum desiderium sanctorum ait. Occurramus omnes existentes in unitate fidei, id est quibus una de Christo fides, et existentes in unitate agnitionis filii Dei, id est in unitate bonorum operum fidem sequentium, per quae opera filius Dei agnoscitur. Vel, in unitate agnitionis Dei, ut de cognitione Deitatis non laboremus, donec occurramus in virum perfectum, id est ut simus perfectus vir, impassibilitate et immortalitate recepta. In virum perfectum dico, scilicet in mensuram, id est in metam ætatis Christi. Ætatis dico plenitudinis, id est in qua Christus plenitudinem habuit, scilicet post resurrectionem factus impassibilis et immortalis. Vel aliter : Occurramus in virum perfectum, sicut dictum est, et in metam ætatis Christi trinitati trium annorum et dimidi; que ætas fuit plenitudinis.

Postquam enim ad illam ventam est, non est quo

A crescat caro, nec in augmento virium, nec longitudo. Omnes enim, sive juniores sive seniores, in eodem punto ætatis resurrecti sumus in quo Christus mundum exivit et resurrexit. Ideo alios prophetas, alios doctores vel pastores dedit, ut jam olim quidem sic fuimus, sed amodo non simus parvuli intellectu. Nec simus ex nobis fluctuantes, modo bene, modo male agentes, et ut non per alios circumferantur modo hac, modo illac, omni vento doctrinæ. Alludit similitudini. Mare enim, mundum; ventus, seductores; navis, Ecclesiam, quæ modo infra, modo supra persecutione malorum depellitur, significat. Doctrinæ dico factæ in nequitia hominum; nequissimi enim sunt seductores hujusmodi. Doctrinæ etiam factæ in astutia, latenter seducunt simplices. Astutia dico tendente ad circumventionem erroris, id est ut nos circumveniant de errore suo. Non simus fluctuantes, sed crescamus in charitate, id est in dilectione Dei et proximi. Veritatem, id est puram a mendacio doctrinam non solum audientes, sed etiam facientes opere. Crescamus eundo per omnia bona cooperatione et consensu. Crescamus dico in illo adjuvante in quo satis crescere possumus, quia qui est caput, id est altitudo in qua semper ascendendum est et qui est Christus rex noster, ex quo capite Christo totum corpus Ecclesie compactum est per fidem. Et quia nondum sufficit, possint enim compingi in eamdem fidem, et se invicem non sequi, sicut ligna solummodo compacta, si trahatur unum, non sequitur alterum. Et hoc malum esset si membra caput non sequerentur, ideo addit corpus Ecclesie compactum per fidem, et connexum per charitatem. Dilectio enim clavus est, quo sine divisione ligantur. Compactum dico et connexum per omnem juncturam fidei, charitatis, et omnium virtutum. Juncturam dico quæ est causa subministracionis, id est alterum membrum subministret alteri. Subministracionis dico factæ secundum operationem quæ fit in mensuram uniuscujusque membra Ecclesie. Aliud enim membrum magis, aliud minus, secundum quod facultas sibi est, subministrat. Totum, inquam, corpus sic compactum et connexum facit augmentum corporis Ecclesie. Secundum incrementum justitiae in fidelibus facit, et valens in ædificationem sui corporis, id est Ecclesie cuius membrum est, ædificationem, sicut supra, secundum incredulos qui ædificantur ad fidem. Augmentum et ædificationem dico factam in charitate, id est secundum dilectionem Dei et proximi.

Vel ita construamus, non mutata sententia : *Ex quo totum corpus compactum et connexum per omnem juncturam subministracionis facit augmentum corporis in ædificationem sui*, facit dico secundum operationem distributam in mensuram uniuscujusque membra, et hoc totum in charitate, quia Deus quosdam dedit apostolos, alios evangelistas, alios doctores, hoc autem ad consummationem **246** vestri. Iterum, quia totum corpus Ecclesie compinxit et commixuit per juncturam fidei et charitatis, igitur hoc dico et præ-

cipio vobis, nec simpliciter dico, sed etiam *testificor* in Domino, id est in hac admonitione vestri Deum testem adduco, ne amplius quidquam de vobis a me, sed (si peccatis) de manibus vestris requirat. Hæc verba Paulus habuit ad illos, quando convocata Ecclesia Ephesiorum ait : « Non amplius faciem meam visuri estis : state in eo quod vos docui : Mundus enim ego sum amodo a sanguine vestro (Act. xx, 25). » Videte quid feceritis, quia requiretur de manibus vestris. *Testificor*, inquam, in Domino, ut jam non ambuletis sicut olim ambulastis, et gentes adhuc ambulant. Ubi ait jam, significat eos prius ambulasse. Non ambuletis sicut gentes ambulant in vanitate, id est in sæcularitate sui sensus. Sensus enim mundi vanitas est. Gentes dico *habentes intellectum*, id est naturalem rationem obscurata tenebris, id est adeo ut per totum tenebrae et nihil sit luminis. Gentes dico alienati a vita Dei, id est ab æternitate in qua Deus vivit. Alienati cognitione et participatione sicut idem ait : Alienati per ignorantiam, quia ignorant vitam Dei, quæ ignorantia est in illis propter exæcitatem cordis, id est propter exæcum cor eorum. Cum enim prius prædicatum est illis verbum Dei, facultatem habuerunt intelligendi ; et non intelligendi, sed quia elegerunt ignorare, ideo exæcati sunt adeo quod jam impotentes sint quod bonum est animadvertere. Hæc non ideo loquitur illis, quod Ephesii in aliquo male erraverint, sed quia verebatur ne faciles essent ad ritus gentilium retrahi, in quibus ante fidem fuerant conversati. Quod non erraverint colligitur ex eo quod paulo inferius vocabit eos sanctos ; qui exæcati desperantes. Cum enim audiunt : Homo resurget in gloria, conregnabit Christo etc., frivolum hoc putantes desperant, et ideo tradiderunt semetipsos, et non tantum consensu et voluntate euntes in operationem omnis immunditiae, quia quod male voluerunt, deteritus operati sunt. In operationem immunditiae dico, in avaritia. Quanto enim immundius operabantur, tanto avidiores facti sunt immunditiarum.

Vel aliter : Tradiderunt se in immunditiam et in avaritiam. Gentes sic impudice et immunde ambulant; vos autem non ita didicistis Christum ambulasse, quem sequi debetis. Hac tamen conditione dico, si audistis, id est intellectis illum Christum, et si edocit estis in ipso, id est in informatione ipsius. Quod utique verum est, quod audistis eum, et in ipso edociti estis, non de falsitate, sed sicut est veritas in Jesu. His enim quæ docui vos de Christo, nihil falsitatis admiscui, ut Nicolaitæ, qui prædican Christum non improbassem communem usum multorum, et cæteris falsitatibus veritatem Christi confundunt. Et quia secundum veritatem edociti estis in Christo, igitur deponite vos veterem hominem. Vel ita : Edocit utique estis in Jesu deponere vos veterem hominem, non quod carnem ab eo derivatam depontatis, quæ semel deponitur per mortem, sed deponite eum secundum pristinam conversationem, id est secundum vetustatem operationis peccati. Deponite

A etiam eum secundum desideria erroris, id est vel de errore venientia, vel in errorem præcipitantia, qui vetus homo in ipso suo opere corrumpitur. Quanto enim frequentius peccat, tanto ipsa caro magis debilitatur et deformatur. Vel in eadem sententia recte sequamur litteram. Deponite veterem hominem qui corrumpitur, non solum secundum opus, sed etiam deponite secundum desideria erroris. Veterem deponite, novum autem hominem induite. Et ideo renovamini, jam enim per baptismum semel novi facti sunt, ait : Iterum renovamini in Spiritu sancto illuminatore mentis vestrae. Vel intransitive renovamini spiritu mentis vestrae, id est sequendo spiritalem mentem vestram, et sic renovati induite novum hominem. Novum ideo quia nova facit omnia, qui natus homo creatus est, 247 non secundum legem carnis, sed secundum Deum, de Spiritu sancto conceptus et natus. Induite dico Christum in justitiam servata ad proximum, et in sanctitate, id est possidentes vos ipsos in sanctificationem Dev. Sanctitatem dico et justitia non simulationis, sed veritatis, ne simulemus nos esse justos, cum mali simus. Propter quod, id est quia vetus homo deponendus est, novus induendus, ideo assumamus membra novi, deponentes membra veteris scilicet deponentes membrum quod membrum veteris est. Loquimini unusquisque veritatem cum proximo suo. Veritas enim membrum est Christi. Veritatem loqui debemus cum proximo, quoniam sumus membra invicem, id est alter alterius. Sic qui defraudat proximum, in corpore suo fraudem facit, iterum induendo novum.

D I rascimini contra peccatum fratrum, et in irascendo nolite sic peccare, ut de contemptu peccati improvide ruatis in contemptum proximi. Sic enim peccatum odiendum est ut nihil minus diligatur creatura Dei. Io irascendo autem non peccabis, si sol, id est divinitas illuminans vos, vel sol, id est illuminata ratio vestra non occidat, id est non destruatur super, id est propter iracundiam vestram, quod ira in vobis non superet rationem. Sol occidat super iracundiam, a similitudine eorum dictum est quibus, in valle positis, mons magnus supererset super quem eis occideret sol, dum altitudo montis a valle solem averteret. Vel aliter quasi diceret : Video vos non posse penitus contineri ab ira. Patior vos. Irascimini et ita quod nolite peccare, id est iram actu consummare. Et hoc cavendum utile erit, si sol non occidat super iracundiam vestram, id est si priusquam veniat vespera, deponatur ira. Dicerent illi : Præcipis nolite peccare, sed quomodo potest hoc ne peccemus fieri ? Ad hoc ait : Ut peccatum evadere possitis, nolite locum, id est opportunitatem peccandi dare diabolo in vobis, sed fugite eum. Nolite locum dare diabolo ; sed ille qui prius surabatur, jam amodo non sureretur. Ad litteram Sed magis laboret, id est laborare eligat operando manibus suis, non homicidia vel hujusmodi, sed quod bonum et utile est. Et adeo laboret ut habeat sibi, et unde tribuat proximo necessitatem patienti. Iterum aliud : Omissis

sermo malus non procedat, id est nullus sermo malus A procedat ex ore vestro. Sed si quis sermo est bonus et utius ad edificationem fidei, id est ut proximum edificet in fide, ille procedat. Ita tamen ut de gratiam audientibus, ut gratus sit iis qui audiunt, et loco, et tempore. Vos praelati (sicut dictum est) docete. Et, vos auditores, nolite contristare, non dico solum eos qui vos instruunt, sed qui in eis loquitur Spiritum sanctum. Spiritum, dico, Dei. Videte quam gravis culpa, quia si prædicatorem, et spiritum in eo loquenteum; et si spiritum, offendit et Deum; ita qui prædicatorem offendit, Deum offendit: Nolite contristare Spiritum, in quo Spiritu signati estis; vos enim cera, Spiritus sigillum impressum vobis. Signati dico in die redemptionis, id est baptismi, in quo ab omni peccato redempti estis. Nolite contristare Spiritum, sed tollatur a vobis omnis amaritudo animi, et ira, id est subita commotio animi et indignatio. Si enim ignobilis superabundat vobis nobilibus, ne indignemini. Et clamor, ne inordinate conclematis litigando, et blasphemia facta in Deum vel proximum. Qui enim sic ait: Quare hoc Deus fecit? Videtur dixisse quod Deus non bene fecerit. Ut breviter omnia removeam; haec cum omni malitia, id est omnis malitia tollatur a vobis. Ne sitis amari vel blasphemi, sed estote benigni, id est largi invicem alter dando alteri. Et si non habetis quid detis, estote saltem misericordes animo, donantes invicem, id est indulgendo alteri, sicut Deus donavit vobis peccata in Christo, id est per Christum.

248 CAPUT V

Estote ergo imitatores Dei, sicut filii charissimi, et ambulate in dilectione, sicut et Christus dilexit nos, et tradidit semetipsum pro nobis oblationem et hostiam Deo in odorem suavitatis. Fornicatio autem, et omnis immunditia, aut avaritia, nec nominetur in vobis, sicut decet sanctos, aut turpitudino, aut stultiloquium, aut scurrilitas, quæ ad rem non pertinet, sed magis gratiarum actio. Hoc enim scitote intelligentes, quod omnis fornicator, aut immundus, aut avarus, quod est idolorum servitus, non habet hereditatem in regno Christi et Dei. Nemo vos seducat inanibus verbis; propter haec enim venit ira Dei in filios diffidentes. Nolite ergo effici particeps eorum. Eratis enim aliquando tenebrae, nunc autem lux in Domino; ut filii lucis ambulate: Fructus enim lucis est in omni honestate, et justitia et veritate: Probantes quid sit beneplacitum Deo. Et nolite communicare operibus infructuosis tenebrarum; magis autem redarguite. Quæ enim in occulto sunt ab ipsis, turpe est et dicere. Omnia autem quæ arguitur, a lumine manifestantur. Omne enim quod manifestatur lumen est. Propter quod dicit: Surge qui dormis, et exsurge a mortuis, et illuminabit te Christus. Videte itaque, fratres, quomodo caute ambuletis, non quasi insipientes, sed ut sapientes (Col. iii, 5), et regimenter tempus, quoniam dies mali sunt. Pro-

ptercea nolite fieri imprudentes, sed intelligentes quæ sit voluntas Dei (Rom. xii, 2; I Thess. iv, 5). Et nolite inebriari vino, in quo est luxuria, sed implemini Spiritu sancto, loquentes vobismetipos in psalmis, et hymnis, et cantis spiritualibus, cantantes et psallentes in cordibus vestris Domino, gratias agentes semper pro omnibus, in nomine Domini nostri Jesu Christi, Deo et Patri. Subjecti invicem, in timore Christi. Mulieres viris suis subditæ sint, sicut Domino, quoniam vir caput est mulieris, sicut Christus caput est Ecclesie (I Cor. xi, 3); ipse salvator corporis ejus. Sed si cut Ecclesia subjecta est Christo, ita et mulieres viris suis in omnibus. Viri, diligite uxores vestras (Cot. iii, 18; I Petr. iii, 1), sicut et Christus dilexit Ecclesiam, et seipsum tradidit pro ea, ut illam sanctificaret, mundans lavacro aquæ in verbo vite, ut exhiberet ipse sibi gloriosam Ecclesiam, non habentem maculam, aut rugam, aut aliquid hujusmodi, sed ut sit sancta et immaculata. Ita et viri debent diligere uxores suas, ut corpora sua. Qui suam uxorem diligit, seipsum diligit. Nemo enim unquam carnem suam odio habuit, sed nutrit et fovet eam, sicut et Christus Ecclesiam: quia membra sumus corporis ejus de carne ejus et de ossibus ejus. Propter hoc relinquet homo patrem et matrem suam, et adhaeret uxori suæ, et erunt duo in carne una (Gen. ii, 28; Matth. xix, 5). Sacramentum hoc magnum est. Ego autem dico, in Christo et in Ecclesia. Verumtamen et C vos singuli, unusquisque uxorem suam sicut seipsum diligat, uxor autem timeat virum suum.

EXPOSITIO.

Et quia Deus donavit peccata, ergo estote imitatores Dei, sicut filii charissimi, dimittendo alter alteri. Nec solum donando imitamini, sed etiam ambulate in dilectione, ut alter alterum diligat, sicut et Christus dilexit nos. Dilexit utique; etenim tradidit semetipsum pro nobis oblationem et hostiam Deo in odorem suavitatis. In veteri lege oblationes dicebantur panes propositionis, luminaria, et hujusmodi. Hostia vero, quod mactabatur in altari. In Christo vero, oblatio fuit omnia illa bona que gessit usque ad diem mortis. Hostia autem dictus est, quando seipsum obtulit in ara crucis, et illa vetus hostia dicebatur esse suavissimus odor Deo, secundum sacrificium Christi, quod præfigurabat; secundum se enim fetidum erat. Estote imitatores Dei, non autem fornicatores. Quod sic ait: Fornicatio omnis immunditia (sicut saepe exposuimus) aut avaritia, non solum dico non sit, sed nec etiam nominetur in vobis, id est ne vos tales improvise exhibueritis unde quis male saltu possit opinari. Dico non nominetur in vobis, sicut decet sanctos, quod estis vos, non tantum coram Deo, sed etiam providere bona coram hominibus. 249 Vocans eos sanctos, innuit se non scribere hac quia peccaverint, sed propter hoc solum et sibi de-

castero provideant. Fornicatio non nominetur in vobis, aut turpitudo, aut stultiloquium, aut scurrilitas. Turpitudinem vocat attractiones et illas mulierum deosculaciones; stultiloquium, in illis quod laborant apposite loqui mulieribus ad persuadendum. Scurrilitas est pectere et ornare se, ut placeant illis qui judicant curialitatem, quae scurrilitas non pertinet ad rem, id est non spectat ad aliquam utilitatem, et ideo non nominetur in vobis, sed magis actione gratiarum, id est sic honeste vos habete, ut in vobis agant gratias Deo qui bona vestra viderint. Ideo haec non nominetur in vobis, quia qui hujusmodi est, non habet hereditatem in regno Dei. Vel ita: Non solum ideo non nominetur in vobis, quia non pertinent ad rem; sed etiam ideo quia auferunt regnum Dei. Quod sic ait: *scitote hoc, intelligentes, id est subtili intelligentia hoc discutientes, quod omnis fornicator, aut immundus, aut avarus, quod, sci-licet avarum esse est servitus idolorum.* Dum enim avarus magis diligit pecuniam quam Deum, eam sibi facit Deum. Fornicator, inquam, cum illis non habet hereditatem in regno Christi et Dei, et ne ab hereditate regni alieni sitis videste. *Nemo seducat vobis verbis inanibus, id est falsis et mendacibus.* Hoc ait propter illos Nicolaitas, qui suadebant Deo non displicere quemque carnalia.

Videte, nemo seducat vos; *Nam propter haec que superius prohibita sunt, venit ira, id est vindicta Dei in filios diffidentiae, id est de quorum salute diffidimus, vel qui de salute Dei diffidunt.* Et quia propter haec venit ira Dei, *ergo nolite effici participes eorum, id est fornicationis, immunditiae, aut avaritiae.* Ideo non debetis participare his, quia modo difficilius esset vobis peccare, quam olim; tunc enim per ignorantiam, sed nunc prudentes manum mitteretis in ignem. Quod sic ait: *Eratis aliquando, id est ante fidem tenebrae, id est ignorantes; nunc autem lux in Domino, id est illuminati per Dominum.* Et ideo ambulate ut filii lucis debent ambulare. *Ambulate dieo in omni bonitate habita in vobis, et justitia servata ad proximum, et in veritate ut vera verba dicatis.* Ideo in his quia sic ambulare est non simpliciter opus, sed fructus lucis, id est fructiferum opus illuminatorum. *Ambulate ut filii lucis, probantes, id est probabiliter considerantes, quod est beneplacitum Deo.* Et ut quod beneplacitum est ei faciat, *nolite communicare operibus tenebrarum, id est tenebrosorum.* Operibus dico insfructuosis et inutilibus, nolite communicare, sed magis redarguite opera tenebrarum. Non debetis communicare, quia *tempore est etiam dicere, nedum facere ea quae sunt ab ipsis in occulto.* Qui enim male agit lucem odit (Joan. iii, 20). *Opera tenebrarum redarguite.* Modo assumit: *Omnia autem quae arguuntur a lumine, id est reprehenduntur ab illuminatis, manifestantur per confessionem, et dum arguuntur poenitet se male egisse.* Es utile est si manifestantur. Omne enim quod sic per confessionem manifestatur lumen est id est jam incipit esse in lumine justitiae,

A cum poenitet se male egisse. Vel aliter: *Quonia quae arguuntur a lumine (sicut dictum est) manifestantur ipsis qui reprehenduntur; prius enim ignorabant pondus peccati sui, quod per reprehensionem agnoscent.* Omne autem quod sic manifestatur lumen est, quia in eo quod jam cognoscit peccatum suum, quodammodo illuminatur, et appropinquat justitiae. Propter quod comprobandum, scilicet quod tenebræ fiunt lumen per manifestationem, dicit Spiritus sanctus in me. Haec enim auctoritas alibi non inventur in Scripturis. Dicit, inquam, ita: *Tu qui dormis per ignorantiam in peccato: surge per cognitionem peccati, seu per confessionem, et cognito peccato exsurge a mortuis, id est a peccatis quae generant mortem.* Vel a mortuis, id est a numero mortuorum, id est peccatorum, faciendo fructus dignos poenitentiae, et sic tibi exsurgenti illuminabit Christus, in fundendo gratiam

B Dixit superiorius redarguite opera tenebrarum; que enim arguuntur per manifestationem, de tenebris 250 fiunt lumen, et quia de redargutione tanta sequitur utilitas ut quod tenebrosum est fiat lumen. Itaque fratres redarguite opera tenebrarum: et ut libere redarguatis, videte quomodo ambuletis cante, id est ne forte inveniatur in vobis, quod in aliis redarguitis. *Cante ambuletis, non quasi insipientes;* qui enim quod in se est, in alio reprehendit, insipienter agit, dum quod sibi in alio displiceret in se sibi placet: *Non quasi insipientes, sed ut sapientes,* id est prius purgantes conscientiam, et tunc libere mala proximi redarguentes. *Cante, inquam, ambulate.* Nos dico, *redimentes tempus:* Secundum beatum Gregorium tempus redimere, est anteacta mala fletibus diluere. Cum enim male agimus, tempus perdimus; eum vero mala quae gessimus per poenitentiam emendamus, et deinceps bene agimus, tempus perditum redimimus. Vel *redimentes,* id est præparantes vobis tempus. Tunc enim tempus redimimus, cum nos ad agendum quod bonum est idoneos præparamus. Sicut enim qui male agit, tempus perdit, sic qui bene agit tempus quidem habet, sed non redimit; sed præparando se, ut sit idoneus ad bene agendum, his præparationibus tempus redimere dicitur. Videte ut caute ambuletis, et tempus redimatis, *quoniam dies mali, id est homines in diebus istis mali sunt.* Et propterea quoniam dies mali sunt, *nolite fieri imprudentes, id est improvide argentes, sed intelligentes, id est ex intelligentia et calliditate mala proximi corripientes.* Intelligentes, dico, quæ sit voluntas Domini. Voluntas enim Dei est magis humiliter condescendere proximo, quam nimis asperitate eum deterrere. Nolite fieri imprudentes, et nolite inebriari vino, *in quo vino est cum ebrietate luxuria; sed inebriamini Spiritu sancto.* Quod sic ait: *Implemini Spiritu sancto, loquentes vobis metropolis, id est cum intellectu eorum quae profectis. Loquentes, dico, in psalmis.* Psalmus dicitur cantus ille qui motu manuum fit in instrumento illo, quod dicitur psalterium. Unde sic ait: *Loquentes in vesti-*

mis, id est in his quæ pertinent ad instructionem mortalitatis. Loquentes in hymnis. Hymnus dicitur laus Dei cum cantico; hymnos etiam hic vocal, vel laudes Dei vel gesta sanctorum similiter ad gloriam Dei. *Loquentes etiam in canticis spiritualibus.* Canticum dicitur exultatio de coelesti bono, et ideo ait spiritualibus: quibus canticos maxime utuntur monachi, agentes ibi in desiderio futuræ beatitudinis. Non solum cum intellectu loquentes psalmos, hymnos, cantica, sed etiam operantes quod loquuntur. Quod sic ait: *Cantantes in hymnis et canticis, et psallentes, id est bene operantes in psalmis.* Cantare in hymnis et canticis pro modo suo operari est. *Cantantes dico, et psallentes Domino in cordibus vestris, id est ex dilectione non quasi coacti; agentes et am gratias semper Deo et Patri, qui et creavit et diligit.* Gratias dico pro omnibus seu adversis, seu prosperis. Agentes dico in nomine, id est ad glorificandum nomen Domini nostri Iesu Christi. Vos dico, subjecti invicem alter alteri in timore, id est in dilectione Christi.

Postquam hæc præcepta in publico dedit, admonet separatum sexus et conditions, quomodo cohærere debent alter alteri. Littera sic jungitur: Dico subjecti estote invicem, sed mulieres alio genere subjectionis subditæ sint viris suis, ita subditæ sicut Domino. Ideo viris subjiciantur ut Domino, quoniam vir caput, id est rector est et principium mulieris, sicut et Christus caput est Ecclesiæ, gubernando eam quam formavit de latere suo. Sicut enim de costa viri mulier (Gen. ii, 21, 22), sic de latere Christi Ecclesia. Ipse etiam Christus salvator est corporis ejus, id est Ecclesiæ, eam enim salvat; sed vir regere quidem potest mulierem, sed salvare nequit. Et licet in hoc differant, quod Christus salvat Ecclesiam, vir non salvat mulierem; tamen non propterea minor sit subjectio. Sed sicut Ecclesia subjecta est Christo, ita et mulieres subjectæ sint viris suis in omnibus quæ oportet. Mulieres subdantur viris. Vos autem viri non dico estote subditi mulieribus, sed diligite uxores vestras; nec parum, sed sicut Christus dilexit 251 Ecclesiam. Dilexit utique; et enim tradidit seipsum in mortem pro ea, ut sanctificaret ilam a peccatis, mundans eam lavacro aquæ. Hic aquam ostendit necessariam absolutioni. Mundans dico in verbo. Verbum dicit prolationem Trinitatis. Verbo dico vitæ, id est in quo Verbo accipitur vita justitiae. Vel Verbo vitae, id est Christo qui in baptismo vitam nobis justitiae restituit. Sanctificaret ideo ut in die nuptiarum ipse sibi exhiberet Ecclesiam, decore virtutum gloriosam, non habentem maculam, id est aliquid criminale, aut rugam, id est dolositatem: aut aliquid ejusmodi, quod vel macula videatur esse vel dolus, sed ut sit sancta, positione virtutum, et ut sit immaculata, remotione vitorum.

Sicut Christus Ecclesiam, ita diligent viri uxores; ita etiam debent diligere ut corpora sua. Vere ita ut corpora. Qui enim attigit suam uxorem, diligit seip-

A sum. Uxor enim caro viri est, et ideo debet eam diligere. Nemo enim unquam habuit odio carnem suam, sed nutrit cibis, et sovet eam vestimentis. Martyres etiam qui carnes suas tradiderunt ad ignem, dicentur dilexisse carnem, dum eam voluerunt pati ad horam, ut sic requiesceret in æternum. Sicut infirmus qui carnem suam medico tradit ad urendum, et secundum, ut per asperitatem unius diei habeat longo tempore quietam sanitatem corporis. Nutrit dico et sovet, sicut Christus nutrit et sovet Ecclesiam scilicet nos qui Ecclesia ejus sumus; ideo nutrit nos, Ecclesiam suam, *qua sumus membra corporis ejus Christi, id est Ecclesiæ.* Nos dico existentes quidam de carne ejus. Hi sunt infirmi minus fortes in Ecclesia. Quidam vero existentes de ossibus ejus, id est de robustioribus in Ecclesia. Christus carnem habuit, secundum infirmitatem cuius tenebat et pavebat. Habuit ossa, id est rationem secundum quam dicebat: « Spiritus promptus est (Matth. xxvi, 41). » Sic hodie in Ecclesia quidam caro, quidam ossa dicuntur. In hoc etiam verbo mittit nos ad primam creationem, quando Adam videns Evam creatam ait: « Hoc nunc os de ossibus meis, et caro de carne mea (Gen. ii, 23). » Propter hoc, quia uxor caro viri est, relinquet homo patrem et matrem suam, et adhæredit uxor suæ, et erunt duo, vir et uxor, in carne una. Cum homo caro sit patris et matris in carne, quorum originem habuit; magis dicitur vir caro mulieris, et secundum naturam creationis, quæ de viro mulier formata est. Et secundum vim illius conjunctionis in qua mirabiliter trahunt in unitatem carnis, adeo ut dicant physici quod, si sanguis viri et mulieris, qui carnaliter commissi sint, in eodem vase ponatur, indivisibiliter commiscetur. Si vero sanguis eorum qui rem simul non habuerint, similiter ponatur, non sic admiscetur, sed sanguis viri per se et mulieris, sicut ante vel post positum est, remanet. Propterea quia una caro sunt, vir debet uxorem diligere. Præterea ideo quia hoc, id est relinquet hominem patrem, etc., est magnum, id est magnæ rei sacramentum. Quod enim ait: *Relinquet homo patrem,* significat Filium Dei reliquisse Patrem, dum ipsi per naturam deitatis invisibilis sicut Pater, sub forma servi præbuit se visibilem. Reliquit iterum matrem, id est Synagogam in qua nutritus erat, et adhæsit uxor suæ, id est Ecclesiæ quam sibi annulo fidei desponsavit. Hoc, inquam, est sacramentum. Ego autem dico rem hujus sacramenti existere in Christo, et in Ecclesia, sicut dictum est. Si omnis alia causa in conjugio cessaret, celebrandum tamen esset pro sola dignitate rei cujus figura est. Sed licet res hujus sacramenti in Christo tantum sit et in Ecclesia, non in viro et muliere, verum tam et vos singuli, non ille uxorem proximi, sed unusquisque diligat suam sicut seipsum; uxor autem non solum diligit, sed etiam timeat virum suum. Sic viri ad uxores, et uxores se habeant ad viros.

CAPUT VI.

¶ Filii, obedite parentibus vestris in Domino (Col. iii, 20): hoc enim justum est. Honora patrem tuum, et matrem tuam, quod est mandatum primum in promissione, ut bene sit tibi, et sis longævus super terram (Exod. xx, 12; Eccl. iii, 9; Matth. xv, 4). **252** Et vos patres nolite ad iracundiam provocare filios vestros: sed educate illos in disciplina et correptione Domini. Servi, obedite dominis carnalibus cum timore et tremore, in simplicitate cordis vestri, sicut Christo. Non ad oculum servientes, quasi hominibus placentes, sed ut servi Christi facientes voluntatem Dei ex animo. Cum bona voluntate servientes, sicut Dominus et non hominibus; scientes quoniam unusquisque, quocunque fecerit bonum, hoc recipiet a Domino, sive servus, sive liber. Et vos domini eadem facite illis, remittentes minas: scientes quia et illorum et vester Dominus est in cœlis; et personarum acceptio non est apud eum (Rom. ii, 11; Act. x, 34; I Petr. i, 17). De cætero, fratres, confortamini in Domino, et in potentia virtutis ejus. Induite vos armaturam Dei, ut possitis stare adversus insidias diaboli; quoniam non est nobis collectatio adversus carnem et sanguinem, sed adversus principes et potestates, adversus mundi rectores tenebrarum harum, contra spiritualia nequitiae in cœlestibus. Propterea accipite armaturam Dei, ut possitis resistere in die malo, et in omnibus perfecti stare. State ergo succincti lumbos vestros in veritate, et induit locrica justitiae, et calceati pedes in præparationem Evangelii pacis, in omnibus sumentes scutum fidei, in quo possitis omnia tela nequissimi ignea extinguere. Et galeam salutis assumite, ac gladium spiritus (quod est verbum Dei), per omnem orationem et obsecrationem orantes omni tempore in spiritu, et in ipso vigilantes in omni instantia et obsecratione pro omnibus sanctis; et pro me, ut detur mihi sermo in aperiōne oris mei, cum fiducia notum facere mysterium Evangelii; pro quo legatione fungor in catena ita, ut in ipso audeam, prout oportet me, loqui. Ut autem et vos sciatis quæ circa me sunt, quid agam, omnia vobis nota faciet Tychicus, charissimus frater et filius minister in Domino: quem misi ad vos in hoc ipsum ut cognoscatis quæ circa nos sunt, et consoletur corda vestra. Pax fratribus, et charitas cum fide, a Deo patre et Domino Jesu Christo. Gratia cum omnibus, qui diligunt Dominum nostrum Jesum Christum in incorruptione. Amen.

EXPOSITIO.

Vos etiam, filii, obedite parentibus vestris, ita tamen quod in Domino; in his enim quæ contra fidem sunt, parentes audiendi non sunt. Obedite dico; hoc enim justum est, hoc scilicet honora patrem tuum et matrem, quod mandatum primum est in secunda tabula. Duæ tabulae datae sunt Moysi. In pri-

A ma posita sunt tria mandata, pertinentia ad Deum scilicet diligere Deum tuum, et Dominum Deum tuum adorabis, et illi soli servies. Et non assumes nomen Dei tui in vanum, etc. In secunda tabula septem mandata posita sunt, ad homines pertinentia. Hoc autem: Honora patrem, præpositum est aliis servis. Hoc etiam mandatum fuit datum in promissione, quia statim post mandatum subjuncta est mandata promissio; haec scilicet ut bene sit tibi honorari patrem, et ut sis longævus super terram hanc, et in vera terra repromotionis longævus, quia permanens. Filii obedient parentibus. Et, vos patres nolite filios vestros provocare ad iracundiam, sed educate illos in disciplina, docentes eos quæ eis addiscenda sunt, et in correptione, ut si peccaverint, quomodo decet corripistis. Disciplina et correptione dico Domini, id est secundum Dominum facta. Filii obedite parentibus; vos etiam, servi, obedite dominis, etiam carnalibus. Obedite dico cum timore animi et tremore corporis. Et in simplicitate cordis vestri, id est sine omni dolositate, obedite illis sicut Christo obediens. Vos dico non servientes illis ad oculum, id est ut in facie Domini devoti sitis; retro autem superbi. Dico non servientes ad oculum, quasi per hoc placatis hominibus, sed sicut servi Christi, ex animo, non coacti, facientes voluntatem Dei, id est sicut bonum esset vobis facere voluntatem Dei, ita sitis servientes illis cum bona voluntate sicut Domino, et non sicut hominibus. Ideo ait sicut Domino, cum enim pro peccato suo vel parentum servi facti sint, si banc pœnam peccati patienter tulerint Deo magis obedere videntur quam homini, qui eos sub hac conditione pro peccato redigunt. Servite illis sicut **253** Domino, scientes quoniam unusquisque, sive servus sive liber, percipiet a Domino remunerante sibi quocunque bonum fecerit. Servi, obedite dominis, et vos domini facite illis eadem, non quod illis servatis, sed ut labores eorum pie remuneretis. Eadem facite illis, remittentes minas, id est nolite eos rexare minas, scientes quia idem Dominus illorum et uester est in cœlis, et scientes quoniam acceptio personarum non est apud Deum; non enim minus diligit servum quam liberum; solummodo bonus sit.

D Postquam singulares admonitiones ad sexus et conditiones fecit, revertitur ad communem Ecclesiæ admonitionem, timens defectum eorum, et sciens eos non amplius visuros faciem suam. Sic filii sed parentes, servi ad dominos se habeant, et e converso. Vos autem fratres, in communi de cætero, id est in futuro, confortamini, id est fortes estote in Domino, et ut confortemini state in potentia virtutis ejus, id est potentes estote per virtutem ejus. Virtutem hic vocat arma quæ sequuntur, quibus potentes sunt contra hostes. Ut autem fortes et potentes sitis, induite vos armaturam Dei, ut armis Dei induti possitis more pugnantium stare adversus insidias diaboli, id est diabolum insidiantem vobis, et ne in hac pugna negligentes sitis, quis non est no-

bis collectatio adversus carnem et sanguinem, id est contra visibilem hostem. Ubi ait collectatio, innuit pugnam esse de proximo. Sed est nobis collectatio adversus principes, id est malignos spiritus; qui etiam aliis spiritibus principiantur, et etiam adversus potestates, id est eos spiritus qui super principes potentiam habent. Et adversus rectores mundi, non quod sæculum hoc regant, sed rectores tenebrarum harum, id est horum in peccatis tenebrosorum; eos enim tantum, non alios regunt. Et est nobis pugna contra spiritualia, id est contra invisibles hostes. Spiritualia dico nequitiae; nequissimi enim sunt hi spiritus. Hæc autem pugna est in cœlestibus, id est non pro terrenis, sed ut cœlestia gaudia auferant a vobis. Vel, secundum Augustinum, contra spiritualia habitantia in cœlestibus, id est in aere. Et propterea quia contra principes et spiritualia pugna est, accipite ideo spiritualem armaturam Dei, id est virtutes, ut per hæc arma possitis resistere in die malo, id est in tempore hoc qui dies malus dicitur, quia sancti in hoc temptationibus affliguntur. Nec solum resistere, sed etiam possitis stare perfecti consummata justitia. Stare dico in omnibus, tam adversis quam prosperis. Et quia in hac pugna armatura Dei necessaria est, ergo accipite cingulum, loricam, scutum etc. Quod sic ait: State in pugna succincti lumbos vestros, id est habentes cingulum in lumbis, quo reprimatur luxuria. Succincti dico in veritate, ne forte extra simuletis castitatem, intus lasciviam habeatis. Vel succincti lumbos in charitate, quod dilectio Dei cingulum sit lumborum, mortificans in nobis luxuriam. State etiam induiti loricam justitiae, id est, justitia sit vobis lorica, sine læsione quoslibet ictus excipiens. Non ideo dicit veritatem cingulum lumborum, et iustitiam esse loricam, quin e converso idem dicere bonum esset.

State etiam calceati pedes, id est affectiones vestras bene habentes munitas. Non dico tantum in Evangelio, sed etiam in præparatione Evangelii, ut primum in vobis ostendam quod aliis Evangelizabitis. Hæc enim præparatio bona est. Evangelii dico pacis, id est per quod inter Deum et hominem pax reformatur. Calceati pedes vos dico, sumentes in omnibus impugnationibus scutum fidei, id est fidem,

A scutum et protectionem vobis. In quo scuto fidelis possitis extinguere omnia ignea tela illius nequissimi adversarii. Assumite etiam galeam salutis, id est spes et desiderium æternæ salutis sit vobis galea, qua caput hoc involvatis. Sicut enim caput dignius membrum est, sic futura salus dignior respectus est. Assumite etiam gladium Spiritus sancti, quod, id est qui gladius verbum Dei est. Et hoc gladio, scilicet verbo Dei seruntur hostes et cadunt. Vos dico orantes per omnem, id est per omnismodi orationem 254 et per omnem obsecrationem. Oratio dicitur ut simpliciter: Deus adjuva me; obsecratio, cum adjuramento, ut: Per passionem tuam, libera nos, Domine. Orantes, dico, omni tempore non lingua tantum, sed spiritu, id est ex corde. Et in ipso, id est in orando sitis vigilantes in omni instantia et in omni obsecratione, facta pro omnibus sanctis, facta etiam pro me ad hoc ut detur mihi sermo in apertione oris mei, id est ut aperto ore accommodetur gratia sermonis. Et ut detur mihi cum fiducia notum facere mysterium, id est secretum Evangelii mei. Pro quo mysterio revelando fungor legatione positus in catena. Ita detur cum fiducia ut audeam in ipso Evangelio loqui, prout me oportet, non amplius venturus ad vos. De his que vobis agenda sunt, sic vos docui. Ut autem et vos sciatis tribulationes, quæ circa me sunt; et quid ego agam in illis. Tychicus, charissimus frater et fidelis minister in Domino, nota faciet vobis omnia. Quem Tychicum misi ad vos in hoc ipsum ut cognoscatis per eum quæ circa nos sunt, et ut consoletur corda vestra cum audieritis me pati pro nomine Christi, pro quo omne onus leve est, omne jugum ferre suave est (Matth. xi, 30). Hic Tychicus fuit per quem hanc Epistolam misit, intendens per utrumque eos consolari. Vobis fratibus sit Pax et charitas cum fide, id est et fides a Deo Putre et Domino Iesu Christo. Gratia sit cum omnibus qui diligunt Dominum nostrum Iesum Christum. Diligunt dico in incorruptione, id est in integritate dilectionis. Dictum est a similitudine sponsæ, quæ se mariatum diligere probat, dum ei integritatem suam reservat. Vel ita: Gratia sit illis in incorruptione, id est in spe incorruptionis, id est vita æternæ. Amen.

ARGUMENTUM IN EPISTOLAM AD PHILIPPENSES.

Philippenses sunt Macedones. Hi accepto verbo veritatis, persistenterunt in fide, nec receperunt falsos apostolos. Hos collaudat Apostolus, scribens eis a Roma de carcere per Epaphroditum

PROLOGUS B. BRUNONIS IN EAMDEM.

Philippi civitas est in Macedonia: inde Philippen-ses. Si autem de numero eorum fuerunt, quos in secunda Epistola ad Corinthios adeo magnificavit Paulus, dicens: Seipsos primum dederunt; deinde

D sua (II Cor. iii, 5). Apud hos Philippenses aliquando conversatus fuerat Paulus, prædicans eis verbum Dei, et per eum suscepserunt fidem Christi; quibus confortatis in mandatis Dei, discesserit ab eis.

Sed cum Romæ esset in vinculis, propter absentiam et tribulationem pastoris, existimaverunt persecutores justitiae et pseudo apostoli, depravatores veritatis, sibi datam esse opportunatatem aggrediendi quos Paulus instruxerat Philippenses, ut et facilius cederent persecutioni, propter afflictionem et contemptum magistri, et ut pseudo opportunius perverterent fidem eorum, absente Paulo qui confirmaret eos. Quam utramque pugnam (scilicet persecutorum et pseudodoctorum) Paulus intelligens, scripsit eis hanc Epistolam, in qua agit de illa duplice pugna persecutorum et pseudodoctorum, eo

A modo ut approbet eos persecutionem libenter debere pati pro fide Christi, cum Apostolum suum gaudem audiant in vinculis, qui dignus habitus sit pro nomine Jesu contumeliam pati; cum etiam sciatur Jesum pro salute eorum passum. Iis et aliis causis patientiam cum humilitate commendat eis. Iterum doctrinam eorum pseudo illis adeo deprimit ut vocet eam stercora, et multas dat rationes, quare non sint audiendi. Et in hunc modum agens de hac utraque pugna, intendit eos armare in hoc bello per hanc Epistolam, ne vel cedant persecutioni, vel consentiant errori.

EPISTOLA AD PHILIPPENSES.

255 CAPUT PRIMUM.

Paulus et Timotheus, servi Iesu Christi, omnibus sanctis in Christo Iesu, qui sunt Philippis cum episcopis et diaconibus. Gratia vobis et pax a Deo Patre nostro, et Domino Iesu Christo. Gratiias ago Deo meo in omni memoria vestri, semper in cunctis orationibus meis pro omnibus vobis, cum gratia deprecationem faciens, super communione vestra in Evangelio Christi a prima die usque nunc, confidens hoc ipsum, quia qui coepit in vobis opus bonum, perficiet usque in diem Christi Iesu. Sicut est mihi justum hoc sentire pro omnibus vobis, eo quod habeam vos in corde, et in vinculis meis et in defensione et confirmatione Evangelii, socios gaudii mei omnes vos esse Testis enim mihi est Deus, quomodo cupiam vos omnes in visceribus Iesu Christi. Et hoc oro, ut charitas vestra magis ac magis abundet in scientia et in omni sensu, ut probetis potiora, ut sitis sinceri, et sine offensa in diem Christi, regredi fructu justitiae per Iesum Christum, in laudem et gloriam Dei. Scire autem vos volo, fratres quia quae circa me sunt, magis ad profectum venient Evangelii, ita ut vincula mea manifesta fierent in Christo in omni praetorio, et in ceteris omnibus, et plures e fratribus in Domino confidentes in vinculis meis, abundantius auderent sine timore verbum Dei loqui. Quidam quidem, et propter invidiam et contentionem, quidam autem et propter bonam voluntatem Christum prædicant; quidam, ex charitate, scientes quoniam in defensione Evangelii positus sum. Quidam autem ex contentione Christum annuntiant non sincere; existimantes pressuram se suscitare vinculis meis. Quid enim? Dum omni modo, sive per occasionem, sive per veritatem Christus annuntietur, et in hoc gaudeo, sed et gaudebo. Scio enim quia hoc mihi proveniet ad salutem per vestram orationem et subministrationem Spiritus Iesu Christi, secundum expectationem et spem meam, quia in nullo confundar, sed in omni fiducia, sicut semper, et nunc magnificabitur Christus in corpore meo,

B sive per vitam sive per mortem. Mihi enim vivere Christus est, et mori lucrum. Quod si vivere in carne, hic mihi fructus operis est, et quid eligam ignor. Coarctor autem e duobus: desiderium habens dissolvi, et esse cum Christo, multo magis melius; permanere autem in carne, necessarium est propter vos. Et hoc confidens scio quia manebbo et permanebo omnibus vobis ad profectum vestrum, et gaudium fidei, ut gratulatio vestra abundet in Christo Iesu in me, per meum adventum iterum ad vos. Tantum digne Evangelio Christi conversamini, ut, sive cum venero et videro vos, sive absens audiam de vobis, quia statis in uno spiritu unanimes, collaborantes fidei Evangelii, et in nullo terreamini ab adversariis; quae est illis causa perditionis, vobis autem salutis, et hoc a Deo: quia vobis donatum est pro Christo, non solum ut in eum credatis, sed ut etiam pro illo patiamini: idem certamen habentes, quale et vidistis in me, et nunc auditis de me. »

EXPOSITIO

Paulus, etc. Nomina dignitatis hic non apposuit, sciebat Philippenses non dubitare de apostolatu Pauli, quem magistrum et Apostolum suum confitebantur, dum, sicut illis tradiderat Paulus, in fide operabantur; sed intendens commendare eis humilitatem, cum patientia humilitatis nomen (se servum dicens) inseruit. Unde sic ait: *Paulus et Timotheus.* Non ideo Timotheum apposuit quod cum Paulo Epistolam scripserit, sed quia in eadem voluntate Paulo concessit; ideo etiam, quia, sicut in sequentibus innuit, missurus erat eis in proximo Timotheum. Cui ut in omnibus obedirent, dignum fuit prescribere commendatione Pauli. *Paulus et Timotheus, servi Iesu Christi,* sic et vos servitatem Christi in omni humilitate patientes custodite. *Paulus, inquam, et Timotheus scribunt omnibus sanctis qui sunt Philippis.* Sanctis dico in Christo Iesu, id est in fide Christi Iesu sanctis et confirmatis. Ubi ait omnibus sanctis, communitatem Ecclesie intelligit, id est, subditos, quibus in eadem salutatione præla-

*tus adjungit, dicens : 256 Scribunt omnibus sanctis, id est subditis cum episcopis, id est et episcopis et diaconibus in eadem Ecclesia. Hic per episcopos accipientes presbyteros; cum in eadem civitate non sint, putandum plures esse episcopos. Vel si etiam Philippri regio esset diversas habens civitates, absurde transiret ab episcopis ad diacones, intermissis presbyteris. Nec absurdum est, si sacerdotes dicantur episcopi, cum, secundum Augustinum, quilibet paterfamilias, quia super intendit domui, episcopus possit dici. Paulus, inquam, et Timotheus sic scribunt : *Gratia vobis et pax a Deo nostro Patre, et Domino Iesu Christo.* Sicut sepe expositum est. Hic modo in primis mistum de utraque pugna commendans eis humilitatem cum patientia agit, usque illud inferius, ubi ait : *Scire autem, etc.* Quasi diceret : *Audiens fidem et patientiam vestram, gratias ago Deo meo, id est mihi bene in vobis faventi. Nostrum dicimus Deum, quando pie concedit quod precamur. Gratias, inquam, ago Deo meo in omni memoria vestri, quia, quoties audio aliquid de vobis (quia digna fide Christi sunt), gratias ago Deo, non in quadam, sed in omni memoria vestri. In omnibus bonum audiens de vobis, gratias, inquam, ago Deo in omni memoria vestri faciens deprecationem pro vobis omnibus, quia nemo se indignum mea intercessione facit : Et hoc cum gaudio. Si peccarent illi, precaretur quidem pro eis, sed in tristitia.**

Quia vero perfecti sunt, restat ut oret pro eis cum gaudio. Faciens, inquit, deprecationem in canticis orationibus meis. Nunquam enim ore quod praetermittam vos. Oratioibus dieo nos raro, sed semper, id est continue celebratis. Ago, inquam, gratias semper, id est de communitate nostra ostensa in Evangelio Christi. Communicatis enim Evangelio Christi, credendo quam cito auditis. Faciendo etiam opera fidei, et praedicando aliis tecum fidem Christi. Vel ita : *Gratias ago super communicatione vestra, id est de hoc quod res vestras communes exhibuistiis omnibus sanctis. Communicatione dico facta in Evangelio, id est secundum Evangelium Christi, quia vos primum Deo, dehinc vestra sanctis tradidistiis, et in Evangelio per haec et omnia precepta adimplendo. Communicatione dico inculta a prima die conversionis vestrae usque nunc, id est ad presentem diem. Ago gratias, faciens pro vobis deprecationem, et hoc ipsum, id est sicut postulio integrum confidens me impetraturum; non tamen ex virtute vestra, sed ideo confidens, quia Deus qui caput in vobis bonum opus, ipse idem perficiet. Ideo ait caput et perficit, et, ut superius, *gratias ago*, ut ostendat principium et finem justitiae sue totum ex gratia Dei esse. Habeo etiam ait confidens, quia si pietas Dei bona caput in iis qui mali erant, multo magis credendum est ut in iis qui jam justi sunt, perficiat consummationem. Perficit dico usque in diem Christi Iesu, in morte cuiusque, quantum ad eum qui moriar, incipit dies Christi. Ex hoc enim jam nihil facit praeter voluntatem Christi, qui, dum viveret*

A diem suum habuit, faciens bonum vel malum, quod voluit. Vel si dicimus diem Christi, diem judicij, tunc erit ad probationem. Ita perficiet in vobis opus bonum usque, id est, assidue faciens hoc in justis usque in diem Christi Jesu, id est, quandiu mundus durabit. Confidens et faciens deprecationem tantam sicut est justum; id est, non minus precor pro vobis quam justitia vestra et benignitas, qua me honorifice suscepistis exigit. Justum, inquam, est mihi qui nullius beneficio ingratus sum, sed benigne recom penso. Sicut, inquam, justum est mihi non solum deprecari, sed etiam sentire hoc pro vobis; sentio enim tribulationem vestram ex vi compassionis, ac si eam in carne mea sustinerem. Pro vobis dico omnibus, quia omnes perfecti estis. Sentire me dieo et sentio, eo quod habeam vos non in labilis tantum, sed in ipso corde. Tribulorum enim interius pro vestris tribulationibus. Habeo vos in corde, et dum sum in vinculis, et dum sum in defensione, et positus in confirmatione Evangelii. In vinculis meis habeo vos in corde, memorans vos 257 pati persecutionem sicut et me. Et in defensione Evangelii, id est in quo defendeo fidem contra pseudo, qui nituntur pervertere eam. Habeo vos in corde, memor quod vos cum pseudo pro tua fide vestra decertatis. Per vincula et defensionem utriusque pugnæ eorum faciens mentionem, confortat eos in utraque. Habeo etiam vos in corde, in confirmatione Evangelii, id est quando simplicibus Christianis confirmo fidem suam per Scripturas etc. Memor sum vos similiter fidem simplicium confirmare.

C
D
E
F
G
H
I
J
K
L
M
N
O
P
Q
R
S
T
U
V
W
X
Y
Z
Et sicut memor sum tribulationum vestrarum, sic et vos estote particeps humilitatis meæ. Inutilis enim est patientia, quam non comitatur humilitas. Quales habeo vos in corde : tales, scilicet omnes vos esse socios gaudii mei, remunerationis meæ in æterno gaudio, sicut enim tribulationis meæ, particeps eritis gaudii. Vere habeo vos in corde. Testis enim mihi est Deus, quomodo, id est quam infinito desiderio ego cupiam omnes vos esse, non in pedibus Christi, sed in viscerebus Christi Iesu, id est non in inferioribus; sed inter magis dilectos Dei qui dicuntur viscera ejus. Et quia sic cupio de vobis, ideo ore hoc ut charitas vestra magis, proficiendo abundat, temperata in omni scientia, id est in omnimoda discretione. Ideo scientia necessaria est charitatem, quia, si sine discretione fuerit, plerumque sic obhorribit aliquid veniale in proximo ut intemperate reprehendendo suscitet item, vel aliquid mox crimen, cum, si discrete ageret, melius per lenitatem proximum corrigeret, ideo ait charitas abundat in omni scientia. Et quis quidem habentes scientiam, plerumque actum ejus obliviscuntur, addit, et in omni sensu, id est in omni animadversione, ut semper memoriter animadvertiscas et in prompta habeamus scientiam. Abundet ita ut non tantum bona a malis, sed etiam probetas, id est probabiliter eligatis potiora, id est de bonis meliora. Pro-

betis ita ut sitis sinceri, id est puri in vobis, et sine A offendisse ad proximum, sic eundo in diem Christi, quod nihil in die judicii mundandum inveniatur in vobis. Vos dico *repleti* tunc in die Christi *fructu*, id est remuneratione *justitiae* vestrae quam hic habuistis. *Repleti* dico per Jesum Christum, distributorem illius fructus. *Justitiae* dico habitus in gloriam et laudem Dei, id est ita ut dicatur in vobis gloriōsus et laudabilis Deus in sanctis suis. Vel ita. Tales sitis in diem Christi. Vos dico interim dum vivitis *repleti* non *justitia* (quae facultatem non habeat operandi) sed *fructu*, id est operibus *justitiae*, ut et *justitia* et opera *justitiae* in usu vobis sint. *Repleti* dico per Jesum Christum, ex quo omnis *justitia*. Et hoc in gloriam et laudem Dei, id est ut Deo totum et vobis nihil ascribatis. Gloria Dei, dicitur clarris deitatis. Laudem Dei accipimus in iis quae videmus corporalibus oculis. *Sinceri*, si componimus ex *sine* et *cera*, perducitur media syllaba, nominativus, singularis *sincerus*, habens duo pluralia *sinceri* et *sinceres*, ut diaconus diaconi et diacones. Si secundum Isidorum, ex *sine* et *carie* componimus, media syllaba corripitur, et singulari caret.

Hucusque mistim de utraque pugna tractavit; hic separatim de pugna persecutorum incipit, dicens. Audiens bona de vobis, *gratias ago*. Deprecor cum gaudio *confidens* de vobis. Ego sic ago: *Vos autem volo scire, fratres, ea quae circa me sunt*. Haec ideo eis notificat ut exemplo suo ad patientiam et humilitatem eos inducat. *Scire*, inquam, *vos volo*, quia ea quae circa me sunt. *Circa*, ideo quia undeque circumvallant me mala. Vel *circa*, quia extra in corpore affligor, sed intus, in anima vires congrebo. Ea, inquam, quae circa me sunt, venerunt ad *profectum* *Evangelii* magis quam ad detrimentum, sicut ipsi putaverunt quod ligato Paulo, alligatum esset verbum Dei. Venerunt ad profectum, ita ut *vincula mea*, id est utilitas vinculorum meorum manifesta fierent in Christo, id est in magnificatione nominis Christi. *Manifesta* dico in omni prætorio, et in ceteris omnibus, id est apud principes, et apud inferiores. Et si enim ubique non sciatur Paulus esse in vinculis, tamen utilitas vinculorum suorum ubique diffunditur, dum fides Christi 258 per eum dilatata ubique prædicatur. Vel ita: *Venerunt ad profectum, ita ut ipsa eadem vincula mea fierent manifesta in Christo*, id est quae pro Christo patiabar. *Manifesta* dico in omni prætorio, et in ceteris omnibus locis. Ubique, enim dicebant: Videte constantiam Pauli, qui etiam in vinculis non cessat prædicare fidem Christi. Ita fierent manifesta, ut plures ex fratibus confidentes in Domino, vincula mea, id est propter vincula mea in quibus positus audacter prædicabam, exemplo meo confisi audebant abundantius loqui gentibus sine timore verbum Dei; qui prius propter timorem non audebant. Li sunt boni fratres, sed quidam quidem, id est discreti a bonis, quia perverse prædicant Christum et propter

A *invidiam*, quia volunt diminuere nomen Pauli, in quo non est alligatum verbum Dei. Et si non potest se posse usurpare sibi laudem Pauli, prædicant etiam propter contentionem, certantes se parificare Paulo in laude prædicationis. *Quidam autem* qui boni sunt prædicant Christum; et si non patientur tribulationem propter bonam voluntatem habitam ad omnes, quia vellent venire omnes homines ad agnitionem veritatis. *Quidam* etiam similiter boni ex charitate, id est privata dilectione, quam habent erga me, prædicant Christum, scientes quoniam ego positus sum in vinculis in defensione, id est propter defensionem Evangelii. Vel ita: *Scientes quoniam ego sum positus*, id est ordinatus a Deo in defensione, id est ad hoc ut defendam Evangelium, ii prædicabant ex privata charitate dicentes: *Dilectus noster Paulus*; quia ligatus est, non potest modo instruere Ecclesias suas, suppleamus vicem ejus, ne forte quod sedificavit, evertant illi pseudo. Et sic caralis dilectio erat ad profectum Evangelii.

B *Quidam autem* perversi, sicut illi, ex privata charitate, sic isti ex contentione, id est ex privato odio annuntiant Christum, non sincere, id est non in puritate, existimantes se hoc modo suscitare pressuram, id est aggravationem vinculis meis, id est mihi posito in vinculis. Li enim perversi disputaverant cum Paulo, et Paulus superaverat eos; nunc autem quod audierant ab eo prædicabant, ideo ut cum diceretur eis: Quare verba ejus scilicet damnati Pauli prædicatis? dicerent hoc, non a nobis, sed sic ab illo accepimus, portet ille poenam istorum, et iis verbis infideles concitati vehementius desævabant in Paulum. Objiceret aliquis ad hoc quod superius ait: *Vincula mea venerunt* ad profectum Evangelii, in bonis quidem qui exemplo tuo animati prædicaverunt, profuerunt quidem; sed in iis qui ex invidia et contentione prædicabant, vincula tua nil profuerunt. Ad hoc Paulus. Profuerunt utique etiam in iis; *quid enim nocet dum*, id est solum modo annuntiatur Christus omni modo, scilicet sine per occasionem suscitandi mihi pressuram, ut faciunt pseudo, sine per veritatem, ut annuntiant boni? Ego non caro quicunque sit annuntians; solummodo auditores in fide proficient. *Gaudeo in hoc quod Christus annuntiat* per occasionem, et in hoc gaudeo, quod suscitant mihi pressuram, nec modo solum, sed semper gaudeo in eodem. In Deo gaudeo et gaudeo, scio enim quia hoc, id est quod pressura mihi suscitat, proveniet mihi in salutem per vestram orationem intercedentem pro me, et per subministracionem, id est per fulcimentum et sustentaculum Spiritus. Sicut enim columna in medio posita sustentat domum, ne cadat; sic Spiritus fulcit me. Spiritus dico Jesu Christi, id est quem Christus dat, pro quo patienter proveniet dico in salutem secundum exspectationem et spem meam, id est non minus salutis conferens quam exspecto et spero. Exspectatio dicitur longanimitas in sustinendo, sine certitudine tamen. Spes vero certa prestolatio; ideo secundum spem,

quia non confundar, id est non erubescam in aliquo, ut ego deficiam in Evangelio Christi propter instantem tribulationem. Non confundar, sed sicut semper, id est de præterito magnificatus est, ita et nunc, id est in futuro magnificabitur Christus, non solum in anima, sed etiam in fragiliori parte, id est in corpore meo. Magnificabitur utique sive per vitam sive per mortem, id est in vita corporis et in morte. Debeo magnificare Christum per vitam, nam Christus est vivere mihi, id est ego ad aliud non vivo, nisi ut magnificem Christum. Debeo magnificare per mortem; nam Christus est mihi lucrum mori, id est ad moriendum, ipsum enim Christum accipiens lucror, si pro Christo morior. Vel ita: Per mortem debeo magnificare Christum; nam mori est mihi lucrum, id est nam in morte lucror ego, accipiens in cœlis retributionem laborum meorum. Et cum mori sit mihi lucrum, restat ut eligam mortem.

Adversa sententia, sed tamen licet mori sit lucrum, vivere in carne est mihi fructus operis, hic scilicet quod per vitam magnificabitur Christus. Et quia mori mihi est lucrum tante beatitudinis, et vivere in carne est mihi fructus magnificandi Christum, en, id est ecce, quid horum eligam ignore, vitam an mortem, ideo ignore quia coarctor. Vel non solum ignore, sed etiam coarctor, habens desiderium e duabus, id est de dissolvi, et de permanere in carne; sed dissolvi et cum Christo esse multo melius, quantum ad me. Permanere autem in carne necessarium est propter vos, ut Christus per me magnificetur in vobis. Et hoc, id est quod necessarius et utilis ero confidens. Scio quoniam manebo et etiam diu permaneo omnibus vobis ad prosectorum vestrum, et ad gaudium fidei vestre, id est ut de merito fidei gaudeatis. Tunc habet justus gaudium de fide, cum jam non tuinet adversa, et securus est de præmio. Permaneo vobis ad prosectorum, ita ut gratulatio, id est exultatio vestra, vel actio gratiarum, utrumque enim significat gratulato, et gaudeo et gratias ago, gratulatio, inquam, vestra abundet in Christo, id est in laudem Christi Jesu, in me, id est in consideratione mei. Abundet dico per meum adventum iterum factum ad vos. Abundabit utique tantummodo videte ut vos conversemini digne Evangelio Christo, id est sicut decet et docet Evangelium, quod accepistis. Ita digne, ut sive cum venero et video vos, sive absens quoconque modo fuero, vel absens vel præsens audiam de vobis hoc, quia statim in uno Spiritu sancto justificante vos. Et quia in eodem spiritu stare possent; hic in humilitate, hic in castitate; tamen non habentes inter se dilectionem, ideo addit unanimes in dilectione, et collaborantes per patientiam tribulationum fidei Evangelii, id est quam fidem in Evangelio didicistis. Audiam etiam quod vos in nullo terremani ab adversariis, que causa, scilicet quod volunt terrere vos, est illis causa perditionis, vobis autem, qui interriti statim, est causa salutis. Et hoc vobis a Deo quod non ter-

A remini, ideo, quia vobis donatum est pro Christo, id est pro merito Christi, non solum ut creatis in eum, sed etiam ut patiamini pro illo. Vos dico, habentes idem certamen quale et vidistis in me, cum apud vos essem, et quale nunc audistis de me quod patior Romæ. Vos autem imitamini quod me in humilitate pati videtis, sectantes patientiam et humilitatem.

CAPUT II.

Si qua ergo consolatio in Christo, si quod solatium charitatis, si qua societas spiritus, si qua viscera miserationis, implete gaudium meum, ut idem sapiatis, eamdem charitatem habentes, unanimes idipsum sentientes. Nihil per contentionem, neque per inanem gloriam, sed in humilitate superiores sibi invicem arbitrantes, non quæ sua sunt singuli considerantes, sed ea quæ aliorum. Hoc enim sentite in vobis, quod et in Christo Jesu. Qui cum in forma Dei esset, non rapinam arbitratus est esse se æqualem Deo, sed semet ipsum exinanivit, formam servi accipiens, in similitudinem hominum factus, et habitu inventus ut homo. Humiliavit semetipsum, factus obediens usque ad mortem, mortem autem crucis. Propter quod et Deus exaltavit illum, et donavit illi nomen quod est super omne nomen: ut in nomine Jesu omne genu flectatur, celestium, terrestrium, et infernorum. Et omnis lingua confiteatur, quia Dominus Jesus Christus in gloria est Dei Patris. Itaque, charissimi mei, (sicut semper obedistis) non in praesentia mea tantum, sed multo magis nunc in absentia **260** mea, cum metu et tremore vestram salutem operamini. Deus enim, qui operatur in vobis et velle, et perficere, pro bona voluntate. Omnia autem facite sine murmurationibus et hæsitationibus (*I Petr. iv, 9*), ut sitis sine querela, et simplices filii Dei, sine reprehensione in medio nationis pravæ et perversæ; inter quos lucetis sicut luminaria in mundo; verbum vitae continent ad gloriam meam in die Christi, quia non in vacuum cucurri, neque in vacuum laboravi. Sed et si immolar supra sacrificium, et obsequium fidei vestre, gaudeo, et congratulabor omnibus vobis. Idipsum autem et vos gaudete et congratulamini mihi. Spero autem in Domino Jesu, Timotheum me cito mittere ad vos, ut et ego bono animo sim, cognitis quæ circa vos sunt. Neminem enim habeo tam unanimem, qui sincera affectione pro vobis sollicitus sit. Omnes enim quæ sua sunt querunt, non quæ sunt Iesu Christi (*I Cor. xiii, 5*). Experimentum autem ejus cognoscite, quia, sicut patri filius, mecum servivit in Evangelio. Hunc igitur spero me mittere ad vos, mox ut video quæ circa me sunt. Confido autem in Domino, quoniam et ipse veniam ad vos cito. Necessarium autem existimavi Epaphroditum fratrem et cooperatorem et compunctionem meum, vestrum autem apostolum, et ministerum necessitatis meæ, mittere ad vos, quoniam quidem omnes vos desiderabat, et moestus

erat propterea quod audieratis illum infirmatum. **A** Nam et infirmatus est usque ad mortem : sed Deus misertus est ejus, non solum autem ejus, verum etiam et mei, ne tristitiam super tristitiam habet rem. Festinantis ergo misi illum, ut viso illo iterum gaudeatis, et ego sine tristitia sim. Excipite itaque illum cum omni gaudio in Dominò, et ejusmodi cum honore habetote ; quoniam propter opus Christi usque ad mortem accessit, tradens animam suam, ut impleret id quod ex vobis dederat erga meum obsequium.

EXPOSITIO.

Dixit superiorius : *Vincula quæ circa me sunt, venient ad profectum Evangelii*; quod etiam vos patimini, vobis est causa salutis, et ita vobis pati donatum est pro merito Christi. Ex ipsis nunc insertis dicens : Quia et me pati profectus est Evangelii, et quæ pro Christo similiter patimini vobis est causa salutis; ergo, fratres, *implete gaudium meum*, quod gaudium jam incepitis, ex quo pro Christo contumeliam passi estis. Implere gaudium intelligit, si ita pro Christo patientur ut habeant humilitatem patientiarum semper associatam. Hic enim apertius horabitur eos, ut cum patientia habeant humilitatem, ne, si patientur pro Christo, ideo se quasi digniores ceteris præferant. Patientia enim sine humiliitate inutilis est. Implete gaudium meum si qua consolatio vobis est in Christo, id est si ex Christo consolationem queritis in aliquo. Vel (ut de Christo sileam) si quod solatum charitatis, id est fraternæ dilectionis habere vultis, tunc implete gaudium meum. Vel ita : Si qua consolatio mihi datur apud vos in Christo, id est propter amorem Christi, et si quod solatum charitatis, id est fraternæ dilectionis mihi est apud vos quod me pro fraterna charitate consolari velitis, tunc implete gaudium meum; et, si est vobis quæ, id est aliqua societas spiritus, id est si in Spiritu sancto societatem habetis cum aliis Ecclesiis; et si sunt in vobis aliqua viscera, id est aliqui pii affectus miserationis, id est exhibitionis misericordiae, implete gaudium meum. Viscera hic ponuntur quasi misericordia; plus autem affectus (etiam si nihil operetur) misericordia dicitur. Effectus autem misericordiae miseratio vocatur, ideo tam obnoxie obtestatur eos quia vult eos tenere humilitatem, sine qua patientiam eorum intelligit irritam. *Implete dico gaudium*, ita ut sapientis idem, id est ut prosperitates proximi tam bene sapiant in vobis ac si vestrae sint. Sapiens dico, habentes eandem charitatem, id est ad omnem proximum æquam dilectionem. Licet enim quandoque oporteat habere majorem familiaritatem ad quosdam, sicut Christus habuit ad Joannem, haec tamen non est dicenda charitas, sed major familiaritas, quæ habetur secundum quod quidam sunt opportunitiores ad **261** quædam, alii minus.

Sitis etiam sentientes id ipsum in adversis proximi, ut angustiam ejus non solum in animo sentiatis, sed sic pungat vos ut propria. Vos dico unanimes,

B id est æquum animum compassionis ad omnem proximum habentes. Vos iterum nihil facientes per contentionem, ut alter qui magis patitur contendat se præferre alteri minus patienti. Vel, nihil disponentes de rebus ecclesiasticis per contentionem, neque scientes aliquid per inanem, id est propter mundanam gloriam, sed estote arbitrantur alios superiores vobis invicem; quod alter reputet alterum se superiorem; nec hoc ficta superbia, sed in humilitate, ut, sicut alter præponit sibi alterum, sic eamdem humilitatem habeat in corde putans eum, quem præponit, superiorem se. Et quomodo alter alterum sibi superiorem arbitretur, consilium ponit, dicens : Ut arbitremini alter alterum superiorem sibi, non sitis considerantes singuli bona, quæ sua sunt ; sed ea tantum bona considerate quæ sunt aliorum. Si enim (postpositis vestris) virtutes aliorum attenditis, sic eos vobis superiores arbitrabimini. Ut utrumque commendet eis, humilitatem et patientiam, exponit quanta fuerit humilitas et patientia Christi, dicens : Bene dico in humilitate; nam hoc debetis habere in vobis quod non solum in me, sed etiam in Christo Jesu præcipue videtis. Nec solum habete hoc, sed etiam sentite, id est per experientiam rei probate. Ideo ait sentite. Multi enim sunt qui existimant se omnia posse pati pro Christo, qui, si forte venirent ad experimentum, deficerent. Sentite, inquam, in vobis humilitatem, patientiam; quod in me et in Christo Jesu præcipue videtis; qui Christus Jesus cum esset in forma, id est in æqualitate Dei patris, ita invisibilis, coæternus, et consubstantialis illi scivit se esse æqualem Deo. Et in hoc quod scivit, major humilitas. Si enim ignorata altitudine sua, ita se humiliaret, humilitas ejus propter ignorantiam non adeo commendabilis esset. Sciens utique se esse æqualem Deo, non arbitratus est rapinam, ut sibi usurparet rem alienam. Vel sic in eadem sententia : Arbitratus se esse æqualem Deo, non faciendo rapinam, sicut malignus angelus, quod dicens : Ponam sedem meam ad aquilonem, et ero similis Altissimo (*Isa. xiv., 13.*); et homo cui serpens dixit. Eritis sicut dii (*Gen. iii., 5.*) Hic uteque rapinam fecit, dum quod Dei proprium erat, male sibi usurpare voluit. Christus autem non rapinam, quia arbitratus est rem propriam.

Et licet Christus esset in forma Dei, tamen exinanivit, id est evacuavit claritatem deitatis, dum eam sub forma servi posuit. Exinanivit dico servum, id est ipsam deitatem, ipsum, id est in eodem, tamen cum Patre permanentem; sic enim assumpsit quod non erat, ut maneret quod erat, et in hoc multa humilitas. Si enim quilibet rex amissio jure regni humili sit, non multum est; sed si habens jus regni, ab eo se in humilitate manens alienat, commendabilis est ejus humilitas. Exinanivit, dico, acceptipiens formam servi. Incomparabilis est humilitas, ubi Dominus elegit esse servus. Iterum formam servi posset accipere sine corruptione, ut non securaret miserias carnis. Ideo addit, factus, id est fa-

cturam novam accipiens in similitudinem hominum. Sic enim possibilis fuit et mortalibus ut, alli homines iterum in similitudine hominum esse posset, manus habens et pedes, et non haberet se ut homo. Ideo subdit et habitu, id est, in habendo se inventus est ut homo, a tentatore diabolo. Diabolus enim investigabat eum an esset Deus, an homo; sed, cum invenerit eum esurientem, putavit eum solummodo hominem. Nec solum factus est in similitudinem hominum, sed etiam humiliavit se (qui tantus erat) ipsum, scilicet in gloria tamen deitatis perdurantem. Humiliavit dico, factus obediens Patri in omnibus, usque ad mortem, nec mortem personae quae digna esset, sed mortem crucis. Quod genus mortis pro omni alio ignominiosius erat. Ubi ait mortem, commendat in eo patientiam. Ubi ait crucis, humilitatem. Propter quod, id est quia, in tanta humilitate et patientia Deo obedivit, ipse se merito suo et Deus secum exaltavit, id est in magna altitudine posuit, 262 illum, scilicet ad dexteram suam. Et illi exaltato donavit nomen, id est honorificatam, quod nomen est super omne nomen, id est superius omni nominabili, ita super, ut in nomine, id est ad honorem, Iesu omne genu flectatur, id est omnia ipsi plene subjiciantur, sicut ille qui genuflectit, subjecitur. Omne genu dico, quia caelestium, id est angelorum, et terrestrium, id est hominum, et infernum, id est demonum et animarum, que ibi sunt, flectatur genu, et omnis lingua confiteatur. Hoc erit in die iudicii, quando, velint nolint, Christum continebuntur impii.

Constitutus dico, quia, id est quod, Dominus Jesus Christus est in gloria, id est in aequalitate Dei Patris, secundum deitatem, et post Patrem primus, quantum ad humanitatem super omnem creaturam; quod Christus adeo patiens et humiliis fuit, et per utramque sic exaltatus: itaque, charissimi mei, operamini vestram salutem, id est vestri exaltationem, conjungentes in vobis patientiae humilitatem. Vos, inquam, sicut semper obediatis mihi, quandiu spud vos eram, ita modo cum metu animi et tremore corporis, timendum enim semper est stanti ne cadat. Operamini vestram salutem, ut non in praesentia mei tantum dicamini obedisse, sed multo magis nunc in absentia mea probetur vestra obedientia. Ideoque nunquam securi, sed semper cum meta et tremore, quia Deus est qui operatur in nobis (ut nihil vobis relinquit) etiam velle; et postquam per gratiam dederit velle, similiter in vobis operatur perficere. Nec hoc pro vestro praecedenti merito, sed solummodo pro bona voluntate sua, Deus omnia operatur in vobis; vos autem, cooperantes Deo, facite omnia sine marmaretis, ne si diu vos pati necesse sit, contra Deum impatienter marmaretis, quasi vos injuste permittat affligi. Omnia etiam facite sine hostiis, id est ne dicatis: Cras vigilabo, jejunabo cras, pro Christo pati incipiám sic. Ideo facite ut sitis sine querela, id est ut non sit in vobis de quo erga vos homo juste possit conqueri. Et ut sitis

A simplices filii Dei, id est ut simplex filiatione Dei per innocentiam sit in vobis, ut etiam sitis sine reprehensione; quod nec aliqua occasio appareat in vobis, unde reprehensibiles videamini, licet culpa non sit in vobis. Dicerent illi: Grave est sine reprehensione vivere inter tot inadvertentes justitiae. Ad quod ille: Verum quidem est, quia vos habitatis in medio natinus pravae et perversae in se, id est pervertentis alios, inter quos tamen per fidem et bona opera lucetis, ut luminaria in mundo. Sicut enim sol et luna mundum illuminant, sic justitia vestra tenebras eorum illuminat. Vos, dico, continentas verbum vitæ, id est Evangelium Christi, in fide cujus vita aeterna habetur. Continentes dico ad modum vasis: quod liquorem infusum sibi bene continet et propinas aliis; B sic et vos, in vobis verbum Dei custoditis, et aliis ministratis. Continentes dico ad gloriam meam; quod si ego gloriam habiturus sum de hoc quia verbum vita continet, multo magis vos qui promovemini. Gloriam dico, mihi habendam in die Christi, quando Christus suos remunerabit. Habebo utique gloriam meam, quia ego non curri in vacuum, neque laboravi in vacuum.

Cucurrit secundum illos quos facile convertit. Laboravit secundum difficiliores in accessu fidei. Cucurri quidem et laboravi in verbis, nec me penitit; sed etiam, si oporteat me immolari pro vobis, in hoc congratulor vobis. Quod sic ait: Etiam si ego immolar supra sacrificium fidei vestre, et supra obsequium fidei vestre, id est, ego fidem vestram obutui Deo, quasi sacrificium in odorem suavitatis. Et obsequium, id est bona opera vestra in quibus post filium Deo obsecuti estis. Sed si qdhub post hos labores oporteat me immolari pro vobis, gaudeo inde et congratulor, id est gratias refero. Vel congaudo cum omnibus vobis, qui gaudere debetis, si voluntas Dei fuerit ut ego immoler pro vobis. Vos autem id ipsum recompensando mihi, ut pro me similiiter immolemini, gaudete et congratulamini mihi, qui vos ad rem tam dignam armavi; sicut est pro 263 Christo immolari. Iterum: Scio, vos ad patientiam et humilitatem per Epistolam sedicio. Spero autem in Domino Iesu cito me mittere Timotheum ad vos. Ideo ut ego, cognitis quæ circa vos sunt, sim bono animo et seculo de vobis; quod propter instantem utrinque pugnam vereor perturbari. Ideo Timotheum magis mittam ad vos, regninem enim habeo tam unanimem vobis, et quæ tam sincera affectione, sollicitus sit pro vobis. Vere neminem; omnes enim qui modo tecum sunt, querunt quæ sua sunt, non ea quæ sunt Iesu Christi. Illum pro vobis sollicitum mittam ad vos. Vos autem honorifice eum suscipiendo cognoscite.

D Non dicit eum simpliciter, sed experimentum ejus, id est eum mihi bene expertum. In multis enim experimentum habui. Experimentum bene dico, quoniam ita servit mesum in Evangelio, sicut filius obediens patri. Et quia sincera affectione vos diligit, et sicut patri mihi servivit. Ignar. epco. hanc me

mittere ad vos, mox ut videro finem eorum quæ circa me sunt. Ideo sic ait. Nero enim disposuerat se in proximo daturum de eo sententiam, an eum occidere, an reservaret. Sperabat autem se evasurum, quia plures de domo Cæsaris instruxerat ad fidem, qui de sua liberatione laborabant. Propterea subdit: *Confido autem in Domino, quoniam ipse ego cito veniam ad vos.* Et licet me venturum dicam, et Timotheum missurus sim, tamen interim necessarium existimavi mittere ad vos Epaphroditum fratrem meum et cooperatorem in prædicatione, et commilitonem in tribulatione. *Vestrum autem apostolum,* id est vel legatum, quia hunc legaverant ad Paulum, vel apostolum, id est prædicatorem eorum, vel episcopum eorum, et ministerum necessitatis meæ, id est qui quæ misistis mihi, ministravit in tempore necessitatis. Ideo existimavi hunc mittendum ad vos, et si necessarius esset mihi, *quoniam quidem desiderabat omnes vos, et erat mestus,* non pro se verberato, sed propterea quod audieratis illum infirmatum, et nolebat vos contristari pro eo. Hic Epaphroditus, dum Paulo ministraret, interceptus a custodibus, vehementer afflixerunt eum verberibus. Infirmatum dico ideo; nam utique infirmatus est usque ad mortem, sed Deus misertus ejus, non solum autem ejus, verum etiam in eo miseratus est mei. Et quia vos dolebatis de eo, ergo festinantes quam sacerom (necessarius enim mihi erat) misi illum, ideo ut viso eo, gaudetis iterum. Olim enim cum apud vos erat, gaudebatis. Et ideo misi ut ego sim sine tristitia, quia de vobis contristatis pro eo tristitiam habeo. Et quia adeo diligit vos, et vos eum, mittimus ad vos. Itaque excipite eum cum omni gaudio, non incitharis et tibiis, sed gaudio habito in Domino, et hominem ejusmodi qui tanta passus est pro vobis, et adeo vos diligit, habetote cum omni honore, et justum est, quoniam ipse accessit usque ad mortem propter opus Christi, quod operabatur in me, tradens animam suam, et ut impleret erga meum obsequium id quod deerat ex vobis; vos quidem pecuniam mittebatis, sed præter eum nemo erat qui auderet ministrare mihi. Per hunc Epaphroditum Paulus hanc illis Epistolam misit.

CAPUT HI

De cætero, fratres mei, gaudete in Domino. Eadem vobis scribere mihi quidem non pigrum, vobis autem necessarium. Vide canes, videte malos operarios, videte concisionem. Nos enim sumus circumcisio, qui spiritu servimus Deo, et gloriamur in Christo Jesu, et non in carne filium habentes, quanquam et ego habeam confidentiam in carne. Si quis alias videtur confidere in carne, egredi magis circumcisus octavo die ex gente Israel, de tribu Benjamin, Hebreus ex Hebreis, secundum legem Pharisæus (*Act. xxiii, 6*), secundum emulationem persecutus Ecclesiam Dei, secundum justitiam quæ in lege est conservatus sine **264** querela. Sed quæ mihi fuerunt lucra, hæc arbitratus sum propter Christum de-

trimenta. Verumtamen existimo omnia detrac-
tum esse, propter eminentem scientiam Jesu
Christi Domini mei, propter quem omnia detrac-
mentum feci, et arbitror ut stercora, ut Christiani
lucrificiam, et inveniar in illo non habens mean-
justitiam, quæ ex lege est, sed illam quæ ex fide
est Christi Jesu, quæ ex Deo est justitia in fide
ad cognoscendum illum, et virtutem resurrec-
tis ejus, et societatem passionis illius, configu-
ratus morti ejus, si quomodo occurram ad resur-
rectionem quæ est ex mortuis; non quod jam ac-
ceperim, aut jam perfectus sim. Sequor autem, si
quo modo comprehendam, in quo et comprehen-
sus sum a Christo Jesu. Fratres, ego me non ar-
bitror comprehendisse. Unum autem, quæ quidem
B retro sunt obliiscens, ad ea vero quæ sunt priora
extendens me ipsum, ad destinatum persequor, ad
bravium supernæ vocationis Dei in Christo Jesu.
Quicunque ergo perfecti sumus hoc sentiamus; et
si quid aliter sapitis, et hoc vobis Deus revela-
vit [revelabit]. Verumtamen ad quod pervenimus,
ut idem sapiamus, et in eadem permaneamus re-
gula. Limitatores mei estote, fratres, et observate
eos qui ambulant, sicut habetis formam nostram.
Multi enim ambulant quos saepè dicebam vobis
(*Rom. vi, 17*), nunc autem et flens dico, inimicos
crucis Christi, quorum finis interitus, quorum
Deus venter est, et gloria in confusione ipsorum,
qui terrena sapiunt. Nostra autem conversatio in
caelis est. Unde etiam salvatorem expectamus
C Dominum nostrum Iesum Christum, qui reforma-
bit corpus humilitatis nostræ, configuratum cor-
pori claritatis suæ, secundum operationem vir-
tutis suæ, qua possit etiam subiecere sili omnia.

EXPOSITIO.

Postquam eos sufficienter instruxit in pugna per-
secutorum, commendando semper cum patientia hu-
militatem, instruit eos in alia pugna, quam infere-
bant illis pseudodoxores, deprimento eis legem et
extollendo fidem. Quasi diceret: Sicut vos docui,
patientes et humiles estote ad persecutores; de ce-
tero, id est de alia pugna quam vobis inferunt pseudo-
do, ita vos instruo, fratres mei, gaudete in Domino,
id est ne queratis gaudium alibi, sicut illi male-
docent in carnalibus. Sed omne gaudium vestrum
ponite in Domino. Ipse enim soles justitiae, et
mobilis eorum ad hoc prodest quæ prædicant pseudo-
Propterea non in carnalibus, sed gaudete in Do-
mino. Et ut gaudere sciatis in Domino, mihi quidem
qui promptus sum et diligens ad instructionem illorum, non est pigrum; quod fortassis repeterem pi-
geret alios non loqui, Verba enim eito a memoria
elaberentur; sed scribere vobis, ut manente scriptura
perduraret in vobis traditionum mearum memoria,
mibi non pigrum. Vobis autem erat necessarium me
non pigere, sed scribere. Ut autem gaudetis in
Domino, vide canes, id est providete vobis ab illis
pseudo, qui congrue canes dicuntur. Quia sicut ca-
nis ei, quem videre consuevit, applaudit etiam si ille

veniat ad destructionem domus, vel ad imperfectio-
nem sui; illis autem quos non consuevit oblatrat,
etiam si illi veniant ut pascant eum, vel ad utilita-
tem domus: sic isti pseudo carnalibus quos consue-
verunt, applaudunt, licet sit in hoc et mors eorum
et destructio domus, id est Ecclesiae; præparatoribus
autem veritatis oblatrant, solummodo, quia non
consueverunt in istis qui tamen veniunt ad vivifi-
candum eos, et ad ædificationem domus Dei. Et de
hujusmodi pseudo ait: Videte canes applaudentes
consuetate carnalitati, oblatrantes insolite spirituali-
tati: quibus non sufficit contradicere veritati, sed
etiam sunt mali operari superseminantes zizania,
et hos *malos operarios videte*, ne falsa doctrina se-
ducant vos. *Videte etiam vos eosdem concisionem*,
qui sicut concisa pellicula cæsum habent corpus,
sic omnem intellectum cæsum et separatum habent
a bono. Qui non solum concisi sunt, sed etiam sunt
concisio aliorum quos seducunt. Vere illi carnales
sunt concisio, nam nos spirituales soli sumus cir-
cumcisio, id est, purificatio **265**, id est, non solum
purificati, sed etiam doctrina et exemplo sumus
aliorum purificatio. Abscisio enim illius superflua
pellicula signum erat omnia superflua circumci-
denda esse a corde. Illi vero concisa pellicula cor
habent incircumcisum: nos vero rem tenentes, id
est circumcisionem cordis, umbram eorum negli-
gimus.

Nos, inquam, sumus circumcisio, qui servimus Deo,
non in carne quæ vile quid est, sed in digniori parte,
scilicet in *spiritu*; quantum enim spiritualitas præ-
eminet carnalitati, tantum servitus nostra eorum
servituti: servimus Deo in *spiritu*, et gloriamur in
Christo Iesu, id est, Christus Jesus est gloria nostra
et gaudium nostrum, et nulla gloria nobis in alio. Ita
gloriamur in Christo Iesu, non dicam ut non glo-
riemur in carne, sed etiam non habentes vel mini-
mam fiduciam in carne, id est in carnalibus que sua-
dent. Dicerent illi: Fortassis nec tibi esset unoe con-
fideres in carne: Nam se, etc. Ad hæc ille: Non
erubesco vel confido in carne, quanquam ego habeam,
id est habere possem, confidentiam si qua esset in
carne. Ego utique haberem confidentiam, si qua esset
in carne; nam si quis ridetur confidere in carne:
(hic dico *alius*, id est longe diversus a me, qui in
Christo tantum confido) ego utique magis illo in carne
possem confidere. *Magis* ideo, quia ego circumcisus
octava die secundum legem; ille fortassis jam adulter
transiens ad Judaismum, fuit circumcisus. Circum-
cisio quæ flebat octava die, significabat quod per
justitiam cuius forma erat circumcision, reversuri
eramus ad illam octavam, quam per culpam Adæ
perdidimus. In signum cuius octava diem Domini-
cam celebramus. Hic enim mundus per septem dies
volvitur; finito autem mundo, incipiet hæc octava
non habitura finem in æternum. Quia circumcidie-
bantur octava die etiam qui non erant de Israel, ut
fili proselitorum; ideo addit: Ego etiam sum de
genere Israel, quia iterum quidam secundum alterum

A patentem de Israel, secundum alterum de gentibus
ut David, qui secundum alteram partem fuit de ge-
nere Ruth. Gentilis ideo addit natus de tribu Benja-
mini; quia iterum quidam de Benjamin ad idola
lapsi sunt, apposuit *Hebreus* natus sum ex *Hebreis*.
Fui etiam *Pharisæus*, id est egregius secundum legem,
et per intellectum, et per completionem legis. Pha-
res *civis*; inde *Pharisæus divisus*, quia separati
erant a populo, egregii in lege, intellectu et contem-
platione. Fui etiam *persequens Ecclesiam Dei secun-*
dum emulacionem, id est propter zelum et dilectionem
defendendæ legis. Ut omnibus illis in lege præ-
latus esse videar, conversatus sum in *lege sine querela*; sic enim me servavi quod nemo de me potuit
conqueri. *Sine querela dico secundum justitiam*, non
quæ vera est, sed *sam quæ est in lege*, quam homo
satis potest operari per se. Abscindere enim pellicu-
lam illam, mactare hircum, et hujusmodi, facile
quilibet potest operari. Et quia tantus in lege sui, si
qua in carne gloria esset, nulli major quam mihi,
tam præminens in lege fui; sed tamen ea quæ ante
gratiam fuerunt mihi lucra; lucrum enim erat ope-
rari figuræ, dum adhuc exspectaretur veritas.

*Hæc utique prius lucra, modo arbitratus sum de-
trimenta*, id est verum bonum destruentia propter
Christum amplexandum. Quandiu enim in umbra
esse, corpus, id est Christum, non comprehendem.
Sed licet dicam propter Christum hæc vetera
me dimisisse, verum tamen ut hanc causam, id est
Christum, sileam, existimo ego omnia esse decentia
C verum bonum solummodo propter eminentem scien-
tiam quam modo in Scripturis assecutus sum. Prius
enim dum eram in lege, videbar habere scientiam
legis, quam in veritate non habebam; sed veniens
ad Christum, tunc primum habui veram scientiam
Scripturarum longe eminentem illi quam prius ha-
bere putabar. Scientiam dico *Iesu Christi Domini
mei*, id est quam Jesus Christus venientibus ad se
distribuit. Secundum Ambrosium, amore motus Do-
minus suum dixit. Propter quem Christum compre-
hendendum non solum arbitratus sum, sed etiam feci
videri aliis, hæc omnia carnalia detrimentum. **266**
Nec solum ea arbitrator detrimentum, sed etiam ut
stercore. Omne enim adhaerentem sibi coinqui-
nant, hæc ideo arbitrator stercore, ut sic Christum
faciam lucrum meum, quia desiderens illa; lucror mihi
Christum in futuro plenus habendum; ideo etiam
sic arbitrator ut interim dum nondum plene accipio
Christum, inneniar membrum in illo, id est in cor-
pore ejus. Ego dico jam non habens meam justitiam;
meam utique, quia quæ justitia est ex lege. Opera
autem legis quilibet potest operari, scilicet habens
illam justitiam quæ est ex fide Iesu Christi, id est
quam habemus per hoc quod in Christum Jesum
credimus. Diceret ille: Justitiam legis dicas esse
tuam; illam autem quæ est ex fide Christi, opponis
quasi tua non sit. Ita ait Paulus: Mea non est. sed
quæ justitia est ex Deo. Justitia dico sicut habetur
per fidem ita perdurans in fide. Quia opinaretur

aliquis: Verum quidem est quod ex Deo fides, et nisi per fidem non potest haberi justitia; sed jam habita justitia, non est ultra necessaria fides, ideo ait, quia sicut per fidem ortum habet justitia, sic perdurare trahet in fide, et non sine fide.

Dixit superius quod per Christum habebatur eminens scientia, etiam in hoc mundo. Nunc autem subdit quod per eum habeatur longe major cognitio; sed haec in futuro, quando Dominum visuri sumus sicut est. Quae justitia est in fide. Justitia dieo valens ad agnoscendum illum in gloria, sicut est, non sicut modo per speculum, et ad virtutem resurrectionis ejus, id est ad resurgentem in immortalitate; quae nostra resurrectio virtus est resurrectionis ejus. Resurrectio enim ejus hoc efficit, ut nos similiter resurgamus. Justitia iterum valens ad habendam societatem passionum illius ut, quemadmodum ille pro nobis, sic nos pro eo patiamur. Passiones Christi vocat, quae ante cracem toto tempore [corpo] toleravit. Valens etiam ad habendam configurationem mortis ejus, ut nos omni modo configuremur morti ejus. Ut sicut ille ex sola dilectione mortuus est pro nobis, sic et nos in dilectione ejus morti gaudeamus. Id quod diximus significant verba ejus. Quae tamen sic construuntur. Inveniar in isto ego, deo, configuratus morti ejus. Diceret aliquis: Quare ita vis configurari morti ejus, cu[m] justitia tua sine morte ad habendam gloriam sufficiat? Ad haec Paulus: Ideo configurari volo morti ejus; si quoniam ego non curarem quocunque genere passionis vel mortis haec haberem. Si quo modo, inquam, occurram. Servus et dominus sibi invicem ocurrunt; hic bene serviendo, ille bene remunerando. Sic Paulus occurrit Christo, dum moritur pro eo, sicut Christus mortuus est pro Paulo. Occurrat dico tendens ad resurrectionem. Vel ita: Si quo modo occurram ad resurrectionem, ut in occurrere desiderium sanctorum notemus, quae resurrectio est ex mortuis. Nos enim extra societatem mortuorum resurgemus, sed impulsi non resurgent ex mortuis, quia de die in diem morientur. Ideo dico si quo modo; quia non intelligo quod jam acciperim aliquid de gloria illa ad quam tendo; et quod jam perfectus sim in cognitione Christi, ad cuius cognitionem sic modo utimur fide, sicut aliqua utitur speculo ad cognitionem cuiuslibet rei. Nondum accepi, sed sequor sicut rem non habitam, et quam desidero. Sequor, inquam, si quo modo (sicut supra dictum est) comprehendam eum. Ex abundantia affectionis ait, comprehendam. Ac si diceret: Si eum consequi possem, in amplexu meo includerem. Comprehendam dico in eo modo in quo comprehensus sum a Christo Jesu, quando et sicut Christus me perfecte cognoscit sicut sum, ita ego cognoscam eum sicut est. Vel ita: Comprehendam Christum in eo modo claritatis, in quo ego comprehensus sum a Christo Jesu, quando me vocavit in via, ut in qua[m]a claritate tunc erat, possem eum amplexari. Ideo dico comprehendam, quia ego, fratres, et si raptus sum ad tertium coelum, tamen

A non arbitror me comprehendisse Christum, nisi per speculum fidei. Non arbitror me comprehendisse, sed persequor unum, id est rem 267 unam, de quo uno ille clamabat: « Unam petii a Domine, hanc requiram (Psal. xxvi, 4). » Unum sequitur, qui in eadem operatione boni semper est. Duo sequuntur, qui modo bonum, modo malum operatur. Persequor unum ego quidem obliviscens ea quae retro sunt, id est temporalia et quaecunque carnalia. Vel ita: Omnisca[n]s quae retro sunt, id est praeterita merita; et ea vero quae sunt priora, id est potiora, quia zeterna, vel ad ea merita quae sunt priora utilitate, et si posteriora praecedentibus tempore. Ideo ultima priora, quia praecedentia irrita essent, nisi sequerentur ista quae faciunt vim illa habere. Ad illa quae sunt priora omni desiderio extendens meipsum et carne et spiritu, eundo sic ad destinatum, id est ad rem miti destinatam, scilicet ad bravum, id est ad praeium laboris. Bravum dico vocationis Dei ad quod accipiendum vocat me Deus.

Vocationis dico supernæ, id est in supernis celorum habenda, in Christo Jesu, distributore hujus bravii suis certatoribus. In his verbis et certitudinem et commendationem rei quam exspectat, inserit. Per destinatum et vocationis certitudinem, per supernæ et Dei, et in Christo Jesu, dignitatem ejus rei significat. Quia ego Paulus nondum accepi a[nt]quid, nec adhuc perfectus sum: sed sequor ut comprehendam, extendens me ad destinatum bravium supernæ vocationis, ergo vos quicunque perfecti estis hoc idem sentite, scilicet, vos nondum Christum eo modo accepistis, aut in cognitione eius adhuc perfectos esse. Nec hoc per secundam personam dicit, sed more suo, ut eos melius inducat sece interserit, dicens.

Quicunque perfecti sumus, hoc sentiamus. Quod supra ait: Non quod jam perfectus sim, videtur oppositum ad hoc quod hic ait, perfecti sumus, sed non impedit. Ibi enī ait de perfectione cognitionis Dei, in qua nō in hoc mundo perfectus est. Hic ait de perfectione virtutum, quam habere possumus in hoc mundo; in qua perfectione multi gradus sunt. Paulus enim perfectior alio, et quilibet sine nævo-crimali vitam ducens, perfectus dicitur. Et quis dixit sentiamus nos sic imperfectos, ne id est de sollemni, quia si quid aliter, id est minus perfecte, sapitis, Deus qui quod jam sapitis vobis revelavit, hoc sentiam quod sapientum restat vobis revelabit. Vel ita: Si quid aliter sapitis, id est quod jam ad aliquem gradum cognitionis pertingitis, Deus hoc revelabit vobis, et sic faciet illud quod restat. Vel ita: Sentiamus nos imperfectos, et si vos aliquid aliter sapitis, quam sapientum sit, a carnalibus decepti, Deus revelabit vobis hoc quomodo sentire debeatis, qui jam aliquid fecit in vobis. Dicerent illi: Et quia, sicut dicas, sumus imperfecti, ideo stare non possumus, nec mirandum si labimur. Ad hoc Paulus: Li-
cet nondum perfecti sumus, verumtamen aportet ut sapiamus, id est intelligamus idem omnes. Nec in

carnalibus idem, sed illud idem ad quod intelligendum sive perpenitus, et oportet ut permaneamus in eadem regula, id est in eadem rectitudine vivendi. Ut autem in eodem permaneatis, o vos, fratres, estote mei imitatores, quia, si opponitis me, quem non videtis non posse imitari, ad hoc respondeo: Observe, id est diligenter considerate, eos qui ita secundum fidem ambulant, sicut adhuc habetis, credo, in memoria formam nostri, quemadmodum docebamus et vivebamus dum apud vos essemus. Sicut enim faciem hominis olim visi quis recolligit, sic et vos formam nostrae doctrinae et morum. Ideo dico, qui ita secundum formam nostram ambulant; multi enim ambulant in genere mali, quos multos sepe cum apud vos eram, dicebam vobis esse inimicos crucis Christi, dum enim aljunde quam per crucifixum Christum diuinitatem hominem justificari, pro certo inimicantur cruci Christi. Tunc si dicebam vobis, nunc autem idem dico dolens et flens, et de damnatione eorum, et de seductione vestri.

Ut ab hujusmodi consensu Philippienses retrahat, improbat illis pseudo; partem vero suam approbat, dicens: Finis quorum inimicorum Christi est interitus, id est aeterna damnatio, et Deus quorum est venter, id quod continet 268 pro eo quod continetur, id est esca. Deum enim per escam se purificari credunt; quod Dei est, escæ attribuunt. Vel ita: Quorum Deus venter est; non enim amore Dei praedican, sed ut ventre impleant, et gloria ipsorum qui terrena sapient, id est qui carnalia sectantur et docent, est in confusione. Dicuntur enim truncati. Erubescere etiam possunt, dum illi rationales credunt, se justificari per immolationem irrationalis hirci. Finis eorum est interitus, sed nostra, non solum voluntas, sed etiam conversatio qui crucem Christi diligimus, est in celis; terrenis enim postpositis, anhelamus ad coelestia. Unde, id est quia, conversatio nostra est in celis, hac fiducia securi expectamus ad iudicium salvatorem Dominum nostrum Jesum Christum, qui corpus humilitatis, id est abjectionis nostræ (nos enim per peccatum nosmetipsos abfecimus a gloria in qua conditi eramus) : corpus, inquam, hoc reformabit, quando enim primum hominem creavit, in multa eum claritate formavit. In resurrectione autem majori adhuc claritate reformabit corpus nostrum configuratum corpori, id est in eadem figura positum in qua suum corpus erit, nec corpori mortalitatis, quod prius habuit, sed corpori claritatis sue; quam claritatem immortalitatis accepit in resurrectione, et in hac eadem claritate immortalitatis corpus nostrum reformabit. Et hoc notandum quod nostra humilitas ejus fuit claritas. Quia autem potens sit reformare, subdit dicens: Reformabit agens secundum operationem; in qua operatione non solum hoc facere, sed etiam possit sibi omnia subjecere

CAPUT IV.

Itaque, fratres mei charissimi et desideratissimi, gaudium meum et corona mea, sic state in Domino, charissimi. Ego enim rogo, et Syntychen

A deprecor, id ipsum sapere in Domino. Eiam rogo, et te, Germane compar, adjura illas quæ mecum laboraverunt in Evangelio cum Clemente, et ceteris adjutoribus meis, quorum nomina sunt in libro vita. Gaudete in Domino semper, iterum dico: Gaudete. Modestia vestra nota sit omnibus hominibus. Dominus enim prope est. Nihil solliciti sitis, sed in omni oratione et obsecratione, cum gratiarum actione petitiones, neptere, innescante apud Deum. Et pax Dei, quæ exasperat omnem sensum, custodiat corda vestra et intelligentias vestras in Christo Jesu. De cetero, fratres, quæcunque sunt vera, quæcunque pudica, quæcunque justa, quæcunque sancta, quæcunque amabilia, quæcunque bona fama, si qua virtus, si qua laus disciplinae, haec cogitate. Quæcunque didicistis, et acceptis, et audistis, et vidistis in me, haec cogitate et agite, et Deus pacis erit vobiscum. Gavisus sum autem in Domino vehementer, quoniam tandem aliquando refloruitis pro me sentire, sicut et sentiebatis. Occupati autem eratis. Non quasi propter penitiam dico. Ego enim didici in quibus sufficiens sum. Scio et humiliari, scio et abundare. Ubique et in omnibus institutus sum, et satiari, et esurire, et abundare, et penitiam pati. Omnia possum in eo, qui me confortat [confortavit]. Verum tamen bene fecisti, communicantes tribulationi meæ. Scitis autem, et vos Philippienses, quod in principio Evangelii, quando profectus sum a Macedonia, nulla mihi Ecclesia communicavit in rations, dati et accepti, nisi vos soli, quia et Thessalonicanam semel et bis in usum mihi misistis. Non quia quero datum, sed requiro fructum abundantem in ratione vestra. Habeo autem omnia, et abundo. Repletus sum acceptis ab Epaphrodito quæ misistis in adorem suavitatis hostiam acceptam, placentem Deo. Deus autem meus impletum est desiderium vestrum secundum divitias suas in gloria in Christo Jesu. Deo autem et Patri nostro gloria in saecula saeculorum. Amen. Salutem omnem sanctum in Christo Jesu. Salutem vos qui mecum sunt fratres. Salutem vos omnes sancti, maxime autem qui de Cesaris domo sunt. Gratia Domini nostri Jesu Christi cum spiritu vestro, Amen.

EXPOSITIO:

269 Et quia reformabit nos qui conversamur in celis, itaque, fratres mei, sic nobiscum conversamini. Fratres dico charissimi, pro jam bene gestis, et desiderantissimi, id est qui me multum desideratis. Vel desideratissimi, id est plurimum a me desiderati. Vos dico gaudium meum in presenti; bonum enim mihi est gaudere de vestra perfectione; vos et corona mea in futuro, pro vobis enim coronari confido. Vos, fratres, state in Domino sic, id est vel sicut vos docui, vel sicut usque modo stetistis, sicut charissimi de præterito, ita charissimi pro futuro bono. Vos ita in communem admoneo; sed Erodiam, quasi quæ cito consentiat, rogo, et Syntychen, quæ minus uidetur.

exorabilis, deprecor, sapere utrasque *id ipsum*, id est unitatem fidei. Id ipsum dico non in lege, sed in *Domino*. Hæc duæ matronæ erant, quæ ministraverant Apostolo et discipulis in prædicatione; sed per mulierem levitatem quod fecerant Apostolo, idem faciebant illis pseudo, putantes se bene agere, et super hoc redarguantur a Paulo. *Rogo etiam te, o Germane,* qui mihi *compar es* in prædicatione Evangelii, *adjuva illas docendo*, ne sic errent ulteriorius, (et dignum est,) quia *quæ laboraverunt tecum in Evangelio*, de suis mihi ministrando; quæ etiam laboraverunt *cum Clemente et cæteris adjutoribus meis*, similiter ministrando. *Nomina*, id est merita, *quorum*, per quæ coram Deo nominabiles sunt, nomina, inquam, sunt in libro vita. Liber vita mens divina dicitur, in qua boni ab æternio memoriter scripti sunt. Hic Germanus erat coadjutor Pauli in prædicatione. Has personas ex nomine sic admoneo, in commune autem hoc præcipio: *Gaudete non in lege, non in carnalibus, sed in Domino* (sicut admonui in principio); nec ad horam, sed *semper gaudete in Domino*, et iterum idem dico: *Gaudete in Domino*. Si semel dicceret gaudete, non videretur hoc velle quam aliud; sed quia hoc magis suadere intendit, nunquam nimis dicit quod nunquam nimis sit. Ita autem gaudete in Domino ut *modestia vestra nota sit omnibus hominibus*, ad exemplum boni. Modestiam dicit quasi mensuram, ut sic mensurati sint, ne ultra Dominum gaudium querant, nec infra gaudere præsumant. Ultra Dominum gaudium querit, qui fidei adjungit carnalia. Infra subsistit, qui in propriis viribus gaudium querit.

Dicerent illi: Bonum esset ad cultum Dei legem adjungere fidei. Ad hoc Paulus: Sic estote modesti, quia Dominus prope est, id est paratus semper est auxiliari modestis. Iterum illi: Si teneremus disciplinam legis, ad corrigendum inquietos esset utilis. Ad hoc iterum Paulus: *Nihil sitis solliciti*, id est ne sitis dubii de auxilio Dei, quod vobis accelerat dismissio legis. Vel latius accipiamus hoc ita ut ad utramque pugnam respondeant hec verba. Quasi diceret: Vos utrinque impugnamenti, sed gaudete in Domino semper, quia digni estis a persecutoribus, et a pseudo pro nomine ejus pati. Iterum dico: *Gaudete*. Duplex est pugna, duplex exhortatio. Sic autem gaudete, ut modestia, id est temperantia, patientia vestra nota sit omnibus hominibus. Ut autem modesti sitis, scitote quia Dominus prope est, qui non deserit sperantes in sc. Et quia prope est, nihil ergo solliciti sitis, id est ne persecutores dubitetis, Ne sitis dubii, sed petite in omni oratione, et observatione, et cum gratiarum actione. Oratio dicitur, quando res impenetrabilis petitur et deprecativa. Observatio dicitur, quando per adjuramenta et quod ad impenetrandum difficile videtur postulamus. Redditio etiam gratiarum ad impenetranda futura utilis est, sicut ingratum esse nocuum est. Sic autem petite ut petitiones vestrae innotescant apud Deum, id est cognitæ et approbatæ sint apud Deum. Tunc apud

A Deum innotescit petitio, si qui petit justus est, et si quod petit, idoneum est. Petitiones dicuntur de rebus quæ modo opportuæ sunt, modo transeunt, et pluvia in siccitate, æstus in messe. Quod ex vobis potestis, facite, et in quo vos deficitis Deus ex pietate suppleat. Quod sic ait: *Pax Dei*, id est Deus pacis, et congrue **270** (quia pugnam patiebantur) nominat hic Deum pacis: *pax, inquam, Dei que exsuperat omnem sensum*: intellectus enim hominis eam capere non sufficit; *pax, inquam, hæc custodia corda*, id est voluntates vestras, et intelligentias vestras in Christo Jesu, qui totius boni custodia est. Quidam idem intelligunt, sed non idem volunt. Quidam idem volunt, qui tamen idem non intelligunt.

B De præteritis sic vos instruxi; de cætero, id est de futuro, fratres, cogitate quæcumque sunt vera, quæcumque pudica. Hæc duo, vera et pudica, circa fidem accipiuntur, quorum alterum sine altero licet nequeat esse in fide. Si enim veritas est in fide et pudicitia, quia si falsa fides est, est etiam adultera, tamen non sunt superflua, quia verum et pudicum, diversas laudes signant in fide. Cogitate etiam, quæcumque justa ad proximum, quæcumque sancta in vobis, quæcumque etiam sunt amabilita, id est pro quibuscumque amatitur religio vestra, et quæcumque sunt bona famæ, id est de quibuscumque bona loquentur homines. Ita tamen dico bona famæ si qua virtus est in eis. Vel si non est tanta virtus, sit ibi saltem aliqua laus disciplina; sufficit enim solummodo disciplina Christiana, ut appareat laudabilis. Cogitate, inquam, hæc omnia, quæ et didicisti a me, et etiam accepisti a me; et turpe est ut deseratis quæ bene incepistis, quæ etiam audistis esse in me, et cum apud vos essem vidisti in me. Hæc non solum cogitate, sed etiam agite, et tune Deus pacis erit cooperando vobiscum. Sic vos de futuris admoneo, de præteritis autem gavisus sum vehementer in Domino, scilicet, quod tandem multo tempore præterito, et tunc aliquando, id est semel non amplius reforristis. Cum enim apud vos eram, tunc circa me floruitis, nunc autem reforristis nou solum ministrare, sed etiam sentire pro me. Sic enim gravis fuit vobis mea egestas, ac si vobis eisdem indigeretis. Sentire dico, sicut olim cum apud vos eram, pro me sentiebam. Reforristis convenienter ait. Sicut enim de flore, ita fructus exspectatur de hac administratione. Nunc tandem reforristis, sed prius occupati eratis, et ideo excusabiles estis, si aliunde impediti non ministratis. Gavisus sum utique, et non hoc dico quasi propter penuriam, quæ mihi gravis esset; ego enim didi esse sufficiens in quibuscumque sum. Scio enim et humiliari, id est pauperari. Scio etiam abundare. Ille scit humiliari, qui non frangitur egestate; sci abudare, si cum auctoritate novit subditis impetrare, non tamen sibi ad gloriam, sed ad utilitatem Ecclesiæ. Scio humiliari et abundare; ego enim sum inatus, id est assuetus ubique, id est in omni loco, sive sint ibi pauci, seu plures, seu pauperes, seu divites. Et in omnibus rebus sum ego institutus, et saturari,

et esurire; et (ut latius dicam) scio abundare et penuriam pati. Et licet dicam *scio pati*, etc., tamen haec omnia possum, non in viribus meis, sed in eo adjuvante qui me per gratiam suam confortarit. Et licet dixerim me non propter penuriam gavisum esse, verumtamen non sum ingratus beneficiis, sed bene faciat communicantes tribulationi meae, id est mihi tribulato. Dico scio abundare et penuriam pati; vos autem, o Philippenses, haec scitis, quia quando projectus sum a Macedonia, in principio Evangelii, nulla Ecclesia communicavit mihi in ratione, id est in consideratione dati et accepti, ut consideraret me dare sibi spiritualia, et me debere ab eis accipere carnalia. Vel econverso quod acciperet a me spiritualia, et deberet dare temporalia.

Nulla, inquam, communicavit, nisi vos soli, qui misistis mihi Thessalonicae et semel et bis, non tamen in congregandum thesauros, sed in usum, id est quod usui meo sufficeret. Dicerent illi: Ideo nos laudat, ut sic nos ad dandum inducat. Ad hoc Paulus: Non ideo vos laudo, quia quero datum, id est ut detis mihi, sed requiro abundantem fructum in ratione, id est in administratione vestra ex ratione facta. Quasi diceret. Non amore accipiendi quero a vobis, sed ut exhibeam me capacem materiam vestram **271** benignitati, ut sic fructificare possit. Ideo non quero datum, quia ego habeo omnia, quae oportet, et abundo in illis. Abundo utique, quia repletus sum acceptis ab Epaphroditio quae misistis in odorem suavitatis

A Deo. Per incensum (qui dicitur odor suavis Deo) significatur oratio. Hæc autem eleemosyna non minus grata fuit Deo quam devota oratio. Misisti et hanc eamdem hostiam acceptam Deo, nec quoquo modo acceptam, sed bene placentem Deo. Hostia vocabatur, quod pro devictis vel devincendis hostibus offerebatur. Hi autem, si se vel verberibus, vel jejunis mactarunt, ut invisibilis hostis tentationes superarent, non magis placerent Deo quam hæc administratio. Repletus sum a vobis, Deus autem meus impleat omne desiderium vestrum. Non secundum hoc quod meruistis, sed secundum divitias suas. Impletus dico in gloria et hoc in Christo Jesu, distributore glorie. Quia me replevitis sic oro pro vobis; Deo autem et Patri nostro pro his et pro omnibus que bene gerimus, sit gloria in sæcula horum sæculorum consecutiva. Amen. Salutate omnem sanctum in Christo Jesu. Hoc ait de discipulis suis, si forte pertransentes viderent illos. Salutant vos fratres qui tecum sunt. Hoc iterum de discipulis suis qui secum erant ait. Salutant vos omnes sancti; hæc ait de conversis. Maxime autem salutant vos hi qui sunt de domo Cæsar. Voluit significare eis, de familia Neronis quosdam per eum conversos esse, quorum ope existimabat se evasurum ut visitaret eos. Signum Epistolæ. Gratia Domini nostri Jesu Christi cum spiritu vestro sit, ut in spiritualibus Deo serviat, in quo et semper gaudetis. Amen.

ARGUMENTUM IN EPISTOLAM PAULI AD COLOSSENTES.

Colossenses, sicut et Laedenses, sunt Asiani; et ipsi præventi erant a pseudoapostolis. Nec ad hos accessit Apostolus, sed et hos per Epistolam corrigit. Audierat enim verbum ab Archippo, qui et ministerium in eos accepit. Ergo Apostolus jam ligatus, scribit eis ab Epheso, per Tychicum diaconum, et Onesimum acolythum.

PROLOGUS B. BRUNONIS IN EAMDEM.

Hi Colossenses Asiani erant, affines Laodicensiis, quibus in Apocalypsi Iohannes scribit cum cæteris Ecclesiis, quibus similiter Paulus Epistolam scripsit, quia tentabantur similliter a pseudoapostolis, et præcepit ut Epistola Colossensium legeretur in Ecclesia Laodicensiis; et e converso. His autem Colossensibus non prædicaverat Paulus, nec ad eos venerat, sed Archippus discipulus Pauli, filius fortasse Philemonis, cui Paulus pro Onesimo reconciliando scribit, prædicaverat illis, et ad fidem eos converterat. Quibus jam sic in fide promotis, Epaphras quidam, ex eodem populo natus, instructus eti m a Paulo in fide, supervenit, affirmans quod Archippus prædicaverat illis. Quem libenter audiuerunt concives sui, et per eum incrementum acceperunt fidei. Dum autem florerent in fide ambulantes

C secundum doctrinam Archippi et Epaphræ, supervenierunt pseudo, prædicatorum illis legem. Populus autem adhuc rudis, existimans eos esse audiendos non minus quam illos priores, sere incipiebat consentire eis. Sed Epaphras, audiens Apostolum prope esse Ephesi, pertransiit ad illum, nuntians illi ordinem rei, et postulans ab eo ut prædicationem suam, **272** et Archippi confirmaret per Epistolam illis missam, eorum vero partem qui contradicebant, improbaret. Hac occasione Paulus scribit eis hanc Epistolam, in qua materiam habet Christum et legem; hi enim Christum, illi legem prædicabant. De his sic agit approbando fidem Christi, multis et evidentiibus causis, et improbando legem non ultra jam esse tenendam. Ea intentione de utroque sic agit ut confirmet eos in puritate fidei qui est Christus.

EPISTOLA AD COLOSSENTES

CAPUT PRIMUM.

Paulus apostolus Jesu Christi per voluntatem

Dei, et Timotheus frater, his qui sunt Colossis, sanctis, et fidelibus fratribus in Christo Jesu.

Gratia vobis et pax a Deo patre nostro. *Gratias agimus* Deo et Patri Domini nostri Jesu Christi, semper pro vobis orantes, audientes fidem vestram, in Christo Jesu, et dilectionem quam habetis in sanctos omnes, propter spem quae reposta est vobis in celis, quam audistis in verbo veritatis Evangelii, quod pervenit ad vos, sicut et in universo mundo est, et fructificat et crescit sicut in vobis, ex ea die qua audistis et cognovistis gratiam Dei in veritate, sicut didicistis ab Epaphra; charissimo conservo nostro, qui est fidelis pro vobis minister Christi Jesu; qui etiam manifestavit nobis dilectionem vestram in spiritu. Ideo et nos ex qua die audivimus, non casamus pro vobis orantes et postulantes, ut imploremini agnitione voluntatis ejus in omni sapientia et intellectu spirituali, ut ambuletis digni Deo per omnia placentes, in omni opere bono fructificantibus, et crescentes in scientia Dei, in omni virtute confortati secundum potentiam claritatis ejus in omni patientia et longanimitate, cum gaudio gratias agentes Deo et Patri, qui dognos nos fecit in partem sortis sanctorum in lumine. Qui eripuit nos de potestate tenebrarum, et transluxit in regnum Filii dilectionis sue. In quo habemus redemptionem et remissionem peccatorum, qui est imago Dei invisibilis, primogenitus omniae creaturae, quoniam in ipso condita sunt universa in celis et in terra, visibilia et invisibilia, sive throni, sive dominationes, sive principatus, sive potestates, omnia per ipsum et in ipso creata sunt. Et ipse est ante omnes, et omnia in ipso constant: et ipse est caput corporis Ecclesie, qui est principium primogenitus ex mortuis (*I Cor. xv, 20*), ut sit in omnibus ipse primatum tenens, quia in ipso complacuit omnem plenitudinem divinitatis inhabitare, et per eum reconciliari omnia in ipsum, pacificans per saquinem crucis ejus, sive quae in celis, sive quae in terris sunt. Et vos cum essetis aliquando alienati et inimici sensu, in operibus malis, nunc autem reconciliavit in corpore carnis ejus, per mortem, exhibere vos sanctos, et immaculatos, et irreprehensibiles coram ipso, si tamen permanetis in fide fundati, et stabiles, et immobiles a spe *Evangeli*, quod audistis, quod praedicatum est in universa creatura, quae sub celo est, cuius factus sum ego Paulus minister; qui nunc gaudeo in passionibus pro vobis, et adimpleo ea quae desunt passionum Christi, in carne mea, pro corpore ejus, quod est Ecclesia, cuius factus sum ego minister secundum dispensationem Dei, quae data est mihi in vobis, ut impleam verbum Dei. Mysterium quod absconditum fuit a seculis et generationibus; nunc autem manifestatum est sanctis ejus, quibus voluit Deus notas facere divitias gloriae sacramenti hujus in gentibus, quod est Christus, in vobis spes gloriae, quem nos annuntiantes corripientes omnem hominem, et docentes

in omni sapientia, ut exhibeamus omnem hominem perfectum in Christo Jesu, in quo et labore, certando secundum operationem ejus quem operatur in me in virtute.

EXPOSITIO.

Paulus, etc. Quia hic auctoritas necessaria erat, dignitatis nomen non intermisit, dicens: *Paulus apostolus*, **273** non legis, sed Christi Jesu. Apostolus dico per voluntatem Dei. Scitote quia, qui mihi contradicit, contradicit et voluntati Dei: qui autem Archippo et Epaphras discipulis [coadjutoribus] meis, similiter et mihi et Deo. Paulus, inquam, et *Timotheus frater* scribunt his qui sunt *Colossi*. His dicos sanctis, id est qui sancti sunt et confirmati in iustitia fidei. Sanctis, inquam; et *fidelibus fratibus*, id est minus perfectis. Sanctis et fidelibus dico in Christo Jesu, quia si Christus Jesus vobis ad sanctificandum sufficit, frustra legem apprehendere vultis. Timotheum ideo secum in salutatione penit, qualiter erat illis, et habebant eum magnae auctoritatis. Hic autem auctoritate sola opus erat. Non enim contradicebant Petrus vel Paulo, vel cuiquam Christum predicanti, sed simpliciter opinabantur illos pseudos esse ex Paulo, ut illos veros. Paulus, inquam, et Timotheus sic scribunt. *Gratia vobis et pax a Deo patre nostro*, sicut saepe expositum est. Nunc in primis commendat fidem eorum, quam tradiderant illis Archippus et Epaphras, dicens: *Audientes fidem vestram gratias agimus Deo*: pro qua utique non agrem gratias, si esset imperfecta. Sed agimus gratias Deo, et Patri Domini nostri Jesu Christi, cuius fides tradita est vobis. Cui sicut ego consentio, sic Christus et Pater ejus Deus. Videte ne vos negligentes discipulos contemnatis me magistrum, quia si me, et Christum et Patrem ejus Deum contemnitis. *Gratias agimus nos, orantes pro vobis*, ut in fide quam accopistis proficiatis, quod utique non orarem nisi fidei hanc approbare. *Orantes* dico non raro, sed semper. Videte ne laborem orationis mea irritum faciatis.

Unde gratias agat, proxime subdit, commandingando fidem, sicut tradiderant illis Archippus et Epaphras, dicens: *Gratias agimus, audientes fidem vestram esse in Christo Jesu*, et audientes bonum effectum vestra fidei, scilicet dilectionem, quam habetis in omnes sanctos quibus ex charitate vestra communicatis. *Dilectionem dico habitam propter spem*, id est propter rem speratam; quae spes est posita, id est abscondita vobis, et reservata in tam digno loco sicut in celis. Per hoc quod dicit, speratam positam esse et absconditam, commendat meritum eorum, qui sperant a Deo, quod nec viderunt nec audierunt. Ubi aut in celis, dignitatem speratæ rei ex loco in quo futura est, ostendit. Dicerent illi: Spes ista ex lege habetur. Ad hoc Paulus: *Quam rem speratam et auditis et intellexistis in verbo veritatis*. Neque haec veritas in lege fuit, sed veritatis *Evangeli*. Lex enim falsitatis est verbum, sed *Evangeli* verbum est veritatis. Iterum illi: Malumus non obedire tibi, quam rem inauditam suscipere. Ad hoc Paulus: *Quod Evangelium*

lium (pertransiens jam sautus Ecclesias) venit ad nos. Quod autem omnis Ecclesia tenet, vosne repellere vultis? Iterum illi : Pervenit utique ad nos, sed non sic integrum ut ad alios. Ad hoc ait : Pervenit utique ad vos, sicut peruenit in universo mundum. In hac enim eadem fide quam tradiderunt vobis, totus mundus post Christum abit. Perenam dico et est, id est sic permaneat in universo mundo, et fructificat bene operando, et crescit tam numero quam cognitione Dei. Non per aliud quam traditum est vobis, sed sicut isti posuerunt in vobis. Dicent illi : Crescit quidem in nobis, ex quo excepimus audiire hos qui noviter intraverunt. Minime, ait Paulus, sed crescit ex ea die que audistis fidem ab Archippo, et cognovistis per testimonia Scripturarum, approbatam vobis gratiam Dei que est in fide. Gratia enim legis in manu abscondentis pelliculam vernalē consi- sit.

Gratiam Dei dico in veritate, credite mihi, quia hec est vera gratia Dei. Gratia legis umbra erat. Audistis dico, et sicut vos didicistis, et utique turpe est discedere, quod derelinqueretis, et e converso : Didicistis dico ab Epaphre charissimo nostro, qui ita servit Christo in Evangelio, ut Petrus vel ego. Ne ergo minus audiatis eum. Dicent illi : Vocas eum conservum; sed alia ministravit nobis, quia te non dicit. **274** Minime, ait Paulus, quia qui est, fidelis minister, nil addens, nil diminuens. Minister dico Christi Iesu, id est vel quia Christum ministrat, vel quia Christus instituit eum ministerium, vel minister ad honorem Christi. Et quod minister est, hoc certo pro vobis, qui populus ejus estis, quia nisi pro dilectione vestra esset, credo non ministraret. Qui etiam manifestavit nobis non odium vestrum, non disensionem, sed dilectionem vestrum esse in spiritu, id est contentum carnalia, diligere spiritualia.

Ostendo unde gratias agat cum approbatione accepte fidei, subdit quod oret pro eis inserendo improbationem legis, dicens : Et quia manifestavit nobis dilectionem vestram in spiritu, ideo oramus pro vobis et non cessamus orantes, ex ea die qua audivimus fidem et dilectionem vestram. Orantes dico et persistentes, id est quasi rem justitiae vestrae debitam, cum fiducia petentes ut impleamini agnatione voluntatis ejus, id est ut plenarie cognoscatis voluntatem Dei. Impleamini dico in omni sapientia. Sapientiam hic ponit quasi scientiam, et quod ait in omni sapientia idem valeat quod in omni cognitione activa vita. Impleamini etiam in omni spiritu/i intellectu, ut sicut in corporalibus, sic voluntatem Dei intelligatis in spiritualibus. Ut intelligentes voluntatem ejus ambuletis per omnia; id est bene operemini. Ambuletis dico, digne Deo, id est ut sitis digni habere Deum. Vel digne Deo ut Deus dignum judicet habitare in vobis. Vos dico sic ambulando placentes. Vel ambuletis placentes per omnia, quod idem valeat. Neo in ambulanda subsistere vellitis, sed in omni opere bono iustificantes, id est incrementum habentes. Vos

dico sic fructificando crescentes in scientia Dei, id est in cognitione divinarum essentiarum, quam nemo habere potest nisi prius operetur quae sunt Dei; non enim per cogitationem ad opera, sed per opera praemissa ad cognitionem ascenditur. Haec scientia Dei et agnitus voluntatis ejus quam premisit longe a se differunt : ibi enim ait, quid velit Deus, quid non velit; quod facile patet quibuslibet : hic autem de cognitione divinarum essentiarum, quam aperit puritas vite, convenienter ascendit. Prius enim intelligenda est voluntas Dei; quia intellecta, ambulandum est in ea, nec ibi subsistendum, sed in melius fructificandum. Tum demum patet introitus ad cogitationem divinarum essentiarum. Quo postquam venitur, restat solammodo perseverare. Unde ait : Postquam fructificaveritis et creveritis in scientia Dei, estote confortati, id est roborati et perseverantes, in omni virtute, id est humilitate, temperantia et quacunque sunt.

Confortati dico secundum potentiam ejus, id est ita confortati sicut ipse potens est vos confortare. Potentiam dico claritatis ejus, id est quia vos clarificavit. Qui enim cum essetis in tenebris peccatorum, vos clarificavit justificatos, facilius poterit et debet consummare iam justos. In omni virtute dico, scilicet in omni patientia et longanimitate confortati cum gaudio. Quia has duas virtutes vidit magis necessarias ad perseverandum, ideo subjungit in omni patientia, id est ut sicut acerbitatem malorum, sic et opprobria patiamur. Qui enim pati non vult contendit, repercutit, et sic dilectio perit. Adjicit etiam in longanimitate. Qui enim longanimes in sustinendo non est, si differtur remuneratio, proicit onus Dei, et sic omnis virtus in illo periret. Iterum patientes et longanimes esse malum est, nisi ex voluntate, et ideo addit cum gaudio, ut non tristentur; sed gaudent pati et diu expectare. Vult illis modo improbare legem, dicens ne et alios apostolos qui in lege nati fuerunt, quia in tenebris tunc erant, legem deseruisse, et gratias agere Deo, ex eo quod ad fidem vocavit eos; et si naturales leges, illa neglecta, adhaerent fidei. Stultum est eos qui nunquam in lege fuerunt, et fidem acceperunt, confundere puritatem fidei admisitione legis. Unde sic ait : Non cessamus orantes pro vobis, et gratias agentes Deo Patri, qui nos fecit dignos in partem sortis, id est participationem hereditatis sanctorum, id est, quam habituri sunt sancti. Nos dico positio, in lumine, id est in vera cognitione. Vel in lumine, id est in Christo illuminante nos. Patrem ait secundum diversos possessores, non quia ibi sint segregatae partes, quia omnibus una beatitudo. Hereditatem sanctorum vocat sortem, quia non per meritum hominis datur, sed sorte, id est divina electione. Quomodo dignos hac sorte fecerit subdit, dicens : Posuit, inquam, in lumine, qui primum eripit nos de potestate tenebrarum, id est vel demonum vel peccatorum, vel ignoranciae. Potestatem ideo dicit, quia vis humana per se non poterat evadere. Et nos creptos transmutit, id est transformat, in re-

gnum Filii, id est ut Filius suus regnaret in nobis. A *Fili* dico *dilectionis suæ*. Omnes enim praeter istum filii fuerunt iræ. Omnes enim in peccato nati; sed hic solus Filius dilectionis, quia a peccato immunis. De quo Pater ait: « Hic est Filius meus dilectus, » etc. (*Matth. iii, 7.*) Modum erectionis subdit: *In quo Filio habemus redēptionem*; primum enim sanguinis in cruce datum est omnibus sufficiens. Per quem etiam habemus remissionem peccatorum in baptismō; qui Filius secundum divinam naturam est *imago Dei invisibilis*, id est plena representatio Patris, quia quidquid in Patre, totum est in Filiō, non tamen *imago*, quod aliud sit, nisi quantum ad distinctione in personarum, sed plena identitas in substantia. Possimus construere, *invisibilis imago Dei*, vel *image Dei invisibilis*. Et ex his verbis habemus Filium consubstantialem Patri, quia, si omnia de substantia Filii quæ de substantia Patris dicuntur, profecto consubstantialis est ei.

Filius dico *primogenitus omnis creaturæ*, id est ante omnem creaturam genitus ex Patre; ipse solus genitus, cætera creata non modo illius genita; nec ipse creatus, et in his verbis habemus eum coeternum Patri. Vero genitus est ante omnem creaturam, *quia universa sunt condita in ipso*, id est per ipsum, juxta illud: « Omnia in sapientia fecisti (*Psal. ciii, 24*), » hoc est in Filio. Uhiversa dico, *quia visibilia et invisibilia in caelis*, ut angeli, sol et luna, et visibilia et invisibilia in terra, ut spiritus animalium, et omnia ~~terrena~~ corpora. In caelis hinc dico, *quia sive throni, sive dominationes, sive principatus, sive potestates, omnia creata sunt per ipsum*, et ita per ipsum quod creata continentur in ipso, id est intra amplitudinem ejus; ipse enim in omnibus et jam extra. Et ipse est ante omnes dignitate secundum utramque naturam, et omnia creata constant in ipso, id est existere habent per ipsum. Sicut enim esse non poterant, nisi per ipsum, sic nec creata consistere, nisi per ipsum, et ipse Christus est caput, id est principium et regimen Ecclesie. Quod ita ait: Caput corporis Ecclesie, quia sicut corpus hominis omnes sensus habet in capite, sic Ecclesia omnes vires suas habet in Christo, capite, principio suo et rectore. Opponeret ille: Quare dicas Christum caput Ecclesie, cum Abel et multi justi fuerint prius illo, tempore? Hoc ita removet: Vere caput Ecclesie, quia, *qui est principium Ecclesie*. Licet enim multi sancti carnem Christi præcessissent tempore, nunquam tamen salvarentur, nisi per fidem membra essent capitis Christi. Potuit itaque caput esse Ecclesie, quia primogenitus est ex mortuis. Primus enim omnium surrexit ex mortuis. Et primogenitus, quia ipse habet omnem hereditatem Patris. Et quicunque inde aliquid habet, oportet ut ab illo habeat. Sicut primogenitus filius habet omnem hereditatem patris, et nemo quidquam nisi ab eo. Nec primogenitus repudiandus, ut Esau; sed ita primogenitus ut ipse sit tenens primatum in omnibus creaturis. Princeps enim constitutus est omnium.

A ideo primatum tenens, *quia complacuit Deo Patri habitare in ipso Filio plenitudinem omnium bonorum*, sicut Joannes ait: « De plenitudine ejus omnes accepimus (*Joan. i, 16*). Et placuit Deo per eum Filium reconciliare sibi omnia, tam gentiles quam Judeos.

Omnia tamen dico manentia in ipso. Qui enim in ipso non manserit, expers erit reconciliationis. Placuit reconciliare pacificans mandum sibi, vel Judeos et gentiles inter se per sanguinem non fusum aliquo genere honeste mortis; sed per sanguinem crucis ejus; quod genus mortis contemptibiliissimum 276 erat. Pacificans dico Deo, *sive quæ in caelis sunt*, id est sanctos quoram animæ jam regnant in caelis, *sive quæ in terris sunt*, id est eos qui adhuc peregrinantur in terra. Vel ita: *Sive quæ in caelis sunt*, id est angelos, *sive quæ in terris sunt*, id est homines. Ante Christum inter angelos et homines dissidium erat: sed justificatus homo, mox pacem habuit cum angelo. Nunc tandem descendit ad illud quod intendebat ex præmissis, dicens: Nos Judeos pacificavit, et vos gentiles similiter reconciliavit. Vos dico, *cum*, id est quamvis, *essetis aliquando*, it est tempore infidelitatis, alienati a Deo per ignorantiam: et *essetis inimici*, id est inimicorum Deo, sensu, id est ex voluntate. Inimici etiam in operibus malis. Vel, quamvis essetis inimici sensu, tamen reconciliavit vos, nunc autem reconciliavit in corpore, nondum immortali, sed corpore carnis ejus, id est adhuc mortalibus. Et si in corpore mortali hoc fecit, quid faciet in immortalis? Longe amplius. Reconciliavit in corpore per mortem; ut enim vos reconciliaret, pati voluit mortem, id est ut exhibeat vos sanctos positione virtutum, et immaculatos, remotione malorum, et irreprehensibles coram ipso Deo. Quid nec subtilitas ejus (cujus oculis omnia nuda sunt) inveniat in eis quid reprehendat. Ita tamen dico exhibeat, si vos permanetis fundati et firmi in fide. Et si permanetis stabiles quantum ex vobis est. Et immobiles si immineat persecutor a spe, id est a sperata re. Spe dico Evangelium, id est quam speratam beatitudinem promittit Evangelium; quod Evangelium audistis a discipulis nostris. Nec debetis illud refellere, quia sic accipiunt omnes justi. Et hoc ita ait: *Quod Evangelium prædicatum est universæ creaturæ*, et permanet sic in universa creaturæ. Creaturam vocat justos per excellentiam, quia licet omnes sint creature Bei, justi tamen privilegio quadam creature dicuntur in quibus prior generatio quæ fuit in delicto carnis per baptismum deleta est, et novitas fidei generavit eos novos filios in Christo. Unde sic ait: *In universa creatura*, id est in omnibus justis in fide Christi nova creatura factis. Universa dico, non unius regionis, sed quacunque sub caelo est. Vel ita: Creatura quæ sub caelo est, id est quæ adhuc peregrinatur in mundo, post medicum, merito fidei transferenda super caelos. Et in hoc verbo satis commendat fidem illis.

Modo ponit auctoritatem suam, quæ necessaria erat illis ad confirmationem dicens: *Cujus Evangelii*

ego Paulus (cujus auctoritati contraire non licet) **A** factus sum a Deo, non usque dator, sed minister; qui etiam ut magnificem Evangelium, nunc patior positus in vinculis, et in passionibus illis gaudeo pro teobis instruendis. Si enim viderent Paulum refugientem pro fide pati, vituperarent fidem ex ipso Paulo qui ostenderet in se non esse patiendum pro ea. Gaudeo, inquam, et gaudens adimpleo ea passionum Christi quae adhuc desunt, et implenda mihi restant. Passiones suas dicit esse Christi, et quia Christus sic eum pati instituit, et quia patitur pro nomine Christi. Adimplere se dicit, quia ad mortem vadiit, in qua est consummatio passionum. Vel ita : Adimpleo ea passionum Christi, quae adhuc desunt. Christus multas passiones habuit, patiendo opprobria, vexationes, et flagella, ad ultimum, mortem. Sic Paulus opprobria, verbera, multas afflictiones passus erat, et ad mortem festinabat, ut sicut Christus pro eo, sic ipse moreretur pro Christo. Adimpleo passiones Christi : non in damno rei, non in opprobriis solum, sed in carne mea. Ipsam enim carnem exhibeo ad poenam, et hoc pro corpore ejus, scilicet Christi multiplicando. Non corpore quod receptum est super coelos, sed pro corpore quod est Ecclesia. Potuisse dixisse simpliciter pro Ecclesia ; sed ubi ait : Pro corpore ejus quod est Ecclesia, plurimum commendavit fidem, quae facit hominem membrum hujus corporis, cuius caput est Christus. Cuius iterum Ecclesiae ego factus sum minister secundum dispensationem, quia scio dispensare unicuique pro modo suo ; huic majorem, illi 277 minorem gratiam. Dispensationem dico Dei, id est quia vel Deum ipsum dispenso, vel quia Deus me dispensatorem instituit, secundum dispensationem quae data est mihi in vos. Videtur hoc superfluere, quae data est mihi in vos, quia dixerat, secundum dispensationem ; sed quibusdam tradita est dispensatio, qui tamen praeventi martyrio, non habuerunt tempus dispensandi ; sed Paulus et officium dispensationis accepit, et data est ei facultas dispensandi.

Licet ad illos non fuerit, dicit tamen sibi datam esse dispensationem in eos, quia de apostolatu ejus sunt, et per discipulos ejus edocti. Data est mihi ideo, ut impleam verbum Dei, quod et locutus ab aeterno, et in tempore vaticinatus est per prophetas suos. Magnae auctoritatis apud Deum Paulus se asserit, cum dicat per se compleri quod tot ante tempora praedictum fuit, et donec ad ipsum inexpletum remansit, scilicet salvationem gentium. Verbum Dei dico, id est mysterium quod absconditum fuit a prioribus saeculis, et ita a saeculis quod etiam a generationibus, id est quod quicunque in priori genitura erat, hoc secretum ignoraret. Licet pauci tunc cognovissent, et hi justificati per fidem venturi ut Abraham. Olim fuit absconditum, sed nunc in diebus gratiae, manifestatum est sanctis ejus, scilicet Christi, nec omnibus, sed illis quibus Deus voluit. Ut ibi apparuit, quando discipuli reprehenderunt,

Petrum, quia receperisset gentilem Cornelium, nondum plene cognoscentem mysterium Dei de salute gentium ; quibus Deus voluit *notas facere divitias gloriae*. Divitias ideo, quia infinita sunt dona Dei ; Gloriam, quia gloria est in omnibus illis. Divitias dico sacramenti hujus, cujus minister factus sum. Sacramenti dico in gentibus ; salus enim gentium fere omnibus occulta erat, sed de salute Judæorum non dicitur mysterium, quia illis aperte Christus promissus erat in lege, cum in gentibus non esset Deus, quod sacramentum est Christus, qui in lege sub mysterio fuit promissus. Christus dico spes gloriae in vobis, id est in quo vobis sperare licet omnem gloriam et remissionem peccatorum, et justitiam vitae, et futuram gloriam. Quem talem scilicet spem totius gloriae (futuræ) nos annuntiamus, omni fiducia corripientes omnem hominem et docentes, corripientes errantem a veritate, vel fidei contradicentem. Docentes et eum qui nihil scit, vel adhuc simpliciter sapit, corripientes et docentes in omni sapientia, id est tam de corporeis rebus quam de spiritualibus, ideo, ut exhibeamus non Judæum tantum, sed omnem hominem, nec gentilem minus, Judæum perfectius ; sed omnem hominem æque perfectum in Christo Jesu, qui solus ad perfectionem sufficit. In quo, id est in qua re, ut omnem hominem perfectum exhibeam, non solum corripi et doceo, sed etiam laboro, certando. Laborat jejunando, vigilando, et per hujusmodi certat contra persecutores sustinendo, contra pseudo fidem confirmando. Laboro et certo agens secundum operationem ejus quam operatur in me in virtute miraculorum, id est, sic Deus cooperatur mihi in labore et certamine, sicut in operatione miraculorum, in quo etiam infideles virtutem Dei consistentur in me esse.

CAPUT II.

Volo enim vos scire qualem sollicitudinem habeam pro vobis, et pro his qui sunt Laodicæ, et quicunque non viderunt faciem meam in carne, ut consolentur corda ipsorum, instructi in charitate, et in omnes divitias plenitudinis intellectus in agnitione mysterii Dei Patris et Christi Jesu, in quo sunt omnes thesauri sapientiae et scientiae absconditi. Hoc autem dico, ut nemo vos decipiatur in sublimitate sermonum. Nam et si corpore absens sum (*I Cor. v, 3*), sed spiritu vobiscum sum, gaudens et videns ordinem vestrum, et firmamentum ejus quae in Christo est fidei vestrae. Sicut ergo accepistis Jeoram Christum Dominum nostrum, in ipso ambulate, radicati et superadficati in fide, sicut et didicistis, abundantes 278 in illo in gratiarum actione. Videte ne quis vos decipiatur per philosophiam et inanem fallaciam, secundum traditionem hominum, secundum elementa mundi, et non secundum Christum, quia in ipso inhabitat omnis plenitudo divinitatis corporaliter, et etsi in illo repleti, qui est caput omnis principatus et potestatis. In quo et circumcisisti etsi estis, circumcisione non manufacta in ex-

spoliacione corporis carnis, sed in circumcisione. Jesu Christi, conseptuli ei in baptismo, in quo et resurrexisti per fidem operationis Dei, qui suscitavit illum a mortuis. Et vos cum mortui essetis in delictis et preputio carnis vestre, conviviscavit cum illo, donans vobis omnia delicta, delens quod adversus nos erat chirographum decreti, quod erat contrarium nobis, et ipsum tulit de medio, affigens illud cruci, et expolians principatus et potestates, traduxit confidenter palam, triumphans illos in seipso. Nemo ergo vos judicet in cibo, aut in potu, aut in parte diei festi, aut neomenie, aut Sabbatorum, quae sunt umbra futurorum; corpus autem Christi. Nemo vos seducat volens in humilitate et religione angelorum, quae non vident ambulans frustra inflatus sensu carnis suae, et non tenens caput, ex quo totum corpus per nexus et coniunctiones subministratum et constructum, crescit in augmentum Dei. Si ergo mortui estis cum Christo ab elementis, hujus mundi, quid adhuc tanquam viventes mundo discernitis? Ne tetigeritis, neque gustaveritis, neque contractayeritis; quae sunt omnia in interitu, ipso usu, secundum praecepta et doctrinas hominum, quae sunt rationem quidem habentia sapientiae, in superstitione et humilitate. et non ad pascendum corpori, non in honore aliquo ad saturitatem carnis.

EXPOSITIO.

Ideo labore et certo, quia sollicititudinem habeo pro vobis, et hanc volo vos scire qualem, id est quam infinitam, sollicitudinem habeam pro vobis confirmandia, et pro his qui sunt Laodicæ. Quos contra eamdem rem aruavit per Epistolam illis missam. Sollicitus etiam sum pro his affinibus vestris, quicunque non viderint faciem meam in carne. Fama enim viderunt me, ideo sollicitudinem habeo, ut ipsi consolentur corda ipsorum, id est sua. Ipsi dico instructi per me in charitate, id est in dilectione Dei, ut memores Christum pro sola dilectione passum esse pro eis, accensi dilectione ejus patiendo festinent occurrere illi. Instructi dico in charitate, et instructi in agnitione mysterii Dei, ut cognoscant aliqua mysteria (secreta) Dei. Vel quomodo Trinitas in Unitate sit, et e converso, vel aliquid bujuusmodi. Si quis enim cognoverit quodlibet mysterium Dei, pro certo per hoc augmentabitur in dilectione ejus. Et quia ad invisibilia humanus sensus penetrare nequit nisi per visibilia, praemittit instructi in charitate et in omnes, id est transeundo per omnes divitias plenitudinis intellectus: omnes divitias, ut de omnibus rebus aliquid sciunt, licet non perfecte: plenitudinis, ut de singulis plenariam habeant cognitionem. Vel plenitudinis, ut de tribus vel quatuor ad plenum omnes divitias, ut de omnibus plena sit illis cognitio. Et per omnes divitias plenitudinis intellectus instructi in agnitionem mysterii Dei Petris Christi Jesu. Ut enim perveniamus ad altitudinem cognitionis divinæ, primum oportet

A nos considerare corporea, que subjacent oculis; deinceps incorporea in nobis, id est animas. Per animas, iterum incorporea in coelis, ut angelos, et ab angelis condescendimus ad Deum, intelligentes eum ex puritate creaturarum magis purum, magis spiritalem et incomprehensibilem. In quo Jesu Christo sunt omnes thesauri sapientiae et scientiae, id est in quo omnis sapientia de spiritibus, et scientia de corporeis recondita est, sicut in thesauro; ipse enim est thesaurus. De plenitudine omnes sine diminutione ditantur. Thesauri dico absconditi, id est paucia revelati.

Dicerent illi: Thesauros istos non vidimus, ut in utroque sapientiam et scientiam habeamus. Ad hoc Paulus: Et si in Christo 279 totius boni thesaurum invenitis, frustra legem fidei adjungere vultis. In Christo sunt thesauri sapientiae et scientiarum. Hoc autem ideo dico in Christo, scilicet omnes esse thesauros, ut nemo decipiat vos in sublimitate, quia illi pseudo plurimum student in sublimibus verbis. Sublimitate dico sermonis, quia haec sublimitas in sermone tantum est, non in sententia, sed fideles simpliciter habent in verbis, sublimitatem in sententiis. Ideo dico: Nemo vos de futuro decipiat; nam nondum decepti estis. Et si, id est licet, enim absens sum a vobis corpore, sed, id est tamquam vobis cum sum praesens spiritu. Hanc gratiam multi sanctorum habuerunt, ut Martinus et Nicolaus, quam creditur præcipue habuisse Paulus, ut absens circa per spiritum, quid Ecclesiæ suæ facerent, vel ad quid se disponerent. Spiritu vobiscum sum gaudens: In hoc verbo innuit eos nondum lapsos. Gaudens dico de vestra perfectione, et vident ordinem vestrum, id est quam congruo ordine ad singula vos contemperatis; parum est enim bona agere, si sicut sine ordine, ut ille qui jejunat incomposita ueste, seu intemperato sermone, in jejunio suo se judicat. Vident etiam firmamentum fidei vestras, id est confirmatam fidem vestram quae est in Christo, non in lege, et quia confirmati estis in fide, et ego congaudeo ordini vestro. Ergo, sicut acceperatis non legem, sed Dominum Iesum Christum, sic ambulate non in lege, sed in ipso. Possent enim Christum accepisse, et in lege ambulare. Ambulate, radicati secundum fructum piæ operationis, et sedificati, ut sitis domus Deo ad inhabitandum. Haec bene ad prelatos, in quibus Deus sedens distribuebat gratias suas subditis, per manus prelatorum, sedificati hodie et cras superedificati, et sic semper in incremento boni operis. Radicati dico et superedificati in ipso, et confirmati in fide, ut in hunc perseveretis. In fide dico non alia, sed sicut vos didicisti (non enim aliqui trado). Et confirmati in actione gratiarum, quae plurimum valet ad impetrandum de futuro. Et justum est ut confirmati gratias agatis, quia jam estis abundantes multis bonis in illo Christo acceptis.

Dico ambulate. Ut autem libere ambuleatis, videte ne quis decipiat vos. Hæc dicens, ad illud supra

respicit nemo vos decipiat. Decipiatur dico per philosophiam, sicut illi reputant, et quam ego dico inanem fallaciam. Fallacia, quia nulla veritas ibi, inanis, id est sine utilitate. Sunt enim multa mendacia, ut poetarum quae sunt inutilia. Philosophum et inanem fallaciam dico, existentem secundum traditionem hominum, id est humaniter sapientium, scilicet secundum legem; quae lex ante Christum quidem fuit traditio Dei. Sed ubi Veritas venit, et Deus eam cesse voluit, jam non Dei, sed traditio hominum lex fuit. Secundum traditionem hominum et fallaciam dico, exercitata secundum elementa. Eamdem legem elementa vocat, quia, sicut pueri per elementa prius addiscunt, ut sic transeant ad perfectionem litterarum, sic illa legalia elementa dicta sunt, quia populus carnalis impotens capere spiritalia instruebatur per carnalia, ut in his assuetus in cultu Dei transiret, postmodum ad servendum in spiritualibus. Elementa dico mundi, quia et precepta carnalia erant, et carnales qui accipiebant. Haec philosophia est secundum elementa mundi, et non secundum Christum, quem accepistis et didicistis. Vere qui legem tradunt, non sunt secundum Christum, quia in ipso Christo est omnis plenitudo; quod illi non credunt qui extra Christum, scilicet in lege aliquam justitiam querunt. In ipso Christo habitat omnis plenitudo divinitatis. Habitat bene ait. Quia sic est divinitas in Christo ut in aeternum permaneat in illo. Plenitudo divinitatis, id est plenaria et perfecta divinitas, quae nullatenus est imperfecta. Omnis in Christo, quia omnes gratiae quaecunque in omnibus fuerint, in Christo sunt, et abundantior adhuc gratia, quia in eo dicitur humanata divinitas, quia, sicut anima unita corpori, sic ipsa divinitas personaliter unita est homini illi. Divinitas diversis modis est ubique. Est enim 280 in omni creatura, secundum quod nec esse habet sine divinitate, nec permanere. Hoc et alio modo est in sanctis, quia, per gratiam; et hoc utroque modo fuit in Christo, et adhuc abundantius, quia (sicut dictum est) ad quem modum anima in carne hominis humanatur, sic divinitas humanata est in Christo. Plenitudo divinitatis habita in Christo corporaliter, id est impletive, non quod divinitas facta sit corpus, sed quia umbrae praecesserant, et in Christo veritas umbrarum fuit, quia, impletio omnium quae praedicta vel præfigurata erant.

Probat iterum idem. Vere tradentes legem non sunt secundum Christum. Nam vos estis repleti omnibus bonis in illo, id est per Christum, quod dicunt non posse fieri sine lege. Qui Christus est caput, id est principium et regimen omnis principatus et potestatis. Per hos duos reliquos ordines accipiamus. In his verbis ostendit posse Christum omnia replere, quia, si angelos, haud de hominibus dubium est. Vult veritatem omnium quae lex præcipit in Christo ostendere, dicens: In quo Christo non solum repleti, sed etiam circumcisi estis, circumcisione non mansa facta, sicut in lege, in expoliatione culis

A carnis. Nihil enim aliud sit ibi, nisi quod absconditur cuticula carnis, sed estis circumcisi in circumcisione Christi, qua vos Christus purificavit. Vel ita construamus: Circumcisi estis circumcisione non manufacta. Circumcisione dico facta in expoliatione corporis; quod corpus erat carnis, id est superabatur a sensualitate. Exuistis enim corpus secundum carnalitatem, ut jam obediatur spiritui, circumcisione non manufacta, sed in circumcisione Christi, qua Christus omnia superflua, et dependentia vitia a vobis amputavit; in hac circumcisione et purificati estis. Expoliatur corpore carnis in baptismo, in quo peccata deponuntur, et liberum arbitrium hominis accepta justitia confortatur, ut jam, si velit, bene agere possit. Non solum sumus circumcisione depositione peccatorum, sed etiam consepti Christo in baptismo, ubi confortandum est arbitrium nostrum. Consepti itaque, quia Christus sepultus ad actus veteris hominis ultra non rediit; sic nos, si velimus uti ratione, confortati in baptismo non revertemur ultra ad actum vetustatis peccati. In quo etiam Christo resurrexit, quantum ad justificationem animæ. Resurrexit dico per fidem operationis Dei, id est quam fidem Deus operatur in vobis. Resurrexio Christi duplarem resurrectionem operatur in nobis: primam quam jam adepti sumus, secundam animam; alteram quam exspectamus in immortalitate corporis reparata. Et quod futuram corporum resurrectionem habituri simus, probat per resurrectionem Christi, quae et causa est et figura nostra resurrectionis, dicens: Sicut resurrexit prima resurrectione animæ, sic etiam vos conviviscabit in immortalitate corporum. Sed hujus rei probacionem præmittit, dicens: Qui Deus sicut suscitavit Christum a mortuis, ita et vos, cum, id est quoniam, essetis mortui, ita ut viribus vestris ad justitiam nullo modo respirare possetis. Mortui dico in delictis, id est in prævaricatione naturalis legis. Delictum enim dicitur, quando quod debetur, negligitur. Mortui etiam in præputio carnis vestrae, id est in originali peccato, quod congrue per præputium significat, in quo sedes est generationis. Hoc autem originale contrahimus, quia in concupiscentia parentum generi sumus.

C D Licet ita essetis mortui, tamen conviviscavit. Quod futurum est, per præteritum dicit, ostendens se adeo certum de hoc futuro sicut de præterito. Conviviscavit ponendos cum illo in eadem dignitate loci; posset enim redditia immortalitate conviviscare, et alibi quamcum Christo ponere. Conviviscavit, inquam, donans vobis gentibus omnia delicta, et originalia et actualia. Etsic vos ab originali per fidem liberavit; sicut etiam nos Judæos, qui falso putabamur per circumcisionem inde liberari. Quod ita ait: Delens similiter chirographum decreti, id est legis, in qua Deus quid vellet fieri 281 decreverat. Quod chirographum erat adversum nos Judæos. Chirographum dicitur manuscriptio, quod in duo partitur ut utrinque memoria facta rei teneatur. Hujus autem chirographi partem

Labebat diabolus, qua Iudeos accusabat apud Deum de transgressione legis; alteram partem habebat Iudeus, quem similiter propria accusabat conscientia. Unde sic ait: *Chirographum*, id est memoriam peccati, *quod* de decreto, id est de lege veniebat, et adversabatur *nobis*, illud delevit; nec solum chirographum, sed etiam ipsum decretum, id est ipsam legem, quae erat contraria nobis, quia et magis nos instimulabat diabolus, et majori ardore in vetitum tendebamus, et peccatum prævaricationis lex adjungebat. *Ipsum*, inquam, decretum *tulit de medio*, id est de communitate, ut nec Judeo relinquenter nec gentili tenendam. Posset enim auferre peccatum legis, et dimittere legem. *Ipsum tulit de medio, affigens illud cruci*, id est ipsam legem confixit, ut ultra non teneretur, quando expirans ait: «Consummatum est (*Joan. xix, 30*); » ostendens finem esse et completionem omnium eorum quae in lege præcesserant, et ulterius umbram non esse tenendam, postquam veritas orta est. *Affigens dico illud cruci*. In cruce enim (sicut diximus) finem legi posuit, omnibus consummatis, sicut prædicta fuerant.

Opponent illi: Quomodo dicis nos non posse, nisi per Christum justificari, cum Abraham et ceteri sancti qui præcesserunt, sine eo justificati sint? Probat Paulus eosdem similiter liberatos per Christum, dicens: Sicut nos contemporaneos sibi liberavit a lege et a peccato legis, sic ipse *expolians principatus et potestates* apud inferos. Non ait de quibus *expoliavit*, sed per *expolians* significat Christum spolia sua ab inferis revexit. *Expolians*, inquam, traduxit, ceu victor prædam per medios raptiores, ipse dico *triumphans illos principatus inferorum conf. enter*, id est non dubius de triumpho. *Triumphans* dico, *in semetipso*, non per angelum, vel quemlibet ministrum, sed per scipsum. Quod (eum scilicet triumphasse) *palam* est angelis et hominibus. Quia Christus donavit omnia delicta. Peccatum legis et legem tulit de medio. Videte ergo nemo vos ulterius inducat in legem. Et ut magis deterreat, ait: *Nemo vos judicet*, id est faciat judicabiles, id est dampnabiles. *Judicet* dico, si non reductos in tota lege, saltem in aliquo, quia pro minima traditione damnamemini. Quod ita ait: *Nemo vos judicet in cibo, vel. vitato propter immunditiam, vel sumpto propter munditiam, aut in potu, sumpto si militer vel vitato, aut in parte diei festi observata*. Dies festus quiddam totum apud illos erat, partes habens, neomeniam, sabbatum, exitum de *Egypto*, introitum terræ reprobationis, etc. Unde subdit *aut in parte neomeniae, id est innovationis lunæ, aut in participatione sabbatorum*, quæ Judæi celebrare consueverunt. Ideo, per *aut*, unamquamque partem disjungit, ut ostendat vel minimam partem sufficere ad damnationem observantis. Si autem copulasset per *et*, videretur pro omnibus simul, et non pro uno tantum observantem judicari. Neos nova, mene luna; inde neomenia, *innovatio lunæ*;

A quam celebrazione signum erat innovationis corporis nostri, quam futuram exspectamus in incorruptione. Quæ neomenia et sabbatum jam non debent celebrari, quia sunt umbra futurorum, id est præfigurantia futuram veritatem, sicut umbra visa prope corpus esse designat. *Futurorum* ait, secundum tempus legis, quando præsens erat umbra, futura veritas. Hæc sunt *umbra futurarum*. Sed *Christus est corpus*, id est veritas et impletio omnium horum; vel *corpus est Christus*, id est impletio pertinet ad Christum; ipsius enim est implere quæ figura fuerant.

Quia dixerat: *Nemo vos judicet*, subdit modos illos in quibus timendum erat ne seductos illos condemnarent dicens: Ut autem non judicemini, vide

B *B* : *Nemo vos seducat 28 in humilitate sermonis*, id est occulorum foris ostensa, et in religione habitus barbarum vel jejuniorum simulata *humilitate et religione* dico *angelorum*; non enim magis humiles aut religiosos se exhiberent angeli Dei, apparentes hominibus, quam isti pseudo ad oculum. Vel, *angelorum*, id est verorum prædicatorum, qui nuntii Dei sunt ad populum, quorum auctoritatem isti pseudo simulatorie sibi usurpant. *Nemo*, inquam, vel hoc vel illo modo *seducat vos, volens*, id est amans, et facere in se et vobis persuadere ea, quæ non vidit, id est quæ nunquam intellexit, quia figuræ videt et veritatem nescit. Ille dico *ambulan* et in sacramentis Ecclesiæ quæ recepit et hoc *frustra*. Nihil enim illi proderit baptismus qui detrahit fidei. Qui licet humilitatem foris ostendat, *infatu* tamen est intus *sensu*, quia gloriatur subtiliter se sentire, quod simplicitas aliorum capere non sufficiat; et hic morbus elationis maxime regnat in hereticis. *Sensu* dico *carnis suæ*; hic enim secundum sensus carnis judicat de singulis, non aliter intelligens quam subministrant ei oculi et aures carnis; in quo non differunt a mutis animalibus, que etiam sensum habent de rebus secundum quod vi- D dent et audiunt. *Infatus* utique et non tenens caput, id est non concordans capiti suo Christo. Ille non tenet caput Christum qui aliunde quam a capite, unde vigeat, requirit, et sicut membrum non est capitum, si aliunde vigorem capit, quod fieri nequit; sic qui fidei unitatem relinquit, Christo non valet conjungi.

Ex quo capite totum corpus Ecclesiæ constructum per conjunctiones fidei et ceterarum virtutum, et subministratum quod alteri subministretur ab altero per nexus, id est per charitatem, quæ clavus est et nervus connectens membrum membro. Sicut enim in humano corpore membra prius constructa, id est simul congregata, si non coniungerentur, id est unumquodque loco suo aptaretur, sine nervis adhuc alterum membrum non sequeretur alterum; et ideo oportet ut conjuncta membra nervis connectantur, et tunc tandem alterum alteri subministrat; sic in corpore Ecclesiæ nos diversa membra in unum construimus, et congregata secundum discretionem

virtutum, conjugemur per fidem, etc. Sed quia A nondum alterum colligatum est alteri, necessaria est dilectio, quo clavo conexa membrorum diversitas sibi invicem coherendo subserviat. *Corpus*, inquam, sic *constructum et subministratum crescit et numero membrorum, et incremento virtutum, donec veniat in augmentum Dei*, id est usquequo augatur in mensuram quam Deus proposuit, id est donec impleatur numerus fratrum, ultimo justo apposito. Nunc aliquantulum aspere inveniuntur in quodam eorum qui jam incipiebant, et si non operari, saltem animo consentire et discernere dicentes: Quare melius sequeremur illos quam istos? et hujusmodi. Unde sic ait: Quia per Christum tota Ecclesia crescit in augmentum Dei, quare igitur discernitis quasi dubii cui adhaerere debeatis, Christo a legi? Sed præmitit quare non debeant discernere, dicens: Si vos estis mortui cum Christo, quia mortis Christi operata est in vobis mortem peccati; mortui dico ab elementis, quia prius elementa, solem, lunam, et cætera colebatis, quod idem facitis, si legem accepta gratia tenetis; *lementa dico hujus mundi*, quia et mundani qui colunt, et mundana sunt quæ coluntur: si, inquam, mortui estis ab elementis, quod nec respirare ad horum culturam debetis, quid, id est quare, adhuc tanquam viventes in mundo, id est carnaliter sicut prius in cultura mundi discernitis, dicentes ne tetigeritis cadaver? vel hujusmodi, quidquid lex prohibet ne tangatur. *Negne gustaveritis porcum?* vel aliquid hujusmodi. *Negne contrectareritis quæ scilicet tangere non licet?* ut sunt pudenda contrectare, quæ omnia sunt in interitum, id est operantur damnationem. Non tamen semel facta, sed ipso usu, id est, si quis negligens traditiones legis, haec in usu 283 habuerit.

Quod dico ea esse in interitum, hoc non secundum me, sed secundum præcepta et doctrinas hominum, id est humaniter sapientium dico. Præcepta vocat, quod solo imperio auctoritatis suæ compellebant hoc facere. Doctrinas, quando aliquas rationes ad probandum quod suadebant videbantur adducere. Haec sunt præcepta hominum, quæ etiam sunt *habentia*, id est videntur habere, rationem quidem sapientiæ, a qua longe discreta sunt. Rationem dico habentia in superstitione. Superstitione dicitur, vere religioni superaddita falsa religio. Hi autem qui accepta fidei legem superaddebat, merito superstitionis dicuntur. In superstitione dico et humilitate foris simulata, videntur rationem habere. Quæ etiam sunt secundum verba eorum ad non parcendum corpori. Dicunt enim nos non tenere legem, ut liberius indulgeamus nobis in his quæ jucunda sunt corpori, se autem more legis Dei nolle parcere corpori. Quæ etiam non sunt illis in honore aliquo. Dicunt enim se, ut ideo secundum legem humiliari quia non querunt honorari a populo sicut nos; quæ etiam non sunt illis ad saturitatem carnis. Dicunt enim se, ut legem observent, velle macerare carnem, et nos destruerem legem ut de omnibus liceat ingurgitare ven-

trem. Vel aliter, ut non ad parcendum corpori, etc. serio dicantur a Paulo, sic: Quæ dicunt rationem videntur habere, sed utique non habent. Quæ etiam sunt ad non parcendum corpori, et stultum est ut in quo damnant animam, corpori saltem non parcant. Quæ etiam non sunt in honore aliquo. Dum enim fidei Christi legem quasi necessariam apponunt, in hoc debonorant Deum. David etiam et alios sanctos qui in lege nullam dixerunt esse justitiam, inhenorant, dum legem apponentes fidei, contradicunt eorum testimoniis. Quæ etiam non sunt ad saturitatem carnis. Extremæ autem est amentia, ut damnemus animam, carnem affligere.

CAPUT III.

Igitur si conresurrexistiis cum Christo, quæ sum B sunt quæritate, ubi Christus est in dextera Dei sedens; quæ sursum sunt sapientia, non quæ super terram. Mortui enim estis, et vita vestra abscondita est cum Christo in Deo. Cum autem Christus apparuerit, vita vestra, tunc et vos apparebitis cum ipso in gloria. Mortificate ergo membra vestra, quæ sunt super terram. Fornicationem, immunditiam, libidinem, concupiscentiam malam, et avaritiam (*Ephes. v, 3.*) quæ est simulariorum [idolorum] servitus; propter quæ venit ira Dei super filios dissidentiae [incredulitatis] in quibus et vos ambulastis aliquando, cum vivetis in illis. Nunc autem deponite et vos omnia, iram, indignationem, malitiam, blasphemiam, turpem sermonem de ore vestro. Nolite mentiri invicem, exsoliante vos veterem hominem cum actibus suis, et induentes novum (*Ephes. iv, 23*) eum qui renovatur in agnitionem Dei secundum imaginem ejus, qui creavit eum ubi non est genitilis et Judeus, circumcisio et præputium [ma sculus et femina], barbarus et Scytha, servus et liber, sed omnia et in omnibus Christus. Induite vos ergo sicut electi Dei (*Ephes. vi, 11*), sancti, et dilecti viscera misericordiae, benignitatem, humilitatem, modestiam, patientiam, supportantes invicem et donantes vobismetipsis; si quis adversus aliquem habet querlam, sicut et Dominus donavit vobis, ita et vos. Super omnia autem haec, charitatem [*al. add. continuam*] habete, quod est vinculum perfectionis. Et pax Christi exsultet in cordibus vestris; in qua et vocati estis in uno corpore, et gratia estote. Verbum Christi habitat in vobis abundantanter, in omni sapientia docentes et commonentes vosmetipos, in psalmis et hymnis et canticis spiritualibus, in gratia cantantes in cordibus vestris Deo. Omne quocunque facitis in verbo aut in opere, omnia in nomine Domini nostri Jesu Christi, gratias agentes Deo et Patri per ipsum (*I Cor. x, 31*). Mulieres, subditæ estote viris, sicut oportet, in Domino (*Ephes. v, 22; I Petr. iii, 1*). Viri, diligite uxores vestras, et nolite amari esse ad illas. 284 Filii, obedite parentibus per omnia; hoc enim placitum est in Domino. Patres, nolite ad indignationem (iracun-

etiam] provocare filios vestros, ut non pusillo A bi qui fidem non acceperant, damnati sunt pro hu-
e [pusillanimes] animo fiant (*Ephes. vi, 4*). Servi,
obedite per omnia dominis carnalibus, non ad
oculum servientes, quasi hominibus placentes,
sed in simplicitate cordis timentes Dominum (I
Petr. ii, 18). Quodcumque facitis, ex animo opera-
mini sicut Domino, et non hominibus, scientes
quod a Domino accipietis retributionem hereditatis. Domino Christo servite. Qui enim injuriam
facit, recipiet id quod iniuste gessit (*Rom. ii, 11*).
Et non est personarum acceptio apud Deum
(*Ephes. vi, 9; Act. x, 34*).
EXPOSITIO.

Et quia mortui cum Christo, jam ultra non vivitis
mundo. Igiter querite quae sursum sunt, id est coeli-
corum iucunditatem, et omnem justitiam, ad id quod
sursum est ducentem. De sursum dicitur quidquid
de mundo non est. Quærite dico, si consurrexislis
cum Christo, id est quia resurrectionem animæ per
Christum adepti estis, quæ sursum sunt, et potestis
et querere debetis. Sursum dico, scilicet ubi Christus
in dextera Dei sedens, id est in æqualitate Patris
quiescens et judicans. Christus autem, in dextera Patris sedens, causa, signum et certitudo est
nos cum Christo surrecturos. Nec solum quærите,
sed sapite, id est dulcedinem prælibate eorum quae
sursum sunt. Sapite, inquam, quae sursum sunt, et
non ea quae sunt super terram. Non debetis sapere
quæ sunt super terram; vos enim mortui estis terræ-
nis. Debetis sapere quæ sursum sunt. Nam vita ve-
stra est in Deo, et in tanta dignitate quod cum Christo.
Vita dico abscondita, id est non omnibus, sed
paucis revelata. In hoc verbo multi erraverunt, di-
centes stultum esse hominem pro eo laborare quod
homini revelatum non sit. Nunc illa vita vestra est
abscondita; sed cum apparuerit Christus, veniens ad
judicium, Christus, dico, vita vestra, in cuius æter-
nitate vobis paratur æternitas, tunc, apparente
Christo, vos etiam apparebitis cum ipso ponendi in
gloria. Lege satis improbata et fide sufficienter com-
mendata, sicut in Epistola ad Ephesios, subiungit
moralem instructionem, prius docens in publico
Ecclesiam, deinde sexns, ætates, et conditiones, di-
cens: Quia vita vestra in Deo est, apparituri estis
cum Christo in gloria, ergo mortificate membra quae
vestra sunt super terram, id est in terrenis hærentia.
Haec membra vocat peccata, quæ membra sunt cor-
poris peccati, sicut in sequentibus innuit. Membra
mortificate vestra, scilicet fornicationem, ut est ha-
bere rem cum uxore proximi. Aliud membrum im-
munditiam et libidinem, id est libidinosam voluntä-
tem, et concupiscentiam. Et quia de bonis concupi-
scientia dicitur, addidit malam, ut est concupiscere
rem alienam. Mortificate etiam in vobis avaritiam,
qua est illicita congregando et retentando, quæ avari-
tia est servitus idolorum. Qui enim Deum postpo-
nit ut pecuniam augere possit, spreto Deo, pecu-
niā colit. Propter quæ supradicta venit ira, id est
viadicta Dei etiam super filios incredulitatis. Quod si

A bi qui fidem non acceperant, damnati sunt pro hu-
jusmodi, quid putatis de vobis qui fidem accepido,
haec omnia abdicatis? In quibus membris corporis
peccati, vos etiam sicut alii increduli ambulastis at-
quendo, cum visceris in illis, scilicet tempore infi-
delitatis.

Olim ambulastis in illis. Sed nunc, iam fideles
facti, deponite vos, et praedicta, et omnia qua se-
quentur, scilicet iram, id est subitam commotionem
animi, indignationem, id est ne de aliqua prosperi-
tate inferioribus vobis indignemini. Deponite etiam
malitiam et animi et corporis, et blasphemiam in
Deum et proximum. Deponite etiam omnia tur-
pem sermonem de ore vestro. Et nolite mentiri in-
vicem, ut alter alterum decipiatur. Utique breviter
omnia hujusmodi interdicam, sitis expoliantes vos
veterem hominem, id est habitum peccatorum 285
cum actibus suis. Quidam enim habitum deponit
peccati, qui quandoque cogente fragilitate in actu
peccati labuntur. Non tamen resumentes habitum
peccati, licet actum, quia post casum festinant ad
poenitentiam. Expoliantes vos veterem hominem,
et induentes novum, id est habitum virtutum, cum
scilicet qui renovatur quotidie crescentis in novitate
justitiae. Renovatur dico, tendens in agnitionem Dei,
quia semper crescit in cognitione deitatis quantum
in virtutibus ascendit. Renovatur, inquam, secundum
imaginem, id est puritatem ejus qui creavit eum pro-
modo suè ei se conformando, ubi, id est in quo novo
homine non est masculus et femina, id est nemo re-
cipitur vel abicitur propter sexum. Ubi etiam non
est gentilis vel Judæus, id est nil nocet esse geni-
lem, nil prodest fuisse Judæum; gentilis et Judæus
dico generatione. Et quia quidam de Judæis in geni-
tilitatem, et quidam de gentibus transierunt in cir-
cumcisionem, ideo addit ubi non est circumcisio et
præputium, quia non plus prodest fuisse circumci-
sum quam esse præputiatum. Ubi iterum non est Bar-
barus et Scytha, qui barbarior est berbaris. Ubi non
est servus et liber; sic enim in corpore virtutum,
servus suscipitur ut dominus. Substantia enim nec
nocent, nec prosunt in novo homine, quia omnis
substantia creatura bona Dei est, sed qualitates, et
justitia, vel injustitia, quæ a nobis superaddunter,
hæ vel prosunt vel impediunt. Gentilis et Judæus ibi
non sunt, sed Christus, id est virtus veniens ex
Christo, est omnia, id est omnis perfectio. Et ita
quod in omnibus, id est in singulis, sit omnia.

Et quando quidem novus homo induendus est, ergo
induite vos membra novi hominis. Induite dicit et
secundum decorem, quia nuditate peccati deturpati
eramus et secundum depulsionem frigoris iniquita-
tis, Induite, inquam, vos, sicut electi Dei, id est,
quos Deus ab æterno ei in tempore per ministros ad
fidem vocando elegit. Electi dico et sancti, id est
positione virtutum in bono sanciti, et in utroque,
id est in electione et sanctificatione electi induile
ros misericordiam. Et ad majorem incitationem
expressius ait: Viscera misericordiae, ut in ipsis vi-

scribus redundet pia affectio. Induite vos etiam cum misericordia animi hoc membrum novi hominis, scilicet *benignitatem* largiendi, et *humilitatem* in verbo et incessu, et *modestiam*, id est temperantiam in omnibus, et *patientiam*, si adversa incumbunt. *Supportantes* vos *invicem*, id est alternis orationibus et jejuniis alter alterius onera portando. *Et si quis* vestrum *habet querelam*, id est justam repetitionem cuiuslibet rei, *adversus aliquem fratrem*, *donantes robismetipsis* invicem, nec ut pretium relaxetis, et minus solito diligatis, sed *sicut Dominus donavit robis*, debitum dimittendo, et dilectionem superaddendo, ita et vos condonate vobis invicem. *Patientiam*, etc., *induite*; super hæc autem omnia, id est superiorum et digniorum his omnibus, *habeite charitatem*. Vel ita: *Super hæc*, id est magis laborate ad habendam charitatem quam ad præmissa. *Quod*, scilicet, habere charitatem est *vinculum*, id est colligamentum perfectionis, id est cæterarum virtutum quæ perfectum faciunt. Omnes enim virtutes congregatae sine charitate, sunt quasi pulvis dissolutus, cui facile ad impulsionem venti (quia sine cæmento fuit) dispergitur. Sic enim virtutes sine cæmento charitatis congregatae facile cedunt cuilibet tentationi. Et ut in charitate perfecti sitis, *pax*, id est exterior concordia, *pax* dico Christi, id est quam Christus in mundo habuit, et habendum docuit, sit in vobis, ita quod in cordibus vestris, non coactione, sed ex voluntate pacem habeatis ad omnes, et ita sit in cordibus quod ibi *exultet*, id est de quotidiano gaudeat incremento. In qua, id est ad quam, pacem habendam vocati estis a Deo in uno corpore, id est non tantum ut ad unitatem corporis veniatis, sed ut in illa unitate permaneatis. Pax sit in cordibus vestris. Et vos estote grati, id est gratias **286** semper agentes Deo de collatis vobis beneficiis. Grati dico, docentes et commonentes vosmetipsos.

Sed in quo docere et commonere se debeant præmittit, dicens: Ut possitis vos docere et commovere, *verbum*, id est doctrina, Christi, id est vel de Christo, vel quam Christus docuit, *habitet* continue in vobis. Et ita quod *abundanter*, id est abundatiam habeatis in omni sapientia, id est in omni genere intellectus historici, moralis et allegorici, docentes vosmetipsos, studendo in Scripturis, et bene docti commonentes alter alterum. Plurimum enim valet exhortatio, etiam in rebus quas bene scimus. Docentes et commonentes dico in psalmis, in quibus bona moralitas continetur; et in hymnis, in quibus laus Dei, vel sanctorum ad gloriam Dei refertur; et in canticis spiritualibus, id est de spiritualium bonorum gaudio agentibus. Nec solum docentes et commonentes, sed etiam cantantes Deo, id est ad gloriam Dei, non solum in labiis, sed etiam in cordibus vestris. Cantantes dico in gratia, id est in consideratione gratiae Dei, qua peccata condonans vos justificavit. Ut paucis absolvam quid vobis faciendum sit: *Omne quodcumque facitis in verbo, aut in opere*, hæc et omnia seu in habitu, seu in cogitatione, /a-

A cite in nomine, id est ad honorem, Domini nostri Jesu Christi. Vel aliter: *Omne quodcumque facitis in verbo, aut in opere*, ita quod sit omne, id est perfectum, non pro laude hominum factum, facite in nomine Domini nostri Jesu Christi. Vos dico, semper agentes gratias Deo et Patri, per ipsum Christum, per quem omnia bona vobis contulit. Actio enim gratiarum plurimum valet ad impetrandum.

Postquam in communis Ecclesiam admonuit, separatim instruit sexus, ætates, conditiones, dicens: Invicem vos supportate, sed vós, mulieres, amplius quam cæteri estote subditæ viris vestris, sicut oportet. Opportunum enim est mulierem subditam esse viro. Subditæ tamen in Domino, id est secundum Dominum. Si enim volunt vos supponere adulteris, in hoc nolite subdi. Vos autem, viri, diligite uxores vestras, et nolite amari esse ad illas. Nimia enim austertas quandoque peccatum generat. Et vos, filii, obedite parentibus per omnia, ita tamen quod in Domino, non in cultura idoli vel homicidio. Obedire dico, quia hoc, scilicet obedire parenti, placitum est Deo. Et vos, patres, nolite provocare ad iracundiam filios vestros, ut non fiant pusillo, id est modico, animo, in patiendo, et percussi a vobis, repercutiant vos. Et vos, servi, obedite per omnia dominis, etiam carnalibus, non servientes illis ad oculum, id est quandiu estis in oculis eorum, quasi per hanc servitatem placeatis hominibus tantum, sed in simplicitate cordis servite illis, timentes in hoc Dominum Deum qui pro peccato vestro vel parentum, vos servos constituit, ut de filiis Cham legimus (Gen. ix, 25). Nec objiciatis quod domini male retribuunt vobis, scientes quod vos accipietis a Domino Deo retributionem hereditatis, id est hereditatem retributam vobis, quia jugum impositum vobis a Deo patienter sustinuitis. Et cum dicam mulieres subditas esse, viros diligere, filios obedire, servos servire, in omnibus his servite Domino Christo, ne, propter obsequium hominis, contemnatis Deum: Vos, servi, sic operamini, quia quicunque facit injuriam, sive sit servus, sive sit dominus, recipiet id quod inique gesit, id est mercedem iniquitatis in futuro. Ideo dico quicunque injuriam facit, quia apud Deum non est acceptio personarum, ut hic acceptus sit, quia liber; ille projectus, quia servus.

CAPUT IV.

Bomini, quod justum est et æquum servis præstat, scientes quoniam et vos Dominum habetis in cœlo. Orationi instate [instantes], vigilantes in ea in gratiarum actione, orantes simul et pro nobis **287** nobis, ut Deus aperiat nobis ostium sermonis, ad loquendum mysterium Christi (propter quod etiam vincitus sum), ut manifestem illud, ita ut oportet me loqui. In sapientia ambulate (Ephes. v, 15) ad eos qui foris sunt, tempus redimentes. Sermo vester semper in gratia sale sit conditus, ut sciatis quomodo oporteat vos unicuique respondere. Quæ circa me sunt omnia vobis nota faciet Tychicus, charissimus frater et si-

et delis minister, et conservus in Domino, quem misi ad vos ad hoc ipsum ut cognoscat quae circa vos sunt, et consoletur corda vestra, cum Onesimo charissimo, et fidei fratre, qui est ex vobis. Omnia quae hic aguntur nota faciet vobis. Salutat vos Aristarchus captivus meus, et Marcus consobrinus Barnabæ, de quo accepistis mandata. Si venerit ad vos, excipite illum. Et Jesus, qui dicitur Justus, qui sunt ex circumcisione. Hi soli sunt adjutores mei in regno Dei, qui mihi fuerunt solatio. Salutat vos Epaphras, qui ex vobis est, servus Jesu Christi, semper sollicitus pro vobis in orationibus, ut stetis perfecti et pleni in omni voluntate Dei. Testimonium enim illi perhibeo, quod habet multum laborem pro vobis, et pro his qui sunt Laodiciæ, et qui Hierapoli. Salutat vos Lucas (II Tim. iv, 11), medicus charissimus, et Demas. Salutate fratres qui sunt Laodiciæ et Nympham, et quae in domo ejus est ecclesiam. Et cum lecta fuerit apud vos Epistola hæc, facite ut et in Laodicensem Ecclesia legatur. Et dicite Archippo: Vide ministerium quod accepisti in Domino, ut illud impleas. Salutatio mea manu Pauli. Memores estote vinculum meorum. Gratia Domini nostri Jesu Christi vobiscum. Amen.

EXPOSITIO.

Servi, obedite dominis, et vos, domini, præstate servis quod justum est, et secundum quod mercenari, et quod est æquum, id est ut pensetis eos aequè homines esse sicut vos, scientes quoniam servi et vos domini habetis eumdem Dominum in cœlo. Admonitis his personis, iterum ad publicam instructionem Ecclesiæ revertitur, dicens: Vos, servi et domini, sic vicissim agite: Universa autem ecclesia, instate orationi vigilantes, vel nocturnis vigiliis, vel studiosi in ea vigilantes semper in actione gratiarum, orantes, simul etiam pro nobis, quando oratis pro vobis. Vel simul, id est tota ecclesia pro me communem orationem faciat, ut Deus aperiat nobis ostium sermonis, id est labia per quae egreditur soror. Aperiat dico ad loquendum mysterium Christi, id est salutem gentium, quæ usque ad Christum sub mysterio latuit. Aperiret Deus sibi os, si sermo ejus auditoribus fuerit gratiosus. Quia propter compositiones verborum, propter subtilitates sententiarum, nunquam os erit apertum, nisi Spiritus operetur in cordibus auditorum, propter quod, id est quia, loquor mysterium Christi, post multas afflictiones, etiam nunc vincitus sum ad loquendum, ita ut ego manifestem illud mysterium, ita sicut oportet me loqui pro loco, tempore ac capacitatem auditorum. Et sicut ego loquor verbum Christi, ita et vos prædicate. Ambulate ad eos qui foris sunt, id est ad infideles. Ambulate dico in sapientia, id est in omni discretione prædicando. Vos dico redimentes tempus, id est comparantes vobis opportunitatem ambulandi in sapientia. Hoc esset redimere tempus, si vocarent ad cœnam, et captarent ibi benevolentiam, ut sic adid quod vellent, facilius inducerent.

A Ut in sapientia ambuletis, sermo vester semper sit in gratia, id est gratiosus auditoribus, et ex eo, quod sit conditus sale, id est contemporatus sapienti discretione. Vel ita: Sermo vester sit conditus sale, ita quod semper sit in gratia, id est in commendatione gratiae Dei, et nunquam in lege. Ita conditus sale, ut socialis quomodo oporteat vos respondere unicuique interroganti, pro simplicitate ejus vel prudenter. Sic vos de præmissis instruo; omnia autem quæ circa me sunt, et vincula et cætera, nota faciet vobis Tychicus, charissimus frater et fidelis minister. Credite illi quia nihil præter fidem ministrabit, et conservus in Domino, quia, sicut ego, sic servit Domino in Evangelio, et patitur pro eo. Quem Tychicum misi ad vos, ad hoc manifestandum, et ad ipsum, ut cognoscat quæ circa vos sunt, et ego per eum, et consoletur corda vestra, desolata pro vinculis meis. Nota faciet Tychicus, cum Onesimo charissimo et fidei fratre; audite eum, quia natus est ex vobis. Hi duo facient vobis nota omnia quæ hic aguntur. Ideo commendavit eos, ut crederent illis, sicut et sibi. Salutat vos Aristarchus captivus meus, qui, sicut ego, pro Evangelio in vinculis captivatur. Salutat vos etiam Marcus, consobrinus Barnabæ. De quo utroque non recipiendo accepistis mandata a me. Sed si uterque modo renerit ad vos, excipite illum, utrumque reconciliatos mihi. Hic Marcus nolens obediens Paulo in quadam legatione divisus est ab illo; Barnabas autem, amore carnalium ductus, abiit cum Marco (Act. xv, 39). Paulus vero ne quid extra fidem prædicarent segregati ab illo, scripsit Ecclesiis ne audirent eos qui modo correcti, erant cum Paulo; et ideo de eis excipiendis iterum scripsit. Salutat vos etiam Jesus, qui dicitur Justus, testimonium justitiae habens ab omnibus. Qui Marcus, Barnabas, Jesus, sunt ex circumcisione, et hi soli ex circumcisione sunt adjutores mei, in prædicando regno Dei. Qui etiam fuerunt mihi solatio in vinculis. Salutat vos Epaphras, qui est natus ex vobis. Ille dico servus Christi Jesu, et sollicitus pro vobis in orationibus, semper habitus. Pro vobis, inquit, ut stetis perfecti in eo quod accepistis, non ut aliud accipiat. Et ut stetis pleni in omni voluntate, id est plenarie cognoscentes omnem voluntatem Dei. Vere sollicitus pro vobis; nam ego perhibeo illi testimonium, quod habet mulium laborem, vigilando, orando pro vobis, et pro his qui sunt Laodiciæ, et qui sunt Hierapoli. Vicina Ecclesiæ erant Colossensibus. Salutat vos Lucas, medicus charissimus. Hic fuit evangelista. Et Demas vos salutat. Salutate fratres qui sunt Laodiciæ. Salutate etiam Nympham illam matronam, et ecclesiam quæ est in domo ejus. Haec solita erat ministrare prædicatoribus, et timebat Paulus ne seducta ministraret illis pseudo. Et cum fuerit lecta apud vos haec Epistola, facite ut etiam legatur in Ecclesia Laodicensiæ, et ut vos legatis cum quæ est Laodicensiæ. Et dicite Archippo, episcopo vestro, qui, quia contemptus est a vobis, ab officio cessavit, dicite illi: Vide, id est

provide, age ministerium quod acceperisti in Domino, ut respondeas illud, quia modo correcti parati sumus obedire tibi. Dignum est enim ut quem contemptus vester depositus, obedientia vestra restituat. Hic Archippus, iratus quia audierant contra se illos pseudo, dixerat se non amplius episcopaturum eis.

A Salutatio scripta mea manu; mea-dico non notarii, sed mea Pauli. Præmiuit quiddam salutationi. Estote memores vinculorum meorum, ut vel mihi ministretis in vinculis. Vel, ut exemplo meo pro Christo patiamini. Salutatio haec est: *Gratia Domini nostri Jesu Christi vobiscum. Amen.*

ARGUMENTUM IN EPISTOLAM PRIMAM AD THESSALONICENSES.

Thessalonicenses sunt Macedones. Hi in Christo Jesu accepto verbo veritatis persistierunt in fide, etiam in persecutione civium suorum. Præterea nec receperunt falsos apostolos, nec ea quæ a falsis apostolis dicebantur. Hos collaudat Apostolus, scribens eis ab Athenis per Tychicum diaconem, et Onesimum acolythum.

PROLOGUS B. BRUNONIS IN EAMDEM.

Thessalonicenses sunt in Macedonia. Hi, auctoritate verbo fidei a Paulo, crediderunt, accepta multa gratia in ipso exordio fidei. Sed Paulo reverso ab eis, quidam (sicut ab eo acceperant) imitatores Pauli persistierunt in bono; quidam autem eorum paulatim corrupti sunt, labentes in 289 soveam fornicationis. Cooperunt etiam esse otiosi, laborare nolentes, et curiosi, rumores urbis multo studio perquirentes. Errantes etiam dubitando de resurrectione mortuorum. Quare etiam se supra modum affligebant in morte amicorum, putantes eos non amplius resurrecturos. Cum autem duæ partes eorum essent, altera directo itinere Pauli incedens; altera, sicut dictum est, a via veritatis

B aberrans, Paulus ab Athenis Timotheum ad eos direxit. Quo reverso, ubi Paulus quorundam fidem, aliorum errorem per Timotheum certus cognovit, scribit illis hanc Epistolam, in qua utramque partem eorum, perfectos scilicet et errantes, habet materiam: bonos de perfectione fidei collaudando, et ad incrementum bonorum, quæ cooperunt adhortando; errantes a curiositate, otio, fornicatione, et a dubitatione habita de futura resurrectione congruis rationibus retrahendo. In qua re aperta satis est ejus intentio, scilicet ut boni de incremento laborent; alii, dimisso errore, bonorum perfectioni fide et opere se conforment.

EPISTOLA I AD THESSALONICENSES.

CAPUT PRIMUM.

Paulus, et Silvanus et Timotheus, Ecclesiæ Thessalonicensem, in Deo Patre nostro et Domino Jesu Christo. Gratia vobis et pax. Gratias agamus Deo semper pro omnibus vobis, memoria vestri facientes in orationibus nostris sine intermissione, memores operis fidei vestræ, et laboris, et charitatis et sustinentiæ spei Domini nostri Jesu Christi, ante Deum et Patrem nostrum, scientes, fratres dilecti a Deo, electionem vestram, quia Evangelium nostrum non fuit ad vos in sermone tantum, sed et in virtute, et in Spiritu sancto, et in plenitudine multa, sicut scientis quales fuerimus in vobis propter vos. Et vos imitatores nostri facti estis, et Domini, excipientes verbum in tribulatione multa cum gudio Spiritus sancti, ita ut facti sitis forma omnibus creditibus in Macedonia et in Achaia. A vobis enim diffamatus est sermo Domini, non solum in Macedonia et in Achaia, sed in omni loco fides vestra, quæ est ad Deum, profecta est, ita ut non sit nobis necesse quidquam loqui. Ipsi enim de nobis annuntiant qualem introitum habuerimus ad vos, et quomodo conversi estis ad

C Deum a simulacris servire Deo vivo et vero, et exspectare Filium ejus de cœlis (quem suscitavit ex mortuis) Jesum, qui eripuit nos ab ira ventura. ,

EXPOSITIO.

Paulus, etc. Sicut moris ejus est, salutationem præmittit, dicens: *Paulus, et Silvanus, et Timotheus;* Sylvanum secum in salutatione ponit, quia in conversione eorum secum collaboravit, auctoritatem habens apud ipsos. Timotheum ideo, quia ex consilio Timothei qui ab eis reversus fuerat, hanc eis Paulus scribit Epistolam. Ideo etiam Timotheum ponit, ut noverint nihil eorum quæ flunt apud eos latere Paulum. *Paulus et Silvanus et Timotheus* scribunt *Ecclesiæ Thessalonicensem.* Ecclesiæ dico existenti in *Deo Patre, et Domino Jesu Christo,* id est hoc quod est Ecclesia, habet a Deo Patre et Jesu Christo. Perseveret itaque in fide ipsius, a quo jam nomen accepit electionis. *Hoc, inquit, scribunt, gratia vobis et pax.* In primis partem eorum quæ fidei integratatem servaverat, alloquitur; fidem eorum magnificans, et gratias illis in principio fidei concessas, ut per laudem Apostoli, animetur in melius, dicens: *Audientes fructum fidei vestræ,*

*agimus gratias Deo, nec raro sed semper, et præ omni-
bus vestris, qui in eo quod vobis tradidi, perseve-
rasti. Agimus gratias, facientes memoriam, id est
Deum memorem vestri in orationibus nostris, habitis
sine intermissione, quia et jugis est oratio, et in
nullo vos prætermitto. Unde **290** gratias agat,
subdit: *Gratias agimus memores operis fidei vestrae.*
Cum multa sint opera fidei, hoc præcipuum [princi-
pium] fides habet confiteri quod credit. Hi autem in
conspectu persecutorum non formidabant Christum
confitari. Memores etiam *laboris vestri*. Hi enim
pauperati ab infidelibus, laborabant unde viverent.
Memores etiam *charitatis vestrae*. Adeo enim proximi-
mos diligebant ut illis otiosis fructum laborum suorum
communicarent. Memores etiam *sustinentiae
vestrae*. Multa enim patiebantur ab infidelibus. Susti-
nentiae dico *spei*, id est speratae rei. Res enim quam
speratis, tantam patientiam operatur in vobis. Spei
dico *Domini nostri Jesu Christi*. Ad Christum enim
pertinet impletio hujus spei, habite ante Deum et
Patrem nostrum. Sic enim confidenter sperabant, ac
si jam Deum præ oculis haberent.*

Commendata fide et charitate eorum, dicit magis
miras gratias Deum contulisse illis in initio fidei
quam aliis Ecclesiis. Et hæc dicit ad incitationem
eorum, facientes memoriam vestri in orationibus
nostris, *scientes, fratres dilecti a Deo, electionem
vestram*, id est quos quia dilexit, elegit. Et iterum
post electionem amplius dilexit, ideo dilecti præ-
posuit electioni, ut ostenderet bona eorum esse
ex dilectione Dei. *Scientes dico electionem vestram;* hanc, scilicet, quod *Evangelium nostrum non fuit
ad vos tantummodo in sermone, ut scilicet sola verba
sierent in vestra conversione; sed fuit in virtute
miraculorum, et in Spiritu sancto.* In ipsa enim
acceptione fidei multas gratias habuistis; et ita in
virtute et in Spiritu, ut in multa plenitudine et
miraculorum et gratiarum spiritualium. Sic ista, scili-
licet et virtutes miraculorum et gratias Spiritus sancti
fuisse in vobis scimus, *sicut vos scitis* hoc visi-
bile de nobis *quales*, id est quam vehementer tribu-
lati fuerimus in vobis; et hoc propter vosipos lu-
crandos, non propter aliud commodum. Sic fuit
ad vos *Evangelium nostrum, et vos statim facti estis
nostrí imitatores*, et quia *nostri*, ideo imitatores Dei,
quem gloriosum est imitari. *Imitatores dico in multa
tribulatione tolerata, excipientes*, id est in excipien-
do, *verbum*; ut primum enim accepistis verbum fidei,
statim cum fide incepistis pati. *Tribulatione dico
accepta non invita, sed cum gaudio Spiritus sancti,*
quia affluentia gratiarum, quæ erat in vobis, facie-
bat vos gaudere in tribulationibus. Fueritis nostri
imitatores, ita ut facti sitis forma patientiae omni-
bus credentibus in Macedonia et in Achaia, qui prius
vobis crediderunt. Videntes enim vos præcedere illos
ad coronam, laudabant fidei vestrae velocitatem,
accusando suam tarditatem. Illis utique facti estis
forma; *sermo enim Domini diffamatus est a vobis*, id
est notificatus exemplo vestro, non solum in Mace-

A donia et Achaia, sed etiam in omni loco adiacente illis. Nec solum sermo Domini, sed etiam fides vestra plurimum profecta est, quæ fides est ad Deum, id est gloria mundi spreta, Deum solum desiderat. Ita est profecta ut non sit nobis necesse loqui quidquam de introitu nostro ad vos, vel de conversione vestra. Ideo non est necesse quidquam loqui, quia ipsi eidem annuntiant de vobis, id est ad gloriam vestrae fidei, qualem, id est quam difficultem, introitum habuerimus ad vos. Multa enim passi sumus in veniendo et apud vos, propter quæ tamen non sprevistis verbum ex me. Annuntiant etiam de vobis, id est quam perfecte conversi estis ad Deum a similitudinis. In quibus, simulatio tantum, nulla veritas. B *Conversi* dico non tantum credere, sed etiam servire Deo vivo, id est æterno qui vitam æternitatis daturus est vobis. Deo vivo et vero, id est in quo veritas, sicut in idolo simulatio. Nec quoquomodo servire, sed etiam *conversi estis exspectare Filium ejus*, venturum de cœlis ad judicium. Adeo enim bene agendo securi sunt, ut gaudeant occurrere judicii, non formidantes pœnam, sed de præmio securi. Quem Filium Deus suscitarit ex mortuis factum nobis Jesus, id est Salvatorem, **291** cujus suscitatio nostram operatur resurrectionem; qui *Filius eripuit nos ab ira*, id est ab ultione, *ventura impiis*. Eripuit utique in baptismo dimittens peccata.

CAPUT H.

C *Nam ipsi scitis, fratres, introitum nostrum ad vos, quia non inanis fuit, sed ante passi multa, et contumeliis affecti (sicut scitis) in Philippi, fiduciam habuimus in Deo nostro, loqui ad vos Evangelium Dei in multa sollicitudine. Exhortatio enim nostra non de errore, neque de immunditia, neque in dolo, sed sicut probati sumus a Deo, ut crederetur nobis Evangelium; ita loquimur, non quasi hominibus placentes, sed Deo, qui probat corda nostra. Neque enim aliquando fuimus in sermone adulacionis, sicut scitis; neque in occasione avaritiae, Deus testis est; nec querentes a hominibus gloriam, neque a vobis, neque ab aliis, cum possemus vobis oueri esse, ut Christi apostoli. Sed facti sumus parvuli in medio vestrum, tanquam si nutrix soveat filios suos. Ita desiderantes vos cupide, volebamus tradere vobis non solum Evangelium Dei, sed etiam animas nostras, quoniam charissimi nobis facti estis. Memores enim estis; fratres, laboris nostri et fatigacionis: nocte et die operantes, ne quem vestrum gravamus, prædicavimus vobis Evangelium Dei. Vos testes estis et Deus quam sancte et juste et sine querela vobis qui credidistis, affuimus, sicut scitis, qualiter ununquemque vestrum (tanquam per filios suos) deprecantes vos, et consolantes, testificati sumus, ut ambularetis digne Deo, qui vocavit vos in suum regnum et gloriam. Ideo et nos gratias agimus Deo sine intermissione, quoniam, cum accepissetis a nobis verbum auditum, Dei, accepistis illud, non ut verbum hominum,*

sed, sicut est vere, verbum Dei, qui operatur in A
 vobis qui credidistis [ut add. in ipsum]. Vos enim
 imitatores facti estis, fratres, Ecclesiarum Dei,
 quæ sunt in Judæa, in Christo Jesu, quia eadem
 passi estis et vos a contribulibus vestris, sicut et
 ipsi a Judæis, qui et Dominum occiderunt Jesum
 et prophetas, et nos persecuti sunt, et Deo non
 placent, et omnibus hominibus adversantur, pro-
 libentes nos gentibus loqui ut salvi fiant, ut im-
 pleant peccata sua semper. Pervenit enim ira
 Dei super illos usque in finem. Nos autem, fra-
 tres, desolati a vobis ad tempus horæ, aspectu,
 non corde, abundantius festinavimus faciem ve-
 stram videre cum multo desiderio, quoniam vo-
 luimus venire ad vos. Ego quidem Paulus et semel
 et iterum, sed impedivit nos Satanas. Quæ est
 enim nostra spes aut gaudium, aut corona glo-
 riae? Nonne vos ante Dominum nostrum Jesum
 Christum estis in adventu ejus? Vos enim estis
 gloria nostra et gaudium.

EXPOSITIO.

Dicendo superius qualem introitum et quales fra-
 tres, his significaverat vobis difficultatem introitus
 sui; quam, quia exsecutus non fuerat, modo satis
 callide inserit, dicens: Non oportet me dicere qua-
 lem introitum habuimus ad vos: nam, vos ipsi fra-
 tres, satis scitis introitum nostrum ad vos, quia, id est
 quod, non fuit inanis, id est inutilis. Inanis esset si
 pro rebus mundi pateretur, vel si pati resurgeret,
 vel, si in eis fructum fidei non faceret. Non fuit
 inanis, sed ante, id est in veniendo, passi sumus in
 Philippi acerbitate tribulationis, et etiam affecti
 contumelias, id est afflicti opprobriosis verbis. Passi
 et affecti dico sicut vos ipsi scitis. Nos, inquam, ita
 passi et affecti fuimus apud vos in multa sollicitu-
 dine, id est curiosi de domesticis rebus. In multa
 enim penuria eramus, et curiosi ne vos, videntes
 contemptum nostrum, contemneretis in nobis ver-
 bum Dei. Et licet in tanta sollicitudine essemus, ta-
 men habuimus fiduciam loqui ad vos Evangelium
 Dei. Habuimus dico in Domino nostro; præ nimia
 enim difficultate vis humana in nobis deficiens con-
 pellebat nos Deum consulere. Ideo fiduciam habui-
 mus quia exhortatio nostra facta ad vos non erat
292 de errore, id est de suasione erroris, ut doce-
 rem vos errare in fide, neque de immunditia, sicut
 illi Nicolaitæ qui suadent mulieres omnibus esse
 communes. Neque exhortatio nostra est in dolo, id
 est in deceptione. Posset enim esse neque de errore,
 neque de immunditia, et tamen in dolo, si intenderet
 a cipere ab eis. Non fuit in dolo, sed sicut probati,
 id est probabilitate sumus inspecti a Deo, ut ab illo
 cederetur nobis Evangelium. Sicut probati sumus,
 ita loquimur, id est non minus in nobis Deus inven-
 nit quam se inventurum previdit. Loquimur dico,
 non solum non placentes, sed nec etiam facti quasi
 placentes hominibus, sed querentes placere Deo,
 qui probat corda nostra, id est cui etiam aperta est
 nostra voluntas.

Vere non quasi placentes hominibus, neque enim
 aliquando fuimus in sermone adulatio[n]is, sicut vos
 scitis, et vos in testes appello. Neque fuimus in ser-
 mone avaritiae; nec etiam in occasione ut saltem
 suspicari posset de nobis; et Deus inde testis est.
 Et non fuimus querentes gloriam ab hominibus, quia
 neque a vobis, neque ab aliis. Non fuimus in occa-
 sione avaritiae, cum, id est quamvis, possimus vobis
 esse oneri, accipiendo temporalia a vobis ut apostoli
 Christi. Non querentes gloriam, sed facti sumus par-
 vuli in medio, id est humiles in communitate vestrum.
 Nullus enim fuit cui non condescenderim. Parvuli
 dico, tanquam nutrix condescendens parvulo, et
 multa sustinens ab illo. Nec nutrix conducta pretio,
 sed si foreat proprios filios, quibus ex dilectione
 sola parvula sit; nihil ibi querens præter filios.
 Tanquam nutrix filios ita desiderantes vos, non res
 vestras cupide, volebamus tradere vobis non solum
 Evangelium Dei, sed etiam, si oporteret, animas re-
 stras. Ideo quoniam facti estis nobis charissimi, facti
 sumus utique parvuli tanquam nutrix. Vos enim,
 fratres, memores estis laboris nostri et fatigationis:
 posset enim laborare non usque ad fatigationem,
 sed plerumque a Deo laborabat ut magis defessus
 desisteret quam voluntarius. Bene dico laboris et
 fatigationis; nos enim prædicavimus in vobis Evan-
 gelium Dei, operantes nocte ac die, quantum diei re-
 siduum erat a prædicatione et oratione. Ideo sic
 operantes, ne quem vestrum gravaremus; et quod ita
 fecerim, vos estis testes et Deus quam sancte in me,
 et quam justæ ad proximum, et sine querela, id est
 innocenter, sine omni malo, fuimus vobis qui credi-
 distis. Quia sancte et justæ fuimus vobis, sic notum
 habetis sicut scitis hoc, qualiter testificati sumus
 unumquemque vestrum, deprecanentes vos et consolan-
 tes tribulatos tanquam pater consolaretur filios suos.

Testificati sumus ut ambularetis digne Deo, id est
 ut essetis digni habere Deum. Vel, ut dignum sit
 Deum habitare in vobis: qui Deus vocavit vos in
 suum regnum, id est ad hoc ut modo regnaret in vo-
 bis, qui prius eratis regnum diaboli, et in habendam
 gloriam in futuro. Et quia in regnum Dei vocati
 estis, ideo nos gratias agimus Deo sine intermis-
 sione, quoniam, cum a nobis accepissetis verbum au-
 ditus, id est ex solo auditu exciperetis verbum Dei,
 accepistis illud, non ut verbum hominum, sed sicut
 verbum Dei (quod vetum est), qui Deus operatur in
 vobis quotidie qui credidistis. Et vere operatur in
 vobis. Nam vos, fratres, facti estis imitatores Eccle-
 siarum Dei, quæ sunt in Judæa; quæ sunt dico in
 Christo Jesu. Imitatores in hoc, quia passi estis
 eadem et vos a contribulibus vestris, sicut et ipsi
 passi sunt a Judæis. Qui Judæi non mirum si perse-
 quuntur eos, quia occiderunt Dominum Jesum et pro-
 phetas. Nos etiam persecuti sunt, in quo utique non
 placent Deo, licet persequendo nos, arbitrentur ob-
 sequium se præstare Deo. Qui etiam Judæi adver-
 santur omnibus hominibus, id est utilitati omnium
 hominum, prohibentes nos loqui gentibus, ut salves

fiant. Prohibentes ideo ut semper impleant peccata sua, donec juste et sufficienter probati sint, et **293** impii ad cumulum damnationis veniunt. Ideo sic prohibent quia ira, id est excaecatio, *Dei venit super illos usque in finem*, quando Deus auferet velamen de cordibus eorum, et tunc reliquiae salvae sient (*Rom. ix, 27; xi, 5*). Vel, *usque in finem*, id est ad mortem, quando tradentur perpetuo igni. Et quia vos eadem passi estis, ideo, *fratres, nos desolati a vobis*, causa enim desolationis nostræ veniebat a nobis, non quia plangeremus casum, sed quia timebamus: *desolati dico ad tempus*, id est ex quo Timotheum ad vos misimus, donec per eundem constantiam vestram audivimus; ubi ait ad *tempus*, innuit eos non peccasse: *desolati dico remoto ore*, id est sermone nostro a vobis, et aspectu remoto: *non tamen remoto corde abundantius*, quam prius festinavimus videre faciem vestram cum multo desiderio. Ecce dico cum desiderio, quoniam voluius venire ad vos, et in ipso itinere jam eramus. Ego quidem Paulus, quidquid alii formidarent, et semel et iterum venire volui; sed Satanas impedivit nos. Satanas ideo, ut, remota consolatione magistri, faciliter vos pervertere posset. Deus ideo hoc consensit, ut vos de temptatione superata gloriores haberet; ideo Satanas impedivit, quia vos estis spes nostra, etc. Vel ita: Ideo venire voluimus, quia *quæ est nostra spes* habenda in futuro, aut quod est *gaudium* tunc iterum mihi paratum, aut *corona gloriae*, id est *gaudium* illud non erit mediocre, sed *corona gloriae*, id est, *corona gloriosa*: dico quod est *gaudium* et *corona* mea? Sed nonne vos estis per puritatem vitæ positi nunc ante Dominum nostrum Jesum? *Estis dico corona præparata mihi in adventu ejus*. Vere tunc eritis *gaudium* mihi et *corona*, quia etiam jam, ubi carne pressus, minus intelligo, *estis ros gloria nostra et gaudium*.

CAPUT III.

Propter quod non sustinentes amplius, placuit nobis remanere Athenis, solis [*al., solos*]; et misimus Timotheum fratrem nostrum, et ministrum Dei in Evangelium Christi, ad confirmandos vos et exhortandos pro fide vestra, ut nemo moveatur in tribulationibus istis. Ipsi enim scitis quod in hoc positi sumus. Nam et cum apud vos essemus, prædicebamus vobis passuros nos tribulationes, sicut et factum est et scitis. Propterea et ego amplius non sustinens, misi ad cognoscendam fidem vestram, ne forte tentaverit vos is quis tentat, et inanis fiat labor noster. Nunc autem veniente Timotheo ad nos a vobis, et annuntiante nobis fidem et charitatem vestram, et quia memoriā nostri habetis bonam semper, desiderantes nos videre, sicut nos quoque vos; ideo consolati sumus, fratres, in vobis in omni necessitate et tribulatione nostra per fidem vestram, quoniam nunc vivimus, si vos statis in Domino. Quam enim gratiarum actionem possimus Deo retribuere pro vobis in omni gaudio quo gaude-

A mus propter vos ante Dominum Deum nostrum, nocte ac die abundantius orantes, ut videamus faciem vestram, et compleamus ea quæ desunt fidei vestrae? Ipse autem Deus et Pater noster, et Dominus Jesus Christus [*al. deest Christus*] dirigit viam nostram ad vos. Vos autem Dominus multiplicet, et abundare faciat charitatem vestram in invicem, et in omnes, quemadmodum et nos in vobis ad confirmanda corda vestra sine querela, in sanctitate ante Deum et Patrem nostrum, in adventu Domini nostri Jesu Christi cum omnibus sanctis ejus. Amen.

EXPOSITIO.

Propter quod *quia eadem passi estis*, et *quia nos desolati sumus a vobis*, et *quia vos estis gaudium, et corona nostra*, propter hoc non sustinentes amplius, sustinentes ideo ait quia, donec per Timotheum **294** consolatus eos est, et per eundem quomodo in fide starent accepit, quasi grave pondus timens casum eorum sustinuit. Non sustinentes amplius, placuit nobis, mihi et Silvano, *remanere Athenis, solis*, id est ita ut soli essemus a solatio Timothei, qui necessarius erat nobis. Hic significat ab Athenis hanc se direxisse Epistolam. Remansimus Athenis, et misimus Timotheum fratrem nostrum, et ministrum Dei in Evangelium Christi. Commando eum vobis, ipsum audite. Misimus, inquam, ad confirmandos vos, ut in melius proficeretis. Confirmandos et exhortandos dico pro fide vestra custodienda, ne erret vel deficiat. Confirmandas dico, ut nemo vestrum moveatur in tribulationibus istis, quas et vos patimini et nos patimur. Ubi ait: *Nemo moveatur*, innuit eos nondum motos, et se nolle saltem unum a fide moveri. Nec debetis moveri; *ipsi enim bene scitis*, quod nos et vos positi sumus in hoc ut adversa patiamur. Scitis utique. Nam cum apud vos essemus, prædicabamus vobis nos esse passuros tribulationes, sicut utique pro dicto meo factum est, et vos bene scitis esse factum. Propterea, id est quia, passus sum tribulationes, ne tribulatio magistri causa esset defectus vestri, *ego non amplius sustinens, nisi ad cognoscendum fidem vestram*, ut per legatum fidem vestram cognoscerem. Misi ideo, ne forte tentaverit vos is qui tentat, id est, cuius officium est tentare: et ne sic labor noster fiat inanis vobis, succumbentibus tentationi. Olim misi: *nunc autem Timotheo a vobis veniente ad nos, et eo annuntiante nobis fidem quam firmiter tenetis, et charitatem vestram*, qua omnes nos diligere probatis: annuntiante etiam quia, id est quod, *habetis memoriam nostri bonam*, sicut debetis: *desiderantes semper videre nos, sicut nos quoque desideramus videre vos*: illo hoc annuntiante, *consolati sumus, fratres, in vobis*. Ideo, id est pro eo quod sic annuntiante de vobis, et non propter aliud, posset enim hoc ipsi annuntiari, et pro alio consolari: *consolati sumus in vobis per fidem*, id est propter fidem vestram firmiter stantem. Vel, per fidem vestram juro me consolatum esse, quam diligens non pejerarem. Consolati dico

in omni necessitate, id est penuria : et in omni tribulatione nostra, quam a persecutoribus patior : quia nec etiam afflictio mea potest gaudium perturbare quod habeo de vestra firmitate. Ideo dico nos consolatos : quoniam nunc etiam in tribulatione et penuria vivimus, id est in gaudio nos vivere credimus : si vos statis in Domino, quod utique verum est, quia statis. Illud si approbatum est.

Merito ideo vivimus : quia quam actionem gratiarum possumus retribuere Deo pro vobis : in fide et charitate manentibus. Possumus dico nos positi in omni gaudio, quo gaudemus propter vos, existentes ante Deum nostrum. Vel, gaudemus ante Deum nostrum propter vos : placet enim in conspectu Dei, quod oblitus meæ tribulationis, congaudeo bonis vestris. Retribuere ideo dicit, quia bona quæ Deus tribuit Ecclesiis Pauli, Paulus annumerat collata esse sibi. Gaudemus non solum gratias agentes : sed etiam orantes nocte et die abundantius, quam prius nondum audita perfectione vestra : orantes hoc, ut videamus faciem vestram : et praesentes ea compleamus in vobis quæ adhuc desunt fidei vestrae. Paulus cum primum tradidit illis fidem, quia adhuc simplices erant, non sufficietes capere mysteria Dei, secundum ea quæ fidei necessaria erant, eos initiavit : sed quia modo perfecti sunt, si modo esset apud eos, aperiret Scripturas et mysteria Dei : quæ sicut prius superflua essent eorum simplicitati, sic modo deerant eorum perfectioni. Oramus videre faciem vestram : ipse autem Deus et pater noster, et Dominus Christus dirigit viam nostram, id est faciat directum iter nostrum ad vos. Sive autem veniam, sive non veniam, Dominus semper multiplicet vos secundum augmentum membrorum : et faciat abundare charitatem vestram in invicem : quod omnes vicissim diligatis vos in Ecclesia : et in omnibus, id est etiam ad infideles, transeat charitas vestra. **295** Faciat abundare, quemadmodum et nos abundamus charitate in vobis. Abundare dico, ad confirmanda corda vestra, ut voluntas vestra in omni bono sit confirmata. Confirmanda dico, sine querela, ut nulla sit ibi injustitia, et confirmanda in sanctitate, ut in bonis sanciti sitis et confirmati. Sanctitate dico, habita ante Deum et Patrem nostrum, id est in beneplacito Dei Patris. Corda dico sic confirmanda in adventu, id est in consideratione adventus Domini nostri Jesu Christi. Qui enim bene semper memor erit adventus Christi ad judicium, timebit peccando provocare eum. Vel ita : Confirmanda in adventu, id est usque in adventum Domini nostri Jesu Christi. Christi dico venturi cum omnibus sanctis suis, qui cum eo iudicatur sunt mundum. Vel, confirmanda cum omnibus sanctis ejus, ut sic confirmet et vos quemadmodum confirmavit sanctos suos. Amen, id est ita fiat, ut vos sic confirmemini.

CAPUT IV.

De cætero ergo, fratres, rogamus vos et obsecramus in Domino Jesu, ut quemadmodum accepistis a nobis quomodo oporteat vos ambulare et placere Deo; ambulare dicitur, in his quæ ex dilectione sine quibus homo nequit salvari; placere in his quæ ex dilectione homo superaddit, ut servare **296** virginitatem, nihil possidere in mundo; quæ si non faceret, posset tamen salvari : oporteat ambulare, sicut credo, quod ambulatis, licet sic vos admoneam : rogamus et obsecramus, ut abundetis magis, ambulando et placi-

placere Deo, sic et ambuletis ut abundetis magis. Scitis enim quæ præcepta dederim vobis per Dominum Jesum. Hæc est enim voluntas Dei sanctificatio vestra (*Rom. xii, 2; Ephes. vi, 17*), ut abstineatis vos a fornicatione, ut sciat unusquisque vestrum vas suum possidere in sanctificatione et honore, non in passione desiderii, sicut et gentes quæ ignorant Deum. Et ne quis supergrediatur, neque circumveniat in negotio fratrem suum, quoniam vinorum est Dominus de his omnibus, sicut prædictus vobis, et testificati sumus. Non enim vocavit nos Deus in immunditiam, sed in sanctificationem. Itaque qui hæc spernit, non hominem spernit, sed Deum, qui etiam dedit Spiritum suum sanctum in nobis. De charitate autem fraternitatis non necesse habuimus scribere vobis. Ipsi enim vos a Deo didicistis ut diligatis invicem (*Joan. xiii, 34*). Etenim illud facitis in omnes fratres, in universa Macedonia. Rogamus autem vos, fratres, ut abundetis magis, et operam detis ut quieti sitis, et vestrum negotium agatis; et operemini manibus vestris, sicut præcepimus vobis, et ut honeste ambuletis ad eos qui foris sunt, et nullius aliquid desideretis. Nolumus autem vos ignorare, fratres, de dormientibus, ut non contristemini, sicut et cæteri qui spem non habent. Si enim credimus quod Jesus mortuus est et resurrexit, ita et Deus eos qui dormierunt per Jesum adducet cum eo. Hoc enim vobis dicimus in verbo Domini, quia nos qui vivimus, qui residui sumus, in adventu Domini non præveniemus eos qui dormierunt. Quoniam ipse Dominus in jussu et in voce archangeli, et in tuba Dei descendet de celo, et mortui qui in Christo sunt, resurgent primi. Deinde nos qui vivimus, qui relinquimur, simul rapiemur cum illis in nubibus obviam Christo [al., Domino] in aera, et sic semper cum Domino erimus. Itaque consolamini invicem a verbis istis.

EXPOSITIO.

Hucusque partem perfectorum collaudavit, et ad incrementum perfectionis adhortatus est. Nunc incipit instruere partem illam, quæ videbatur corrupti fornicatione, curiositate, otio, et de resurrectione dubitando, dicens : Vos perfectos sic laudo, et ad incrementum invito. *De cætero ergo, fratres,* id est ad alteram partem agens, rogamus vos quasi rem debitam, et obsecramus mitius agentes, dum preciamur quod imperare licet : obsecramus, inquam, in Domino Jesu, si de illo gaudere vultis, ut quemadmodum accepistis a nobis quomodo oporteat vos ambulare et placere Deo; ambulare dicitur, in his quæ ex dilectione sine quibus homo nequit salvari; placere in his quæ ex dilectione homo superaddit, ut servare virginitatem, nihil possidere in mundo; quæ si non faceret, posset tamen salvari : oporteat ambulare, sicut credo, quod ambulatis, licet sic vos admoneam : rogamus et obsecramus, ut abundetis magis, ambulando et placi-

admoniti a me, quam prius. Et oebetis abundare; scitis enim quæ, id est quam digna, præcepta dedemus vobis per Dominum Jesum, sic instituentem mihi. Digna utique præcepta dedi vobis. Num hæc est voluntas Dei vestra sanctificatio, id est ut vos sanctificati sitis, remoto omni vitio a vobis. Hæc est, inquam, vestra sanctificatio, ut vos abstineatis a fornicatione, ne corrumpatis uxorem proximi. Et ut sciat unusquisque vestrum vas suum possidere, id est suum corpus. Sicut enim miles in tabernaculo, sic spiritus in corpore militare debet Deo: manibus, ministrando pauperibus; pedibus, visitando infirmos, et similia, in cæteris membris. Possidere ideo dicit, quia corpus ita debet domari a spiritu ut possideatur quasi servus rationis, portans quodcumque onus imponitur sibi. Possidere dico in sanctificatione, ut fiat sanctum in habitatione virtutum, et possidere in honore, ut non inclinetur ad actum turpitudinis, et non in desiderio, ut saltem desideret turpem actum, nedum operetur. Desiderio dico quod est esse in passione. Gravis enim passio est animi vivere in desiderio carnis. Vivere in passione desiderii, sicut falsi Christiani, et gentes quæ ignorant Deum, faciunt. Abstinete a fornicatione, et ab adulterio. Quod sic ait: *Ne quis supergrediatur fratrem suum in ullo privato negotio cum uxore ejus habito, neque circumveniat in eodem.* Supergredi esset, si violenter raperet alterius uxorem. Circumvenire, si seductione pretii vel precis subverteret uxorem proximi consentire sibi. Hanc sententiam non satis aperte innuunt verba libri, sed priora et sequentia hanc velle videntur. Vel illa priora mutantur. Abstinete a fornicatione cum meretricibus, ut sciat unusquisque vestrum possidere suum vas, id est suam uxorem quæ corpus est viri in sanctificatione, id est, in munditia et in honore. Non in turpitudine, et non in passione desiderii, id est ne nimis carnaliter afficiatur circa uxorem, sicut gentes faciunt quæ Deum ignorant. Illud quod sequitur non mutatur, ideo nemo circumveniat fratrem, etc., quoniam Dominus vindictus est de his omnibus, tam de fornicatione, quam de adulterio, sicut prædictus vobis cum essemus apud vos, et testificati sumus testimoniis Scripturarum.

Vere Dominus vindictus est de his; nam Deus non roavit nos in immunditiam operandam, sed in sanctificationem habendam, et quia non in immunditiam, sed vocavit nos Deus in sanctificationem. Itaque qui spernit hoc cavere, scilicet a fornicatione et adulterio, non spernit hominem, sed Deum, qui vocat in sanctificationem: spernit etiam hospitem suum Spiritum sanctum. Quod sic ait: *Qui Deus dedit Spiritum suum sanctum in nobis, quem si Deum spernitis, cum Deo spretum perditis.* De fornicatione et adulterio sic vos instruimus; sed de charitate fraternitatis non habemus necesse scribere vobis, quia vos ipsi didicistis a Deo vel interius inspirante, vel in Evangelio hoc docente, ut diligatis invicem, ubi ait: « Hoc est præceptum meum

A (Joan. xv, 12), » etc. Ideo iterum non est necesse scribere vobis, quia vos faciatis illud præceptum dilectionis in omnes fratres existentes in universa Macedonia. Sed licet non sit necesse ideo scribere vobis, tamen rogamus vos omnes, fratres, ut magis solito abundetis in charitate, et detis operam ut sitis quieti, nou ita per urbem curiosi rumoribus inquiratis; et ut sitis quieti, agatis vestrum negotium, ne, contemptis propriis, aliena negotia curetis. In his verbis vitium curiositatis interdicit. Et ut sitis quieti, operemini manibus vestris, unde vobis habeatis, ne otiosi alienos labores illicite consumatis. Hic otiositatem prohibuit, Operemini dico, 297 sicut parentes præcepimus vobis. Operemini, quia præcepimus vobis, et ut honeste ambuleatis ad eos, qui foris sunt, id est in conspectu infidelium, ne habeant in quo possint detrahere vobis. Ideo etiam operemini, ut nullias aliquid desideretis, id est ut habentes de proprio labore res alterius non concupiscatis, quod egestas veniens ex otio desiderare compellit.

B Nunc dubietatem quam de resurrectione habent, congruis rationibus absolvit, dicens: De charitate non est necesse scribere vobis; sed de dormientibus nolumus vos ignorare, fratres. Dormientes vocat mortuos, ut ostendat tam facile Deum resuscitare mortuos quam facile est dormientem suscitat e somno. Ideo nolumus vos ignorare de dormientibus, ut non contristemini immoderate super mortes propinquorum, sicut gentiles et etiam falsi Christiani, qui non habent spem resurrectionis futuræ. Et de resurrectione desperantes sic contristari non debetis, quia, si credimus quod Jesus resurrexit, et ut veram ejus resurrectionem probet, præmittit: *Jesus vere mortuus est et resurrexit;* si hoc, inquam, credimus, ita et credere debemus quod eos qui, vivendo per Jesum, dormierunt per Jesum, id est vita quorum et mors in Jesu fuit, eos, inquam, adducet Deus cum eo, id est cum Jesu impossibilis, immortales in gloria. Falsam quorundam opinionem, qui dicebant corpora in die illo adhuc integra posse resurgere, ea vero quæ essent dissoluta in cineres, nunquam resurgere, destruit, dicens: *Vere qui dormierunt adducentur cum Jesu; nam hoc dicimus vobis in verbo Domini.* Deus enim hoc nobis revelavit, quia, id est quod, nos qui vivimus in adventu Domini, et qui residui sumus tot malis. Ponit se quasi futurum in die ultimo, ideo quia persecutio apostolorum et fidelium sub Antichristo futurorum, simili difficultate comparabitur. Unde idem alibi. Nos sumus in quos fines sæculi devenerunt (I Cor. x, 11). » Nos, inquam, qui residui sumus in adventu Domini, non præveniemus eos qui dormierunt in resurrectione qui ante nos dormierunt, ut Abraham et cæteros. In hoc versu utrumque fecit, et veritatem resurrectionis omnium approbat, et de quibus dubitabant, eorum resurrectionem prius futuram esse ostendit.

C Hic tamen notandum quod justorum resurrectionem solummodo approbat. Vere nos residui non

præveniemus priores, quoniam ipse Dominus Christus descendet de celo in jussu et cum imperio, qui olim descendit in obedientia et humilitate; descendet etiam in voce archangeli. Sive hic, archangelus significet Christum propria voce insonaturum, sive alium angelum determinatum, non habemus quis illam vocem datus sit ad quam resurgent mortui. In voce archangeli et in tuba Dei; vox enim illa erit quasi tuba, quæ suos excitat, adversarios terret, sic vox illa invitabit sanctos ad palmarum, impios deterreret ad poenam. Sic, inquam, Jesus descendet, et tunc mortui qui jam diu sunt in Christo, ut Abraham et cæteri, surgent primi. Et deinde post illos nos qui vivimus, in tempore illo, et qui relinquimur tot persecutionibus Antichristi, simul rapiemur cum illis prioribus in nubibus. Nubes enim portabunt nos obviam Domino in aera, ubi de omnibus iudicabit, et exinde erimus cum Domino semper nos electi. Erimus, inquam, sic, id est cum corporibus resumptis in incorruptione. Et quia ex his verbis approbata est vobis veritas resurrectionis, itaque consolamini invicem in verbis istis, id est alter alterum dicentes: Vere resurgemus impassibiles, cum Domino erimus, etc.

CAPUT V.

De temporibus autem et momentis non indigetis ut scribamus vobis. Ipsi enim diligenter scitis, quia dies Domini sicut fur in nocte, ita veniet (Apoc. iii, 3). Cum enim dixerint 298: Pax et securitas, tunc repentinus eis superveniet interitus, sicut dolor in utero habentis, et non effugient. Vos autem, fratres, non estis in tenebris, ut vos dies illa tanquam fur comprehendat. Omnes enim vos filii lucis estis, et filii diei: non sumus noctis neque tenebrarum. Igitur non dormiamus sicut et cæteri, sed vigilemus et sobrii simus. Qui enim dormiunt, nocte dormiunt, et qui ebrios sunt, nocte ebrios sunt. Nos autem qui dici sumus, sobrii simus, indui loricam fidei et charitatis, et galeam spem salutis (Ephes. vi, 17). Quoniam non posuit nos Deus in iram, sed in acquisitionem salutis per Dominum nostrum Jesum Christum, qui mortuus est pro nobis, ut sive vigilemus, sive dormiamus, simul cum illo vivamus: propter quod consolamini invicem, et ædificate alterutrum, sicut et facitis. Rogamus autem vos, fratres, ut neveritis eos qui laborant inter vos, et præsunt vobis in Domino, et monent vos, ut habeatis illos abundantius in charitate, et propter opus illorum pacem habete cum eis. Rogamus autem vos, fratres, corripite inquietos, consolamini pusillanimes, suscipite infirmos, patientes estote ad omnes. Videte ne quis malum pro malo alicui reddat, sed semper quod bonum est sectamini in invicem et in omnes. Semper gaudete, sine intermissione orate (Eccli. xviii, 22; Luc. xviii, 4), in omnibus gratias agite. Hæc est enim voluntas Dei in Christo Jesu, in omnibus vobis. Spiritum nolite extinguerre, prophetias nolite spernere.

A Omnia autem probate, quod bonum est tenete, ab omni specie mala abstinetis. Ipse autem Deus pacis sanctificet vos per omnia, ut integer spiritus vester et anima et corpus sine querela in adventu Domini nostri Jesu Christi servetur. Fidelis est qui vocavit vos, qui etiam faciet. Fratres, orate pro nobis. Salutate fratres omnes in osculo sancto. B Adjuro vos per Dominum, ut legatur Epistola haec omnibus sanctis fratribus. Gratia Domini nostri Jesu Christi vobiscum. Amen.

EXPOSITIO.

Postquam resurrectionem corporum satis dilucide approbavit, subdit de illa ultima die, quæ justis ad gloriam, impiis futura est ad poenam, ut terrore illius diei hi qui in peccato fornicationis, curiositatis et otii erant, resipiscant; desiderio futuræ gloriæ conformitati bonorum se inserant. Littera sic jungitur: De resurrectione mortuorum quia ignorabatis, scripsimus vobis; sed de temporibus futuris usque ad diem judicii, id est quot tempora, seu centum, seu mille anni futuri sint usque ad diem judicii: vel, de temporibus, id est, an æstate an hieme, an die, an nocte futurum sit judicium, et de momentis, id est qua hora diei vel noctis, æstatis an hie mis. De his utique, fratres, non indigetis ut scribamus vobis. Ideo non indigetis, quia vos ipsi diligenter, id est diligent investigatione Scripturarum, scitis hoc quod nos inde scimus, id scilicet, quia dies Domini ita veniet sicut fur venit in nocte. Diem non ideo dicit, quod determinate sciatis in die futurum judicium, sed ideo, quia tunc in illo judicio omnia erunt quasi in die, id est in aperta manifestazione quæ prius fuerant occulta, domini dicit hunc esse diem, quia tunc incipient omnia fieri ex voluntate et imperio Domini, sed nunc flunt in hoc mundo non ex voluntate Dei multa, sed flunt ex permissione. Dies, inquam, Domini veniet ita sicut fur, ut magis occultus sit veniens in nocte. Fur quidem si in die veniat, facilius providere nobis possumus ab eo; sed si in nocte, nox ipsa opportunitatem ministrans adjuvat furis iniuriam. Ideo dies ille venire dicitur sicut fur in nocte, quia, sicut quilibet dives, sero multa circumdat opulentia, nocte interceptus a fure, in crastina se nudum invenit, sic illi qui in peccatis negligunt a die illo providere sibi, sero divites in mundanis, in crastino sublati de mundo invenientur nudi, perditis temporalibus, et æternis mancipati incendiis. Dies Domini licet maxime intelligitur dies judicii; quæ tamen dies Domini in morte uniuscujusque incipit.

299 Notandum etiam quod dies illa impiis quidem, nolentibus providere sibi, sicut fur in nocte veniet; sed justis semper vigilantibus, quacunque hora veniat, non venit sicut fur, quia potius tunc augebuntur quam in aliquo diminuantur. Vere ita veniet sicut fur, quia cum illi amatores mundi dixerint: Pax est nobis in presentibus et securitas de futuro, tunc superreniet eis repentinus interitus, id est improvisa damnatio. Repentinus dico, sicut dolor

habent in utero repentinus supervenit. Non determinat quid in utero habeat, sed hoc esse dictum de prægnante muliere satis intelligitur. Et propter utrumque, prægnantis dolori comparavit, et quia ille dolor subitus est, nec scit prægnans determinare sibi horam certam, sed ubique intercepta fuerit, parit; et propter majorem angustiam hujus doloris, sic in illo die et improviso veniet interitus et omni plenus angustia. Ne videretur hic interitus esse transitorius, sicut dolor prægnantis, subjungit: Superveniet quidem interitus, et non effugient impii illum interitum semper in eo perdurantes. Quia modo tanta asperitate verborum eos deterruit, in sequentibus demulceret eos dicens eos non esse quibus debeat hic interitus supervenire. Impii quidem non effugient repentinum interitum, sed vos, fratres, non estis in tenebris, id est in ignorantia et obscuritate peccati, ut illa dies comprehendat vos, tanquam sur. Comprehenderet eos si in peccatis impenitentes inveneret. Vere non estis in tenebris. Nam vos omnes estis filii lucis, id est geniti in luce fidei, et estis filii dici, id est in bonis operibus generati, quia sicut lux præcedit, dies sequitur; sic fides prior est, opera bona sequuntur. Filii lucis et non estis filii tenebrarum, id est ignorantiae, et non filii noctis, id est densitatis peccatorum. Sicut enim tenebrae noctem præcedunt, sic prius ignorantia veritatis, et per ignorantiam venitur in densitatem peccati. Et quia filii lucis et diei sumus, non noctis et tenebrarum, igitur non dormiamus, id est non torpentes simus sicut infideles, et etiam falsi fideles; sed vigilemus, id est in bono operando studiosi simus et sobrii, id est non amore temporalium inebrati simus.

Debemus vigilare et sobrii esse, quia qui dormiunt, id est torpescunt, illi dormiunt nocte, id est propter noctem, id est densitatem peccatorum in quibus sunt, et qui sunt ebrii, amore temporalium, oblitio cœlestium, hi sunt ebrii nocte, id est propter noctem, id est (sicut dictum est) densitatem peccatorum. Qui ebrii sunt, nocte sunt ebrii, sed nos qui sumus non noctis sed diei, simus sobrii, id est non amore temporalium excecati. Simus, inquam, sobrii, induit lorica fidei. Et bene fidem loricæ comparavit, quia sicut in lorica multi hami sunt concatenati in unum, sic in fide multa sunt ad credendum necessaria, concatenata tamen in eamdem unitatem. Induti etiam loricam charitatis qua Deum diligamus et proximum, securi simus: et bene protecti fide et charitate ad omnem impetum hostium. Et induit galeam hanc, scilicet spem futuræ salutis, ut sicut galea protegit caput, ita mens nostra spe futuræ beatitudinis obvolvatur. Debemus sperare salutem, quoniam Deus non posuit nos in iram, id est in perditionem, sed posuit nos in præmissis, fide, charitate et spe, in acquisitionem salutis, id est ut per hoc acquiramus perpetuam salutem. Salutis dico habendæ, per Dominum nostrum Jesum Christum. Ponit meritum Christi, quo istam salutem nobis promeruit, dicens: Quia Christus mortuus est pro nobis, ut nos vivamus

A simul cum illo in æterna gloria. Sive vigilemus, id est sive vivi in adventu Christi inventi fuerimus, sive dormiamus, id est sive mortui inveniamur. Propter quod, id est quia fidem, charitatem et spem dedit nobis in acquisitionem salutis, ideo consolamini invicem eos qui neverunt haec, et edificate alterutrum eos qui ignorant sicut credo quod vos etiam facitis.

Postquam partem perfectorum de fide et bono fidei satis collaudavit, alteram vero partem de correctione admonuit, 300 subditos et prælatos abhinc alternatim ædificat quomodo se contemperare debeant subditi prælatis, et e converso, dicens: Bonos de incremento laborare, errantes a peccatis declinare admoneo. Vos autem, fratres, qui subditi estis, rogamus ut neveritis eos qui laborant inter vos, id est, prælatos, qui jejunando, orando et docendo, de salute vestra laborant: neveritis dicit, ut in his quibus indigent, ministrant illis: qui laborant dico, et præsunt vobis in Domino sic disponente, et qui monent ros ad meliora; non solum ut neveritis, sed etiam ut abundantius habeatis illos in charitate quam soliti sitis. Et habete pacem, id est concordiam, cum eis, si vos acrius reprehendunt, propter opus illorum, id est scientes quia sic exigit opus ministerii illorum, ut vos aberrantes ad viam justitiae compellant. Subditos sic rogamus; vos autem, fratres, qui prælati estis, rogamus hoc, corripite asperiori correctione inquietos, id est curiosos vagantes per urbem, consolamini pusillanimes, pusillum animum in passione tribulationum habentes. Vel pusillanimes, id est pauperrimam confidentiam de misericordia Dei habendo, pro immanitate scelerum desperantes; suscipe infirmos, id est eos qui infirmæ sunt fidei, de resurrectione desperantes, suscipe ad sanandam infirmitatem fidei, sicut medicus suscipit ægrotum. Et estote patientes ad omnes, et ad inquietos, et ad pauperrimales, et ad infirmos, ne, si contradicunt, conferatis ideo manus ad litigium. Dicerent illi: Patimur quidem illos, sed non ultra docebimus eos. Ad haec Paulus: Estote patientes, et in patiendo videte ne quis reddat alicui malum pro malo, subtiletes verbum instructionis, licet prius impatienter auditum, sed semper sectamini id quod bonus est, id est utile ad instructionem Ecclesiæ. Sectamini dico et invicem, id est inter vos in Ecclesia, et etiam transundo in omnes, docendo etiam infideles. Et semper, sive pati oporteat, sive non, gaudete, et orate sine intermissione determinatarum horarum, ut certa tempora orationis non negligatis. Vel, orate sine intermissione, ut, sive dormiatis, sive vigiletis, semper oretis. Et, juxta hanc sententiam, dicunt sancti illum semper esse in oratione qui in nullo offendit, sed, sive vigilet, sive dormiat, semper ad Christum anhelat. Et in omnibus quæcumque facitis, vel dicitis, agite gratias Deo, sive incumbant adversa, sive demulcent vos prospera. Orate et agite gratias, quia voluntas Dei haec est in omnibus vobis: ut omnes oretis et agatis gratias. Est dico in Christo Iesu, id

est in institutione Christi Jesu, cumque sit institutio Dei et voluntas, oportet orare, gratias agere. Quod ibi ait : *Semper gaudete*, etc., ad praelatos spectat; et ad subditos, omnes *gaudete et orate*. Vos autem, praelati, *nolite extinguere Spiritum*, ut ea quae *Spiritus sanctus ministraverit subditis, occultetis*. Et vos, subditi, *nolite spernere prophetias*, id est revelationes Scripturarum, factas vobis a praelatis. Et licet dicam *nolite spernere*, tamen *omnia probate*, id est probabilitatem prius considerate; ne admistione falsitatis decipiāmini. Et postquam probaveritis, *tenete illud quod bonum*, id est *utile est*, et *abstinete vos non solum ab eo quod malum est*, sed etiam *ab omni specie mala*, id est ab eo quod aliquam imaginem mali retinet, etiamsi malum sit. Ideo maxime dixit *a specie mala*, quia illi hæretici mutuabant voces fidei, ut per æquipollentias vocum, simplices traherent in errorem. Vos, praelati et subditi, facite quod

A potestis; ipse autem Deus pacis perficit in vobis illud in quo deficitis, scilicet *sanctificet vos per omnia*, et in sanctificatione ab eo data vos conservet perseveranter. Quod ita ait : *Sanctificet vos, et servetur integer*, id est non corruptus aliqua tabe mali, *spiritus vester*, id est ratio vestra, ne velit consentire sensualitati, et *anima*, id est sensualitas, ne male suadeat rationi, et *corpus servetur sine querela*, ne polluatur opere cuiuslibet turpitudinis. Servetur dico in, id est usque, *adventum*, vel in *adventu*, id est in consideratione adventus Domini nostri Jesu Christi. **301** *Orate et cætera quæ sequuntur facite*, quia *fidelis est Deus qui vos per gratiam vocavit*, qui etiam faciet, id est in vobis consummabit, id ad quod vocati estis. Nos ita laboramus pro vobis, et, B vos, frates, orate pro nobis, et salutate omnes fratres ex dilectione nostra in osculo sancto, ut alter osculetur alterum.

ARGUMENTUM IN EPISTOLAM SECUNDAM AD THESSALONICENSES.

Ad Thessalonicenses secundam scribit Epistolam Apostolus, et notum facit eis de temporibus novissimis, et de adversarii dejectione. Scribit hanc Epistolam ab Athenis per Titum diaconum et Onesimum acolythum.

PROLOGUS B. BRUNONIS IN EAMDEM.

Hanc iterum Epistolam scribit Thessalonicensibus, ideo quia in præcedenti epistola ex verbis Pauli, ubi dixerat : *nos qui vivimus rapiemur obviam Domino in aera*, etc., sumpserant hanc suspicionem ut ipsis viventibus futurum putarent Antichristum diemque judicii. Unde et plurimum erant perterriti. Sed quia malum erat eos de falsitate terreri, judicavit Paulus ideo iterum scribere eis, ne si non determinaretur hæc ambiguitas, dum post dies Pauli invenirent non contigisse quod Paulum putabant sic prædictisse, et in hoc et in omnibus quæ docuerat, arguerent Paulum de mendacio, et sic a via veritatis, quam illis tradiderat, recederent. Praeterea aliud malum ex hac dubietate posset contingere ut si Satanas, vi- dens illos credentes in proximo futurum judicium, ostenderet se in aere insignitum diademate, seque Christum venientem ad judicium asserens, falleret Thessalonicenses, de quibus pervertendis tanto amplius laborabat quanto eos perfectiores esse sciebat, vel, in somniis apprendendo, eos in eodem ludificaret.

C Ideo etiam hanc iterum scripsit, quia illi curiosi et otiosi non ad imperium Pauli fuerant correcti. Scripsit iterum ideo, quia persecutions ad patientiam quarum eos in priori armaverat, nondum defece- D rent; sed fortassis augmentatae fuerant. Hæc tria, persecutions, diem judicii, et illos incorrectos, materiam habuit, armando eos ad patienda omnia, ostendens justis gloriam qui tribulantur, eosque tribulibus futuram damnationem. Determinans etiam certis et evidenter signis futuram diem judicii. Illosque incorrectos præcipiens a communione Ecclesiæ sequestrari, non tamen jam eis, sed scribens Ecclesiæ de illis. Ea utique intentione sic agit ut qui patiuntur pro Christo perseverantes sint in pa- tiendo, et qui territi erant propinquitatem putantes judicii, non terreantur de falsitate : et qui adhuc incorrecti fuerant, saltē erubescendo, se a communione aliorum projectos resipiscant. Salutationem præmittens ait :

EPISTOLA II AD THESSALONICENSES.

CAPUT PRIMUM.

Paulus et Silvanus et Timotheus, Ecclesiæ Thessalonicensium in Deo Patre nostro et Domino Iesu Christo. Gratia vobis et pax a Deo Patre nostro et Domino Iesu Christo. Gratias agere debemus semper Deo pro vobis, fratres, ita ut di-

gnum est, quoniam supercrescit fides vestra, et abundat charitas uniuscujusque vestrum in invicem, ita ut et nos ipsi in vobis gloriemur in Ecclesiis Dei pro patientia vestra et fide, et in omnibus persecutionibus vestris et tribulationibus, quas sustinetis in exemplum justi judicii Dei, ut digni

« habeamini in regno Dei, pro quo et patimini, si tamen justum est apud Deum retribuere **302** t. - bulationem [retributionem] bis, qui vos tribulant, et vobis qui tribulamini requiem nobiscum in relatione Domini Jesu de cœlo cum angelis virtutis ejus, in flamma ignis dantis viudicatam illis, qui non neverunt Deum, et qui non obediunt Evangelio Domini nostri Jesu Christi. Qui poenas dabant in interitu æternas a facie Domini, et a gloria virtutis ejus, cum venerit glorificari in sanctis suis, et admirabilis fleti in omnibus qui crediderunt, quia creditum est testimonium nostrum super vos in die illo. In quo etiam oramus semper pro vobis, ut dignetur vos vocatione sua Deus nosster, et impleat omnem voluntatem bonitatis suæ [non hab. suæ], et opus fidei in virtute, ut clarificetur nomen Domini nostri Jesu Christi in vobis, et vos in illo, secundum gratiam Dei nostri et Domini Jesu Christi. »

EXPOSITIO.

Paulus, et Silvanus, et Timotheus scribunt Ecclesiæ Thessalonicensium existenti in Deo Patre nostro et Domino Jesu Christo. Sicut totum in priori Epistola exposuimus, in primis collaudat eos de passionibus suis, supponendo gloriam eorum qui patiuntur, et poenam eorum qui passiones inferunt, sic eos armando ad patientiam, dicens : *Gratias agere debemus Deo, id est non solum gratias agimus, sed semper debitores gratiarum sumus Deo pro vobis, quia fratres estis. Agere dico, ita ut dignum est : quia magna sunt dona Dei, et multa, oportet et magnas et multiplices agere gratias, ideo quoniam fides vestra supercrescit. Vel super hoc quod prius erat majorata. Vel super tribulationes crescit, quas omnes superat, et ideo agere gratias, quoniam abundarit charitas, id est dilectio uniuscujusque vestrum in invicem.* Hoc tantum ad perfectos spectare intellegendum est. Ita supercrescit fides, abundant charitatis ut etiam nos ipsi qui non gloriaremur de parva regia vestris Dei, gloriemur in vobis, id est in ostendendo affectionis vestre. Glorior apud alias Ecclesias propter nostra vestra, qua pro Christo patimini et pro fide vestra in integritate, servata fide et conscientia. Dico habita in omnibus persecutionibus vestris, quando de loco ad locum fugamini, et in tribulationibus, quando verberibus et opprobriis tribulamini, quas persecutions et tribulationes vos sustinetis in exemplum justi judicii Dei, id est ex justo judicio Dei. Justum enim est sanctos tribulari, ut purificantur; impios potestatem habere in justos, ut impietas eorum consummetur. Et ita sustinetis ex justo judicio, ut sitis in exemplum justi judicii. *In vobis enim exemplificare possumus aliis quam justum sit judicium Dei. Sustinetis ideo ut digni habeamini in regno Dei, id est in quibus Deus regnet in praesenti. Vel digni sitis recipi in futuro regno Dei. Vos, sicut intelligo, sustinetis ut digni habeamini pro eo, quo eodem ut digni habeamini in vos, etiam secundum intellectum et voluntatem vestram pati-*

A mini. Quod judicium Dei justum sit, quo justi ad purificationem affligantur, impii ad consummationem iniquitatis hic prosperantur, probat per affectus, et finem utriusque justi et impii. Ideo per finem; quia per ista quæ videntur non posset dare idoneas causas quare justus affligeretur, impius prosperaretur; juxta illud quod ait David in eo psalmo *Quam bonus (Psalm. lxxii, 16) : Existimavi ut cognoscerem, quare hic poena justo, prosperitas tribuatur impio; sed hoc cognoscere labor est, id est, si attendo tantum ea quæ sunt ante me, id est præsentia, judicium Dei justum est, quo justi ad purificandum in præsenti affliguntur, impii ad augmentum impietatis prosperantur.*

Hac tamen conditione justum esse dico, si justum B est apud Deum. Apud homines enim qui secundum visum judicant, sanctos affligi, malos prosperari in justum est. Si, inquam, justum est apud Deum retribuere in futuro tribulationem, qui vos modo tribulant, et vobis qui modo tribulamini in futuro retribuere requiem, tunc est justum vos justos hic per tribulationes purificari, et impios concessione prosperitatis ad futuram tribulationem preparari : *Vobis utique retribuere requiem nobiscum*

303 habendam, in eadem enim gloria eritis in qua et nos apostoli. Nunc determinat modum glorie justorum, et damnationes impiorum, ut justos laetificet, impios deterreat, dicens : *Retribuet impiis tribulationem, nobis requiem, in revelatione Domini*

C *Jesu, id est quando Dominus Jesus, qui nunc infidelibus occultus est, omnibus in judicio revelabitur.*

Jesu dico, venturi ad judicium de cœlo. Ubi ait de cœlo, potentiam venientis indicat. Venturi dico de cœlo cum angelis virtutis ejus.

In illo adventu angelii virtutis esse dicuntur, quia tunc omnia potentialiter, et bonos in requiem, et malos porrigit in ignem; sed in præsenti quandoque eos etiam quibus

præsunt ab impiis patiuntur affligi, tunc autem non sic.

In his verbis æque et laetificat justos, quibus veniet ad salutem, et deterret malos, quibus veniet ad poenam. Modo subdit quæ tantum sunt ad deterendum malos, dicens : Veniet Jesus de cœlo in flamma ignis, id est in ignita flamma.

Illa flamma præcipue ignis esse dicitur, quia flamma præsentis ignis

D *contemporatur admistione aquæ, et cæterorum elementorum, sed futura flamma adeo terrens et aspera erit quod nullius elementi admistione videbitur contemperari. In flamma ignis Christus dicitur venire,*

non quod flamma circa eum sit, sed quia eo adveniente consurget illa, sicut quilibet princeps dicitur

venire in igne et occidente, quia eo adveniente et multi occiduntur, et multa comburuntur. Ignis dicitur vindictam, id est poenam his qui non obediunt Deum,

id est qui fidem non habuerunt, non tam solum, sed etiam his qui si fidem habuerunt, non tamen obedierunt Evangelio Domini nostri Jesu Christi;

qui utrique, et non cognoscentes Deum, et non obedientes Evangelio dabunt æternas poenam in inter-

itum, id est in locum poenarum, projecti a facie Do-

mini, ne ultra videant eum : et projecti a gloria A virtutis ejus, juxta illud : « Tollatur impius ne videat gloriam Dei (*Isa. xxvi. 10.*) ». Dabunt ea similitudine dicit, quia non majoris donum gaudii possunt dare sanctis quos afflixerunt quam poenas quas patientur.

In his verbis impios perterriti. In sequentibus letificat justos, dicens : Impii dabunt poenas cum Christus venerit glorificari, id est ut gloriosus appareat in sanctis suis remunerandis, quia et si in hoc mundo per miracula et quædam alia gloriosus videtur in sanctis, tunc longe amplius glorificabitur in illis, quando illos ab omni inquietudine eruptos, gloria indescienti circumvallabit. Nec solum glorificari, sed etiam (quod majus est) admirabilis venerit fieri in omnibus qui crediderunt, id est qui per solam fidem salvabuntur, si ætatem operandi non habuerint. Ideo retribuet vobis requiem, quia testimonium nostrum in die illo, id est hoc, quod testificati sumus vobis de die illo quo sanctis requiem, impis retribuet tribulationem : hoc, inquam, creditum est a vobis, quia bene credidistis huic testimonio nostro, quod testimonium fuit super vos, quia bene supporsiis dorsum oneri quocunque imponebamus, credentes et operantes quod docebamus, in quo die ut Dominus dignetur, id est faciat vos dignos sua vocatione, nos etiam semper oramus pro vobis, ut in futuro dignetur vos, et ut in præsenti implete omnem voluntatem bonitatis, id est in omnibus ad plenum bonam voluntatem habeatis, et ut implete in vobis opus fidei. Confleri Christum in oculis persequendum, hoc est opus quod fides exigit. Opus fidei dico, in virtute : cum enim constitetur quis fidem coram persequente, tunc necessaria est virtus constantiae. Oramus etiam ut nomen Domini nostri Jesu Christi in hoc mundo clarificetur in vobis, secundum fidem agentibus, et ut vos in futuro clariscemini in illo remunerante vobis, non secundum meritum vestrum, sed secundum abundantem gratiam Domini nostri Jesu Christi.

304 CAPUT II.

Rogamus autem vos, fratres, per adventum Domini nostri Jesu Christi et nostræ congregationis in ipsum, ut non cito moveamini a vestro sensu. Neque terreamini, neque per spiritum, neque per sermonem, neque per Epistolam tanquam per nos missam, quasi instet dies Domini. Ne quis vos seducat ullo modo. Quoniam nisi venerit discessio [dissensio] primum, et revelatus fuerit homo peccati, filius perditionis, qui adversatur et extollitur supra omne quod dicitur Deus, aut quod collitur, ita ut in templo Dei sedeat, ostendens se tanquam sit Deus. Nonne retinetis quod, cum adhuc essem apud vos, hæc dicebam vobis ? Et nunc quid detineat scitis, ut reveletur in suo tempore. Nam mysterium jam operatur iniquitatis, tantum ut qui tenet nunc, teneat donec de medio fiat. Et tunc revelabitur ille iniquus, quem Dominus Jesus interficiet spiritu oris sui, et destruet

illustratione adventus sui eum, cuius est aduentus secundum operationem Satanæ, in omni virtute, et signis, et prodigiis mendacibus, et in omni seductione iniquitatis his qui percunt, eo quod charitatem veritatis non receperunt, ut salvi fierent Ideo mittet illis Deus operationem erroris, ut credant mendacio, ut judicentur omnes qui non crediderunt veritati, sed consenserunt iniquitati. Nos autem debemus gratias agere Deo semper pro vobis, fratres dilecti a Deo, quod elegerit nos Deus primicias in salutem in sanctificatione spiritus, et in fide veritatis, in qua et vocavit vos per Evangelium nostrum, in acquisitionem gloriae Domini nostri Jesu Christi. Itaque, fratres, state, et tenete traditiones quas didicistis, sive per sermonem, sive per Epistolam nostram. Ipse autem Dominus noster Jesus Christus, et Deus et Pater noster, qui dilexit nos, et dedit consolationem æternam et spem bonam in gratia, exhortetur corda vestra et confirmet in omni opere et sermone bono. »

EXPOSITIO.

Postquam ad patientiam sufficienter eos armavit, determinat certa et evidētia signa dando futurum diem, pro quo illi territi erant, putantes prope instare illum diem. Quasi dicaret : Spe futuræ retributionis ad patientiam sic vos armamus ; ne autem cito moveamini, rogamus vos quia fratres : rogamus, inquam, per adventum Domini nostri Jesu Christi, id est, si in ipso adventu Christum salutarem habere vultis, et per adventum nostræ congregationis in ipsum, id est, si cum congregatione fidelium obviam Christo advenire vultis, vel congregationis venturæ in idipsum quod Christus est, scilicet in incorruptionem : hoc, inquam, rogamus vos, ut non cito moveamini. Cito esset, si toto tempore vitæ moverentur. Moveamini dico a vestro sensu, id est ab eo quod sensistis, et per me docentem intellexistis. Neque terreamini quasi instet dies Domini, quia revera non instat. Terreamini dico neque per spiritum malignum, quoque modo significantem hæc vobis ; neque per sermonem, id est per doctrinam illorum pseundo; neque per epistolam missam a deceptoribus, tanquam per nos. Signabant enim epistolæ nomine Pauli, ut hoc genere fraudis seducerent Ecclesias Pauli. Rogamus, ne terreamini, et ne aliquis unquam seducat vos præmissis modis, vel ullo alio modo, ut credatis instare diem Domini, quoniam non instabit hic dies, nisi primum venerit discessio. Discessiōnem vocat Ambrosius, quoniam Romanum, id est Christianum imperium, quoque mutetur, sive Constantinopoli, sive alibi, nihil impedit solummodo Christianum duret imperium. Quoniam, inquam, hoc Christianum imperium dissolvetur, quod nec reges erunt qui hæreticos puniant, pervasores ecclesiarum destruant, nec Romano pontifici, qui spiritale imperium habet, mundus in unitate fidei subjectus erit, sed sic ab utroque Christiano imperio, et saeculari, sicut sunt reges, et spirituali, ut 305 papa, mundus discedet ; tunc primum para-

tum erit jumentum quod ascendet Antichristus, id est infideles, qui membra Antichristi certatim in destructione fidei cooperentur tali capiti, et facta. hac discessione veniet Antichristus in sua opportunitate. Sed si modo veniret mundo, obedientia ex majori parte Romano pontifici in unitate fidei, et regibus Christianis adhuc fidem tacentibus, imparatum haberet jumentum, quod ascenderet, et non suo modo proficere posset. Quando tamen futura est illa discessio in sede beati Petri, etsi in paucis, fides tamen perdurabit. Quod dicunt sancti obtinuisse illam orationem Christi, de qua Petro ait : « Ego pro te rogavi, Petre, ut non deficiat fides tua» (*Luc. xxii, 32*).

Alii vocant discessionem (ut de sacerdotali imperio taceant) quando homines ab unitate fidei discedent, et diversas erroris vias ingredientur, tunc veniet ascensor Antichristus strato jumento quod ascendat. Nisi, inquam, primum venerit discessio, et facta discessione revelatus fuerit, qui modo occultus est homo. Contra hoc quod dicturus est, Deum vocat eum hominem, ab omni deitate alienum. *Homo*, inquam, *peccati*, quia sicut Christus homo justitiae, sic iste totius peccati; et *filius perditionis*, id est genitus ad perditionem suorum, sicut Christus ad salvationem justorum; qui etiam et nomine et opere *adversatur Christo*. Unde et Antichristus vocabitur; et qui extollitur supra omne quod dicitur Deus, id est quod nuncupative Deus dicitur, et non est substantialiter, ut sunt sancti, secundum illud : « Ego dixi : Dii estis (*Psal. xxxi, 6*) : » Qui etiam extollitur supra omne quod colitur Deus, et vere Deus est. Extollitur, ita ut sedeat in templo Dei (ad litteram in Hierusalem) in quo Christus docuit, asserens se esse verum Deum, Christum autem fuisse deceptorem et magum. Sedeat dico in templo Dei, ostendens se sicut sit Deus. Nisi, inquam, haec signa praecesserint, non prius instabit dies Domini. Et credere etiam debetis non aliter instare diem Domini, quia non retinetis memoriter, quod cum adhuc essem apud vos dicebam vobis haec praecessura esse diem Domini. In eo quod ait, cum adhuc essem, significat se circa horam discessus sui haec tradidisse illis. Mos enim erat Pauli in primis simplicitatem Ecclesiarum simplicibus fovere documentis; sed, illis jam perfectis, eoque volente recedere, tunc primum revelabat illis occulta mysteriorum Dei.

Facta discessione veniet Antichristus, et quid hoc sit quod nunc detineat eum, ne ad praesens veniat, vos bene scitis, hoc scilicet detinet eum, ut reveletur in suo, id est in sibi opportuno tempore; sed si, durante unitate fidei et Christiano imperio, veniret, in suo non tempore revelaretur. Vere in suo tempore revelabitur, nam etiam jam non suo tempore operatur mysterium iniquitatis, id est mysticam et velatam iniquitatem, per membra praecedentia hoc nefandum caput. Tantummodo hoc residuum est ad revelationem ejus, ut qui nunc tenet, id est detinet eum, ne veniat, scilicet Christianum imperium et unitas fidei. detineat eum tandem, donec, ui-

A tas fidei et Christianum imperium fiat de medio, id est sublatum auferatur de communitate. Ab ea similitudine dictum est, qua dicimus : Hic homo mortuus factus est de medio, id est sublatus de communitate hominum. Vel ita : Tantummodo hoc moratur Antichristum ut qui nunc tenet Christianum imperium et unitatem fidei, teneat hoc tandem, donec, iniquitas, quæ modo est sub mysterio, fiat de medio, id est de communitate, ut sicut modo fides in communi est, iniquitas in occulto, sic in tempore Antichristi fides sit in occulto, iniquitas in communi, quia membra ejus non plus erubescunt actum impietatis quam pietatis, et qui fidem habeant, paucissimi erunt. Et tunc postquam hic qui nunc detinet eum, auferetur de medio, vel postquam iniquitas fiat de medio, tunc, inquam, revelabitur ille iniquus, quem Dominus Jesus interficiet Spiritu oris sui. Dicit beatus Ambrosius Jesum se ostensurum Antichristo, et clamante **308** Jesu, interficietur hic impius; sed quid clamabit, nescimus. Dicunt alii quod Michael solo terrore suo interfectorus sit hunc Antichristum. Jesus quidem interficiet eum, et postea destruet eum damnatum et in corpore et in anima.

Destructus dico illustratione *adventus* sui, id est, eo adveniente ad judicium in magna claritatis illustratione. Eum dico *adventus*, cuius est secundum operationem *Satanæ*; quia sicut Christus operatione Spiritus sancti, sic iste secundum operationem *Satanæ* adveniet. Operationem dico quam facturus est in omni virtute, scilicet in signis et prodigiis. Signa minora, prodigia vocat; majora, miracula. Signis et prodigiis dico *mendacibus*, vel quia non erunt in rei veritate, sed ita, per magicam, videbuntur esse. Vel *mendacibus*, quia, etsi miracula vera sint, ideo tamen mendacia, quia quod probare intendunt, existus rei falsum probabit, Antichristum scilicet non esse Deum; ad quod probandum miracula praesercent. Erit etiam adventus ejus in omni seductione iniquitatis, quia omni genere impietatis seducet. Seductione dico facta his qui pereunt, quia justi non seducentur. Pereunt merito, eo quod non receperunt charitatem veritatis, id est Christum qui est pura veritas, et in quo tanta charitas ut in mortem tradideret se pro nobis. Non receperunt, ut salvi fierent per eum, ex quo omnis salus. Et ideo quia noluerunt salvari mitteat illis Deus operationem erroris, id est erroneum operatorem Antichristum, ut credant mendacio, et ut judicentur, id est damnentur, omnes qui non credunt veritati, id est Christo; sed consenserunt iniquitati, id est Antichristo

Quia dixerat superius venturum Antichristum in omni virtute signorum et prodigiorum, et in omni seductione, ut damnentur omnes non credentes veritati, sed consentientes iniquitati, ne in his verbis deterrentur illi, timentes hunc esse venturum in diebus suis, super hoc consolatur eos Paulus, dicens non eos visuros diem Antichristi. Littera sic jungitur : Veniente quidem Antichristo judicabuntur consentientes iniquitati; nos autem debemus

semper agere Deo gratias Deo (sicut supra exposui-
mus) pro vobis, quia fratres estis dilecti a Deo, id
est quos Deus dilexit. Ideo præcipue gratias agere
quod ex dilectione elegerit nos, me et vos Deus, non
finem Ecclesiæ, in quos veniat Antichristus, ventu-
rus in novissimis. Sed elegit nos primicias, id est
primitivos in fide; elegit, inquam, in habendam
æternam salutem per hoc quod posuit nos in sanctifi-
cationem Spiritus. Per Spiritum enim sanctum ju-
stificavit nos in baptismo, quæ sanctificatio via est
in illam salutem. Et ut sanctificaret, posuit nos in
fide veritatis, ut confiteremur Christum, qui est
pura veritas, sicut Antichristus error et mendacium.
In qua fide habenda, sicut elegit nos, ita et vocavit vos
per Evangelium nostrum, ut totum vobis esset ex gratia.

Vocavit, inquam, non in otium, sed in acquisitionem gloriæ, id est ut, operando quomodo fides exigit, gloriam vobis cum dignis operibus acquiratis. Gloriæ dico, Domini nostri Iesu Christi, id est eamdem quam habet Dominus Jesus Christus, ad illam acquirendam vos vocavit. Considerandum est quomodo præpostero ordine omnia posuerit. Prius enim vocantur; deinde in fide confitentur; fidem confitentes per baptismum sanctificantur; sanctificatis (si perseverant) salus æterna reservatur. Quandoquidem, fratres, vocati estis in sanctificatione Spiritus, et in acquisitione gloriæ. Itaque state, id est fortes estote in bono opere, quod cœpistis: et tenete perseveranter traditiones vite fidei et habitus, quas a me didicistis, sive per sermonem, dum prædicaverim vobis, sive per Epistolam nostram, ad vos directam. Moneo, state et tenete. Ut autem tenere possitis, ipse Dominus noster Jesus Christus, et Deus, et Pater noster voluntatem jungit semper cum potentia. Pater, nomen piæ voluntatis; Deus, est potentia. Qui dilexit nos et dedit nobis æternam consolationem, in 307 præsenti enim tribulatione incepit nos consolari, continuans consolationem usque in æternam requiem. Qui etiam dedit nobis spem bonam singulariter dicendam. Spes enim de coelesti gloria super omnia quæ sperantur, dicenda est bona. Hanc utique spem dedit nobis in gratia, quando nobis remisit peccata; in baptismo solvere, scilicet nos a peccatis, tribuit nobis spem habendæ gloriæ. Ipse, inquam, Deus, qui per gratiam tot bona jam tribuit exhortetur corda, id est voluntates vestras stare in quo estis, et de incremento laborare, et confirmet, id est fortes et perseverantes faciat in omni opere bono, et in omni sermone bono, ut nulla vobis desit perfectio.

CAPUT III.

De cætero, fratres, orate pro nobis, ut sermo Dei currat et clarificetur, sicut et apud vos, et ut liberemur ab importunitatibus et malis hominibus. Non enim omnium est fides. Fidelis autem Deus est, qui firmabit vos, et custodiet a malo. Confidimus autem de vobis, fratres, in Domino, quoniam quæ [quæcunque] præcepimus, et facitis, et facietis. Dominus autem dirigat corda vestra in charitate

A Dei, et [al. add. in] patientia Christi. Denuntiatus autem vobis, fratres, in nomine Domini nostri Jesu Christi, ut subtrahatis vos ab omni fratre ambulante inordinate, et non secundum traditionem quam acceperunt a nobis. Ipsi enim scitis quicquammodum oporteat imitari nos, quoniam non inquieti fuimus inter vos, neque gratis panem manducavimus ab aliquo, sed in labore et fatigione nocte et die operantes, ne quem vestrum gravaremus. Non quasi non habuerimus potestatem, sed ut nosmetipos formam daremus vobis ad imitandum nos. Nam et cum essemus apud vos, hoc (hæc) denuntiabamus vobis, quoniam si quis non vult operari, nec manducet. Audivimus enim inter vos quosdam ambulare inquiete, nihil operantes, sed curiose agentes. His autem qui ejusmodi sunt, denuntiamus, et obsecramus in Domino Jesu Christo, ut, cum silentio operantes, suum panem manducent. Vos autem, fratres, nolite despicere benefacientes. Quod si quis non obedierit verbo nostro per Epistolam, hunc notate, et non [ne] commisceamini cum illo, ut confundatur. Et nolite quasi inimicum existimare, sed corripite ut fratrem. Ipse autem Deus [Dominus] pacis det vobis pacem sempiternam in omni loco. Dominus [Deus] sit cum omnibus vobis. Salutatio mea manu Pauli, quod est signum in omni Epistola. Ita scribo: Gratia Domini nostri Iesu Christi cum omnibus vobis. Amen.

EXPOSITIO.

C De patientia conservanda, de cognitione ultimæ diei et adventu Antichristi vos instruxi. Nunc, fratres, de cætero, id est de alia re, vos adhortor, scilicet hoc: Orate pro nobis, ut sermo Domini currat, id est multos in fide per nos comprehendat, et ita ut in omnibus clarificetur sermo Domini integritate fidei et executione pii operis. In quibusdam enim currit sermo Domini, qui satis cito creditur, sed quia in vitiis remanent, non clarificatur in illis. Clarificetur dico, sicut in aliis Ecclesiis clarificatus est, et apud vos. Orate etiam ut ego, et qui mecum prædictant, liberemur ab hominibus importunitatibus, qui quem arripiunt multa importunitate afficiunt et malis. Duplex malum notat, importunitatem, scilicet de sua-
sione mali esse importunum. Ideo dico orate ut lib-
eremur, quia fides non est omnium, id est, quia nondum omnes fideles sunt, sed multi fidem perse-
quentur. Vel ita: Orate ut liberemur ab importuni-
tatis et malis, quia fides non est omnium illorum, id est, in omnibus illis non est qui fidem habeat. Ne-
que quia dixerat orate ut liberemur, dicerent illi Quid sperandum est de nobis, cum magister noster adeo sibi timeat? ad hoc ait: Licet dixerim, orate ut li-
beremur, tamen confido quia Dominus fidelis est, qui pro se patientibus ait: Ecce ego vobiscum sum, usque ad consummationem sæculi (Matth. xxviii, 20): Deus, inquam, est fidelis, qui (ut de me sileam) confirmabit vos in bono quo estis, et custodiet a malo, ne cadatis. Volens quiddam novum suadere

308 illis, scilicet ut subtrahant se ab illis otiosis et curiosis, qui per priorem Epistolam noluerunt corrigi, captat eos collaudando de præmissis, dicens : De observatione patientiæ, de die judicii, de oratione facienda pro nobis nos quidem sumus vos adhortati, sed bene confidimus de vobis in Domino, quoniam quæcunque præcepimus et modo facitis, et in futuro facietis. Ut autem benefaciatis, Dominus dirigat corda vestra, id est faciat directas voluntates vestras in charitate Dei, ut sicut Deus vos dilexit, et vos eum diligatis, et in patientia Christi, sicut Christus passus est pro vobis, ita et vos pro Christo patiamini. Nos autem dico, scientes vos facturos quæcunque ex Deo præcipimus, denuntiamus vobis. Scitote hoc præceptum Dei esse, non nostrum, nisi tantum quod vobis, fratres, nuntiamus in nomine Domini nostri Iesu Christi, id est, si curatis nomen et honorificentiam Domini Christi. Hoc ex eo denuntiamus, ut subtrahatis vos ab omni fratre ambulante inordinate, id est naturalem ordinem deserente. Hoc enim etiam gentiles inordinatum asserunt negligere propria, curare aliena, ut quidam curiosi inter vos faciunt. Fratre etiam dico, non ambulante secundum traditionem quam acceperunt a nobis, id est quo modo tradidimus illis, et pollicentes se servaturos sicut acceperunt. Ideo simpliciter dico, sicut acceperunt a nobis tradentibus illis, et non expono hanc traditionem, quia vos ipsi bene scitis quemadmodum oporteat vos imitari nos.

Ne illi aberrando dicent : In oratione, jejunio, vigiliis scimus te imitandum, determinat quid intendat dicens : Imitamini in hoc quod non sumus inter vos inquieti, id est curiose discurrentes per urbem ; neque manducavimus apud vos panem otiosum sumptum ab aliquo ; nec nostrum panem gratis, id est sine labore otiosi, sed suimus operantes nocte et die, et in labore et fatigatione, id est laborantes usque ad fatigationem. Nocte ideo præponit, quia nocte maxime vacabat operibus, orationi et prædicationi præcipue vacans in die. Operantes ideo, ne gravaremus aliquem vestrum, accipientes a vobis necessaria. Paulus non ab istis, sicut nec a Corinthiis quidquam accipere voluit, diversa tamen intentione. A Corinthiis enim noluit, quia erant avari. Ab istis noluit, sed magis operari, ut in se daret eis exemplum depulso otio laborandi. Operabamur, ne

A quem vestrum gravaremus ; tamen non ideo quasi non habuerimus potestatem accipiendi a vobis si vellemus, sed ut daremus vobis nosmetipsos formam ad imitandum nos, ut deserentes otium, exemplo meo de labore viveretis. Intendebamus utique dare vobis formam operandi. Nam etiam cum essemus præsentes apud vos, denuntiabamus hoc vobis quod si quis vacans otio, non vult operari, nec manducet de lahoribus alienis. Ideo præcipio nolentem operari non manducare, quia audirimus quosdam inter eos ambulare inquiete, nihil operantes, sed agentes curiosi, rumores urbis sollicite perquirendo. His autem qui sunt ejusmodi, id est nihil operantes et curiosi, denuntiamus ex auctoritate Dei, et obsecramus in Domino Iesu Christo, id est præcipimus et precamur, si in Christo salvari volunt, ut ipsi operantes pulso otio et cum silentio, non de rumoribus curiosi, manducent panem suum, id est non alienum, sed proprio labore lucratum. Ne autem quia dixerat : Unusquisque manducet suum panem, putarent illi qui solebant ministrare pauperibus, non ultra esse ministrandum illis, ait : Licet dixerim manducent suum panem, vos tamen, fratres, bene facientes fratribus qui indigent, nolite deficere bene faciendo, quia non omnibus potest sufficere suus labor. Denuntiamus illis ut operentur, etc. Si vero aliquis eorum non obedierit huic nostro verbo mandato per epistolam, hunc, notate, id est significate mihi quis ille sit, et interim non commisceamini cum illo, ut, vobis non communicantibus illi, confundatur, id est erubescat de peccato suo. Et licet non commisceamini cum illo, tamen nolite eum existimare quasi inimicum, ut eum odio habeatis, sed ex dilectione corripite eum ut fratrem. **309** Ut autem in omnibus quæ præcepi vobis perfecti sitis, ipse Dominus pacis dei robis pacem sempiternam, id est hic et in futuro, et in omni loco, id est apud domesticos et apud extraeos. Et ut veram pacem habeatis, Dominus sit cum omnibus vobis. Salutatio scripta mea manu. Mea dico Pauli, quod signum ita scribo in omni Epistola, quam mihi. Hoc signo discernite ne frandulenter sub nomine meo inferant vobis suam epistolam illi pseudo qui dicebant vobis me intelligere propinquum esse diem judicii. Hæc, inquam, est salutatio : Gratia Domini nostri Iesu Christi cum omnibus vobis. Amen.

ARGUMENTUM IN EPISTOLAM PRIMAM AD TIMOTHEUM.

Timotheum instruit et docet de ordinatione episcopatus, et diaconii, et omnis ecclesiasticae discipline : scribens ei a Laodicia per Tychicum diaconum.

PROLOGUS B. BRUNONIS IN EAMDEM.

Consuetudo erat apostolorum ut cuiuslibet civitatis populo, doctrina eorum converso ad fidem, non ibi subsisterent, sed (consecrato ibi episcopo, qui fideles factos instrueret de his quod post fidem tenenda sunt,) transirent ad alios populos congregandos ad fidem. Cujus rei formam Paulus tenens

conversis Ephesiis, consecravit illis in episcopum Timotheum, collaboratorem Evangelii, ut, Paulo prætereunte ad Macedonas convertendos, haberent Ephesiani Timotheum, qui eos de singulis instrueret, ne forte, illis sine doctore dimissis, periret labor Pauli in eis. Quos Ephesios Paulus primus

ad fidem convertit; quibus Joannes evangelista postmodum in episcopum praeuit, Timotheo in opus Evangelii a Paulo revocato. Hanc autem Epistolam cum tribus aliis quæ sequuntur, scribit ad personas: duas ad Timotheum; tertiam ad Titum; quartam ad Philemonem; cæteras scribit ad Ecclesiæ. Consecrato (sicut dictum est) Timotheo Ephesi in episcopum, consurgunt contra eum pseudodoctores, dicentes, licet nova lex inducta sit, cum ea tamen tenendam esse circumcisio[n]em et veterum ritus sacrificiorum. Qud intellecto, Paulus Epistolam hanc dirigit ad Timotheum, non quod de eo ambigat quod in aliquo consensurus sit pseudodoctoribus, sed ut doctrina ejus, reborata auctoritate Pauli, idem cum Timotheo docentis, majoris auctoritatis

A sit et reverentia, Ephesianis audientibus a Timotheo idem doceri quod a Paulo, cui tradita est haec doctrina a Christo. In hac autem Epistola Paulus agit de ecclesiastico ordine, docens ab Ecclesia repellendos pseudodoctores, illisque denuntiandum ne perverse doceant; quod si ideo non desistunt, populis denuntiandum est, ne eos audiant. Docet hic etiam Paulus Timotheum de ordine sacerdotali et levitico, quomodo eligendi sint et probandi. Docet etiam de ordine viduarum, quomodo ministrare deceat illas in Ecclesia. Docere autem, etiamsi sapientissimæ sint, nunquam mulieribus permittendum. Sic docendo de ecclesiastico ordine intendit Paulus ut, pro modo doctrinæ suæ, teneat Ephesiana, omnisque cum ea Ecclesia.

EPISTOLA I AD TIMOTHEUM.

CAPUT PRIMUM.

Paulus apostolus Jesu Christi, secundum imperium Dei Salvatoris nostri, et Christi Jesu spiritus nostræ. Timotheo dilecto filio in fide gratia, misericordia, et pax a Deo Patre et Christo Jesu Domino nostro. Sicut rogavi te, ut remaneres Ephesi, cum irem in Macedoniam, ut denuntiares quibusdam ne aliter docerent, neque intenderent **310** fabulis et genealogiis interminatis, quæ quaestiones prestant magis quam ædificationem Dei, quæ est in fide. Finis autem præcepti est charitas, de corde puro, et conscientia bona, et fide non ficta. A quibus quidam aberrantes, conversi sunt in vaniloquium, volentes esse legis doctores, non intelligentes neque qua loquuntur, neque de quibus affirmant. Scimus autem quia bona est lex, si quis ea legitime utatur, scientes [sciens] hoc quia justo lex non est posita, sed injustis, et non subditis, impiis et peccatoribus, sceleratis et contaminatis, parricidis et matricidis, homicidis, fornicariis, masculorum concubitoribus, plagiariis [plagariis], mendacibus, et perjuris, et si quid aliud sanctæ doctrinæ adversatur, quæ est secundum Evangelium gloriae beati Dei, quod creditum est mihi. Gratias ago ei qui me confortavit in Christo Jesu Domino nostro, quia fidelis me existimavit, ponens in ministerio. Qui prius fui blasphemus, et persecutor, et contumeliosus; sed misericordiam Dei consecutus sum, quia ignorans feci in incredulitate. Superabundavit autem gratia Domini nostri cum fide et dilectione, quæ est in Christo Jesu. Fidelis sermo et omni acceptance dignus, quia Christus Jesus venit in hunc mundum peccatores salvos facere, quorum primus ego sum. Sed ideo misericordiam consecutus sum ut in me primo ostenderet Christus Jesus omnem patientiam ad informationem eorum, qui credituri sunt illi in vitam æternam. Regi autem sacerdotum immortalis, invisibili, soli

B Deo honor et gloria in sæcula sæculorum. Amen, Hoc præceptum commendo tibi, fili Timothee, secundum præcedentes in te prophetias, ut milites in illis bonam militiam, habens fidem et bonam conscientiam, quam quidam repellentes, circa fidem naufragaverunt; ex quibus est Hymeneus et Alexander, quos tradidi Satanæ, ut discant non blasphemare. ▶

EXPOSITIO:

Paulus, etc. Scripturus discipulo, salutem præmittit dicens: *Paulus*; quod quidem nomen est humilitatis. Paulus enim *quasi modicus* dicitur. Hic autem ubi auctoritate opus est, auctoritatis nomen est; Paulus enim nomen multum notum erat. Unde ut magis reselleret pseudodoctores ait: *Paulus apostolus*, id est *legatus vel missus*. Cum autem omnes sancti, legati Dei sint, præcipue apostoli sic vecantur, sub quibus omne genus sanctorum, supra quos vero solus Christus, invenitur. *Apostolus*, inquam, *Christi Jesu*, quia a Christo solum apostoli missi sunt. Ab apostolis autem cæteri sancti, ut a Paulo Timotheus. Quia si Paulus apostolus Christi sit, constat quod qui Paulo contradicit, contradicit et Christo, qui Paulum misit; qui vero Timotheo a Paulo misso, et in Paulum et in Christum offendit. Paulus, inquam, apostolus Christi Jesu *secundum imperium*. Ponit in aliis Epistolis *secundum voluntatem*, sed ut majorem distinctionem signaret, posuit hic *imperium*. Volumus enim quædam, quæ non imperamus; quæ autem fieri imperamus; et volumus, et, ne non flant, prohibere videmur. Unde ait *secundum imperium Dei Patris*. Deus enim Pater imperavit me apostolum fieri. *Dei* dico *Saluatoris nostri*, id est qui imperio suo obedientes salvat; non obedientes vero a salute alienat. Unde timendum est, non parentibus imperio Timothei, quia, nec nulli, nec Deo, qui imperavit me Apostolum esse, obediunt, et sic a salvatione Dei alieni sunt. *Secundum imperium Dei Patris* dico; et *secundum imperium*

rium Christi regis et sacerdotis. Secundum hominem dico qui et immolavit seipsum in ara crucis, ut nos mundaret a delictis, seque immolandum nobis quotidie in altari dedit. Regis etiam, quia et bona dat, et in bonis regit. Christi dico Jesu, id est Salvatoris, qui et in praesenti salvat a malis, et in futuro salutem aeternam daturus est suis. Christi Jesu dico, auctoris spei nostrae, id est recuperandae impassibilitatis et immortalitatis, quas per eum nos recuperaturos speramus, qui carnem nostram in se verbo Dei unitam extulit supra omnem creaturam, nihil supra eam relinquens praeter divinitatem sibi cohaerenteum. Spes enim dicitur, non de his quae habemus, ut justificationem **311** a peccatis in baptismo, sed de his quae nos habituros credimus, ut immortalitatem et impassibilitatem per Christum. Spes enim est exspectatio futurae bonae rei cum desiderio.

Paulus, inquam, apostolus sic et sic optat, mandat, vel aliquid tale Timotheo filio bene imitanti se, quem genuit in fide, quia, cum insidelis esset, fidelem eum fecit Filio dico dilecto peculiari et speciali modo, quia, cum omnis utique fidelis diligendus sit, quidam tamen in eis sunt qui privilegio amoris diligendi sunt. Paulus, inquam, mandat Timotheo hoc, sibi, vel tibi, Timothee, gratia, misericordia, et pax. In aliis ponere solet gratia tantum et pax, significans ibi per gratiam, quod hic per misericordiam, remissionem scilicet peccatorum; quae gratia dicitur, quia gratis sine pretio vel merito nostro dimittuntur. Misericordia, remissio dicitur, quia per misericordiam Dei peccata dimittuntur. Misericordia itaque, id est remissio peccatorum, et pax, id est tranquillitas animi quam hic habent sancti prælibantes per hoc dulcedinem aeternæ pacis. Haec, inquam, misericordia et pax sine perseverantia tibi. Non ideo hoc optat, cum bene sciat remissionem peccatorum factam esse Timotheo, sibique partem sanctorum esse, sed ut in his permaneat. Haec duo, misericordia et pax, omni fidei optanda sunt, et provenire possunt; hoc autem tertium, id est gratia, prælatis tantum optandum est et provenire potest. Accipit enim per gratiam donationem Spiritus sancti, qui utique, non a prælatis, sed per ministerium eorum, sine differentia meritorum, sive justi, sive injusti sint prælati (solummodo pura sit consecratio eorum), datur his quos sanctificant, si idonei sint in quibus habitare debeat Spiritus; non enim habitabit in corpore subdito peccatis (*Sep. 1, 4.*) Quia si queritur cur subditi, propter peccata, Spiritum sanctum accipere non mereantur, cum per ministerium prælatorum qui peccatores sunt (solummodo justa sit sacratio eorum) detur? Ad hoc respondendum est quia a Deo, et non a prælato, qui quod non habuit dare non potuit; datur tamen per ministerium prælati. Nec sine causa Deus per ministerium hoc dare voluit, cum, si sine ministris Spiritus sanctus daretur, unusquisque, presumendo Spiritum sanctum

A se habere jactaret, et sic ministri Ecclesie, etiam qui justi essent, in contemptum venirent. Cujus rei Christus formam relinques, suscitato Lazaro, dixit discipulis: « Solvite eum et sinite abire (*Ioa. 11, 24,*) » ostendens neminem posse solvi nisi per ministros, quibus haec ministeria credita sunt. Gratia utique misericordia, et pax, sit tibi a Deo qui, cum Deus sit, haec et omnia potest. Deo dico Patre, qui, ex eo quod Pater est, voluntatem et piam affectionem circa te et omnem filium habet. Sit etiam tili hoc idem a Christo Jesu, qui cum sit rex, et salvare venerit, voluntatem similiter habet. A Christo dico Domino nostro, quem, quia Dominus est, hoc et omnia posse appetet.

B Finita salutatione incipit Epistolam dicens: O Timothee, ita fac subaudi, sicut rogavi te, ubi ait sicut, notat quantitatem. Quasi dicaret: Ego multis modis frequenti repetitione monui te, ut docendo insisteres, et sicut monui te omnibus modis, omni assiduitate fac. Ubi ait: Rogavi, cum qui prælatus erat, dicere posset ut discipulo præcepi, satis commendat Timotheum, insinuans eum tamem qui non ex imperio coercendus esset, sed ex quadam paritate dignitate cohortandus. Sicut, inquam, rogavi te ut remaneres Ephesi ad ordinandum ibi ecclesiasticum ordinem, cum ego, conversis Ephesianis, ire in Macedoniam, ut Macedonas verbo prædicationis converterem, in quo et tu mihi necessarius es, teque mecum iturum ex voluntate obtulisti; videus tamen quod major necessitas incumberet, dimisi te, ut Ephesianos instrueres. Hic primum incipit de pseudodoctoribus repellendis, dicens: Remaneres, inquam, ideo ut denuntiales. Nuntiare dicinus inter pares; denuntiare autem, ut a prælato subditis. Denuntiales utique quibusdam, id est doctoribus illis qui singularem doctrinam inducunt a communione Ecclesiae declinantes. Hoc, inquam, denuntiales **312** ne docerent aliter, id est quidquam alienum a doctrina mea qua Ephesios docui, et tu adhuc doces. Quia si doctores te denuntianti illis nollent desistere, denuntiales subditis ne intenderent doctrinis eorum, vel audirent eos. Cujus rei forma adhuc servatur in Ecclesia. Prius enim perversus prælatus ab Ecclesia prohibetur. Quia si inobediens non cessat, subditis dehinc interdicitur obedire illi. Non intenderent, dico fabulis pseudoprædicatorum, qui dicunt circumcisio et illa quae docebant, salvare non poterant. Intenderent, inquam, fabulis et genealogiis, id est sermonibus de generatione sua factis. Dicunt enim quod sibi, natis de carne Abraham et David, salus solum re promissa sit, et non aliis. Genealogiis, dico, interminatis, id est prohibitis ne aliquis confidat in illis. Vel interminatis, id est nullum terminum, nullumque finem habentibus ubi subsistant probata sicut dicunt. Si quis enim considerat, vide-

bit multos filios Abrahæ secundum carnem reprobatos, ut Esau; ixveniet etiam multos, non de carne Abraham genitos, quos tamen Deus elegit, ut Job.

Quæ genealogiæ præstant quæstiones, id est litigia, et nullas solutiones. Hoc, inquam, præstant *magis quam ædificationem*, quam nullo modo præstant. Hic enim magis electivum est de non participantibus agens. *Ædificationem* utique virtutum non præstant; quæ ædificatio est non per circumcisio nem, sed *quæ est in fide*, id est per fidem. Omnis enim justificatio est ex fide, quæ ut fundamentum jacitur; et super hanc quasi fundamentum cæteræ virtutes ædificantur. Probat quod in fide sit ædificatione Dei, dicens: Si ex fide procedit bona conscientia, id est spes: ex spe autem purum cor, et de puro corde charitas. *Charitas vero sit finis*, id est impletio totius præcepti, seu novæ seu veteris legis. Quia si hoc modo ex fide sequitur omnis præcepti impletio, tunc in fide est omnis ædificatio Dei, et non alibi. Sed in fide est impletio totius mandati, igitur et ædificatio Dei. Quia transverso ordine sic ponit: Vere in fide est ædificatio Dei; *finis* enim, id est quia impletio totius præcepti veteris seu novæ legis est *charitas*, id est dilectio Dei et proximi, in quo mandato universa lex pendet et prophetæ (*Math. xxii, 40*). Qui enim hoc mandatum, id est charitatem impleverit, novam et veterem legem procul dubio implevit. Vel autem legatur ibi sic continuatim. Ubi ait superius, *ne docerent et ne intenderent*, innuit quosdam perverse et docentes et intendentes. Unde sic ait: Licet illi pseudo aliter doceant quam ego, tamen *finis*, id est omnis impletio legis *charitas est*, sicut ego doceo. Unde quod ipsi docent vetera non sunt reducenda. Charitas procedit de *puro corde*, id est de munda intelligentia; quod aliquis purum intellectum habeat conservans se in puritate qua Deus purisavit eum in baptismo. Intelligens diligendum sibi esse creatorum suum, nec in aliquo offendendum. Charitas etiam procedens de *conscientia bona*, id est de spe. Non quia conscientia sit idem quod spes, sed ea affinitate qua illi cui malæ conscientie scrupulus abest, et ubique in animo se circumspectans, nihilque quod eum mordeat inveniens; sic tandem sperare licet: qui enim se peccatorem conspicit, timendum illi est de peccato, non sperandum. Charitas etiam procedens de *fide non ficta*. Nos enim credimus Christum verum Deum et verum hominem, non fingentes illum vel hominem sine Deo, vel Deum sine homine. Et ut quidam pseudo dicunt habuisse Christum non verum, sed aereum corpus. Vel ita: Fide dico nostra robusta et inviolabili non ficta, id est non fragili ad modum fletilis vasis, sicut est doctrina pseudodoctorum.

Commendata parte sua, improbat partem adversorum dicens: *A quibus* charitate, scilicet, *conscientia bona*, et fide: *quidam aberrantes*, id est illi singularem doctrinam inducentes separati

A 313 et per hoc errantes. Separatio enim a veritate error est. Aberrantes utique *conversi sunt*, non ad fidem, sed in *vaniloquium*, loquentes quæ vana et inutilia sunt, circumcisionem scilicet tenendam esse dicentes. Quibus non sufficit hæc vana apud se loqui, sed, quod deterius est, *volentes esse doctores legis*, id est docentes tenendas esse carnales observantias legis. Et hoc satis impudenter, non *intelligentes neque ea quæ loquuntur*, id est circumcisio nem, quam docent, ideo sub veteri lege in carnis tenuisse, ut figuraret circumcisionem cordis tenendam esse in tempore gratiæ, et non carnis. *Neque* etiam intelligentes Scripturas prophetarum de *quibus*, id est per quas *affirmant* circumcisionem et vetera sacrificia, quæ loquuntur, tenenda esse in tempore gratiæ, vel e converso. Non intelligentes ea quæ loquuntur de prophetis ad probandum quod tenenda sint ea quæ docent. Neque intelligentes circumcisionem et sacrificia, cuius rei mysteria es sent, cum fierent, de quibus ipsi affirmant quod adhuc tenenda sint. Quia improbabilitate partem adversiorum, dicens *non intelligentes*, etc. Hoc utique non sufficeret, nisi et partem suam commendaret, et causam commendationis insereret. Posset enim aliter sic ipsi objici. Si doctrina pseudodoctorum per versa est, tua vero non melius approbanda, unde melius adhærendum tibi judicas quam filii? Ad hoc resellendum, improbata parte adversariorum, subdit et approbat suam, dicens: Pseudo utique doctores non intelligent legem, nos autem scimus, id est intelligimus legem. Et quidam amplius addit quod valet ad causam, dicens: Scimus utique non solum legem, sed etiam hoc de lege scimus quia *lex est bona*, id est utilis et justificans spiritualiter intellecta, secundum quod nos intelligimus. Sed, secundum carnalem intellectum eorum potius non bona, quia neminem justificat, et crudelis est. Unde quod ipsi de lege intelligunt, non est redicendum. Lex utique bona est, si quis utatur ea, id est intelligentia ejus *legitime*, id est secundum quod lex ipsa docet et præcipit, scilicet, ut spiritualiter intelligatur. Scimus utique de lege quod bona est, scientes hoc etiam, de eadem lege, quia *lex vetus non est posita justo*, id est sub nova lege justificato. Nec etiam sub ipsa veteri lege posita est alicui justo. Lex enim data est ut vel puniret reum, vel peccare voluntem coerceret ne delinqueret. Sed qui justus est, non est coercendus; non enim voluntatem habet peccandi, nec est per legem puniendus. Macula enim in illo nulla est qui justificatus est. Unde et justis illis qui sub veteri lege fuerunt, quantum ad se, non esset necessarium tenere legem, qua tamen congrue usi sunt, ne, illis respicientibus legem, contemplui fieret lex, utque auctoritate eorum devotius tenerent eam hi quibus propter peccata necessaria erat. Ideo etiam justi tenuerunt veterem legem ut quod ipsa præfigurabat de Christo et de tempore gratiæ, ipsi attestarentur implendo legem. Justo utique non est posita lex, sed *injustis* id est *Judeis*

quibus ante legem datam Moyses moralia præcepta dedit, quæ non observando injusti facti sunt. Injustis utique, et non subditis, id est Iudeis, qui Deo, danti per Moysen legem, noluerunt subdi ut ab injustitiis recederent. Quos vocet injustos et non subditos exponit, dicens : Lex utique posita est *impiis*, id est irreligiosis animo contra Deum, et *peccatoribus*, id est quod irreligiose cogitant, irreligiose operantibus, et *sceleratis*, id est eis qui videntes sacrificare idolis vel hujusmodi, placuit illis ut similiter prævaricarent. Lex etiam posita est *contaminatis*, id est illis qui violentia tormentorum compulsi sunt sacrificare idolis. Hæc quatuor contra Deum principaliter flunt. Cætera quæ sequuntur contra se et contra proximum flunt, non quod omnia peccata contra Deum non sint, sed quia quatuor prædicta Deum specialiter sine aliquo medio videntur offendere. Posita est etiam lex *parricidis*, id est intersectoribus patrum, quibus, cum multum deberent, ex eo quod homines essent, longe ideo magis patres erant; *matricidis* etiam similiter **314** et *homocidis*, et *fornicariis*, id est maculantibus se adulterio, vel quolibet genere fornicationis, et *concubitoribus masculorum*, quod deterius est, quibus non sufficit se maculare, nisi etiam corrumpant alios; et *plagiariis*, id est plagas proximo inferentibus; vel, *plagiariis* quasi plagiopis, id est plagam de re viva inferentibus, ut si quis furaretur patri filium suum, vel hujusmodi. *Mendacibus* etiam qui fallaciis incumbunt, quodque mendacio Pauli deterius est *perjuris*, his et hujusmodi posita est lex. Præter hæc etiam imposta est illi si quid aliud a prædictis quod *adversatur sanæ doctrinæ*, id est naturali et morali legi. Moralia enim præcepta sicut in veteri, sic in nova lege perdurant. Unde ait : *Quæ sana doctrina est secundum Evangelium*, id est sequitur novam legem. Evangelium dico *gloriæ*, id est quod prædicat gloriosum Deum. Vel Evangelium gloriæ, id est quod sequentibus se dat æternam gloriam. Gloriæ dico *Dei beati*. Qualem enim beatitudinem Deus habet, talem ab eo habituri sunt sancti. Beatus enim dicitur cui nihil deficit; sanctis autem, cum Christo nihil defuturum est. Hoc nōmen Deus nullo adjectivo indiget, ut dicatur beatus, vel aliquid horum, sed ut innueret cuiusmodi gloriam habiturus sit Deus et daturus suis apposuit *beati*, quasi diceret : Gloria quam Deus habet et dat, et sibi et quibuscumque dat, sufficit. Et quia sana doctrina et Evangelium se invicem sequuntur, ideo hæc tantum tenenda sunt et non reintroducenda circumcisione et vetera. Hic ingreditur ostendere quod quia recessit a veteri lege, omnia bona sibi collata sint; cui legi quandiu adhaesit, semper in præcipitum malorum ruit.

Unde sic ait : *Quod Evangelium creditum est mihi*, id est prævidit misericordia Dei me idoneum, cui crederet Evangelium. Evangelium autem bonum nuntium dicitur, eu enim bonum; angelum vero nuntium. Unde angelus nuntius dicitur. Et ideo quia

A Deus credidit mihi Evangelium, *gratias ago ei*, et non legi, pro hoc beneficio, et pro his quæ sequuntur, qui Deus existimavit me fidelem. Hic aiunt quidam insidiosa esse verba Pauli, quasi diceret. Inde gratias ago Deo quia, cum infidelis essem, fecit me fidelem. Quodque dignus essem qui fidelis fierem existimavit, id est providentia Dei quæ falli nescit ab initio præordinavit, meque factum fidelem confortavit, id est fortem fecit, quod neque mors, neque gladius poterit me separare a charitate ejus. Et postquam mihi credidit Evangelium pacis, *ponens me in ministerio*, id est in ipso opere prædicandi; multis enim prælati creditur Evangelium; qui tamen torpentes non ministrant subditis quod creditum est illis. Positus sum in ministerio *Christi Jesu*, id est ad honorem et gloriam Christi Jesu Domini nostri. Vel confortavit me in Christo Jesu Domino nostro, qui mihi cædes anhelanti, in via apparuit. Ego utique fidelis factus sum, etc., postquam descrens legem subdidi me gratiæ Dei. Qui prius cum essem sub lege in omnia mala præcipitabat. Fui enim tunc *blasphemans*, Christum dicens eum hominem sine Deo, filium fabri et similia. Fui etiam persecutor quorumlibet justorum (*Actor. ix, 1*). Fui etiam *contumeliosus*, quia si quos comprehendere poteram contumeliis et verberibus afficiebam; sed qui adeo perversus sub lege eram, statim ut hanc dimisi *consecutus sum misericordiam*, id est remissionem peccatorum. De hoc autem consecutus sum misericordiam, quia, id est quod *ignorans feci*, id est ignoranter peccavi, et quia Christum ignorabam, ideo in *incredulitate* manebam. Sic quia pro quod legimus; non enim sufficeret ad causam, ut quia ignoranter peccaverit, ideo misericordiam consecutus sit. Alio modo tamen quia legitur ad causam. Quasi diceret aliquis : Tu olim sub lege, legem prædicabas tenendam. Tu vero, relicta eadem lege, legem prælicas relinquendam. Cui ergo credi debeat, vel tibi sub lege, vel tibi non sub lege ambigimus.

D Contra hoc ait : Mihi sub lege non fuit credendum, quia ignorans feci, et quia ignoravi, ideo in *incredulitate* **315** mansi. Nec solum misericordiam, id est remissionem peccatorum consecutus sum, sed etiam *gratia Domini nostri abundavit in me super misericordiam*: quia et peccata remisit, et multas alias gratias dedit, ut cognitionem divinæ essentiæ, etc. Vei aliter. Dum persecutor eram Ecclesie Christi, multum zelum legis habui, sed tamen nunc superabundavit gratia Dei in me, quia si tanta oportuisset me pati pro veteri lege quanta pro Christo patior, utique defecisset. Cætera sicut dicti sunt. Superabundavit, inquam, gratia cum fide et dilectione: quia fides et dilectio Dei semper creverunt in me; quæ fides et dilectio est in Christo Jesu, id est habetur per Christum Jesum, et non per legem. Hanc autem misericordiam quam ego consecutus sum, facile est et vos consequi. Ut enim peccatores salvi fuerint, Christus Jesus in hunc venit mundum. Sed

antequam hoc dicat, præponit commendationem rei quam dicturus est sic : *Sermo iste quem vobis manifesto, est fidelis*, id est talis cui fides adhibenda sit, et qui bene sit credibilis. Nec solum fidelis est, sed *etiam dignus acceptione*, id est qui acceptabilis esse debeat. Sunt enim multi sermones credibiles, non tamen acceptione digni, quia inutiles. Hic autem sermo, et credibilis, et acceptus, quia *utilis*. Dignus utique acceptione non una vel in uno solo tempore ut vetus lex, sed *omni*, id est et in praesenti et in futuro, et secundum corpus et secundum animam, quia in omni tempore, et secundum utrumque salvat. Hie, inquam, est ille sermo, *quia*, id est quod Christus Jesus venit in mundum hunc, id est adeo despicabilem, et in quo tot miserias eum pati oportuit. Venit, inquam, *salvos facere peccatores*, qui si per legem salvari possent, frustra Deus Christum suum in miserias hujus mundi deponeret. *Quorum peccatorum ego et quicunque legalis primus*, id est præcipius et deterimus *suum*. Deteriores enim invenit Deus Judeos, legi adhaerentes, quam quos-cunque exleges.

Quod supra posuit absolute, hic ponit cum causa, dicens : Licet deterrimus in peccatoribus essem, tamen *consecutus sum misericordiam, ideo, ut Christus Jesus in me primo*, id est maxime peccatore, vel primum, id est maxime ostender et patientiam ; non in qualibet una re, sed *omnitudinem*. Pertulit enim me blasphemantem, persequenter, et contumelias sanctis inferentem. *Omnem* utique patientiam ostendit in me, ad informationem eorum qui crediti sunt illi, id est ut per me doceret nemini desperandum, propter immanitatem scelerum, quin credit in eum. Crediti sunt enim illi in vitam æternam, id est ut per fidem hanc habeant vitam æternam. Et quandoquidem Christus salvare peccatores venit, ad quod lex insufficiens fuit, Christo igitur regi *sæculorum* inde sit honor et gloria : quia nec legi, nec alii præter Christum debetur inde gratia.

Aut sic continuatur. Christus in me ostendit omnem patientiam ; illi autem Christo Regi *sæculorum immortali*, id est immutabili, qui semper in eodem est, et invisibili, id est cuius deitatem nulla creatura sufficit intelligere ; huic Deo Creatori soli (salvere enim solus potest), huic tanto et tali sit honor et gloria. Honor dicitur, ut de virtutibus, humilitate, prudentia, et hujusmodi, quæ homo potest habere. Gloria dicitur de his quæ Dei solum sunt et non hominis, ut resurgere tercia die, et hujusmodi. Honor, inquam, illi sit et gloria in *sæcula* præsentium *sæculorum* consecutiva, et hoc quod precor amen, id est certe ita erit. Quandoquidem ex Christo Jesus omnis salvatio, et ex lege nulla, ideo, o Timothee fili, commendo tibi hoc præceptum, ut in omnibus palam sit te nulli posse parcere vel tolerare in hac re. Hoc enim præceptum est quod transgredi non licet, summaque tibi obedientia commendatum, ut milites excludendo ab Ecclesia pseudodoctores ; milites, etiam disponendo alium ecclesiasticum ordi-

A nem, milites utique *bonam militiam*. Si semel vel in uno militaret, implesset quod dixerat, milites, sed ut semper et in omnibus se velle eum militare ostenderet : **316** addidit *militiam bonam*, id est utilem. Utile enim erit sic te militare. Commendo, inquam, ut milites in illis prophetiis, id est in omni visione et intellectu quem habes de Deo. Prophetia enim *risio* ; propheta *videns* dicitur. Milites moneo secundum prophetias præcedentes in te, id est secundum quod tempore præcedenti edoctus es in sacris Scripturis. Timotheus enim patre gentilis, matre vero Christiana editus (*Act. vi, 4*), ab ipsa pueritia traditus est sacris litteris imbuendus. Unde ait secundum prophetias in te præcedentes. Vcl aliter : Commendo tibi ut milites secundum prophetias præcedentes in te, id est de te. Spiritu enim prophetas edoctus, assumpsi te in opus Evangelii. Vide autem ne degenerando a fide mendacem facias Spiritum, qui ut te eligerem docuit me. Militare debes, tum quia bonum et utile est : tum quia bene potes, *habens fidem* per quam plene justificatus es, *habens etiam conscientiam bonam*; non enim tibi prædicanti objici potest quod bene doceas et male vivas. Modo paulisper revertitur ad pseudodoctores, dicens : *quam bonam conscientiam quidam repulerunt a se*. Qui enim perverse agit et docet, non habet unde sibi bene conscientius sit : et quia repulerunt hanc, ideo naufragaverunt circa fidem, id est fregerunt navem suam, circumcantes fidem, et non ingredientes ad eam. Ex quibus pseudodoctribus naufragantibus est Hymenæus et Alexander principes eorum qui circumcisionem reducere volebant, quos ego tradidi Satanæ (*I Cor. v, 5*), id est separavi excommunicatos ab Ecclesia. Nec ideo ut in æternum pereant : sed ut sic discant non blasphemare, id est ut hoc modo correcti et penitentes, quiescant a perversitate sua, et jam non blasphemantes auferantur iterum Satanæ, recepti in sinum Ecclesiae. Nota quod excommunicare est tradere Satanæ, quia cum excommunicatur quis, Satanæ traditur, cujus erat priusquam per baptismum justificaretur.

CAPUT II.

Obsecro igitur primum omnium fieri obsecrations, orationes, postulationes, gratiarum actiones, pro omnibus hominibus, pro regibus, et pro omnibus qui in sublimitate sunt constituti, ut quietam et tranquillam vitam agamus, in omni pietate et castitate. Hoc enim bonum est et acceptum coram Salvatore nostro Deo, qui omnes homines vult salvos fieri, et ad agnitionem veritatis venire. Unus enim Deus, unus et Mediator Dei et hominum homo Christus Jesus, qui dedit redemptionem semetipsum pro omnibus. Cujus testimonium temporibus suis confirmatum est, in quo positus sum ego prædicator et apostolus (*II Tim. i, 11*). Veritatem dico, non mentior ; doctor gentium in fide et veritate. Volo ergo viros orare in omni loco, levantes puras manus sine ira et disceptatione. Similiter et (al., autem) mulieres in

habitu ornato cum verecundia et sobrietate ornantes se, non in tortis crinibus, aut auro, aut marginatis, vel ueste pretiosa (*I Petr. iii. 3*): sed, quod decet mulieres, promittentes pietatem per opera bona. Mulier in silentio discat cum omni subiectione. Docere autem mulieri non permitto (*I Cor. xv. 34*), neque dominari in virum, sed esse in silentio. Adam enim primus formatus est (*Gen. i. 27*), deinde Eva, et Adam non est seductus, mulier autem seducta in prævaricatione fuit. Salvabitur autem per filiorum generationem si permanenter serit (permanserint) in fide, et dilectione, et sanctificatione cum sobrietate.

EXPOSITIO.

Postquam Paulus admonuit Timotheum ut militaret, consequenter insinuat in quibus eum militare præcipiat, dicens: Quandoquidem Christus salvare peccatores venit in hunc mundum, in cuius rei prædicandæ ministerio me constituit, ut et per eum salvemini, et prædicatio mea in vobis fructificet. **Igitur**, id est propter hæc præmissa, obsecro ut oretis. Nisi enim Deus per Spiritum sanctum operetur in cordibus vestris, sermo meus **317** inutilis erit. Obsecro igitur *primum omnium*, id est potissimum ante omnia fieri obsecrationes, etc. Quia vidit Apostolus in omni genere orationis prævalere celebrationem missæ, in qua memoria sit passionis Christi, per quam omne hominum genus redemptum est, ideo cum et aliis modis orandum sit, hoc genus orationis, quia prævalere vidit, præposuit, dicens: Primum omnium, id est ante omnia obsecro fieri obsecrationes. *Orationes* illas quæ obsecrationes, id est juxta et antequam corpus Dominicum sacretur, præcedunt (ut in principio missæ) vocat obsecrationes, quasi juxta sacerdotem dictas. Orationes autem et postulationes, et *gratiarum actiones* fieri obsecro. Orationes vocat preces illas, in quibus, cum dicuntur, substantia illa panis et vini, in altari apposita, transit in corpus et sanguinem Christi. Postulationes vocat preces quæ flunt post communionem, ut illud: « Perfilce in nobis, Domine, quod tibi sancta continent », id est postquam nos pavisti hoc corpore et sanguine tuo, restat hoc quasi ex debito, ut quod pie cœpisti perficias, pascens nos indeficienti cibo gloriæ tuæ in cœlis, quod hic in altari prælibamus. Postulatio enim dicitur, quasi oratio facta de re quæ jam misericordia vel merito debetur. Gratiarum actiones vocat, ut illud quod in fine missæ dicitur *Benedicamus Domino, Deo gratias*. Ut hoc dicentes innuamus totum referendum esse gratiarum Dei quod dedit, et quod in eternum daturus est. Hæc autem obsecro fieri *pro omnibus hominibus*, ut salvi flant ex voluntate Dei. Quod si queritur cur pro omnibus jubeat orare Apostolus, cum quidam a Deo reprobati sint, pro quibus qui orat videtur offendere [Deum], qui eos reprobat. Contra hæc dicitur quod Deus quidem ex benignitate et clemencia sua velit omnem hominem salvum fieri, quia,

A quantum in se est, in Deo non remanet, sed benignitatem Dei in justitia impiorum avertit.

Unde in Deo duplex voluntas consideratur. Altera benignitatis et clementiae, qua omnes vult salvos fieri; altera est voluntas justitiae Dei, qua malos reprobat, bonos eligit. Secundum autem voluntatem benignitatis Dei, præcipit Apostolus orare pro omnibus, ut quod Deus pie vult, et nos, sequendo pietatem ejus, velimus, utque voluntas Dei fiat oremus, quod si non fieret, a clementia Dei dissentire videbemur. Vel aliter præcedentia legamus, ut de missa mentio in his non sit. *Obsecro fieri obsecrationes*, id est adjurationes illas, ut in laetitia, ubi adjuratur per passionem, per resurrectionem et similiter, quasi si quis adjuraret Beum pro conversione cuiuslibet sceleratissimi, quod vix a Deo impetrari posse videretur; impius autem illo per preces justi converso faceret, justus orationes pro eo, ut Deus cum fide daret illi virtutes quæ sequuntur. Quibus acceptis jam restarent postulationes (sicut dictum est) pro coelesti gloria quæ jam habenti virtutes debetur. Pro his autem omnibus, id est conversione, possessione virtutum, concessione coelestis gloria, sequuntur gratiarum actiones; quod fecit Justinus presbyter, qui, suscepto spiritu Laurentii in celis, in actionem gratiarum sacrificium laudis Deo oblitus. Obsecro autem hoc fieri pro omnibus hominibus (sicut dictum est).

Quia fortassis putarent quidam non esse orandum pro principibus et tyrannis, qui premunt Ecclesiam Dei, adjungit: Sic dico orandum pro omnibus, ut nec etiam persecutores Ecclesiae excludam, sed orate etiam *pro regibus*, et pro omnibus qui in sublimitate sæculari sunt, seu ducibus, seu consulibus. Et pro eis vos orare non solum proficiet illis, sed etiam vobis. Ad hæc ut, illis a tyrannide sua cessantibus, agamus vitam quietam a persecuzione, nec in una re, sed etiam tranquillam, id est in omni re quietam. Tranquillitas Ecclesiae plurimum prodest quibusdam tenerioribus, qui in pace Ecclesie justificationem suam conservant; quos si tormenta comprehendenderent, fortassis a fide recederet.

318 Et ideo orandum esse dicit pro regibus et principibus. Agamus dico vitam tranquillam in omni pietate, id est religione, et in omni castitate, id est in integritate fidei; quæ si persecutio ingrueret, non sic in omnibus integra perduraret, ideo moneo orare pro omnibus. *Hoc enim* ut oretur pro omnibus *bonum*, id est utile est ad profectum Ecclesie, et tale bonus quod sit *acceptum* et *gratum* Deo. Nec sicut in tempore placeat, et in tempore displiceat, sed sic *acceptum* ut sit *coram Deo*, id est ut semper maneat in oculis beneplaciti ejus. Deo dico *Salvatore nostro*, qui quomodo nos salvavit, vult omnem hominem salvos fieri, secundum voluntatem benignitatis suæ, sicut supra dictum est. *Et* ut salvi flant, vult omnes venire ad agnitionem veritatis, id est veræ fidei per quam iter est ad salutem. Probat quod dixit. Vere Deus vult omnes salvos fieri; quod pa-

ter ex eo, quia unus est Deus, id est creator omnium. Cumque Deus omnium creator sit, non est causa quare benignitatem suam neget uni, et det alteri creaturæ, quam impius utique sibi negat, quia impie agit, salva et integra perdurante ad omnes benignitate Dei. Inde etiam palam est quod Deus velit omnes salvos fieri, quia unus est mediator Dei et hominum, et non plures mediatores. Unde constat quia omnibus æque velit proflcere, factus est omnium mediator. Christus mediator dicitur, quia duo extrema et a se prorsus divisa, Deum scilicet; in quo omnis justitia et nihil injustitiae, et hominem, in quo omnis injustitia et nihil justitiae, concordes fecit per assumptam sibi humanitatem, justificans hominem. Probat adhuc Deum velle omnes salvari dicens: Hic autem mediator, cum in deitate gloriosus esset, homo factus est, tam vilis res et tam contumeliosa quod nunquam fieret, nisi vellet salvare homines. Hic autem mediator est Christus, immolans sacrificium pro nobis semetipsum Deo, et rex dirigens nos ad salvationem. Hic autem est Jesus salvator quem hoc nomen designat Salvatorem omnium, qui Christus Jesus dedit redemptionem, nec aurum vel argentum, sed semetipsum pretium dedit pro omnibus redimendis.

Sed licet non omnibus pretium illud profuerit, quia in impietate perduraverunt, Christus tamen pretium dedit, quod sufficiens esset saluti omnium, si omnes boni esse vellent. Et quia pro omnibus redemptionem dedit, omnes æque salvare voluit, cuius rei (scilicet, quod omnes vult salvos fieri) testimonium confirmatum est, quia quod prophetæ testati sunt ante Christum de eo Salvatore, confirmavit Christus, implendo omnia quæ de se prophetæ predixerant. Haec autem per impletionem confirmata sunt temporibus suis, id est congruis, ut nativitas Christi quodam tempore in alio, passio et cætera de Christo diversis temporibus. Nisi enim Christum testimonia prophetarum præcessissent, parum vel nihil crederetur ei, quod idem innuit, cum duobus discipulis post resurrectionem apprens ait: « O stulti et tardi corde ad credendum in his quæ locuti sunt prophetæ (Luc. xxiv, 25), » etc. Quod etiam ipse alibi in Evangelio ait: In hoc est verbum verum: quod alius est qui seminat, et alius qui metit (Joan. iv, 37). » Prophetæ quidem seminaverunt, Christus autem cum apostolis suis seminis fructus colligit. Ad idem probandum, quod Deus vult omnes salvos fieri, auctoritatem suam adducit, dicens: In quo, id est in qua re prædicanda, scilicet quod Deus pro salute omnium pretium dederit semetipsum et cetera quæ præmissa sunt, ego positus sum prædictor a Deo, ut hoc prædicem omnibus, et magna dignitatis prædictor, quia etiam Apostolus ad hoc prædicandum constitutus, et ego procul dubio dico veritatem, nec in qualibet una parte sed ita quod non alicubi mentior, et ego jam constitutus sum doctor gentium in fide et veritate, id est jam multos discipulos docui, qui fideles sunt et veritatem præ-

A dicant. Quia si discipuli mei veri sunt, constat me doctorem eorum non esse mendacem. Quia prædicatorem et Apostolum se nominat, non elationis verba sunt, sed ut per hanc auctoritatem dictorum suorum fidem corroboret.

319 Quoniam quidem sufficienter probatum est orandum esse pro omnibus hominibus, ergo volo omnes viros, et mulieres orare, ut secundum voluntatem Dei salventur. Volo utique viros orare non tantum in ecclesia, sed etiam in omni loco, habentes puras manus, etc. Hic docet quales se præparare debeant ad orandum. Puras manus vocat mundas affectiones, ut nihil velint dari sibi a Deo, quod Deum dare nefas sit, sed maxime omnium salvationem postulent. Puras dico levantes per incrementa boni operis et piæ orationis, et hoc sine ira, id est sine odio proximi. Qui enim odit proximum, ab unitate Ecclesiæ se discepit. Et sine disceptatione, id est sine dissidentia, orate, facti tales quales timore peccati non oporteat disceptare an Deus datus sit vobis quod petitis, necne. Quasi diceret: Orate cum dilectione Dei et proximi. Mulieres etiam eum viris volo orare, similiter sine ira et disceptatione existentes in habitu, non qui ornet illas, sed ornato, id est qui ornetur ab illis, quod tanta sit reverentia mulierum ut etiam earum vestimenta videantur ornata, quia sanctæ mulieres illis utantur. Manentes cum verecundia, ut pudibunda omnia faciant, et cum sobrietate cibi, potus et verborum. Cum aliis virtutibus has duas maxime commendat mulieribus, quia vident eas maxime laborare morbo impudicitiae et intemperantiae. Mulieres dico ornantes se non in tortis crinibus, aut auro, aut margaritis, vel ueste pretiosa, id est non studentes cultui corporum, sed per bona opera quæ foris operantur, promittentes pietatem, id est in propatulo mittentes religionem mentis per bonam operationem exhibitam foris. In orando volo viros et mulieres similes esse; sed in docendo, vel interrogando volo dissimiles esse. Mulier enim discat, audiat sermonem in ecclesia, non interrogando, neque respondendo, sed sit in silentio, et si in aliquo haesitat, cum venerit domini, virum interroget. Discat autem in silentio cum omni subjectione, post viros stando capite velato, aspectu in terram fixo. Cum enim in ecclesia convenimus, ibi Judicii repræsentamur, quem per seductionem mulieris in iram provocavimus; cuius rei memor mulier, quod totius perditionis auctor fuerit, in præsencia Judicis multum debet verecundari. Ut discat, concedo mulieri. Docere autem virum doctrina spirituali illud nullo modo permitto mulieri, neque dominari aliquo spirituali dominio in virum, sed semper esse non solum in silentio interrogandi vel respondendi, sed etiam in silentio confabulandi cum aliquo in ecclesia.

Ideo mulier non debet dominari in virum, quia Adam primus formatus est, deinde Eva. Ordo autem creationis eorum signat virum debere dominari in mulierem, non mulierem in virum. Cum enim ante

hominem, vel eodem momento cum homine, Deus, si vellet, creare posset mulierem, non sine re tempore posteriorem viro fecit, ideo adhuc mulier non debet in virum dominari; etenim *Adam non est seductus* illo modo quo mulier, ut crederet se gustu pomì fieri Deum, sed in hoc quidem seductus fuit quia, suadente sibi muliere quam Deus in adjutorium sibi dederat, utrumque existimavit posse fieri, et uxori se morem gerere, et patrati sceleris acta ponit ntia a Deo se posse veniam obtinere. Adam non est seductus, *mulier autem seducta fuit*, credens se fieri Deos ut serpens suaserat, in *pravaricatione*, id est in actu peccati, scilicet in comedione pomi. Et propter tot causas mulier semper subjici debet viro, non praferri; spirituali prælatione dieo, si enim servos habet, licet bene dominari in illis sœculari dominio. Potest etiam mulier mulieribus spirituali modo præesse, sed viro nunquam. Ne autem alicui videretur mulierem non posse salvare, quia causa fuerit totius perditionis, et quia idem Paulus adeo detestatus sit mulierem, subdit de salute ejus dicens: *Licet mulier seducta sit non seducto viro, tamen mulier salvabitur*. Non solum virgo vel continens, sed etiam vadens per generationem filiorum, id est etiam nupta. Hac conditione dico **320** si permanenter in fide, quod sanam fidem habeat, et in dilectione Dei et proximi, et in sanctificatione quam accepit in baptismo. Permanserit dico in his cum sobrietate, quam ideo repetit quod in hac plurimum soleant peccare mulieres, ideo conjugatas salvari posse dixit, quia, si de virginibus vel viduis solum dixisset, putaretur intellexisse salvari non posse conjugatas, quae cum salvandæ sint, constat per hoc de salute virginum et viduarum. Vel contiuuemus aliter: *Licet mulieri non permittam docere in Ecclesia, tamen salvabitur*, id est poterit salvationem mereri per generationem filiorum, id est spiritualiter instruendo domi filios suos, salvabitur hac lege si (quantum in illa erit) filii ejus permanerint in fide, et dilectione, et sanctificatione, cum sobrietate, sicut dictum est.

CAPUT III.

Fidelis sermo. Si quis episcopatum desiderat, bonum opus desiderat. Oportet enim episcopum irreprehensibilem esse unius uxoris virum, solum, ornatum, prudentem, pudicum, hospitalem, doctorem, non vinolentum, non percussorem, sed modestum, non litigiosum, non cupidum, sed suæ domui bene prepositum, filios habentem subditos cum omni castitate. Si quis autem domui snae præesse nescit, quomodo Ecclesiae Dei diligentiam habebit? Non neophytum, ne in superbiam elatus, in judicium ineidat diaconi. Oportet autem et illum testimonium habere bonum ab his qui foris sunt, ut non in opprobrium incidat, et in laqueum diaboli. Diacones similiter pudicos, non bilingues, non multo vino deditos, non turpe lucrum sectantes, habentes mysterium fidei in conscientia pura. Et hi autem probentur

A primum, et sic ministrent, nullum crimen habentes. Mulieres similiter pudicas, non detrahentes, sobrias, fideles in omnibus. Diacones sint unius uxoris viri, qui filiis suis bene præsint, et suis domibus. Qui enim bene ministraverint, gratum sibi bonum acquirent, et multum fiduciam in fide quæ est in Christo Jesu. Hæc tibi scribo, fili Timothee, sperans me venire ad te cito. Si autem tardavero, ut scias quomodo oporteat te in domo Dei conversari, quæ est Ecclesia Dei vivi, columna et firmamentum veritatis. Et manifestum est pietatis sacramentum, quod manifestatum est in carne, et justificatum est in spiritu, apparuit angelis, prædicatum est gentibus, creditum est in mundo, assumptum est in gloria. □

EXPOSITIO.

Postquam communatem Ecclesiae admonuit orare, et ex hoc publicum præceptum in omnibus dedit, subdit quædam divisa præcepta, quæ non de omnibus agant, scilicet de sacerdotio et diaconatu, insinuans quæsas, et quomodo ad istos ordines sint promovendi. Quod præceptum quia vidit onerosum et difficile quibusdam, antequam proponat commendat, dicens: *Hic sermo quem dicturus sunt fidelis est*, id est credi debet, et nemini est onerosus. Hie utique est sermo quem commendo: *operet episcopum esse irreprehensibilem*. Hic autem per episcopum significat sacerdotem. Superflue enim Timotheum, qui Ephesiorum episcopus erat, de ordinando episcopo Ephesiis instrueret, cum eo ibi episcopante, alium ibidem episcopari absurdum esset, nec credendum est. Præterea si de diaconibus præceptum daret (prætermisso sacerdotali ordine qui præcedit) absonum videretur et inordinabiliter factum. Nec mirum si per episcopum signat presbyteram, cum in hac eadem Epistola, per presbyterum significet episcopum. Et quia volentem episcopari irreprehensibilem esse necesse est, ideo si quis desiderat episcopatum, id est super sibi commissos intendere, hic desiderat non aurum, non divitias, non jucunditatem sæculi, sed *opus*, id est laborem bonum, id est utilem sibi et his supra quos intendit. Episcopus enim *superintendens* dicuntur, scopus enim *intentio*, epi *super* interpretatur. Et quoniam qui desiderat episcopatum, operari **321** bonum desiderat, ergo oportet episcopum, id est necesse est volentem episcopari esse irreprehensibilem, quia si sit reprehensibilis quandiu in eo est, bonum operari nequit. Irreprehensibilem vocat nullius criminalis reum, qui, etiam licet crimen non habeat, custodit se sic quod nee in eo aliqua criminis occasio videatur, unde *criminosus* suspicetur. Hunc autem episcopum, id est volentem sacerdotio fungi, oportet fuisse *virum unius uxoris*, quod unam tantum uxorem (dum sibi uxorari licuit) habuerit. Non quod in episcopatu eam habeat, vel quod si nullam habuit, repudiari debeat, sed magis accipi. Ideo viro multarum uxorum negat sacerdotium, quia, illo soluto a priore uxore, cum se-

cundas nuptias contraxit, indicavit se continere non posse, incontinentem autem episcopari non licet. Et ut irreprehensibilis sit, oportet episcopum esse sobrium et verbo, et opere. Prudentem etiam qui sciat de thesauro pectoris sui novam et veterem legem proferre.

Oportet etiam eum esse *non vinolentum*, iugi potatione dissolutum. Non etiam percussorem corporali percusione, habet enim spiritalia arma, quibus uti debet contra adversarios, verbum scilicet Dei, quare non oportet eum uti corporalibus armis. Non percussorem, sed *modestum*, id est totius moderationis custodem. Oportet eum esse *non litigiosum*, id est non convicium pro convicio reddentem, sed ad omnia patientem. Non etiam *cupidum*, ne cupiditas prohibeat eum bona Ecclesiae erogare in pauperes, quorum patrimonia sunt, non propria episcoporum. Oportet etiam eum suisse *bene præpositum domui suæ*, quod privatam familiam suam bene coeruerit a quibusque vitiis; nec solum reliquam familiam, sed etiam *filios habcentem subditos*, id est qui nec in filiis coercendis paterna affectione deceptus sit. Nec ita dico ut post patratum vitium correxerit eos; sed cum *omni castitate*, id est omni integritate servata, quia adeo districtus fuit in custodia filiorum quod ad actum sceleris eis pervenire non licuit. Sic scientem præesse domui suæ, bonum est in sacerdotium promoveri. Sed si quis nescit præesse private domui suæ, in qua pauca disponenda sunt, quomodo hic *habebit diligentiam*, id est diligentem custodiam Ecclesiae Dei, in qua tot et tanta procuranda sunt? Praeter predicta oportet eum non esse *neophyllum*, id est noviter conversum, ne, si adhuc rudis in fide promoveatur in sacerdotium, *elatus in superbiam* cogitando secum, Si modo non essem conversus, non esset praeter me qui sciret præesse Ecclesiae, sic superbio *incidat in judicium*, id est damnationem diaboli, qui per superbiam damnatus fuit, ut et hic neophytus similiter per superbiam damnetur. Neque hæc solum necessaria sunt illi, sed etiam oportet, id est necesse est *illum habere bonum testimonium*, non solum a fidelibus, sed etiam ab *his qui sunt foris*, id est extra fidem, scilicet ab infidelibus, ut non *incidat in opprobrium*, quia si modo infideles videant illum sacerdotem factum, prædicantem verbum Dei, convientur ei dicentes: Tu qui paulo ante furabar, adulterabas, etc., jactas te modo magistrum nostrum, in cuius ore etiam bona contemptibilia sunt. Hic autem hoc audiens, accensus ira alterna reddat opprobria, et hoc modo incidat in laqueum diaboli, qui illis dolis laborat illaqueare eum. Quare oportet eum qui promovet in sacerdotium, etiam cum infidelis fuit, sine quærela conversatum suisse inter suos.

Quales presbyteros oportere esse diximus, oportet esse diaconos sobrios, et cætera quæ non reponit. Per hoc quod ait similiter intelligenda esse in ordinatione diaconorum significavit, qui ordo parum dignitate discrepat a sacerdotio. Diaconos, inquam,

A oportet esse pudicos, id est custodes castitatis, et non bilingues, id est non inter fratres discordias seminantes, non deditos multo vino, quo quidem sobrie licet uti; non sectantes turpe lucrum, ut nec fenerent, nec negotientur; habentes etiam *mysterium*, id est secretum fidei, ut cognoscant illa secreta fidei nostræ, quæ simplicitas vulgi capere non sufficit. Diaconorum enim officium est evangelizare verbum Dei populo: 322 in cujus rei signum traditur eis Evangelium ad legendum. Quare oportet eis nota esse arcana fidei qui de fide sunt docturi. Et licet haec omnia habeant, tamen antequam ordinetur, probentur primum interrogacionibus illis, quibus ante ordines solent interrogari, ut illud. Vis servare castitatem et similia? Hi utique B probentur, et similiter sacerdotes de quibus hoc non præmiserat. Et sic demum ordinati ministrant, id est res Ecclesiae in necessariis usibus distribuant, ut in cibis pauperum et similibus.

Statutum enim fuit etiam in primitiva Ecclesia, ut illi septem diaconi res ecclesiasticas et domesticas disponerent, pauperibus ministrarent (Act. vi, 2), etc., ut apostoli hujusmodi curis soluti, liberius vacarent prædicationi. Unde adhuc si jure sit, per manus diaconorum ministeria distribuuntur Ecclesiarum. Ministrant dico non *habentes ullum crimen actu*, nec etiam suspicione, tanta enim vigilancia debent se circumspicere, quod occasionem non habeat hostis, vel suspicari criminale quid de illis. Non habentes crimen, idem est quod supra ait *irreprehensibilem*. Hic inserit præceptum de mulieribus ante et post agens de diaconibus, quod interseruum nisi ad diaconos aliquomodo pertineat, inconveniens hic ordo videtur. Ut autem quod ait de mulieribus convenienter insertum judicetur, sic exponimus: *Mulieres* quæ nuptæ fuerint his qui in diaconatum promoventur, similiter oportet esse *pudicas*, id est necesse est proficeri castitatem, sicut viros earam. Melius enim esset ut cum viris in castitate conjugii manerent, quam separatae a viris impudice viverent.

Et ideo viri earum non recipiantur in Ecclesia, nisi et mulieres eorum profiteantur castitatem, quæ non solum pudicas esse oportet, sed etiam non *de trahentes*, quia si detractioni vacant, melius fuisset esse cum viris, qui corrigenter eas. Oportet etiam eas esse *sobrias* in cibo, in potu et in vestitu. Sunt etiam *fideles in omnibus*, id est justificationem a peccatis, quam per fidem acceperunt, salvam per omnia custodientes. Vel ita: Fideles sint in omnibus, quod si quid de ecclesiasticis committitur illis (ut ministrare pauperibus) fideliter exsequantur. Diacones etiam sint, id est fuerint *viri unius uxoris*, qui *filii suis bene præsunt*, et *suis dominibus*, sicut de episcopo fuit expositum. Vel si placet mulieres diaconisse, scilicet moniales, similiter oportet esse pudicas, etc., sicut dicta sunt. Ne autem cuiilibet difficile esse videatur sic se preparare pro habendo diaconatu, ait: Non sit vobis onerosum talcs et.

talès fieri ut hunc ordinem descendatis, quia qui A bene et religiose ministraverint in diaconatu, acquirent per hoc sibi majorem gradum; bonum, id est utilē sibi, presbyteratum scilicet seu episcopatum. Et si forte non accepto majori gradu moriantur, quia bene ministraverunt in diaconatu, acquirent multam, id est multiplicis boni fiduciam, scilicet celestis: in fide, id est justificari per fidem quæ est in Christo Jesu. Vel ita, ut quamdam privatam fidem intelligamus. Sic acquirent fiduciam in fide, quæ est in Christo Jesu, id est in persona Fili. Licet non in una persona plena fides sit, sed in tribus. Fidem privatam in Christo dicit, quod per redemptionem et cetera, quæ propria personæ Filii sunt: confidit se salvari. *Hoc de ordine sacerdotali et levitico et cetera scribo tibi, fili Timothee, sperans me tamen (licet modo tibi scribam) cito venire ad te.*

Ubi ait se scribere cum cito sit venturus, multam necessitatem (ut observentur ea quæ scribens imperat) per hoc innuit. Cito quidem spero me venturum ad te; sed si forte tardavero, scribo, ut per hoc scias quomodo oporteat te conversari in domo Dei, id est quanta vigilantia custodire debeas fidelicis, in quibus Deus ut in domo habitat. Et quia domus de paucis dici possit, addit: *Quæ domus est Ecclesia, id est in qua Deus multos ad fidem convocabat. Ecclesia dico Dei vivi, id est qui vitam æternam, quam habet, dat suæ Ecclesiæ. Quæ Ecclesia est columnæ secundum quosdam firmos et directos in fide, qui columnæ dicuntur quantum ad se. Firmamentum etiam veritatis dicuntur, quantum ad alios debiles in fide, qui, nisi firmarentur exemplo et exhortatione istorum, titubarent in fide; in qua Ecclesia 323 est sacramentum, id est Christus: et hoc sacramentum pietatis, id est totius religionis magnum est, quia magnitudinis ejus non est finis. Est utique hoc sacramentum in ea manifestum, id est apparens per multa miracula quæ operatur Deus per membra Ecclesiæ. Christus ab ea similitudine sacramentum dicitur, sicuti sub veteri lege quedam sacramenta in templo recondebantur quæ non licet videre populo, sic in Christo licet multa videantur, tamen multa in eo absconsa sunt quæ nulla creatura comprehendere sufficit. Sacramentum autem res mystérii involuta dicitur. Quod sacramentum, id est Christus, manifestatum est in carne, quia per verbum Dei incarnatum, deitas quodammodo per carnem visibilis facta est; quæ, nisi in carne, penitus invisibilis erat. Hoc ideo sacramentum, id est Christus justificatum est, non quod peccatum habuerit, sed homo ille quem Deus assumpsit justus factus est in spiritu, id est per spiritum, scilicet per deitatem cunctam sibi, quia cum alii homines ex concupiscentia carnis concipientur, Christus ex dilectione patris conceptus est. Hoc iterum sacramentum apparuit angelis, id est fecit se Christus cognosci ab angelis, per hæc quæ homo factus operatus est in terris. His enim visis, multum prosecuerunt angeli de cognitione Dei, non enim omnia*

A mysteria revelata fuerant illis. Hoc etiam sacramentum prædicatum est gentibus ab apostolis, creditum est etiam in mundo, mundus enim jam credit in Christum. Assumptum est etiam in gloria, ubi sedet in dextera Patris, occurrentibus illi angelis in die ascensionis sue.

CAPUT IV.

Spiritus autem manifeste dicit, quia in novissimis temporibus discedent quidam a fide, attendentes spiritibus erroris, et doctrinis dæmoniorum, in hypocrisi loquentium mendacium, et cauteriam habentium suam conscientiam, prohibentium nubere, abstinere a cibis quos Deus creavit, ad percipiendum cum gratiarum actione fidelibus, et his qui cognoverunt veritatem. Quia omnis creatura Dei bona est, et nihil rejiciendum quod cum gratiarum actione percipitur. Sanctificatur enim per verbum Dei et orationem. Hæc proponens fratribus, bonus eris minister Christi Jesu, enutritus verbis fidei et bonæ doctrinæ quam assecutus es. Ineptas autem et inavesciales, i. e. infructuosas fabulas devita (II Tim. 2, 23). Exerce autem te ipsum ad pietatem. Nam corporalis exercitatio ad modicum utilis est. Pietas autem ad omnia utilis est, promissionem habens vitæ, quæ nunc est, et futuræ. Fidelis sermo, et omni acceptance dignus. In hoc enim laboramus et maledicimur, quia speramus in Deum vivum, qui est salvator omnium hominum, maxime fidelium. Præcipe hæc et doce. Nemo adolescentiam tuam contemnat; sed exemplum esto fidelium in verbo, in conversatione, in charitate, in fide, in castitate. Dum venio attende lectioni, exhortationi et doctrinæ. Noli negligere gratiam, quæ in te est; quæ data est tibi per prophetiam cum impositione manuum presbyteri [presbyterii]. Hæc meditare, in his esto, ut profectus tuus manifestus sit omnibus. Attende enim tibi et doctrinæ, insta in illis. Hoc enim faciens et te ipsum salvum facies, et eos qui te audiunt.

EXPOSITIO.

Ne modo Timotheus objiceret Paulo: quoniam tantum sacramentum (ut ait) in Ecclesia est, non multum me vigilare oportet pro custodia ejus, quia per hoc sacramentum sufficienter custodietur. Contra hoc Paulus ait: Scias omni vigilantia conservandam esse Ecclesiam Christi, quia in novissimis temporibus discedent quidam a fide. Hoc autem non leviter a quolibet accepi, sed Spiritus sanctus dixit mihi non sub aliquibus figuris, sed manifeste, quia in novissimis temporibus discedent quidam haeretici a fide Christi, attendentes spiritibus erroris, id est dæmonibus loquentibus per ora seductorum, attendentes non tantum rationibus eorum, sed etiam doctrinis, id est assertionibus doctrinarum eorumdem dæmoniorum, loquentium mendacium in hypocrisi, id est in simulatione boni, cum vere mali sint, et habentium suam conscientiam, id est 324 mentem suam totius mali conscientiam, cauteriatam, id est soris

manifesta adustione signatam. Cauterare a *caveo*, A in fide, sciens quod in Christum credere oporteat. *caves*, dicitur, cauterium enim adustio illa dicitur, quæ fit deprehensis furibus, ut qui viderint illos, per hoc signum caveant sibi ab illis, scientes quod fures sunt. Ab ea similitudine dicit *habentium conscientiam cauteriatam*, quia dolosæ mentis suæ quædam signa foris emitunt, per hoc quia prohibent nubere. Hæc est enim coctura illa quæ nobis aperit malum conscientiæ eorum, quod prohibent nubere, id est quod præcipiunt non nubere: et præcipientium adhuc *abstinere a cibis quos Deus creavit ad percipiendum fidelibus*, et hoc cum actione gratiarum, quia de hoc agendæ sunt gratiæ creatori Deo, ne forte si sine benedictione perciperemus (quod sepe auditum est) diabolus cum iis ingredetur. Creavit utique ad percipiendum fidelibus, et his, id est etiam eisdem talibus qui cognoverunt teritatem, hanc scilicet quia omnis creatura Dei, in eo quod a Deo creata est, bona et utilis est omni hoc credenti; si autem nociva est alicui, ut coluber, propterea sit quia non credit bonum esse sibi hanc creaturam Dei, ut, si modo crederet quis non esse bonum se comedere carnem etiam licitam, et tamen comederer, peccaret, quia uteretur eo quod bonum esse dubitaret. Cognoverunt etiam fidèles nihil esse rejiciendum. Determinat quod dicit non rejiciendum. Illud scilicet quod percipitur, id est quod percipiendum est cum actione gratiarum, non enim omnis caro comedenda est. Percipere, inquam, et agere gratias bonum est, quia creatura illa quæ in cibum sumitur, sanctificatur per verbum, id est per Filium Dei. Per Filium enim et omnia creavit, et omnia creata sanctificavit. Sanctificatur etiam per orationem, id est et per benedictionem quæ præcedit, et per gratiarum actionem quæ sequitur.

Nota, cum de tempore Antichristi Timotheum Paulus instruat, innuit membra Antichristi per longa tempora caput suum præcedere. Innuit etiam quod hæc instructio omni Ecclesiæ, et secundum omnia futura tempora facta sit. Hæc quæ superius dicta sunt, nuptiis non detrahere, cibos, quos Deus ad percipiendum fidelibus creavit, non derogare, et cetera præmissa tu proponens, id est in propatulo ponens fratribus, licet sie proponendo quibusdam videaris nimis remissus, et indulgens carnalitati, sic tamen eris minister Christi Jesu bonus, id est utilior illis qui modum nimia distinctione excedentes prohibent nubere, et uti carnalibus. Sic debes proponere, tum quia sic bonus, id est utilius eris, præterea quia potes; tu enim enutritus, id est extra rudimenta et nutrituram puerilem positus doctus es verbis fidei. Nostri enim in quem, et quomodo te oporteat credere. Enutritus etiam es verbis bonæ doctrinæ, id est utilem morum instructionem didicisti, quam doctrinam plenarie assecutus es per me, qui et te baptizavi, et quæ adhuc docenda erant sufficienter doce. Hic enim Timotheus a matre fidi literis sacris addiscendis puer traditus est, non tamen donec a Paulo baptizatus est; et ideo dicit eum enutritum esse

B Enutritum etiam bona doctrina, id est instructione morum. Talia propone fratribus; sed fabulas ineptas quæ nullam veritatem habent, ut de prohibitione ciborum et nuptiarum; fabulas ineptas etiam inane, id est inutiles, quæ, licet veritatis similitudinem teneant, ut reducere circumcisioñem, sine omni utilitate tamen sunt; illas non solum sicut præmonui interdicas, sed devita, si quis inde tecum secreto velit discutere; nec etiam solus studeas in illis, sed potius exerce te, nec partim, sed te ipsum totum et corpore, et animo ad pietatem, id est ad doctrinam et custodiā religionis, utque totus fortiter vacare possis pietati, ne supra modum carnem tuam affligeret velis. Nam hæc corporalis exercitatio per jejunia utilis quidem, sed respectu pietatis ad modicum valet. Quid enim prodest prælatum sic se affligeret, ut præ debilitate carnis instructioni subditorum 325 nequeat vacare? Afflictio corporis parum est utilis: pietas autem, id est ex pietate miserationis intendere filiorum instructioni: hæc, inquam, pietas utilis est; non ad quædam, sed ad omnia. Ideo de afflictione corporis Timotheum sic quodam modo redarguit: quia noverat eum adeo jejunare, et a potu vini se cohíbere, quod stomachus ejus ideo debilitaretur: quare præcipit illi in sequentibus uti vino. Quæ pietas est habens promissionem vitæ quæ nunc est, id est vitationem mali et augmentum justitiae, quæ in hac vita licet habere. Habet etiam promissionem futuræ et perpetuæ vitæ. Hic autem sermo, quem dixi intendere pietati, nec ita corpus affligere, ut impediatur pietas, fidelis est, et est dignus omni acceptione: quia confortato corpore sovetur pietas utilis ad omnia. Quodque acceptum esse debeat exercere ad pietatem appareat inde: quia in hoc, id est in pietate laboramus nos, cibos de labore manuum querentes. Maledicimur etiam ab infidelibus: ideo quia speramus intendentis in Deum virum, qui vitam æternam quam habet dabit sperantibus in se. In eo merito sperandum est qui est Salvator omnium hominum, bonorum et malorum salvatione temporali: quia « solem suum facit oriri super justos et injustos (Matth. v., 45). » Cumque sit omnium Salvator, maxime tamen et præcipue D fidelium est, quibus vitam æternam dabit, quam negabit impiis: quos tamen in hoc mundo salvat in temporalibus bonis. Quoniam quidem exercere te ad pietatem bonum est, et nos in eodem laboramus: quos tamen in hoc mundo imitari debes.

Tu igitur vacando pietati præcipe his qui sciunt, sed pigri sunt ad operandum: hæc scilicet præcepta quæ præmissa sunt. Si qui etiam sunt nescientes, doce eos et hoc utrumque cum tanta severitate et munditia, ut nemo contemnat tuam adolescentiam; ut honestas vitæ et habitus ætatem tuam annis juvenilem moribus faciant maturam. Nemo, inquam, te contemnat: sed esto exemplum quorumque fidelium in verbo: in humilitate alloquens omnes in conversatione, omnibus omnia factus in charitate, id est

in dilectione proximi in *fide*, id est in *justificatione* A permanens. Et in *castitate*, quæ virtus gemma vir-tutum est in juvene. Ideo de castitate juvenem instruit, adolescentia enim ætas est magis lascivire appetens quam alia. Et ut sis exemplum fidelium attende *lectioni*, id est assidue revolve sacram pagi-nam, dum, id est donec ego *venio*. Postquam enim ad te venero sufficienter monebo te: viva enim vox magis animat quemcunque quam lectio: sed tamen multi satis sciunt, qui, nisi lectione incitarentur, torperent dum monitor eorum abesset; et ideo ait: Attende *lectioni*, et attende *exhortationi*, id est exhortare eos qui docti sunt, et tamen ad operandum pi-gri. Attende etiam *doctrinæ*, id est doce eos qui ne-sciunt: et ut in his attentior sis, *noli negligere gra-tiam Spiritus sancti quæ est in te collata*. Gratiam dico pontificalem, quæ data est tibi per prophetiam, id est per prævisionem; spiritu enim prophetiæ prædictus, vidi te idoneum pontificali gratiæ: et hæc data est tibi cum impositione manuum presbyterii, id est episcopi qui consecrando te episcopum, manus tibi imposuit. Vel presbyterii, id est presbyteratus: quia licet unus specialiter manus imponat et con-secret, tamen cæteri episcopi qui astant eumdem cum illo consecrant.

Nota quod per impositionem manus Spiritus sanctus datur: non ideo lit, qui sine hoc posset dari; sed ideo manus imponitur, ut plenam subjectionem per hoc discat exhibere Deo et consecratori suo ille qui sacratur. Unde sacrificator ille hanc prælationem C habet super eum quem consecrat, quod nunquam ab eo ultra judicabitur. Prophetia etiam illa quam dixit, quia non ita modo potest fieri, non enim sic modo spiritales sunt episcopi, sicut tamen secundum quod potest fieri: ubi qui consecrandus est præsen-tatur consecratori, et requiritur de fide et cæteris ut habet Ordo. Et (ut conserves gratiam quæ in te est) meditare hæc quæ moneo: et esto in his per operationem 328 ut sic meditando et operando profectus tuus manifestus sit omnibus, et exemplo tuo proficiant. Utque sic prolicere possis, attende tibi subtiliter, corrige vitam tuam, et te undique cir-cumspecto attende doctrinæ, id est doce alios. Vita enim tua si sit laudabilis prædicationem tuam com-mendabit, et ideo insta in illis, id est in directione D vite et doctrina subditorum. Hoc enim faciens, id est instando in illis te ipsum salvum facies. Atten-dendo tibi, eos etiam salvos facies per doctrinam qui te audiunt.

CAPUT V.

Seniorem ne increpaveris, sed obsecra ut pa-trem, juvenes ut fratres, anus ut matres, juv-enculas ut sorores in omni castitate. Viduas honora, quæ vere viduæ sunt. Si qua autem vidua filios aut nepotes habet, discat primum domum suam pie regere et mutuam vicem reddere parentibus. Hoc enim acceptum est coram Deo. Quæ autem vere vidua est et desolata, speret in Deum: et in-stet obsecrationibus et orationibus nocte ac die.

Nam quæ in deliciis est vivens, mortua est. Et hoc præcipe, ut irreprehensibiles sint. Si quis au-tem suorum (et maxime domesticorum) curam non habet, fidem negavit, et est infideli deterior. Vidua eligatur non minus sexaginta annorum, quæ fuerit unius viri uxor, in operibus bonis testimonium habens: si filios educavit, si hospitio recepit, si sanctorum pedes lavit, si tribulationem patientibus subministravit, si omne opus bonum subsecuta est. Adolescentiores autem viduas de-vita. Cum enim luxuriæ fuerint, in Christo nu-bere volunt: habentes damnationem, quia pri-mam fidem irritam fecerunt. Similiter et otiosæ discunt circuire domos: non solum otiosæ, sed et verbosæ et curiosæ, loquentes quæ non oportet. Volo ergo juniores nubere, filios pro-creare, matresfamilias esse, nullam occasionem dare adversario maledicti gratia. Jam enim quæ-dam conversæ sunt retro post Satanam. Si quis fidelis habet viduas, subministret illis ut non gra-vetur ecclesia: ut his quæ vere viduæ sunt sufficiat. Qui bene præsunt presbyteri, dupli honore digni habeantur, maxime qui laborant in verbo et doctrina. Dicit enim Scriptura: Non alligabis [in frena] os bovi trituranti (*Deut. xxv, 4; I Cor. ix, 9*). Et: Dignus est operarius mercede sua. Adversus presbyterum accusationem noli recipere, nisi sub duobus aut tribus testibus (*Deut. xix, 15, 43*). Peccantes coram omnibus argue, ut et cæteri timorem habeant. Testor coram Deo et Christo Jesu, et electis angelis ejus, ut hæc custodias sine præjudicio, nihil faciens in alteram partem declinando. Manus cito nemini imposueris, neque communicaveris peccatis alienis. Te ipsum castum custodi. Noli adhuc aquam bibere, sed vino mo-dico utere propter stomachum tuum et frequen-tes tuas infirmitates. Quorundam hominum pec-cata manifesta sunt, præcedentia ad judicium, quorundam autem et subsequuntur. Similiter au-tem et facta bona manifesta sunt, et quæ aliter se habent, abscondi non possunt.

EXPOSITIO.

Et ne Timotheus (quem sic admonuit, præcipe, doce, etc., indiscretæ doceret, non attendens diver-sitates ætatum et sexuum, subjungit Paulus quo-modò singula ætas docenda sit, dicens: Licit dicam præcipe, doce, vide tamen ne cum austeritate incre-paveris seniorem ætate, sed obsecra cum tanta dili-gentia, ut patrem; juvenes autem obsecra, ut fra-tres; anus vero, ut matres; juvenculas, ut sorores. Et quia Timotheus juvenis erat, ideo cum de juvenculis diceret, in omni castitate apposuit; rectissime enim in alloquio juvencularum juvenis de omni cas-titate admonetur, ne saltem minima carnis titillatione circa eas moveatur. Timotheo instructo qua discretione docere deberet subdit præceptum de viduis, determinans quæ de bonis Ecclesiæ de-beant sustentari, et quæ non, dicens: Juvenculas sic obsecra; Viduas vero confugientes ad Ec-

clesias *honora* eo modo quo honorandæ sunt : A **327** dando scilicet victum et vestimentum illis solum quæ sunt vere viduæ, nolentes ulterius reverti ad ea quæ mundi sunt, ut amplius nubere velint; illis etiam quæ sunt desolatae, quod subdit inferius. Desolatas vocat quæ filios vel parentes non habent qui eas sustentare queant, vel cum quibus ipsæ rebus suis, si quas habent, possint uti et instruere eos. Honora, inquam, eas quæ vere sunt viduæ, sed si qua *vidua* *habet filios aut nepotes*, hæc utique quia desolata non est, *discat* (primum quam sumptus Ecclesiae accipiat) specialiter *regere domum suam*, id est filios ac nepotes : et si parentes adhuc habet; *discat reddere mutuam vicem parentibus*, qui eam aluerunt cum infans esset. Benefaciat, inquam, parentibus quia *hoc*, id est et suos specialiter regere, *acceptum est coram Deo* magis quam si parentes in calamitate desereret. Vidua quæ filios habet non transeat ad Ecclesiam, sed illa quæ vere vidua est nolens amplius reverti ad conjugium; et quæ est desolata non habens filios aut nepotes, illa *speret in Deum*, id est sustentetur honis Ecclesiae, et ibi instet obsecrationibus et orationibus nocte et die.

Vel aliter ut in hoc versu determinetur quæ sit vere vidua. Dico alendas ab Ecclesia vere viduas; ne autem decipiari in illis, scito quod illa vere vidua est et desolata, quæ sperat in Deum, et non in filios aut nepotes, et quæ instat obsecrationibus et orationibus nocte et die. Quæ vere vidua est hæc solum sperat in Deum, vel speret. Nani illa vidua quæ est in delictis carnis, vivens mundo, mortua est Deo, et talis non debet recipi in Ecclesiam. *Hoc* etiam præcipe de viduis quod cum sint vere viduæ et desolatae, sint et *irreprehensibiles*, id est nec crimen habentes, nec occasionem criminandi se in aliquo tribuentes. Vidua quæ habet filios aut nepotes regat eos, *quia si qua vidua non habet curam suorum quos regere debet, et maxime præ caeteris curam domesticorum*, id est filiorum aut nepotum, hæc talis negavit fidem, quam promisit Deo. Planum est enim quod, curam proximi non habens, proximum non dilexit, et sic nec Deum diligit. Qui enim non diligit fraterem, quem videt, Deum, quem non videt, quomodo potest diligere? Quia si nec Deum diligit, fidei plane negavit. *Est etiam deterior infideli*, qui nunquam fidem habuit, quia reus est pacti quod Deo pepigit, et sic irritum fecit. Vel ita : Vidua regat filios et nepotes; si quis autem eorum expellat matrem viduam volentem sustentari ab illis, quod æquipollenter ait : Si quis non habet curam suorum, fidei negavit, et est infideli deterior. Hæc autem vidua est, si quæ præmissa sunt habet. Non tamen eligatur ad recipiendum in Ecclesia *minus sexaginta annorum*, quæ etiam fuerit uxor unius viri, ne ducendo secundum, rea incontinentiæ visa sit, quæ etiam vixerit studiosa in operibus bonis. *Habens* etiam *bonum testimonium* ab Ecclesia : si filios educavit spiritualibus documentis; si pauperes hospitio recepit; si lavit pedes sanctorum, id est si omne pietatis opus prædictori-

A bus exhibuit; non formidans minas persecutorum qui damnabant quoscunque ministrantes sanctis; si etiam subministravit patientibus tribulationem, id est sanctis incarceratis. Ut omnia comprehendam, si subsecuta est omne bonum opus, eligatur.

Viduæ sexaginta annorum elegantur, adolescentiores autem viduas, quæ non sunt tot annorum, illas volo nubere, et ideo *devita*, non accipias eas in ministerium Ecclesiae. Devita ideo *quia si suscipias, cum*, id est postquam fuerint luxuriantæ, id est præ nimia abundantia lascivientes, volunt nubere. Et hoc in Christo, id est legaliter non meretricari, tales illæ habentes damnationem, *quia* *sic frangendo vota, fecerunt irritam etiam primam fidem*, quam in baptismo pollicitæ fuerant, ubi a diabolo se abrenuntiare dixerant, cui frangendo votum continentia quam voventur, se iterum mancipaverunt, patenter innuentes, quia egentes confugerunt ad subsidia Ecclesiae, non amore continentia. Quæ non solum **328** nubere volunt: sed etiam simul congregatae discunt circuire domos. Et hoc ideo *quia otiosæ sunt, et non solum otiosæ, sed etiam verbosæ, inquirentes rumores urbis. Loquentes* etiam curiose, et cum multo studio ea quæ non oportet, scilicet quælibet impudica. Et quia propter otium in tantam perniciem delabuntur, ergo propter hoc volo juniores viduas, quæ præfixos annos non habent, volo, inquam, eas nubere, filios procreare, matresfamilias esse, ut habeant quibus intendant, et non solito modo otientur. Et sic volo eas non dare ullam occasionem adversario, id est infideli gratia maledicti, id est cui valde gratum est, habere occasionem maledicendi de fidelibus. Propterea malo eas nubere quam recipi in Ecclesia, *jam enim quædam* voventes continentiam conversæ sunt ab eo quod voventur, euntes retro post Satanam. Quod si hæ viduæ non inveniunt cui possint nubere, volo quod si qua, vel si quis fidelis habet has viduas, vel matrem, vel sorores, vel filias, subministret illis, et non gravetur Ecclesia in sustentatione illarum, ut possit sufficere his quæ sunt vere viduæ et desolatae.

Dato præcepto de viduis, insinuat quibus modis presbyteri sint honorandi a populo, dicens : Sic præcipe de viduis. Præcipe etiam ut presbyteri habeantur digni duplice honore, et spirituali, ut inclinetur eis, et obediatur eorum præceptis, et corporali ut temporalia ministrentur eis sufficienter a subditis. Hi utique presbyteri qui præsunt bene, id est quorum prælatio utilis est subditis, quia vel vacant instructione eorum, vel orant pro eis. Cumque hic duplex honor omni presbytero debeatur, his tamen maxime impendatur qui laborant in verbo fidei, docentes quid credere oporteat, et in doctrina, id est in instructione morum. Duplicem honorem dixit exhibendum esse presbyteris, quorum alterum, id est spirituali, quia vidit nulla ratione posse negari, ad eum probandum nihil subdidit. Sed alterum scilicet de rebus populi sustentare sacerdotem : quia vidit quosdam avaros hoc negaturos, probat hoc auctoritate Veteris et Novi testamenti, dicens : Sicut præ-

cipio digni habendi sunt presbyteri, quia dicit Scriptura : *Nom alligabis os bovi tritnanti* (Deut. xxv, 4; I Cor. ix, 9). Mos fuit veteribus (et adhuc est in aliquibus partibus) ut segetes in area positas contenterent boves, et cetera docta ad hoc opus animalia; sed tamen proprium bovum hoc erat ut hoc modo contrita messe, grana seligerentur a paleis. De quibus præcepit Moyses ne bovi conterenti in area alligaretur os, sed de eo in quo laborabat licenter comedetur, hoc præcipiendo intendens aliud, scilicet ut prædicator trilurans in area Domini de labore suo sufficientia sibi susciperet ab illis pro quorum instructione laboraret. Dicit etiam Dominus in Evangelio. « *Dignus est operarius mercede sua* (Luc. x, 7), id est prædicator ab his in quibus instruendis operatur, quæ necessaria sibi sint accipiat. Quia iterum vidit Apostolus quod, presbytero reprehendente vita subditorum, quidam male moverentur, volentes depravare vitam presbyteri, ne hoc temere crederetur, ait : *Presbyter sic honoretur a subditis, adversus quem preebyterum noli recipere accusationem factam de crimen, nisi sub duobus vel tribus testibus.*

Quod si de debito, vel de qualibet re sæculari convenitur, respondeat singulis. Nunc utique, quia magis ac magis in deterius lapsi sunt homines, nec multo pluribus testibus, conceditur hodie, ut respondeat presbyter, nisi interpelletur de hæresi. Sub duabus vel tribus testibus respondeant presbyteri. Si autem peccantes sint, id est si presbyteri in eo quo arguuntur, peccasse convincantur, *argue eos coram omnibus*, ut sicut crimen eorum, sic poenitentia criminis omnibus palam sit, ne forte si privatim poeniteant, non poenitere putentur qui ab omnibus peccasse deprehensi sunt. Ideo coram omnibus argueat hoc viso timorem habeant peccandi cæteri sacerdotes, 329 scientes simili poena se plectendos, si peccaverint. Vel cæteri, id est subditi, qui viso quanta distinctione coercerentur prælati, magis timeant sibi qui sunt subditi. Ne autem aliquos presbyteros contingat sic de peccato convinci (non enim parvum malum est eos in scelere deprehendi, qui forma boni esse debent aliis); ne hoc utique contingat, præcipio ne quem consecres sacerdotem sine præcedenti examinatione. Ut autem hoc mandatum nulla causa præterreas, obtestor te coram Deo Patre ut Deus hoc non a me, sed de manu tua requirat, si tamen feceris. Testor etiam coram Christo Jesu, qui futurus est judex omnium, ut in judicio non me, sed te inde arguat. Testor etiam coram electis angelis : ministerio quorum in die judicii boni separabuntur ab impiis, ut in die illo rei hujus mihi testes sint, nec me ideo repellant a parte piorum. Testor te, inquam, ut haec quæ dicturus sum custodias, scilicet nihil facias, id est neminem ad sacerdotium promoveas sine præjudicio, id est sine præcedenti examinatione. Præjudicium accipitur hic, quasi præcedens judicium : sed in canonibus præjudicium præcipitata sententia dicitur. Cumque præmisso ju-

dicio quemlibet examinaveris, si cum indignum sacerdotio per examinationem inveneris, nihil facias declinando in partem aliam ab eo quod docuit examinatione : ut quem malum examinando invenisti, postea seductus aliquo modo consecres in sacerdotem. Si vero probatus inventus sit dignum secundum quod modo visum est, tamen nemini eorum cito manus imposueris, id est non statim consecres, sed differas adhuc per congruum tempus, ut si forte quid latet in eo quod examinatione facta non invenierit, per dilationem temporis inveniatur. Et nihil faciendo sine præjudicio, nec præceps in consecratione alicujus non communicaveris alienis peccatis. Si enim non examinares, vel nimis cito consecrare, particeps essem omnium criminum quæ inuste consecratus committeret in sacerdotio : Utque alios subtiliter examines, digne consecres : *custodi te ipsum castum*, id est in omni virtute integrum.

Quia autem de castitate eum admonuit, ob ejus custodiā vino non utebatur : quare et stomachus ejus debilitabatur, ne penitus a vino abstinentem sibi esse crederet, ait Paulus : *Noli bibere aquam adhuc*. Per hoc quod dixit adhuc, designavit eum prius uti aqua. Noli bibere aquam, sed utere non semel, sed in usu habe. Utter, inquam, vino : sed modico, id est custodiendo modum, scilicet non propter ebrietatem, sed propter stomachum tuum, id est propter morbum crebro stomacho insidentem ; et propter frequentes tuas infirmitates, id est propter multiplices accessus et aestuationes ejusdem morbi, ut quilibet febricitans morbum quidem semper in se habet, licet modo acrius, modo remissius patitur, sed accedentes aestus febris vicissim patitur, et non semper. Sic iste Timotheus naturam quidem morbi in stomacho jugiter habebat, sed accessus morbi vicissim difficillime patiebatur. Ideo necessaria est examinatione priusquam presbyter consecretur, quia peccata quædam quorumdam hominum manifesta sunt præcedentia ad judicium ; quia priusquam veniatur ad judicium vel ad discussionem, præcesserunt discussionem illam quædam peccata illorum qui probandi sunt satis cognita per solam famam. De his autem quæ palam sunt non oportet discutere. Quosdam autem subsequuntur peccata discussione facta : quia priusquam de his discussio fieret, occulta erant crima quæ per discussionem aperta sunt, et propter haec occulta crima necessaria fuit discussio. Similiter ut de malis quædam bona facta eorum qui probandi sunt manifesta sunt, et examinatione non egent, et e converso bona eorumdem quæ habent se aliter, id est quæ non sunt manifesta, abscondi non possunt in discussione : ad quæ bona invenienda opportunum fuit discutere. Et quia sic in quibusdam peccata, in aliis 330 bona facta occulta sunt : ideo necesse est eos qui conscrandi sunt examinare, ut qui mali inventi fuerint, reprobentur ; qui vero boni, promoteantur. Haec sententia beati Augustini est. Ambrosius autem sic ad proximum verba jungit : Moneo te uti vino, in

quo te obedientem esse bonum est : quia licet non omnibus appareat hoc te bene agere, ne ideo reformati : quia verum quidem est quod quedam bona facta manifesta sunt, et quedam facta quae aliter se habent, id est quae manifesta non sunt, non possunt abscondi in die judicii ; ita si modo non videris bene agere utendo vino, quia prius neverunt te omnes abstinere ab hoc ob custodiam sobrietatis, ne cures : quia licet non modo, tamen in die judicii manifestum erit te bene egisse, dum, mihi obediendo, usus es vino. Quod quedam bona manifesta sint, quedam vero non, appareat per contraria, quia peccata quorundam hominum manifesta sunt praecedentia ad judicium : quorundam autem et subsequuntur, sicut expositum est. Similiter in ordine littera legitur.

CAPUT VI.

Quicunque sunt sub jugo servi dominos suos omni honore dignos arbitrentur, ne nomen Domini et doctrina blasphemetur. Qui autem fideles habent dominos, non contemnant, quia fratres sunt : sed magis serviant, quia fideles sunt et dilecti : quia beneficij participes sunt. Hoc doce et exhortare. Si quis aliter docet, et non acquiescit sanis sermonibus Domini nostri Iesu Christi, et ei quem secundum pietatem est doctrinæ, superbus est, nihil sciens, sed languens circa quæstiōnēs et pugnas verborum : ex quibus oriuntur invidiae, contentiones, blasphemiae, suspicione malæ, conlationes hominum mente corruptorum : et qui veritate privati sunt, existimantium quæstum esse pietatem. Est autem quæstus magnus, pietas cum sufficientia. Nihil enim intulimus in hunc mundum, haud dubium quia nec auferre quid possumus. Habentes autem alimenta et quibus tegamur, his contenti simus. Nam qui volunt divites fieri, incident in tentationem et in laqueum diaboli, et desideria multa et inutilia et nociva, quae mergunt homines in interitum et perditionem. Radix enim omnium malorum est cupiditas : quam quidam appetentes, erraverunt a fide, et inseruerunt se doloribus multis. Tu autem, o homo Dei, haec fuge. Sectare vero justitiam, pietatem, fidem, charitatem, patientiam, mansuetudinem. Certa boni certamen fidei : apprehende vitam æternam in qua vocatus es, et confessus bonam confessionem [fidei] coram multis testibus. Præcipio tibi coram Deo qui vivificat omnia, et Christo Iesu qui testimonium reddidit sub Pontio Pilato, bonam confessionem, ut serves mandatum sine macula irreprehensibile usque in adventum Domini nostri Iesu Christi : quem suis temporibus ostendet beatus et solus potens Rex regum et Dominus dominantium, qui solus habet immortalitatem, et lucem habitat inaccessibilem : quem nullus hominum vidit, sed nec videre potest : cui honor et imperium sempiternum : Amen. Divitibus hujus seculi præcipie non sublime sapere, neque sperare in incerto divitiarum, sed in Deo vivo, qui præ-

A stat nobis omnia abunde ad fruendū, bene agere, divites fieri in bonis operibus, facile tribuere, communicare, thesaurizare sibi fundamentum bonum in futurum, ut apprehendant veram vitam. O Timothee, depositum custodi, devitans profanas vocum novitates, et oppositiones falsi nominis scientie : quam quidam promittentes, circa uidem exciderunt. Gratia tecum. Amen. »

EXPOSITIO,

Quia iterum vidit Paulus quosdam servos ad fidem conversos indignari, nec velle servire dominis suis infidelibus, putantes absurdum esse, ut si quis fidelis esset serviret infideli : nec etiam fidelibus dominis, dicentes, cum omnes fideles in Christo

331 fratres sint, debere fieri omnes ejusdem conditionis. Ut malum hujus opinionis reselleret, ait :

Sicut prædicti de consecrandis presbyteris observa ; præcipie etiam hoc, ut quicunque servi sunt sub jugo infidelium dominorum, arbitrentur dominos suos dignos omni honore ; fide tamen in omniibus custodita. Ideo per jugum infideles signavit, qui difficilius premebant servos quam fideles domini. Ideo sic dominis subjiciantur, ne, si aliter fieret, blasphemetur nomen Domini, dicentes Deum inustum, qui conditio-nes mutaverit, et servos qui pro peccatis suis seu parentum servi facti sunt, ut Cham filius Noe, cum generatione sua (*Gen. ix, 25*), quia pudenda patris detexit, liberos non fecerit, ideo etiam serviant dominis, ne doctrina, id est prædicatio sanctorum blasphemetur et contemptibilis fiat, dum quæ sua sunt, dominis auferat. Illi autem servi qui habent fideles dominos, non contemnant eos quia fratres sunt in Christo ; sed magis, non quod plura debita solvant, sed majori dilectione serviant eis, ideo quia fideles sunt, et dilecti a Deo, et quia participes sunt beneficij Dei, id est justitiarum quæ habentur in præsenti, et futura beatitudinis. Hos scilicet servos subjectos esse dominis doce eos, qui nesciunt, et exhortare superbos, qui sciunt et servire dignantur. Si quis vero pseudo aliter docet, servos scilicet non debere servire dominis, et a te prohibitus ne hoc doceat, non acquiescit sanis sermonibus Domini nostri Iesu Christi, et non acquiescit ei doctrinæ quæ est secundum pietatem. Doctrina enim Dei pia est, non mutans conditiones, nulli tollens quod suum est. Etiam ideo pia quia per hoc dominos multum invitat ad fidem et allicit, quam utique doctrinam, si servos eis auferret, intolerabilem judicarent et abjicerent. Servis etiam per haec pia est : quia cum pro peccatis suis, seu parentum servi facti sunt, si penam hanc peccati patienter sustinent, merentur justificari per humilitatem ; si vero renuunt, damnantur per superbiam. Si quis, inquam, aliter docet, nec prohibitus desistit ; hic abjicatur ut superbis et nihil sciens, cum se putet aliquid scire, et omnes homines unius conditionis esse asserat. Nihil, inquam, sciens, sed languens, id est dissolutus et languidus circa quæstiōnes quas objicit et absolue nescit ; et circa pugnas verborum, id est circa

pugnantia verba, ut illud : « Si vos Filius liberaverit, vere liberi eritis (Joan. viii, 36) : » et illud : « Reddit e Cæsari quæ sunt Cæsaris (Luc. xx, 25), » quæ tamen sibi contraria non sunt.

Ex quibus pugnis verborum oriuntur *invidiae*, quod domini invident superbientibus servis. Oriuntur etiam *contentiones*, quia domini contendunt cum servis verbis. Oriuntur etiam *blasphemiae*, quia (sicut dictum est) blasphematur inde Deus, et doctrina ejus. Oriuntur etiam *malæ suspicione*s, quia putant domini quod prædicatores accipiant munera a servis. Oriuntur etiam *conflictationes hominum* prædicantium hoc, quia etiam pugnant cum his qui hoc prædicant. *Hominum* dico, id est perditionum *mente corruptorum*, id est qui corruptum habent intellectum, qui etiam privati sunt omni veritate verborum. *Hominum* dico adhuc *existimatiū pietatem*, id est Christianam doctrinam esse quæstum, id est qui ex doctrina sua putant licere sibi per hoc congregare divitias, sed falso putant, quia pietas non est quæstus temporalium, sed est quæstus magnus, id est magnæ et incomparabilis rei pietas, cum sufficientia, id est cum victu et vestitu, quod euique sufficere debet. Ideo quia nos uudi nati nihil intulimus in hunc mundum, et haud dubium est quin exeuntes de mundo non possumus anferre quid inde. Ne autem, quia se nudos dixerat intrare mundum, nudosque reverti, putaret in nuditate conversandum esse in mundo. Contra hoc ait : Licit nihil intulerimus in mundum : tamen dum in eo manemus simus habentes alimenta et indumenta quibus tegamur : non in quibus luxuriemus, et his alimentis et tegumentis simus contenti : ideo quia videmus 332 eos qui volunt divites fieri quod incident in tentationem animi, et per hanc in laqueum diaboli, id est in opus tentationis. Postquam etiam divites facti sunt, incident in multa desideria : cupiunt enim domos et prædia. Desideria dico inutilia : nec solum sine utilitate, sed etiam nociva : quia mergunt homines desiderantes in interitum, et post mortem in æternam perditionem. Vere haec desideria sic mergunt homines. Nam cupiditas est radix omnium malorum : non quod singula mala flant per cupiditatem pecunie, sed nullum genus est mali, in quo genere non sit factum aliquod malum per cupiditatem divitiarum. Quam cupiditatem quidam appetentes, erraverunt a fide : negantes Deum desiderio divitiarum, quas ut cupide augerent, inseruerunt se multis doloribus, vexantes corpora sua et animas, per mare, per terras. Qui cupiditati vacant, errant.

Sed tu, o homo Dei, Timothee, fuge haec desideria, hec fuge, sectare vero justitiam, erogando tua indigentibus proximis, quod cupiditas nunquam facit. Sectare etiam pietatem, quia si tam rara habes, ut non inde possis dare proximo sine tua indigentia (quod facere justitia non te cogeret), impetrare tamen ei ex pietate. Sectare etiam fidem, quamquidam negaverunt propter cupiditatem. Sectare etiam charitatem, id est dilectionem Dei et proximi. Se-

ctare etiam patientiam, id est patientor sustine, si quis tua rapuerit. Sectare etiam mansuetudinem, id est noli litigare sicut cupiditas facit. Sectare haec, et certa certamen : frequentiam notat. Certamen dico fidei, quod bonum et utile est pro fide Christi certare : et apprehende vitam æternam, in quam habendum vocatus es de infidelitate per gratiam. Confessus es etiam (dum in episcopum consecrare) coram multis testibus, qui te mecum consecrabant, confessionem, a qua recedere non debes : quia bona, id est utilis est tibi et subditis, si in ea perseveraveris. Monui superius ut cupiditatem fugeres, et contraria cupiditati sectareris, quod ut facias non solum moneo, sed et præcipio tibi, faciens cum admonitione mandatum : ut si hoc transgrediaris, res inobedientiae convincaris. Præcipio, inquam, tibi haec coram Deo Patre, ut nihil Deus amplius requirat de manu mea, qui Deus vivificat omnia. Vide ergo ut (implendo quæ præcipio) vivas in eo per quem vivunt omnia. Præcipio etiam tibi hoc coram Christo Iesu, qui judex omnium nihil horum a me requirat in die judicii, qui Jesus reddidit testimonium sub Pontio Pilato. Cum enim interrogaretur a Pilato : Filius Dei es tu? respondit : Tu dixisti : quia revera Filius Dei ego sum (Matth. xxvii, 11) : sic et tu, Timothee, confitere Christum, etiam si torments vel mors immineat.

Reddidit, inquam, testimonium, scilicet confessio nem bonam, id est utilem, quid enim tam utile ad redemptionem quam et quod fuit, et confessus est se esse Filium Dei? Profecto si negasset, non crucifigeretur, nec genus humanum redimeret : et ideo utile fuit confiteri quod esset Filius Dei. Pilatus a Ponto insula Pontius vocabatur. Quia nec haeretici invertire possent dictum esse de alio Jesu, vel alio Pilato : multi enim tunc Jesus dici poterant, ideo Paulus addidit Pontio. Præcipio, inquam, ut seres hoc mandatum quod amplius sine culpa præterire nequis. Mandatum dico sine macula, quia in nulla parte doctrinæ meæ maculatio aliqua potest inveniri : sed in doctrina haereticorum licet aliquod bonum præmittatur, ut sic melius fallant, macula tamen cito invenitur inserta. Mandatum dico non solum sine macula, sed etiam irreprehensibile : quia nec occasio reprehendendi inde potest concipi, si quis sane attendat. Serves dico usque in adventum Domini nostri Iesu Christi, id est usque in diem mortis tuæ : quando enim moritur quis fidelis, eo die dicitur Deus ad eum venire, quia tunc recipit eum Deus in gloria, quem, quasi alienum a se in miseriis mundi dum viveret, dereliquerat : quandiu 333 enim justus detinetur in mundo, videtur Deus non venire ad eum, quia ibi permituit eum affligi, sed cum justus carne solvit, venire Deus ad eum dicitur, cuius animam suscipit in requie. Diceret fortassis Timotheus : Sustinerem Deum, si non tardaret ejus adventus. Contra hoc ait Paulus : Bone vir, sustine : quia quem adventum ostendet Deus suis, id est, congruis temporibus : quando enim

tempus idoneum viderit, adveniet tibi. Causam ponit quare sustinere debeat dicens : Servare debes hoc, donec Deus adveniat, qui ille *beatus beatitudinem* dabit tibi: si sustineas: et ille *sotus potens* potentem te faciet super omnes persecutores. Rex etiam *regum* regem te faciet: quia nec persecutorem, nec tentationem cum eo positus timebis: qui etiam *Dominus est dominantium*: et faciet te dominari inimicorum tuorum.

Nota quod quidam potentes sunt, nec tamen dominantur aliorum. Qui Deus *sotus habet immortalitatem*, id est immutabilitatem: quia semper in eodem statu permanet: qui etiam *habitat lucem*. Loquitur de Deo a similitudine illius qui habitaret in splendida regione. Habitat, inquam, lucem: quia omnis vera lux habitat in eo. Lucem dico *inaccessibilem*, id est ad quam lucem intelligentiam nullus accedere potest: quod ipse determinat, dicens *inaccessibilem*, ideo, quia quam lucem in Deo, vel quem Deum in luce, *nullus hominum secundum hominem vidit, sed nec de futuro secundum quod homo est videre potest: cui Deo est gloria secundum deitatem; honor, secundum hominem; imperium, secundum judicium quo judicat, et judicaturus est omnes. Imperium dico duraturum in sempiternum*: et quod opto ut sit ei gloria et honor, Amen, id est certe ita erit et deesse nequit. Nota quod dicit Nullus hominum Deum vidit: in eo quod homo est accipi debet: quia et Paulus raptus est ad tertium celum, ubi audivit quae non licet audire homini: cum tamen Paulus et antequam raperetur, et post, homo fuerit. Et cum de Joanne evangelista idem factum sit, ideo homo secundum quod est homo, lucem Deitatis videre non sufficit: quia anima hominis incarcerated deprimitur in carne, ideoque nec aliquid videre potest, vel cogitare, nisi excitata aliquo corporeo sensu, visu, vel auditu, vel hujusmodi. Quia si quan- diu anima in carcere carnis clauditur, nequit facere quidquam; si non excitetur per corporeos sensus: de quibus planum est, quod vix parum de Deo intelligunt: credendum est quod nec anima hominis, quandiu in homine est, in cognitione Dei corporeos sensus excedit. Si autem anima Pauli, seu Joannis, de Deo vidit quod videre homini non licuit, credi oportet quod vel anima ejus penitus illa hora corpus deseruit, vel si in corpore mansit, omnes sensus corporis excessit, et secundum haec extra hominem fuit: quia tunc temporis quasi mortui fuere corporei sensus. Unde visiones magis dormientibus ostenduntur quam vigilantibus. Dum enim

A homo dormit, corporei sensus nihil tunc sentiunt: anima vero tunc sola vigilat.

Quia superius dixerat Paulus: Habeamus alimenta et indumenta quibus tegamur; ne ideo Timotheus arbitraretur pauperes tantum recipiendos, divites vero ab Ecclesia repellendos, contra hoc ait: Licet alimentis et tegumentis contentos nos esse debere dixerim, ne tamen abjicias divites, sed *divitibus hujus saeculi praepice non sapere sublime*, id est non propter divitias superbire; neque sperare in incerto divitiarum, id est in incertis divitiis, quasi qui hodie habet, cras fortasse non habiturus est, sed sperare in Deo; et causam subdit quare: qui Deus præstat nobis omnia abunde: non solum ad utendum, sed etiam ad fruendum, id est, cum jucunditate utamur illis. Frui dicimus de re quae suavis est et utilis: uti vero de re, quae, licet utilis sit, amarum tamen usum habet; et plures potationes quae amarum gustum habent, et utilles sunt. Præcipere etiam divitibus bene agere: eosque fieri divites in bonis operibus: quae auro et argento potiora 334 sunt. Præcipere etiam facile tribuere sua pauperibus; nec hoc solum, sed etiam in bonis suis communicare pauperibus, ut divitias non magis faciant proprias sibi, quam egenis; et sic distribuendo sua, præcipere illos thesaurizare sibi fundamentum, id est virtutes in quibus firmiter fundati sint. Qui enim hodie castus est, cras incestus, hic quasi in lubrico et non in fundamento eam habuit. Fundamentum dico bonum, id est utile, in futurum; ad hoc ut per illud apprehendant vitam æternam qui: hic in virtutibus fundati sunt. Ut autem de divitibus et de omnibus quae præcepit sanam observantiam facias, ideo, o Timothee, custodi depositum, id est commissum et creditum tibi donum Spiritus sancti. Utque bene custodias, esto devitans novitates, id est alternas æquipollentias vocum fidei nostræ: quia profanae sunt. Heretici enim voces quibus fidem Dei confitemur, mutant, ponendo æquipollentes: concensim per has æquipollentias incautum fidelem deciperint: quare præcipit novitates vocum devitare. Devita etiam oppositiones, id est disputationes sophistarum. Oppositiones dico scientiae quae est falsi nominis: falso enim vocatur scientia, quia vero nomine vocaretur insipientia. Quam falsam scientiam D quidam promittentes, id est jactantes se habere, exciderunt circa fidem, id est perierunt: qui noluerunt ingredi ad fidem. Et ut hoc depositum custodias, gratia Dei sit tecum, Amen, id est ita certe erit; vide tamen ut perseveres.

ARGUMENTUM IN EPISTOLAM SECUNDAM AD TIMOTHEUM.

Item Timotheo scribit de exhortatione martyrii, et omnis regulæ veritatis: et quid futurum sit temporibus novissimis: et de sua passione, scribens ei ab urbe Roma.

PROLOGUS B. BRUNONIS IN EAMDEM.

Præmissa Epistola a Roma missa dicitur esse Timotheo a Paulo. Quia si primam constat, quia et a

PATROL. CLIII

Roma hanc secundam misit. Postquam enim Paulus Romam venit, inde non discessit donec pro Christo

martyrium suscepit. Hanc iterum Paulus cum esset in Romae in vinculis Timotheo rescripts. Audierat quidem de eo multa bona, sed tamen aliquantulum remissum: et timore passionum et mortis, non (sicut deberet) prædicationi instantem: quare in hac Epistola agit ad eum de passionibus et morte: præten-

A dens passiones suas illi cum passionibus Christi et morte: ostendens quantus fructus de passionibus his proveniat: easque multis modis commendat ei: eo sine ut sic exhortatus, paratus sit pati et mori pro Christo; et quasi morti ultro se ingerens, omni instantia prædicet verbum Dei.

EPISTOLA II AD TIMOTHEUM.

CAPUT PRIMUM.

Paulus apostolus Iesu Christi per voluntatem Dei, secundum promissionem vite, quæ est in Christo Iesu: Timotheo charissimo filio gratia et misericordia et pax a Deo Patre et Christo Iesu Domino nostro. Cratias ago Deo meo cui servio a progenitoribus meis in conscientia pura [bona], quod sine intermissione habeam tui memoriam in orationibus meis, nocte ac die: desiderans te videre, memor lacrymarum tuarum, ut gaudio implear. Recordationem accipiens ejus fidei quæ est in te non ficta, quæ et habitavit primum in avia tua Loide, et matre tua Eutice. [al., Eunice]; certus sum autem quod 335 et in te. Propter quam causam admoneo te, ut resuscites' gratiam Dei quæ est in te, per impositionem manuum mearum. Non enim dedit nobis Deus spiritum timoris, sed virtutis, et dilectionis, et sobrietatis. Noli itaque erubescere testimonium Domini nostri, neque me vinctum ejus, sed collabora Evangelio secundum virtutem Dei: qui nos liberavit et vocavit vocatione sua sancta: non secundum opera nostra, sed secundum propositum suum et gratiam, quæ data est nobis in Christo Iesu ante tempora sæcularia. Manifestata est autem nunc per illuminationem Salvatoris nostri Iesu Christi, qui destruxit quidem mortem, illuminavit autem vitam et incorruptionem per Evangelium: in quo positus sum ego præparator, et apostolus, et magister gentium. Ob quam causam etiam hæc patior, sed non confundor. Scio enim cui credidi, et certus sum quia potens est depositum meum servare in illum diem. Formam habeo [habens] sanorum verborum quæ a me adesti in fide et in dilectione in Christo Iesu. Bonum depositum custodi, per Spiritum sanctum qui habitat in nobis. Scis enim hoc, quod aversi sunt a me omnes qui in Asia sunt, ex quibus est Philetus et Hermogenes. Det misericordiam Domini Onesiphori domui: quia sæpe me refrigeravit, et catenam meam non erubuit: sed cum Romanum venisset, sollicite me quæsivit, et inventit. Det illi Dominus invenire misericordiam a Domino in illa die: et quanta Ephesi ministravit mihi, tu melius nosti.

EXPOSITIO.

Paulus, etc. Paulus apostolus Christi est per voluntatem Dei, sicut in præcedenti expositum est. Apostolus dico secundum promissionem vite. Pro-

B missa est utique vita legitime certantibus: quam promissionem bene sequor, legitime certans. Tu vero animatus sequere mecum promissionem vite: non praesentis, sed ejus vite quæ est in Christo Iesu, id est æternæ. Si enim legitime certamus, vitam æternam utique habebimus. Paulus scribit hæc: Timotheo charissimo filio: sint tibi gratia, misericordia et pax a Deo Patre et Christo Iesu Domino nostro, sicut supra exposuimus. Hic in primis blanditur ei Paulus, ut sic melius inducat eum in id quod suadere nititur dicens: Cratias ago Deo cui ego servio edoctus a progenitoribus meis, id est ab Abraham, Isaac et Jacob. Hic enim Paulus de tribu Benjamin. Servio dico in pura conscientia: in nullo enim conscientia mea carpit me; sic et tu puram C habe conscientiam, et sic servare poteris commissam tibi gratiam. De hoc utique gratias ago, quod habeam memoriam tui sine intermissione in orationibus meis, id est, quia Deus te tales fecit, cuius me velit et dignum sit semper esse memorem: ita quod nec semel orare possum sine tui memoria, nocte ac die, id est continue, desiderans videre te. Si enim te viderem, non utique me presente formidares mortem. Ego dico memor tuarum lacrymarum, quas effudisti: quia in pace te dimitterem Ephesi. volentem mecum transire et sustinere vincula et mortes. Vide ut sicut me praesente, sic modo, visa epistola mea, ultro te ingeras passionibus et morti. Ideo utique te videre desidero, ut implear gaudie. Si enim præsens essem, mortem utique non formidares: de quo plurimum gauderem. Accipiens etiam recordationem ejus fidei quæ est in te non ficta, id est non inventitia, vel non fragilis: quæ fides habitat etiam primum in avia tua Loide, et in matre tua Eunice. Quia si in progenitribus tuis et in mulierib[us] sexu exemplum habes fidei, quasi jam naturalis sit tibi, debes utique per hoc plurimum servare in fide. In matre et in avia tua fides fuit. Certus autem sum quod etiam in te habitat fides: sed utinam serveret!

Propter quam causam, quia et fidem et exemplum fidei, quasi naturale in te video, admoneo te, ut gratiam Dei quæ est in te per impositionem manum mearum (cum enim te consecrarem episcopum per impositionem manuum mearum, gratiam Spiritus sancti acceperisti); volo utique ut illam gratiam aliquantulum in te sopitam resuscites, id est evigiles: et restituante illa gratia in te, gaudeas pati et mori pro

336 nomine Christi. Memor illius : quia Deus *de-dit nobis* Spiritum sanctum : non spiritum timoris sed virtutis, id est constantiae : ut virtuose toleremus omnia ; et spiritum dilectionis Dei. Dedit etiam spiritum sobrietatis, id est temperantiae. Temperantia enim nutrit dilectionem, dilectio virtutem : ubi enim dilectio, ibi profecto non est timor. Perfecta enim charitas foras mitit timorem. Vide ergo ut, sicut socius mihi fuisti suscipiendo gratiam Spiritus sancti, sic imitator sis passionum mearum. Et quandoquidem spiritum virtutis et dilectionis mecum accepisti : itaque noli erubescere testimonium Domini nostri Iesu Christi. Quia si improveratur tibi quod crucifixum adores, confitere plane quia sic adoras. Neque etiam erubescas me vinctum ejus. Quia si quis iterum improverat : Ecce magister tuus in vinculis damnatus est ; ne ideo verecunderis, sea collabora Evangelio et praedica mecum secundum virtutem Dei, id est, sequendo constantiam quam dilectio Dei nutrit : qui Deus liberavit nos a jugo dia-boli, et vocavit nos vocatione sua sancta, id est ad hoc ut essemus sancti. Et ad hanc sanctitatem non recarvit nos merito operum nostrorum, sed secundum propositum suum, id est secundum provisionem suam qua nos misericorditer praevidit idoneos sibi futuros : et sicut vocatio, sic nec provisio fuit ex aliquo merito, sed secundum gratiam, quae data est, id est quae praeordinata est nobis dari in Christo Iesu ante tempora saecularia, id est ab eterno ante haec tempora nostra, quae volvuntur per saecula. Olim promissa fuit haec gratia dari nobis. Nunc autem in tempore Christi manifestata, id est impleta est, sicut promissa fuerat per illuminationem Salvatoris nostri Iesu Christi, id est per Christum in lumine cognitionis nostrae positum per assumptam sibi humilitatem.

Ad quod forte diceret Timotheus : Nolo mori, sed manere in hac illuminatione. Contra hoc Paulus : Ne timeas mori ; quia Christus moriendo quidem destruxit mortem, et etiam destructa morte illuminavit, id est revelavit et cognitam fecit, vitam non transitoriam, sed incorruptionem, id est vitam incorruptibilem, in qua impassibiles et immortales erimus. Illuminavit dico per Evangelium suum : in quo Evangelio praedicando ego positus a Deo praedicator, et apostolus, et magister gentium : quem pro tot auctoritatibus justum est, ut non erubescas imitari. Ob quam causam, id est quia hoc Evangelium docui gentes, passus sum multa. Haec etiam vincula nunc patior : sed tamen non confundor, id est non erubesco, sed gaudeo pati pro Christo ; sic et tu ne erubescas. Ideo patiens non confundor : quia scio cui credidi, id est in quo fidem habui : scilicet in Deo. Vel ita : Scio cui credidi, id est cui commisi passiones meas et opera : et certus sum de mercere horum ; quia ille cui commisi potens est depositum, id est commissum, meum servare usque in illum diem recompensationis omnium. Et quia vides quod Deus custodit quod penes eum deponitur, tu igitur exem-

B plo illius custodi depositum, id est episcopalem gratiam tibi commissam. Hoc enim depositum bonum, id est utile, est, si custodiatur. Neque hoc viribus tuis custodire te posse opineris, sed per co-adjuvantem Spiritum sanctum qui habitat in nobis. Utque depositum bene custodias, esto habens formam sanorum verborum, quae a me audisti, id est adeo expresse conformare mihi, ut videaris esse Paulus. Formam meam utique habe in fide conservanda et in dilectione habenda : quae fides et dilectio sunt in Christo Iesu. Plurimum autem necesse est ut tu depositum custodias : eo quod aversi sunt a me omnes discipuli, qui, me relicto, sunt in Asia : et hoc idem tu bene scis : ex quibus est Philetus et Hermogenes.

Hos ideo determinat sibi ex nomine, ne si venient ad eum, putans adhuc eos fideles, facilius possent suadere ipsi, et quasi ex parte Pauli fallere. Ephesus enim in Asia erat. Hi aversi sunt a me, sed Onesiphorus permansit : et ideo det Dominus non soli, sed etiam domui Onesiphori misericordiam, id est retributionem misericordiae quam mihi **337** fecit : quia sepe refrigeravit me, et in fide consolando, et necessaria ministrando : et non erubuit catenam meam. Vide ne et tu erubescas : sed amplectaris. Non utique erubuit : sed cum venisset Romam, sollicite quæsivit me, et quæsitum invenerat. Et quia me invenit, det illi Dominus Pater invenire misericordiam, id est fructum hujus misericordiae, a Deo, id est a Christo judice, in illa die, judicii Romæ in vinculis sic ministravit. Quanta etiam Ephesi ministravit, tu nosti melius, quam haec quæ modo ministravit : vel, melius quam alii discipuli.

CAPUT II.

Tu ergo, fili mi, confortare in gratia, quae est in Christo Iesu : et quæ audisti a me per multis testes, haec commenda fidelibus hominibus, qui idonei erunt et alias docere. Labora sicut bonus miles Christi Iesu. Nemo militans Deo implicat se negotiis saecularibus, ut ei placeat cui probavit. Nam et qui certat in agone, non coronatur nisi legitime certaverit. Laborantem agricolam oportet primum de fructibus accipere [percipere]. Intellige quæ dico . dabit enim tipi Dominus in omnibus intellectum. Memor esto Dominum Iesum Christum resurrexisse a mortuis ex semine David, secundum Evangelium meum, in quo labore usque ad vincula, quasi male operans : sed verbum Dei non est alligatum. Ideo omnia sustineo propter electos : ut et ipsi salutem consequantur, quae est in Christo Iesu cum gloria colesti. Fidelis sermo. Nam si commortui sumus, et couivemus : si sustinemus, et conregnabimus : si negaverimus, et ille negabit nos : si non credimus, ille fidelis permanet, negare seipsum non potest. Haec communio [commonio] testificans coram Deo. Noli contendere verbis, ad subversio nem audientium. Sollicite autem cura eisipsum

probabilem exhibere Deo operarium inconsuibilem, recte tractantem verbum veritatis. Profana autem et vaniloquia devita. Multum enim proficiunt ad impietatem, et sermo eorum ut cancer script. Ex quibus est Hymenæus et Philetus, qui a veritate exciderunt, dicentes resurrectionem esse jam factam, et subverterunt quorundam fidem. Sed firmum fundamentum Dei stat, habens signaculum hoc: cognovit Dominus qui sunt ejus, et discedit ab iniustitate omnis qui invocat [nominat] nomen Domini. In magna autem domo non solum sunt vasa aurea et argentea, sed et lignea et fictilia: et quædam quidem in honorem, quædam autem in contumeliam. Si quis ergo emundaverit se ab istis, erit vas in honorem sanctificatum et utile Domino ad omne opus bonum patratum. Juvenilia autem desideria fuge: sectare vero justitiam, fidem, spem, charitatem et pacem, cum his qui invocant Dominum [nomen Domini] de corde puro. Stultas autem et sine disciplina quæstiones devita, sciens quod generant lites. Servum autem Domini non oportet litigare, sed mansuetum esse ad omnes, docibilem, patientem, cum modestia corripientem eos qui resistunt veritati: ne quando det illis Deus pœnitentiam, ad cognoscendam veritatem, et resipiscant a diaboli laqueis, a quo captivi tenentur ad ipsius voluntatem.

EXPOSITIO.

Quia propter aversionem quorundam magis necessarius es: quia etiam exemplo perseverantium de fortitudine admoneris: ergo tu, fili mi Timothee, confortare, id est fortis esto, non paveas. Confortare, inquam, in gratia quæ est in Christo Jesu, id est in pontificali doctrina, cuius gratiam contulit tibi Deus. Vel, confortare in gratia, id est in remissione peccatorum, et vita æterna prædicanda. Hæc enim est gratia quæ est per Jesum Christum. Utque confortatus magis proficias, hæc quæ tibi docenda commendo, commenda et tu fidelibus, id est constitue sub te prædicatores, qui tecum prædicent populo Dei: hi autem sint sanæ fidei: cumque sint fideles, oportet esse tales qui erunt idonei et scientia et gratia eloquentiarum docere alios sibi commissos. Talibus, inquam, commenda hæc quæ tu audisti a me, id est quæ ego doceui te, approbando ea per multos testes, id est per multa testimonia legis 338 et prophetarum. Quod enim te de fide Christi docui, totum in lege et prophetis præsignatum ostendi. Ne forte Timotheus putaret se modo posse quiescere, constitutis sub se prædicatoribus, contra hoc ait Paulus: Licet quosdam ut doceant alios præfeceris, ne tamen ideo tu torpescas: sed labora sicut miles Christi Jesu, id est in memor esto te militare in castris Christi. Labor antem congruit militanti, non otium. Labora sicut miles bonus, id est utilis. Quomodo bonus determinat in sequentibus, dicens: Si miles bonus fueris, sacerularibus negotiis non implicabis te. Nemo enim

A militans Deo, implicat se sacerularibus negotiis, id est non intendit discussionibus sacerularium causarum, sed spiritualium. Habet enim mundus sacerulares judices, qui judicant de temporalibus. Episcopi autem vacare debent doctrinis spiritualibus. Vel ita: Militans Deo non se implicat negotiis sacerularibus, ut in prædicatione sua negotietur et vendat eam, requirens ideo pretium ab auditoribus. Ideo militans Deo, se non implicat his ut placeat ei, scilicet Deo, cui bene vivendo bonam existimationem de se præbendo, per anteactam vitam probavit se placitum. Probat ab eo quod minus est, militans Deo non implicat se mundanis, ut sic placeat Deo. Nam etiam (quod minus est) ille qui certat in agone, id est in certamine aliquo, ut in palæstra vel in stadio, hic nisi certaverit legitime, id est secundum legem ejus certaminis, non coronatur, id est non accipit laudem vel bravium.

B Ne modo opinaretur Timotheus quia interdixerait ei negotia sacerularia, nihil in temporalibus accipiendum esse a subditis, ait Paulus: Licet interdicam tibi sacerularia negotia, tamen volo te accipere de fructu prædicationis temporalia. Te enim laborantem in cultura Dominici agri oportet accipere de fructibus illius agri, id est temporalia quæ ager, id est populus, dare potest. Accipiat, inquam, primum de fructu quod sibi sufficiat: et si superabundat, secundario accipient pauperes. Vel primum, id est multum inde accipiat: quia res quam ministrat, plurimum digna est. Accipere autem de prædicatione quod sufficiat, non est negotium sacerulare. Vel ita jungamus: Dico non implices te sacerularibus, nec necesse tibi est; quia de fructibus prædicationis in qua laboras, accipies quæ opportuna fuerint tibi. Quod æquipollenter ait, ne forte Timotheus absurdum judicaret vivere de prædicatione: quia Paulus non ita, sed de manuum labore viveret. Ait Paulus: Ea quæ dico, id est te de fructu prædicationis opportuna accipere, intellige causam quare non accipiam quod jubeam te accipere. Hujus rei causam dicunt esse sancti, quod quia Timotheus infirmus erat, et si, laboraret manibus, prædicationi non posset insistere: Paulus autem, fortis et laboriosus, erat ad utrumque sufficiens, ideo ipse nihil accipiebat, et ideo accipere Timotheum volebat. Poteris utique eausam hauc intelligere: quia Dominus dabit tibi intellectum, et in hac re et in omnibus More boni militis labora sicut præmonui. Et ut ita labores, memor esto resurrectionis Christi: et te cum eo (si bene laboraveris) resurrecturum. Spem, inquam, habens resurgendi, memor esto Christum Jesum resurrectum a mortuis. Solus Christus a mortuis resurrexit: quia postea nec actum mortalitatis habuit, nec mori potuit: sed Lazarus et quicunque resuscitati, mortem iterum passi sunt.

C Diceret fortassis Timotheus: Quia Deus fuit, et potuit resurgere. Contra hoc Paulus: Resurrexisse dico Jesum ex semine David, id est secundum quod

hunc fuit; quia secundum carnem solum filius David fuit. Resurrexit utique secundum Evangelium meum, id est secundum quod ego praedico; cui creditum est, quia apostolus a Deo missus sum. Vel ita: Ex semine David fuit Christus secundum Evangelium meum: in quo quia resurrexit, praedicando ego labore usque ad vincula. Propterea enim quia sic praedico, in vinculis positus constringor, quasi male operans, **339** id est quasi deprehensus in aliquo crimen. Quasi diceret: Et poenam patior, et (quod amplius gravat) opprobria. Si enim putarent me pati pro iustitia, solatio mihi fieret. Et ego quidem in vinculis teneor: sed verbum Dei non est alligatum: quia etiam in vinculis praedico. Vide igitur, ne et in te timor alliget verbum Dei. Memor esse debes Christum surrexisse: quia ideo quod memor sum, scilicet resurrectionis illius, eredo me resurrectum: per eum, sustineo omnia vincula et opprobria. Diceret aliquis: Etiam si haec non sustineres, munditia vita et fides sana sufficeret. Contra hoc ait: Sustineo utique propter electos Dei salvandos: ut et ipsi praelecti a Deo consequantur salutem, id est iustificationem a peccatis in praesenti, quae salus est in Christo Iesu. Consequantur, inquam, hanc salutem cum caelesti gloria: quia per remissionem peccatorum, quae hic sit, pervenitur ad aeternam gloriam. Illic autem sermo quem dixi, laborandum scilicet esse spe resurrectionis, fidelis est et bene credibilis. Fidele est utique et bene credibile: quod si legitime laboras, resurges quemadmodum Christus. Nam si sumus commortui, derelinquentes actus veteris hominis Adae, convivemus etiam cum ipso, facti impassibilis et immortales ut ille; Christus utique quādū in mundo conversatus est, actus orans veteris hominis (præter peccatum) habuit. Esurivit enim (Matt. iv), sitiuit (Joan. xix), fatigatus est, ut patet in Evangelio Joannis (Joan. iv, 6), ad puteum cum Chananea (Joan. iv) loquens qui vere mortalis et passibilis erat. Sed postquam mortem pro omnibus pertulit, neque manum, neque pedem, ad actus veteris hominis extendit: factus impassibilis et immortalis. Si vero nos commorimur ei in baptismate, quod in cruce ad iustificationem hominum consecravit, effundens aquam de latere suo, ut justificati per baptismum, uterius ad actus veteris hominis, id est ad miseras peccati, sensus nostros non extenderemus: convivemus illi: facti cum eo impassibiles et immortales. Si vero hujus mortis participes non fuerimus, nec vita eius participabimur. Si solummodo commorimur ei: vivemus cum eo. Si vero (quod magis est) sustinebimus, ut martyres, quibus mori peccatis non satis fuit, sed pro iustitia voluerunt pati: nos ulti- que quia sustinebimus, conregnabimus, id est non solum vivemus, sed etiam palma et quidam triumphus fiet nobis pro dignitate martyrii. Licet omnibus esse cum Christo sufficiat, tamen in illa beatitudine discretiones sunt dignitatum. Vere si commorimur, convivemus: quia si negaverimus Deum, male agendo: ille etiam negabit nos, vitam aeternam non tribuendo.

A Negare enim Dei est bona aeterna non tribuere. Diceret fortassis Timotheus: Incredibile videtur, quod Deus propter peccatum abneget eum qui fidem confessus sit. Contra hoc Paulus: Si non credimus quod negantem se sit negatur Deus, ille tamen permanet fidelis, id est verax et creditibilis, qui ait: « Qui erubuerit me coram hominibus, ego erubescam eum coram Patre meo (Luc. ix, 26). » Sic autem permanet fidelis, quod impossibile est eum non veracem esse. Non enim potest negare se ipsum, id est se esse Deum: si enim mentiretur, utique Deus non esset. Hoc, scilicet, ut commorari Christo, et sic doceas alios spe convivendi ipsi, commoneo, te testificans, hoc tibi coram Deo, ne amplius requirat Deus sanguinem Timothei de manu Pauli. Et licet te tanta distinctione commoneam, tamen noli contendere verbis, immoderate docendo quod doceo. Vel ita: Hoc, id est commoriendum esse Christo spe convivendi, commonee alios, testificans haec eis coram Deo: ne sanguis eorum de manu tua requiratur. Et in commonendo noli contendere verbis, ad nihil enim utile est litigare, nisi ad subversionem audienciarum. Si enim insipientes audiunt quoslibet litigare, eos qui magis clamosi sunt, putant justiorum causam habere. Stultorum est enim stultis adhærere. Si vero neuter litigantium clamore superaverit, **340** dubitant simplices, ut si magis adhären- dum sit. Noli contendere: sed sollicite cura exhibe te ipsum totum, et corpore et animo probabilem, id est laudabilem Deo. Ut autem sis probabilis, oportet te esse operarium inconfusibilem: quod non erubescas praedicare crucem Christi, etc. Et recte, id est sine contentione, cum omni modestia, tractarem verbum veritatis. Ut autem recte queas tractare verbum Dei, devita profana, id est illa penitus abominanda. Devita etiam inaniloquia, id est quae si non ita profana sunt, inutilia tamen sunt. Devita ideo, quia haec inania verba multum proficient ad impietatem persuadendam: et sermo eorum, inania loquentium, serpit paulatim ut cancer, qui morbus paululum carnis primum occupat, sed paulatim magis ac magis augmentatur, donec occidat. Et sic haeretici prius callide inducunt, quod nec prodesse nec nocere videatur, et deinceps alterando rationes, sensim in maximam haeresim excrescit doctrina eorum. Ex quibus vaniloquis est Hymenaeus, et Philetus, qui exciderunt a veritate fidei.

Determinat quae sit heres eorum, ut si forte venierint ad Timotheum, præcaveat sibi: dicentes resurrectionem jam esse factam, vel in his qui cum Christo surrexerunt, vel in baptismo, in quo a morte peccati ad vitam virtutum resurgimus. Illa enim trina immersio, sepulturam Christi trium dierum: elevatio vero, resurrectionem Christi significat. Et sic dicentes subvertunt fidem quorundam. Sed licet illi subvertant, tamen fundamentum Dei, id est in quibus fides bene fundata est, et qui e converso in fide per Deum fundati sunt: hoc, inquam, fundamentum est firmum habens signaculum. Hoc dictum

est a similitudine strenui ducis, qui signum dat militibus suis, quo discreti fiant ab aliis. Sic Deus signat suos ut, viso signo, diabolus prætereat eos, sciens nihil sibi esse cum illis. Signum autem hoc est : *Cognovit Dominus qui sunt ejus*; hoc Paulus ex parte sua ponit, significans electionem Dei in justis, dicens : *Domini cognovit ab æterno qui futuri sunt ejus*. Hoc autem sequens Isaiam ait. Agens de potestate liberi arbitrii dicens : *Discedat omnis homo qui potens est per libertatem arbitrii et qui invocat nomen Domini fide et opere, ab iniuitate*. Divina electione et libero arbitrio, quod per bona opera occurrit divinæ electioni. His duobus signati sunt, qui in justitia sunt permansuri. Deus enim sic unumquemque electum prævidit futuram bonum, ut et opera bona simul in eo prævideret. Quicunque autem electione Dei et bonis operibus liberi arbitrii signantur, Dei sunt. Ne tamen ideo mireris, si in domo Dei hoc sit, ut quidam a fide recedant : alii in fide perseverent : quia etiam in qualibet magna domo non solum sunt vasa aurea et argentea : sicut in domo Dei quidam sunt perfectiores, alli perfecti sub illis ; sed etiam sunt in eadem domo lignea vasa et fictilia : sicut in domo Dei quidam mali, alli deteriores. Et quedam quidem eorum vasorum sunt in honorem, in quibus potionies bonæ reconduntur. Quædam autem sunt in contumeliam : ut ad recipiendum urinam, et hujusmodi : tamen sicut honorabiliora vasa in domo sunt necessaria, eodem modo vasa contumeliosa. Sic in Ecclesia Dei mali et boni utrique modo suo necessarii sunt. Si enim mali non essent, non esset meritum honorum. Si enim non sit persecutio, ubi patientia bonorum ?

Quoniam quidem vasa aut in honorem sunt, aut in contumeliam : et nihil ibi medium est : ergo si quis mundaverit se ab istis, id est si quis non fuerit vas in contumeliam, erit vas in honorem Deo. Vas dico sanctificatum, id est justificatum a peccatis et etiam utile Domino : quia paratum est ad omne opus bonum faciendum. Profana devita : nec hoc solum : sed etiam fugæ desideria juvenilia, id est quæ lubricam juventutem instimulant. Haec fugæ, sectare vero justitiam, id est æquitatem ad omnes. Fidem in Deum : castitatem carnis et animi. Pacem, id est concordiam, 341 habeto cum his qui de puro corde invocant Dominum. Nec solum juvenilia fugias, sed etiam devita quæstiones stultas in quibus nec scientia est, nec esse videtur. Devita etiam eas quæ licet non ita stultæ sint, sunt tamen sine fructu Christianæ disciplinæ, ut dialecticæ quæstiones : sciens hoc quod quæ sunt hujusmodi, generant lites. Servum autem Domini (quod tu es, et esse debes) non oportet ligare : sed oportet esse mansuetum, id est in omnibus moderatum et ad omnes, scilicet, docibilem, id est cum habilitate docentem alios ; patientem etiam quæcumque inferantur ei : et corripiendum cum modestia eos qui resistunt veritati, non cum litigio : ideo sic corripiendum, ne quando, id est ut aliquando, set Deus illis paenitentium. Fortassis enim aliquando

A se male egisse paenitebunt, veniendo sic ad cognoscendam veritatem fidei : et agnita fideliter resistiscant a laqueis diaboli, id est a peccatis quibus diabolus illaqueaverat eos : a quo diabolo tenetur captivi, quandiu in peccatis sunt. Tenentur, inquam, ad exsequendam ipsius diaboli voluntatem.

CAPUT III.

Hoc autem scito, quod in novissimis diebus instabunt tempora periculosa : et erunt homines seipso amantes, cupidi, elati, superbi, blasphemati, parentibus non obedientes, ingrati, scelerati, sine affectione, sine pace, criminatores, incontinentes, immittes, sine benignitate, proditores, protervi [procaces], cæci, tumidi : voluplatum amatores magis quam Dei, habentes speciem quidem pietatis, virtutem [veritatem] autem ejus abnegantes. Et hos devita. Ex his enim sunt qui penetrant domos, et captivas ducunt mulierculas, oneratas peccatis, quæ ducuntur variis desideriis : semper discentes, et nunquam ad scientiam veritatis pervenientes. Quemadmodum autem Janenes et Mambres restiterunt Moysi (*Exod. vii, 11*) ; ita et hi resistunt veritati, homines corrupti mente, reprobi circa fidem : sed ultra non proficiunt. Insipientia enim eorum manifesta erit omnibus, sicut et illorum fuit. Tu autem assecutus es meam doctrinam, institutionem, propositum, fidem, longanimitatem, dilectionem, patientiam, persecutiones, passiones : qualia mihi facta sunt Antiochiae, Iconii, Listris, quales persecutions sustinui : et ex omnibus eripuit me Dominus. Et omnes qui pie volunt vivere in Christo Jesu, persecutionem patientur. Mali autem homines et seductores proficiunt in pejus ; errantes, et in errorum mittentes. Tu vero permane in his quæ dicisti et credita sunt tibi : sciens a quo didicisti : et quia ab infantia sacras litteras nosti, quæ te possunt instruere ad salutem per fidem quæ est in Christo Jesu Omnis enim scriptura divinitus inspirata utilis est ad docendum, ad arguendum, ad corripiendum, ad erudiendum in justitia : ut perfectus sit homo Dei, ad omne opus bonum instructus.

EXPOSITIO.

Devita stultas quæstiones : devita etiam homines babentes speciem pietatis, etc. Sed priusquam hoc ponat, præmittit causas, quare tales devitandi sint, dicens : Non solum quod præmissum est faciendum esse scias, sed etiam hoc scito, quod in novissimis diebus, id est circa finem mundi, instabunt tempora periculosa, id est in tempore illo instabunt docendo, et eos qui non consentient affligendo periculosi doctores : qui credentes sibi in multa demergent pericula : et tunc in temporibus illis erunt homines amantes seipso, id est carnalitati sue morem gerentes his modis. Erunt enim cupidi, id est amatores pecuniae. Erunt etiam elati, id est aliis se superponere cupientes. Erunt superbi, id est in adeptis

honoribus *Hincite gloriantes*. Erunt etiam *blasphemi* contra Deum et doctrinam ejus. Erunt etiam *non obedientes parentibus*, seu carnalibus (quod nefas est), seu spiritualibus, ut episcopis et presbyteris. Erunt *ingrati*: quia si quis bona docuerit eos, unde grati esse debuerant, molesti erunt doctoribus suis. Erunt etiam *scelesti*: homicidia et bujusmodi *scelera* patentes. Erunt *sine affectione*, piam voluntatem non habentes ad proximum; **342** etiam si nihil dare queunt. Erunt *sine pace*, id est sine concordia: sed semper in litigio. Erunt *criminatores*, id est justis crimina imponentes: cum ipsi sint *incontinentes*: sed passim ruunt ad quæcunque *sclera*. Erunt *immites*, id est sine omni mansuetudine crudeles. Et *sine benignitate*; id est sihe largitate, non erogantes sua indigentibus. Erunt etiam *prostitutores*, tradentes justos ad mortem. Erunt etiam *protervi*, id est de maledictis inverecundi: et etiam si reprehenduntur, inde impatientes. Erunt etiam *tumidi*, id est inflati animo: etiam si nec honorem nec spem honoris habeant: et hi tales erunt, *amatores voluptatum*, id est totius luxuria, *magis quam Dei*: quem in nullo videntur diligere. De his autem subtiliter cavendum est tibi. Hi enim sunt *habentes speciem pietatis*, id est simulantes se religiosos, et virtutem ejus pietatis, id est dilectionem, quæ virtus est totius religionis. Valida enim est sicut mors *dilectio*. Vel *virtutem*, id est veritatem religionis, *opere abnegantes*: et hos tales *devita*.

C Diceret Timotheus: Quare de his præmunis me, qui futuri sunt circa finem mundi? Ideo ait Paulus: Hos devita; quia ex his futuris in novissimis diebus sunt illi qui penetrant domos, etc. Notandum est quia ex quo cœpit mundus, habuit in eo Deus regnum suum, et diabolus suum. In Abel enim Deus, et in Cain diabolus regnare cœpit. Deus autem regnum suum assumendo carnem, et quæ secuta sunt operando consummavit regnum suum, remittendo peccata, etc., quomodo consummari potuit in præsenti: quod regnum ad plenum consummabit in futuro, dando vitam æternam. Sicut autem Deus in bono: sic diabolus in perfectione iniquitatis consummatur est regnum suum circa finem mundi per Antichristum. Et sicut patriarchas et prophetas adventum Christi Deus precedere voluit; sic multa membra Antichristi præcedent caput suum, id est Antichristum. Contra cuius membra Paulus instruit Timotheum, dicens: Ex his quos descripsi, sunt pseudodoctores, qui penetrant domos, non audientes docere in plateis, ne doctrina eorum pateat in audience bonorum: sed ut liberius seducant, privatim in domibus docent, et sic mulierculas (quæ quolibet vento doctrine leviter falluntur) ducunt seductas quolibet inductrū illo factas captivas: quia captivatæ sunt a Deo, et datæ sunt sub jura diaboli. Vel ad cumulum improprii sicut feminas: sic et viros vocat mulierculas, id est molles omni vento doctrinæ cedentes: ut auditio nomine improprii sui citius erubescant et convertantur ad Dominum.

A Mulierculas dico *oneratas peccatis*, dum seductæ sunt diabolo: quæ mulieres ducuntur variis desideriis: quia semper discentes, et nunquam pervenientes ad scientiam veritatis, id est semper laborantes, et nunquam ad perfectionem venientes. Et isti tales non tantum in domibus privatis docent, sed etiam hi homines resistunt veritati in aperto: *quemadmodum Jamnes et Mambres*, duo fratres magi in Aegypto, restiterunt Moysi coram Pharaone, faciendo quædam per incantationes suas quæ Moyses faciebat, nec tamen omnia (*Exod. vii, 11*). Hi homines dico *corrupti mente*, id est depravati intellectu et opere: et circa fidem errantes. Ad quam quia non ingrediuntur, reprobati sunt a Deo.

B Ne modo his prædictis deterretur Timotheus, consolatur eum Paulus, dicens: Tales quidem futuri sunt; sed ne timeas quia ultra non proficient. Ideo quia *insipientia illorum* sicut Januae et Manibrae ad ultimum manifesta erit, illi non ultra proficient: tu autem, quasi diceret, proficere debes et potes: tu enim *assecutus es meam doctrinam* in scientia: et meam institutionem in dispositione vita et in moribus: et meum *propositum*, quia sicut vivam æternam finem laboris mei proposui: ita et tu assecutus es etiam fidem: quia sane credis ut ego; et *longanimitatem* in spe: quia paratus es, quandiu Deo placet, tecum sustinere. Habes etiam dilectionem Dei et proximi: et patientiam, id est ipsam virtutem: etiam si nihil operari necesse sit, et actus illius patientiae, scilicet persecutio de loco ad locum, et passiones tormentorum. **343** Nosti etiam *qualia facta sunt mihi Antiochia, Iconii, Lystris*, et, præter haec, *quales persecutiones* ego sustinui in multis locis. Sed quid inde timendum? Ex omnibus enim eruit me Dominus; et sic eruet te de his quæ te pati contigerit. Incitari debes ad continentiam exemplo meo, et omnium religiosorum. Omnes enim qui volunt pie, id est religiose, vivere in Christo Jesu, patientur persecutionem: et ideo ne turberis si aliqua pateris. Pie viventes patientur: homines autem mali in se et seductores aliorum proficient quidem in mundanis [immunditiis], sed hoc totum erit illis in poenis, et in damnationem. Ipsi dico, errantes in se, et ideo mali mittentes etiam alios in errorem, et ideo seductores. Ipsi errabunt: tu vero permane in his præceptis quæ didicisti a me, et in his quæ credita sunt tibi, id est in pontificali gratia, sciens et rememorans hæc a quo et quanto doctore didiceris ista. Si enim recordaris, meæ auctoritatis, contemptui flet tibi falsa doctrina. Et te inde memorem esse volo: quia tu nosti sacras litteras ab infantia, traditus scholis a matre tua, quæ fidelis fuit: quæ omnia possunt te instruere ad habendam salutem æternæ vitae, ad quam itur per fidem, quæ fides est in Christo Jesu. Vere sacra littera possunt te instruere ad salutem: quia omnis scriptura inspirata divinitus, id est spiritualiter secundum Deum intellecta, utilis est ad docendum eos qui nesciunt, et ad arquendum, id est ad convin-

cendum eos qui fidei contradicunt, et ad corripiendum peccantes et se peccasse non abnegantes, et ad erudiendum eos qui adhuc rudes sunt et simplices. Erudiendum dico *in justitia*, id est ad hoc ut justificantur, exuendo rudimenta infidelitatis. Sic, inquam, erudiatur *ut quantum* in doctore est, *sit ille* qui, eruditur *perfectus homo Dei*. Perfectus ita *ut sit instructus ad omne opus bonum faciendum*.

CAPUT IV.

¶ Testificor coram Deo et Christo Jesu, qui judicaturus est vivos et mortuos, et per adventum et ipsius regnum ejus: prædicta verbum, insta opportune, importune; argue, obsecra, increpa in omni patientia et doctrina. Erit enim tempus, cum sanam doctrinam non sustinebunt: sed ad sua desideria coacervabunt sibi magistros prurientes auribus: et a veritate quidem auditum avertent, ad fabulas autem convertentur. Tu vero vigila, in omnibus labora; opus fac evangelistæ, ministrium tuum imple, sobrius esto. Ego enim jam delibor, et tempus resolutionis meæ instat. Bonum certamen certavi, cursum consummavi, fidem servavi. In reliquo reposita est mihi corona justitiae, quam reddet mihi Dominus in illa die justus judex: non solum autem mihi, sed et his qui diligunt adventum ejus. Festina venire ad me cito. Demas enim me dereliquit, diligens hoc sæculum, et abiit Thessaloniam, Crescens in Galatiam, Titus in Dalmatiam. Lucas est tecum solum. Marcum assune et adduc tecum: est enim mihi utilis in ministerio. Tychicum autem misi Ephesum. Penulam, quam reliqui Troade apud Carpum, veniens affer tecum, et libros, maxime autem membranas. Alexander aerarius multa mala mihi ostendit: reddet illi Dominus secundum opera ejus; quem et tu devita, valde enim restitut verbis nostris. In prima mea defensione nemo mihi affuit; sed omnes me dereliquerunt: non illis imputetur. Dominus autem mihi astitit et confortavit me, ut per me prædicatio impleteatur, et audiant omnes gentes, quia liberatus sum de ore leonis. Liberavit me Dominus ab omni opere malo, et salvum faciet in regnum suum cœlestis: cui gloria in sæcula sæculorum. Amen. Saluta Priscam et Aquilam, et Onesiphori domum. Erastus remansit Corinthi. Trophimum autem reliqui infirmum Miletii. Festina ante hiemem venire. **344** Salutant te Eubulus, et Pudens [al., Prudens], et Linus, et Claudia: et fratres omnes [al. non habet omnes] ejus. Dominus Jesus Christus cum spiritu tuo. Gratia vobiscum, Amen.

EXPOSITIO.

Et quia Scriptura Dei nota tibi utilis est ad docendum, et ad arguendum, et ad corripiendum: ideo testificor tibi coram Deo, ne hoc ultra a me exigat. Et coram Christo Jesu, qui judicaturus est vivos et mortuos: quos invenerit vivos in hora judicii, qui sub momento dissolventur et resurgent. Judicaturus est etiam ante diem judicii mortuos.

A Vel judicaturus est vivos ac mortuos, id est justos et peccatores. Testificor etiam tibi per adventum ipsius Christi, ut ita paratus sis quasi qui quotidie judicem advenientem exspectet, ut timore ejus facias quæ hortor. Testificor etiam tibi per regnum ejus, in quo ipsi conregnabunt sancti, ut amore conregnandi Christo studiose facias quod moneo. Hoc, inquam, testificor tibi: *Prædicta verbum*, id est doctrinam Dei, et prædicando *insta opportune* eis qui libenter audiunt. Insta etiam *importune* eis qui primus ad audiendum difficiles sunt, sed postmodum cognita ratione libenter audiunt. Argue etiam, id est convince, contradicentes fidei. Obsecra etiam justos, ut semper in melius promoveantur. Increpa etiam debita austeritate reprehensos in peccatis. Hæc autem fac in omni patientia: ut quæcumque inferantur libenter sustineas; nec ita ut docere desistas, sed semper esto in doctrina. Ideo tanta instantia te docere commoneo: quia eris tempus circa finem mundi, cum homines non sustinebunt sanam doctrinam. Si autem in tempore illo non roboretur Ecclesia doctrina apostolica, peribit fides. Sanam doctrinam non patientur, sed coacervabunt sibi magistros juxta sua desideria. Si luxuriosi fuerint, luxuriosum: et sic in ceteris. Homines dico tunc prurientes auribus, id est nova et inaudita audire cupientes; in quibus veritas non erit: et a veritate quidem avertent auditum suum, sed ad fabulas (in quibus rei veritas nou est) convertentur.

C Eli sic intendunt fabulis: tu vero vigila, id est omni sollicitudine præcave tibi: et labora in omnibus (si potes) convertendis. Utque labor tuus idoneus sit, *fac opus evangelistæ*, id est prædicatoris: scilicet quod operandum prædicas, operare. Et ita fac ut impleas tuum ministerium, id est officium prædicatoris, quod non infra subsistas, sed quidquid prædicatoris est facias, et laborando in aliis et in te opere complendo quod alios docueris. Et ideo sic moneam, fac opus evangelistæ: tamen esto sobrius, non ultra modum abstinenter deditus, ne nimietate jejunii debilitatus (quomodo decet) incumbere nequeas prædicationi. Propterea tanta instantia te commoneo: quia ego jam delibor, id est sacrificor, et paulatim in vinculis quotidie deficit: et tempus meæ resolutionis, id est dies mortis meæ, instat et in proximo est: quem diem iastare ex eo certus sum, quia certavi certame (frequentiam noctis) bonum, id est utile Ecclesie Dei. Certavi ulla que patiendo quæcumque pati oportuit, et cursum, id est velocitatem bene agendi, ubi non ita pati necessary fuit, hunc utique consummavi: quia adeo ascendit mea justitia, quod ultra non habet quo ascendat; et in certando et in currendo servavi fidem. Et quia jam consummavi cursum, ideo in reliquo, id est in vita quæ nobis futura relinquitur, reposita est, id est custoditur, mihi corona justitiae, id est promerita per justitiam: quam coronam quasi debitam reddet mihi Dominus in illa die futura retributionis, nec mihi negare potest: quia est justus.

Iudeus : et iustitia exigit ut hoc mihi reddatur. Mihi quidem, sed non solum mihi, sed etiam omnibus *qui diligunt adventum ejus judicii*, id est qui parva habent conscientiam : qui enim sibi male consili sunt, hi utique adventum judicis non diligunt, sed formidant. Per hoc plurimum animat Timotheum, quod ait preparari coronam iustitiae diligentibus adventum Dei.

Instructo Timotheo in his quæ publice agenda erant, de quibusdam propriis mandat ei, dicens : **345** Quia in proximo dies meæ resolutionis instat : ideo festina cito venire ad me : et necessarius mihi es : quia Demas apostatando reliquit me, diligens hoc præsens sæculum, et ille abiit Thessalonicanum. Crescens vero, alius discipulus in fide permanens, abiit in Galatiam. Titus vero abiit in Dalmatiam. Et sic, alii dispersis, solus Lucas tecum est. Veni, inquam, et in veniendo assume Marcum, et adduc tecum ad me. Hic enim est mihi utilis in ministerio. Fortassis missurus erat eum Apostolus in aliquam legationem. Tychicum autem misi Ephesum, ubi tu episcoparis. Tu vero veniens ad me affer tecum penulam quam apud Carpum reliqui Troade : affer etiam libros : et maxime præ ceteris affer membranas, quibus opus habeo ad mittendas Epistolas. Penula vestis erat tradita Tharsensisibus a Romanis : propterea quia sponte, et non bello in imperium Romanorum devenerant : quam ideo jubebat afferri, ut comprobaret se esse civem Romanum, sicut appellaverat apud Festum. Seu penula alia vestis erat : quam contra frigus afferri sibi postulabat, acturus. hiemem in carcere. Dum autem

A venies ad me, cave tibi ab Alexander : hic enim Alexander avarius (nomen dignitatis) ostendit mihi multa mala : nec inde euro : quia Dominus reddet ei secundum opera ejus. Quem Alexandrum tu etiam devita : hie enim valde restitut verbis nostris. Veni utique : quia necessarius es. In prima enim defensione mea, quando defendi me in conspectu Neronis, nemo discipulorum affuit mihi : sed omnes dereliquerunt me. Ut autem hoc non imputetur tibi, praecor : illi dereliquerunt me ; sed Dominus astitit mihi : et astando fortis fecit me : ideo et adeo ut predicatione impleretur per me, non cedentem misis ejus. Si enim consentirem ipsi, inexpleta fieret predicatione : ideo etiam confortavit : ut haec audiant gentes : et hoc etiam audiant quod liberatus sum, ut non consentirem, de ore leonis, id est Neronis, vel diaboli, per Neronem invadentis me : nec solum a leone, sed liberavit me Dominus ab omni opere malo, ne quid male operarer : et me liberatum salvum faciet, translatum in regnum suum celeste : cui Domino est gloria in secula seculorum. Amen. Accepta autem hac Epistola, saluta Priscam et Aquilam, et familiam Onesiphori. Erastus autem remansit Corinthi : et Trophimum reliqui Miletii infirmum : et quia tot absentes sunt, festina venire ad me ante hiemem. De his autem qui nō pescum sunt, salutant te Eubolus, et Pudens, et Linus, et Claudia, et omnes fratres. Et ego saluto te. Dominus Jesus Christus sit cum spiritu tuo : et concedat ut gratia sit nobiscum, id est dilectio inter me et te coepia perseveret. Amen.

ARGUMENTUM IN EPISTOLAM AD TITUM.

Titum commonefacit et instruit de constitutione presbyterii : et de spirituali conversatione, et næreticis vitandis : qui traditionibus Judaicis credunt ; scribens et a Nicopoli.

PROLOGUS B. BRUNONIS IN EAMDEM.

Paulus, conversis Cretensibus, consecravit ibi Titum archiepiscopum, qui eos instrueret de quibuscunque opportunum videret. Cum autem Paulusisset Nicopolim (quod hæc Epistola videtur invenire in sequentibus), scripsit hanc Epistolam ad Titum. Audierat enim de eo, quod nimis simpliciter episcopale exerceret officium : quia hæreticos, seu quoslibet perversos, non expellebat ab Ecclesia pontificali imperio, sicut decret. Denuntiabat quidem eis quod male agerent, et desistere deberent : sed eis ab incepto malo non cessantibus (quod pontificalis dignitas exigeret), non coercebat eos, sed humiliiter patiebatur. **346** Quare Paulus hanc Epistolam scribit ad Titum : agens in ea de pontificali officio : eo modo

D ut instruat eum quales consecrare debeat episcopos per civitates sui archiepiscopatus : maxime circa hanc instructionem immorans, ut potestate et imperio pontificali utatur : quia licet simplicem esse bonum sit, tamen nimia humilitas episcopi incommodum facit regimini Ecclesiæ : et ideo monet Titum, ut cum imperio episcopali doceat, exhortetur, et arguat : et si qui hæretici corrigi nolunt, ab Ecclesia depellant. Et sic de episcopali officio agens, intendit Titum perfectum reddere episcopum. Ut per exemplum istius, quoscumque episcopos nimis simplices animatos redderet, et episcopali imperio, utentes.

EPISTOLA AD TITUM.

CAPUT PRIMUM.

Paulus servus Dei, apostolus autem Jesu Christi secundum fidem electorum Dei et agnitionem

veritatis, quæ secundum pietatem est in spem vitæ æternæ : quam promisit, qui non mentitur, Deus ante tempora secularia : manifestavit autem temp-

poribus suis verbum suum in prædicatione, quæ credita est mihi secundum præceptum Salvatoris nostri Dei. Tito dilecto filio secundum communem fidem gratia et pax a Deo Patre et Christo Jesu Salvatore nostro. Hujus rei gratia reliqui te Cretæ, ut ea qua desunt corrigas, et constitutas per civitates presbyteros sicut et ego disposui tibi : si quis sine crimine est, unius uxoris vir, filios habens fideles, non in accusatione luxuriae aut non subditos. Oportet enim episcopum sine crimine esse, sicut Dei dispensatorem : non superbum, non iracundum, non violentum, non percussorem, non turpis lucri cupidum : sed hospitalitem, benignum, prudentem, sobrium, justum, sanctum, continentem, amplectentem eum qui secundum doctrinam est fidem sermonem, ut potens sit exhortari in doctrina sana, et eos qui contradicunt arguere. Sunt enim multi etiam inobedientes, vaniloqui et seductores : maxime autem qui de circumcisione sunt, quos oportet redargui : qui universas domos subvertunt, docentes quæ non oportet, turpis lucri gratia. Dixit quidam ex illis, proprius illorum propheta : Cretenses semper mendaces, malæ bestiæ, ventres pigri. Testimonium hoc verum est. Quam ob causam increpa illos dure, ut sani sint in fide : non intendentes Judaicis fabulis, et mandatis hominum aversantium [al., avertentium] se a veritate. Omnia munda mundis : coinquinatis autem et infidelibus nihil est mundum, sed inquinatae sunt eorum et mens et conscientia. Conscientur se nosse Deum, factis autem negant : cum sint abominationes [al., abominabiles] et incredibiles, et ad omne opus bonum reprobri.

EXPOSITIO.

Paulus, etc. Sicut mos ejus est, salutationem præmitit dicens : *Paulus servus Dei*, id est simplex et humilis ad modum servi. Hic innuit bonam quidem esse simplicitatem. *Servus* utique Dei, sed tamen *apostolus Jesu Christi*, id est agens et coercens singulos quomodo apostolicæ sublimitatis imperium exigit. Tu itaque exemplo meo sic esto simplex, ut pontificale imperium non impedit nimia humilitas. Non ideo dixit *servus Dei* et *apostolus Christi*, quin et apostolus sit Dei et servus Christi : sed ideo ut innuat, quod per Christum Deus Pater in ministerium apostolatus Paulum direxerit. Apostolus dico secundum fidem electorum Dei. Sequitur enim et prædicat fidem quam tenuerunt prophetæ, et quicunque electi Dei. Apostolus etiam secundum agnitionem veritatis, id est secundum quod agnovit de vera cognitione Dei. Non cujuslibet veritatis dico, sed ejus quæ est secundum pietatem, id est quæ veritas sequitur cultum Dei. Fides dico et agnitionem veritatis, euntia in spem vitæ æternæ : 347 quia perfidem acceptam, et per agnitam veritatem, speramus nos consequi vitam æternam. Nec frustra : quia quam vitam promisit, id est se datum ordinavit : nec de hac promissione dubita-

A re licet : promisit enim hanc ille qui non mentitur et mentiri non potest : quia Deus est. Nec in tempore promisit : sed ut diligentia promisse rei in Deo consideretur, promisit hæc ante tempora sæcularia, id est ab æterno sic præordinavit ante tempora, quæ volvuntur per sæcula. Promisit, inquam : manifestavit autem, id est complevit quod promiserat suis, id est in congruis temporibus vitam æternam : quia Abel vidit inde aliquid, perfectius autem Abraham : et ita paulatim prophetæ, quanto amplius propinquabat redemptio, tanto magis de ea cognoverunt : et Joannes magis omnibus, qui digitæ demonstravit vitam æternam, id est Christum : sed maxime in tempore gratiæ manifestavit Deus vitam æternam, scilicet Verbum suum, id est Filium incarnatum, natumque et aliis modis. Manifestavit etiam hoc Verbum in prædicatione, quæ credita est, id est per prædicationem quæ commissa est mihi. Credita utique mihi est secundum præceptum Dei, id est quia Deus ita præcepit. Dei dico nostri Salvatoris. Paulus, inquam, talis et talis scribit, *Tito dilecto quodam speciali modo*.

C *Tito dico filio secundum communem*, id est catholicam, fidem, in qua eum genui, et non secundum carnem. Catholicum enim commune vel universale dicitur. Vel *Tito filio* optat sapere secundum communem, id est vulgarem, fidem : et non secundum privatas doctrinas haëreticorum. Sit tibi, Tite, gratia : et secundum remissionem peccatorum, et secundum episcopale officium. Sit etiam tibi pax, id est tranquillitas animi, quanta hic haberi potest. Hæc utique tibi sint a Deo Patre qui potest, et qui voluntatem habet. Et a Jesu Christo, qui similiter et potest, Salvatore nostro, et voluntatem habet. Finita salutatione, sic alloquitur Titum : O Tite, ego reliqui te consecratum archiepiscopum Cretæ gratia hujus rei, id est pro hac re, quæ, si fiat, grata erit mihi. Res autem illa hæc est : ut tu corrigas, id est ut corrigo quæ corrienda sunt perficias ea qua desunt. Hoc autem dictum est de moribus. Et corrigo mores constituas etiam presbyteros, id est episcopos per singulas civitates subjectas tuo archiepiscopatu. Constituas, inquam, eo modo sicut et ego tibi disposui. Ubi ait : *Sicut ego tibi disposui*, notat quod cum apud eum esset, instruxerit eum de consecratione episcoporum. Eum scilicet constitue episcopum, si quis fuerit sine criminis, id est, sine actu et infamia cuiuslibet criminalis. Qui etiam fuerit vir unius uxoria, ut idem alibi exposuimus. Habens etiam filios fideles, id est, qui in fide sana filios suos instruxerit : et non habens eos in accusatione luxuriae : quod nec etiam malus rumor inde exierit. Si enim filios suos permisit luxuriari, exemplum dedit non se bene correcturum filios Ecclesie. Aut non habens filios non subditos, id est inobedientes sibi. Si enim remissus apparuit in privatis filiis, ostendit quod non sufficienter coerceret creditam tibi Ecclesiam. Ideo vole ut qui sine criminis fuerit, constituantur episcopos : oportet enim episcopum

esse sine crimine, et actu, et suspicione, sicut dispensatorem Dei, id est, sicut eum qui Domum ipsum dispensat his quibus predicit. Oportet etiam episcopum non esse superbum, id est, non cupientem se superponere aliis. Non iracundum, sed bene regat animum. Non vinalentum, id est non multo vino deditum. Non percussorem, id est qui corporalibus armis non percutiat; habet enim arma sancti Spiritus: vel non percutientem conscientias auditorum; ne tale quid praedicet unde prava opinio oriatur. Non cupidum turpis lucri, id est non negotiis secularibus implicitum: sed hospitalem, qui pauperes hospitio receperit: receptisque pauperibus, et qui buscunque benignam, id est, large sua ministrantem. Sobrium etiam cibo, potu et vestitu. Justum etiam **348** et ad proximos sibi. Sanctum etiam ad Deum. Continentem etiam, ut exemplum continendi sit aliis. Et prater haec oportet eum esse amplectentem, id est diligenter et assidue tractantem, sermonem fidem, id est veracem: nec omnem verum, sed eum qui est secundum doctrinam, id est qui idoneus est ad prædicationem. Sunt enim multa vera quibus intendere episcopum culpa esset.

Et ideo amplectatur hunc sermonem, ut et per usum et per scientiam potens sit exhortari fideles in doctrina sana. Posset etiam per usum et per scientiam arguere eos qui contradicunt sanæ doctrinæ, id est convincere infideles qui fidem impugnant. Et necesse est ut sic potens sit arguere: quia sunt multi inobedientes episcopis. Sunt etiam vaniloqui, loquentes inutilia: et in hac vana locutione sunt seductores, id est habent artem et calliditatem seducendi auditores per vaniloquia. Possent enim vana loqui sine calliditate seductionis: et maxime præ omnibus seducunt illi qui sunt de circumcisione Iudei: quos ideo oportet redargui: quia præcipui seductores sunt. Illi enim qui de circumcisione venerunt, subvertant non solum patremfamilias domus: sed etiam universas domos, id est omnem familiam, docentes gratia, id est amore, turpis lucri ea que non credere, nec docere oportet. Vere in Cretensibus sunt mali seductores: quod approbat quidam ex illis Cretensibus proprius, id est naturalis ipsorum; quare magis credendam est ei: hic autem propheta, id est videns, secundum quod subtiliter consideravit vitia Cretenium: hic autem dictus est Epimenides, qui dixit hoc de illis: *Cretenses semper sunt mendaces* et sunt bestias, bestialiter meditantes; et mala, id est quomodo meditantur, sic crudeliter operantes. Sunt etiam pigni ventres, id est luxuriantes et onerantes se cibis. Ideoque ad omne bonum tardi. Ne autem de veritate horum dubitetur, quia gentilis fuit ille qui hoc dixit, asserit hoc Paulus dicens: *Testimonium hoc, quod Epimenides testatus est de Cretensibus, verum est: ob quam causam, quia mendaces sunt, etc.* increpa eos, scilicet Cretenses dare, id est scilicet cum austeritate et pontificali imperio, ut sani perseverent in fide, non intendentes Judæis fabulis: quia quod de circumcisione reducenda docent, sa-

A bulæ sunt, nec rei veritatem habent. Non debent intendere his, quia fabulæ; et quia sunt mandata hominum, et non Dei: olim enim sub veteri lege Deus quidem mandavit circumcisio[n]em et cætera; sed postquam venit tempus gratiæ, Deus præcepit hoc non fieri. Et ideo ait: Non intendant mandatis non Dei, sed hominum aversantium se a veritate. quia veritatem legis, spiritalem scilicet intellectum, nolunt accipere. Ex quibus sequentibus innuit, quod hi tales a quibusdam cibis abstinentem esse prædicarent, dicens: Non est intendendum fabulis Juðorum, qui judicant quosdam cibos immundos, cum omnia quibus uti consuetudo est, sint munda mundis, id est his qui in munditia et sanctitate percipiunt ea.

B Hos enim cibos Deus condidit ad sustentationem servientium sibi: quare munda et digna sunt his qui mundo corde et opere Deo serviunt. Omnis etiam creatura in eo quod a Deo creata est, munda est. Hic tamen non est necesse de omnibus agere. Mundis conscientia et fide omnia sunt munda, sed coquinatis conscientia et infidelibus, etiam quod mundum reputant, non est illis mundum. Cum enim in Creatorem non credant, et inquinatam habeant conscientiam, injustum est eos uti aliqua creatura Dei. Nihil illis est mundum: sed mens, id est intellectus, fides scilicet, eorum et conscientia sunt inquinatae: quare nihil eis est mundum. Fortassis diceret aliquis: Quare isti sunt inquinati, cum consiteontur Deum? Scio quidem (ait Paulus) quod confidentur ore se nosse Deum, sed quid hoc prodest? Negant enim Deum in factis suis. Negant pro certo, cum sint abominati, id est male ominati: vel a numero hominum redempti per Deum. Cum etiam sint incredibilis, id est non habiles credere pro nimietate impietas **349** suæ. Cum etiam sint reprobati ad omne bonum opus: quia nihil quod boni similitudinem habeat operantur. Pierunque enim quidam infideles faciunt talia, quæ licet vere bona non sint, bona tamen esse videntur.

CAPUT II.

D Tu autem loquere quæ decent sanam doctrinam, senes ut sobrii sint, pudici, prudentes, sani in fide, in dilectione, in patientia, anus similiter in habitu sancto, non criminatrices, non multo vino servientes, bene docentes, ut prædictam doceant adolescentulas ut viros suos ament, filios suos diligent, prudentes, castas, sobrias, domus curam habentes, benignas, subditas viris suis, ut non blasphemetur verbum Dei. Juvenes similiter hortare, ut sobrii sint. In omnibus te ipsum præbe exemplum bonorum operum, in decurina, in integritate, in gravitate. Verbum sanum, irreprehensibile: ut is qui ex adverso est vereatur [al., vincatur]: nihil habens malum dicere de nobis. Servos dominis suis subditos esse: in omnibus placentes, non contradicentes, non fraudantes, sed in omnibus fidem bonam ostendentes: ut doctrinam Salvatoris nostri Dei ornent

in omnibus. Apparuit enim gratia Dei Salvatoris nostri omnibus hominibus, erudiens nos, ut abnegantes impietatem et saecularia desideria, sibi, et juste, et pie vivamus in hoc saeculo : exspectantes beatam spem, et adventum gloriae magni Dei, et Salvatoris nostri Iesu Christi. Qui dedit semetipsum pro nobis, ut nos redimeret ab omni iniquitate : et mundaret sibi populum acceptabilem, sectatorem honorum operum. Hæc loquere et exhortare, et argue cum omni imperio. Nemo te contemnat.

EXPOSITIO.

Reprobè sic perverse agunt : *tu vero non sic, sed loquere ea quæ decet loqui, sanam doctrinam.* Hoc scilicet loquere senibus, ut senes sobri sint, non dediti potationi. Sint etiam pudici, id est casti. Sint prudentes, ut noverint docere juniorum : sint sani in fide, sint sani in dilectione : ut sicut domesticos, sic omnes alios diligant. Sint etiam sani in patientia : quod non sic patientur convicia, quod ad approbria impatientes sint. Anus similiter admone, ut sint in habitu sancto, id est qui sanctitatem eorum indiceat : et ut non sint criminatrices, id est non imponant crimina quibuslibet, qui morbus maxime veterarium est. Non sint etiam servientes multo vino, sed tamen docentes : nec in ecclesia vel viros doceant; sed ita dico, ut adolescentulas doceant prudentiam : hanc scilicet, ut ament viros suos, et non adulteros : et etiam diligent filios suos omni sollicitudine, foventes eos : et doceant eas esse prudentes, et castas, et sobrias, et in cibis, et in ornamentis : et habentes curam domus, id est, laborent cum viris bene procurare familiam. Doceant etiam eas esse benignas in erogatione eleemosynarum, et subditas viris suis : non super viros habentes imperium. Hæc omnia admone fieri : ut verbum, id est prædicatio, Dei non blasphemetur : si enim mulieres contra viros superbirent, si essent incestæ, etc., opinarentur insipientes sic contineri in Christiana doctrina, et ideo blasphemarent verbum Dei. Juvenes similiter hortare, ut sobri sint, et temperati. Ut autem omnes convenienter corrigas, præbe te ipsum exemplum alii honorum operum : nec in quibusdam, sed in omnibus operibus. Præbe, inquam, te exemplum eis in doctrina : ut quod utile auditoribus sit doceas : et in integritate omnium virtutum, quod perfectus et in toto sis in bonis; et doce in gravitate, id est cum severitate et imperio pontificali. Et verbum doctrine tuum sit sanum : nihil infidelitatis habeat administrationem ; sit etiam irreprehensibile : quod nec aliqua occasio reprehensionis inde queat concipi : et hoc ideo expedit, ut *is qui est ex adverso*, id est infidelis insidiator, vereatur malum dicere de nobis : nihil habens unde male dicere possit. Hortare etiam servos esse subditos dominis suis, ne superbiant contra eos : sed bene sint placentes **350** eis in omnibus sibi imperatis : non contradicentes eis in aliquo, et non fraudantes, vel de rebus sibi creditis, vel de labore sibi imperato : ut cum laborare debent vacent otio :

A sed ostendentes in omnibus actionibus suis fidem Christianam esse bonam, id est utilem : ut sic faciendo ercent in omnibus doctrinam Dei Salvatoris nostri.

Cum enim servi facti fideles non subducant : sed devotius dominis utique serviant, ornatur per hoc doctrina Dei et laudatur, quæ servos sic instruxit fideles et subditos esse dominis. Ideo moneo te laborare in omnibus : seu servi sint, seu domini, seu senes, seu juniores : quoniam Deus pro omnibus salvandis apparuit. Apparuit utique cum Verbum Patris factum care in utero Virginis præbuit se visibile hominibus. Apparuit, inquam, gratia Dei, id est, Deus per gratiam : non ex meritis hominum : sed per solam misericordiam, Dei dico nostri Salvatoris : et sicut pro nobis salvandis apparuit quod jam per fidem justificati sumus, sic pro omnibus hominibus salvandis apparuit : et ideo in omnibus laborare debes. Et quia apparere Dei non ad salutem sufficeret, nisi ab eodem instrueremur, ait, apparuit Deus per gratiam erudiens nos omnes; hoc scilicet : ut nos abnegantes impietatem, id est culturam idolorum, et abnegantes desideria saecularia, id est quæ et saeculum ministrat, et quorum causa est, vivamus sobrie, id est temperate in nobis ipsis : et juste ad proximum ; et pie vivamus ad Deum : etiam in hoc tam fragili corpore, in quo vix juste vivere licet : sic sobrie, juste et pie vivendo exspectantes beatam spem, id est speratam beatitudinem, et exspectantes adventum gloriarum Iesu Christi, id est, quando Christus qui prius in humilitate ut erudiret nos apparuit, adveniet cum gloria judicare saeculum. Christi dico, magni Dei et nostri Salvatoris : quia tunc in judicio, velint nolint, confitebuntur eum magnum Deum et Salvatorem sanctorum : venientem tunc cum potestate magna et maiestate : qui usque ad illum diem nunquam confessi sunt Christum esse Deum. Qui Christus Jesus inter hos duos adventus dedit semetipsum pro nobis : ideo ut redimeret nos ab omni iniquitate, id est et a fragilitate carnis, et a potentia et suggestione diaboli. Priusquam enim Christus in cruce nos redimeret, non poteramus obniti diabolo, et suggestioni ejus, nec fragilitati nostre carnis : a quo periculo nisi nos Deus liberaret, etiamsi mundaret nos ab omnibus peccatis, nihil tamen prodesset : nisi et virtutem dare resistendi suggestionibus diaboli et fragilitati carnis. Qui enim primum hominem in tanta virtute creatum subvertere potuit, quanto magis eum qui tot miseris passibilitatis et mortalitatis premitur? Dedit etiam semetipsum ut nos mundaret ab omni delicto : seu originali, seu actuali, in baptismo. Nos dico, factum populum acceptabilem sibi post emundationem baptismatis : per hoc quia sectatorem honorum operum prius enim ab imperio diaboli et fragilitate carnis eruit, dehinc ab omni delicto mundat, et hoc utrumque in baptismo : postea per positionem honorum facit nos acceptabiles Deo. Hæc predicta, Deum scilicet apparuisse per

gratiam, venturum autem in judicium cum gloria A etc., loquere et doce eos qui nesciunt : et exhortare eos qui sciunt : ut præparent se dignos secundo adventui. Quod si admoniti obedire renuant, argue ens cum omni imperio, id est episcopali severitate : ita ut nemo te contemnat, id est ut nimia humilitas tua non generet contemptum pontificalis auctoritatis.

CAPUT III.

Admone illos principibus et potestatibus subditos esse, dicto obedire; ad omne opus bonum paratos esse : neminem blasphemare, non litigiosos esse, 351 sed modestos, omnem ostendentes mansuetudinem ad omnes homines. Eramus enim aliquando et nos insipientes et increduli, errantes, servientes desideriis et voluptatibus variis, in malitia et invidia agentes, odibiles, odientes invicem. Cum autem benignitas et humanitas apparuit Salvatoris nostri Dei, non ex operibus justitiae quæ fecimus nos, sed secundum suam misericordiam salvos nos fecit per lavacrum regenerationis et renovationis Spiritus sancti, quem effudit in nos abunde, per Jesum Christum Salvatorem nostrum, ut justificati gratia ipsius, hæredes simus secundum spem vitæ æternæ. Fidelis sermo est. Et de his volo te confirmare, ut curent bonis operibus præesse qui credunt Deo. Hæc sunt bona et utilia hominibus. Stultas autem quæstiones, et genealogias, et contentiones, et pugnas legis devita. Sunt enim inutiles et vanae. Hæreticum hominem post unam [al. primam] et secundam correctionem devita, sciens quia subversus est qui ejusmodi est, et delinquit, cum sit proprio judicio condemnatus. Cum misero ad te Artemam, aut Tychicum, festina ad me venire Nicopolim. Ibi enim statui hiemare. Zenam legisperitum et Apollo sollicite præmitte, ut nihil illis desit. Discant autem et vestri bonis operibus præesse ad usus necessarios, ut non sint infructuosi. Salutant te qui mecum sunt omnes. Saluta eos qui nos amant in fide. Gratias Dei cum omnibus vobis. Amen.

EXPOSITIO.

Ne modo Titus, quia dixerat Paulus omni imperio, opinaretur commissum sibi populum, sibi tantum subjici debere, et non potestatibus mundi, haec removendo ait : Admone illos, Cretenses, subditos esse principibus mundi, ut regibus et ceteris potestatibus, solvendo tributa, et census debitos illis. Admone etiam illos obedire dicto, id est præceptis, principum, nec tamen ad opus nefarium ; sed paratos esse ad omne opus bonum, quod præcipitur eis a principibus suis. Si enim ad culturam idoli ire iuberent eos principes, seu ad quodlibet nefarium, non esset eis cundum : Oportet enim magis obedire Deo quam hominibus (Act. v, 29). Admone eos etiam, neminem dominorum suorum blasphemare : nec etiam litigiosos, id est nec decertare contra dominos, sed modestos et bene temperatos, ostendentes omnem

B mansuetudinem et humilitatem : non tantum ad dominos, sed etiam ad omnes homines. Propterea sic volo omnes obedire etiam infidelibus dominis, quia fortassis qui modo infideles sunt sicut fideles s'ocùt et nos. Eramus enim aliquando, id est paulo ante, insipientes, etiam si sapientes mundi essemus. Et quia de cognitione Dei nihil sapiebamus, ideo eramus increduli, non habentes fidem Dei. Eramus etiam errantes, id est peccantes, et servientes desideriis, quia si desiderabamus pecuniam seu honores, multo labore serviebamus ad hæc consequenda ; servientes etiam voluptatibus carnis variis, id est secundum omnes sensus. Quod enim oculus videbat, vel auris audiebat, manus hoc comprehendere laborabat. Nos dico, agentes in malitia, quia quæ mala licet erant, inferebamus proximis, agentes etiam in invidia, quia cum amplius non poteramus, proximis invidebamus. Nos dico odibiles aliis, et e converso odientes alios, eundo invicem, id est in recompensationem odii. Tales prius eramus, sed cum benignitas Dei, id est Deus per benignitatem, et humanitas Dei apparuit : designat quare, et per quid hoc factum fuerit, propter benignitatem scilicet et per humanitatem : cum utique Deus causa benignitatis per humanitatem cunctam Verbo Patris apparuit mundo ; Dei dico, nostri Salvatoris, quia sicut pro nobis, sic pro eis qui adhuc infideles sunt salvandis apparuit : nec hoc fuit ex operibus justitiae quæ nos aliquando fecimus, id est, hoc, ut Deus appareret, nunquam promovereramus ; sed secundum suam misericordiam fecit nos salvos Deus per lavacrum regenerationis, id est per baptismum in quo prima generatio, quæ in peccatis est, destruitur : et secunda spiritualis, scilicet generatio habetur : et per lavacrum renovationis. Baptismus enim quia præcedit, tales nos efficit, qui quotidie crescendo in melius, magis ac 352 magis renovamur ; juxta illud : Renovamini spiritu mentis vestrae (Ephes. iv, 23). Unde ait : regenerationis, per evacuationem malorum ; et renovationis per positionem honorum : quod utrumque et regeneratio et renovatio est Spiritus sancti ; per spiritum enim sanctum et remittentur peccata, et accipiuntur virtutes. Quem Spiritum sanctum effudit Deus in nos abunde, id est sufficienter ad remissionem omnium delictorum ; effudit, inquam, per Jesum Christum Salvatorem nostrum secundum hominem hoc intellectum. Deus enim qui in homine illo erat, per hominem illum dedit Spiritum sanctum : ad hoc ut nos justificati per gratiam ipsius Dei, simus hæredes vitæ æternæ : et hoc secundum spem, id est secundum quod speramus dum in hoc mundo tenemur.

Hic sermo quem dixi, scilicet per lavacrum regenerationis nos salvari, et hæredes futuros esse vitæ æterne, etc. : hic, inquam sermo fidelis est et bene creditibilis. Et ideo de his quæ prædixi, volo te, o Tite, confirmare Cretenses, ut hæc firmiter credentes, curent præesse bonis operibus, ut si hodie bene operantur, cras meliora operando oræsse faciant

bediernis bouis. Curent etiam præesse aliis, dando exemplum bonorum hi qui credunt Deo. Et hæc, scilicet præesse bonis operibus, sunt bona illis ipisis, et sunt utilia hominibus eos imitantibus. De his confirmata Cretenses; sed stultas quæstiones et genealogias et contentiones quæ certant inter se de intellectu Scripturarum, et pugnas legis, id est quæ sibi invicem videntur contraire, quæcunque sunt hujusmodi, devita. Sunt enim inutiles, sine aliquo fructu, (quodque pejus est) vanæ, id est sine veritate; quæstiones has devita. Devita etiam hæreticum hominem, id est ab unitate fidei divisum. Devita dico, si incorrigibilis fuerit post unam, id est primam, et secundam correptionem, quia si bis admonitus non paenituerit, hic qui est ejusmodi, id est hæreticus, subversus est; non per ignorantiam, sed sciens et prudens manum mittit in ignem, et hic talis delinquit proprio iudicio, id est ex propria deliberatione, nullo impellente eum, et ideo condemnatus est a Deo.

Nota quod ex hoc loco colligitur quod si quis imprudenter errat, et errorem suum non defendit, hic non est judicandus hæreticus: sed ille tantum qui quod male de fide sentit (quod deterius est) incorrigibilis asseverat et defendit. Quod si hac ratione Simoniacos negamus esse hæreticos: sciunt enim se male agere, nec approbant, sed ambitiose cæcantur: contra hoc dicitur, quia quid ipsi intenderint pretio comparantes dona Spiritus sancti nescitur; soli enim Deo occulta cordium revelata sunt, sed secundum quod in exterioribus eorum factis dona

A videmus, judicamus de interioribus: quia enim in episcopatu eos manere videmus, quem per pretium adepti sunt, judicamus de eis ut de creditibus pecunia posse possideri Spiritum sanctum. Quod si dicunt beneficia temporalia solum se emisse, et non consecrationem, ideoque non esse Simoniacos, longe deterius sentiunt. Scriptum est enim: Qui separaverit se, dicatur illianathema. Sicut enim corpus et anima nequeunt separari ut alterum vivat; sic beneficium temporale a spirituali in episcopo nequit separari. Hoc sentiendum de ordinibus et temporibus honoribus.

Postquam docuit Titum de rebus ecclesiasticis, scribit ad eum de quibusdam privatis dicens: Carr misero ad te, o Tite, Arthemani aut Tykicum, iustina venire ad me Nicopolim; ibi enim statui hic mare. Et antequam venias, praemittit Zenam peritum, legis, vel Scripturæ divinæ, vel sacerularis, et cum eo Apollo. Hos utique praemittit sollicite, id est bene procuratos, dando illis quæ necessaria sunt; ita dico sollicite, ut nihil desit illis. Quod si quereris unde haec accipias, vele et jas: ut nostri Cretenses discant præesse bonis operibus, de die in diem meliorando: sic utique præesse, administrando necessarios usi prædicatoribus, ut hi Cretenses non sint infractions doctoribus suis; sed ministrarent quæcunque usui eorum necessaria sunt. Laborantem enim agricolam oportet primum de 353 fructibus accipere (II Tim. u, 6). Salutant te omnes qui tecum sunt, et tu saluta eos qui nos amant in fide, id est fideles. Gratia Dei sit cum omnibus vobis. Amen.

ARGUMENTUM IN EPISTOLAM AD PHILEMONEM.

Philemoni familiares litteras facit pro Onesimo servo ejus, scribens ei ab urbe Roma de carcere per ipsum Onesimum.

PROLOGUS B. BRUNONIS IN EAMDEM.

Paulus familiares litteras scribit ad Philemonem, D Paulo exinde et fortassis de furata pecunia. Quem quem ad fidem converterat, Romæ vinctus in carcere. Accepta inde occasione, quia quidam servus Philemonis Onesimus, cum adhuc infidelis esset, a domino furtim elapsus, de pecunia domini secrete asportaverat. Dumque se absentaret a domino, venit Romain ad Paulum in carcere. Ibique accepto verbo fidei, a Paulo baptizatus est ministravitque

EPISTOLA AD PHILEMONEM.

Paulus vincitur Christi Jesu, et Timotheus frater, Philemoni, dilecto adjutori nostro, et Appia sorori charissimæ et Archippo commilitoni nostro, et Ecclesiæ quæ in domo tua est. Gratia vo-

bis et pax a Deo Patre nostro, et Domino Iesu Christo. Gratias ago Deo meo, semper memoriām tui faciens in orationibus meis, audiens charitatem tuam, et fidem quam habes in Domino Iesu, et in omnes sanctos, ut communicatio fidei

tuæ evidens fiat in agnitione omnis operis boni in Christo Jesu. Gaudium enim magnum habui, et consolationem in charitate tua, quia viscera sanctorum requieverunt per te, frater. Propter quod multam fiduciam habens in Christo Jesu imperandi tibi quod ad rem pertinet, propter charitatem magis obsecro, cum sis talis, ut Paulus senex, nunc autem et vincimus Jesu Christi, obsecro te pro meo filio, quem genui in vinculis, Onesimo, qui tibi aliquando inutilis fuit, nunc autem et mihi et tibi utilis, quem remisi tibi. Tu autem illum ut mea viscera suscipe [filium meum charissimum]. Quem ego volueram tecum detinere, ut pro te mihi ministraret in vinculis Evangelii. Sine consilio autem tuo nihil volui facere, uti ne velut ex necessitate bonum tuum esset, sed voluntarium. Forsitan enim ideo discessit ad horam a te, ut in æternum illum reciperes, jam non ut servum, sed pro servo charissimum fratrem, maxime mihi. Quanto autem magis tibi et in carne et in Domino? Si ergo habes me socium, suscipe illum sicut me. Si autem aliquid nocuit tibi aut debet, hoc mihi imputa. Ego Paulus scripsi mea manu. Ego reddam, ut non dicam tibi quod et te ipsum mihi debes. Ita, frater, ego te fruar in Domino, recice viscera mea in Christo [Domino]. Confidens in obedientia tua scripsi tibi, sciens quoniam et super id quod dico facies. Simul autem et para mihi hospitium. **354** Nam spero per orationes vestras donari me vobis. Salutat te Epaphras concavitus meus in Christo Jesu, Marcus, Aristarchus, Demas et Lucas, adjutores mei. Gratia Domini nostri Jesu Christi cum spiritu vestro. Amen.

EXPOSITIO.

Paulus vincitus, etc. Ut citius ad misericordiam moveat Philemonem reticendo hic dignitatum nomina, ut, *apostolus Christi*, etc., inducit nomina miseriarum quas patiebatur, dicens: *Paulus vincitus Christi Jesu*, quem ideo gravius est offendere, quia in vinculis premitur. Videretur enim Paulus contemptui esse Philemoni vel in nullo compati, si audiens eum vincum esse, clanderet servo, pro quo precabatur, viscera misericordiae: cum nec Paulus vincitus esset pro culpa sua, sed pro Christo Jesu. Utque quanto plures viderit deprecantes, tanto citius indulget Philemoni, ait: *Paulus et Timotheus fratres* scribunt *Philemoni*, quadam spiritualitate; nec hoc solum *dilecto*, sed etiam *adjutori nostro*, qui non cessat adjuvare et sustentare de rebus suis fideles nostros. Scribunt etiam Paulus et Timotheus Appia uxori Philemonis, sorori nostræ secundum fidem, et quadam singularitate dilectionis *charissimæ*. Ideo Apostolus scribit mulieri, ut illa videns sibi ab Apostolo fieri quod in sexu muliebri non consueverat, conveniendo dominum suum, flectet eum ad parendum servo. Scribunt etiam Paulus et Timotheus Archippo filio Appia et Philémonis, *nostro commilitoni*, militat enim Deo nobiscum in prædicatione. Hic est Archippus qui Colosseenses fundavit in fide,

A quem ideo in hac Epistola salutat, ut benevolenter parentes indulgere Onesimo. Scribunt etiam *Ecclesiæ*, id est familie ad fidem Christi convocatae, quæ Ecclesia est in domo tua: ideo totam familiam salutat, quam tam digno nomine, id est ecclesiam, appellat, ut omnis familia secum pro Onesimo apud Philemonem intercederet, dicens: *Vobis omnibus patrifamilias, matri, filio, et familie sit gratia*, id est remissio peccatorum, et pax, id est tranquillitas animi. Sint, inquam, vobis haec a Deo patre nostro: qui potest et vult, et a Domino Jesu Christo, qui similiter vult et potest.

Ut Apostolus exorabilem faciat, alt: *Ego audiens charitatem tuam*, id est dilectionem Dei et proximi, audiens etiam fidem, id est te in fide Christi perseverare; ideo charitatem præposuit, quia intendebat eum mouere ad indulgendum proximo: *quam charitatem habes in Domino Jesu*, ut in eo qui fundamentum est dilectionis, quam etiam habes in omnes sanctos, id est in omnes sancti cito per baptismum; quare et in Onesimum sanctificatum in fide, habenda est charitas, et bonitas: hoc, inquam, audiens, *ago gratias Deo meo, faciens memoriam semper in orationibus meis*. Ego enim de concessis bonis gratias ago, et ut semper incrementum habeant, oro ut *communicatio fidei tuæ*, id est ut fides tua, quæ bona tua sanctis communicit, fiat evidens, id est omnibus appareat esse, in agnitione omnis boni, id est per fidem promovearis ad omne bonum, et illud sit omnibus agnatum, ideo pro incremento charitatis tuæ sic oro. Ego enim *habui gaudium magnum*, et cum gaudio consolationem in tua charitate, id est in administratione tuæ charitatis, et gavisus et consolatus sum, *quia viscera sanctorum*, id est conversi per prædicationem sanctorum, requieverunt per te administrantem eis. O frater Philemon, multam enim quietem habuerunt per te depellentem frigus, et esuriem eorum. Propter quod, id est quia tantam charitatem circa sanctos habere consuevisti, ex eo *habens multam fiduciam non tantum quia sic meruerim, sed in Christo Jesu imperandi tibi*. Possum enim, si volo, auctoritate apostolatus, accepta a Christo Jesu, imperare tibi quod ad rem pertinet, id est ad utilitatem tuam. De eo enim quod utile est cogere te possum, si placet, sed imperium prætermitendo, **355** obsecro te propter charitatem magis quam imperium propter auctoritatem. Et obsecrandus es a me: *cum tu sis talis ut Paulus*, scilicet, *senex*. Atas enim consimilis hortatur ut senex seni consentiat, nec hoc solum, sed etiam magis ad exaudiendum invitat hoc quod Paulus nunc, id est, in tempore quo obsecro, est *vincitus Jesu Christi*. Qui enim cum in vinculis non exaudit, profecto Jesum Christum, pro quo vincitus est, offendit. Obsecro, inquam, te per haec premissa, *pro meo filio quem genui in vinculis*. Sicut enim si parentes filium generarent in carcere, acceptior esset illis, quia in adversitatibus suis natus esset, sic Paulus commendat Onesimum, quem incarceratus baptizavit, qui fidem

Christi non erubuit propter vincula Pauli. Præmissa multa recommendatione, ejus nomen ad ultimum subdit.

Obsecro, inquam, pro filio quem ego spiritualiter genui, scilicet Onesimo, qui fuit sibi inutilis, furtim elabendo a te, aliquando, id est cum infidelis esset, nunc autem factus fidelis, utilis fuit mihi ministrando in vinculis, et per hoc utilis tibi. Quidquid enim ipse boni fecit, inde tibi debetur, cuius et servus est, et fortassis pecunia fuit. Quem Onesimum remisi tibi cum hac Epistola. Tu autem suscipe eum sicut mea viscera, id est scito hunc esse in visceribus meis. Quare si hunc non suscipis, mea viscera abjicis. Quem Onesimum volueram detinere mihi; etenim esset mihi necessarius ut hic mihi ministraret, mihi detento in vinculis Evangelii, id est quæ vincula patior, propter Evangelium quod predico; quæ ministratio esset pro te, id est pro tua utilitate. Si enim hic servus tuus demptus inibi ministraret, tibi qui dominus eras mercedem acquireret. Sed licet mihi necessarius esset, tibi autem, si demptus mihi ministraret, utilis, tamen nihil horum facere volui sine tuo consilio, ideo ut ne, id est ut non esset bonum hoc tuum velut ex necessitate, id est velles nolles, sed ut esset voluntarium. Debes eum suscipere, ideo quia discessit ad horam a te, forsitan propter hoc ut modo reciperes eum aeternum, id est perpetuo manentem tecum. Si enim in infidelitate perdurans conspectui tuo semper astaret, in hoc saeculo (quod parum est) tecum esset, quia mortuus cum impiis deputaretur, tu vero cum justis: sed modo quia fidelis est, et nunc et in futuro tecum est permansurus, ideo ait forsitan, quia dispositio Dei incerta est hominibus. Et jam amplius non habeas eum ut servum solummodo, sed habeas eum charissimum fratrem in Domino pro servo, id est in loco servi. Vol quod habere scilicet ut fratrem, plus servo, id est quam haberet servum charissimum, mihi pro certo charissimum. Quia si mihi adeo charus est, cui tantum in Deo frater est, quanto magis autem tibi charus esse debet, et in carne secundum quam servus est, et in Domino, in quo tibi frater est. Quandoquidem adeo charus est mihi, ergo suscipe illum sicut me, si vis habere me

A socium. Si enim odisti eum, qui tibi proximus est profecto nec Deum diligis: et non diligentem Deum non est habenda ulla communio. Medo fortassis diceret ille: Reddat quæ abstulit, et ego indulgem ipsi. Bene enim justum est dimittere, sed pecuniam repetere religio Christiana non prohibet. Contra hoc Paulus: *Suscipe illum. Si autem nocuit tibi aliquid, subducentio se tibi, aut si debet aliquid, quod te nescio, asportavit, ideo non minus misericordis ei sed hoc totum imputa mihi, quasi ego horum debitor sim. Et mihi sane imputare debes et potes. Ego omnis Paulus scripsi mea manu: Ego reddam tibi quod debet Onesimus. Ideo ait mea manu; ponebat enim quedam signa in Epistolis suis, ut suas esse nemo dubitaret qui signa videret. Quod ille debet ne renuas imputare mihi: ut non dicam tibi indurato et indulgere nolenti, quod tu debes mihi non hoc solum, sed etiam te ipsum. Paulus jus habebat super eos, et in rebus eorum quos ad fidem converterat. Ut negationem obtendere 356 non audeat, subjungit adjurationem, dicens: Frater Philemon ita ego fruar te in Domino, si indulseris Onesimo, ut est illud Horatii (3, 1): Sic te dura potens, etc. Et ideo refice viscera mea, id est Onesimum in Christo Jesu, id est propter Christum. Hoc ut, scilicet, reficias eum. Et præmissa scripsi tibi, confidens de obedientia tua: confido enim te obediturum mihi super his. Sciens etiam quod tu facies Onesimo quod dico, et etiam super his postulo, quia non solum indulgebis: sed redditia ipsi gratia tua (si quibus indigeat) ministrabis. Sic facias. Simul etiam cum istis mandatis, para mihi hospitium. Nam spero me donari vobis per orationes vestras. Per hoc etiam quod se adventurum dicit, Philemonem ad misericordum servo inducit. Si enim Apostolus veniens inventaret dominum immisericordem, severius corriperet eum. Salutat te Epaphras in Christo Jesu. Vel captitus meus in Christo Jesu: qui propter Christum Jesum captivitatem necum patitur. Salutant te etiam Marcus, Aristarchus, Demas, Lucas, adjutores mei. Gratia Domini nostri Jesu Christi sit cum spiritu vestro, id est cum Philemone et ejus familia. Amen. Sicut in principio, sic in fine omnes salutavit, ut omnium affectiones circa Onesimum mitigaret.*

ARGUMENTUM IN EPISTOLAM AD HEBRAEOS.

In primis dicendum est cur apostolus Paulus in hac Epistola scribenda non servaverit nomen suum, ut vel vocabulum nominis sui, vel ordinis describeret dignitatem. Haec causa est quod ad eos scribens qui ex circumcisione crederant, quasi gentium apostolus et non Hebraeorum: sciens quoque eorum superbiam, suamque humilitatem ipse demonstrans, meritum officii sui noluit anteferre. Nam simili modo etiam Iohannes apostolus propter humilitatem in Epistola sua nomen suum eadem ratione non praetulit. Hanc ergo Epistolam fertur Apostolus ad Hebraeos conscriptam Hebraica lingua misisse; cuius sensum et ordinem retinens Lucas evangelista, post excessum apostoli Pauli Graeco sermone composuisse dicitur.

PROLOGUS B. BRUNONIS IN EAMDEM.

In Judæa erant Ecclesiæ, in fide Christi constitutæ, Dicit de Christo incarnationem, mortem, et resurrectionem, et cetera bene credebant; sed in eo plurimum errabant, quod circumcisionem, et quedam legalia observabant; credentes sine his neminem

posse salvari, et in hoc detrahentes eminentiae et fidei Christi. Et super hoc multas verisimiles adduccebant rationes, scilicet quod Christus sub legem natus, legem per omnia observasset, et si quando de solutione legis incusaretur, reddebat rationes quod legem in nullo solveret, ut ibi, quando opposuerunt ei quia in Sabbato curaret non obserbare Sabbathum, reddidit rationem et ait: *Si vos in die Sabbati bovem vel asinum solventes ad aquatum ducitis sine transgressione legis, quomodo ego solvendo hominem a dæmonio legem transgredior?* (Luc. xiii, 15.) Non recordantes quod Christus finem illi legi posuisset, dum vetus Pascha celebravit, et illi veteri mox novum Pascha (nōrum scilicet sacrificium) consecravit, tradens corpus et sanguinem suum apostolis suis; ostendens quidquid præcesserat umbram fuisse, nunc autem primum veritatem se tradere. Propter hoc quia Christum legem viderant observasse, quia iterum Petrus et alii, qui prædicaverant Iudeis a circumcisione et hujusmodi legalibus, non eos coegerant recedere, timentes impatiens eorum quia mallet omnem fidem deserere, quam **357** his in quibus consueverant renuntiare. Sciebant enim Petrus et alii quod sic enutrirent eos in pueritia, non posse eos aliter perduci ad virilitatem perfectionis. Propter hoc, inquam, circumcisionem cum fide Christi tenebant; sed Paulus videns Christum inutilem illis esse, quandiu legem cum fide tenerent, juxta illud quod ad Galatas ait: « Si circumcidamini, Christus vobis nihil proderit» (Gal. v, 2), ex superabundanti hanc illis Epistolam scripsit, cum tamen gentium tantum Apostolus esset, agens secundum quod ad Romanos ait: « Honorificabo ministerium meum, si quomodo ad emulacionem provocem carnem meam» (Rom. xi, 14), etc. Quare, quia non erat eorum Apostolus, nomina dignitatis in hac Epistola præponere noluit, sicut solet in singulis.

A Ideo etiam hæc reticuit quia exosus erat illis, propterea quia legem persecubatur, et ubique destruebat. Unde saepius incusaverunt eum, imponentes ei quod legem a Deo non esse datam diceret, et omni tempore fuisse inutilem. Quare ut se purgaret ab istis, oportuit eum in Hierusalem secundum ritus Iudaorum purificare et purificatum in templum ascendere (Act. xxi, 26; xxiv, 18), et Timotheum discipulum circumcidere (Act. xvi, 3). Si autem, cum ut persecutorem legis suæ eum odio haberent, dignitatis suæ nomina præposuisset, in principio obstreperent, dicentes nec audiendum illis esse imminentium suum, etiam si secundum rationem suaderet. Propter hæc devitanda dignitatis suæ mentionem non fecit. Quasi diceret: Nulla mea auctoritas vos compellit, sed attendite auctoritates legis vestrae et prophetarum, et ex ipsa lege et prophetis intellegitis in Christo fuisse finem legis. Et quia in ceteris nomen suum non præposuit, dixerunt quidam hanc non esse Pauli; sed alii Barnabæ, alii Lucæ, alii Clementis esse dicebant. Contra quos sic argumentatur Hieronymus: Si quia Pauli nomine non titulatur, Pauli non est, ergo, quia nullius nomine titulatur, sit nullius. Lucas atque hanc de Hebreo transtulit in Græcum. In hac autem Epistola materialiter habet eminentiam Christi et inutilitatem legis comprobans per eamdem legem et prophetas corundem in Christo finem habuisse; legalia que nec eo tempore quo esse debebant alicui proderant, nisi per fidem venturi, sed Christus sic ad justificationem sufficit, ut adjutorio legis non indigeat, et si lex admisceatur, fidem irritam faciat. Eo fine sic de Christo et lege ait, ut Iudei legalia deserant, et in eminentia Christi justificationem querant et accipiunt. Circa finem etiam Epistolæ instruit eos de moralitate, quia sicut vitium naturale Iudeis semper fuit, luxuriosi nimis erant in cibis et in libidine.

EPISTOLA AD HEBRÆOS.

CAPUT PRIMUM.

« Multifariam multisque olim Deus loquens patribus in prophetis, novissime [in] diebus istis locutus est nobis in Filio, quem constituit haeredem universorum, per quem fecit et sæcula. Qui cum sit splendor gloriae et figura substantiæ ejus, portansque omnia verbo virtutis suæ, purgationem peccatorum faciens, sedet ad dexteram maiestatis in excelsis, tanto melior angelis effectus, quanto differentius præ illis nomen haereditavit. Cui enim dixit aliquando angelorum: Filius meus es tu, ego hodie genui te; et rursum: Ego ero illi in Patrem, et ipse erit mihi in Filium. Et cum iterum introducit Primogenitum in orbem terræ, dicit: Et adorent eum omnes angeli Dei. Et ad angelos quidem dicit: Qui faciūt angelos suos spi-

D ritus, et ministros suos flammam ignis. Ad filium autem: Thronus tuus Deus in sæculum sæculi, et virga æquitatis virga regni tui. Dilexisti justitiam et odisti iniquitatem, propterea unxit te Deus tuus oleo exultationis [lætitiae] præ partibus tuis, et tu in principio, Domine, terram fundasti: et opera manuum tuarum sunt cœli. Ipsi peribunt, **358** tu autem permanebis, et omnes ut vestimentum veterascent; et velut amictum mutabis eos et mutabuntur, tu autem idem ipse es, et anni tui non deficient. Ad quem autem angelorum dixit aliquando: Sede a dextris meis, donec [quoadusque] ponam inimicos tuos scabellum pedum tuorum? (Psal. cix, 1, 2.) Nonne omnes sunt administratorii spiritus in ministerium missi, propter eos qui haereditatem capiunt salutis?

EXPOSITIO.

Multifuriam, etc. Nunc in principio probare intendit Christum Filium Dei audiendum esse, conserendo eum prophetis, qui, si ideo audiendi fuerunt quia Deus per eos ut per instrumentum locutus est, multo magis observanda sunt præcepta Christi, in quo Deus locutus est, ut in Filio. Confert iterum Christum angelis, quia si verba angelorum per eos prophetarum prolatæ observabantur, observanda sunt verba Christi longe amplius, qui longe melior angelis est effectus. Et hæc omnia quæ præmittit spectant ad conclusionem [illationem] inferius positam, ubi ait : *Propterea abundantius*, etc. Quasi diceret : Observate quæ dicta sunt a Filio, quia Deus olim loquens patribus nostris, id est prioribus Judæis qui et in carne et in cultu Dei patres nobis sunt, loquens, inquam, patribus in prophetis. Non enim prophetarum erant, quæ loquebantur, sed Dei loquentis per eos ut per instrumentum. In hoc nomine quod Deus est, multum opponebant Pauli, dicentes quia Deus immutabilis esset. Legem autem Deum dedisse negari non posset, immutabilem debere esse legem, quam, qui mutari non poterat, dodisset. Olim, inquam, Deus loquens patribus in prophetis multifariam, id est multoties, ut cum positione dictio non insistamus. Multoties, inquam, quia et Abraham, et Isaac, et Jacob, et unicuique eorum multis vicibus. Loquens etiam multis modis, quia modo per somnia ut Danieli, modo aperta voce, ut Moysi, nunc interiori aspiratione, ut David. Vel multifariam, id est diverso genere locutionis, ut huic in somnio, illi sermone aperto, illi interius aspirando, et ideo diversis modis, quia si in somno tantum, putaretur inane quod ita fuisse auditum, sed ubi hic aperto sermone, hic in somnio, alias interna aspiratione, omnes idem et de eodem perhibebant, certiore fidei tot modis intellectæ rei faciebant. *Multifariam*, inquam, id est multo genere locutionis, et multis modis, id est diversis operationibus, ut in ardentí rubo Moysi, in vellere sicco et uido Gedeoni, et similiter multis aliis. Olim loquens patribus in prophetis, *locutus est nobis in Filio*. Quod ad illud antiquius præsens tempus, ponit loquens, et ad illud quod quasi præsens erat, posuit præteritum locutus, significat idem se loqui per Filium quod locutus est per prophetas, nisi quod in prophetis occulta veritas, et adhuc complenda, in Filio autem aperta veritas et completa. Dicens etiam Deus loquens patribus *locutus est nobis filii* eorumdem patrum, innuit eidem populo non diversa fuisse locutum, sed si per prophetas Judæis per Filium solis loqueretur gentibus, posset opinari ad diversos populos de diversis fuisse locutum. Locutus est nobis *novissime*, scilicet in diebus istis, adhuc enim multi supersunt qui eum loquentem et audierunt et videtur. Vel ita : Locutus est diebus istis, sicut dictum est.

Locutus dico novissime, quæ hæc locutio Dei per Filium novissima fuit, nullius novitate locutionis

A ulterius immutanda, sed olim locutus in prophetis est novissime, quia veritatem locutus in Filio destructurus erat umbram, quam loquebatur in prophetis. Et si prophetas audistis, quia Deus locutus est in prophetis, *abundantius* observe que de Deo in Filio audistis. Nunc incipit magnificare Filium, modo secundum humanam, modo secundum divinam, modo secundum utramque simul substantiam dicens : *Quem* Filium Deus Pater *constituit*, id est firmiter stabilivit *haeredem universorum*, id est firmum possessorem omnium non haeredem quasi Pater ejus decesserit, **359** quod in humanis legibus fit, sed haeredem secundum quod idem ait : « Omnia quæcumque habet Pater, mea sunt (*Joan. xvi. 15*). » Hæc constitutio secundum quod homo est, facta est in eo, in quo secundum divinam ab æterno fuit omnis plenitudo; *per quem* iterum fecit non solum coelestia, sed *etiam saecula*, id est quæcumque secularia videtis, juxta illud : « Omnia in Sapientia fecisti (*Psalm. cxii. 24*). » Hoc secundum divinam dictum est de Filio; qui Filius *cum sit splendor gloriae*, id est divina essentia Patris, quæ divinitas per excellentiam gloria dicitur, et consideratione illius nihil gloriosum videtur. Filius, inquam, splendor est gloriae, quia sicut radius solem significat lucere, ita Filius radius est, notificans Patrem, non tamen aliud a Patre, sicut nec radius aliud est a sole. Hoc autem secundum utramque naturam, maxime secundum divinam dictum est de Filio. Qui Filius etiam cum sit *figura substantiae ejus*, id est plena ostensio essentiae Patris. Figura autem, non quod diversus a Patre, sed idem; eadem enim substantia Filius est cum Patre, hæc secundum divinam tantum. *Portans* etiam *omnia*, quia, sicut nisi per Filium creari non poterant, sic nisi per Filium creata subsistere non possent. Portans omnia *verbo*, id est sola voluntate, sicut quemlibet regem judicaremus potentem, qui solo verbo gubernaret imperium suum. Portans, inquam, omnia verbo *virtutis sue*, id est virtuoso verbo suo.

Hæc omnia nihil adhuc ad illos, quia dicentur : Quid prodest nobis si per eum facta sunt omnia, si splendor sit gloriae, etc. Ad hoc Paulus respondet : **D**Filius dico faciens purgationem peccatorum, id est purgans homines a peccatis, et quod purgare possit comprobatur ex premissis; per quem facta et portata dicuntur omnia, et qui cum Patre eadem est substantia, etc. Quod etiam tempore legis Judæi confitebantur, ubi dicebant eidem Christo : « Quis potest dimittere peccata nisi solus Deus? » (*Marc. ii. 7*.) Hæc plane ostendebant neminem posse salvari a peccatis per legem. Purgationem peccatorum faciens. Hoc de Filio dictum est secundum divinam. Qui Filius cum sit talis et talis, *sedet ad dexteram majestatis*, id est ad æqualitatem paternæ majoritatis. Majestas enim dicitur essentia Dei, nec in illo paradiso unde pulsus est Adam, sed sedet in *excelsis cœlorum*, locatus in dextera Patris, hoc se-

cundum humanam. Nunc Filium comparat angelis, ita tamen ut longe præferat illis dicens : Filius, inquam, effectus tanto melior angelis, quanto differentius hæreditavit nomen, id est honorificentiam postquam resurrexit et ascendit. Differentius ideo quia cum adhuc esset passibilis et mortalis, differens nomen habuit, quia angeli ministrabant ei (*Matth. iv, 11*), sed ascensio multo differentius nomen possedit. Et quia differentius esse posset, non tamen præ angelis, ideo ait *differentius*, ita ut sit *præ illis* angelis. Vere nomen hæreditavit præ angelis. Nam vox Patris ait ad illum : *Filius meus es tu* (*Psal. ii, 7*); quod nulli angelorum dixit. Sed ad majorem confirmationem sub interrogatione, hoc ita ait : *Cui angelorum dixit atiquando*, id est nec priusquam confirmarentur, nec postquam per casum aliorum confirmati sunt : *Dixit, inquam : Tu es filius meus consubstantialis, non adoptivus, ego enim Pater genui te hodie* (*ibid.*), id est in æternitate. Propter infirmitatem intellectus nostri, cum hodie (quod nota presentis temporis est) posuit præteritum *genus*, ne si dicaret hodie gigno te, suspicaremur eum non ab æterno genitum de Patre. Et ideo *genus* dixit, secundum infirmitatem nostram, *hodie secundum divinitatem in qua nihil præteritum, nihil futurum, sed omnia ibi hodie praesentia*.

Et rursum cui angelorum dixit hoc atiquando? vel sine interrogatione. Rursum Pater hoc ait de Filio. Ubi ait rursum de eodem significat esse dictum. Ait Pater : *Ego ero illi*, id est ad honorem illius, ero illi *in patrem et ipse filius erit mihi in filium* (*II Reg. viii, 14*) ad me magnificandum. *Ero et erit* posuit, non quia hic Pater, ille Filius non sit **360** ab æterno, sed quantum ad communem notitiam hominum. Nec ad hoc ille Pater, nec iste Filius, sed in die judicii erit Pater, erit Filius, cum omnes impii cognoscent Christum esse Christum Filium Dei; quod viventes negaverunt. Hæc duo secundum divinitatem dicta sunt de Christo. Et iterum dicit Pater de eodem Filio, *adorent eum omnes angeli Dei* (*Psal. xcvi, 7*), sed præmittit quando hoc dictum sit. Cum Pater introducit, id est ostendit introducendum *Primum genitum*, suum Christum in orbem terræ. Introducit ideo quia in interiora cordium ductus est; cum, inquam, introducendum ostendit, dicit. Illud et jungitur in littera psalmi, *adorent eum*, scilicet Filiū secundum humanam naturam *omnes angeli Dei*. Et hoc de eo post resurrectionem accipendum est. Illud precedens *ero illi in Patrem*, in Isaia invenitur, in psalmo etiam : « Misericordias Domini, » quod idem valet, ibi habetur : « Ipse invocabit me, Pater meus es tu (*Psal. LXXXVIII, 27*). Illud quod sequitur, « *adorent eum*, » habetur in psalmo : « Dominus regnavit, exultet terra (*Psal. xcvi, 7*), nisi quod ibi est *adorate*, hic *adorent*. Dicit etiam Pater de eodem Filio pertinens ad angelos. Hoc, scilicet, qui Filius facit cœlestes spiritus suos angelos, id est suos legatos mittens eos quo placet. Nec tantum illos inferiores : sed etiam *flammam ignis*, id est se-

A raphim, qui ordo dignitate alios præcedit. Facit ministros suos etiam secundum humanam naturam obsequentes illi. Hoc Pater ait, pertinens ad angelos. Hoc autem idem ait ad Filium. O Deus Fili, *thronus tuus*, id est judicialis sedes tua permanet in sæculum sæculi. Et merito, quia *virga regni tui* est *virga æquitatis*, id est directa æquitas et inflexibilis. Virga regis recta, et ideo de ære solet fieri, ut signum sit directæ et inflexibilis æquitatis, quæ æquitas in Christo directa est et inflexibilis. Merito iterum *thronus tuus* est in æternum : quia tu *dilexisti justitiam*, id est omne bonum non coactus, sed ex dilectione amplexatus es. *Et sicut dilexisti justitiam*, ita *odisti iniquitatem*, id est omne malum. Quidam enim sic diligunt justitiam ut tamen quasdam injusticias odio non habeant.

Et propterea ut *thronus tuus* esset in æternum, ut *virga æquitatis* esset tibi, ut diligeres justitiam, propter *hæc* omnia ut existerent in te, o Deus Fili, Deus Pater *unxit*, ego scilicet qui loquor, unxi te. Alii per ministros ut David et Saul uncti sunt; Christus autem propria operatione Patris. Unxit te, inquam, *Deus tuus consubstantialis tibi, oleo*, id est Spiritu sancto, quia sicut oleum carnem, sic Spiritus sanctus fovet et demulcat animam. Oleo dico *exultationis*. Et merito dicitur *exultationis*, quia homo ille per spiritum de quo conceptus est, a peccato permanit immunitus. Unctus est Christus Spiritu sancto in utero Matris. Accepit iterum Spiritum sanctum in baptismo, quando in specie columbe super eum visus est (*Matth. iii, 16*), non tamen in baptismo Spiritum accipiens, quasi nova justificatione indigeret, sed ut ostenderet quod Spiritum sanctum hominibus in baptismo ad justificandum tribueret. Unxit te Deus oleo *præ participibus suis*, id est præ apostolis et ceteris, qui Spiritum sanctum acceperant. Præ illis ideo quia Christus de Spiritu sancto, omnes alii de semine carnis concepti sunt. Hæc omnia secundum humanitatem de Filio dicta sunt; bæc Pater dixit de Filio, et iterum propheta ad Patrem de eodem Filio, secundum diuinam. O Domine Pater, *tu fundasti terram*, id est firmiter stabilisti hanc Ecclesiam : quæ terra dicitur comparatione superioris Ecclesiae angelorum. Fundasti dico *in principio*, id est per principium quod est Filius juxta quod idem de se ait : « Ego principium qui et loquor vobis (*Joan. viii, 25*). Fundasti terram, et cœlum, id est maiores sanctos, ut apostolos, qui mysteria tua compluant subditis. Hos, inquam, non solum fundasti, sed dicendi sunt propria *opera manuum tuarum*. In excellentia enim horum appetet manus tua fuisse operata, sicut quilibet artifex diceret : Hæc imago egregia opus meum est, sed in illa deterius facta non cognosco me, cum tamen utraque opus ejus sit. Et ipsi **361** cœli peribunt, id est morte destruetur quidquid ex natura sua erunt, sed *tu permanebis in illis*, id est justitia et cetera quæ tu operaberis, in illis permanebunt, et omnes sive cœli, sive terra vetera-

scent, id est paucatim corrumpentur miseria carnis. A Veteraseant dico, et peribunt *ut vestimentum*, id est secundum corpus quod in eis est, circumdans animam tanquam vestimentum. Ipsi peribunt, et tu *mutabis eos velut amictum*, id est corpus, quod quasi amictus animæ est. Mutabis impassibile factum et immortale. *Mutabuntur* etiam secundum animas gloriose factas, et in cognitione Dei proficientes. Ipsi peribunt et veterascent, *tu autem es idem ipse*, id est immutabilis contra hoc quod ipsi veterascent, et *annuiti non deficient*, id est æternitas tua permanens est. Contra hoc quod illi morte peribunt, non solum per præmissa major angelis comprobatur, sed etiam per hoc dictum Filio: « Sede a dextris, » quod nulli dictum est angelo. Quia ad quem angelorum dixit Pater aliquando, sicut idem verbum supra notavimus, *Sede, id est judica et quiesce a dextris*, id est in potioribus meis, *quoadusque ponam inimicos tuos scabellum pedum tuorum* (*Psal. cix, 1, 2*), id est ita plenarie subjectos tibi, ut scabellum subjicitur pedibus? Per pedes tamen humanitas Christi intelligitur, quæ ultima pars in illo. Hæc autem plena subjectio, consummata est in ultimo judicio secundum humanitatem Filii. Vere nulli angelorum dixit hoc quod dixit Filio, *sede a dextris*, quia angeli ministri sunt Filii, hoc autem repugnans est ut ministri sint Christi, et ejusdem dignitatis. Quod ita ait: Ideo constat hoc non esse dictum alicui angelorum, quia nonne omnes angelici spiritus quotquot sunt, sunt administratori, id est dispositi ut administrent Christo? Et quia quidam ministri constituti sunt, quibus imperare non audent domini, ad hoc removendum addit, Ita dico administratori, quod *missi in ministerium quoevere sibi placet etiam propter eos*, id est propter homines. Multum subjectos constat esse Christo, imperio cuius deserviunt etiam hominibus, qui minores sunt angelis. Propter eos dico, *qui continent hæreditatem salutis*, id est qui possidebunt æternam salutem in hæreditatem, id est firmam sibi possessionem.

CAPUT II.

« Propterea abundantius oportet observare nos ea quæ audivimus, ne forte perefluamus. Si enim qui per angelos dictus est sermo, factus est firimus, et omnis prævaricatio et inobedientia accepit justam mercedis retributionem, quomodo nos effugiemus, si tantum neglexerimus salutem? Quæ cum initium accepisset enarrari per Dominum, ab eis qui audierunt, in nos confirmata est, contestante Deo signis et portentis et variis virtutibus, et Spiritus sancti distributionibus secundum suam voluntatem. Non enim angelis subjecit Deus orbem terræ futurum, de quo loquimur. Testatus est autem in quodam loco quis dicens. Quid est homo quod memor es ejus, aut filius hominis quoniam visitas eum? Minuisti eum paulo minus ab angelis, gloria et honore coronasti eum, et constituisti

eum super opere manuum tuarum. Omnia subiecti sub pedibus ejus. In eo enim quod omnia ei subjecit, nihil dimisit non subjectum ei. Nunc autem needum videmus omnia subjecta ei. Eum autem qui modico quam angeli, minoratus est, videmus Jesum, propter passionem mortis, gloria et honore coronatum, ut gratia Dei pro omnibus gustaret mortem. Decebat enim eum, propter quem omnia, et per quem omnia, qui multos filios in gloriam adduxerat, auctorem salutis eorum per passionem consummare. Qui enim sanctificat et qui sanctificantur, ex uno omnibus. Propter quam causam non confunditur fratres eos vocare, dicens: Nuntiabo nomen tuum fratribus meis, in medio Ecclesie laudabo te. Et iterum: Ego ero fidens in eum. Et iterum: Ecce ego et pueri mei quos dedit mihi Deus. Quia ergo pueri communaverunt carni et sanguini, et **362** ipse similiter participavit eisdem, ut per mortem destrueret eum, qui habebat mortis imperium, id est diabolum, et liberaret eos, qui timore mortis per totam vitam obnoxii erant servituti. Nusquam enim angelos apprehendit, sed semen Abrahæ apprehendit. Unde debuit per omnia fratribus assimilari, ut misericors fieret et fidelis Pontifex ad Deum, ut repropiciaret delicta populi. In eo enim in quo passus est ipse et tentatus, potens est et eis qui tentantur auxiliari. »

EXPOSITIO.

Ex omnibus superioribus infert; ad hoc enim comprobandum omnia adduxit, dicens: Quia si in prophetis et in Filio locutus est Deus, quia per Filium omnia facta sunt, quia major est angelis, quia dictum est Filio: « Sede a dextris, » quod nulli dictum est angelo, propterea oportet nos observare ea quæ audivimus a Filio abundantius quam ea quæ audivimus a prophetis. Prophetas quidem abundantiter, sed Filium abundantius oportet audire, ne forte non audiendo Filium, perefluamus. Nos multis miseriis et peccatis quotidie effluimus, sed, si non observemus mandata Christi, perefluimus, quia omne bonum elabetur a nobis, et poena totius justitiae nobis residua erit. Probavit Filium esse audiendum, tum quia in Filio locutus est Deus, sicut in prophetis, tum quia Filius major est angelis, et hoc per auctoritates eorumdem probavit; modo mandata Filii observanda dicit ideo quia non effugient poenam qui neglexerint propositam sibi a Filio salutem. Quod ita probat: Vere quæ audivimus a Filio nisi observaverimus, perefluemus, id est puniemur, quia si sermo angelorum non impletus poenam intulit non observantibus, tunc salus Filii neglecta, qui major est angelis, poenam inferet negligentibus. Quod ita: Si sermo, id est ostensio voluntatis Dei, seu in lege, seu in prophetis, qui sermo dictus est per angelos. Angeli enim et Moysi legem et cæteris prophetis ministrabant, quæcumque illi docebant, si, inquam, hic sermo factus est firmus, id est confirmatus est, sicut lex data Moysi, per quædam

mira scala, id est per tonitrua ibi audita, etiam A quibusdam minis et pollicitationibus confirmata: Si, inquam, sermo per angelos factus est firmus, et ideo omnis prævaricatio et inobedientia. Prævaricationem vocat, non solum dimittere quod præcipitur in lege, sed etiam contra legem facere, ut qui jubetur diligere proximum, non tantum non diligit, sed etiam occidit. Inobedientia dicitur non implere quod in lege præcipitur; etiam si nihil contra legem operetur: ut qui jubetur diligere non diligit. Ideo ait omnis prævaricatio et inobedientia, et non omnis prævaricator et inobediens, significans unam solam prævaricationem, vel inobedientiam non effugere poenam. Prævaricator autem vel inobediens multarum prævaricationum vel inobedientiarum reus esse potest. Si, inquam, omnis prævaricatio et inobedientia accepit retributionem mercedis, id est mercedem retributam. Merces dicitur quæ, pro qualitate facti, sive malum sive bonum sit, redditur. Retributio significat quantum meruit tantum esse redditum ei. Retributionem, dico, justam, quia sic retribuendo Deus agit ex justitia, nec putatis cum sic misericordem esse ut obliviscatur justitiae.

Si, inquam, prævaricatio vel inobedientia sermonis dicti per angelos accepit retributam mercedem, *quomodo nos effugiemus* illud perefluere si neglexerimus, non dico prævaricatores extiterimus, sed (quod minus est) si saltem neglexerimus, id est intelligere contemnamus, non dico sermonem, sed salutem? Verbum enim Christi creditum credentibus, causa efficiens est salutis. Salutem dico tantam, id est indeficientem. Salus enim hæc quando remittuntur peccata principium habet; positionem virtutum habet incrementum, in æterna beatitudine consummationem. Nec eos reddit inexcusabiles, quod nequeant opponere se, quasi remotos hanc audisse salutem dicens: *Quæ salus cum acceperisset initium non constitutionis*, quia ab æterno 363 sic fieri erat dispositum; sed initium enarrari per Dominum angelorum, id est per Christum quod Christus enarrare coepit hanc salutem. Tunc, inquam, cum acceperisset hoc initium *confirmata est in nos*, id est in vos Judeos ab eis qui audierunt ab ipso ore Christi, scilicet per apostolos, quorum justitia et auctoritas firmitatem hujus salutis vobis commendavit. Confirmata dico, *Deo contestante*. Ipsi enim apostoli auctoritate sua satis hanc attestabantur, sed Deus idem testabatur cum illis signis et portentis. Signa vocat, ut morbos depellere, quod ars medicinalis posset efficere. Portenta autem, quæ contra naturam erant, ut cæco nato oculos aperire, Lazarum suscitare: quæ et aliud significabant. Contestante autem etiam Deo variis virtutibus, hic veras virtutes significat, ut justitiam, prudentiam, et hujusmodi, quæ ministrabat fidellibus suis. Contestante etiam distributionibus, id est per distributiones Spiritus sancti, huic enim genera linguarum, illi revelationes Scripturarum, et cæteris cæteras gratias distribuebat.

B His omnibus factis secundum voluntatem suam (non enim considerabat meritum, sed beneplacitum misericordie suæ) dixit quod negligentes salutem Christi non effugient ejus vindictam. Nunc subjungit, quod vindicandi in omnes habeat potentiam. Dixi: *Quomodo nos effugiemus*, et vere non effugiemus vindictam negligentes salutem Filii, cum prævaricatores sermonis angelorum puniti sint, quia Filio subjiciet orbem terræ quem angelis non subjecit. Hic locus fidem facit a minori. Quod ita ait: *Deus pater non subjicit orbem terræ angelis*, ministerio quidem eorum multa in orbe sunt. Sed omnia spectant ad Dei imperium. Orbem terræ dico futurum subjectum ei de quo loquimur, scilicet Christo. Vel ita: Orbem non subjicit angelis, quod, scilicet, ut subjiciatur, futurum est ei, de quo loquimur, Christo. Quod autem orbis subjiciendus sit Christo, probat auctoritate David; qui tamen de hac subjectione futura loquitur, quasi de præterita, sicut admissus in divino consilio. Et ut certius exaltationem Christi super omnia probaret, premittit humilitatem ejus, ne si (tacita humilitate) exaltationem assertaret, ambigeretur alium esse qui humiliatus, alium qui exaltatus est. Unde sic ait: Non ego solus dico orbem subjiciendum Christo, sed etiam testatus est idem mecum quis dicens in quodam loco (*Psal.*, viii, 5, 6). Hæc auctoritas adeo nota erat, quod nec auctor, nec loci in quo erat nomine indigeret. Hæc, inquam, testatur David loquens ad Patrem. O Domine, homo ille Christus quid est, admirative, id est magnum quid futurus est, sed quantum quid sit; hoc tamen totum per hoc quod tu *memor es* ejus hominis. Memor fuit Deus hominis Christi, quando eum immunem a peccato conservavit. Hominem eum appello, aut ut expressius dicam homo ille Filius hominis magnum quid est in eo *quod tu visitas eum*. Sicut medicus ut visitet, ingreditur ad infirmum, sic Deus visitavit Christum in sepulcro, ingrediendo ad eum ut incorruptibilis resurgeret. Ubi ait *Filius hominis* et verum hominem, et non de semine viri natum ostendit, hominis enim Filius, non hominum. Et sicut cognovi ejus incarnationem, sic minorationem ejusdem, minuisti enim *eum* Filium Dei in virtute per assumptam naturam passibilitatis et mortalitatis. Minuisti dico *paulo minus*, id est minus per paulum, quia licet mortalis, tamen in hac mortalitate imperabat angelis. Minuisti paulo minus separatum ab angelis, id est ab illa dignitate loci, Deus enim homo factus inter homines est conservatus.

D Posita humiliatione Christi, incipit de exaltatione dicens: *Coronasti eum gloria*, id est claritate immortalitatis et honore: quia ipsi flectitur omne genu. Coronasti ab ea similitudine dicit, qua sicut victor revertens de triumpho, coronam suscepit; sicut Christus triumphata morte, gloria et honore coronari meruit. Et eum coronatum constituisti super opera manuum tuarum super homines et angelos, quæ proprie dicuntur opera manuum Dei, et ita super

opera, quod omnia subjecisti sub pedibus 364 ejus, id est ipsi plenaria subjectione. Posset enim superior esse dignitate; quod non tamen inferiora aliqua subjectione essent ei obnoxia. Modo Paulus quod David ait *omnia subjecisti*, quomodo intelligendum sit, exponit dicens, ait David: Omnia subjecisti. *In eo autem quod* Scriptura subjecit, id est ostendit subjecta ei *omnia*, nihil dimisit non subjectum ei, quia ubi ait *omnia* nihil excipit. Si enim habetur, superius jungitur. Benedico orbem futurum Christo subjectum, quia in eo quod subjecit ei omnia, nihil dimisit non subjectum ei. Et licet dixerit omnia subjecisti, nunc tamen nondum videmus omnia esse subjecta ei, quare dicebam futurum subjectum ei. Hodie enim aliquid subjicitur, sed neandum omnia, cras iterum aliquid, et neandum omnia, et istud neandum dici poterit, donec in iudicio etiam subjiciuntur ipsi impii.

Opponeret aliquis: Sicut neendum subjecta sunt, sic nec in aeternum subjiciuntur. Ad hoc Paulus: Licet neendum subjecta sint ei omnia, tamen quia partem prophetiae in eo completam videmus, scilicet coronatum gloria et honore, certi sumus partem quae restat impleandam, scilicet ut subjiciantur ei omnia. Quod ita ait: *Eum qui minoratus est modice*, id est per modicum quam angeli; posset enim ab eo quod erat minorari, ut tamen remaneret major angelis, ait minor factus quam angeli. Eum, inquam, videmus iam Jesum, id est salvantem suos, coronatum gloria et honore, id est claritate immortalitatis, et quod omne genu flectatur illi. Coronatum, inquam, non sine merito, sed propter passionem, quae passio non quoquomodo tolerabilis; sed passio mortis. Hic jam ostendere incipit, non solum propter potentiam et uisionem mandata Christi debere observari, sed (ut illa praetermittamus) propter dilectionem qua nos adeo dilexit ut pro salvatione nostra mortem eligeret. Minoratus ideo, ut gustaret mortem pro omnibus praedestinatis, vel pro omnibus universaliter. Pretium enim datum est omnibus, si velint, sufficiens. Gustaret dicit, propter amaritudinem mortis, quae interius illi sapuit. Vel gustaret, quia mors illa cito praeteriens, quasi in gusto fuit, non inebrians per moram. Gustaret, inquam, et hoc gratia, id est per gratiam, Dei, non enim hoc orómeruerat homo. Ideo gustaret mortem pro omnibus quia decebat eum, id est Deum Patrem propter quem glorificandum facta sunt omnia, et per quem facta sunt omnia. Eum dico qui adduxerat, id est adducendos praedestinaverat multos filios, id est homines justificatos ad gloriam, id est ad salvationem. Eum, inquam, decebat auctorem salutis eorum filiorum (scilicet Christum) consummare per passionem mortis sicut promisit. Frustra enim facta essent omnia, si homo non redemptus periret. Omnis enim creatura terrena homini deservit; ut homo in uili materiam habeat laudandi Deum. Si autem nomen non salvaretur, dispositio Dei falleretur, qui propter se glorificandum fecerat omnia, cum in

A nullo glorificaretur, damnato homine. Et cum propter Deum glorificandum, et per Deum facta essent omnia, consilium ejus impleri oportuit, ut glorificaretur in creaturis, ne, non providere salutem his quae fecerat, absurdum esset. Consummatio Christi in resurrectione incipit, perfectionem habitura in die iudicij, quando omnia subjiciuntur ei.

Probat quod decuit consummare Christum per passiones, quia dicerent illi satis indecens esse ut quod auctor erat salutis, cui omnia deberent subjici, eum in ignominias passionis deponere. Unde ait: Vere sic eum consummare non dedecuit quia qui sanctificat praedestinatos ad gloriam, id est Christus, et qui sanctificantur, id est praedestinati omnes pendunt ex uno, id est ex Deo Patre. Sic enim Christus homo potestatis Dei subjectus est, sicut hi qui per eum salvantur. Et cum Christus ex Deo pendeat, non decuit si dispositus de eo quomodo sibi placuit. Probat quod sanctificans et sanctificati ex uno pendeant per auctoritates, sic dicens: *Propter quam causam*, quia sanctificans et sanctificati ex uno sunt, propter hoc, inquam, non confunditur, id est non erubescit. **365** Christus eos vocare fratres, dicens in psalmo: *Nuntiabo nomen tuum* (id est honorificentiam tuam) *fratribus meis, et laudabo te positus in medio Ecclesiae* (Psal. xxi, 23), quasi columna sustinens et fulcens domum, ne quid in ea ruat. Et iterum probat idem auctoritate Isaiae loquentis in persona Christi sic: *Ego Christus ero fidens in eum* (Psal. xvii, 5), id est in Deum Patrem. Cumque in Deum se dicat confidere, apparet eum sicut alios ex Deo pendere. Et iterum probat quod sanctificans et sanctificati ex uno sint, dicens in Isaia: *Ecce ego Christus paratus sum obsequio Dei et pueri mei, quos Deus dedit mihi* (Isai. viii, 18). Ubi ait: *Ecce ego, et Deus dedit mihi*, ostendit se ex Deo pendere. Probavit quod non dedecuit, concludit modo quod per passionem oportuit Christum auctorem esse salutis hominum, dicens: Quia Christus qui sanctificat, et homines qui sanctificantur ex uno sunt. Ergo Christus participavit eisdem hominibus, similiter ut passibilis et mortal is fieret. Et quare qui sanctificat participavit eisdem? *Ideo quia pueri quos sanctificabat communicaverunt carni et sanguini*, id est corpori et animae. Per sanguinem enim animam accipit, non quod sit anima, sed quia sedes est animae. Communicare carni et sanguini dicit, veros homines esse. Et quare Christus ideo participavit humanitatem? quia pueri quos sanctificabat homines erant; propterea, scilicet ut per mortem pro puerorum salute passam destrueret eum, qui habebat imperium mortis, id est diabolum, qui imperabat lege mortis omni homini. Nisi enim per mortem non posset destruere mortem; mori autem non posset, nisi homo fieret, et ideo oportuit eum participare eisdem similiter. Deus enim hominem primum purum et in libertate creavit, quem diabolus seductum (quia imperium Dei transgressus est) imperio suo ut servum mancipavit. Homo autem corruptus per peccatum nulla

virtute hanc servitutem evadere potuit. Cum autem homo per se servus factus esset, si per alium liberatur quam per hominem, violentia esset, et diabolus injuriam sibi fieri juste reclamaret.

Propterea ut homo redimeretur, oportebat inventari hominem in quo peccatum non esset, ut diabolus, in eo usurpans sibi potestatem in quo, quia peccatum non esset, nullam haberet, per hoc quod homini sine peccato mortem (quæ pœna est peccati) inferret, usurpando quod suum non erat, juste pro hac præsumptione perderet omnem hominem quem juste possederat. Homo autem sine peccato inveniri non potuit inter homines, quia omnes in concupiscentia nati. Si autem (ut quidam opponunt) angelica natura incarnaretur, cum uterque angelus et homo in natura habeat peccare, facillime caderet, cum utramque naturam per se constet cecidisse. Sic relinquitur humanam naturam nullo modo sine peccato posse consistere, nisi uniretur ei divinitas. Ideo etiam (sicut aiunt sancti) Deus voluit homo fieri ut per hoc homines redderet magis obnoxios suæ dilectioni. Ostendit Christum non solum per mortem destruxisse mortis imperium, sed etiam merito mortis suæ legem (quæ Judæos in servitute tenuerat) evacuasse. Unde sic ait : *Ut per mortem destrueret diabolum, et ut per mortem liberaret eos, Judæos ad quos hic sermo erat, qui per totam vitam timore mortis obnoxii fuerant serviti, id est legi, quæ ut servos cogebat eos, dicens : Si hoc feceris, morte morieris. Sed Christus, nolens vos servire timore mortis, legem evacuavit, ut sicut servi prius timebatis, sic modo per gratiam liberi diligatis.* Vere participavit similiter ut homines sanctificaret, nusquam enim apprehendit, id est in nulla Scriptura legitur apprehendisse angelos, id est angelicam natutram, ut angelos redimeret, sed apprehendit, id est legitimur apprehendisse semen Abrahæ, carnem sumens de Abraham, ut qui per fidem semen sunt Abrahæ, eos salvaret. Unde quia semen Abrahæ apprehendit, debuit similari fratribus per omnia passibilis factus et mortalis, ut misericors (quod erat in natura) fieret operis exhibitione, et 368 pontifex, id est factus nobis pons, quo transeamus ad Deum. Pontifex dico fidelis, quia nec ab his quos ducebat, nec a Deo cui tradebat munera suæ ductionis quæsivit. Similari etiam ideo, ut repropitiaret, id est propitiando remitteret, delicta populi. Et vere potens est repropitiare delicta populi, nam in eo, id est in inferiori ejus substantia in qua ipse passus est sub Pilato, tentatus a diabolo, potens est ipse auxiliari eis quicunque tentantur, et a temptationibus liberare.

CAPUT III.

Unde, fratres, sancti vocationis coelestis particeps, considerate apostolum et pontificem confessionis nostræ Jesum : qui fidelis est ei, qui fecit illum, sicut et Moyses in omni domo ejus. Amplioris enim gloriæ iste præ Moyse dignus habitus est, quanto ampliorem honorem habet dominus qui fabricavit illam. Omnis namque dominus

fabricatur ab aliquo. Qui autem omnia creavit Deus est. Et Moyses quidem fidelis erat in tota domo ejus, tanquam familius, in testimonium eorum quæ dicenda erant ; Christus vero tanquam filius in domo sua. Quæ domus sumus nos, si dividiam et gloriam spei usque ad finem firmam retineamus. Quapropter sicut dicit Spiritus sanctus : Hodie si vocem ejus audieritis, nolite obdurate corda vestra, sicut in exacerbatione secundum diem temptationis in deserto, ubi tentaverunt me patres vestri, probaverunt et viderunt opera mea quadringenta annis. Propter quod offensus [infensus] fui generationi huic, et dixi : Semper bi errant corde. Ipsi autem non cognoverunt vias meas, quibus juravi in ira mea, si introibunt in requiem meam. Videte, fratres, ne forte sit in aliquo vestrum cor malum, incredulitatis discordandi a Deo vivo. Sed adhortamini vosmetipsos per singulos dies, donec hodie cognominatur, ut non obduretur quis ex vobis fallacia peccati. Participes enim Christi effecti sumus ; si tamen initium substantiæ ejus usque ad finem firmum retineamus, dum dicitur : Hodie si vocem ejus audieritis, nolite obdurare corda vestra, quemadmodum in illa exacerbatione. Quidam enim audentes exacerbaverunt, sed non universi qui profecti sunt ab Ægypto per Moysen. Quibus autem infensus est quadraginta annis ? Nonne illis qui peccaverunt, quorum cadavera prostrata sunt in deserto ? Quibus autem juravit non introire [quibus autem juravit ut non introirent] in requiem ipsius, nisi illis qui increduli fuerunt ? Et videamus quia non potuerunt introire in requiem ipsius propter incredulitatem. »

EXPOSITIO.

A superioribus insert quod ex vindicta et potentia Christus timendus est, quia iterum ex dilectione pro vobis mortem gustavit rediligendus a vobis, quia potens et præsto est tentatis auxiliari. Unde, id est per haec omnia, o vos sancti fratres, facti participes coelestis vocationis. Ad participanda enim coelestia bona vocati estis. Vos, inquam, diligendo et operando quæ præcipit, considerate Jesum, id est Salvatorem, Apostolum quem Pater legavit ad vos, et pontificem, id est factum nobis pontem, quo transeamus in gloriam, Jesum pontificem confessionis nostræ : quia quidquid alii faciant, nos eum fide confitemur Salvatorem nostrum. Comparavit Jesum prophetis, comparavit eum angelis, ita ut illis omnibus maiorem ostenderet. Nunc eum comparat Moysi, ita iterum ut dignorem Moyse asserat, quanto filius dignior est dispensatore servo. Unde sic ait : Considerate Jesum, qui Jesus fidelis est ei, id est Deo Patri qui facit illum, id est qui facturam humanam univit Filio. Fidelis ideo quia non suam, sed Patris gloriam semper quæsivit, nec timore territus, vel amore seductus mandata Patris occultavit. Fidelis, inquam, est ei, sicut et Moyses fidelis fuit in omni domo illius Jesu, vel Dei Patris, in que Moyses non

dominus, sed minister erat. In omni ideo, quia in omnibus quae necessaria erant et in docendo, et in pascendo, et in ducendo domum illam, id est populum Iudeorum, fideliter cnutribat. Vel ita construamus. Jesus fidelis est Deo, sicut Moyses fidelis fuit. **367** Jesus dico fidelis in omni domo illius, tam in Iudeis quam in gentilibus: non in quadam domo sicut Moyses in Iudeis. Illud sicut similitudinem tantum notat, non quantitatem; probat per effectum quod ait: Vere Jesus fidelis est, sicut Moyses. Nam Jesus habitus est dignus; iste, inquam, Jesus, qui filius longe præcellit ministrum dignus est gloriae, sicut Moyses, qui etiam amplioris gloriae dignus est præ Moyse, id est quam Moyses vel præ Moyse existens in merendo. Tanto utique amplioris, quanto ampliorem honorem domus, id est in domo apud eos, scilicet qui in domo sunt. Vel domus, id est de domo fabricata habet ille qui fabricavit illam domum. Ampliorem dico quam ille qui dispensator est in ea. Nunc duo residua sunt ad probandum, et quod domus non a se, sed ab alio fabricata sit, et quod Christus eam fabricaverit

Hæc autem omnia de spiritali domo accipienda sunt. Sæpe enim contigit ut, in domibus nostris honorabilior esset qui in ea ministrabat quam ille cuius erat domus. Quasi diceret: Bene dico qui fabricavit illam; per se enim non potest fabricari, omnis namque domus fabricatur ab aliquo. Ad hoc ille: Si ab aliquo, non tamen a Deo. Ad hoc Paulus: Vere domus fabricatur a Deo; nam Deus est qui creavit omnia, quod si omnia creavit, constat quod et domum; quam quia fabricavit, sequitur ut amplioris gloriae habeatur in illa quam qui in domo tantum ministrat. Propterea quia fabricavit domum, in qua Moyses dispensavit, præ Moyse ideo dignus habitus est. Propterea etiam amplioris gloriae est, quia Moyses quidem ut famulus in domo non sua; Christus vero Filius in domo sua. Quidem, et vero, distributivæ conjunctiones sunt. Moyses quidem fidelis erat in tota domus ejus, scilicet Dei Patris vel Christi, tanquam famulus, quia solummodo famulabatur in ea. Famulus autem qui hodie est in domo, cras fortassis expelletur, nunquam adeo fidelis erit, sicut filius qui hæreditate possessurus est domum. Moyses tanquam famulus erat in testimonium eorum, id est ut solummodo testificaretur ea, non ut gratiam adjutricem ad operanda manda dare posset; eorum, dico, quæ dicenda erant, id est quæ conveniebant dici illi carnal populo, qui spiritalia capere non posset. Moyses tanquam famulus in domo non sua; Christus vero sic erat fidelis tanquam filius, quem illius domus manebat hæreditas. Filius, dico, in domo non alterius, sed sua. Quæ domus Christi nos renati per gratiam sumus, hac conditione dico, sumus domus, si retineamus fiduciam spei, id est spem futuræ beatitudinis cum fiducia, ut fiducialiter speremus; et si retineamus gloriam spei, id est gloriosam spem, quia de jucunditate cœlesti. Retineamus dico fiduciam spei firmam, id

B est perdurantem usque ad finem vitæ, quando quod modo speramus accepturi sumus. Quapropter quia retinendo fiduciam et gloriam spei sumus domus Christi. Propter hoc videte, fratres, ne forte quod contingere potest, sit in aliquo vestrum. In aliquo ideo ait quia plures sciebat in Ecclesia posse esse perfectos, ne, inquam, sit in aliquo vestrum cor incredulitatis, ut increduli sitis, putantes Christum non sufficere ad justificationem, sed legem esse necessariam. Cor dico incredulitatis malum, id est in multa mala precipitatum. Ex quo enim incredulus est aliquis, præceps ruit in actum peccati. Nec parum nocet cor incredulitatis, quod est habere cor discedendi a Deo. Et male vobis si a Deo disceditis, quia Deo dico vivo, a quo qui discedit, vitam perdit, qui ad eum incedit, vitam invenit.

Videte ne sit in aliquo cor incredulitatis quod ego prohibeo, sicut idem prohibens dicit *Spiritus sanctus* in David his verbis (*Psalm. xcvi*, 8, 11): *Hodie*, id est in tempore gratiae, sic enim David loquebatur quasi spiritu præsens in diebus Christi. Per hodie autem totum tempus gratiae, a Christo usque in finem mundi intelligitur. *Hodie*, inquam, in diebus Christi, *nolite obdurare corda vestra*; si audieritis vocem ejus, sicut revera audietis. Illud si affirmatum est. Nolite obdurare cor, **368** agentes sicut in exacerbatione, id est multoties exacerbando me fecerunt patres vestri. De multis exacerbationibus unam reponit, dicens: *Nolite obdurare secundum diem*, id est sicut illi obduri sunt in die tentationis, quando tentaverunt me, dicentes: «Nunquid poterit hic parare mensam populo suo?» (*Psalm. lxxvii*, 19.) Tentationis dico factæ in deserto, ubi magis confugiendum illis esset ad auxilium Dei, quam ad provocandum eum per temptationem. Vos autem positi in deserto mundi hujus, videte ne per temptationes Deum irritetis, ubi, id est in quo deserto tentaverunt me patres vestri. Videte si secundum carnem patres sunt, ne sint patres secundum imitationem. Tentaverunt, inquam, et probaverunt, id est probabilem me invenerunt; etenim *viderunt opera mea quadraginta annis*, in quibus me omnia posse experti sunt. Propter quod, scilicet quia tentaverunt me, *offensus fui*, id est iratus huic tam pessimæ generationi, et dixi de illis. *Istii semper errant*, et hoc corde, id est ex propria deliberatione, quia serio peccant, potentes et scientes recte agere. Et, licet sic dicere illis, tamen ipsi non cognoverunt vias meas, id est cognoscere noluerunt opera mea, in quibus ambulare debuissent; sed quia non cognoverunt, si introibunt in requiem meam, quam illis pollicitus eram? Defectio orationis, ut intelligentur qualibet inconvenientia, quasi diceret: Si introibunt, nemo mihi credit ulterius. Vel qualibet hujusmodi. Illud si quidam dicunt esse quasi non, attendentes vim sententiae, non dictionis. Si introibunt dico ut ego juravi, id est firmiter stabiliui eos non intratueros; juravi utique in ira mea, id est quando iratus eram illis; quod utrumque et ira et

juramentum auferit eis introire in requiem. Si, quibus, ibi, sit eadem manet in sententia sic : Si intrabunt in requiem meam illi, quibus in ira mea juravi quod non essent in requiem intraturi. Et quia, fratres, propter cor in incredibilitate obduratum petribus vestris requies negata est, ideo, fratres, vide te ne forte sit in aliquo vestrum cor malum incredibilitatis discedendi a Deo vivo, sicut expositum est. Ne, inquam, sitis increduli, sed adhortamini vosmetipos de incremento virtutum dicentes per singulos dies : *Venite, exultemus, etc.*, donec, id est quando cognominatur in vobis hodie, id est tempus gratiae. Cognominatur, ideo ait, ne remoti a diebus Christi putarent minus sibi conferre Christum quam temporaneis. Hodie, inquam, cognominatur, quia haec gratia que etiam ultimis tribuitur, cognata est gratiae date in diebus Christi, tantum valens postea quantum primitivis.

Adhortamini, inquam, ut non obduretur aliquis ex *robis fallacia*. Scitote enim quod diabolus vos fallit, si forte obduramini. Fallacia dico causa peccati, quia, postquam deceptus est aliquis, magis ac magis deinceps precipitatur in peccatum. Debetis vos adhortari et non obdurate, quia, quod non eramus, effecti sumus per gratiam, *participes Christi*, id est partem capientes cum Christo in hereditate Patri. Hac tamen conditione dico participes, si retineamus firmum usque ad finem vitæ, quod nunquam deseramus initium substantiæ ejus, id est fidem quæ est initium honorum, et per quod jam deificamur, et divinae substantiæ quodammodo participamus. Retineamus, dico, dum, id est quaudiu, dicitur in nobis : *Hodie si vocem ejus audieritis, nolite obdurate corda vestra, quemadmodum patres vestri obduraverunt in illa exacerbatione praesata*. Bene dico in exacerbatione. Quidam enim eorum, audientes mandata Domini, exacerbaverunt Deum. Non tamen universi qui profecti sunt ab *Egypto per Moysen*, id est per ducatum Moysi exacerbaverunt Deum, quia nec Caleb, nec Josue. Similiter et vos profecti ab *Egypto per Moysen*, id est a tenebris infidelitatis per Christum consecrantem vobis aquam remissionis, nolite exacerbare Deum. Vere quidam exacerbaverunt, quia quibus insensus est Deus quadraginta annis, nonne illis qui peccaverunt (et non impune) ne impunitatus promittatis vobis, quia cadavera quorum peccantium procreata sunt in deserto ? Illis utique Deus infensus fuit. **¶** Iterum ad idem : *Quibus autem juravi* ! Deus non intratre in requiem ipsius, id est in coelestem Hierusalem, ubi est vera requies, nisi illis qui fuerunt increduli : et in verbis Domini idem non habuerunt ? Quibus pro peccato prostratis sicut abstulit terram reprobationis ; sic veram requiem quæ significabatur per illam terram : Vide te itaque ne vos increduli (quod utique estis) si legem quasi necessariam fiduciæ non credentes posse justificare Deum pro incredibilitate non intretis in requiem. Deus quidem juravit eos non intraturos in requiem · et sicut juravit, impletum videmus : quia

A non potuerunt intrare in requiem propter incredibilitatem suam.

CAPUT IV.

« Timeamus ergo, ne forte relicta pollicitatione introeundi in requiem ejus existimetur aliquis ex nobis deesse. Etenim et nobis nuntiatum est, quemadmodum et illis : sed non profuit illis sermo auditus, non admistus fidei ex his quæ audierunt. Ingrediemur enim in requiem qui credimus : quemadmodum dixit. « Sicut juravi in ira mea, si introibunt in requiem meam (*Psal. xciv, 11*). » Et quidem operibus ab institutione mundi perfectis : dixit enim quodam loco de die septima sic : « Et requievit Deus die septima ab omnibus operibus suis (*Gen. ii, 2*). » Et in isto rursum : Si introibunt in requiem meam. Quoniam ergo superest introire quosdam in illam, et hi quibus prioribus annuntiatum est, non introierunt propter incredibilitatem, iterum terminat diem quemdam, hodie in David, dicendo, post tantum temporis (sicut supra dictum est) : *Hodie si vocem ejus audieritis, nolite obdurate corda vestra*. Nam si eis Jesus requiem præstisset, nunquam de alia loqueretur posthac die. Itaque relinquitur Sabbathus populo Dei. Qui enim ingressus est in requiem ejus, etiam ipse requievit ab operibus suis, sicut et a suis Deus. Festinemus ergo ingredi in illam requiem : ut ne in idipsum quis incidat incredibilitatis exemplum. Vivus est enim sermo Dei et flexus, et penetrabilior omni gladio anticipi, et pertingens usque ad divisionem animæ ac spiritus ; compagnum quoque ac medullarum, et discretor cogitationum, et intentionum cordis (*Ecclesiastes xv, 20*). Et non est illa creatura invisibilis in conspectu ejus. Omnia autem nuda et aperta sunt oculis ejus, ad quem nobis sermo. Habentes ergo pontificem magnum qui penetravit cœlos, Iesum Filium Dei, teneamus speci nostræ confessionem. Non enim habemus pontificem, qui non possit compati infirmitatibus nostris, tentatum autem per omnia pro similitudine absque peccato. Adeamus ergo cum fiducia ad thronum gratiae ejus, ut misericordiam consequamur, et gratiam inveniamus in auxilio opportuno. »

EXPOSITIO.

Et quia propter incredibilitatem intrare non potuerunt in requiem, igitur timeamus ne forte aliquis ex nobis existimat secundum veritatem deesse ab illa requie. Sed præmitit possibilitem intrare nobis concessam dicens. Timeamus, inquam, ne relicta pollicitatione, id est frequenti promissione intrare in requiem ejus, scilicet Dei : unde nos habere constat facultatem intrare, ne, inquam, hac relicta per incredibilitatem existimat aliquis nostrum deesse a requie. Bene dico pollicitatione ; etenim nobis nuntiatum est (quemadmodum et illis) per fidem posse intrare in requiem. Illis quidem nuntiatum fuit, sed tamen non profuit illis sermo nuntiationis auditus tantum, et non admistus fidei, ut crederent

his qui a Deo audiebant. Fidei dico acceptæ ex his quæ audierunt, ut sicut audiebant, sic Deum impleturum crederent. Vel ita : Sermo auditus et non admistus fidelis, ex his, id est propter ea quæ audierunt ab illis exploratoribus reversis, non profuit illis. Secundum hanc sententiam ad historiam nos mittit, quando duodecim exploratores missi a Moyse revertentes terruerunt filios Israel, dicentes (*Num. xiii, 28, 34*) : Terram quidem esse fructiferam : sed filios Enachim ibi esse giganteæ staturæ, quorum in conspectu stare non possent ; quibus et hujusmodi auditis dixerunt : « Faciamus **370** nobis ducem et revertamur in Agyptum (*Num. xiv, 4*), » in incredulitate exacerbantes Deum. Vere sermo auditus tantum quia non est admistus fidei, non profuit illis : nam quia in nobis est admistus fidei proderit nobis. Locus a contrariis. Quod ita ait : Nos qui credimus, id est qui fidem auditum admiscimus, ingrediemur in veram requiem : cujus et figuram et veritatem illi (quia increduli) perdiderunt. Nos, inquam, ingrediemur ; quemadmodum dixit nos per fidem ingressuros ; ubi ait : *Sicut juravi in ira mea : Si introibunt in requiem meam.* Et hoc dicere fuit per contrarium, quia ubi illos propter incredulitatem non intraturos dixit in requiem, ibidem per contrarium nos, quia credimus dixit ingressuros in requiem. Vel singula reddamus singulis. Nobis nuntiatum est de requie illa, quia nos qui credimus ingrediemur requiem : illis non profuit sermo auditus tantum, quemadmodum dixit : *sicut juravi in ira mea si introibunt in requiem meam.*

Dixit superius : Videte ne sit in aliquo vestrum cor incredulitatis, quia propter incredulitatem non intraverunt in requiem pollicitam, de qua requie nuntiatum est vobis, quod si fidem habeatis, hanc requiem habere potestis. Quibus autem modis, et quibus temporibus nuntiatum sit subjungit, ostendens duas nuntiationes de hac requie factas esse in figura, quia nemo adhuc requiem illam habere poterat : cujus requiei tertia nuntiatio facta est, non in figura, sed in ipsa veritate, quando jam et haberi poterat, et habebatur ipsa requies, scilicet in diebus gratiæ. Littera sic jungitur : De requie illa utique nuntiatum est nobis : nam et in hoc loco et in illo, et in alio. Illud et diversitates locorum ubi de requie agitur significat : illud quidem discretionem temporis : quia tempus quo primum de requie bac nuntiatum est, scilicet constitutio mundi, longe distabat a tempore impletionis, scilicet a diebus Christi. Unde sic ait : Nuntiatum quidem nobis est de requie : et quidem operibus perfectis incipiendo ab institutione mundi : nuntiatum est nobis de requie illa. Facto homine, perfecta dicuntur esse opera Dei, cum omnis creatio mundi fuerit propter hominem : si homo caput creaturarum decesset, imperfecta essent omnia propter hominem creatam. Et quia a Deo perfici et consummari secundum opinionem quorundam possent, et non principium habere a Deo, ita ait incipiendo ab institutione mundi. Vere per-

Afectis operibus nuntiatum est nobis. *Dixit enim Scriptura vel Moyses in quodam loco de septima die sic.* Ideo non determinans locum dicit in quodam loco, quia et hic locus Scriptura satis notus erat illis, et quia hic locus discretus et egregius erat, ubi de salvatione sermo habebatur : dignitate, inquam, discretus ab illis, ubi de tauro immolando habetur sermo. Vel si ibi non sit, enim, nihil oportet repetere, sed dicamus operibus perfectis. *Dixit in quodam loco de die septima, sic illud et quod sequitur* habet in ordine litteræ, unde sumptum est ; quasi diceret : *Hoc et hoc fecit Deus; et his factis requievit die septima.* Non dicitur Deus requievisse, quasi qui labore aliquo vexaretur ; sed ut per hoc significaret requiem futuram ait : *Deus requievit, id est cessavit ab omnibus operibus suis, quod nihil postea operatus sit; cuius materia vel similitudo in priori creatione non praecesserit, materia in rebus corporeis; similitudo in corporeis ut in animabus.* Statim sexta feria facto homine, Sabbato requievit, quasi per hoc diceret homini : *Si obediens mibi fueris, haec eadem requies peracta obedientia parata est tibi.* Ubi ait : *requievit die septima, sic de requie nuntiatum est, ut et figura requiei exspectaretur, scilicet terra reprobationis.* Et veritas figura in diebus Christi, ante quem nemo veram habuit requiem. Sicut in prefato loco, sic etiam in isto rursum nuntiatum est. Vel dicit Scriptura de requie illa ubi ait rursuna de eodem significat esse dictum.

CSic, inquam, nuntiatum est : *Si introibunt in requiem meam.* Ubi enim hoc dicendo incredulis negabat requiem, significabat esse requiem fidelibus possidentem. Haec autem Scriptura invenitur in David, qui jam **371** de figura, scilicet de terra illa promissionis non poterat prophetare : quam filii Israel jam multo tempore possederant. Et ita secundum David non de figura quæ jam habebatur, sed de veritate rei quæ in Christo exspectabatur haec propheta erat. Secundum Moysen autem qui hoc idem dicebat filiis Israel propheta erat, et de figura nondum habita, et de veritate in Christo accipienda. Praemissis de eadem requie duabus nuntiationibus in figuris, subjungit tertiam secundum impletionis veritatem, dicens : *Quia hoc est illo modo de requie illa nuntiatum est, ergo ut impletur predicta, terminat iterum agens de eadem requie, diem quemdam Spiritus sancti dicendo hodie in David.* Diem hunc dicit quemdam, id est discretum et omnibus qui ante fuerunt praecelestem : quia in hoc die impletur salus, quæ in antea diebus nuntiari tantum potuit nunquam impleari. Dicendo hodie in David post tantum temporis. Multum enim tempus præterierat a Iesu qui terram promissionis Judeis distribuit, usque ad diem David : unde apparet David aliam requiem intellexisse futuram, quam illam terram quam jam diu possederant. Dicendo, inquam, hodie sicut supra dictum est ibi. Hodie si vocem ejus audieritis, nolite obdurare corda vestra, quia sicut priores patres

propter incredulitatem etiam figuram perdiderunt : sic et vos (si increduli fueritis) veram requiem non possidebitis. Post tantum temporis ideo terminat : *quoniam superest*, id est restat adduc *quosdam introire in illam requiem*. Ideo etiam ait nolite obdurare corda : quia hi quibus prioribus annuntiatum est de requie propter incredulitatem suam : nec saltē introierunt in figuram, nedum in ipsam veritatem. Vel ita manente eadem sententia. Quia sic et sic pollicita est requies illa : ergo ut impleantur promissa : superest quosdam introire in illam requiem. Et quoniam superest quosdam introire, ideo iterum terminat *quendam diem*, post tantum temporis, dicens *hodie in David*. Et quoniam hi quibus prioribus annuntiatum est de requie illa, propter incredulitatem non introierunt in eam : ideo hodie si vocem ejus audieritis nolite obdurare corda vestra : sicut supra dictum est patribus vestris. Vere superest quosdam intrare in illam terram : nam (sicut falso putatur a quibusdam) Jesus, id est Jesue non praestitit eis illam requiem. Si enim hic Jesus, id est Jesue *praestisset eis hanc requiem, nunquam David loqueretur de alia requie longe post Josue* : dicendo *hac die*, id est est hodie. Vel ita : Nunquam David loqueretur de alia die post hac, id est si intellexisset a Josue veram requiem distributam esse. Assumatur ita : Sed Jesus Jesue non praestitit illis veram requiem. Et quia promissa est, et nondum praestita, itaque hoc solum ex præmissis relinquitur, scilicet *Sabbatismus populo Dei*. Sabbatismus dicitur jucunditatis : et illa delectatio quæ fit in Sabbatho significans jucunditatem veri Sabbathi. Et bene dico *Sabbatismus. Nam quicunque ingressus est in requiem ejus, sive Abraham, sive quilibet sanctus, inventit hunc Sabbatismum*. Quod ita ait : Non solum Christus sed etiam ipse qui ingressus est requiebat ab operibus suis, id est ab omni labore : sicut et Deus quievit a suis operibus. Quies enim Domini, signum et causa fuit nostræ quietis. Deus enim sexta die hominem fecit, sexta tæte redimere venit, sexta die, et ejusdem diei sexta hora cum redemit, quiescens Sabbatho in sepulcro, significans secum in æterno Sabbatho quieturos. Et quia requies relinquitur populo Dei, et quicunque ingrediens in illam, sicut Deus ita requiescit : ergo bene operando, et sane credendo, festinemus ingredi in illam requiem : ita festinemus ut ne quis nostrum incidat in idipsum exemplum incredulitatis, id est in eamdem incredulitatem, in quam patres nostri inciderunt. Nos dico, gravius nunc offendentes, quia nos habemus illos in exemplum cavendi nobis, illi sine præcedenti exemplo ceciderunt. Festinare nos oportet in requiem, et non incidere in incredulitatem : quia sermo Dei, id est verbum patris juxta illud : *Omnipotens sermo tuus, Domine, a regalibus sedibus venit* (*Sap. xviii, 45*). • **372** Hic, inquam, sermo Dei est virus, id est vitam habens, suisque vitam ministrans. Cumque sit vivus est etiam efficax, id est faciens quodcumque vult, remunerando pios, damnando impios :

A et cum tantam habeat potentiam, non minorem habet sapientiam. Est enim penetrabilior omni gladio, id est omni humano ingenio : quod quia occulta penetrat, dicitur gladius perforans interiora. Gladio dico, accipiti : quia sicut gladius anceps qui in medio tenetur ante et retro percutit; sic humanum ingenium : et de sapientia spirituali, et de scientia humana intelligit. Sermo etiam Dei est *pertingens usque ad divisionem animæ ac spiritus*, quia scit bene discernere quæ sint animæ, id est sensualitatis : et quæ sint spiritus, id est rationis. Discernit etiam ipsos actus sensualitatis inter se et dispositiones : quia aliquando sensualitas rationem secum trahit in peccatum, modo bene operando consentit spiritui. Scit etiam discernere ea quæ sunt spiritus inter se, quomodo nunc repugnet sensualitati, quandoque consentiat : quandoque bene operari secum cogat, pertingens usque ad *divisionem compagum*. Vel (quod idem valet) : Discretor etiam compagum animæ et spiritus : quia scit seriem illam quodam ordine compactam : nunc in sensualitate, nunc in spiritu : sicut quando sensualitas desinit male agere, et deinceps bene operando consentire spiritui, et sic gradatim ascendit etiam spiritus, primum bene operari incipit : deinceps contemplari illa celestia, a coelestibus transiens, fit oculum in ipsum Deum. Discretor etiam *medullarum*, id est omnis subtilitatis animæ et spiritus : quia nulla subtilitas eum latere potest. Discretor etiam omnium cogitationum : quia novit quidquid homo cogitat, nec solum cogitationum, sed etiam discretor intentionum cordis, quia novit quidquid per cogitationes intendat. Et (ut sapientiam ejus breviter comprehendam) *non est illa creatura invisibilis*, id est quæ non appareat in conspectu ejus, qui tantus est ut simul omnia comprehendant. Et cum sermo Dei ita sit efficax ut potentiam efficiendi quidquid velit habeat, et cum adeo sit sapiens, bene et poterit, et sciet quid unicuique debeat retribuere. In conspectu ejus nulla creatura invisibilis : *sed omnia sunt nuda*, id est revelata et (quod magis est) etiam inferius aperta oculis, id est perspicacitatem ejus, ad quem tam potentem, tam subtiliter omnia prospicentem, nobis est sermo : huic enim reddituri sumus rationem de singulis. Festinate ergo ad eum relicto malo incredulitatis. Comparavit quidem Jesum, et majorem ostendit prophetis, et angelis, dicens eum Filium Dei, sed quomodo in eo penderet tota salus hominum, nedum dixerat : ad quod possent illi objicere : Quid prodest nobis si major angelis sit Filius Dei, cum Deus in eo non disposuerit non salvari? Ad haec respondet Paulus dicens, quod in eo Deus omnem salutem proposuit per sacerdotium Christi, Leviticum destruens sacerdotium, et per gratiam Christi inutile pondus veteris legis. Littera sic jungitur : Quia ad istum tam potentem, tam sapientem nobis est sermo : ergo tenemus confessionem spei nostra, id est fidem per quam nobis conceditur sperare futuram gloriam. Tencamus, inquam, habentes pontis

ficem, qui factus est nobis posse in salutem. Pontificem dico magnum longe præ omnia Leviticis : qui pontifex noster penetravit celos in sublimitate potentie, sacerdotes autem de Levi semel in anno licebat introire in sancta sanctorum, ubi tamen non erant nisi manufacta. Hic autem potentialiter penetratis celos, sedet in dextera patris. Pontificem istum dico Jesum, id est salvatorem nostrum et potenter salvare, quia Filius Dei. Nos talem habentes pontificem, teneamus spei nostre confessionem. Iterum ne præ magnitudine Jesu desperarent infirmi fratres, dicendo quia Filius est Dei, quia celos penetravit, nunquam dignabitur condescendere infirmitibus nostris ait Paulus. Sinediffidentia teneamus confessionem : *quia non habemus pontificem, qui licet Filius Dei sit, non tamen possit compati et condescendere infirmitibus nostris*, et secundum fragilitatem naturæ, et etiam lapsis, sed habemus pontificem tentatum in carne per omnia genera temptationis. Tentatum dico pro similitudine, id est quia similis fuit nobis, mortal is et passibilis. Vel, tentatum pro similitudine, id est ut exemplum in se daret nobis resistendi temptationibus, et sic tentatum tamen absque peccato. Ex eo enim quod tentatus est, scit compati; ex eo autem quod sine peccato, potest liberare. Ergo, quia et compatiens et potentem liberare habemus pontificem, ergo cum fiducia adeamus ad thronum gratie, id est ad Christum, in quo non quædam gratia, sed thronus et sedes est omnis gratia. De plenitudine enim ejus omnes accepimus (Joan. i, 16), adeamus ideo, ut per eum consequamur misericordiam de commissis, et apud eum inveniamus gratiam in auxilio, id est auxiliatricem ad bene operandum de futuro. Auxilio, inquam, non pro velle nostro sed opportuno, quia quoque modo Deus opportunum videat, nunquam suos inadjutos deseret.

CAPUT V.

Omnis namque pontifex, ex hominibus assumptus, pro hominibus constituitur in his quæ sunt ad Deum, ut offerat dona et sacrificia pro peccatis, qui condolere possit his qui ignorant et errant, quoniam et ipse circumdatus est infirmitate. Et propterea debet quemadmodum pro populo, ita etiam et pro semetipso offerre pro peccatis. Nec quisquam sumit sibi honorem, sed qui vocatur a Deo tanquam Aaron. Ita et Christus non semet ipsum clarificavit ut Pontifex fieret, sed qui locutus est ad eum : Filius meus es tu, ego hodie genui te. Quemadmodum et in alio loco dicit : Tu es sacerdos in æternum secundum ordinem Melchisedech. Qui in diebus carnis sue preces supplicationsque ad eum qui possit [posset] illum salvum facere a morte; cum clamore valido et laerymis offerens, exauditus est pro sua reverentia. Et quidem cum esset Filius Dei, didicit ex his quæ passus est obedientiam, et consummatus factus est omnibus obtemperantibus sibi causa salutis æternæ, appellatus a Deo pontifex, juxta ordinem Melchisedech. De quo nobis grandis sermo, et in-

A terpretabilis ad dicendum, quoniam imbecilles facti estis ad audiendum. Etenim cum deberetis magistrum esse propter tempus, rursum indigetis ut vos doceamini quæ sint elementa exordii sermonum Dei, et facti estis quibus lacte opus sit, non solido cibo. Omnis enim qui lacis est particeps, expers est sermonis justitiae, parvulus enim est. Perfectorum autem est solidus cibus, eorum qui pro consuetudine exercitatos habent sensus ad discretionem boni ac mali. »

EXPOSITIO.

Dixit superius *adeamus Christum cum fiducia*, ut per hunc pontificem consequamur misericordiam et gratiam in auxilio. Nunc autem probat a minori, quod per hunc pontificem Christum possumus misericordiam consequi, dicens : Vere per Christum possumus consequi misericordiam in auxilio. Namque per ministerium omnis pontificis homines sub eo possunt misericordiam consequi, qui pontifex longe minor quia sumptus ex hominibus; Christus autem pontifex ex Deo. Et in quibusdam verbis pontificem istum Christo comparabit, et in aliis minorem ostendet. Nec hoc repugnare videatur quod ait : Omnes pontificem constitui, ut per ministerium ejus misericordiam consequantur subditi. Cum in multis hoc defuerit, quia licet hoc deasset, vel propter peccatum ministri vel populi, ad hoc tamen pontifex consecratus fuit ut per ministerium ejus misericordiam consequeretur populus, nisi in altero peccaverit. Quid ita ait : Consequemur misericordiam per pontificem Christum. Namque omnis pontifex ex hominibus. Quia antequam eligatur, sic est ex hominibus, quod non plus possit conferre alii quam ille sibi. Hic, inquam, pontifex *assumptus*, id est divina voluntate electus. Electio enim divina qua *assumptus*, hoc efficit in eo ut possit intercedere pro populo, qui priusquam sic assumatur, impotens est in hoc : velut alius homo. Assumptus, inquam, constituitur pro hominibus, qui paulo ante erat ex hominibus. Constituitur, inquam, pro hominibus, non ut praedit eis in secularibus, sed in his quæ sunt, id est quæ pertinent ad Deum, scilicet ut obsecret et sacrificet pro illis.

In his ad Deum ita constituitur ut offerat dona et sacrificia pro peccatis populi delendis. Dona vocabantur in lege veteri illæ minores oblationes. Sacrificia autem, quando immolabatur taurus vel hujusmodi. In Christo autem preces et quæcunque fecit usque ad horam passionis dona dicuntur.. Sacrificia autem quando seipsum in ara crucis obtulit. Ubi ait *assumptus ex hominibus*, ibi ostendit majoritatem Christi, qui ex electione Dei *assumptus* sit; in his quæ predicta sunt, similitudinem, quia, si per illum pontificem offerentem dona et sacrificia consequuntur homines misericordiam, quare non similiter per Christum hec eadem offerentem? Constituitur, inquam, pontifex qui possit, id est qui in usu habeat condolere his qui ignorant, id est ignoranter ex simplicitate peccant, et his qui errant, id est scientes in-

cidunt in peccatum. Talis enim debet elegi qui omnibus infirmitatibus fratrum sciat compati, non qui impatienter præcipitet sententiam damnationis in subditos. In hoc bene Christus similis, qui tentatus per omnia compatitur infirmitatibus nostris. Dico possit condolere, et utique debet, quoniam, sicut subditi, ita etiam ipse circumdatus est infirmitate, id est et fragilitate carnis, et saepius actu peccati. In hoc autem Christus maior quia absque peccato. Et quia ipse circumdatus est infirmitate: *propterea quemadmodum offerit pro populo absolvendo a peccatis, et conservando de futuro, ita etiam eodem modo debet (et necesse est) offerre pro semetipso, in quo est infirmitas conservando de futuro, et pro peccatis præteritis delendis.* In hoc iterum Christus maior quia non indiget ut offerat pro se, nisi tantum pro populo. Quomodo hic pontifex assumendus sit, subiungit, dicens: *Hic pontifex sic debet offerre, et quicquam horum pontificum non sumit, id est non se ad sumendum honorem ingerit. Sumit dico sibi, id est respectu eorum quae sua sunt. Sumeret sibi, si per pecuniam, si propter personam, si propter genus, propter secularem potentiam, vel hujusmodi ingeratur in honorem.*

Hæc enim omnia ex eo sunt, sed qu. propter virtutes, patientiam, humilitatem et hujusmodi, sumeretur ad honorem, hic non sibi, id est ex eo quod suum est, sed ex virtutibus quæ Dei sunt, sumeret honorem. Nemo sumit sibi honorem, sed ille qui vocatur a Deo, id est qui divina vocatione eligitur. Non dicitur, vocatur a Deo, quod vox divina ibi audiatur, sed, si propter virtutes Dei ab his qui sani sunt eligitur, idem valet ac si Deus diceret: *Veni quia dignus es accipere pontificatum.* Vocatur a Deo *tunc Aaron* a Deo vocatus est. Aaron tamen non communis electione electus est, quia filii Core contradixerunt. Quare illato igne alieno, thurificantes ab igne consumpti sunt, et Dathan et Abiron pro eodem murmurantes, a terra absorpsi sunt (*Num. xvi, 31*). Sed Moyses ex precepto Dei, et per miraculum assumpit Aaron in sacerdotium. Præcepit enim ut de *xii tribibus xii virorum xii virgine* in tabernaculo poserentur, ut cuius virga florisset, pontifex secundum manifestam voluntatem Dei fieret. In electione autem Aaron ostendit quod, si pauci sint qui justa eligant et multitudine contradicant, tamen paucorum sententia canonice eligentium sequenda est, multitudinis error reprobandus (*Num. xvii, 2, 10*). Pontifex ille si tanquam Aaron vocatus sit, non se ingerens in honorem, hominibus prodesse potest. Sic et Christus simili de causa suis auxiliari potest, quia Christus non clarificavit, id est non se magnificando ingessit ad hoc, ut fieret pontifex, sed Pater clarificavit Christum qui locutus est ad eum, dicens: *Tu es Filius meus 375 ego hodie genui te, sicut in principio Epistole exposuimus.* Hæc autem non sunt verba, quibus Pater eum clarificavit; sed in quibus Christum sacerdotio dignum ostendit: quando autem, dum Christus baptizaret, ait: *Hic est Filius meus, in quo mibi*

A bene complacui (*Matth. iii, 17*). » In his verbis Filium clarificavit. Adjungens autem: « Ipsi audite (*ibid.*), » in hoc verbo pontificem consecravit. Ut Pater ostenderet dignitatem Filii: tu es Filius meus. Ita de Christo ait, quemadmodum de pontificatu ejusdem etiam in alio loco ejusdem Scripturæ ait: *Tu es sacerdos, duraturus in æternum secundum ordinem, id est secundum dignitatem ordinis Melchisedech.* Sacerdotium autem Leviticum non in æternum, sed in tempore duraturum. Ideo sacerdotium Christi necesse est ut maneat in æternum, quia sicut, nisi per eum, beatitudo non potest haberi, sic, nisi per eum habita, non potest retineri. In hoc item quod in æternum praesul est sacerdotio Levitico, quia, illud in tempore. Et si destruendum sacerdotium prodesse potuit, multo magis æternum sacerdotium Christi; quod etiam alterius est dignitatis, quia secundum ordinem Melchisedech. Qui Christus ut certi sitis vos in eo consecuturos misericordiam, *in diebus carnis sue*, id est passibilitatis et mortalitatis sue. Naturale enim est carnis pati et mori. In his, inquam, diebus obtulit preces et supplicationes ad Deum. Preces vocat quascunque postulationes ante passionis articulum fecit. Supplicationes, dicit quando, instante hora passionis, tanta intentione oravit ut sanguineum sudorem emitteret. Obtulit, inquam, ad eum, qui possit salutem facere illum a morte. Non ut non moriatur, sed ne mors ipsi diu dominetur. Intendens per se liberatum a morte, humanum genus ab eadem liberandum. Obtemperavit, inquam, ad eum cum clamore valido, non quod ita alte clamaverit, sed cum valido clamore, id est cum maxima intentione, et cum lacrymis. Alibi non invenitur eadem hora lacrymante Christum, nisi in hoc Evangelio Pauli; cui non minus est credendum, quia, si pro Lazaro et pro destructione Hierusalem, miserando ubique humano defectui, lacrymante dicitur, multo magis lacrymante dicendus est, ut, consummatio obedientiae sue, defectum humani generis sanaret. Offerens, inquam, preces cum lacrymis exauditus est, completo quod postulabat, *pro sua reverentia*, id est pro sua religione. Vel pro sua reverentia, id est pro obedientia qua se Patrem semper reveritum suisse probavit. Non tantum preces cum lacrymis obtulit, sed etiam didicit, non cognitione, sed per experientiam rei obedientiam ex his quæ passus est, id est per mortem; cum, id est quamvis esset Filius Dei potens omnia, sic tamen sacerdotium suum implore voluit. Et ipse consummatus, id est mortuus. Vel consummatus, id est in dextera Patris, ut nihil imperfectum haberet constitutus, *factus est causa salutis æternæ omnibus obtemperantibus sibi*, non illis qui sibi renuant obtemperare. Causa utique salutis bene potest esse, quia appellatus est pontifex non ab hominibus, sed a Deo, nec secundum Leviticum, sed juxta dignitatem ordinis Melchisedech. Dicturus eis quomodo sacerdotium suum legale destruat sacerdotium, et quomodo omnia legalia in eo finem habeant, quomodo

vero suum sacerdotium præcesserit legale, et in A æternum sit permansurum. Primum eos (secundum partem tamen) aspera invective aggreditur, et convenienter primum eos corrigit, ut correcti devotiores sint ad audiendum, et prouiores ad credendum, dicens : *De quo*, id est quomodo Christus sit pontifex secundum ordinem Melchisedech restat nobis sermo grandis, id est multa comprehendens, et ininterpretabilis, id est qui modo non possit interpretari, nec a me, quia non habeo congruos auditores, nec vobis interpretabilis, quia capere non potestis. Ininterpretabilis dico ad dicendum, id est ad exponendum vobis, quoniam vos facti estis imbecilles ad audiendum, id est ad intelligendum. Vel sermo iste grandis est et interpretabilis, 376 quia multa sacramenta hic continentur, quæ oportet exponi. Grandis ideo dico quoniam vos facti estis imbecilles ad audiendum. Vere imbecilles, nam cum deberetis esse magistri propter tempus, prolixum quod habuistis ad discendum; vos enim in ipso initio prædicationis conversi estis. Cum, inquam, deberetis esse magistri, nunc rursum indigetis ut vos doceamini quæ sint elementa exordii sermonum Dei. In sermonibus Dei multi gradus continentur : primum simplex instructio, debinc media ad ultimum perfecta. Exordium autem vocat, ut quando aliquis docetur credere incarnationem, passionem Christi, et hujusmodi simplicibus opportuna. Elementa autem exordii sunt, ut seriatim enarrare materiam passionis, vel aliquid hujesmodi. Vos etiam facti estis tales quibus opus sit lacte, id est puerili insinuatione, et ita lacte quod non solidi cibo, id est perfecta doctrina. Vere ita lacte, quod non opus sit solidi cibo. Nam omnis ille qui participavit est lactis, id est cui necessaria est insinuatio puerilis, hic talis expers sermonis est justitia, id est doctrinæ justorum, id est perfectorum; ideo expers, quia parvulus est sensu. Vos autem perfecti malitia, sensibus vero pueri. Parvulorum est lac, sed perfectorum est solidus cibus, id est solida doctrina; perfectorum, id est eorum qui habent sensus, id est intellectus suos pro consuetudine, id est pro assiduitate studii exercitatos ad discretionem boni et mali, ut bonum discernere sciant a malo, et etiam de bonis, quæ magis sint bona quæ minus, sciunt discernere; et de malis, similiter.

CAPUT VI.

Quapropter intermittentes inchoationis Christi sermonem, ad perfectionem feramur, non rursum jacentes fundamentum poenitentiae ab operibus mortuis, et fidei ad Deum, baptismatum doctrinæ, impositionis quoque manuum, ac resurrectionis mortuorum, et judicii æterni. Et hoc faciemus, si quidem permiserit Deus. Impossibile est enim eos qui semel sunt illuminati, gustaverunt etiam donum cœlestis, et participes facti sunt Spiritus sancti, gustaverunt nihilominus bonum Dei verbum, virtutesque sæculi venturi, et pro-lapsi sunt, rarsus envari ad poenitentiam, rur-

sus crucifigentes sibimetipsis Filium Dei, et ostentui habentes. Terra enim saepè venientem super se bibens imbre et germinans [generans] herbam opportunam illis a quibus colitur accipit benedictionem a Deo; proferens autem spinas ac tribulos, reproba est, et maledictio proxima, cuius consummatio in combustionem. Confidimus autem de vobis dilectissimi meliora et viciniora saluti, tametsi ita loquimur. Non enim injustus Deus ut obliviscatur operis vestri et dilectionis, quam ostendistis in nomine ipsius, qui ministras sanctis et ministratis. Cupimus autem unum quemque vestrum eamdem ostentare sollicitudinem, ad expletionem spei usque in finem, ut non segnes efficiamini, verum imitatores eorum qui fidei et patientia hæreditabunt promissiones. Abrahæ namque promittens Deus, quoniam neminem habuit per quem juraret majorem, juravit per semetipsum, dicens : Nisi benedicens benedicam te, et multiplicans multiplicabo te. Et sic longanimitate ferens, adeptus est repromotionem. Homines enim per majorem sui jurant, et omnis controversiæ eorum finis ad confirmationem, est juramentum. In quo abundantius volens Deus ostendere pollicitationis suæ hæredibus immobilitatem consilii sui, interposuit jusjurandum, ut per duas res immobiles quibus impossibile est mentiri Deum, fortissimum solarium habeamus, qui confugimus ad tenendam propositam spem, quam sicut anchoram habemus animæ tutam ac firmam, et incedentem usque ad interiora velaminis, ubi præcursor pro nobis introivit Jesus, secundum ordinem Melchisedech pontifex factus in æternum.

EXPOSITIO.

377 Eis duritor increpati, iterum blanditur, inserendo se, dicens. Quapropter, id est, quia propter tempus magistri esse deberetis, et quia exercitatos sensus in lege Domini vos oportet habere, ideo nos, intermittentes sermonem inchoationis Christi, id est elementa exordii, quibus aliquis inchoat in cognitione Christi, hanc, inquam, pueritiam deserentes, feramur ad perfectionem, ut sciamus quomodo in principio erat Verbum, et Deus erat Verbum, etc. Feramur, inquam, ad perfectionem, non rursum jacientes fundamentum poenitentiae ab operibus mortuis, etc. Opera mortua vocat, vel peccata, qua mortificant, vel priora bona, propter peccatum superveniens mortificata. Poenitentie autem ab operibus mortuis est fundamentum, quia nisi hic lapis primum ponatur, nihil ædificabitur; fundamentum etiam fidei, quæ sit ad Deum; qui enim aliunde querit justificationem, vel non omnes partes fidei credit, hic fidem non habet ad Deum; fundamentum etiam doctrinæ baptismatum. Pluraliter ideo dicit baptismatum, quia est baptismus in aqua; dicitur etiam baptisans in lacrymis poenitentiae; tertio modo, in effusione sanguinis pro Christo. Fundamentum etiam invocationis manum; nisi enim quis

credat quod per impositionem manus et peccata dimittantur, accipiendo Spiritum sanctum, et contra futura mala roboremur, hic fundamentum non habet, quia irritum est quidquid superaedificat; fundamentum etiam *resurrectionis mortuorum*, nisi enim quis credat resurrectionem Christi effecisse resurrectionem mortuorum, fidem perdidit, et non habet supra quod sedisicit; fundamentum etiam *judicis aeterni*. *Aeternum* dicit judicium, quia quidquid isti constituetur de bonis sive malis, in aeternum durabit. Qui autem futurum judicium non credit, fundamentum non habet, quia infidelis est.

Hæc omnia propterea dicuntur fundamentum, quia, nisi hæc in fundamento præcesserint, nemo aliter potest bonum operari. Hæc autem omnia necessaria erant illis, scilicet fundamentum poenitentie ab operibus mortuis, quia peccaverant graviter, et bona opera quæ in eis præcesserant, sicut supra ait, multa eos passos pro Christo a contribubus suis, peccando irrita fecerant. Iterum fides ad Deum, quia si inteligerent quomodo ex fide Christi omnis justificatio habeatur, non recurrerent ad circumcisionem, quasi sibi necessariam. Si iterum de baptismo bene docti essent, quomodo in illo omnia peccata dimittantur, legalia confiterentur esse superflua. Si etiam scirent quomodo per impositionem manus Spiritus sanctus et priora dimitiat, et confortet contra venientia mala non curarent legalia. Si iterum resurrectionem Christi crederent esse efficientem causam nostræ resurrectionis in gloria, nihil præter Christum quærerent. Iterum, si pensarent quomodo Christus judex futurus sit omnium, per fidem Judicis soli studerent placere Judici. Quia his omnibus indigebant, propterea ait: Feramur ad perfectionem jacientes (sicut lapis in fundamento facitur) fundamentum poenitentiae, et sequentia, sicut exposita sunt. Jacientes dico non rursum, id est non iterato priori modo, ut sicut prius jecimus in vobis omnia hæc, et vobis peccantibus destructa sunt rursum eadem iterata destruantur. Ut secundum hanc sententiam illud rursum negemus tantummodo. Vel si ad omnia ponatur negatio, sententia manet eadem sic: Feramur modo ad perfectionem, ita ut simus rursum, id est amplius jacientes fundamentum poenitentiae; modo quidem jecimus, sed videte ne rursum oporteat jacere. Sic ad omnia ponatur negatio, manente sententia. Moneo feramur ad perfectionem, et utique *hoc faciemus*, id est ad perfectionem feremur, si quidem Deus permiserit, id est si in vita hac spatium concederet quo peccata nostra possint redimi. Ideo dico si Deus promiserit, *quia impossibile est* in alia vita per poenitentiam renovari; ibi enim locus accipiendi quod meruit; hic locus **378** merendi. Quod ita ait. Si Deus permiserit, ideo dico, quia in futura vita non permettit.

Impossible enim est renovari per recuperatam justitiam aliquos in alia vita motos ad poenitentiam; quod renovare rursus esset. Hic enim licet quod ibi

A iterari non potest, scilicet ut quis ibi renovetur. Renovari dico, *eos qui semel illuminati* per fidem quia crediderunt, qui etiam postquam fidem confessi sunt, *gustaverunt*, quasi suavem gustum et jucundum, *caeleste donum* scilicet remissionem de peccato per baptismum; quod donum desursum est. Hæc duo circa fidem. Qui etiam *facti sunt participes Spiritus sancti* quod genera linguarum, vel cetera dona habuerunt. Qui etiam (quod majus est) *gustaverunt nihilominus quam nos bonum*, id est jucundum verbum Dei, id est divinitatem Filiū intellecterunt. Qui etiam gustaverunt, id est quadam anticipatione prælibaverunt *virtutes venturi saeculi*, id est impossibilitatem et immortalitatem, eos qui etiam hæc omnia habuerunt, et *prolapsi sunt*; impossibile est renovari rursus motos ad poenitentiam, et impossibile est eos rursum esse crucifigentes Filium Dei sibimet ipsis, id est in alia vita impotentes efficere ut ulterius valeat sibi crucifixio Christi, et rursum non habentes Filium Dei ostentui, id est ostensioni ut imitentur ejus ostensionem. Quasi diceret: Rursum impotentes imitari Filium Dei. Vel aliter ut iterationem baptismi negemus in hoc versu: Impossibile est eos qui tales et tales fuerunt, nedum inferiores rursus renovari, id est rebaptizari motos ad poenitentiam. Ipsi dico si rebaptizantur, rursum crucifigentes sibimet ipsi Filium Dei, non quod in re iterum crucifigant, sed in peccati paritate, quia una fides, unum baptismus, et Christus consecrans illud semel propeccatis nostris mortuus est. Ideo dicuntur rursum sibi crucifigere Filium Dei paritate peccati, quia, si prius per baptismum justificati postea peccaverunt, primum baptismus putant propterea sic irritum esse ut si poenitentiam de futuro ad justificationem non valeat. Hi tales iterum volunt crucifigere Christum, ut ex iterata crucifixione iteratam habeant remissionem, nescientes quod unum baptismus et una mors Christi, ita post peccatum sicut ante (solummodo si poeniteat), ad omnem justificationem sufficiat. Ostendit in priori sententia pro ostensioni iusitate quidem ponitur, sed satis bene est secundum originem vocis: ab ostendo, ostendis. Ubi supra ait prolapsi: illud pro, gravitatem casus designat, scilicet in criminale. Dixit superius feramur ad perfectionem, et quibusdam interpositis adjunxit. Hoc, inquam, faciemus, id est ad perfectionem feremur, si Deus permiserit, et de eodem subdit: Vere id faciemus quod ad perfectionem feremur: et justum est quoniam *terra bibens imbre*. Per terram homines accipit, qui ut fructum faciant, excoluntur verbo Dei.

Hæc, inquam, terra bibens imbre, id est cum magno desiderio suscipiens divini verbi doctrinam, sic ut enim imber siccata et indurata terram inehriat, sic verbum Dei cor induratum mollescere facit, et contemplat, ut fructus facere possit. Terra, inquam, bibens imbre *sæpe venientem*. Sæpe ideo quia nec assida, ne vilescat, nec nimis parca, ne opportunitatem fructificandi amittat, debet esse divina doctrina; sed

sæpe ut sit opportunitas utrinque contemperata. Venientem super se, quia et a Deo et a prælatis, qui superiores sunt in Ecclesia, descendit doctrina. Terra, inquam, sic bibens imarem et generans herbam, id est fructum boni operis. Herbam dico opportunam illis a quibus colitur, id est prædicatoribus qui eam excolunt. Opportunam ideo quia facit non degenerem, sed fructum divinitatis, id est secundum quod docentur operari, et vident in doctoribus suis. Hæc, inquam, terra sic generans accipit benedictionem, id est multiplicationem bonorum a Deo. Bona terra accipit benedictionem. *Terra autem proferens spinas ac tribulos, reproba est.* Vel si habetur enim, ita jungatur non mutata sententia. Vere terra, generans herbam opportunam accipit benedictionem. Nam terra proferens spinas ac tribulos reproba est.

379 Proferens, notat tam male peccare, ut pravo exemplo corrumpat alios. Per spinas, peccata accipit minus pungentia; per tribulos (qui asperius pungunt) graviora. Terra, inquam, spinas ac tribulos proferens reproba est, id est inimica Deo, et proxima maledictio, id est perditioni. Ubi ait proxima, significat peccatum quidem prope esse, sed adhuc per poenitentiam posse evadere. *Consummatio*, id est finis cuius reproba terræ erit in combustionem, id est in perpetuum ignem nisi puniteat. Idem versus proximas litteres conjungitur, non tamen sic idonee. Vere in alia vita nemo potest renovari ad poenitentiam; nam terra, id est homo in hac vita tantum bibit venientem imbre, id est potest nisi ad emanationem. Hic enim locus merendi, ibi recipiendi. Vel secundum aliam sententiam, impossibile est renovari, id est rehaptizari. Nam terra semel bibit imbre, id est homo semel suscipit aquam baptismatis.

Quia satis duriter eos increpavit, dicens superius, cum deberetis esse magistri; rursum indigetis ut doceamini, etc. Per hoc iterum quod prope dixit de benedictione bonae terræ, suasit eis fructum opportunum facere, et per contrarium deterruit, nunc blanditur eis, ut sicut minis concussit, ita modo soveat blandimentis, dicens: *Tametsi ita loquimur, increpando vos superius, tamen, o dilectissimi nos confidimus de vobis meliora, quam combustionem, et viciniora salati vestre, quam sint spinæ et tribuli.* Ubi ait de vobis, significat talem naturam esse in eis, quæ sit idonea correctioni. Meliora et viciniora hæc comparatio non sit inter participantia. Propterea de vobis confidimus quia multa bona olim operati estis; quæ si (postquam poenitentias) Deus non retribueret, injustus esset, sed *Deus non est iustus ut obliviscatur operis vestri*; quo omnia vestra omnibus communia fecistis, et dilectionis quia hoc opus non timor, sed ex dilectione processit, quam dilectionem ostendisti in nomine ipsius, id est ad honorem Dei. Operis vestri bene dico, quia vestra ministerialis sanctis, et adhuc eadem dilectione ministerialis. Triplex bonum notat in eis, scilicet opus bonum, et dilectionem et honorificentiam Dei in

A opere suo. Ministrastis olim et adhuc in eodem estis; cupimus autem de futuro unumquemque vestrum, ut nec unus desit ab hoc opere ostendere, id est frequenter ostendere eandem sollicitudinem, administrandi sanctis usque in finem vestrum. Ostendere dico ad expletionem spei, id est in futura beatitudine compleatur in vobis quod modo speratis. Ita cupimus ostendare, ut non efficiamini segnes in hac sollicitudine, sed sitis imitatores eorum, id est sanctorum qui hereditabunt promissiones, id est promissas beatitudines: non propter genus, sed fide et patientia, id est per fidem, et quia diu sustinenda non fuerunt fatigati.

Quia sciebat Paulus multum placere illis si partibus eorum diceret re promissam salutem, ait, ac si quilibet interrogaret: Suntne factæ promissiones? Sunt utique; nam Abrahæ. Et tria subiungit quod et promissiones factæ sint, et per jusjurandum confirmatae, et in Abraham jam impletæ dicens: *Deus promittens Abrahæ juravit per semetipsum*, et ideo per semetipsum, quoniam neminem habuit majorem per quem juraret; et quare? Ideo quia majorem non habuit, per se juravit sublet, sed verba jurandi præmittit: juravit, inquam, *dicens*: O Abraham nisi benedicam te, id est incremento virtutum ditavero te in hac vita. Benedicam dico, *benedicem*, id est ita ut in officio benedicendi semper maneam, et nisi multiplicabo te in futura beatitudine remunerando fidem tuam. Multiplicabo, inquam, *multiplicans*, id est non hujus multiplicationis finem faciens nisi hoc fecero, (defectio locutionis) sequatur quodcumque inconveniens. Et sic Abraham certificatus, Abraham ferens longanimitatem, quia et diu et multa adversa sustinuit, *adeptus est tandem re promissionem*, id est sæpe promissam beatitudinem. Ideo juravit quia homo jurat. Ideo per se, quia major eo non est; *homines enim 380 jurant per majorem sui*; ideo Deus post promissionem juravit condescendens consuetudini hominum, quorum eas est certos fieri per jusjurandum, sicut Jesus diebus suis secundum morem illius regionis, in parabolis et similitudinibus loquebatur illis, cum tamen jurare Dei nihil aliud sit, quam immutabiliter stabilire. Homines jurant per majorem sui, et juramentum suum est omnis controversia, id est altercationis eorum, valens ad confirmationem alterius partis, in quo, scilicet per juramentum, *Deus volens abundantius ostendere*. Abundanter enim per promissionem, sed abundantius ostendit per juramentum. Volens ostendere immobilitatem, id est immutabilitatem sui consilii. Consilium Dei fuit (quod vix aliqui cognoverant) per fidem Christi salvare homines.

Hoc, inquam, consilium ostendens immobile *ac redibus pollicitationis*, id est frequentis promissionis, posuit jusjurandum inter promissionem et impletionem medium. Ad hoc posuit, ut per duas res immobiles, scilicet per promissionem et jusjurandum, in quibus impossibile est mentiri Deum, quia nec in altero; per has duas res habeamus solatium fortissi-

*mum, id est quod in omni adversitate fortes nos faciat, volentes ad horam pati ut in æternum regnemus. Jusjurandum dicitur, quasi quod jus est ad jurandum. Perjurium autem non jusjurandum, sed *jus non jurandum* dicitur. In hoc juramento Dei auctoritatem habemus jurandi, ita tamen ut nec superflue juremus, etiam si veritatem dicamus, nec, ubi necesse est, veritatem juramento confirmare deseramus. Habeamus solatum *nos qui confugimus* in omni tribulatione *ad spem* tenetam, non propter adversa deserendam. Spem dico *propositam* jam nobis in Abraham et impletam. Vel *propositam*, id est omnibus in fide sperantibus oblatam. Ille confudit *ad spem*, qui tribulationem spernit gaudio beatitudinis, quam sibi futuram operat. Quam spem *habemus sicut anchoram animæ tutam ac firmam*; ut sicut anchora navim tenet ne submergatur; sic spes animam nostram faciat tutam, ne submergatur consentiendo iniurati, et firmam quod nunquam refugiat pati saltem in minimo titubans. Spem etiam dico incidentem *usque in interiora velaminis*, id est in interiore et velata beatitudinem, quam nemo viventium vidit. Interiora velaminis dicebatur locus Sancta sanctorum quæ post velamen erant. Ante velamen autem locus dicebatur Sancta, in quo stabant sacerdoti, sed ad sancta sanctorum semel in anno ingrediebatur pontifex; quæ interiora velaminis significabant coelestem beatitudinem, nobis in hac vita velatam. Et sicut sperramus illuc utique incidentem, quia ubi, id est in quæ interiora introiit Jesus præcursor, id est præ nobis currens ut eum sequamur, cursor ideo quia nulla culpa cursum ejus aliquando reflexit. Introiit, inquam, pro nobis introducendis. Pro nobis optime dico, quia *factus est pontifex noster duratus in æternum, secundum dignitatem ordinis Melchisedech*.*

CAPUT VII.

Hic enim Melchisedech rex Salem, sacerdos Dei summi, qui obviauit Abrahæ, regresso a cæde regum, et benedixit ei, cui et decimas omnium dicit visit Abraham, primum quidem qui interpretatur rex justitiae, deinde autem rex Salem, quod est rex pacis, sine patre, sine matre, sine genealogia, neque initium dierum, neque finem vita habens; D assimilatus autem Filio Dei, manet sacerdos in perpetuum. Intuemini autem quantus sit hic, cui et decimas dedit de præcipuis Abraham patriarcha. Et quidem de filiis Levi sacerdotium accipientes, mandatum habent decimas sumere a populo secundum legem, id est a fratribus suis, quanquam et ipsi exierunt de lumbis Abrahæ. Cujus autem generatio non adnumeratur in eis, decimas sumpsit ab Abraham et hunc qui habebat repromissiones **381** benedixit. Sine ulla autem contradictione, quod minus est, a meliore benedicitur. Et hic quidem morientes homines decimas accipiunt, ibi autem contestatur quia vivit. Et ut ita dictum sit per Abraham et Levi, qui decimas accepit de-

cimatus est. Adhuc enim in lumbis patris erat, quando obviauit ei Melchisedech. Si ergo consummatio per sacerdotium Leviticum erat (populus enim sub ipso legem accepit) quid adhuc necessarium fuit secundum ordinem Melchisedech alium surgere sacerdotem, et non secundum ordinem Aaron dici? Translato enim sacerdotio, necesse est ut legis translatio fiat. In quo enim haec dicuntur, de alia tribu est, de qua nullus altari praesto fuit. Manifestum est enim quod ex Iuda ortus sit Dominus noster, in qua tribu nihil de sacerdotibus Moyses locutus est. Et amplius adhuc manifestum est, si secundum similitudinem Melchisedech exsurget aliis sacerdos, qui non secundum legem mandati carnalis factus est, sed secundum virtutem vitae insolubilis [dissolubilis]. Contestatur enim, quoniam Tu es sacerdos in æternum secundum ordinem Melchisedech. Reprobatio quidem fit præcedentis mandati, propter infirmitatem ejus et inutilitatem. Nihil enim ad perfectum adduxit lex. Introductio vero melioris spei, per quam proximamus ad Deum, et quantum est non sine jurejurando. Alii quidem sine jurejurando sacerdotes facti sunt; hic autem cum jurejurando per eum qui dixit ad illum: Juravit Dominus et non paenitebit eum: tu es sacerdos in æternum. In tantum melioris testamenti sponsor factus est Jesus. Et alii quidem plures facti sunt sacerdotes, idcirco quod morte prohibenter permanent; hic autem eo quod maneat in æternum, sempiternum habet sacerdotium. Unde et salvare in perpetuum potest, accedens [acecedentes] per semetipsum ad Deum, semper vivens ad interpellandum pro nobis. Talis enim decebat ut nobis esset pontifex, sanctus, innocens, impollutus, segregatus a peccatoribus, et excelsior coelis factus. Qui non habet necessitatem quotidie, quem admodum sacerdotes, prius pro suis delictis hostias offerre, deinde pro populo. Hoc enim fecit semel seipsum offerendo. Lex enim homines constituit sacerdotes, infirmitatem habentes; sermo autem jurisjurandi qui potest legem est, Filium in æternum perfectum.

EXPOSITIO.

Quomodo secundum ordinem Melchisedech, multis interpositis tandem exequitur, dicens: Bene dico Jesum pontificem secundum dignitatem Melchisedech. Hic enim Melchisedech rex Salem, quæ nunc Hierusalem, tunc dicebatur Salem; sed, propter Iesum eam postea inhabitantes, additum est Hierusalem ad Salem, et exinde nomen habuit Hierusalem. Hic, inquam, rex Salem, fuit sacerdos Dei summi, id est non ab hominibus neque per hominem, sed de dignitate sua confidens assumpsit sibi sacerdotium Dei; qui Melchisedech obriam venit Abrahæ regresso a cæde regum, qui Lot nepotem suum ducebant captivum, et ei Abrahæ benedixit Melchisedech, cui benedicenti sibi Abraham dirigit decimas omnium

spoliorum (*Gen. xiv, 20*). Hic *primum quidem dictus* est Melchisedech, qui id est quod nomen interpretatur rex justitiae. Deinde autem dictus est rex Salem, quod est interpretatum rex pacis. Hic iterum Melchisedech, sine patre, sine matre, non quod parentes non habuerit, sed quia Scriptura eum habuisse nullatenus dicit. Fuit etiam sine genealogia, non habens filios vel filias, neque initium dierum habens, neque finem vitae, quod Scriptura loquatur, fortassis serio prætermittens. Hic autem Melchisedech assimulatus in præmissis *Filio Dei*, manet sacerdos, id est sacerdotium ejus durat in perpetuum. Quomodo assimulatus *Filio Dei*, revertentes exsequamur per singula. Melchisedech dicitur rex justitiae : quis autem rex justitiae nisi Christus, qui per procellas mundi, suos regit in justitia. Christus etiam rex Salem, id est pacis : quia, postquam suos in justitia rexit, in pace vera angelorum locatos regere non desinit. Sacerdos Dei summi : quis autem tantus sacerdos sicut Christus, qui propter inobedientiam **382** Patris seipsum obtulit in ara crucis qui obviam venit Abrahæ regresso a cæde quinque regum. Quinque reges, quinque sensus corporis sunt, per quos omnia vitia in homine dominantur, ut, per visum, cupiditas, dum desiderat quod vidit ; et sic per ceteros sensus, juxta quod in Evangelio mulieri dictum est : « Quinque viros habuisti (*Joan. iv, 18*). »

Per Abraham quicunque fidelis intelligitur ; unicuique autem fidei revertenti a cæde hostium, id est vitiorum, per quinque sensus dominantium, obviam venit Christus, dando incrementum boni operis. Legitur etiam ibi obtulisse Abrahæ panem et vinum (*Gen. xiv, 18*), quod hic non habetur ; quæ panis scilicet et vinum, corpus et sanguinem Christi significant quorum participatione et peccata dimittuntur, et suscipiens de futuro contra vitia confortatur. Cui divisit, Abraham (*Ibid., 20*), id est fidelis decimas omnium, id est perfectiones omnes quæ habuit. Quisque enim fidelis omnem perfectionem suam Christo attribuit per decem, qui numerus perfectus est (quia usque ad decem numerus crescit, nec ultra sed a principio recapitulat dicendo, undecim, id est unus et decem) perfectio designatur. Primum quidem dictus Melchisedech, qui interpretatur rex justitiae. Deinde rex Salem quod est rex pacis ; ita Christus prius regit suos in justitia humanæ vitæ ; in alia vita regit eos in pace. Sine patre Christus secundum carnem, sine matre secundum deitatem, sine genealogia, quia filios carnis non habuit, non habens initium dierum, nec finem secundum divinitatem, coæternus Patri. Per præcedentia satis commendata est dignitas Melchisedech, sed nunc etiam ad augmentum dignitatis ejusdem intuemini, quantus sit hic Melchisedech, cui *Abraham patriarcha*, id est princeps patrum nostrorum, Isaac et Jacob, dedit decimas, quasi servus ejusque tributarius, et de præcipuis quæ habebat. Et hoc etiam alio modo intuemini, quantus sit Melchisedech : per

A hoc quod aliqui de filiis Levi accipientes sacerdotium, habent mandatum sumere decimas a populo, nec alio modo auderent, et hoc secundum legem, in qua servi sunt. A populo dico, id est a fratribus suis, qui, propterea quia fratres, libenter tribuunt eis, in hoc quod sumunt decimas, differunt a populo ; quamquam etiam ipsi filii Levi exierint de lumbis Abrahæ, sicut reliqui de populo. Filii Levi sumunt decimas a fratribus, sed Melchisedech generatio, cuius non adnumeratur in eis, id est in Judæis, hic, inquam, sumpsit decimas ab Abraham et benedixit hunc in tempore majoris dignitatis suæ, scilicet, quando jam habebat re promissiones a Deo.

Nunc ex præmissis colligit, Abraham dedit, Melchisedech benedixit, sine ulla contradictione. Nullus enim hoc contradicere potest, quin illud quod minus est benedicetur a meliore. Etiam enim si, secundum aliud, major sit qui benedicitur, in eo tamen constat esse minorem quod ab eo qui benedicit, hoc quod non habebat qui benedicitur, accipit. Hoc etiam modo intuemini dignitatem Melchisedech, quia hic quidem, id est in sacerdotio Levitico mortientes homines accipiunt decimas. Ibi autem in superiori loco Scripturæ contestatur Moyses, quod Melchisedech vivit, dum de vita loquens de morte nil adjunxit. Hoc etiam modo intuemini dignitatem ejus, quia Levi qui decimas accipit, ipse etiam Leviticus ordo decimatus est, id est decimas dedit. Et hoc dico, ut ita dictum sit decimas dedisse Levi per Abraham, id est per materiale causam. Quando enim Abraham decimas dedit, adhuc omnes erant in lumbis Abrahæ. Quod optime sequi videtur. Si enim omnes in Adam peccavimus, quia in lumbis ejus, quando peccavit, eramus, quare Levi dedisse decimas non dicatur, qui in lumbis Abrahæ erat, Abraham dante decimas ? Et vere Levi decimas dedit per Abraham dantem, quia adhuc Levi erat in lumbis patris sui Abrahæ, quando Melchisedech obviam venit ei Abrahæ danti sibi decimas. Si enim tunc temporis **383** esset Isaac, non diceretur Levi tunc in lumbis Abrahæ fuisse, sed in lumbis Isaac : sed quia adhuc erat in lumbis Abrahæ per Isaac, similiter et Levi. Levi dicitur decimatus in lumbis Abrahæ, et non Christus, licet filius sit Abrahæ : quia Christus non secundum concupiscentiam carnis de lumbis Abrahæ natus : Levi autem per legem membrorum, quæ est concupiscentia carnis, de lumbis Abrahæ natus est.

Ostendit superius, sacerdotem esse Christum secundum ordinem Melchisedech, sufficienterque probavit hoc sacerdotium, et tempore et multa dignitate excellentius esse sacerdotio Levi : quod iterum multis modis depressit. Nunc autem commendato sacerdotio Christi, transit ut ostendat quomodo per sacerdotium Christi, Leviticum destruatur sacerdotium : quo destruicio, ex necessitate probat sequi destructionem legis. Littera sic jungitur : Quandoquidem Christus factus est sacerdos secundum ordinem Melchisedech, et hoc sacerdotium omnino præesse

Levitico satis probatum est : Ergo , tu legalis , responde mihi de hoc quod sequitur : Si per sacerdotium Leviticum erat consummatio , id est , habebatur perfecta justificatio . Et bene dico per sacerdotium debere fieri consummationem : quia populus accepit legem existentem sub ipso sacerdotio . In manu enim sacerdotis lex erat , et lex impleri non poterat , nec saltem minimum operari , nisi ministerio sacerdotis . Si , inquam , consummatio erat per Leviticum sacerdotium , quid adhuc postquam vetus sacerdotium consummaret , necessarium fuit dici a propheta David surgere sacerdotem alium a Leviticis , et secundum tribum . Surgere secundum dignitatem ordinis Melchisedech . Et ne ille diceret , utique surgat secundum hunc ordinem ita ut committim teneat ordinem Aaron . Ad hoc ait ita dici secundum ordinem Melchisedech , ut non sit in aliquo secundum ordinem Aaron . Surgere ideo ait quia Levitici sacerdotes depresso erant impotentes excutere , vel a se , vel a populo jugum peccati per legem . Hic autem Christus surrexit , per cuius sacerdotium fideles excutientes jugum peccati ad beatitudinem exsurgunt . Quasi diceret : Si per Leviticum sacerdotium , esset consummatio , frustra surgeret aliud sacerdotium secundum Melchisedech ad consummandum : sed surrexit aliud sacerdotium , Leviticum igitur non consummabat : habemus assumptionem translati sacerdotio , etc .

Littera tamen sic jungitur . Quasi diceret aliquis : Quare dicis legem sub sacerdotio , et sacerdotium esse destructum , surgente alio sacerdote ? Quid per hoc intendis ? Ideo utique dico legem sub ipso , et ipsum Leviticum sacerdotium esse destructum , quia translato sacerdotio , necesse est ut fiat translatio legis ejus sacerdotii , cum lex sit in manu sacerdotis . Destructionem autem legis probare intendo , dum sacerdotium ejus destruo . Vere aliis surrexit sacerdos , et vere sacerdotium est translatum , quod idem est : nam aliis secundum tribum et secundum ritum . Vel quia translatum est , quia et secundum tribum et secundum ritum . Secundum tribum esse translatum prius ostendit , dicens : Vere translatum est , vel vere sacerdos aliis est ; nam Christus in quo , id est in cuius consideratione dicuntur haec ; de alia tribu est , et non de tribu Levi , de qua alia tribu nullus fuit praesto , id est praestabiliter altari . Et vere de alia tribu : quia manifestum est quod Dominus noster Christus ortus sit ex Iuda , in qua tribu Moyses nihil locutus est de sacerdotibus , ut quilibet de illa tribu deberet sacerdos fieri . Translatio autem sacerdotii secundum tribum jam praecesserat in Samuele , reprobatis filiis Heli , qui secundum lineam generis haeredes erant sacerdotii : quae transmutatio significabat veram (quae futura erat in Christo) transmutationem [translationem] . Probat iterum secundum ritum translatum esse sacerdotium quod non amplius visum fuerat ; quia 384 licet tribus reprobaretur , ritus tamen non sunt mutati . Unde ait : Probavi secundum tribum transferri sacerdotium . Adhuc etiam

A manifestum est amplius , id est ampliori et firmiori ratione , quia magis valet probatio de ritu quam de tribu . Manifestum est , inquam , translatum sacerdotium esse , si hoc est quod secundum similitudinem et ritum Melchisedech exsurgat sacerdos alius , sicut prædictum est : qui alius non est factus sacerdos secundum legem mandati carnalis , id est quæ lex sollemodo mandabat et promittebat carnalia : sed factus est sacerdos secundum virtutem , id est deitatem quæ erat in eo .

B Virtutem dico vitæ insolubilis , id est per quam dabant credentibus in se vitam insolubilem , id est æternam . Vel ita : Non est secundum legem mandati carnalis , id est secundum carnalem intellectum legis , sed secundum virtutem ipsius legis , spiritalem , scilicet , intellectum . Virtutem dico vitæ insolubilis , quia spiritalis operatio legis vitam promittit æternam , sicut infirmitas vitam carnalem . Dico translatum est sacerdotium , si surrexit alius sacerdos ; sed sacerdos alius surrexit et hoc ab auctoritate probat , dicens : Vere surrexit alius sacerdos , quia David contestatur , id est mecum vel cum multis aliis Scripturis testatur . Quoniam tu , Christe , es sacerdos in æternum secundum ordinem Melchisedech . Cum deberet dicere , Christus est sacerdos ut fideliter poneret verba prophetiæ , ait : Tu es sacerdos . Causam quare vetus sacerdotium sit destructum , et novum inductum subjungit ne adversarius opponeret . Quare dicas Deum dedisse aliud sacerdotium ad reprobationem veteris , qui vetus utique sacerdotium instituit ? Ad hoc respondens ait : Reprobatio quidem præcedentis mandati fit et veteris legis propter infirmitatem ejus , id est quia etiam tempore quo tenebatur infirma erat : quia et si aliquam non tam perfectam dabat justificationem : reprobata propter inutilitatem ejus : quia jam non solum est infirma si tenetur , sed etiam damnosa . Vere infirmitatem habuit . Tempore enim quo tenebatur lex , nihil adduxit ad perfectum , id est nihil adducere valuit ad perfectionem , quia et si aliqui sub ea fuere perfecti , non per eam , sed per fidem venturi . In eo quod lex dicitur præcedens , significatur aliud deberre consequi ad corrigendam legis imperfectionem . Reprobatio quidem præcedentis mandati , introducitio vero fit melioris . Ut magis commendet , non ait mandati sed spei : quia hoc novum mandatum Christi tale est , in quo habeatur spes , non carnalis sed gloria cœlestis : per quam spem non solum propinquamus , sed etiam proximamus ad Deum . Legem fuisse infirmam , mandatum autem Christi causam esse qua proximemus ad Deum , multum est ad laudem novi sacerdotis . Et quantum hoc iterum est ad commendationem ejus , quod non sine jurejurando Jesus factus est sacerdos : Alii quidem , id est Levitici facti sunt sacerdotes sine jurejurando , tanquam illud quod deberet mutari : hic autem Jesus cum jurejurando , factus est sacerdos per eum , id est per Deum Patrem , qui dixit ad illum Jesum : Tu es sacerdos in æternum . Et quod sacerdotium tuum sit in

æternum : *juravit Dominus et de hoc non paenitebit* A id est non immutabit tuum sacerdotium. Ait quidem David, Deum hoc jurasse, sed ubi, vel quando, vel quibus verbis hoc juraverit non ait. In quantum cum jurejurando Jesus, illi autem sine jurejurando, et in quantum per Jesum proximanus ad Deum, et per legem nemo adduciebatur ad perfectum, instantum Jesus *sactus est sponsor*, id est firmator et assertor *testamenti melioris*, id est meliora, quia æterna, promittentis. Sicut promissis sic etiam hac dignitate quæ sequitur : Jesus Leviticos sacerdotes præcellit, quia *alii quidem*, id est Levitici sacerdotes facti sunt plures. Idcirco plures *quod permanere in vita prohiberent morte superveniente*. *Hic autem Christus habet sempiternum sacerdotium, eo quod maneat in æternum*. Unde quia manens in æternum sempiternum habet sacerdotium, *salvare etiam potest in perpetuum*, 385 cum constet mortales legis sacerdotes tempore sacerdotii sui potuisse aliquas salvationes conferre.

Ostendo quomodo, per sacerdotium Christi, vetus sacerdotium, et lex destruatur, et ipso sacerdotio Christi satis commendato, commendat etiam nunc actum et exhibitionem sacerdotalis officii in Christo, deprimento per contrarium operationem veteris sacerdotij, dicens : *Potest Jesus salvare in perpetuum, ipse, dico, accedens ad Deum, non per alienas hostias animalium, sed per semetipsum, hostiam vivam in ara crueis oblatum*. Jesus, dico, *semper virens ad interpellandum Patrem pro nobis*, quia caro ejus ad hoc semper in cœlis vivit, ut representatione sua jugiter pulset Patrem pro nobis. Dico accedens per semetipsum ; *decebat enim et necessarium erat ut talis, et per semetipsum accedens, esset nobis pontifex, sanctus in se possessione virtutum, innocens ad proximum, et, cum sanctus habitu bonorum, impollutus etiam absentia vitiorum*. Nec modo impollutus ut aliquando fuerit pollutus, sed omni die segregatus a peccatoribus, id est a grege peccatorum segregatus, *sactus etiam excelsior cœlis, id est omni cœlesti creatura*. Qui pontifex talis et talis non habet necessitatem quotidie offerre pro se, quemadmodum sacerdotes Levitici necessitatem habent offerre hostias, prius intercedentes pro suis delictis, deinde pro delictis populi. Non ait quotidie, quasi aliquo die necesse sit Christo offerre pro se, sed ut removeat a Christo quod attribuit illis quotidie habentibus necessitatem offerendi pro se. Non habet Christus necessitatem hanc. *Hoc enim, scilicet offerre, fecit semel, non tamen pro suis, sed pro delictis populi ; fecit, inquam, offerendo se*. Et ejus semel facta oblatio sufficiens fuit omnibus ad remissionem omnium. Quare non est necesse ut iteretur. Sacerdotes illi habent necessitatem quotidie offerendi pro se, quia lex sacerdotes constituit homines habentes infirmitatem et fragilitatem naturæ et peccati. Lex tales constituit sacerdotes, *sed sermo juris-jurandi qui post legem datum per David dictus est, constituit sacerdotem non hominem, sed Filium Dei*

non habentem infirmitatem, sed duraturum in æternum et perfectum.

CAPUT VIII.

Capitulum autem super ea quæ dicuntur. Talem habemus pontificem, qui consedit in dextera sedis magnitudinis in cœlis, sanctorum minister, et tabernaculi veri, quod fixit Deus, et non homo. Omnis enim pontifex ad offerenda munera et hostias constituitur. Unde necesse est et hunc habere aliquid quod offerat. Si ergo esset super terram, non esset sacerdos, cum essent qui offerrent secundum legem munera ; qui exemplari et umbras deserviunt cœlestium, sicut responsum est Moysi, cum consummaret tabernaculum. Vide, inquit, omnia facito secundum exemplar, quod tibi ostensum est in monte. Nunc autem melius sortitus est ministerium, quanto et melioris testamenti mediator est, quod in melioribus remissionibus sancitum est. Nam si illud prius culpa vacasset, non utique secundi locus inquiretur. Vituperans enim eos dicit. Ecce dies venient, dicit Dominus, et consummabo super dominum Israel et super dominum Juda testamentum novum : non secundum testamentum quod feci patribus eorum in die qua apprehendi manus illorum, ut educerem illos de terra Egypti, quoniam ipsi non permanerunt in testamento meo, et ego neglexi eos, dicit Dominus. Quia hoc est testamentum quod disponam domui Israel post dies illos, dicit Dominus : Dando [dato] leges meas in mentem eorum ; et in corda eorum superscribam eas, et ero eis in Deum, et ipsi erunt mihi in populum. Et non docebit unusquisque proximum suum, et unusquisque fratrem suum, dicens : Cognosce Dominum, quia omnes scient me, a minore [minimo] usque ad maiorem eorum ; quia propria ero iniuriantibus eorum, et peccatorum [peccatum] illorum jam non memorabor [commemorabor]. 386 Dicendo autem novum, veteravit prius. Quod autem antiquatur et senescit, prope interitum est. »

EXPOSITIO.

Quasi pauca dixisset de hoc sacerdote, breviter complectitur modo dignitatem ejus, super hoc quam in præmissis complexus sit. Quasi diceret : Mula quidem dixi de laude hujus sacerdotis, sed nunc faciam capitulum, id est brevem multorum complexionem. Capitulum dico, super ea, id est superius et dignius ad laudem Christi continens quidem ea omnia quæ dicuntur in præmissis ; hoc, inquam, est capitulum. Nos habemus talem pontificem qui jamdiu est ; quod consedit cum Patre quiescens et iudicans. Consedit dico in dextera, id est in aequalitate sedis magnitudinis, id est sedentis divinitatis. Magnitudo enim Pater dicitur qui similiter sedens quiescit et iudicat. Consedit dico in cœlis, id est vel super illos materiales cœlos, vel super thronos et dominationes. Hic pontifex dico ibi minister sanctorum. In cœlis enim ministrat gloriam

per Sancta sanctorum significatam, minister et jam ibidem veri tabernaculi, id est veritatis, quam tabernaculum vetus præfigurabat, scilicet justitiam in praesenti Ecclesia, gloriam in futura. Quod verum tabernaculum fixit Dominus in æternum perman- suram; illud vero umbratile legis tabernaculum, non fixum, sed erat portable de loco ad locum. Diceret Iudeus: Et legale quidem tabernaculum fixit Dominus per ministrum Moysen. Utique ait Paulus, sed hoc fixit Dominus, ita quod non fuit hic cum eo cuius ministerio figeret; sed propriam personam fixit. Vere Christus minister est; nam *omnis pontifex constituitur ad ministrandum, scilicet ad offerenda munera et hostias*. Unde quia omnis pontifex constituitur ad offerendum, *necessa est hunc etiam pontificem Christum habere aliquid quod offerat*, et cum *necessa sit eum habere aliquid ad offerendum*, aut illud erit super terram, aut coelestie, sed non super terram. Si enim *super terram*, jam *non esset sacerdos*, nedium pontifex. Ergo coeleste erit quod offerret. Super terram esse dicit quidquid in carnalibus et pro carnalibus offerret. Si esset super terram quod Jesus offerret, non solum nego cum pontificem, sed nec esset sacerdos; frustra enim in carnalibus sacerdos esset, cum essent multi sacerdotes qui offerrent *munera secundum legem*, id est super terram. Diceret iste: Multi quidem sunt offerentes, sed quia nemo sic digne possit offerre, bonum erat ut Jesus offerret secundum legem, et hoc removet, dicens: Cum essent qui secundum legem offerrent, et qui deserriant exemplari. Exemplar dicitur illud ad cuius similitudinem fit aliquid. Exemplum autem similitudo, quæ ab exemplari capitur. Quando Deus Moysen vocavit in montem, ibi revelavit ei omnem (quæ implenda erat) de cultu Dei veritatem. Sed Deus cum Moyse intelligens populum illum carnalem non statim posse capere spiritum, dixit Moy- si, ut, sicut veritatem quam ibi videbat, faceret figura illi populo carnali in quibus puerilis populus tardi enatriretur, donec de pueritia figurarum transire posset ad maturitatem virtutis, et hoc modo veritas prius ostensa exemplar fuit figurarum factarum, ad similitudinem prius ostensa veritatis.

Iterum alio respectu figure dicuntur exemplar veritatis, secundum impletionem illius, ad similitudinem figurarum præcedentium, et secundum hunc modum figuræ hie vocat exemplar. In sequentibus autem veritatem prius in monte Moysei revelatam, exemplar vocat respectu figurarum ad similitudinem ostensa virtutis [veritati] inventarum. Deserviunt, inquam, exemplari, id est figuris, et quia exemplar quandoque est veritas, non figura, addit et *umbrae*, quia illæ figure, exemplar erant, non veritatem, sed *umbram* habentes veritatis, per Christum leviter depellendam. Cum essent, inquam, qui deser- viunt *umbrae cœlestium*, ita complendo omnia, sicut a Deo responsum est Moyse, et cum illi sa- cerdotes **387** bene legem implerent: frustra Jesus hoc sacerdotium assumeret. Responsum est Moysi

A non cum inciperet, sed cum consummaret *tabernacu- lum*. Quasdam enim figuræ per se invenire potuit: sed cum omnes per se non posset invenire, rever- sus est ad Deum, ut sicut de veritate, sic de figuris edoceretur. Cui Dominus inquit: *Vide, Moyses, facio omnia*, id est figuræ omnes secundum exemplar, id est secundum veritatem, *quod exemplar ostensum est tibi in monte*: illi habent ministerium deservire exemplari et *umbrae*; sed *Jesus sortitus est ministe- riū melius*: quia et in spiritualibus ministrat, et spiritualia dat. Sortitus dico nunc postquam ostensum est eum non offerre, quod sit super terram. Ministerium dico tanto melius quanto et ipse Jesus dator est testamenti *melioris*, id est meliora, quia æterna promittentis. Et non ait dator, sed mediator, quoniam medius inter Deum et hominem a Deo accipit, quod homini tribuit. Quod testamentum *sancitum*, id est confirmatum, est duraturum in æternum. Sancitum dico *repromissionibus*, id est multis ac diversis pollicitationibus. Repromissioni- bus dico *melioribus* sicut æpe dictum est. Dixit ibi: Christus est dator melioris testamenti, et hoc probat dicens: Vere testamentum Christi melius est testamento priori. Nam illud prius testamentum non vacavit a culpa, Christi autem testamentum va- cat a culpa. Si enim illud prius testamentum vacas- set a culpa, non daretur secundum testamentum; sed quis secundum datum est, appareat primum fuisse imperfectum, et secundum perfectum. Fra- stra enim prius testamentum destrueretur, nisi esset imperfectum. Et frustra secundum daretur ad correctionem prioris imperfecti, si non esset perfec- tum. Quod ita ait: Si illud prius testamentum va- casset a culpa, non ait si homines sub illo vacassent a culpa, sed illud ipsum testamentum vacasset, id est vacuum esset a culpa; in hoc enim ipsa lex non esse vacua videbatur a culpa, quam præcipiebat et gratiam adjutricem quam ministraret non habebat: sic omnes legales faciens culpabiles.

Si, inquam, illud prius vacasset a culpa (idem pro certo dico vobis) non inquireretur locus, id est opportunitas secundi testamenti dandi. Inquireretur ideo ait quia Deus primum per Noe, deinde per pa- triarchas, postea per legem et prophetas; in lege D paulatim instruendo carnalem ruditatem hominum, inquirebat locum, quo, illis ad perfectionem instruc- tis, opportune daret spiritale testamentum. Si, in- quam, prius testamentum vacasset a culpa, non in- quireretur locus secundi testamenti. Sed locus se- cundi inquiritur, et hoc probat per testimonium Jeremiae dicentes: Vere inquiritur. *Nam Spiritus sanctus vituperans eos legales, dicit per Jeremiam. Ecce veniant paulatim propinquando magis ac ma- gis dies. Tempus Christi dies vocat, quia veniente Christo, tenebræ pulsæ sunt*. Et illuxit dies, id est veritatis cognitio. Et hoc quod veniant hi dies: non ego, sed Dominus dicit: credit illi, et in diebus illis consummabo, id est dabo testamentum novum, quod erit consummans vetus: quia ad perfectum

adducens : quomodo novum satis in sequentibus determinabit. Consummabo, inquam, illud in domo Israel et in domo Juda. Ad litteram per Israel et Judam, Iudei tantum intelliguntur, sed secundum interpretationes vocum, omnis videns et confitens Deum intelligitur. Israel et Juda dividit, quia post mortem Salomonis, qui in utrisque regnum habuit, Roboam filius ejus tribum Juda et dimidiam tribum Benjamin tantum habuit, et aliae tribus Israel ab eo die, recedentes ab eo adhaeserunt Jeroboam (*III Reg. XII, 19*). Hoc testamentum novum *dabo super dominum*, id est ut quasi de supernis veniens dominetur *Israel et Iudea*: et non sit quasi lex vetus ancilla in manu sacerdotis. Et quia posset esse testamentum novum, quia nova terrena promitteret et præciperet, determinat hoc dicens : Novum ita ut non sit secundum illud testamentum **388** quod ego feci patribus eorum. Et quia quibusdam patribus, ut Abraham, spiritale testamentum fecerat, ideo determinans ait quod feci in die qua apprehendi manum illorum, ut educerem illos de terra Aegypti. Apprehendi manum, ea similitudine dicit quia aliquis manum in luto jacentis, et per se surgere impotens apprehendit, et erigit; sic Deus eos per se impotentes apprehendit, et de ærumna Aegyptiorum extraxit.

Quomodo eos vituperaverit nunc ait : Ego quidem apprehendi manum eorum, sed quoniam ipsi non permanerunt in testamento meo, ipsi neglexerunt me, et ego neglexi eos : et si dico vos neglectos a Deo, ne molesti sitis mihi : quia hoc dicit Dominus : Vere dabo testamentum novum, et non secundum illud quod dedi patribus eorum : quia hoc est testamentum quod ego disponam, id est ordinabiliter dabo domui Israel, id est omnium videntium Deum, nec modo, sed post dies illos determinatos, et hoc iterum credite : quia sic dicit Dominus. Disponam utique dando leges meas in mentes, id est in intelligentias eorum, nec solum disponam, sed etiam scribam eas, ut in eterno maneant, in corda, id est in voluntates eorum : quia et intelligent et ex voluntate leges meas operabuntur. Scribam dico quasi illud quod superesse debet eisque dominari, et postquam in mente et in corde eorum leges meas scriptas habebunt; ero eis in Deum, quia dicetur : Vere Deus in istis habitat, qui tot resurgent miraculis, et ipsi erunt mihi in populum : quod dicetur de eis. Hi revera sunt populus Dei. Hæc pars prophetæ impletur in hoc mundo; quod sequitur impletum restat in futuro. Erunt mihi in populum, et non docebit unusquisque proximum suum. Diceret aliquis fortassis, quia non curabit de eo, ideo addit nec unusquisque docebit etiam fratrem suum, quem multum diligit, dicens ita : Frater, cognosce Deum. Ideo alter non docebit alterum, quoniam scient me a minore usque ad majorem eorum. Hoc autem complebitur in die judicii, quando etiam impii constibuntur Christum Filium Dei. Notant sancti, quod ait a minore usque ad majorem.

et non e converso : ut

A ostendat omnes tune perfecte Deum cognoscere; a minore enim hoc impossibile est doceri majorem. Et ero eis in Deum, omnes iterum scient me, et hæc omnia faciam eis, quia propitus ero iniquitatibus eorum, et jam non memorabor peccatorum illorum. Iniquitates ait, quando non servant æquitatem ad proximum suum; peccata, quando in seipsis male agunt. Vel ut peccatum et iniquitatem idem accipimus, ita dicimus, dicit : Propitius ero iniquitatibus eorum. Et quia propitatio dici posset, si absque ultione dimitteret in presenti, ideo addit : Ita propitius ero quod jam ultra non memorabor peccatorum eorum in futuro. Habent quidam libri, peccatum illorum, et secundum hanc litteram intelligitur originale. Ab hoc loco incipit Paulus. Dixit propheta : Dabo testamentum novum. *Dicendo autem novum, veteravit prius testamentum in activa significacione.* Vel veteravit, id est vetus factum est prius testamentum, in passiva. Et bene dico veteravit prius, quia prope interitum est : quod ita ait : *Quod autem antiquatur sicut in animatis, et senescit, sicut in animatis, omne hoc est prope interitum.* Senectus enim et antiquatio prænuntiaz sunt mortis.

CAPUT IX.

Habuit quidem et prius justificationes cultæ et sanctum sæculare. Tabernaculum enim factum est primum : in quo erant candelabra, et mensa, et propositio panum quæ dicitur Sancta. Post velamentum autem secundum tabernaculum, quod dicitur Sancta sanctorum, aureum habens thuribulum, et arcum testamenti circumiectam ex omni parte auro, in qua urna aurea habens manna, et virga Aaron quæ fronduerat, et tabulæ testamenti, **389** superque eam erant Cherubim gloriosi obumbrantia propitiatorium ; de quibus non est modo dicendum per singula. His vero ita compatis, in priori quidem tabernaculo semper introibant sacerdotes sacrificiorum officia consummantes. In secundo autem semel in anno solus pontifex, non sine sanguine, quem offerret pro sua et populi ignorantia ; hoc significante Spiritu sancto nondum propalatam esse sanctorum viam, adhuc priore tabernaculo habente statum. Quæ parabola est temporis instantis, juxta quam numeræ et hostiæ offeruntur, quæ non possunt iuxta conscientiam perfectum facere servientem, solummodo in cibis et in potibus, et in variis baptismis, et justitiis carnis usque ad tempus correctionis impositis. Christus autem, assistens pontifex futurorum bonorum, per amplius et perfectius tabernaculum non manufactum, id est non hujus creationis, neque per sanguinem hircorum [taurorum] aut vitulorum, sed per proprium sanguinem introivit semel in sancta, æterna redemptione inventa. Si enī sanguis hircorum et taurorum et cinis vitulæ aspersus inquinatos sanctificat ad emundationem carnis, quanto magis sanguis Christi, qui per Spiritum sanctum semet ipsum obtulit immaculatum Deo, emundabit con-

scientiam nostram ab operibus mortuis ad ser-
viendum Deo viventi. Et ideo novi testamenti me-
diator est, ut morte intercedente in redemptionem
earum prævaricationum quæ erant sub priore tes-
tamento reprobationem accipiant qui vocati sunt
eternæ hæreditatis. Ubi enim testamentum est,
mors necesse est intercedat testatoris. Testamen-
tum enim in mortuis confirmatum est. Alioquin
nondum valet, dum vivit qui testatus est. Unde
nec primum quidem sine sanguine dedicatum est.
Lecto enim omni mandato legis a Moyse universo
populo, accipiens sanguinem vitulorum et hircor-
rum cum aqua et lana coccinea et hyssopo, ipsum
quoque librum et omnem populum aspersit, di-
cens : Hic sanguis testamenti, quod mandavit ad
vos Deus. Etiam tabernaculum et omnia vasa
ministerii sanguine similiter aspersit. Et omnia
pene in sanguine secundum legem mundantur,
et sine sanguinis effusione non fit remissio. Ne-
cessere est ergo exemplaria quidem cœlestium his
mundari; ipsa autem cœlestia melioribus hostiis
quam istis. Non enim in manufactis sanctis Jesus
introit exemplaria verorum, sed in ipsum cœ-
lum, ut appareat nunc vultui Dei pro nobis. Ne-
que, ut sepe offerat semetipsum, qnemadmodum
pontifex intrat in sancta per singulos annos in
sanguine alieno. Alioquin oportebat eum frequen-
ter pati ab origine mundi. Nunc autem semel in
consummatione sacerdotum, ad destitucionem
[destructionem] peccati per hostiam suam appa-
ruit. Et quemadmodum statutum est hominibus
semel mori, post hoc autem judicium; sic et
Christus semel oblatus est ad multorum exhaus-
tienda peccata. Secundo sine peccato apparebit
expectantibus se in salutem per fidem [deest per
fidem].

EXPOSITIO.

Sed licet prius testamentum sit prope interitum;
tamen *habuit quidem etiam prius* testamentum *jus- tificationes* non veras, sed pro modo *culturæ* suæ,
id est carnales, quia carnalis erat cultus, et *habuit*
sanctum non spiritale, sed *sæculare*, quia ab homi-
nibus quidem putabatur ibi sanctitas, quæ tamen
non erat, et hoc probat. Vere prius testamentum ha-
buit sanctum, nam tabernaculum primum habuit et
secundum. Quod ita ait : *Factum est primum taber- naculum, in quo primo erant candelabra*. Licet plura-
liter dicat candelabra, unum tamen erat candelabrum,
habens hastile in medio, in quo innitebantur
sex brachia, tria a sinistra (*Exod. xxv, 32*); et
erat in illo tabernaculo *mensa* statim post introitum,
et super hanc mensam erat *propositio panum*, id
est duodecim panes Deo per sanctificationem pro-
positi, de quibus si forte per necessitatem aliquis
absumeretur (hic enim sanctificatus panis erat ne-
cessarius ad sacrificia) paratus erat panis similiter
de simila, qui statim loco assumpti substituebatur.
Hi autem duodecim panes in Sabbatho ponebantur:
quibus in sequenti Sabbatho ablatis, alii duodecim

A restituebantur (*Ibid., 30*). *Quod* tabernaculum conti-
nens hæc dicitur **390** *Sancta*. Erat autem extra hoc
tabernaculum altare subdio, super quod immolabantur
animalia. Post velamentum autem erat secundum
tabernaculum. Velum enim interpositum fuerat,
quod prius tabernaculum a secundo separabat. Quod
secundum tabernaculum dicitur *Sancta sanctorum*.
Secundum tabernaculum dico *habens thuribulum*
aureum, et habens *arcam testamenti*, id est conti-
nens testamentum, in circuitu *tectam auro*. Et quia
exterius circumiecta posset esse auro et non intei-
rius, ideo addit tectam auro *ex omni parte* et intus
et extra; *in qua* arca erat *urna aurea*, id est gomor
de auro factum, *habens manna*, ut memoriter tene-
rent quo pane Deus paverat eos in deserto. *Et erat*
in eadem arca *virga Aaron*, quæ fronduerat, id est
per quam electus est in sacerdotem, et erant ibi-
dem *tabulae testamenti*, in quibus lex scripta fuit, et
super eam arcam erant *cherubim*, id est duo angeli.
Cherubim dico *gloriae*, id est gloriose decorata, et
illa Cherubim erant *obumbrantia propitiatorium*. Ta-
bula erat super arcam quæ dicebatur propitiatori-
um, eo quod inter duo cherubim super eamdem
tabulam confixa apparere solebat angelus, dans di-
vina responsa. Et in hoc secundo tabernaculo erat
altare incensi; in templo vero erant duo tabernacula
quæ velum interpositum dividebat. Erat in primo
tabernaculo juxta introitum mensa, et super eam
duodecim panes, et super singulos eorum thus.
Erat et candelabrum ex una queaque, parte habens
tria brachia medio stipiti cohærentia, in quibus
brachiis erant sphæruleæ: post sphæruleas lilia, post
eas scyphuli.

Primum itaque tabernaculum Ecclesiam fide-
lium quæ in mundo est significat, in qua ministri
Ecclesiæ orationes quaque die offerunt et sacri-
ficia. Mensa autem in templo juxta portam, Scrip-
tura divina intelligitur, quæ per fidem intran-
tibus Ecclesiam pro eorum capacitate ministratur.
Panes vero duodecim sunt duodecim apostoli, quo-
rum doctrina fideles in Ecclesia resciuntur. Hoc
autem quod superveniente aliqua necessitate aliquis
de panibus sumebatur, et aliis substituebatur loco
illius, scilicet significat quod, aliquo apostolorum vel
D suorum successorum de mundo ablato, alias qui
ejus vice fungatur, loco illius substitui debet. Qui
panes omnes in Sabbatho absuntur: quia post
quam ad veræ gloriæ requiem in die judicii perve-
nietur, jam nullum episcopi officium vel ecclæ-
siasticæ curæ exercebitur. Hi panes de simila di-
cuntur fuisse, quia in apostolis nihil nisi in-
nocentiae puritas et virtutum perfectio fuit, neque
in eorum successoribus debet esse. Thus autem su-
perpositum, cuius odor jucundus est, orationes sunt
eorum, quæ Deo acceptabiles sunt, et suis subjectis
jucundæ et utiles. Hastile vero candelabri, cui tria
brachia ex dextera parte inhærebant et totidem ex
sinistra, Christus est, cui quasi firmo stipiti tam ve-
teris Ecclesiæ fideles quam novæ inhærent, et hoc to-

tum quod sunt vel fuerunt ex eo habent. Tres enim rami qui ex dextera parte sunt, tres ordines fidelium hujus Ecclesiae (quæ dignior est quam vetus) ostendunt, hos habes in Evangelio ubi dicitur : « Duo erunt in lecto : unus assumetur, alter relinquetur. » Duo in agro, unus assumetur, alter autem relinquetur. Duo in molendino, unus assumetur, et alter relinquetur (*Luc. xvii.*, 34, 35). Duo in lecto, continent, quorum illi relinquentur qui vel pro favore mundi abstinentes, vel pro Deo hoc facientes, tamen deficiunt. Illi autem qui pro Christo hoc faciunt et perseverant, in gloria assumuntur; duo in agro, sunt laborantes in Ecclesia quæ Dei ager est, quorum (sicut de aliis dictum est) quidam ad gloriam assumentur, quidam ad poenam relinquentur; duo in molendino, demonstrant hujus seculi possessores in volubilitate mundanarum rerum manentes, qui laborant quomodo vir placeat mulieri, et mulier viro. Horum illi relinquentur, quod ipsius mundi delectatio in criminis et perniciem trahit. **391** Illi vero assumentur, qui in criminis non incidunt, et de mammona iniquitatis amicos sibi faciunt (*Luc. xvi.*, 9).

Illi autem tres rami, qui sinistram partem inhærent, tres ordines fidelium sub veteri ostendunt : quos habes per Danielem, per Noe, per Job. Daniel enim qui vixit casto, continentis sub veteri lege ostendit. Noe vero fabricator et artifex arcae Domini, doctores legis præsignavit. Job vero qui in conjugio et rerum possessione fuit, demonstrat illos qui in coniugiosis et rebus mundanis Deo placuerint. In omnibus autem his ramis erant sphærulae, quia rotunditas perfectionis erat in omnibus, et æqualitas justitiae. Has autem sphærulas lilia sequebantur, quia postquam aliquis perfectus est gratus odor Deo, et in Ecclesia exemplo bonorum operum redolens efficitur. Post lilia vero succedunt scyphuli, quia cum aliquis probatur perfectus, et exemplo bonæ operationis tanquam lillum sua odore cognoscitur, restat ut efficiatur prædictor, et catholicae doctrinæ indigentibus propinator. Qui operatione et doctrina talis effectus, et seipsum igne charitatis accedit, et aliis lumen in tenebris ostendit. Secundum autem tabernaculum a primo veli interpositione dividetur, in quod pontifex solus et semel in anno cum sanguine ingrediebatur.

Tabernaculum illud cœlestis Ecclesia est. Illud autem obtegitur velo, quia dum sumus in hac adhuc mortali carne vel Ecclesia, quæ et quanta Deus suis præparet ignorantiae cæcitate cognoscere non possumus. Pontifex autem qui semel in anno, et cum sanguine introibat, Christus est, qui, in perfectione temporum semel sanguinem suum offerens, viam cœlestis patriæ nobis initivit. Quod vero ipsa hostia uno quoque anno reiterabatur, imperfectionem ipsius hostiæ ostendebat, et ex ipsa sua iteratione aliam hostiam quam iterari non oportet, expesciari præcipiebat. Thuribulum aureum Christus est, qui in eo quod perfectam sapientiam habuit, et de-

A mundanis et de cœlestibus jure aureus fuisse dicitur. In eo autem quod igne charitatis in Deum et in proximum plenus fuit, et jucundum orationum odorem pro mundo Deo effudit, thuribulo jure assimilatur ignem continentis, et odorem thuris in superiora emitenti. Idem etiam est arca testamenti, id est in qua reservabatur testamentum et latebat, quia in sapientia Patris, cum qua idem personaliter erat, præcepta veteris legis et novæ latebant, et jam ex ejus dispositione pendebant; qui etiam ea claudit et nemo aperit, aperit et nemo claudit (*Apoc. iii.*, 7). Haec arca omni parte tam interius quam exterius auro tecta erat, quia ipse et anima et corpore omnium consummatione virtutum enituit, et nulla ei defuit justitia. In hac arca erat urna aurea, quia B in corpore Christi erat vera et humana anima, et eadem omni virtute et perfecta sapientia plena. In urna erat manna absconditum, quia in anima Christi est ipsa divinitas; que est panis et refæctio angelorum. Erant etiam in arca virga Aaron et tabulæ Testamenti. Virga Aaron verum significavit sacerdotium. Tabulæ Testamenti corda eorum sunt, in quibus legis præcepta insident et quiescent.

C Sunt itaque in arca virga Aaron et tabulæ Testamenti, quia in Christo verum est sacerdotium, et unusquisque fidelis; unde in Evangelio ait : « Manete in me, et ego in vobis (*Joan. xv.*, 4). » Super arcam erat tabula quæ vocabatur propitiatorium, in qua Deus apparet per angelum propitiabatur peccatis eorum. Super propitiatorium, duo cherubim semper inclinato vultu illud aspicientia, et conjunctione alarum suarum desuper extensarum illud obumbrantia. Idem Christus propitiatorium est, secundum quod ab eo quæ volumus, postulamus, et sua misericordia nostris peccatis, propitiatur. Super eum sunt duo cherubim, quia etiam altiores coelorum virtutes ei innituntur, et firmamentum suæ stabilitatis habent illum. Eadem cherubim propitiatorium semper aspiciunt : **392** sed desuper obdurant, quia cœlestes virtutes misericordiam Dei semper contemplantur, sed, quo intentius eum aspiciunt, tanto obscurior et magis ignotus efficitur, « quoniam misericordia Domini abyssus multa (*Psal. xxxv.*, 7). » D In arca autem quatuor erant annuli, in quibus vectes immitebantur, et sic arca quo res poscebat deferabatur. Quatuor annuli, quatuor sunt Evangelia; vectes, sancti predicatores, qui, in doctrinam Evangelii immissi, et Christum et ejus fidem quo Deus vult et præordinat deferunt. Hoc autem, quod de lignis setim (quæ imputribilia sunt) facta est, corpus Christi post passionem immortale et impassibile futurum præsignavit. Hæc in primo et secundo sunt tabernaculo (*de quibus non est modo dicendum*) cundo per singula eorum interpretanda. De singulis quidem non est discendum, sed de his ita compositis est dicendum hoc, scilicet quod in prima quidem tabernaculum semper introibant sacerdotes consummantes officia sacrificiorum id est perficientes

sacrificia secundum ritum officii sui in prius semper.

Sed in secundum tabernaculum semel in anno introiba solus pontifex, et non sine sanguine, quo accepto, de animali foris immolato, tingebat de eo cornua altaris incensi; quem sanguinem offert sacerdos pro ignorantia sua, et pro ignorantia populi dimittenda, Spiritu sancto significante per hoc quod in prius omnes introibant, in secundum nullus prout solum pontificem, viam sanctorum nondum esse propalatam, id est sanctos non posse introire in caelos, quae via propalanda erat eis in Christo eo resurgente. Et adhuc quando nondum propalata erat via sanctorum, sed Abraham et omnes sancti tenebantur in tenebris, tunc, inquam priore tabernaculo habente statum. Donec enim via sanctorum, Christo celebrante novum Pascha, propalata fuit, vetus lex statum suum ex Deo habuit. Quae omnia de omni priori et vero tabernaculo est parabola instantis temporis, id est figura pertinens ad hoc tempus quod nunc instat, quia quidquid ibi figuratum fuit, nunc in Christo impletum est. In prius tabernaculum semper introibant sacerdotes consummantes sacrificia, quia in praesentem Ecclesiam quotidie introimus consummantes spirituale sacrificium Christi. In secundum autem tabernaculum pontifex semel ingrediebatur in anno, quia Christus verus pontifex ingressus est in coelestem Ecclesiam semel, non ulterius reversurus a gloria. Quod verus sacerdos singulis annis, introitum illum secundi tabernaculi reiterabat, verum pontificem Christum nondum introisse in suum tabernaculum in caelis, sed adhuc intraturum exspectabat. Legalis pontifex non introbat sine sanguine, quia Christus non penetravit caelos, nisi prius sanguine suo effuso in redemtionem omnium; quem sanguinem Christus obtulit non utique pro sua, sed pro totius populi delenda ignorantia. Justa quam parabolam, id est figuram offeruntur in veteri lege munera, id est minores oblationes.

Offeruntur etiam hostiae animalium. Sic in hac praesenti Ecclesia munera nostra sunt orationes in odorem suavitatis Deo, et hostiae sunt illi qui pro Christo mactantur, ut Laurentius, etiam qui scipios mactant jejuniis, vigiliis, et multimodis afflictionibus. Quae munera et hostiae in veteri lege non possunt facere perfectum servientem in his. Et si perfectus est secundum reputationem hominum, non tamen perfectus iuxta conscientiam suam, quia se reum sceleris factum, et non mundatum per legalia, conscientia sibi jugiter insusurrat. Nec mirum si non perfectum, quia servientem dico illum solummodo in cibis et in potibus: quia copiose manducat et potat, et in variis baptismatibus, id est ablutionibus factis secundum ritus legalium; servientem etiam in justitiis, sed carnis, quia carnales sunt illae justitiae; corpus quidem a poena legis liberantes, sed animam in vinculis peccati deserentes. Justitiis carnis,

393 *dico, impositis ut durarent usque ad tempus*

A *correctionis*, id est usque ad Christum, perfectione testamenti cuius corrigeretur imperfectio veteris. Munera et hostiae legales neminem possunt facere perfectum, sed Christus inventit aeternam redemtionem, quod est dicere Christus facit perfectum. Sed per quid aeternam redemtionem invenerit praemittit dicens: *Christus assistens*, non determinat cui assistat. Et possumus dicere: *Christus assistens Patri representatione sua, semper interpellans pro nobis*. Vel *Christus assistens, pro nobis ericens infirmitatem nostram ad coelestia, porigendo nobis manum auxilii*. Christus, inquam, assistens pontifex non carnarium, sed bonorum futurorum, id est coelestium. Vel bonorum futurorum, id est praesentis justitiae et aeternae beatitudinis; quae omnia tempore legis futura erant. Christus, inquam, pontifex talis introivit tabernaculum, nomine significantis designat significatum.

B *Tabernaculum dico per amplius*, quia si illud vetus mille vel plura millia hominum capiebat, coeleste tabernaculum etiam per amplius est late capiens infinitatem omnium ingredientium in illud. Tabernaculum perfectius, quia in illo tabernaculo totius beatitudinis accipitur perfectio. In legali tabernaculo ubique erat imperfectio. *Tabernaculum dico, non manu factum*; et ue quilibet hoc perverse acciperet, putans non esse factum manu, id est operatione Dei, determinat dicens: *Id quod dico non manu factum, est dicere illud tabernaculum non est hujus*, id est humanae creationis, sicut vetus. In quo mulieres nebant cortinas, fabri in genere suo operabantur, et similiter ceteri artifices. *Introivit* quidem hoc tabernaculum neque per sanguinem hircorum et vitulorum effusum, quod opportebat fieri in introitu secundi tabernaculi, sed introivit per proprium sanguinem effusum in coeleste tabernaculum, scilicet in Sancta sanctorum. *Introivit* utique; *semel*, et per sanguinem semel effusum. Quod enim semel introire et sanguinem semel effundere dicit, significat perfectionem ejus sacrificii; quod non oportuit iterari. Quod autem sacrificium vetus toties iterabant, significabat in illo non esse nec adhuc venisse perfectionem. *Introivit* in Sancta inventa redemtionem. Non determinat a quo inventa an se, an ab alio, et utrumque dicere possumus. Redemptione inventa a Christo, quia hic pontifex in sacrificio suo inventit redemtionem hominum a peccatis: in qua inventione legales semper defecere pontifices, vel redemtione inventa a nobis. Nos enim in Christo redemtionem nostram invenimus. Redemptione dico aeterna, quia quos redimit aeternos facit. Probat hoc a minori dicens: *Vere per sanguinem Christi inventa est redemptio, quia si sanguis hircorum et taurorum, et si cintis vitulæ combustæ aspersus super populum, sanctificat inquinatos*, id est mundat pollutiones peccatorum: *Sanctificat* dico valens ad emendationem non utique animæ, sed carnis tantum, quia carnem liberat a poena legis, anima polluta remanet; si, inquam, sanguis illorum animalium aliquo modo

sanc&ificat quanto magis sanguis Christi emundabit A sanctos? qui Christus obtulit non bircum, non taurum, sed semetipsum Deo: se dico immaculatum, quod nullum sacrificium potuit esse in lege. Immaculatum dico per Spiritum sanctum, unitum sibi in utero matris de quo conceptus est, factus per hoc immunitus a peccato. Vel obtulit se per Spiritum sanctum, dictantem sibi ut in omni patientia obediret Patri.

Quanto magis, inquam, sanguis Christi emundabit, non dico carnem, sed etiam conscientiam nostram; quod nec relinquetur unde conscientia sibi formidet. Emundabit utique ab operibus mortuis, id est a peccatis mortem operantibus, ad servendum Deo. Hæc enim duo sanguis Christi efficit in nobis, quia et mundat a peccatis, et virtutem liberi arbitrii restituit, ut Deo servire possit. Deo dico viventi positum ad causam, quia servientibus sibi vitam æternam dabit. Obtulit semetipsum: et est mediator, id est dator Novi Testamenti. 394 Medius inter Deum a quo accipit, et hominem cui tribuit, ideo dator Testimenti Novi, ut morte ejus intercedente, id est interveniente media inter dispositiōnem et completionem testamenti. Morte dico necessaria in redēptione, non dico gentilium de quibus constat, sed in redēptione eorum prævaricationum, quæ erant sub priori [veteri] Testamento. Lex enim illa prior præcipiendo prævaricationes addebat, a quibus nullo modo solvere poterat. Ut, inquam, intercedente morte, accipiāt reprobationem æternæ hæreditatis, id est æternam hæreditatem frequenter sibi promissam: accipiāt, non omnes, sed qui vocati sunt a Deo, electi ab æterno. Postquam Christus Novum Testamentum disposuit, pro confirmatione ejus testamenti necesse fuit eum mori: tum quia si captus a Judæis negaret quod antea dixerat, et pro assertione eorum refugeret pati, putarent discipuli Christum non intellexisse vera esse quæ docuerat, dum ea timore mortis negaret. Præterea mori oportuit ut, a morte resurgens quæ se prædixerat impleturum consummaret, scilicet redēptionem Israel. Vitula de qua superius, diximus, rufa erat, typum gerens sanguinis Christi, et tota comburebatur in cinerem redacta, ut esset holocaustum Domino: cuius cinis aspergebatur aqua: ita Christus multis tribulationibus attritus, et morte tandem quasi in cinerem redactus fuit. Cinis autem vitulæ, qui super homines projiciebatur, significat memoriam contritionis Christi, quæ semper ingerenda est hominibus. Sic, frater, esto memor Christum pro te passum et contritum, et peccando noli eum provocare. Si autem cīnis vitulæ emundabat carnem, longe dignius cīnis Christi emundat animam.

Dixit superius, Christum datorem Novi Testamenti morte intercedente: nunc autem quid oportuerit eum mori pro confirmatione Novi Testamenti, approbat consuetudine humanæ legis. Quasi diceret al' quis: Quid opus fuit ut ad confirmationem Testamenti Novi mors Christi intercederet? Oportuit utique, ait Paulus, ut morte intercedente daret Te-

stamentum, quia ubiunque fit testamentum in humanis legibus, necesse est ut intercedat, id est inter dispositionem testamenti et completionem media veniat mors testatoris, id est testamentum facientis. Ideo necesse est mortem testatoris intervenire, quia omne testamentum confirmatum est in mortuis testatoribus, id est per mortem eorum qui testamenta disponunt. Alioquin, id est si aliter sit quod mors testatoris non interveniat, nondum valet dispositum testamentum, dum, id est quandiu vivit ille qui testatus est. Si enim testator mortem evadit, iterum si placeat testamentum mutabit. Unde quia omne testamentum sanguine et morte confirmatur. Primum quidem testamentum non est dedicatum, id est confirmatum sine sanguine. Utique non est dedicatum sine sanguine: lecto enim omni mandato legis: omni ideo quia si quedam dimitteret, videretur dimissa reprobare, et tantummodo lecta confirmare. Lecto, inquam, omni mandato a Moysi, idem enim Moyses legit, universo populo audiente. Tunc Moyses postquam legerat, accipiens sanguinem vitulorum et hircorum cum aqua mistum: accepta etiam coccinea lana et hyssopo de quibus sit aspersorium ipsum etiam librum, et omnem populum aspersit sanguine, dicens ita: Hic sanguis de quo vos aspergo est testamenti, id est ad confirmandum testamentum quod Deus mandavit ad vos. Sicut librum, sic etiam tabernaculum et omnia vasa ministerii similiter aspersi de eodem sanguine. Et omnia pene, ait Paulus, secundum veterem legem mundantur in sanguine: Et quidquid de aliis sit remissio peccati non sit in veteri lege sine effusione sanguinis, id est nullum peccatum remittebatur, nisi quolibet animal in sacrificium occideretur. Similiter Christus, qui per Moysen significatur lecto omni mandato novæ legis suæ in coena, universo populo discipulorum audiēt: postquam omnia legit, Jesus accipiens sanguinem vitulorum et hircorum, id est proprium sanguinem, qui Christus dicitur vitulus propter virtutem 395 crucis: cuius cornibus impios ventilavit. Qui etiam Christus dictus est hircus, propter similitudinem carnis peccati, et quia hostia pro peccato fuit, dum peccata nostra super lignum portavit. Accipiens, inquam, Christus sanguinem suum cum aqua egressum de latere suo in cruce: per aquam sanguificans baptismā, pretio sanguinis redimens nos a peccatis: accipiens illum cum lana coccinea: qui color igneus est et cum hyssopo. Lana enim significat charitatem Christi, quod coccinea fuit similis igni servorem dilectionis Christi: hyssopus autem qui valet ad depellendum tumorem pulmonis, humilitatem Christi, qui per servorem dilectionis et humilitatem pro redēptione nostra sanguinem suum effudit. Ipsum etiam librum, id est Evangelium suum quod intercedente morte confirmavit, et omnem populum fidelium aspersit, id est sanctificavit sanguine suo dicens: Hic est sanguis Novi Testamenti affirmator, quod Testamentum Deus mandavit ad vos. Hic Moyses multum fideliter pro-

havit, dicens eadem verba quæ Christus, cum post cenam calicem sui sanguinis tradidit dicens : *Hic calix Novi Testamenti est in meo sanguine. Aspersit librum, aspersit etiam tabernaculum similiter sanguine.* Eadem allegoria accipitur per tabernaculum, scilicet Ecclesiam Christi sanguine ejus redemptam, quæ supra per omnem populum accipiebatur. Aspersit etiam omnia vasa ministerii, quia Christus doctores Ecclesie in quibus continentur ministeria sua, et sanguine redemit, et redemptis spiritum sapientie et scientie tribuit, et omnia secundum legem Christi mundantur in sanguine ejus. Illud pene nihil habet in allegoria. Et sine effusione sanguinis Christi non sit remissio cujuslibet peccati. Et quia omnia oportet mundari in sauguine, et sine effusione sanguinis nulla sit remissio.

*Ergo necesse est exemplaria quidem caelestium, id est legalia quæ sunt figura spiritualium, mundari his supra dictis, scilicet vitulorum et hircorum. Exemplaria verorum necesse fuit mundari his hostiis, sed ipsa caelestia, cuius haec erant figura necesse fuit mundari melioribus hostiis quam istis predictis, hirco et vitulo. Et vere melior hostia fuit qua mundata sunt coelestia : nam Jesus, et vere ista sunt coelestia, nam non manu facta, etc. Quod ita ait : *Jesus introiit non manens in sanctis manu factis, quæ manu facta sancta quidem fuere exemplaria rerorum, sed introiit in ipsum calum.* Ad hoc introiit, ut nunc postquam ostensum est, inutilia esse manu facta sancta appareat vultui, id est beneplacito Dei pro nobis in celum secum introducendis. Introit quidem in celum, sed neque ita introiit, ut sepe inde revertens iterum offerat semetipsum quasi non omnibus, et omni tempore sufficiat sacrificium suum semel oblatum. Non ut sepe offerat quemadmodum pontifex legalis per singulos annos quia non sufficit, sacrificium suum iterans intrat in Sancta sanctorum : non in suo sicut Christus, sed in alieno sanguine. Quare, quia alienus sanguis est, justificare non potest. In hoc et sacrificium suum sufficiens, et legale insufficiens ostendit.*

Alioquin, id est si aliter vis dicere, ut Christus sepe debeat se offerre, tunc procul dubio (si ita est) oportebat eum frequenter pati, incipiendo ab origine mundi. Si enim illis tantum qui in tempore suo fuerunt, passio ejus profuit, et singulis futuris ætatibus oporteat eum iterato pati : tunc utique necesse erat ut incipiendo a diebus Abel singulis ætatibus, singulas cruces portaret, vel Abraham et cæteri sancti non erunt redempti. Sic quidem oporteret. Sed nunc postquam ostensum est tantum inconveniens inde consequi, dicendum est quod semel Christus apparuit in consummatione sæculorum. Tempus Christi dicitur consummatio : quia Christus, quidquid prædictum de eo fuerat, consummavit. Et cum ante in nullo fuerit consummatio, id est vera perfectio, ipse omnium perfectionem attulit. Apparuit, inquam, ad destructionem, id est ad destructionem per hostium 396 non alienam, sed suam. Quia plene peccatum

A destruxit non oportet iterum Christum pati, ideo etiam non debet altera vice mori : quia cæteri homines semel tantum moriuntur. *Et quemadmodum statutum est hominibus mori semel; post hoc autem quod mortui sunt, restat de illis judicium.* Sic et Christus semel quidem oblatus Deo per mortem ad exhauiendam, id est evacuanda peccata multorum. In hoc quidem quod semel mortuus est similis est homini : sed in hoc quod homo moritur, judicetur Christus, ut judicet dissimilis. Quia ita ait : *Secundo adventu veniens ad judicium apparebit Christus sine peccato,* id est non in similitudine carnis peccati, sed glorificatae per claritatem immortalitatis et impossibilitatis. Vel apparebit sine peccato, id est non veniens ut sicut prius iterum fiat hostia B pro peccato. Apparebit utique in salutem, non impensis, sed *expectantibus se in justitia et timore.*

CAPUT X.

Umbram enim habens lex futurorum bonorum, non ipsam imaginem rerum, per singulos annos eisdem ipsis hostiis quas offerunt indesinenter, nunquam potest accedentes perfectos facere. Alioquin cessassent offerri, ideo quod nullam habent ultra conscientiam peccati cultores semel mundati. Sed in ipsis commemoratio peccatorum per singulos annos fit. Impossibile enim est sanguine taurorum et hircorum auferri peccata. Ideo ingrediens mundum dicit : Hostiam et oblationem noluisti, corpus autem aptasti mihi. Holocausta et pro peccato non tibi placuerunt. Tunc dixi : Ecce venio. In capite libri scriptum est de me : Ut faciam, Deus, voluntatem tuam. Superius dicens, quia hostias et oblationes et holocausta et pro peccato noluisti, nec placita sunt tibi quæ secundum legem offeruntur. Tunc dixi : Ecce venio, ut faciam, Deus, voluntatem tuam : auferit primum, ut sequens statuat. In qua voluntate sanctificati sumus per oblationem corporis Jesu Christi semel. Et omnis quidem sacerdos præsto est quotidie ministrans, et easdem sepe offerens hostias, quæ nunquam possunt auferre peccata. Hic autem unam pro peccatis offerens hostiam, in sempiternum sedet in dextera Dei : de cætero exspectans donec ponantur inimici ejus scabellum pedum ejus. Una enim oblatione consummavit in sempiternum sanctificatos. Contestatur autem nos [nobis] et Spiritus sanctus. Postquam enim dixit : Hoc autem Testamentum quod testabor ad illos post dies illos dicit Dominus. Dando [dabo] leges meas in cordibus eorum, et in mentibus eorum superscribam eas, et peccatorum et iniquitatum eorum jam non recordabor amplius. Ubi autem horum remissio jam non est oblatio pro peccato. Habentes itaque, fratres, fiduciam in introitu sanctorum in sanguine Christi, quam initiativ nobis viam novam et viventem per velamen, id est carnem suam : et sacerdotem magnum super domum Dei, accedamus cum vero corde in plenitudine, fiduci aspersi corda a con-

scientia mala, et abluti corpus aqua munda, te-
neamus spei nostrae confessionem indeclinabilem.
Fidelis enim est qui repromisit. Et consideremus
invicem in provocationem charitatis et bonorum
operum, non deserentes collectionem nostram,
sicut consuetudinis est quibusdam, sed consolan-
tes et tanto magis, quanto videritis appropinquan-
tem diem. Voluntarie enim peccantibus nobis post
acceptam notitiam veritatis, jam non relinquitur
pro peccatis hostia; terribilis autem quedam ex-
spectatio judicii et ignis ænulatio, que consum-
ptura est adversarios. Irritam quis faciens legem
Moysi, sine ulla miseratione duobus vel tribus te-
stibus moritur, quanto magis putatis deteriora me-
reri supplicia, qui Filium Dei conculeaverit, et
sanguinem Testamenti pollutum duxerit in quo
sanctificatus est, et Spiritui gratiae contumeliam
fecerit? Scimus enim qui dixit: Mihi vindictam,
et ego retribuam. Et iterum: Quia judicabit Do-
minus populum suum: Horrendum est incidere
in manus Dei viventis. Remeinoramini autem pri-
stinos dies, in quibus illuminati magnum certamen
397 sustinuitis passionum: et in altero quidem
opprobriis et tribulationibus spectaculum facti, in
altero autem socii taliter conversantium effecti.
Nam et vinctis compassi estis, et rapinam bono-
rum vestrorum cum gaudio suscepistis; cogno-
scentes vos habere meliorem et manentem sub-
stantiam. Nolite itaque amittere confidentiam ve-
stram, quæ magnam habet remunerationem. Pa-
tientia enim vobis necessaria est, ut voluntatem
Dei facientes reportetis promissionem. Adhuc
enim modicum aliquantulumque, qui venturus
est veniet, et non tardabit. Justus autem meus ex
fide vivit. Quod si subtraxerit se, non placebit
animæ meæ. Nos autem non simus subtractionis
filii in perditionem, sed fidei in acquisitionem
animæ. »

EXPOSITIO.

Christus ideo oblatus est ad exhaustienda peccata,
quia lex non potest facere perfectos, scilicet non
exhaustire peccata. Et quare lex non possit facere
perfectos præmitit, dicens: *Lex habens umbram
futurorum bonorum*, id est futuræ justitiae in præ-
senti Ecclesia, et salvationis in futura. Ita habens
umbram quod nec ipsam imuginem rerum, quod nec
habet in se aliquam partem veritatis. Imago enim
saltæ figuræ membrorum singulas ostendit, umbra
autem confuse omnia commiscet. Lex, inquam,
habens umbram eisdem ipsis hostiis quæ semper
idem, id est imperfecte erant, *quas hostias offerunt
per singulos annos*, et hoc *indesinenter*, id est vel
singulis mensibus, vel singulis hebdomadibus. Lex,
inquam, eisdem hostiis toties repetitis, *nunquam
potest facere perfectos accidentes ad se*. Quod non
faciat perfectos probat per hoc, quia si modo
immolassent pro aliquo peccato, et secundum legem
absolverentur ab illo: si iterum peccarent, et pro
novo peccato iterum immolarent, faciebat sacerdos

A memoriam prioris peccati, pro quo jam immolaverat,
ostendens imperfectionem sacrificii illius, per quod
si justificatus esset, frustra vetus peccatum recapituaret. Quod ita ait: *Alioquin, id est si hostiae legis
perfectos facerent, procul dubio cessassent illæ hostiae
pro præteritis peccatis*. Ideoque cultores sacrificiorum
semel immolata hostia, mundati, *non ultra
haberent ullam conscientiam præteriti peccati*. Ces-
sassent quidem offerre, sed hostiae pro præteritis
non cessarent offerri: *in ipsis enim hostiis pro
recentibus culpis per singulos annos oblatis sit com-
memoratio præteriorum peccatorum*, igitur hostiae
illæ perfectos facere non possunt. Et necesse est ut
per singulos fiat commemoratio præteriorum, *quia
impossibile est auferri peccata sanguine hircorum et
tauorum*. Ideo quia per sanguinem tauorum et
hircorum auferri nequeunt peccata: *properea
ingrediens mundum*, id est Propheta inducens Filium
Dei mundum ingredientem per assumptionem carni-
nis, dicit in voce filii ad patrem. O Domine Pater,
tu *noluisti hostiam et oblationem* secundum legalem
traditionem. Hostias de animalibus, oblationem de
panibus et luminariis dicit. Haec quidem noluisti *sed
aptasti*, id est aptare mihi voluisti *corpus*, ut de
corpo meo hostia tibi fieret beneplacens et munda.
Corpus Christi aptum fuisse dicitur, quia et immunis
a peccato, et passibile, et mortale fuit. Nisi enim
sine peccato esset, hostia munda esse non posset.
Si autem impassibile et immortale fieret, mortem
non destrueret, quam immortalis mortem gustare
non posset. Sed quia et immunis a peccato, et
impassibilis, et immortalis fuit, ideo congrue ait:
Corpus aptasti mihi, hostiam et oblationem noluisti;
holocausta etiam, id est sacrificium totum incen-
sum, et *pro peccato*, id est hostia quæ vocabatur
peccatum vel pro peccato. Hæc, inquam, *non placuerunt
tibi*, et *tunc postquam vidi hoc displicere tibi*,
ut munda et placens hostia offerretur tibi; *dixi*, id
est deliberavi apud me hoc: *Ecce opportune venio*,
quia nunc reprobatis illis legalibus, hostia nova ero
et beneplacens Deo.

Venio ad hoc *ut faciam voluntatem tuam*, id est ut
pro modo voluntatis tuæ offeram tibi me ipsum
sacrificium novum, in odorem suavitatis. Quod ita
construere debeamus: Venio ut faciam, **398** idem
docet in sequentibus: Faciam voluntatem tuam;
sic enim *scriptum est de me in capite libri*. Liber
dicitur Christus homo, qui in exemplum justitiae
expositus est omnibus. Caput libri dicitur divinitas
habitans in Christo, quod regit eum in omni per-
fectione. Vel in capite libri, id est in principio
Genesis vel Psalterii scriptum est in lege Domini
voluntas ejus, etc. Præmissa auctoritas quomodo
intelligenda sit, Paulus exponit, ita Propheta in
voce Filii, dicens superioris ad respectum superioris
partis, ait *superius*. Dicens, inquam, hoc, *quia*, id
est quod, tu Pater, *noluisti oblationes et holocausta
et pro peccato*, id est *non postulasti* hæc ab eis ut
ficerent tibi, nec (etiam si faciunt injussi) non sunt

placita tibi. Diceret aliquis fortasse : Ideo non placent, quia non sunt ordinabiliter secundum legem. Ad hoc removendum ait : *Non sunt placita tibi ea quae offeruntur secundum legem*, id est loet sunt secundum legis institutionem tunc reprobatis legalibus hostiis dixi : Ecce venio ut faciam voluntatem tuam, o Deus, haec, inquam, dicens. In his verbis *auserit primum testamentum*, ita ut *statuat*, id est perpetuo durandum stabiliat *sequens*, Novum scilicet Testamentum, in qua voluntate, id est in quo Novo Testamento ex voluntate Dei constituto, nos *sumus sanctificati*, positione virtutum post emundationem malorum. Sanctificati dico, per oblationem Christi Jesu, id est per corpus Christi oblatum semel, in qua semel facta oblatione sufficiens fuit ad purgationem omnium macularum.

Opponeret aliquis : Sacrificium pontificis ideo insufficiens erat, quia semel tantum in anno fiebat ; sed quotidiana sacrificia proderant ad auferenda peccata. Ad hoc removendum ait : Sicut pontifex semel facto sacrificio auferre peccata non poterat, sic etiam omnis quidem legalis sacerdos *quotidie ministrans praesto est* : et ipse sepe repetendo referens easdem hostias heri hircum, hodie iterum hircum, quia sicut non heri, sic nec hodie proderat ; offerens, inquam, easdem hostias, qua hostiae nunquam possunt auferre peccata. Pontifex seu *quilibet sacerdos* legalis repetens hostias, peccata nequit auferre, sed hic pontifex Christus *offerens hostiam* non repetitam, sed *unam* solam pro peccatis omnium, *sedet*, id est quiescit et regnat positus *in dextera*, id est in aequalitate Dei patris sessurus ibi in sempiternum. Nec reversurus ut iterum offerat, quasi hostia ejus fuerit insufficiens, sed *de cetero*, id est de futuro *expectans* ibi in dextera Dei *donec inimici ejus ponantur scabellum pedum ejus*, id est omni modo subjectionis subjiciantur ei, quod futurum est in die judicii. Offerens hostiam unam, ideo unam, *quia una sola oblatione sanctificavit*, et *sanc-tificatos* virtutum perfectione *consummavit*, permanentes in sempiternum. Nos quidem dicimus Christum una oblatione sanctificatos consummasse. In hoc autem contestatur, id est confirmat nos ; idem nobiscum affirmans etiam *Spiritus sanctus*, *quia postquam dixit* in Jeremia : *Hoc autem est testamentum quod testabor ad illos*, et hoc dicit Dominus : *post dies illos dabo leges meas in cordibus eorum*, et superscribam eas in monte eorum. Postquam hoc dixit, adjunxit *Spiritus sanctus* : et jam amplius non recordabor peccatorum, iniuriam eorum. In his autem verbis contestatur *Spiritus sanctus* unam oblationem consummasse sanctificatos : *qua ubi est peccatorum remissio, jam non est necessaria oblatio pro peccato*.

Postquam per pontificium Christi, sufficienter vetus pontificium destruxit, et vetera sacrificia reprobata, et in sacrificio Christi semel oblato, omnem justificationem consistere perhibuit, faciens finem de hujusmodi, transit ad instructionem mora-

A lem, adhortans eos in primis ut puro corde integritatem fidei teneant ; et si incumbat persecuti, audacter confiteantur, gaudentes pati pro Christo, et sic in fide, et confessione firmam spem habeant. Unde sic ait : Quia pontifex Christus semel offerens sanctificat veteres, nec quotidianis sacrificiis **399** prodesse possunt. *Itaque fratres*, nos *habentes fiduciam in introitu*, id est de introitu sanctorum, scilicet quod nos Sancta sanctorum vere introibimus. Habentes, dico, fiduciam in sanguine Christi, quem semel offerens pro nostra emundatione fudit : quam viam, id est introitum sanctorum viam dico *nova*, id est noviter in Christo reservatam (nemo etiam ante Christum ambulavit hanc viam *quam initiavit nobis Christus*). Viam novam et riventem, id est perduran-
B tem in æternum. Initiavit dico *per velamen*, id est per significatum illius velaminis, quod duo tabernacula dividebat, id est per carnem suam. Velamen enim illud quod Sancta sanctorum occultabat, carnem Christi, quæ deitatem sibi unitam velabat, præfigurabat. Unde, expirante Christo in cruce consummatis omnibus, scissum est velum templi (*Matth. xxvi, 51* ; *Mart. xv, 38* ; *Luc xxiii, 45*), significans apertam esse viam in Christo intrandi in Sancta sanctorum. Vel ita initiavit nobis viam per velamen, id est per carnem suam, cuius carnem et sanguinem in accessu mortis accipimus viaticum ad partem.

Carnem dico et sanguinem specie panis velatam. Initiavit nobis per carnem suam, et per se *sacerdotem* quotidie Patrem pro nobis interpellantem. Sacerdotem dico *magnum* ad comparationem legalium. Magnum dico *constitutum super domum Dei*, id est præsentem et futuram Ecclesiam. Nos, inquam, fratres, habentes talam fiduciam *accedamus*, id est approximemus ad Dominum *cum vero corde*, id est cum recta intelligentia in plenitudine fidei, id est habentes fidem, non de quibusdam tantum, sed de omnibus credendis plenariam. Accedamus, inquam, aspersi corda, id est habentes mundata corda, non solum a peccato, sed etiam a *mala conscientia*, quod nec cuiuslibet mali conscientia nos mordeat ; et abluti corpus aqua munda, id est habentes purificatam carnem baptismi mundante nos, *teneamus* opere et corde confessionem ; quod si ingruant mala, inde non formidemus ideo confiteri Christum. Confessionem dico *indeclinabilem*, quod nee in dexteram declinemus, nec ad sinistram, quæ confessio est causa nostræ speci. Si enim fidem Christi in conspectu persecutorum non timuerimus confiteri, tunc precerito sperare possumus futuram gloriam sanctis. Diceret ille : Quis tardiu, et tanta tolerando, posset sperare rem fortasse nunquam habendam ? Ad hoc Paulus : Si audacter confitemini, salva spes est vobis, *quia Deus est fidelis*, et mentiri non potest, qui reprobatis confitentibus se bona quæ speratis. Teneamus confessionem et consideremus invicem, id est alter alterum, non in litigio et detractione : sed in provocazione charitatis et bonorum operum, id est

alter exemplo alterius provocetur ad dilectionem et ad bene operandum.

Nos, dico, non deserentes collectionem nostram, id est congregacionem Ecclesiae, timore urgentium persecutorum territi, sicut est consuetudinis quibusdam, ut ad tempus credant, et in tempore tentationis recedant (*Luc. viii, 43*). Non deserentes, sed consolantes collectionem Ecclesiae; tanto magis laborantes in hoc, quanto amplius videritis appropinquantem diem mortis. Vel ita provocemus fratres ad charitatem, non deserentes collectionem nostram, id est si peccaverint fratres, non ideo superbe indignantes separemur ab eis, sicut est consuetudinis quibusdam, ut labenti fratri dedignentur compati; sed consolantes nostram collectionem, et tanto magis per compassionem revocate eos a malis, quanto videritis appropinquantem diem retributio-
nis. Malis male, bonis bene. Ideo teneamus fidem et confessionem non deserentes collectionem nostram. Hæc omnia prædicta ideo faciamus, qui nobis peccantibus voluntarie, id est ex voluntate et propria deliberatione in peccato manentibus, post acceptam notitiam veritatis, id est postquam Christum qui est ipsa veritas cognovimus, fidemque suscepimus: si voluntas peccandi perdurat in nobis, jam non relinquitur, nihil proderit nobis Christus factus hostia pro peccatis delendis. Vel ita jam non relinquitur, id est non reservatur Christus; ut pro iterum peccantibus, iterum fiat hostia pro peccatis. Sed hoc relinquitur nobis, scilicet, quedam **400** terribilis expectatio judicii futuri; et relinquitur nobis æmulatio, id est invidia ignis, quæ æmulatio consumptura est adversarios veritatis.

Probat a majori puniendos esse peccantes in Christum, dicens: Vere qui voluntarie peccat, in veritate punietur. Nam aliquis prævaricando faciens irritam legem Moysi, quæ non erat nisi umbra veritatis, moritur sine ulla miseratione convictus de peccato sub duobus vel tribus testibus. Et si prævaricans in lege Moysi moritur, quanto magis putatis eum mereri deteriora supplicia, qui conculcaverit Filium Dei? Ille conculcabilem et nimis vilem intelligit Filium Dei, qui ad remittenda peccata eum impotentem dicit, nisi adjungatur circuncisio; et qui duxerit, id est intellexerit sanguinem testamenti esse pollutum, id est sanguinem Christi, quo confirmatum est testamentum novum. Sanguinem Christi dicit ille pollutum, qui in eo dicit non posse mundari omne delictum. Si enim Christus munda hostia fuit, etiam ab omni culpa mundare potuit: quod si mundare non potuit, sequitur ut polluta hostia fuerit, in quo sanguine sanctificatus est quicunque baptizatus. Ille etiam deteriora meretur qui fecerit contumeliam Spiritui sancto. Qui aliunde quam per Spiritum dicit peccata remitti, in Spiritum contumeliose agit. Spiritui dico gratia qui gratis datur, et gratis peccata remittit. Diceret ille: Licet lex Moysi quæ sine misericordia erat, damnaret prævaricatores suos, Christus tamen qui misericordiam et

A gratiam attulit, licet peccemus, non tantum non damnabit, sed indulget. Ad hoc removendum Paulus probat Christum esse judicem, nec propter misericordiam deseruisse judicium, dicens: Vere conculcans Filium Dei, deteriora patetur. Nos enim scimus eum qui dixit hoc in Deuteronomio (*Deut. xxxii, 35*): Mihi reservate vindictam, si proximus peccat, mea est ultio in proximum, et ego retribuam eis, in tempore pro modo delicti. Quod si peccare in proximum non deserit inultum, quanto magis peccare in seipsum? Et iterum Scriptura approbans judicium Dei ait: Quia judicabit Dominus populum suum. Et quia Dominus judicans reddet unicuique vindictam peccati, videte ne peccetis ait Paulus. Quia horrendum est incidere in manus Dei vitentis, B id est quæcumque vult potenter.

Postquam asperius corripuit illos, nunc rememorando priora bona illorum, blanditur eis ut quos terrore judicii concussit, quibusdam blanditiis alliat, dicens: Videte ne incidatis in manus Dei, sed rememoramini pristinos dies in quibus vos illuminati per fidem, statim accepta fide sustinuitis magnum certamen passionum; multa enim tunc passi estis a contribubilibus vestris. Sustinuitis utique passiones, et enim in altero, id est in una parte quidem facili estis spectaculum mundo, opprobriis, id est propter opprobria et tribulationes illatas vobis. In altero autem, id est ex una parte effecti estis socii conversantium taliter, sicut nos, id est omnium illorum qui in religione fidei conversabantur vobiscum. Vere socii. Nam et vos compassi estis vinctis, ministrando eis in vinculis necessaria de bonis vestris, et opprobria et tribulationes passi estis. Vos enim suscipiatis cum gudio rapinam bonorum vestrorum, cognoscentes vos habere in coelis substantiam meliorem, quia spiritalem et permanentem. Et quando quidem tales in principio fidei suistis, itaque nolite degenerando amittere confidentiam vestram, id est bona opera, per quæ licet confidere quæ confiditia si perseverat, magnam habet remunerationem. Dicerent illi: Difficile est tot vexationes, et tardia pati. Ad hoc Paulus: Nolite patientiam amittere, sed estote longanimes in patiendo, quia patientia longanimitatis est vobis necessaria, ut patiendo facientes voluntatem Dei, reportetis promissionem, id est promissam gloriam. Nec semper oportebit pati, quia adhuc modicum quidem temporis et aliquantulum passionis, sed leve et momentaneum restat. Et post hoc veniet vobis ille qui venturus est. Et postquam venerit, **401** non tardabit, id est non tardabit vobis gloriam quam promisit, martyribus non tardatur gloria, sed statim exuentibus de mundo datur. His autem qui in pace Ecclesia quiescent tardare videtur, propterea quia de quibusdam quæ illi crite contraxerunt, necesse est prius penitentiam agere. Qui venturus est veniet et non tardabit, et interim dum venit, vos justi ex fide viveatis, quia dixit Deus per prophetam: Justus meus ex fide vivit (*Habac. ii, 4*). Si vero iustus substraxerit se a fide,

non placebit animæ, id est voluntati meæ. Dico si A *subtraxerit se, sed nos non sumus filii subtractionis,* ituri sic in perditionem, sed sumus fidei in acquisitionem, id est ad hoc ut per fidem acquiramus salutem animæ nostræ.

CAPUT XI.

Est autem fides sperandarum substantia rerum, argumentum non apparentium. In hac enim testimoniūm consecuti sunt senes. Fide intelligimus aptata esse sacula verbo Dei, ut ex invisibilibus visibiliā fierent. Fide plurimam hostiam Abel quam Cain obtulit Deo, per quam testimonium consecutus est esse justus, testimonium perhibente muneribus ejus Deo; et per illam defunctus adhuc loquitur. Fide Henoch translatus est, ne videret mortem, et non inveniebat, quia transtulit illum Deus. Ante translationem enim ejus testimonium habuit placuisse Deo. Sine fide autem impossibile est placere Deo. Credere enim oportet accedentem ad Deum quia est, et inquirentibus se remunerator sit. Fide Noe, responso accepto de his quæ adhuc non videbantur, metuens aptavit arcam in salutem domus suæ, per quam damnavit mundum, et justitiæ, quæ per fidem est, hæres est institutus [factus]. Fide qui vocatur Abraham, obediuit in locum exire, quem accepturus erat in hæreditatem, et exiit nesciens quo iret. Fide demoratus est in terra repromissionis, tanquam in aliena, in casulis habitando cum Isaac et Jacob, cohæredibus repromissionis ejusdem. Exspectabat enim fundamenta habentem civitatem, cuius artifex et conditor Deus. Fide et ipsa Sara sterilis virtutem in conceptione seminis accepit, etiam præter tempus ætatis, quoniam fidelem creditit esse eum qui repromiserat. Propter quod et ab uno orti sunt; et hoc emortuo, tanquam sidera cœli in multitudine, et sicut arena quæ est ad oram maris innumerabilis. Juxta fidem defunctorum omnes isti, non acceptis repromissionibus, sed a longe eas aspicientes, et salutantes, et constantes quia peregrini et hospites sunt super terram. Qui enim hæc dicunt, significant se patriam inquirere. Et si quidem illius meminissent, de qua exierunt, habebant utique tempus revertendi. Nunc autem meliorem appetunt, id est coelestem. Ideo non confunditur Deus vocari Deus eorum. Paravit enim illis civitatem. Fide obtulit Abram Isaac cum tentaretur, et unigenitum offerebat in quo suscepserat repromissiones, ad quem dictum est: Quia in Isaac vocabitur tibi semen; arbitrans [cogitans] quia et a mortuis suscitare potens est Deus. Unde eum et in parabolam accepit. Fide et de futuris benedixit Isaac, Jacob et Esau. Fide Jacob moriens singulos filiorum Joseph benedixit, et adoravit fastigium virgæ ejus. Fide Joseph moriens de profectione filiorum Israel meroratus est, et de ossibus suis mandavit. Fide Moyses natus occultatus est mensibus tribus a parentibus suis, eo quod vidissent elegantem infantem, et non timuerunt regis edictum. Fide

Moyses grandis factus, negavit se esse filium filiæ Pharaonis, magis eligens affligi cum populo Dei quam temporalis peccati habere jucunditatem, majores divitias æstimans thesauro Ægyptiorum, impropperium Christi. Aspiciebat enim in remunerationem. Fide reliquit Ægyptum, non veritus animositatem regis. Iuvisibilem enim tanquam videns sustinuit. Fide celebravit Pascha, et sanguinis effusionem, ne qui vastabat [vastaret] primitiva, tangeret eos. Fide transierunt mare Rubrum, tanquam per aridam terram: quod experti Ægyptii devorati sunt. **402** Fide muri Jericho corruerunt, circumitu dierum septem. Fide Raab meretrix non periit cum incredulis, excipiens exploratores cum pace. Et quid adhuc dicam? Describet enim *me tempus enarrantem de Gedeon, Barac, Samson, Jepheth, David, Samuel, et propheticis, qui per fidem vicerunt regna, operati sunt justitiam, adepti sunt repromissiones, obturaverunt ora leonum, extinxerunt impetum ignis. Eſugaverunt aciem gladii, convaluerunt de infirmitate, fortes facti sunt in bello. Castra verterunt exterorum, acceperunt mulieres de resurrectione mortuos suos. Alii autem distenti sunt, non suscipientes redemptionem, ut meliorem invenirent resurrectionem. Alii vero ludibria et verbera experti, insuper et vincula, et carceres, lapidati sunt, secti sunt, tentati sunt, in occasione gladii mortui sunt. Circuierunt in melotis, in pellibus caprinis, egentes, angustiati, afflicti, quibus dignus non erat mundus, in solitudinibus errantes, in montibus et speluncis, et in cavernis terræ. Et hi omnes, testimonio fidei probati, non acceperunt repromissionem, Deo pro nobis melius aliquid providente, ut non sine nobis consummarentur.*

EXPOSITIO.

Quia de fide sermonem incepit, dicens: *Nos sumus filii fidei* etc., subjungit quasi diffinitionem fidei; quæ tamen non est diffinitio, sed fidei commendatio. Ad cuius fidei commendationem diu immorando, multa veterum exempla supponet. Ait autem: *Nos sumus filii fidei: Fides autem est substantia, id est existentia et acquisitionis rerum sperandarum, id est futurorum bonorum, quæ singulariter et præcipue speranda sunt. Fides, inquam, sic est substantia futurorum bonorum, quia nec sine fide in quolibet subsistunt, nec nisi per fidem acquiruntur.* Vel ita dicamus: *Fides in praesenti habita est in futuro substantia rerum, id est bonorum cœlestium. Merito enim hic habitæ fidei tunc subsistunt bona illa in eo qui fidem in hoc mundo habuit; rerum dico nunc per fidem sperandarum. Fides etiam est argumentum, id est approbatio rerum non apparentium, id est bonorum, quæ (dum in hoc mundo manemus) videre non possumus. Si quis enim considerat Abraham, quomodo merito fidei possedit gloriam, idem de se potest sperare quod, si per fidem imitabitur Abraham, sicut ille, quam non vidit, per fidem possidebit gloriam.* Dico fides est substantia futurorum

bonorum et argumentum. Propterea sic commendo A fidem, quia in hac, id est in fide, senes, id est antiquiores patres consecuti sunt bonum testimonium. Senes dicit non ætate, sed temporis præcessione. Abel enim, etsi junior annis, senior tamen quam Abraham antiquitate præeuntis temporis. Sed opponeret aliquis : Fidem dicis argumentum esse rerum, quæ non apparent. Sed quomodo credi possunt quæ videri nequeunt ? Ad hoc Paulus : Fides utique argumentum est rerum non apparentium. Nam fide, id est per fidem intelligimus sacerdota aptata, id est apte formata esse. Aptata dico verbo, id est Filio vel imperio Dei, quod idem est. Et si de saeculis credimus, quod per verbum Dei formata sint (quod tamen nemo vidit hominum) credamus similiiter per fidem de rebus nondum apparentibus. Sæcula, inquam, credimus aptata verbo Dei, ita ut fierent visibilia, id est res visibles ex invisibilibus, quando enim chaos erat sicut scriptum est : « Tenebrae erant super faciem abyssi (Gen. 1, 2). » Tenebrae ideo, quia elementa illa videri non poterant, etiamsi tunc esset, qui visum humanum haberet. Sed postquam elementa separata sunt, et creaturis formatis in quamdam spissitudinem coalescendo creverunt, elementa prius invisibilia, jam fuere visibilia. Nec mirum si videri non poterant, licet res essent corporeæ, cum humorem illum, qui est in grano seminis, unde culmus et spica pullulat, videre nec discernere possimus, licet in illa massa grani continetur. Vel ita sunt verbo Dei ut fierent visibilia ex invisibilibus, id est secundum invisibilia quæ præcesserant in consilio 403 Dei. Prius enim Deus ab æterno in consilio suo omnium creaturarum formas disposuit, et secundum quod singula in consilio præordinata fuerant, invisibilia adhuc secundum modum illum facta sunt visibilia in tempore formationis singulorum.

Vere senes consecuti sunt testimonium per fidem Abel enim fide, id est per fidem obtulit hostiam plurimam, id est magis acceptabilem Deo quam fuerit hostia Cain. Hostia Abel grata Deo fuisse cognoscitur, quia agnus quem obtulit igne divino consumptus sit. Hostia Cain reprobatur, quia, non superveniente igne, manipulus frugum quem obtulit integer mansit. Per quam fidem Abel justus consecutus est testimonium hoc, scilicet se esse justum. Ait enim Christus in Evangelio. « A sanguine Abel justi (Matth. xxiii, 35), » etc. Moyses autem justitiam Abel commendat, et multi prophetarum. Consecutus est Abel testimonium Deo perhibente testimonium munieribus ejus sicut præfati sumus, et per illam fidem Abel defunctus loquitur adhuc, quia facit nos loquentes de fide ejus. Henoch etiam per fidem quam habuit, translatus est ad alias patrias, ideo ne videret mortem, et translatus non inveniebatur; quia Deus transtulit illum; qui si ab homine translatus esset, facile inveniretur. Deus ideo transtulit eum quia ante translationem habebat testimonium placuisse Deo. Per fidem sic isti placuerunt Deo. Sine

fide autem impossibile est aliquem placere Deo. Vere sine fide nemo placebit Deo; nam accedenter, id est volentem approximare ad Deum, oportet credere quia Deus unus est, et quia Deus sit remunerator inquirentibus se. Si hoc solum crederent gentiles, quod creator unus esset, et singulis pro eorum actibus retribueret, satis esset illis. Noe etiam accepto responso de his quæ non videbantur adhuc, id est de diluvio futuro, metuens illud diluvium per fidem quam habuit in verbis Domini, aptari arcem in salutem domus suæ, id est in qua salvaret filios suos et filias. Per quam fidem, quia secundum verbum Dei futurum credidit diluvium, damnari, id est damnabilem fecit mundum. Dum enim Noe credidit, et homines stultum esse crediderunt quod preparabat arcem, in qua salvaret domum suam, comparatione fidei ejus damnati sunt. Et ipse Noe est institutus hæres justitiae ejus quæ est per fidem.

Nunc ad patres Judæorum descendit, ostendens in eis et in prioribus omnem justitiam ex fide habuisse originem. Ille etiam qui merito fidei nunc vocatur Abraham, prius dictus Abram per fidem, obediens Deo exire de Ur Chaldaeorum in locum illum quem merito fidei accepturus erat in hereditatem. Obedivit, inquam, et exiit de terra nationis sue, nesciens quo iret. Idem Abraham per fidem moratus est in terra reprobationis tanquam in aliena, habitando ibidem in casulis, id est in tentoriis cum Iacob et Jacob, non quod Jacob eodem tempore quo Abraham fuerit, sed quia Jacob eamdem terram sicut Abraham habitavit, inquirens cum patribus suis non illam, sed veram terram reprobationis. Isaac et Jacob dico, cohæredibus ejusdem reprobationis; illis enim frequenter Deus, sicut Abrahæ, repromisit. Abraham ideo habitabat in casulis, quia exspectabat civitatem habentem fundamenta, id est stabilitatem æternitatis, cœlestem, scilicet Hierusalem, cuius civitatis Deus est artifex, id est arte sua disponens sibi singula; et idem eorum quæ disponit est conditor ipsem fabricans illa. Abraham habitans in casulis ostendebat se non curare Hierusalem terrenam, sed inquirere cœlestem. Ipsa etiam Sara steriles, et nonagenaria per fidem accepit D virtutem in conceptione, id est concipiendi semen. Ipsa dico non solum steriles, sed etiam preter tempus ætatis, quia (sicut dictum est) nonagenaria era, accepit ideo, quoniam credidit Deum esse fidem, id est veracem qui illi promiserat semen, propter quod quia Deum credit fidelem, et ab uno ventre vel ab uno patre, et hoc uno emortuo vel ventre, vel patre, orti sunt filii tanquam sidera cœli, nec secundum 404 claritatem virtutum comparo sideribus, sed euendo in multitudinem eorum. Ortæ sunt etiam sicut arena, nec iterum secundum sterilitatem tantum arenæ comparo; sed quæ est innumerabilitate, id est secundum innumerabilitatem eorum; quæ arena est ad oram maris, id est juxta littus gentilitatis. Multi enim de filiis Abrahæ virtutibus micuerunt,

ut sidera, multi steriles et infructuosi in littus A [al., ritus] gentilium sunt præcipitati. Et omnes isti, Abraham, scilicet, Isaac et Jacob, defuncti sunt, etiam cum morerentur, existentes *juxta fidem*, id est credentes se accepturos promissa Dei. Defuncti, inquam, sunt, non acceptis repromotionibus in vita, sed aspiciens eam repromotiones futuras a longe, id est in diebus Christi, et salutantes, sicut nautae patriam, quam a longe videntes multum desiderant, et confitentes de se quia ipsi sunt super terram peregrini, semper ad alia transeuntes, et hospites, id est aliunde venientes. Ideo et sic confitentes; qui enim dicunt hæc, scilicet, se peregrinos esse et hospites, his verbis significant se veram patriam inquirere.

Diceret aliquis: Inquirebant alienam, quia fortassis ad suam patriam reverti non poterant. Ad hoc Paulus: Hæc dicebant, et si quidem meminissent illius patriæ, de qua exierant, volentes illuc reverti, utique habebant tempus, id est opportunitatem, revertendi. Sed nunc, postquam illius non meminerant, appetunt meliorem patriam, id est cœlestem. Et quia cœlestem appetunt, ideo Deus non confunditur, id est non erubescit rovari Deus eorum: ut dicitur Deus Abraham, Isaac et Jacob. Ideo Deus eorum vocatur, quia paravit illis cœlestem civitatem. Abraham iterum per fidem obtulit Isaac, cum tentaretur; Deus non tentabat Abraham, quasi qui fidem ejus ignoraret, sed ut ipse Abraham et mundus virtutem suæ fidei cognosceret. Et, ne putaretur Abraham ideo immolare Isaac quia in alio filio implendas exspectaret promissiones ait. Et ipse Abraham qui suscepserat repromotiones ad quem dictum est: Quia tu Isaac vocabitur tibi semen, ipse offerebat hunc unigenitum, arbitrans quia Deus potens est eum suscitare a mortuis, et per eum suscitatum Abrahæ vocari semen. Unde quia ita credidit, accepit eum filium, et in multiplicationem seminis, et in parabolam, id est in figuris Christi. Aries enim, qui inter vepres cornibus bærens repertus est, et Isaac, unum Christum Deum et hominem significabant. Per hoc igitur quod aries quidem est immolatus, Isaac vero morti subtractus, significatum est Christum, secundum carnem, passurum, secundum divinitatem vero, mortis discimen non esse sensurum. Aries enim immolatus, carnem Christi immolandam; Isaac vero subtractus, divinitatem Christi non laedendam per passionem præfiguravit. Isaac etiam benedixit Jacob et Esau, habita fide et de illis, quomodo major serviret minori, et de futuris, quorum typum gerebant, scilicet, quomodo primogenitus Judaicus populus primogenita sua (cultum scilicet Dei) desereret, et minor, gentilis sibi usurparit. Jacob in Ægypto moriens, per fidem benedixit singulos filiorum Joseph, scilicet Manassem et Ephraim, et adoravit fastigium virgæ ejus Joseph, qui secundus a rege Ægypti sceptrum gerebat, in signum suæ dignitatis, adoravit fastigium virgæ, id est Christum, per Joseph figuratum, cui virga æquitatis virga est regni

sui (Psal. XLIV, 7). Joseph moriens fide, id est per fidem, memoratus de profactione filiorum Israel, quod profecturi essent de Ægypto, et hoc memorans, mandavit de ossibus suis, ut deferrentur ad sepulturam Abrahæ, considens et resurrecturos esse cum Christo illos quibus facta erat repromotionis, si corpora eorum invenirentur in terra repromotionis.

Moyses natus per fidem, quia crediderunt parentes hunc magnum futurum, videntes ejus elegantiam, occultatus est tribus mensibus a parentibus 405 suis, eo quod vidissent infantem elegantem, et non timuerunt edictum regis, qui omnem masculum in pueris Hebræorum jusserset interfici. Moyses etiam grandis factus, negavit se esse filium filiæ Pharaonis per fidem, eligens magis affligi cum populo Del quam habere jucunditatem temporalis peccati, et improperiū Christi, quod in se paciente pro Christo præfigurabat, existimans esse divitias majores omni thesauro Ægyptiorum. Ideo sic existimans quia aspiciebat in remunerationem futuram, non in laborem præsentem vel jucunditatem. Moyses per fidem reliquit Ægyptum, educens inde populum Judæorum, non veritus animositatem regis Ægyptiorum. Ideo non veritus quia sustinuit invisibilem, id est expectavit Deum, quem videre non poterat, tanquam corporaliter eum videns, adhibens fidem sermonibus Dei. Idem Moyses celebravit Pascha effusione sanguinis agni per fidem, ideo, ne qui vastabat primogenita Ægypti tangeret Judæos. Fidem habuit insanguine agni, quod per virtutem agni innocentiae (id est Christi quem præfigurabat) posset salvari. Filiī Isræl per fidem transierunt mare Rubrum tanquam per aridam terram. Et ne quis dicat hoc fuisse casum, quod scilicet transire mare Ægyptii experti, devorati sunt. Muri Jericho per fidem corruerunt circuitu septem dierum. Raab meretrix excipiens exploratores Judæorum cum pace, non perit cum incredulis, propter fidem qua creditit quod Deus traderet urbem in manus Judæorum.

Multa de laude fidei dixi, et quid adhuc amplius dicam? tempus enim (si exsequar omnia de fide) deficit, id est deseret me enarrantem de Gedeon, qui vellus in area posuit; de Barac, qui fide populum liberavit; de Samson, qui per fidem multa operatus est; de Jephte, qui dux populi liberavit populum, licet stulto voto filiam immolaverit; de his quatuor in libro Judicum plenius invenitur; de David etiam, qui multa per fidem fecit, et de Samuele, et aliis prophetis, qui vicerunt regna, id est reges superaverunt per fidem, qui etiam operati sunt justitiam per fidem; adepti sunt repromotiones beatitudines per fidem; obturaverunt ora leonum per fidem, ut Daniel; extinxerunt impetum ignis, ut tres pueri; effugarunt aciem gladii, ut Judas Machabeus; convalescuerunt de infirmitate, ut Ezechias; fortes facti sunt in bello complures; everterunt castra exterorum, illis fugatis; mulieres acceperunt mortuos suos de resurrectione venientes, ut vidua Sareptana per Eliam filium uir-

eum, et Sunanimitis per Elisaeum. *Alii autem dissentienti sunt in ecclaeis, ut septem Machabaei, non suscipientes redemptions, id est nolentes a tormentis redimi, ut merito passionum invenirent meliorem resurrectionem.* Quanto enim magis quis patitur, tanto melius coronabitur. *Alii vero sunt experti ludibria, et verbera, insuper, et vincula et carcerae, lapidati sunt, secti sunt, ut Isaías ; tentati sunt, a timore poenæ negarent fidem; mortui sunt in occisione gladii; circumierunt fugiendo hac illac in melotis.* Melota est (ut aiunt) vestimentum de pilis camelorum. Vel melus animal est quod dicitur taxo, et a melo melota dicitur. Circumierunt etiam in pelibus caprinis, egeste temporalibus, angustiati animo, afficti corpore, quibus sanctis mundis non erat dignus, ut tales haberet, vel quibus dignus non erat mundus, secundum verba impiorum dicentium : *Illi tales inquinamentum mundi sunt, purgetur mundus ab illis.* Errantes in solitudinibus ut Matathias, et qui cum eo erant, et in montibus, et in speluncis, et in cavernis terræ. Speluncæ naturales sovae sunt. Cavernæ, arte cavatae. *Et hi omnes probati testimonio fidei, non acceperunt reprimissionem, id est reprimissam hæreditatem, Deo providente atiquid melius pro nobis, scilicet ut priores sancti non consummarentur in perfectione jucunditatis sine nobis.* Si enim sine 406 incarnato Christo acciperent illi æternam beatitudinem, Christus non incarnaretur, quia frustra, cum alio modo salus existeret, et sic priores sancti salvarentur sine nobis.

CAPUT XII.

Ideoque et nos, tantam habentes impositam nobis testium, deponentes omne pondus, et circumstans nos peccatum, per patientiam curramus ad propositum nobis certamen, respicientes in auctorem fidei, et consummatorem Jesum, qui proposito sibi gaudio sustinuit crucem, confusionem contempla, atque in dextera sedis Dei sedet. Recogitate enim eum qui talem sustinuit a peccatoribus adversus semetipsum contradictionem, ut non fatigemini animis vestris deficiente. Nondum enim usque ad sanguinem restititis, adversus peccatum repugnantes, et oblieti estis consolationis, quæ vobis tanquam filiis loquitur, dicens : Fili mi, noli negligere disciplinam Domini, neque fangeris, dum ab eo argueris. Quem enim diligit Dominus, castigat ; flagellat autem omnem filium quem recipit. In disciplina perseverate. Tanquam filii vobis offert se Deus. Quis enim filius, quem non corripit pater ? Quia si extra disciplinam estis, cujus participes facti sunt omnes, ergo adulteri, et non filii estis. Deinde patres quidem carnis nostræ eruditores habuimus, et reverebamur eos. Num [non] multo magis obtemperabimus patri spirituum, et vivemus ? Et illi quidam in tempore paucorum dierum, secundum voluntatem suam, erudiebant nos : hic autem ad id quod utile est in recipiendo sanctificationem ejus. Omnis autem disciplina in præsenti quidem videtur non esse

A gaudii, sed moeroris; postea autem fructum patet catissimum exercitatis per eam reddet justitiae. Propter quod remissas manus et soluta genua erigite, et gressus rectos facite pedibus vestris, ut non claudicans quis erret ; magis autem sanetur. Pacem sequimini cum omnibus et sanctimoniam, sine qua nemo videbit Deum. Contemplantes ne quis desit gratia Dei, ne qua radix amaritudinis sursum germinans impedit, et per illam inquietur multi. Ne quis fornicator aut profanus, ut Esau, qui propter unam escam vendidit primogenita [al., primogenita] sua. Scitote enim quoniam et postea cupiens hæreditare benedictionem, reprobatus est. Non enim invenit poenitentie locum, quanquam cum lacrymis inquisisset eam. Non enim accessistis ad tractabilem montem, et accessibilem ignem, et turbinem, et caliginem, et procellam, et tubæ sonum, et vocem verborum; quam qui audierunt, excusaverunt se, ne eis fieret verbum. Non enim portabant quod dicebatur : Et si bestia tetigerit montem, lapidabitur. Et ita terribile erat quod videbatur. Moyses dixit : Exterritus sum et tremebundus. Sed accessistis ad Sion montem et civitatem Dei viventis Jerusalem celestem, et multorum millium angelorum frequentiam, et Ecclesiam primitivorum, qui conscripti sunt in celis, et judicem omnium Deum, et spiritum [spiritus vel spirituum] justorum factorum, et Testamenti Novi mediatores Iesum; et sanguinis aspersionem melius loquentem quam Abel. Videte ne recusetis loquentem. Si enim illa non effugerunt recusantes eum, qui super terram loquebatur, multo magis nos qui de celis loquenter nobis advertimus, cuius vox movit terram tunc; nunc autem repromittit, dicens : Adhuc semel, et ego movebo non solum terram, sed et cœlum. Quod autem adhuc semel dicit, declarat mobilium translationem, tanquam factorum [facturam] ut maneant ea quæ sunt immobilia. Itaque regnum immobile suscipientes, habemus [habemus] gratiam, per quam serviamus, placentes Deo cum metu et reverentia. Etenim Deus noster ignis consumens est. ▶

EXPOSITIO.

D Adductis tot commendationibus fidei, insert ex omnibus : Quandoquidem fides tot testimonialis commendabilis est, ideo sicut priores, ita et nos habentes tantam nubem testium, commendantiam fidem impositam nobis. Nubem ideo dicit, quia sicut nubes ab æstu protegit et pluvia, sic prefatorum sanctorum exempla muniunt nos contra irruentia 407 mala. Nos etiam sicut illi deponentes per penitentiam omne pondus peccati quod perpetravimus, deponentes etiam peccatum nos circumstans undique, id est omnem pravam suggestionem per patientiam curramus, non reflexi a bono certamè propositum notis, non enim ad blanditiæ vocati sumus, sed ad tolerandos labores. Curramus, inquam, imitande aspicientes in Jesum auctorem fidei nostræ, id es qui

nos consummabit in gloria, si fides nostra perduret A *integra. Qui Jesus sustinuit cruxem, contempta non tantum aceritate, sed etiam confusione, id est erubescens de ignominioso genere mortis. Sustinuit, inquam, gaudio proposito sibi in gloria merito passionis. Vel, proposito sibi terreno gaudio, id est terrena facultatibus propositis sibi a crucifixoribus suis, si vellet se diffiteri Filium Dei. Atque ideo quia cruxem sustinuit, confusione contempnit, sedet in dextera sedis, id est in aequalitate sedentis Dei Patris. Curramus propositum certamen imitantes Iesum, qui contempta confusione sustinuit cruxem; eum, inquam, aspicite crucem in morte sustinentem; recognoscite etiam eundem Jesum qui sustinuit contradictionem, ut sicut in morte, sic etiam imitemini eum in patienda contradictione. Quidquid adversitatis tulit Jesus usque ad horam passionis significat hic per contradictionem. Vel si habetur enim, ita jungatur. Debetis aspicere Iesum sustinentem cruxem, nam etiam hoc quod in Christo minus est, scilicet contradictionem quam sustinuit, recognoscite, id est frequenter debetis mandare memoriam. Quod ita ait: Recognoscite Iesum qui sustinuit contradictionem talem, id est adeo contemptibilem et difficultem, quodque magis potuit gravare eum, ipse qui peccatum non novit, illatam sibi a peccatoribus sustinuit, non adversus Petrum, vel quemlibet discipulorum, sed adversus semetipsum. Recognoscite, inquam, hanc contradictionem, ad hoc, ut memoris ejus non fatigemini, id est ne sitis fessi patiendo adversa, vel si fatigamini corpore, ne fatigemini in animis vestris, sed carne infirma spiritus tamen prompti sint. Si enim tanta sit contradictione ut fatigentur animi, sicut idem Paulus de se ait: « Gravati sumus supra modum, ita ut teneat nos vivere (II Cor. 1, 8); » non tamen deficientes, sicut nec Paulus defecit, licet fatigatus esset animus. Deficerant, si timore tribulationum fidem negarent, debetis utique sine fatigacione et defectu sustinere, quia et si restititis, nondum tamen usque ad sanguinem, id est nondum effusus est sanguis vester, quod si oportet, pro fide patientium est.*

Noeudum usque ad effundendam sanguinem restititis, vos tamen repugnantes adversus peccatum; ita dicens in altero laudat eos quia repugnaverunt. In altero ostendit adhuc posse ascendere, scilicet ad effusionem sanguinis. Repugnantes, inquam, adversus peccatum ne locum haberet in vobis. Dum enim impia consentire renuitis, contra peccatum statim, quibus si consentiretis, peccatum statim locum haberet in vobis. Repugnasti olim adversus peccatum, et nunc quare oblii estis consolationis, id est divinitatis vos in tribulatione consolantis? quae divina consolatio loquitur nobis non tanquam alienis, sed tanquam filii, quos sovere intendit dicens in Salomonem (Prov. iii, 4): O ta fili mi, noli negligere disciplinam, id est persecutions et verbera quae sunt disciplina. In his enim homo addiscit quanta sit fragilitas sua, et quam parum viribus suis possit,

nisi presto sit gratia Dei. Disciplinam dico non persecutorum, sed Domini; ipsi enim nihil possunt nisi ex permissione Dei, hoc modo purgare filios suos volentis. Noli negligere disciplinam, neque fatigeris, id est ne fessus refugas pati dum argueris, id est reus esse convinceris a Deo per hanc disciplinam indulgente tibi. Per hanc etiam disciplinam, homo et fragilitatem suam cognoscit, et (si patienter sustineat) indulgentiam promovet de peccatis. B 403 Non debes fatigari duni argueris, cum enim quem diligit Dominus castigat, id est in castitate et continentia vitiorum per disciplinam agit; illum quem diligit, castigat, omnem autem filium quem recipit, priusquam recipiat, flagellat. Licet enim peccata dimittat, nulli tamen poena remittitur, quin vel in hac vita, vel in futura solvatur, vel ab ipso homine spontanea voluntate, quod opus acceptius est, vel alio sibi inferente. Sicut per originales probare possumus, quod quidem in baptismo dimittitur, poena tamen ejus peccati (mortalitas scilicet et passibilitas) relinquitur. Et quando quidem disciplina Domini adeo commendabilis est, igitur perseverate in disciplina, id est in patientia tribulationum, in qua utique perseverare debetis; Deus enim offert se vobis in tribulationibus adjutorem tanquam filii. Bene dico tanquam filii, quia quis est filius quem non corripiat pater? Deus utique filium non habebit incorrectum. Filius non erit nisi qui corripitur. Quod si, id est si vero vos estis extra disciplinam, quod subtrahatis vos a disciplina Domini, cuius disciplinae participes facti sunt omnes filii Dei. Si, inquam, extra disciplinam estis, ergo non estis filii legitimi, sed estis filii adulteri, id est adulterini quibus pater non adhibet pedagogos, quia eos non curat. Vel estis filii adulteri, id est diaboli, adulterantes vos.

Probarit per testimonia Scripturarum, debere eos perseverare in disciplina; nunc rationibus humanæ consuetudinis idem approbat, quasi diceret: Quia in disciplina perseverandum nobis sit, per auctoritates ostendi, deinde post testimonia Scripturarum, humanæ consuetudinis rationes induco, ad idem probandum. Nos quidem habuimus patres non animalium, sed carnis nostræ: lineam enim carnis ab ipsis traximus, et carni nostræ a carne parentum derivatae Deus animam contulit. Hos autem patres habuimus eruditores, et reverebamur, honorem eis exhibendo timebamus eos. Revereri enim est, cum timore honorem impendere. Et si patres carnis reverebamur, nonne multo magis obtemperabimus Patri spiritum, id est Deo qui dat animas longe corpore digniores? cui obtemperantes vivemus in aeternum quod patres carnis nec sibi nec nobis conferre queunt? Patri utique spiritum magis obtemperandum est quia illi quidem patres carnis in tempore peccatorum dierum crudiebant nos secundum voluntatem suam, hic ad grammaticam, ille ad fabrilem artem; plerumque ad inostitio. Hic autem Pater spiritus, ad id quod pro certo nolle est, erudit nos per

disciplinam in recipiendo sanctificationem ejus, id est patientiam et cæteras virtutes, positione quarum suos sanctificat. Quia illi possent objicere, dicentes : *Quis potest pati hujusmodi disciplinam, in qua semper mœror, nunquam gaudium?* ipse idem ut solvat objicit sibi, dicens : *Ego quidem commendo vobis patientiam disciplinæ, sed tamen consiteor quod omnis disciplina in præsenti tempore quidem videtur, his qui superficiem rei tantum aspiciunt, non esse gaudium, sed solummodo mœroris.* Mœror enim hic semper est, nunquam gaudium. Nunc solutionem subdit, videtur quidem in præsenti esse mœroris, sed postea, id est in futuro exercitatis per eam disciplinam, non adulterinis extrapositis redet Deus fructum justitiae. Fructum dieo non sicut fructus est mundi, qui nunquam est in tranquillitate, sed fructum paenitissimum, id est in omni quiete possidendum. Propter quod, quia exercitatis per disciplinam adeo fructuosa erit justitia sua, erigite ideo remissas manus, id est operationes charitatis, prius intensas, modo dissolutas. Erigite etiam genua soluta, id est fortitudinem prius habitam, nunc timore disciplinæ resolutam. Ideo per genua soluta, amissionem virtutis significat quia in genibus prius appetet tremor, si fuerint dissoluta; erectio si fuerint conformatata. Erigite genua et facite pedibus, id est affectionibus vestræ fidei, rectos gressus. Primus gressus fidei est, consideri; deinde, si necesse sit, pati: ita rectos facite, ut non erret aliquis vestrum recedens a via fidei, nee saltu sit claudicans in via; posset enim fidem tenere, sane credens, **409** et claudicare in ea, si timeret consideri. Et pro assertione fidei non erret aliquis, sed magis sanetur ab errore, si forte erraverit. Ut autem recti sint gressus vestri, sequimini pacem cum omnibus, etiam cum inimicis. Sequimini etiam sanctimoniam, id est omnem sanctitatem, sine qua pace et sanctimonia nemo videbit Deum.

Quomodo sanctimonia sequenda sit, insinuat, dicens : Sequimini sanctimoniam, contemplantes ne quis vestrum desit gratia Dei; gratia enim Dei parata est vobis, videte ne repellatis eam; contemplantes etiam ne aliqua radix, id est suggestio peccati, Radix dico amaritudinis, licet quidam patent esse dulcedinis, videte, inquam, ne radix hujusmodi impedit vos, germinans sursum, id est prorumpens in actum peccati. Tunc enim suggestio sursum germinat, cum quod male suadet per actum consummat. Vide ne quia radix sic vos impedit, et per istam sursum germinantem inquietantur multi, proniores ad imitationem turpitudinis, quam honestatis. Contemplantes etiam ne quis vestrum sit fornicator aut profanus, cultum Dei deserens, sicut fuit Esau, qui propter unam escam lenticularum vendidit primogenitura sua fratri suo Jacob. De fornicatione Esau non alibi invenimus. Vel si allegoria insistimus, dicamus ita ne sit quis fornicator in cultu Dei. Fornicatores erant qui fidel Christi necessariam esse circumcisionem credebat; aut, ne quis sit profanus, fidem penitus deserens. Ne sitis sicut Esau, putan-

A tes vos iufruuosa poenitentia damnationem evadere, quia scitote hoc de Esau, quod et ante venditionem, et postea cupiens hereditare benedictionem primogeniti, reprobatus est, et si non a patre, tamen a Deo. Vere reprobatus, non enim inuenit locum penitentiae; pœnituit quidem se vendidisse primitiva, sed haec poenitentia locum opportunitatis non habuit, quanquam inquisisset eam penitentiam cum lacrymis. Si enim lacrymaretur constendo peccatum, et puniendo iniquitatem suam, locum haberet ejus poenitentia, sed quia in ipsis lacrymis indignabatur de electione fratris, cogitans interficere fratrem, si posset, ideo locus penitentiae ipsi negatus est. Debet pacem et sanctimoniam sequi. Vide ne amaritudinis radix germet in vobis, etc., quia non accessistis ad legem importabilem et terribilem cam facienti et inutilem, sicut prior lex, sed accessistis ad legem multa facilitate jucundam, ad gratiam adjutricem, ad coelestium reprobationem. Quod diffuse ait sic incipiens : non accessistis ad ignem tractabilem et accessibilem. In datione enim veteris legis ignis fuit corporeus, si pateretur Deus qui posset tractari humanis manibus, et ad quem possibile esset accedere. Nee accessistis ad turbinem, et caliginem, et procellam. Turbo enim, id est ventorum commotio ibi fuit, et tenebrosa caligo et procella. Ventis enim percellentibus se invicem, contusio erat grandinis. Nec ad sonum tubæ, et vocem verborum; clangor enim tubarum et vocalia verba ibidem auditæ sunt, quam vocem Iudei qui audierunt, excusaverunt se, obtendentes fragilitatem suam, ne fieret eis verbum, id est ne Dominus loqueretur eis, sed Moysi, et Moyses illis: ideo sic se excusaverunt quia non portabant, id est non poterant portare illud quod dicebatur eis. Deus ideo in tanta asperitate terroris legem dabat eis, quia sciebat per lenitatem dilectionis nil boni eos operatures, et ideo quasi servos per supplicia cogendos. Præsignabatur etiam in tanta multiplicitate terrorum eos nunquam posse portare legem illam.

Dicitum erat in acceptione legis, quia si bestiæ tigerrit montem illum, in quo dabatur lex, lapidabitur (*Ezod. xix, 12*). Vel secundum quosdam ex iudicio, vel secundum alios ex grandinis confusione. Hæc omnia per oppositam figurabant dationem novæ legis. Nos enim accipiendo gratiam, accessimus ad ignem, id est ad ardorem Spiritus sancti, nec tractabilem, nec accessibilem, sed spiritualem. Sonus tubæ qui **410** fuit ibi, suggestionem significavit, quæ sic ad actum peccati, ut tuba provocat ad bellum. Quanto magis enim Iudeis prohibebatur, tanto ardentius ruebant in vetitum. Ibi iterum fuit turbo, id est commotio suggestionum, actus scilicet peccati. In nova gratia et suggestio, et actus peccati removetur. Ibi iterum fuit procella, id est contusio grandinis, scilicet consuetudo peccandi. Fuit iterum caligo, id est execratio, ex consuetudine peccandi procedens. In gratia ista et consuetudo peccandi remota est et omnis cæcitas illuminata; illi fuit vox

verborum, quam audire potuerunt. Hic inspiratio interius, quam qui prælibat, multo desiderio currit ut comprehendat. Ibi non portabant quod dicebatur. Onus autem hujus leve, et jugum suave est (*Matth.*, xi, 30). Ibi dictum fuit : Si bestia tetigerit montem lapidabitur (*Exod.* xix, 12), quia hic si quis bestialis vitæ, et intellectus posuerit os suum blasphemando in montem, id est in divinitatem, lapidabitur, eontusus potentia deitatis, et eo quod adeo terribile erat quod videbatur, ita dixit ipse Moyses : *Exterritus sum animo, et tremebundus corpore. Ad legem terroris et instilem non accessistis, sed ad Sion, id est ad vitam speculativam. Sion dico montem, id est altitudine virtutum eminentem, et ad civitatem Dei viventis, id est civibus suis vitam æternam dantis, scilicet ad coelestem Hierusalem, et ad frequentiam multorum millium angelorum, ut cum eis in gloria Dei personetis, et ad Ecclesiam primitiorum, id est patriarcharum et prophetarum, qui conscripti sunt senatores in cælis, et ad Deum Patrem omnium judicem, et ad spiritus justorum et perfectorum, id est quos Spiritus sanctus justos facit et perfectos, propter diversitates donorum. Sicut Joannes solet, pluraliter ait Spiritus. Et accessistis ad Jesum datorem Novi Testamenti. Vel ita dicamus ad Dominum omnium, et ad Deum spirituum, id est animalium justorum perfectorum.*

Accessistis etiam ad aspersionem sanguinis, id est ad sanguinem Christi, quo aspersi mundati estis. Sanguinem Christi dico loquentem melius quam sanguinem Abel de quo scriptum est : « Sanguis fratris tui Abel clamat ad me de terra» (*Gen.* iv, 10); ideo melius quia sanguis Abel ultiōnem, sanguis Christi clamat remissionem. Et quia sanguis Christi loquitur pro vobis, videte itaque ne male agendo, recusetis illum loquentem pro vobis quia malo vestro, si recusatis. Si enim illi recusantes eum qui loquebatur super terram, id est Moysen, vel angelum, non effugerunt ultiōnem, multo magis nos non effugiemus qui avertimus Deum loquentem nobis, non de terra, sed de cælis. Vox cuius loquentis, tunc in datione veteris legis terram movit, nunc autem reprobavit in *Aggœo*, dicens : *Adhuc semel; adhuc ideo, quia jam moverat terram, Ego movebo, non solum terram, quam olim movi, sed etiam cælum* (*Agg.* ii, 7), mutabilem eorum transferens in immutabilitatem. Nunc Paulus exponit : *Quod autem dicit propheta adhuc et semel, per adhuc declarat translationem mobilium. Translata enim elementa, de mobilitate sicut immobilia. Translationem dico mobilium tanquam factorum, id est sicut eorum quæ fecit. Qui enim ea de nihilo fecit, facta levius transferre potuit. Semel dicit ut translatione facta eamaneant immobilia, quæ modo sunt mobilia. Et quandoquidem omnia in immobilitatem transferuntur, itaque nos suscipientes regnum immobile, id est nos in immobilibus regnaturi, habemus aliquam gratiam in nobis a Deo præmissam. Nisi enim præcederet in nobis aliqua gratia Dei, non suscipiemur ab*

A eo in immobilitate regnaturi. Vel ita, quia translata manebunt omnia immobilia, itaque nos qui tunc erimus suscipientes regnum illud immobile, habemus aliquam gratiam, per quam placentes Deo serviamus ei, cum metu animi et reverentia, id est timore corporis et exhibitione honoris. Necesse est enī ut serviamus Deo cum metu et reverentia; etenim Deus noster est ignis consumens, id est excoquens 411 omnis peccati rubiginem, et ideo necesse est ut purgatos inveniat non purgandos.

CAPUT XIII.

Charitas fraternalis maneat in vobis, et hospitalitatem nolite oblivisci. Per hanc enim placuerunt quidam angelis hospitio receptis. Mementote vinctorum, tanquam simul vincti, et laborantium, tanquam et ipsi in corpore morantes. Honorabile connubium in omnibus, et torus immaculatus. Fornicatores enim et adulteros judicabit Deus. Sint mores sine avaritia, contenti praesentibus. Ipse enim dixit : Non te deseram, neque derelinquam ita ut considerenter dicamus : Dominus mihi adjutor est, non timebo quid faciat mihi homo. Mementote præpositorum vestrorum, qui vobis locuti sunt verbum Dei ; quorum intuentes exitum conversationis, imitamini fidem. Jesus Christus heri et hodie, ipse et in sæcula. Doctrinis variis et peregrinis nolite abduci. Optimum est enim gratia stabilire cor, non escis, quæ non profuerunt ambulantibus in eis. Habemus altare, de quo edere non habent potestatem qui tabernaculo deserviunt. Quorum enim animalium infertur sanguis pro peccato in sancta per pontificem, horum corpora cremantur extra castra. Propter quod et Jesus ut sanctificaret per suum sanguinem populum, extra portam passus est. Exeamus igitur ad eum extra castra, impropterum ejus portantes. Non enim habemus hic manentem civitatem, sed futuram inquirimus. Per ipsum ergo offeramus hostiam laudis semper Deo, id est fructum labiorum consitentium nomini ejus. Beneficentiae autem et communionis nolite oblivisci. Talibus enim hostiis promeretur Deus. Obedite præpositis vestrīs, et subiacete eis. Ipsi enim pervagilant quasi rationem pro animalibus vestrīs reddituri, ut cum gaudio hoc faciant, et non gementes. Hoc enim non expedit vobis. Orate pro nobis. Considerimus enim quia bonam conscientiam habemus, in omnibus bene volentes conversari. Amplius autem deprecor vos hoc facere, quo clerius restituar vobis. Deus autem pacis, qui eduxit de mortuis Pastorem magnum ovium, in sanguine testamenti aeterni Dominum nostrum Jesum Christum, aptet vos in omni bono, ut faciatis voluntatem ejus, faciens in vobis quod placeat coram se per Jesum Christum, cui est gloria in sæculorum. Amen. Rogo autem vos, fratres, ut sufferatis verbum solatiū. Etenim per paucis scripsi vobis. Congnoscite fratrem vestrū Timotheum dimissum, cum quo si clerius venerit, video vos. Salutate

« omnes præpositos vestros, et omnes sanctos. Sa-
« instant vos de Italia fratres. Gratia cum omnibus
« vobis. Amen. »

EXPOSITIO.

Cum metu et reverentia servite Deo. *Charitas etiam perseveranter maneat in vobis.* Charitas dico *fraternitatis*, quam fraternitas reposcit. Hoc enim quod fratres estis exigit ut vos invicem diligatis; et nolite obliuisci hospitalitatem, quæ est pars charitatis, in qua olim valuistis. Per hoc quod ait, nolite obliuisci, signat eos prius devotos in hospitalitate, nanc remissos esse. Ideo sectanda est hospitalitas, quia per hanc virtutem placuerunt quidam Deo, ut Abraham et Lot, quos Deus inde significavit sibi placuisse, angelis receptionis hospitio. Ideo enim angelos suos immisit, quasi hospites, ut per hoc hospitalitatem gratam sibi esse cognoscerent. Charitas maneat in vobis. *Memento etiam vincitorum*, id est his ministrare, qui in vinculis opprimuntur, tanquam simul vincti, id est memores vos simul esse vinctos, quia si illi in carcere, vos vinci molestia carnis. Vel ita: Mementote vincitorum tanquam simul vincti, id est sicut velleter reminisci vestri, si similiter in vinculis essetis. Mementote etiam laborantium quoconque genere mundanae miseriae tanquam et ipsi laborantes sitis; quod idem ait 4.12 tanquam morantes in corpore. Quicunque enim premitur onere carnis, nunquam expers est æramnae et laboris. Sit etiam in omnibus vobis honorabile conubium; hic removet fornicationem. Et conjugis celebratis sit tornus immaculatus; hic adulterium abdicat. Ideo moneo coanubia, castitatem torti, removendo fornicationem et adulterium, quia Deus judicabit, id est damnabit fornicatores et adulteras; non quod homicidia et reliqua mala judicare non debeat, sed nunc de his duobus tantum sermo erat. *Mores etiam vestri sint sine avaritia*, ut non concupiscatis superflua. Vos dico contenti præsentibus; Dei enim est providere de crastinis. Debetis esse sine avaritia. *Ipsa enim* Deus dixit ad Josue, et per eum ad omnem fidem, O tu Josue, seu quicunque fidelis, ego non deseram te penitus abjectum, neque saltem aliqua hora derelinquam te inadjudatum; Deus hoc dixit ita, ut supra hoc quod prius diximus: nos scilicet contentos esse præsentibus, nunc confiden- D ter dicamus: Dominus est mihi adjutor, et ideo non timebo quid faciat mihi homo, etiam si tollat præsentia.

Mementate etiam præpositorum vestrorum, ut ejus conformemini, qui locuti sunt vobis verbum Dei quorum exitum, id est finem bonum esse intuentes. Existum dico conversationis, id est bona operationis in qua conversantur. Imitamini primum fidem eorum, ut sic bona conversatio et bonus exitus similiter sit in vobis. Dicerent illi: Non possumus perfectionem eorum sequi, quia ipsi, ab ipso Christo edocti, habuere majorem affluentiam gratiae quam nos possumus habere. Ad hoc Paulus: Bene, inquit, imitari potestis; Jesus Christus enim qui fuit heri, quan-

A tum ad illos, hodie etiam est paratus in eodem quantum ad vos; ipse etiam præsens erit in omnia secula sperantibus in se, quibus ait: « Ecce vobiscum sum usque ad consummationem seculi (Matth. xxviii, 20). » Imitamini fidem præpositorum, sequentes doctrinam eorum. Et doctrinis veris, quæ nunc unum nunc aliud asserunt, et peregrinis, id est extraneis aliunde quam a nobis procedentibus; his, inquam, doctrinis nolite abducere ab eo quod a nobis accepistis. Erant enim quidam seductores, qui dogmatizabant, ex eo quod Paulus omnes cibos mundos esse et sanctificatos a Deo dixerat, ut quanto magis ingurgitarent ventrem opulentia escarum, tanto magis essent grati Deo, qui omnes cibos sanctificaverat ad edendum. Inde ait: Nolite hujusmodi doctrinis abducere, quia optimum est, non corpus, sed cor stabiliri et confirmari gratia, id est ex libertate quam Deus intulit nobis in usu omnium, quam stabiliri esca, id est multiplicatione voluptatis, quæ escae non profuerunt ambulantibus in voluptatibus, et supra modum locum dantibus eis. Escis utique non debemus cor stabilire, quia habemus altare, id est corpus Christi, quod in altari consecratur; supra quod principatum a nobis vota et orationes Deo offerimus. De quo altari, id est corpore Christi non habent potestatem edere quicunque deseruerint tabernaculo, id est corporis voluptatibus; sic enim ad horam mansuri sumus in corpore, sicut milia in tabernaculo militari. Probat duplice auctoritate veteris primum, deinde novæ legis, eundem sensum in utraque colligens auctoritatem quod promisit, dicens: Vere qui deseruiunt tabernaculo voluptatis, non habent facultatem edere de hoc altari, qui non sunt extra castra, id est quia secundum dimissiones voluntatum non exeunt corpora sua. Quod ita ait: *Lorm animalium quorum sanguis infertur per pontificem in Sancta sanctorum pro peccatis populi delendo*, et hoc semel in anno. *Horum animalium corpora cremantur extra castra.* Mes erat (sicut saepe sumus) ut pontifex legalis semel in anno sanguinem inferret in Sancta sanctorum. Hic autem sanguis, assumebatur de 4.13 animalibus, extra castra crematis. Pontifex autem ille Christus est, qui pro peccato omnium delendo sanguinem suum in cruce fusum intulit in Sancta sanctorum. Quod autem illud animal cremebatur ut cinis fieret, signum erat contritionis Christi, quam sustinuit, cinis cuius, id est memoria passionis debet aspergi super capita, id est in mentibus singulorum. Quid extra castra cremebatur, significabat omnem volenter mundari oportere, ut exeat extra castra id est carnales voluptates.

Nunc subjungit Novi Testamenti auctoritatem idem cum Veteri sentientem dicens: Præpter quod comprobandum scilicet, quod qui tabernaculo deserviunt, non habent edere de hoc altari, vel propter quod præfiguratum in Veteri, nunc implendum. *Jesus etiam passus est extra portam*, significans participantes altari suo debore fieri extra portam, id est

Aest extra sensus voluptatis. Sensus enim portae sunt animæ, quia per oculos ducitur ad concupiscentium quod videt, et sic per cæteros sensus. Jesus passus est extra portam, ideo ut per proprium sanguinem sanctificaret populum. Quia Jesus extra portam passus est, igitur exeamus ad eum, positi extra castra, id est extra voluptates tabernaculi; nec hoc solum, sed etiam portantes (si necesse fuerit) improperium ejus, id est mortem crucis. Et utique sic debemus exire, quia etiam si volumus hic manere, non habemus hic manentem civitatem, sed inquirimus futuram, id est æternam. Et quandoquidem futuram inquirimus, ergo ut apprehendamus eam, offeramus per ipsum Jesum hostias laudis, id est laudes non minus quam hostiae promerentes Deo, et hoc semper. Et quod dico hostias laudis, est dicere: Offeramus fructum labiorum. Per labiorum facilitatem, per fructum designat utilitatem. Labiorum dico confitentium nomini, id est gloriae ejus. Offeramus laudes. Beneficentie autem, id est largitatis eleemosynarum et communionis (posquam non propria, sed communia dicebatis) nolite obliuisci. Nec debetis obliuisci, quia talibus hostiis, id est per beneficentiam et communionem. Deus promeretur in passiva significatione. Ut autem horum memores sitis, obedite præpositis vestris, qui perfecti sunt, et bene vos instruant, et subjaceite eis, id est obedite, ut omnem subjectionem verbo et opere exhibeatis illis. Debetis utique subjacere eis, quia ipsi pervigilant pro vobis, quasi illi qui reddituri sunt rationes pro animabus vestris, sibi commissis. Et ideo sic subjacete eis, ut faciant hæc, id est pervaigilant pro vobis cum gaudio, et non gementes, pro duritia et intemperantia vestra. Dico non gementes; non enim expedit vobis hoc, ut eos gemere faciat. Obedite præpositis et orate pro nobis. Dicerent illi: Tu gentem nostram et ritus nostros persequeris, et quomodo dicis, orate pro nobis? Ad hoc Paulus: Orare pro nobis debetis. Nos enim confidimus, id est confidenter vobis dicimus quod habemus bonam conscientiam in omnibus, id est ad omnes volentes bene conversari ad illos. Ubi autem conscientia pura est, et opus mundum est, ne ergo molesti sitis mihi.

BDixit superius orate pro nobis; nunc autem deprecor vos amplius hac facere, id est orare pro nobis instantius, quo, id est eo ut restituas vobis celerius, deferens mecum fructus eleemosynarum, si forte solvar a vinculis. Dico orate pro nobis, ego autem sic oro pro vobis. Deus pacis aptet vos in omni bono, qui Deus edusit Dominum nostrum JESUM CHRISTUM de mortais, id est a numero mortuorum. JESUM dico Pastorem magnum, id est super omnia magnificatum. Pastorem dico non luporum, sed ovium, id est mansuetorum. Pastorem dico factum in sanguine, id est per oblationem sanguinis sui. Sanguinem dico confirmatorem testamenti æterni, id est in æternum duraturi. Hic, inquam, Deus aptet vos in omni bono. Aptatoz eos intelligit, si bona voluntas in eis fuerit. Aptet ita, ut faciat voluntatem ejus Dei, nec viribus vestris, sed its faciatis **A 14** ut ipse sit faciens in vobis hoc quod placeat coram se, id est in beneplacito ejus, faciens dico per JESUM CHRISTUM, qui est gloria in sacula saeculorum. Amen. Quia aliquantulum asperius correxerat illos, nunc blanditur eis, ne moveantur visa asperitate verborum, dicens: Deus sic aptet vos, ego autem, fratres, rogo vos, ut hoc verbum non reprehensionis (ut forte aliqui de vobis existimant), sed Epistolam solatii sufferatis, id est in omni patientia suscipiatis. Et potestis satis sufferre, quia scripsi vobis per paucis. Hic significat eos impatiens, quibus multo plura scripsisset, si patienter audituros cognosceret. Sufferte verbum et fratrem vestrum Timotheum a me dimissum ad vos, vel a vinculis quibus ligatus mecum erat, nunc dimissum. Eum, inquam, delatorem hujus Epistolæ, cognoscite, id est honorifice et cum omni charitate suscipite, cum quo ridebo vos, sicut autumo, si celerius revertens a vobis, venerit ad me. Salutate omnes præpositos vestros. Ipsi enim, quia perfecti erant, non scribebat Epistolam, sed quibusdam subditorum incorrectis. Salutate etiam omnes sanctos in Ecclesia vestra. Erant enim quidam subditorum perfecti, quibus similiter non scribebat. Salutant vos fratres de Italia. Gratia Dei cum omnibus vobis. Amen. Signum Pauli quod Epistola ipsius esset.

EPISTOLA B. PAULI AD LAODICENSES,

Nuper in antiqua bibliotheca inventa:

Sed quia inter catholicas vulgo non legitur, non est a B. Brunone elucidata.

Paulus, apostolus non ab hominibus, neque per hominem, sed per JESUM CHRISTUM, fratibus qui sunt LAODICÆ. Gratia vobis et pax a DEO Patre nostro et DOMINO IESU CHRISTO. Gratias ago Christo per omnem orationem meam, eo quod permanentes estis in eo, et perseverantes in operibus bonis, promissum expectantes in die iudicii. Neque destituant vos querundam vaniloquia insinuantum, ut vos arcant a

D veritate Evangelii, quod a me prædicatur. Et nunc faciet Deus ut qui sunt ex me ad prospectum veritatis Evangelii, desercentes sint, et facientes benignitates operum quæ sunt salutis vitæ æternæ. Et nunc palam sunt vincula mea, quæ patior in Christo, quibus lætor et gaudeo, et hoc mihi factum est ad salutem perpetuam, quod ipsum factum orationibus vestris, et administrante Spiritu sancto, sive per ritum, sive per

mortem. Est enim mihi vivere, vita in Christo, et mori gaudium (vel lucrum). Et ipse in vobis faciet misericordiam suam, ut eamdem dilectionem habeatis et satis unanimes. Ergo, dilectissimi, ut audistis praesentiam Domini, ita retinete et facile in timore Dei, et erit vobis vita in aeternum. Est enim Deus qui operatur in vobis, et facile sine retractu vel peccato quaecunque facitis. Et quod est optimum, dilectissimi, gaudete in Christo, et praeceavete sordidos omnes in

A lucro. Omnes sint petitiones vestrae palam apud Deum, et estoate firmi in sensu Christi, et qua integra, et vera, et pudica, et casta, et justa, et amabilia sunt, facite. Et qua audistis et accepistis, in corde retinet, et erit vobis pax. Salutare omnes fratres in osculo sancto. Salutant vos sancti omnes. Gratia Domini nostri Iesu Christi cum spiritu vestro. Et hanc sente legi Colossensibus, et Colossensium vobis.

PINIS EPISTOLARUM B. PAULI APOSTOLI.

415 HECATOSTICHON APOLOGETICUM D. JACOBI HIERONYMI

CARTHUSIÆ PARISIENSIS ALUMNI,

Quo Phrasin B. BRUNONIS, quæ nasutis humilior. videatur a calumpnia defendit, et sententiârum pondera lance justa appendit.

Quis novus harmonico mulcens stridore lyristes
Allobrogum longi saxa nivosa jugi
Transiliens colles, saliens in montibus? O quam
Per coelum auritas omne moratur aves,
Ore senem, cultu macieque professus erenum,
Et nihil agresti pectine agreste sonans!
Frons erecta polo est, pedibus calcantur honores,
Septenam in capitib; vertice sidus inest.
Deliciis mollique toro nemo arguet usum,
Nec quidquam a studiis et pietate vacans.
Non aurum digiti, nec habet lyra dia smaragdos,
Nec fucum allophylum sancta camena petit.
Nec sibi calvitiem sacra veridicentia texit,
Nec calami stratas capitab; ab arte comas.
Alter an Amphion, reredivus an inclitus Orpheus,
Illecebrae nervis surda elementa trahens,
Restituens sensum, quibus hunc natura negavit?
An lyra naturæ robore majus habet?
Oppida jam putent inculta, arridet eremus.
Dum fremit armorum turbine mundus hebes.
Dum tam grata canunt superis epinicea silvae,
Angelicisque opplent invia lustra choris,
Militet ut sancto iam omnis doctrina parenti
Spiritui, vertens signa aquilina cruci.
O videam charites Christo connubia pactas,
Atque eadem castas foedera Castalides.
Inno adeo cunctas deserto Helicone videbo,
Deserti fabricam jamque levare novi.
Alternum miscere melos sub nomine Christi,
Per templum bimidis e regione choris.
Nec tacitis cellis deerit symphonia psallens
Spiritu, et alternæ lectio juncta preci.
Hiccine Carthusi, Bruno, caput ordinis, olim
Clarum agiographiæ nomen in orbe gerens,
Quo schola Francorum nequaquam invidit Athenis,
Rostraque Romano nil theodoxa foro?
Ecce movet citharas, et naula propheta duxit
Ordinis, et vitæ consona plectra suæ.
Exemplum signumque suis illustre reliquit
Vivere, et æthereo Principe digna loqui.
Compellare virum propriusque audire juvabit.
Nempe (nisi auditu fallor) et ipse vocat.

B Affluite, errantes (ait) atque audite, tenelli,
Cum lyrico Domini rege docebo metum.
Ille ego qui malens in honoro honoribus illuc
Cedere, quo puppim numinis aura vocat.
Parisii mundo profugum quem per pulit horror
416 Funeris, ut coeli hæc septimus astra separar.
Astra dedere viam, divi arrisere tot esse
Millia, sic hamis illaqueanda meis.
His agor auspiciis. Ceu vox clamantis eremo,
Pertæsi mundum sterno Tonantis iter.
Baptistæ reparando yias disjectaque membra,
Castra monoptolemis singula condo meis.
Deserto deserta placet Carthusia Christo,
Tuscalæ cui laudum nocte dieque calent.
Invia Psalmologi deserta inaquosaque terra est,
Qua pateat virtus gloriaque alma Dei.
Unde columbinis avide latera instruit alis,
Discipulis eadem tribus hæc in monte refusit
Gloria, quo fieri vult tria castra Petrus.
Cernere Zacchæus per turbam nescit Jesum:
Cui, Turba opprimeris, discipulique canunt;
Sic, mouache, infesti fugiens contraria mundi,
Naviter effectum nominis hujus habe.
Hasce igitur partes mihi delegavit Jesus,
Asperula in planas sternere lustra vias.
Læviget ut Christo rigidos citharædia saltus:
Militia tollens hic nova signa piaz.
Nulla Madaurensis Milesia habemus aselli.
D Nulla Lycambææ conscientia tela necis.
Semina divinæ mihi sunt uberrima flammæ,
Devoto nihil est dignius otiolo.
Exuro, gelido exurgere cogo jacentes;
Et nunc illecebras, nunc quoque vim facio.
Nunc lyra Davidis, nunc Pauli buccina pleuo
Ore quidem hæc, digitis concrepat illa meis.
Hæc, Carthuse, tibi ratio est præscripta silendi;
Ut, claudens homini labra, loquare Deo.
Quippe ad eum, Paulo aut Davide interprete, fari est
Et jactura tuum nulla silere quatit.
Nec Latiae offendat linguae neglectior usus,
Dictio si tritæ est corporis aqua tegor.